

Komi-Zyrian IBT Version

Language:
Country:
Publisher:
Copyright:
Last Updated: 2023-10-20
ID: d1df1f60-21f8-4304-8531-1497afc8f75f
ISO: kpv
ISBN:

Матвей.....	4
Марк.....	26
Лука.....	40
Иоан.....	64
Ап.уджъяс	83
Римö.....	107
1 Коринфö.....	117
2 Коринфö.....	127
Галатияö.....	134
Ефесö	138
Филипö.....	142
Колосö	145
1 Фессалоникаö	148
2 Фессалоникаö	151
1 Тимофейлы.....	153
2 Тимофейлы.....	156
Титлы	158
Филимонлы	160
Еврейяслы	161
Яков.....	169
1 Петыр.....	172
2 Петыр.....	175
1 Иоан.....	177
2 Иоан.....	180
3 Иоан.....	181
Иуда	182
Восьтöм	183

Матвей

1 Исус Крестослөн ордпуыс петё Өвраамсянь, сэсся Давидсянь. Сылөн чужанвужйыс татшом:
 2 Өвраамлөн чужома Исаак, Исааклөн – Яков, Яковлөн чужомаось Иуда да сылөн вокъясыс.
 3 Иудалөн чужомаось Фарес да Зарей, налөн мамныс вөлөма Фамар. Фареслөн чужома Есром, Есромлөн – Арам, 4 Арамлөн – Аминадав, Аминадавлөн – Наассон, Наассонлөн – Салмон.
 5 Салмонлөн чужома Вооз, сылөн мамыс вөлөма Ракав. Воозлөн чужома Овид, сылөн мамыс вөлөма Руфа. Овидлөн чужома Ессей, 6 Ессейлөн чужома Давид оксы. Давид оксылөн чужома Соломон, сылөн мамыс вөлөма Урийлөн гөтыр.
 7 Соломонлөн чужома Ровоам, Ровоамлөн – Авей, Авейлөн – Аса, 8 Асалөн – Иосафат, Иосафатлөн – Иорам, Иорамлөн – Озей. 9 Озейлөн чужома Иоафам, Иоафамлөн – Аказ, Аказлөн – Езекей.
 10 Езекейлөн чужома Манассей, Манассейлөн – Амон, Амонлөн – Иосей. 11 Иосейлөн чужома Иоаким, Иоакимлөн чужомаось Еконея да сылөн вокъясыс. Тайё вөлөма Израиль войтырөс Вавилон муё вөтлытөдз на. 12 Вавилонё вөтлөм бөрын Еконеялөн чужома Салафил, Салафиллөн – Зоровавель, 13 Зоровавельлөн – Авиуд, Авиудлөн – Елиаким, Елиакимлөн – Азор. 14 Азорлөн чужома Садок, Садоклөн – Аким, Акимлөн – Елиуд, 15 Елиудлөн – Елеазар, Елеазарлөн – Матфан, Матфанлөн – Яков. 16 Яковлөн чужис Өсип. Сылөн Мария гөтырыс чужтис Исусос, кодос шуисны Крестосон. 17 Тадзи Өвраамсянь Давидөдз ставнас вөлі дас нель чужанвуж. Вавилонё вөтлытөдз Давидсянь дас нель чужанвуж. Вавилонё вөтлөмсянь Крестосөдз бара дас нель чужанвуж.
 18 Исус Крестос чужис тадзи. Исуслөн Мария мамыс вөлі кикүтөма Өсипкөд. Өтлаасьтөдзныс на төдмалісны Мариялөн Вежа Ловсянь сьөктөм йылысь. 19 Өсип вөлі веськыда олысь морт. Сійё эз косьи йёзөдны Марияос, та вөсна шуис гусьон лэдзны сійөс. 20 Кор Өсип мөвпаліс тадзи, Господьлөн андел петкөдчис сылы вөтас да шуис: «Өсип, Давид пи, эн пов босьтны Мариятө гөтырө. Сьөлөм улас сылөн кагаыс Вежа Ловсянь.
 21 Марияыд ваяс пи, пуктан Сылы Исус ним, Сійё мездас Ассыыс войтырсө мыжъясыыныс». 22 Ставыс тадзи артмис, медым иніс пророк пыр Господьлөн

шуөмыс: 23 – Ныв сьөктас, сэсся пи чужтас. Эммануил ним Сылы пуктасны. Нимыс висьталө: миянкөд Ен. 24 Садьмөм бөрас Өсип вөчис Господьлөн андел тшөктөм серти: босьтис Марияос гөтырө, 25 но эз инмөдчыв сы динө. Мария чужтис пи, ассыыс медводдза кагасө, и Өсип пуктис Сылы Исус ним.

2 Исус чужис Юдея муын, Виплием карын, Ирөд оксы веськөдлан кадө. Исуслөн чужөм мысти асыввылысь Ерусалим карө воисны кодзув төдысьяс. 2 Найё юалісны: «Көні юдейяслөн пузчужөм оксыыс? Асыввылысь ми аддзылім Сылысь кодзувсө да локтім Сылы копыртчывны». 3 Тайөс кылөмысь Ирөд оксы инас эз кут өшйыны, шызис тшөтш дзоньнас Ерусалим карыс. 4 Ирөд корис архирейясөс Индөдө велөдысьяскөд да юаліс налысь: «Көні Крестос чужас?» 5 Найё вочавидзисны: «Юдея муын, Виплием карын. Тадзи пророклөн гижөма: 6 – Тэ, Иуда муын Виплием кар, Иудалөн мукөд юрнуөдан каръясысь абу ичөтджык. Тэнад карысь буретш юралысь петас, Менсьым ыжъясөс, Израиль войтырөс, Сійө видзны кутас». 7 Төдысьясөс ас дінас гусьон корөмөн Ирөд юаліс налысь кодзув петан кадсө. 8 Сэсся мөдөдіс найөс Виплиемө да шуис: «Ветлөй, кага йывсьыс ставсө төдмалөй. Кагасө аддзөм бөрын юөртөй меным, ме тшөтш вола копыртчывны Сылы». 9 Оксылөн шуөм бөрын төдысьяс петісны туйө. Асыввылысь аддзылөм кодзулыс кывтис на водзвылын. Сэсся сійө сувтис буретш сэтчө, көні вөлі кагаыс. 10 Кодзув аддзөмысь төдысьяслы лои зэв нимкодь. 11 Керкаө пырөм бөрын найө аддзисны кагаос Мария мамыскөд. Пидзөс выланыс уськөдчөмөн найө копыртчылісны кагалы да сетісны Сылы дона козиньяс: зарни, ладан да смирна. 12 Узиганыс Ен өлөдіс төдысьясөс Ирөд динө бөр мунөмысь, та вөсна найө мөдісны ас муаныс мөд туйөд. 13 Төдысьяслөн мунөм бөрын Господьлөн андел петкөдчис Өсиплы вөтас да шуис: «Чеччы, босьт кагатө мамыскөд да пышйы Египет муө, ов сәні менам шутөдз. Ирөд кутас корсьны кагатө, мед вины Сійөс». 14 Өсип садьмис, босьтис кагасө мамыскөд да войнас мөдөдчис Египет муө. 15 Сәні сійө оліс Ирөд кувтөдз. Тадзи иніс пророк пыр Господьлөн шуөмыс: «Египет муысь Ме кори Пиос».

¹⁶ Ирөд төдмаліс төдысьяслысь ылөдлөмсө да Һна скөрмис таысь. Сійө мөдөдіс шыпуртаясөс, тшөктіс вины Виплием карысь да сы гөгөрысь кык арөса да ичөтджык став пи кагасө, төдысьясынь төдмалөм кадө чужөмаясөс. ¹⁷ Тадзи иніс Еремей пророклөн шуөмыс: ¹⁸ – Рама карын ырзөм-бөрдөм кылө. Рапель аслас ныв-пи вөсна бөрдө, оз көйы ланьтны бөрдөмсьыс, өд найө абуөсь нин. ¹⁹ Ирөд кулөм бөрын Египет муын Господьлөн андел петкөдчис Осиплы вөтас ²⁰ да шуис: «Чеччы, босьт кагатө мамыскөд да бөр мун Израиль муө. Кагатө вины көйысьяс абу нин ловьяөсь». ²¹ Осип чеччис, босьтис кагасө мамыскөд да муніс Израиль муө. ²² Сэки Юдея муын веськөдліс Ирөд өксылөн Аркалай пиыс. Тайөс кывлөм бөрын Осип повзис сэтчө мунөмысь. Сэки вөтас сылы вөлі шуөма мунны Галилея муө. ²³ Сэтчө воөм бөрын Осип овмөдчис Назарет карө. Тадзи иніс пророкьяс пыр шуөмыс: «Назаретсаөн Сійөс шуасны».

3 Сійө кадө локтіс Пыртысь Иоан да юөртис Юдея овтөминын: ² «Бергөдчөй мыжъяссыныд! Енэжыв Юралөмыс матын нин». ³ Иоан йылысь Исай пророк висьтавлөма тадзи: – Овтөминын кылө горзсыслөн шы: «Лөсьөдөй туйсө Господьлы, веськөдөй-шьльөдөй ордымьяс Сылы!» ⁴ Иоан новліс верблюд гөнысь кыөм паськөм да коскас кучик тасма, сөйліс чирк да видзвыв ма. ⁵ Сы динө локтіс уна йөз Ерусалим карысь, Юдея му пасьталаысь да Йөрдан ю пөлөнысь. ⁶ Асланыс мыжъясысь висьтасөм бөрын Иоан пыртіс йөзсө Йөрдан юын. ⁷ Уна фарисей да саддукей локтісны Иоан динө пыртчыны. Иоан аддзис найөс да шуис: «Вижля йылөм! Коді туйдөдіс тіянөс пышйыны локтана скөрлунысь?» ⁸ Олөмнад петкөдлөй мыжъяссыныд бергөдчөмнытө. ⁹ Энө лысьтөй мөвпавны, мый тіян батындыд Овраам. Висьтала тіянлы: тайө изьясысь Ен вермө вөчны Овраамлы ныв-писө. ¹⁰ Черыс пу вужйыс дорын нин куйлө. Пуыс кө оз вай бур вөтөс, сійөс кералөны да шыбитөны биө. ¹¹ Ме пырта тіянөс ваөн. Тайө петкөдлас мыжъяссыныд бергөдчөмнытө. Ме бөрын Локтысьыс ме дорысь вынаджык, ме ог шогмы пөрччөдны Сылысь көмсө. Сійө пыртас тіянөс Вежа Лолөн да биөн. ¹² Сы кыын төлөдчан зырйыс. Сійө весалас гумласө: шобдісө йөртөдө чукөртас, кыдсө куслытөм биын сотас». ¹³ Сэки Исус локтіс Галилеяысь Йөрдан ю дорө, мед Иоан пыртас Сійөс. ¹⁴ Иоан өлөдіг шуис: «Тэ-ө локтан ме динө? Тэныд колө менө пыртнысө!» ¹⁵ Исус шуис: «Эн сувт паныд. Миянлы колө вөчны веськыдлуныс серти». Сэки Иоан пыртіс Сійөс. ¹⁶ Пыртчөм бөрас Исус петіс васыс. Сэки енэжыс воссис, и Исус аддзис: Енлөн Лолыс гулю моз

лэччис Сы вылө. ¹⁷ Енэжянь кыліс гөлөс шы: «Тайө Менам муса Пиөй, Ме нимкодяся Сыөн».

4 Та бөрын Лов нуөдіс Исусөс овтөминө, медым омөльыс ыштөдіс Сійөс. ² Нелямын лун да нелямын вой видзалөм бөрын Исуслөн кынөмыс сьуммис. ³ Сэки Сы динө локтіс ыштөдысь да шуис: «Тэ кө Ен Пи, пөрт тайө изьяссө няньө». ⁴ Исус воча шуис: «Гижөма: "Оз куш няньөн мортыд ов, а Енсянь быд шуөм кывйөн"». ⁵ Сэсся омөль нуөдіс Исусөс вежа карө, сувтөдіс Сійөс крам вевт вылө ⁶ да шуис: «Тэ кө Ен Пи, шыбитчы увлань. Оөд гижөма: "Аслас андельяслы Сійө тшөктө видзны Тэнө. Найө нуасны Тэнө ки выланыс, видзасны изйө крукасьөмысь"». ⁷ Исус воча шуис: «Гижөма тшөтш: "Эн дөзмөд ассьыд Господь Ентө!"» ⁸ Омөль бара вайөдіс Исусөс зэв джуджыд керөс йылө да петкөдліс Сылы таладор югыдсьыс став мусө, налысь мичлун-озырлунсө. ⁹ Сэсся шуис: «Ставсө тайөс сета Тэныд, копыртчылан кө меным». ¹⁰ Исус шуис сылы: «Вешйы Ме дінысь, сөтана! Гижөма: "Аслад Господь Енлы копрась да сөмын Сылы кесьяв"». ¹¹ Сэки омөль энөвтис Исусөс. Сэсся воисны андельяс да кесьялісны Исуслы. ¹² Кор Исус төдмаліс Иоанөс дзескыдинө пуксьөдөм йылысь, муніс Галилеяө. ¹³ Сійө колис Назарет карсө да овмөдчис тыдорса Капернаум карө, Завулон да Неффалим муө. ¹⁴ Тадзи иніс Исай пророклөн шуөмыс: ¹⁵ – Завулон му, Неффалим му, саридз туй вылын, Йөрдан ю сайын мукөд войтыра Галилея му! ¹⁶ Пемыдын олысь войтыр яр биа югыд аддзис. Кулан вуджөр улын олысьяслы югыд кыа петіс. ¹⁷ Тайө кадсянь Исус пондіс юөртны-висьтавлыны: «Бергөдчөй мыжъяссыныд! Енэжыв Юралөмыс матын нин». ¹⁸ Галилея ты пөлөн мунігөн Исус аддзис кык вокөс: Симонөс, кодөс нимтісны Петырөн, да сылысь Оөдрей воксө. Найө вөліны чери кыйысьяс. Кык вок буретш вөйтасисны ты вылын. ¹⁹ Исус шуис налы: «Локтөй Ме бөрся. Ме вөча тіянысь морт кыйысьясөс». ²⁰ Кык вок дзык пыр энөвтисны тывьяснысө да мунісны Исус бөрся. ²¹ Исус муніс водзө да аддзис пыжысь мөд кык вокөс: Яковөс да Иоанөс. Зеведей батынскөд найө дзоньталісны тывьяс. Исус чукөстіс вокьясөс. ²² Найө дзык пыр колисны пыжсө, батынсьө да мунісны Исус бөрся. ²³ Исус ветлөдліс Галилея му пасьтала. Сійө велөдіс синагогаясын, висьтавліс Ен Юралөм йылысь Евангелльө да бурдөдаліс йөзөс быд висьөм-доймөмысь. ²⁴ Сы йылысь юөрыс разаліс Сирия му пасьтала. Исус динө вайөдлісны быдсикас висьысьөс-вермытөмөс, пөж лолөн кутөмаясөс, шыблалан висьөмөн висьысьясөс, кикөксө вөрзөдны вермытөмьясөс. Сійө быдөнөс бурдөдіс. ²⁵ Исус бөрся муніс зэв уна йөз

Галилеясы, Даскарысы, Юдеясы, Ерусалим карысы да Йордан ю сайысы.

5 Уна йёзос аддзём бёрын Исус кайис керёсө да пуксис. Сы динё матыстчисны велёдчысыя. ² Исус пондїс велөдны: ³ «Шудаоьс ловныслы корысыя, өд налөн эм Енэжвыв Юралөм. ⁴ Шудаоьс шогсысыя, өд найөс шогсыы пальөдасны. ⁵ Шудаоьс рамъяс, өд налы вуджас көйсысьөм муыс. ⁶ Шудаоьс веськыдлуннас пөткөдчыны көйсысыя, өд найөс пөткөдасны. ⁷ Шудаоьс бур сьөлөмаяс, өд налы бур сьөлөмянь вөчасны. ⁸ Шудаоьс сөстөм сьөлөмаяс, өд найө Енмөс аддзасны. ⁹ Шудаоьс йёзос бурөдысыя, өд найөс Енлөн ныв-пиён шуасны. ¹⁰ Шудаоьс веськыдлун вөсна вөтлөмаяс, өд налөн эм Енэжвыв Юралөм. ¹¹ Ті шудаоьс, Ме вөсна кө тиянөс лөкөдөны, вөтлөны да быдногыс омөльтөны-суклялөны. ¹² Долада нимкодясьөй, өд ыджыд тырдон виччысьө тиянөс енэжас. Тадзи вөйдөр тшөтш вөтлісны пророкъясө». ¹³ «Ті муюгыдыслы сов. Солыс кө воштас ассыыс вынсө, кыдзи сійөс бөр соланас вөчан? Сэки сійө нинөм вылө оз шогмы, сійөс сөмын койыштөны ветлысыяс кок улө. ¹⁴ Ті йөзыслы югыд. Керөсын сулалыс кар оз вермы саявны. ¹⁵ Öзтөм битө оз пуктыны доз улө, сійөс пуктөны бикок вылө. Сэки керкаын югыдыс быдлаө веськалө. ¹⁶ Тадзи мед югдөдас тиян югыдныд, медым йөзыс аддзасны тиянлыс бур вөчөмнытө да ошкасны енэжвыв Батьнытө». ¹⁷ «Ті чайтанныд, Ме локті бырөдны Индөдсө да пророк гижөдъяс? Энө мөвпалөй тадзи. Ме эг лок бырөдны, а локті олөмө пөртны. ¹⁸ Веськыда висьтала тиянлы: енэжыс да муыс быртөдз да ставыс збыльмытөдз весиг өти ичөт шыпас да чуттор оз вош Индөдыс. ¹⁹ Коді торкас Ен тшөктөмъясыс весиг өти ичөттөр да велөдас тадзи вөчны мукөдөс, Енэжвыв Юраланінын сійөс медічөтө пуктасны. Коді олас тшөктөмъясыс серти да велөдас тадзи овны мукөдөс, Енэжвыв Юраланінын сійөс ыджыд мортө пуктасны. ²⁰ Висьтала тиянлы: тиян веськыда олөмныд кө оз ло Индөдө велөдысыяслөн да фарисейяслөн дорыс бурджык, Енэжвыв Юраланіно онө пырөй». ²¹ «Ті кывлінныд, важ йөзлы вөлі шуөма: "Эн ви", и нөшта шуөма: "Виысьөс мыждасны". ²² Ме шуа тиянлы: коді лөгалө вокыс вылө нинөм абусыыс, сійөс мыждасны. Коді вокыслы шуас: "Тэ бөб", сійөс вылыс өрд мыждас. Коді йөйөн шуас, сійө куслытөм биө веськалас. ²³ Сетантортө вайигад кө висьпуктанін дорын төд вылад усяс, мый вокыд лөгалө тэ вылө, ²⁴ сэки коль висьпуктанін дорө сетантортө. Мун, водзджык бурась вокыдкөд, сэссия лок да пукты висьпуктаніно сетантортө. ²⁵ Тэнө мыжалыскөд бурась өдйөдджык, өрдө вөтөдз на. Он кө вөч тадзи, сійө сетас тэнө

ёрдысылы, ёрдыс сетас тэнө видзысылы, сэссия тэнө йөртасны дзескыдинө. ²⁶ Веськыда висьтала тэныд: бөръя сьөмтө сеттөдз он пет сэтысы». ²⁷ «Ті кывлінныд, важ йөзлы вөлі шуөма: "Гозъя олөмтө эн пежав!" ²⁸ Ме шуа тиянлы: ань вылө ыштөмөн видзөдыс сьөлөмас гозъя олөмсө пежаліс нин. ²⁹ Веськыд синмыд кө ыштөдө тэнө, перйы сійөс да шыбит. Бурджык син пөвтө воштыны вир-яйтө дзоньнас куслытөм биө шыбитөм дорыс. ³⁰ Веськыд кийд кө ыштөдө тэнө, керышт сійөс да шыбит. Бурджык ки пөвтө воштыны вир-яйтө дзоньнас куслытөм биө шыбитөм дорыс. ³¹ Нөшта шуөма: "Гөтырсө эновтыс мед сетас сылы торйөдчан гижөд". ³² Ме шуа тиянлы: верөсыс кө эновтө гөтырсө, а гөтырыс оз кырсава, сійө сетө помка гөтырыслы пежавны гозъя олөмсө. Юксьөм аньөс гөтырө босьтыс тшөтш пежалө». ³³ «Ті кывлінныд, важ йөзлы вөлі шуөма: "Сетөм кывтө эн торк! Господь водзын сетөм кывтө кут!" ³⁴ Шуа тиянлы: кив сеттөг ов! Эн сет кывтө енэж водзын – сійө Енлөн пукаланіныс. ³⁵ Эн сет кывтө му водзын – сійө Енлөн кок улыс. Эн сет кывтө Ерусалим кар водзын – сійө ыджыд Öксылөн кар. ³⁶ Аслад юрөн эн көйсысы, өд тэ весиг өти юрси сі он вермы пөртны еджыдө либө сьөдө. ³⁷ Тиян "да"-ныд мед лоө сөмын "да", тиян "ог"-ныд мед лоө сөмын "ог", а содтөд кывъясыс – омөльсяньыс». ³⁸ «Ті кывлінныд, вөлі шуөма: "Син понда син, пинь понда пинь". ³⁹ Ме шуа тиянлы: тэныд лөксө вөчысылы паныд эн сувт. Веськыд банад кө кучкасны, лөсьөд шуйгасө. ⁴⁰ Зильө кө кодкө өрд пыр дөрөмтө босьтны, сет сылы тшөтш вылыс паськөмтө. ⁴¹ Тшөктө кө кодкө мунны ськөд өти верст, мун ськөд кыкөс. ⁴² Тэнсьыд корысылы сет, водзөсөн босьтысьөс эн вөтлы». ⁴³ «Ті кывлінныд, вөлі шуөма: "Радейт матыссатө да мустөмт тэныд паныд мунысьөс". ⁴⁴ Ме шуа тиянлы: радейтөй тиянлы паныд мунысыясөс, бурсийөй тиянөс ёрысыясөс, бурсө вөчөй тиянөс мустөмтысыяслы, кевмысьөй тиянөс өтдортысыяс да вөтлысыяс вөсна. ⁴⁵ Сэки лоанныд енэжвыв Батьныдлы ныв-пиён. Сійө тшөктө шондйыслы өтмоза шонтыны лөк да бур йөзөс, сетө зэрсө веськыда да лөк нога олысыяслы. ⁴⁶ Радейтанныд кө тиянөс радейтысыясөс, мыйыс удждонсө виччысянныд? Оз өмөй тадзи вөчны тшөтш вот перйысыяс? ⁴⁷ Ті кө чолөмаланныд-сибөданныд сөмын вокъяснытө, ті өмөй бурджыка вөчанныд? Оз өмөй тадзи вөчны тшөтш ентөдтөмъяс? ⁴⁸ Лоөй енэжвыв Батьныд моз тырвыйө бурөсь».

6 «Видзчысьөй, тиян бур вөчөмныд мед оз ло йөз водзын петкөдлөм могысы. Тадзи кө, оз ло тиянлы енэжвыв Батьныдсянь удждон. ² Корысылы кө сетан, эн йөзөд тайөс. Тадзи вөчөны кык бана

шаньгаяс синагогаясын да йөзаинъясын, өд найө йөзсянь ошкөм виччысьоны. Вескыда висьтала тиянлы: найө босьтоны нин ассъыныс удждонсө. ³ Корысьлы сетігад шуйга кийд мед оз төд вескыд кийдылысь вөчөмсө. ⁴ Тэнад бур вөчөм йылысь мукөдлы төднысө оз ков. Гусясө аддзысь Батьыд сетас тэныд аддзымөнъя». ⁵ «Эн кевмысь кык бана шаньгаяс моз. Асьнысө йөз водзын петкөдлөм могысь найө радейтоны синагогаясын да туйвежъясын сулалөмөн кевмысьны. Вескыда висьтала тиянлы: найө босьтоны нин ассъыныс удждонсө. ⁶ Но тэ пыр аслад вежөсө, өдзөстө пөдлав да кевмысь тыдавтөм Батьыдлы. Гусясө аддзысь Батьыд сетас тэныд аддзымөнъя. ⁷ Кевмысиганыд ентөдтөмъяс моз энө шуалөй ковтөмсө. Найө чайтоны, мый уна кыв шуөмнысла Енмыс кылас найөс. ⁸ Энө лоөй на кодьось. Тиян кортөдз на Батьныд төдө тиянлы коланасө. ⁹ Кевмысьөй тадзи: – Батьөй миян, Тэ енежъяс вылын олан. Мед лоө вежаөн Тэнад нимыд. ¹⁰ Мед воас Тэнад Юралөмыд. Мед инас Тэнад көсйөмыд му вылын енежын моз. ¹¹ Сет миянлы талун кезлө няньнымөс. ¹² И прөстит миянлысь мыжъяснимөс, кызди ми прөститам миян водзын мыжаясөс. ¹³ Эн сет миянлы ылавны, но видз миянөс омөлысь. Өд Тэнад Юралөмыд, выныд да дзирдлуныд помасьлытөм. Аминь. ¹⁴ Прөститанныд кө мөдлысь мыжъяссь, сэки енежвыв Батьныд прөститас тиянөс. ¹⁵ Онө кө прөститөй, сэки Батьныд тиянлысь мыжъяснытө оз прөстит». ¹⁶ «Видзалиганыд энө лоөй жугыльось кык бана шаньгаяс моз. Найө ветлөны шог чужөмөн видзалөмсө петкөдлөм могысь. Вескыда висьтала тиянлы: найө босьтоны нин ассъыныс удждонсө. ¹⁷ Мөдарө, видзалигад юрситө шыльөд, чужөмтө мыскы, ¹⁸ йөзыс мед оз төдлыны тэнсьыд видзалөмтө. Видзав аслад тыдавтөм Батьыд водзын. Гусясө аддзысь Батьыд сетас тэныд аддзымөнъя». ¹⁹ «Энө чөжөй аслыныд озырлун му вылын. Тані воз да сім сійөс сөйө, гусьясьыс пырөны да нуөны ставсө. ²⁰ Мөдарө, чөжөй озырлунтө енежө. Сэні воз да сім оз сөй сійөс, гусьясьыс оз пырны да оз нуны. ²¹ Көні озырлунныд, сэні лоө и сьөлөмныд. ²² Синмыд – вир-яйтө югдөдысь. Синмыд кө бур, став вир-яйыд югыдын. ²³ Синмыд кө лёк, став вир-яйыд пемыдын. Югыдыс кө тэ пытшкын пемид, сэки кутшөм ачыс пемыдыс? ²⁴ Морт оз вермы кесъявны кык ыджыдлы. Өтисө кө радейтө, мөдсө мустөмтө. Өтисө кө пыдди пуктө, мөдсө увтыртө. Ті онө вермөй кесъявны Енлы, кесъяланныд кө озырлунлы». ²⁵ «Та вөсна шуа тиянлы: энө майшасьөй сөян-юан да паскөм вөсна. Олөмныд абу өмөй донаджык сөян-юанысь да вир-яйныд паскөмысь? ²⁶ Видзөдлөй енежвыв лэбачьяс вылө:

найө оз көдзны, оз вундыны, оз чукөртны йөртөдьясө, но енежвыв Батьныд вердө найөс. Ті өмөй наысь абу донаджыкось? ²⁷ Вермас-ө тиян пиысь кодкө зильөмөн-төждысьөмөн нүжөдыштны ассъыс олан нэмсө? ²⁸ Мыйла паскөмныд вөсна майшасянныд? Видзөдлөй видзвыв дзоридзьяслөн быдмөм вылө: найө оз мырсьыны, оз печкыны. ²⁹ Висьтала тиянлы: ачыс Соломон став озырлун дырйиыс эз пасьтасьлы весиг өти татшөм дзоридзьясь мичаджыка. ³⁰ Енмыс кө тадзи пасьтөдө видзвыв турунөс, коді талун быдмө, а аски шыбитасны пачө, оз өмөй Сійө пасьтөд тиянөс, этша эскысьяс! ³¹ Та вөсна энө шуалөй: "Мый сөйны-юны да мый пасьтавны?" ³² Тайө ставыс майшөдлө ентөдтөмъясөс. Но енежвыв Батьныд төдө, мый ставыс тайө колө тиянлы. ³³ Медводз корсьөй Енлысь Юралөмсө да Сылысь вескыдлунсө, сэки тиян ставыс тайө лоө. ³⁴ Энө майшасьөй аския луныс вөсна, аскияс ас вөснаыс төждысяс. Быд лунлы аслас төждыс тырмө».

7 «Энө мыждөй, сэки тиянөс оз мыждыны. ² Өд тиян мыждөмныд ас выланыд бөр воас. Асланыд мурталөм серти тиянлы мурталасны. ³ Кызди тэ верман вокид синмысь ёгторсө аддзыны, аслад синмысь кө керсө он казаяв? ⁴ Кызди тэ верман шуны вокидлы: "Вай перья синсьыд ёгторсө", аслад синмад кө кер? ⁵ Кык бана шаньга! Водзджык аслад синмысь керсө перйы, сэки вокидлөн синмысь ёгторсө верман перйыны. ⁶ Вежасө энө сетөй поньяслы да донаторнытө энө коялөй порсьяслы. Вөчанныд кө тадзи, поньяс уськөдчасны да косявласны тиянөс, а порсьяс ставсө таяласны». ⁷ «Көрөй, и тиянлы сетасны, корсьөй, и ті аддзанныд, игөдчөй, и тиянлы востасны. ⁸ Өд корысьлы сетөны, корсьысьлы сюрө да игөдчысьлы востөны. ⁹ Коді тиян пөвстысь пиыслы сетас из, корас кө сійө нянь? ¹⁰ Сетас-ө змейөс, корас кө пиыс чери? ¹¹ Ті лёкось, а сямманныд бурсө сетны асланыд ныв-пилы. Дерт нин, енежвыв Батьныд уна пөвстөн бурсө сетас Сылысь корысьяслы. ¹² Мый көсьянныд, медым йөзыс вөчисны тиянлы, сійөс и ті вөчөй налы. Тадзи Индөд да пророк гижөдьяс велөдөны». ¹³ «Пырөй векныд өдзөсөд. Өд паскыд өдзөсыс да паскыд туйыс кулөмө нуөдөны, и унаөн сэті мунөны. ¹⁴ Векныд өдзөсыс да векныд туйыс олөмө нуөдөны, и тайөс аддзысьыс этша». ¹⁵ «Видзөй асьнытө ылөгпророкьясысь. Найө локтоны тиян динө ыжъяс кодьөн, а збыльвылас найө горш көиньяс. ¹⁶ Вотөсныс серти ті төдмаланныд найөс. Чукөртлөны өмөй лежнөг вылысь виноград да тусяпу вылысь инжир? ¹⁷ Бур пу вайө бур вотөс, лёк пу – лёкөс. ¹⁸ Бур пу оз вермы вайны лёк вотөс, лёк пу – бур вотөс. ¹⁹ Пуыс кө оз вай бур вотөс, сійөс

кералоны да шыбитоны биё. ²⁰ Тадзи вайом вотос сертиыс ті тѳдмаланныд ылѳгпророкъясѳс. ²¹ Оз быдѳн, кодѳ шуѳ Меным: "Господьѳй, Господьѳй", пыр Енѳжвыв Юраланинѳ. Пырас сѳмын Менам енѳжвыв Батьлѳн кѳсийѳм серти олысь. ²² Сийѳ лунѳ Меным унаѳн шуасны: "Господьѳй, Господьѳй, эг-ѳ Тѳнад нимсянь ми пророкалѳй? Эг-ѳ Тѳнад нимѳн пеж ловьясѳс вѳтлалѳй? Эг-ѳ Тѳнад нимѳн шензьѳданаторьяс вѳчалѳй?" ²³ Сѳки Ме вочавидза налы: "Ог тѳд тѳянѳс. Мунѳй Ме дорысь, лѳксѳ вѳчысьяс!"» ²⁴ «Кодѳ кылѳ Менсьым кывьясѳс да олѳ на серти, сийѳ из вылѳ керкасѳ лѳптысь сюсь вежѳра морт кодь. ²⁵ Чорыда кѳ зѳрмас, юяс ойдасны, ыджыд тѳвныр петас да керкасѳ мѳдас пѳрѳдны, тайѳ керкаыс сѳки оз пѳр, ѳд сийѳс из вылѳ лѳптѳма. ²⁶ А кодѳ кылѳ Менсьым кывьясѳс да оз ов на серти, сийѳ лыа вылѳ керкасѳ лѳптысь вежѳртѳм морт кодь. ²⁷ Чорыда кѳ зѳрмас, юяс ойдасны, ыджыд тѳвныр петас да керкасѳ мѳдас пѳрѳдны, тайѳ керкаыс сѳки дзоньнас киссяс». ²⁸ Исусѳс кывзѳм бѳрын йѳзыс ѳна шензисны Сылѳн велѳдѳмысь. ²⁹ ѳд Исус велѳдѳс ыджыдалысьѳ пуктѳм морт моз, эз Индѳдѳ велѳдысьяс да фарисейяс моз.

8 Кор Исус лѳччис керѳсысь, уна йѳз вѳтчис Сы бѳрся. ² Проказаѳн висьысь матыстчис Исус дѳнѳ да Сы водзѳ уськѳдчѳмѳн шуис: «Господьѳй, кѳсьян кѳ, верман менѳ сѳстѳммѳдны». ³ Исус нюзѳдѳс кисѳ, инмѳдчлыс сы дѳнѳ да шуис: «Кѳсья. Сѳстѳммы». Висьысьлѳн дойясыс дзык пыр бырисны, да сийѳ бурдѳс. ⁴ Исус шуис сылы: «Та йылысь некодлы эн висьтав. Мун, петкѳдлы асьтѳ поплы, сѳссия Мѳисей тшѳктѳм серти вай вись. Тадзи тѳдмаласны тѳнад бурдѳм йылысь». ⁵ Исус пырис Капернаум карѳ. Сы дѳнѳ локтѳс шыпуртаяслѳн веськѳдлысь да корис отсавны: ⁶ «Господьѳй, менам кесйѳгѳй гортам куйлѳ, кикѳксѳ вѳрзьѳдны оз вермы, вывтѳ сьѳкыда висьѳ». ⁷ Исус шуис сылы: «Ме локта, бурдѳда сийѳс». ⁸ Веськѳдлысь воча шуис: «Господьѳй, ме ог сулав сы доныс, медым Тѳ пырин менам керка вевт улѳ. Сѳмын кыв шу, и кесйѳгѳй бурдас. ⁹ Ме ачым киподувса морт, но и менам кипод улын эмѳсь шыпуртаяс. ѳтилы шуа: "Мун", и сийѳ мунѳ. Мѳдлы тшѳкта локны, и сийѳ локтѳ. Кесйѳглы шуа: "Вѳч тайѳс", и сийѳ вѳчѳ». ¹⁰ Тайѳ мортыслѳн висьталѳмыс шензьѳдѳс Исусѳс. Сийѳ шуис Ас бѳрсяыс мунысьяслы: «Веськыда висьтала тѳянлы: татшѳм ыджыд эскѳмсѳ Ме весиг Израильысь эг аддзыв. ¹¹ Висьтала тѳянлы: унаѳн локтасны асыввылысь да рытыввылысь Енѳжвыв Юраланинѳ. Найѳ ѳти пызан сайѳ пуксясны ѳвраамкѳд, Исааккѳд да Яковкѳд. ¹² А кодлы водзысянныс вѳлѳ дасьтѳма Енлысь Юраланинсѳ, найѳс шыбитасны

пемыдас. Сѳнѳ лоѳ бѳрдѳм да пинь йирѳм». ¹³ Сѳссия шыпуртаяслѳн веськѳдлысьлы Исус шуис: «Мун гортад. Мед лоас эскѳмыд серти». Веськѳдлысьлѳн кесйѳгыс дзык пыр бурдѳс. ¹⁴ Исус локтѳс Петыр ордѳ. Сѳнѳ аддзис, мый Петыр гѳтырлѳн мамыс куйлѳ вольпасьын биа висьѳмѳн. ¹⁵ Исус инмѳдчлыс висьысьлы кияс, и биа висьѳмыс энѳвтѳс сийѳс. Ань чеччис да пондѳс кесьявны налы. ¹⁶ Рытнас Исус дѳнѳ вайѳдѳсны пеж лолѳн кутѳм уна йѳзѳс. Исус кыв шуѳмѳн вѳтлалѳс пеж ловьясѳс, бурдѳдалѳс висьысьясѳс, ¹⁷ медым инѳс Исай пророклѳн шуѳмыс: – Миянлысь нѳрпалѳмьяс Сийѳ босьтѳс да миянлысь висьѳмьяс Сийѳ вештѳс. ¹⁸ Ас гѳгѳрсьыс уна йѳзѳс казялѳм бѳрын Исус тшѳктѳс велѳдчысьясыслы вуджны ты мѳдлапѳлѳ. ¹⁹ Индѳдѳ велѳдысьясысь ѳти матыстчис Сы дѳнѳ да шуис: «Велѳдысьѳй, ме быдлаѳ Тѳ бѳрся муна». ²⁰ Исус шуис сылы: «Ручьяслѳн эмѳсь пырмѳсьяс, и енѳжвыв лѳбачьяслѳн эмѳсь позьяс, сѳмын Морт Пилѳн шойччанѳныс абу». ²¹ Исуслѳн ѳти велѳдчысь корис: «Господьѳй, лѳдзлы менѳ медводз батьѳс дзѳбны». ²² Исус шуис сылы: «Лок Ме бѳрся, кулѳмаяс мед дзѳбасны кулѳмаяснысѳ». ²³ Исус пуксис пыжѳ, велѳдчысьясыс Сы бѳрся. ²⁴ Виччысьтѳг ты вылын кыптѳс ыджыд тѳвныр, ѳна гызис, да пыжыс кутѳс тырны ванас. Исус вѳлѳ узьѳ. ²⁵ Велѳдчысьяс садьмѳдѳсны Сийѳс шуалѳмѳн: «Господьѳй, мезды миянѳс! Вѳям!» ²⁶ Исус шуис: «Мыйла тѳ сѳтшѳм полысьѳсь, ѳтша эскысьяс?» Сѳссия Исус чеччис, ѳлѳдѳс тѳвсѳ да васѳ, и вѳвлытѳм чѳв-лѳнь пуксис. ²⁷ Велѳдчысьяс чуймисны, ѳта-мѳдныслысь пондѳсны юасыны: «Кодѳ Сийѳ? Весиг тѳлыс да ваыс кывзысьѳ Сылысь». ²⁸ Та бѳрти Исус вуджис ты мѳдлапѳлѳ, Гергесин муѳ. Сылы воча петѳсны шойгу кыртаысь кык морт, пеж ловьясѳн кутѳмаяс. Найѳ вѳлины лѳксыслѳ-лѳкѳсь, та вѳсна йѳзыс полѳсны ветлыны тайѳ туйѳдыс. ²⁹ «Мый Тѳныд миянсянь колѳ, Исус, Ен Пи? Локтѳн-ѳ индѳм кадысь водзджык песны миянѳс?» – горзѳсны найѳ. ³⁰ Ылынкодь йирсис ыджыд порсь чукѳр. ³¹ Пеж ловьяс корисны Исусѳс: «Вѳтлан кѳ миянѳс, ысты порсьяс пытшкѳ». ³² Исус шуис налы: «Мунѳй!» Пеж ловьяс петѳсны да пырисны порсьяс пытшкѳ. А порсьяс кыр йывсянь уськѳдчисны тыѳ да ставныс пѳдѳсны. ³³ Порсь видзысьяс котѳрѳн пышйисны сѳтысь карѳ да висьталѳсны сѳнѳ аддзывлѳмтор йывсьыс, пеж ловьясѳс вѳтлѳм йылысь. ³⁴ Сѳки став карыс петѳс Исуслы воча. Исусѳс аддѳм бѳрын йѳзыс корисны Сийѳс мунны налѳн муысь.

9 Исус пуксис пыжѳ, бѳр вуджис тысѳ да воис Аслас карѳ. ² Сѳнѳ вайисны Сы дѳнѳ вольпасьын куйлысь, вѳрзьѳдчыны вермытѳм мортѳс. Налысь эскѳмсѳ аддѳмѳн Исус шуис висьысьлы: «Эн пов,

пиой! Тэнсьыд мыжъястө прөститөма». ³ Индөдө велөдысьясыс кодсюрө ас пытшканыс мөвпалісны: «Сійө Енмөс омөльтө». ⁴ Налыс мөвпъяссө төдөмөн Исус шуис: «Мыйла сьөлөманыд лэдзанныд лөк мөвпъяссө? ⁵ Мый кокныдджык шуны: "Тэнсьыд мыжъястө прөститөма" либө "Чеччы да ветлы"? ⁶ Оні ті төдмаланныд: Морт Пи вермө прөститны мыжъяс му вылын». Сэсса шуис висьысылы: «Чеччы, босьт вольпасьтө да мун гортас». ⁷ Сійө чеччис да муніс гортас. ⁸ Тайөс аддзөм бөрын йөзыс шензьөмөн ошкисны Енмөс, өд та ыжда вын сетөма мувывса йөзлы. ⁹ Исус водзө муніс да аддзис вотчукөртанінын пукалыс Матвей нима мортөс. Исус шуис сылы: «Лок Ме бөрся». Сійө чеччис да муніс Исус бөрся. ¹⁰ Исус сөйө вөлі Матвей ордын, кор сэтчө локтісны вот перйысыс да мукөд мыжа йөз. Исускөд да Сылөн велөдчысыскөд найө пукалісны өти пызан сайын. ¹¹ Тайөс аддзисны фарисейяс да юалісны Исуслөн велөдчысыяслыс: «Мыйла тіян Велөдысьныд сөйө-юө вот перйысыяскөд да мыжа йөзкөд?» ¹² Исус кыліс тайөс да шуис налы: «Дзөньвидзалы бурдөдысьыд оз ков, сійө висьысылы колө. ¹³ "Буралөм тіянсянь көсья, ог вись вайөм" – мунөй да гөгөрвоөй тайө кывъяссө. Ме локті корны Ен дінө мыжяясөс, эг веськыда олысыясөс». ¹⁴ Иоанлөн велөдчысыясыс локтісны Исус дінө да юалісны: «Ми уна видзалам, фарисейяс тшөтш уна видзалөны. Мыйла Тэнад велөдчысыясыд оз?» ¹⁵ Исус вочавидзис: «Вермөны-ө өртъясыс шогавны көлыс вылын, кор верөспуыс накөд? Воасны на сійө лунъясыс, кор колясны верөспутөг, сэки и видзаласны. ¹⁶ Важ паськөмтө оз дөмны виль дөра дөмасөн. Тадзи кө вөчан, виль дөмас дортыс нөйдас-косясыс паськөмьд, розьыс өнджыка на ыждас. ¹⁷ Виль винатө оз кисьтны важ кучик дозйө. Тадзи кө вөчан, кучик дозйыс потас, и винаыс киссяс. Виль винатө кисьтөны виль кучик дозйө. Сэки кыкнанныс дзөнь колясны». ¹⁸ Исуслөн сөрнитігкості локтіс Сы дінө өти юралыс да пидзөс вылас уськөдчөмөн корис: «Менам нылөй муртса на куліс. Лок, пуктыв сы вылө китө, мед сійө ловзяс». ¹⁹ Исус чеччис да муніс велөдчысыясыскөд юралыс бөрся. ²⁰ Исус дінө мышсяныс матыстчис ань да инмөдчыліс Исуслы паськөм дорышас. Дас кык во чөж тайө аныс висьөма вир мунөмөн. ²¹ Сійө мөвпаліс: «Сөмын инмөдчыла кө Сылөн паськөмө, бурда». ²² Исус бергөдчис, аддзис аныс да шуис: «Эн пов, нылөй. Эскөмьд мездіс тэнө». Аныс дзик пыр бурдіс. ²³ Юралыс керкаө воөм мысти Исус аддзис пөлянөн ворсысыясөс да гораа бөрдыс йөзөс. ²⁴ Исус шуис налы: «Мунөй татыс! Нылыс эз кув, сійө узьө». Исус вылын пондісны серавны. ²⁵ Йөзөс вөтлөм бөрын Исус пырис нывка

дінө да босьтис сійөс кидыс. Нывка чеччис. ²⁶ Та йылыс юөрыс разаліс сэтчөс му пасьтала. ²⁷ Сэтыс мунігөн Исус бөрся вөтчисны кык синтөм морт. Найө горөдісны: «Ло бур сьөлөма миян дінө, Давид Пи!» ²⁸ Исус пырис керкаө, синтөмъяс Сы бөрся. Исус юаліс налыс: «Эсканныд-ө, мый Ме верма бурдөдны тіянөс?» Найө шуисны: «Эскам, Господьой!» ²⁹ Сэки Исус инмөдчыліс налы синмас да шуис: «Мед лоө тіянлы эскөм сертиныд». ³⁰ Найө кутісны аддзыны. Исус кыкнаннысө чорыда өлөдіс: «Та йылыс некодлы энө висьтавлөй». ³¹ Но керкаыс петөм бөрын найө висьтавлісны Исус йылыс сэтчөс му пасьталаыс. ³² Бурдөмаяслөн мунөм бөрын Исус дінө вайөдісны пөж лолөн кутөм сөрниттөм мортөс. ³³ Исус вөтліс сы пытшкыс пөж ловсө, да мортыс пондіс сөрнитны. Йөзыс шензисны, татшөмторйыс пө Израиль муын эз на вөвлы. ³⁴ А фарисейяс шуисны, Сійө пө вөтлалө пөж ловъясөс налөн юралыс вынөн. ³⁵ Исус ветліс-кытшовтіс став сикт-карсө. Сійө велөдіс синагогаясын, висьтавліс Ен Юралөм йылыс Евангелльө да бурдөдаліс йөзсө быд висьөм-доймөмыс. ³⁶ Йөз вылө видзөдігөн Исуслөн сьөлөмыс нормис, өд найө вөліны сэтшөм мудзөсь, эбөстөм-вынтөмөсь, видзысьтөг кольөм ыжъяс кодьөсь. ³⁷ Сійө шуис велөдчысыясылы: «Вунданыс уна, а вундысыс этша. ³⁸ Кевмөй вунданінын ыджыдыслы, мед ыстас Аслас вунданіно уджалысыясөс».

10 Исус корис дас кыкнан велөдчысысө да сетіс налы вын вөтлавны пөж ловъясөс да бурдөдавны йөзөс быд висьөм-доймөмыс. ² Дас кык апостолсө шуисны тадзи: Симон, кодөс шуисны Петырөн, сылөн Оңдрей вокыс, Зеведей Яков да сылөн Иоан вокыс, ³ Филип, Варфоломей, Фома, вот перйыс Матвей, Алфей Яков, Леввей, кодөс шуисны Фаддейөн, ⁴ Кананит Симон да Искариот Иуда, Исусөс вузалыс. ⁵ Тайө дас кыксө мөдөдігөн Исус велөдіс найөс: «Йөз муясө энө мунөй, Самария каръясө энө пырөй. ⁶ Мунөй израильса вошөм ыжъяс дінө ⁷ да юөртөй: "Енэжвыв Юралөмыс матын нин". ⁸ Висьысыясөс бурдөдалөй, кулөмаясөс ловзьөдөй, проказаыс сөстөммөдөй, пөж ловъясөс вөтлалөй. Дон мынтытөг босьтінныд, дон босьттөг и сетөй. ⁹ Туяныд энө босьтөй зарни, эзыс, ыргөн, ¹⁰ ноп, вежан көм-пась да бөдь. Од уджалыс кынөмпөттөг оз коль. ¹¹ Сиктө-карө пыриганыд корсьөй туяна-шогмана мортөс, мунтөдзныд олөй сы ордын. ¹² Керкаас пыриганыд сийө лөнь олөм. ¹³ Олысыясыс кө шогмөны, бурсиөмныд коляс налы. Оз кө шогмыны, бурсиөмныд бергөдчас тіянлы. ¹⁴ Оз кө сибөдны-кывзыны тіянөс, сэки сійө керкасыс либө карсыс петіганыд пыркөдөй коксыныд буссө. ¹⁵ Веськыда

висьтала тіянлы: Мыждан лунё Содом да Гомора каръяслы лоас кокныдджык сійё карыслы дорысь.
¹⁶ Ме мөдөда тіянөс ыжъясөс моз кoinъяс пөвстө. Лоой змей кодъ сюсьөсь да гулю кодъ рамось.
¹⁷ Видзчысьөй йөзысь, өд найө кыскасны тіянөс ёрдө да асланыс синагогаясын нөйтасны тіянөс.
¹⁸ Ме вөсна нуөдасны тіянөс юралысьяс да өксыяс водзө, медым найө да ентөдтөмъяс төдісны Ме йылысь.
¹⁹ Кор нуөдасны тіянөс ёрдө, энө майшасьөй, кызди да мый шуны, өд сійё кадас тіянлы воасны колана кывъяс.
²⁰ Сэки онө ті кутөй сёрнитны, но Ен Батьныдлөн Лолыс сёрнитас тіян пыр.
²¹ Вокыс воксө сетас вины, батьыс – писө. Ныв-пи сувтасны бать-мамыслы паныд да виасны найөс.
²² Менам ним вөсна унаөн мустөмтасны тіянөс, но сьөкыдсө помөдз нуысь мездмас.
²³ Öти карысь кө тіянөс вөтласны, пышйөй мөдө. Воськыда висьтала тіянлы: Израильысь став карсө кытшовттөдзныд на Морт Пи локтас.
²⁴ Велөдчысь абу ыджыдджык велөдысьысь, да кесйөг абу ыджыдджык аслас ыджыдысь.
²⁵ Велөдчысьлы тырмымөн быдмыны велөдысьыс кодьөдз, кесйөглы – ыджыдыс кодьөдз. Керка кутысьөс кө Вельзевулөн шуасны, сылысь гортасө лёкджыка на нимтасны.
²⁶ Энө полөй тіянөс мустөмтысьясысь. Став дзөбөмаыс тыдовтчас да став гусяыс йөзасяс.
²⁷ Мый Ме шуа тіянлы пемыдын, висьталөй югыдын. Пеляныд вашкөдөмасө юөртөй керка вывсянь.
²⁸ Энө полөй вир-яйтө виысьясысь, ловтө найө вины оз вермыны. Полөй Сыысь, коді вермө бырөдны ловтө да вир-яйтө куслытөм биын.
²⁹ Оз-ө сөмын öти урысь вузавны кык пышкайөс? На пиысь весиг öти оз усь муө тіян Батьлөн шутөг.
³⁰ А тіянлысь став юрсинытө лыддьөма.
³¹ Сидкө, энө полөй, ті өд донаджыкөсь пышкайясысь». ³² «Коді оз яндысь Меысь йөз водзын, сыысь Ме ог яндысь Аслам енэжвыв Бать водзын.
³³ Коді соссяс Меысь йөз водзын, сыысь Ме сосся Аслам енэжвыв Бать водзын.
³⁴ Энө мөвпалөй, мый Ме локті вайны му вылө лөнь олөм. Локті вайны эг лөнь олөм, но шыпурт.
³⁵ Ме локті торйөдны писө батьысь, нывсө мамсысь, моньсө энъкасысь.
³⁶ Мортлы паныд мунысьыс – сылөн гортасяс.
³⁷ Кодлы бать-мамыс Ме дорысь мусаджык, Меным сійө оз шогмы. Кодлы ныв-пиыс Ме дорысь мусаджык, Меным сійө оз шогмы.
³⁸ Коді оз босът ассъыс крестсө да оз мун Ме бөрсяс, Меным сійө оз шогмы.
³⁹ Ассъыс олөмсө видзысь воштас сійөс, Ме вөсна олөмсө воштысь аддзас сійөс.
⁴⁰ Тіянөс сибөдысь Менө сибөдө, а Менө сибөдысь сибөдө Менө Мөдөдысьөс.
⁴¹ Коді пророкөс сибөдас пророкөс моз, сылы сетасны пророкыс кодъ удждон. Коді вьськыда олысьөс сибөдас вьськыда олысьөс моз, сылы сетасны вьськыда олысьлы кодъ удждон.

⁴² Вьськыда висьтала тіянлы: коді көдзыд ваөн юкталас тайө медичөтъясысь öтиөс Менсьым велөдчысьөс моз, сійө оз коль удждонтөг».

11 Дас кыкнан велөдчысьсө велөдөм-туйдөдөм бөрын Исус муніс юөртны да велөдны мукөд каръясө. ² Дзескыдінын пукалігас Иоан кывліс Крестослөн уджъяс йылысь. Сійө мөдөдіс ассъыс кык велөдчысьсө ³ юавны Исуслысь: «Тэ-ө сійө Локтысьыс? Колө-ө миянлы мөдөс виччысьны?»
⁴ Исус вочавидзис: «Мунөй, висьталөй Иоанлы, мый кыланныд да аддзанныд: ⁵ – Синтөмъяс аддзөны, коктөмъяс ветлөны, проказаысь сөстөммөны, пельтөмъяс кылөны, куломаяс ловзёны, коньөръяслы Бур Юөр висьтавлөны.
⁶ Шуда сійө, коді оз ылав Меысь». ⁷ Кор Иоанлөн велөдчысьясыс мунісны, Исус пондіс висьтавны йөзыслы Иоан йылысь: «Мый видзөдны ветлінныд овтөминас? Төлөн вөрөдысь идзас-ө? ⁸ Мый видзөдны ветлінныд? Мича да озыр паськөма мортөс? Татшөм паськөма йөзыс олөны өксы оланінъясын. ⁹ Кодөс видзөдны ветлінныд? Пророкөс-ө? Шуа тіянлы: ті аддзылінныд пророкысь ыджыдөс. ¹⁰ Сы йылысь гижөма: – Ыста Ассъым юөртысьөс Тэ водзвылын, сійө Тэныд туйсө дасьтас. ¹¹ Вьськыда висьтала тіянлы: му вылын чужысьясысь эз вөвлы Пыртысь Иоанысь ыджыдджыкыс, но Енэжвыв Юраланінын медичөтыс сы дорысь ыджыдджык. ¹² Пыртысь Иоан лунъяссянь да өнөдз Енэжвыв Юралөмсө дзескөдөны, и паныд мунысьяс зильөны мырддыны сійөс. ¹³ Став пророкыс да Индөдыс Иоанөдз на юөртлісны Енлөн Юралөм йылысь.
¹⁴ Көсьянныд кө төдны, сійө буретш Илля, кодлы колө вөлі локны. ¹⁵ Кодлөн эм пель, мед кылө!
¹⁶ Кодкөд Ме өткодяла өнія олысьясөс? Найө изэрд вылын пукалысь челядь кодьөсь, кодъяс ёртъясыслы ¹⁷ шуалөны: "Ми ворсім тіянлы пөлянөн, а ті энө йөктөй. Ми сьылім тіянлы бөрдөдчанкывъяс, а ті энө бөрдөй". ¹⁸ Иоан локтіс, оз сөй, вина оз ю, шуөны, сы пытшкын пө пөж лов.
¹⁹ Морт Пи локтіс, сөйө-юө, Сы йылысь шуөны, рушку тыртысь да вина юысь пө, вот перйысьяскөд да мыжаяскөд ёртасъысь пө. Мывкыдлунсө пыдди пуктөны мывкыдлуныслөн челядысь». ²⁰ Сэсся Исус пондіс мыжавны каръяс сыысь, мый сэтчөс йөзыс эз бергөдчыны мыжъяссыныс, өд тайө каръясас Исус вөчис медуна шензёданатор. ²¹ «Курыд шог тэныд, Коразин кар! Курыд шог тэныд, Випсаида кар! Тир да Сидон каръясын кө аддзылісны тіянын кодъ вөчөм шензёданаторъяссө, сэки эськө сэтчөс олысьясыс важөн нин бергөдчисны мыжъяссыныс, шогалан паськөм пасьталісны да юрнысө пөймөн кыскалісны. ²² Висьтала тіянлы: Мыждан лунө Тир да Сидон каръяслы лоас

кокныдджык тиянлы дорысь. ²³ Тэ, Капернаум кар, чайтан енежодз кыпөдчыны? Ад пыдөсөдз усян! Содом карын кө аддзылісны тиянын кодъ вөчөм шензьөданаторьяссө, сійө эськө өні на сулаліс. ²⁴ Висьтала тиянлы: Мыждан лунө Содом мулы лоас кокныдджык тэныд дорысь». ²⁵ Сэки Исус шуис: «Ошка Тэнө, Батьөй, енежыс да муыс вылын ыджыдалысьөс! Тэ дзебин тайөс сюсь вежөраясыс да восьтін кага коддьөмлы. ²⁶ Татшөм вөлі Тэнад бур көсйөмыд, Батьөй. ²⁷ Батьөй ставсө сетіс Меным. Сөмын Батьыс төдө Писө, да сөмын Пиыс төдө Батьсө, и нөшта сійө, кодлы Пиыс көсйө восьтны. ²⁸ Локтөй Ме дінө мудзөмаяс да сьөкыда мырсьысыяс, Ме тиянөс шойччөда. ²⁹ Босьтөй Менсьым сийөсөс да велөдчөй Месянь, өд Ме рам да небыд сьөлөма. Сэки тиян ловлы сюрас шойччөг. ³⁰ Өд Менам сийөсөй оз личкы, да Менам нөбйөй оз сьөктөд».

12 Шойччан лунө Исус мунө вөлі кодзөм муяс вомөн. Велөдчысыяслөн кынөмыс кутіс сюмавы, и мунігмозныс найө пондісны нетшкыны шепсө да сөйны. ² Тайөс аддзылісны фарисейяс да шуисны Исуслы: «Видзөдлы, мый Тэнад велөдчысыясыд вөчөны! Тайөс оз позь вөчны шойччан лунө». ³ Исус воча шуис: «Ті өмөй энө лыддьылөй, мый вөчис Давид, кор тшыгьяліс аслас йөзкөд? ⁴ Сійө пырис Ен керкаө да сөйис аслас йөзкөд Енлы вайөм няньсө. Тайөс налы вөчнысө эз позь, сөмын попьяялы позис. ⁵ Ті өмөй энө лыддьылөй Индөдысь, мый шойччан лунө попьяс уджалөны крамын, но шойччан лунсө торкалөмысь найө абу мыжаөсь. ⁶ Висьтала тиянлы: тані Сійө, коді крам дорысь ыджыдджык. ⁷ Төдінныд кө тайөс, мый "буралөм тиянсянь көсья, ог вись вайөм", сэки эськө энө мыжалөй мыжтөмьясөс. ⁸ Морт Пи шойччан лун вылын ыджыдыс». ⁹ Сэтысь мунөм бөрын Исус пырис синагогаө. ¹⁰ Сэні вөлі косьмөм киа морт. Фарисейяс корсисны помка мыжавны Исусөс да юалісны Сылысь: «Позь-ө шойччан лунө бурдөднысө?» ¹¹ Исус вочавидзис: «Тиян ыжныд кө шойччан лунө усяс гуө, онө өмөй лэптөй сійөс сэтысь? ¹² Мортыс абу өмөй донаджык ыжысь? Сідзкө, бурсө позь вөчны шойччан лунө». ¹³ Сэсса Исус шуис висьысылы: «Нюжөд китө». Сійө нюжөдіс, и кийс пырысь-пыр бурдіс, лои мөдыс кодъ. ¹⁴ Сэки фарисейяс петісны да панісны сөрні Исусөс виөм йылысь. ¹⁵ Кор Исус төдмаліс та йылысь, муніс сэтысь. Сы бөрся вөтчис уна йөз. Исус бурдөдаліс висьысыяссө ¹⁶ да өлөдіс найөс Сы йылысь висьтавлөмысь. ¹⁷ Тадзи иніс Исай пророклөн шуөмыс: ¹⁸ – Тайө Менам бөрийөм кесьялысьөй, сьөлөм бурөдысьөй да олан гажөй. Ме сета Сылы Ассьым Лолөс. Сійө юөртас Менсьым веськыда мыждөмөс быд кыла войтырлы. ¹⁹ Оз вензьы, оз

горзы Сійө, ывлаысь Сійөс он кыв. ²⁰ Веськыда мыждөмсө пөрттөдз Сійө идзастор оз чег да дзузган би оз кусөд. ²¹ Сы вылө лача пондас кутны быд кыла войтыр. ²² Исус дінө вайөдісны пеж лолөн кутөмаөс. Тайө мортыс вөлі синтөм да эз сөрнит. Исус бурдөдіс сійөс, мөдыс пондіс сөрнитны да аддзыны. ²³ Став йөзыс чуймисны, өта-мөдныслысь юасисны: «Збылысь-ө сійө Давид Пи?» ²⁴ Тайөс кывлісны фарисейяс да шуисны, Сійө пө вөтлалө пеж ловьясөс налөн Вельзевул юралысь вынөн. ²⁵ Налысь мөвпьяссө төдөмөн Исус шуис: «Ас муын олысыяс кө ас костаныс тышкасьөны, тайө муыс кушмас. Зыксьөмөн олысь карыд да керкаыд дыр оз сулав. ²⁶ Сөтанаыс кө сөтанасө вөтлө, сійө аслыс паныд тышкасьө. Дыр-ө кутчысыс сылөн ыджыдалөмыс? ²⁷ Ме кө вөтлала пеж ловьясөс Вельзевул вынөн, кутшөм вынөн, сідзкө, тиян йөзыд вөтлалөны? Найө тиянөс мыждасны. ²⁸ Ме кө Ен Лолөн вөтлала пеж ловьясөс, сідзкө, Енлөн Юралөмыс воис тиянөдз. ²⁹ Вермас-ө кодкө пырны вына мортлөн керкаө да сійөс көртавтөг босьтны сылысь эмбурсө? Вына мортөс көрталөм бөрын сөмын вермас босьтны эмбурсө. ³⁰ Коді абу Мекөд, сійө Меным паныд, коді оз чукөрт Мекөд, сійө разөдө. ³¹ Та вөсна висьтала тиянлы: мортлысь быд мыж да быд омөльтөм лоө прөститөма, но Вежа Лолөс омөльтөм оз ло прөститөма. ³² Лөкөдан кө Морт Пиөс, лоан прөститөма. Лөкөдан кө Вежа Лолөс, он ло прөститөма тайө оломас, весиг локтанаас». ³³ «Бур пу вайө бур вотөс, лөк пу – лөкөс. Путө доньялөны вотөс сертиыс. ³⁴ Вижля йылөм! Верманнөд-ө бурсө висьтавыны, асьныд кө лөкөсь? Өд мыйөн тырөма мортыслөн сьөлөмыс, сійө вомсыс и петө. ³⁵ Бур морт аслас бур видзанінысь бурсө петкөдө, лөк морт аслас лөк видзанінысь лөксө петкөдө. ³⁶ Шуа тиянлы: быд ковтөм кывйысь Мыждан лунө ковмас кывкутны. ³⁷ Аслад кывьясысь мыжман, аслад кывьясысь мездман мыждөмысь». ³⁸ Сэки фарисейяс да Индөдө велөдысыяс пиысь кодсюрө корисны: «Велөдысь, петкөдлы миянлы индысьпас». ³⁹ Исус воча шуис: «Лөк да пежас ылалөм йөз көсйөны аддзывыны индысьпас, но Иона пророк пасысь кындзи оз ло налы мөдыс. ⁴⁰ Куим лун да куим вой Иона вөлі ыджыд чери рушкуын. Тадзи Морт Пи лоө му пыдөсын куим лун да куим вой. ⁴¹ Ниневия карын олысыяс сувтасны Мыждан лунө өнія олысыяскөд да мыжаласны найөс. Өд Ионалөн юөртөм бөрын ниневияса йөз бергөдчисны асланыс мыжъясысь. Тані Иона дорысь ыджыдджык. ⁴² Лунвыв муысь өксы-ань сувтас Мыждан лунө өнія олысыяскөд да мыжалас найөс. Өд сійө му помсяныс воліс кывзыны Соломонлысь мывкыд сөрнисө. Тані Соломон дорысь

ыджыдджык». ⁴³ «Морт пытшкысь петом борын пеж лов шойто ватоминъясти, корсьо шойччанін да оз аддзы. ⁴⁴ Сэки шуо: "Бор муна важ оланінө, кытысь петі". Локтом борас аддзө: оланінсө чышкөмапелькөдөма, и олысьыс сэнї абу. ⁴⁵ Сэки мунө да босьтө аскөдыс сизим пеж лолөс, ассьыс на лөкджыкъясөс, сэсся ставныс найө овмөдчөны важ оланінас. Тайө мортыслы воддза дорсьыс нөшта на лөкджык лоө. Тадзи жө лоө өнїя лөк йөзлы». ⁴⁶ Йөзкөд сөрнитігкостыс локтісны Исуслөн мамыс да вокъясыс. Найө сулалісны ывлаас да көсйисны сөрнитыштны Сыкөд. ⁴⁷ Öти морт шуис Исуслы: «Мамыд вокъясыдкөд ывлаасөсь, Тэкөд көсйөны сөрнитны». ⁴⁸ Исус воча шуис: «Коді Меным мамыс? Кодъяс Меным вокъясыс?» ⁴⁹ Велөдчысьяс вылас индөмөн шуис: «Найө Менам вокъясөй да Менам мамөй. ⁵⁰ Енэжвыв Батълөн көсйөм серти олысь – Меным вок, чой да мам».

13 Сійө лунө керкаысь петом борын Исус лэччис ты дорө да пуксис. ² Зэв уна йөз чукөртчис Исус дінө, Сылы весиг ковмис пуксьыны пыжө, а йөзыс сулалісны вадорас. ³ Исус висьталіс налы уна велөданвисьт: «Морт көдзны петас. ⁴ Көдзигас кымынкө көйдыс усяс туй бокө. Сэтчө воасны лэбачьяс да кокаласны. ⁵ Кымынкө көйдыс усяс изъяинө. Этша муыс вөсна ляпкыдінад найө өдйө чужасны. ⁶ Петас шонді, пөжны пондас, и омөль вужъя петасыд косьмас. ⁷ Кымынкө көйдыс усяс лежнөг пөвстө. Быдмигас лежнөгыс пөдтас петассө. ⁸ Мукөд көйдысыс усяс бур муө да ваяс уна тусь: өтияс – сө пөв, мөдъяс – квайтымын пөв, коймөдъяс – комын пөв. ⁹ Кодлөн эм пель, мед кылө!» ¹⁰ Велөдчысьяс матыстчисны Исус дінө да юалісны: «Мыйла Тэ сөрнитан йөзыскөд велөданвисьтъясөн?» ¹¹ Исус вочавидзис: «Енэжвыв Юралөмлысь гусятөръяссө тіянлы сетөма төдны, а налы абу. ¹² Кодлөн эм, сылы коланасьыс унджык на сетасны. Кодлөн абу, сылысь бөръясө босьтасны. ¹³ Найө видзөдөны да оз аддзыны, кывзөны да оз кывны и оз гөгөрвоны. Та вөсна сөрнита накөд велөданвисьтъясөн. ¹⁴ Исай пророклөн шуөмыс инө: – Пельнаныд кутанныд кывзыны да онө гөгөрвоөй, синнаныд кутанныд видзөдны да онө аддзөй. ¹⁵ Чорзьөма тайө войтырыслөн сьөлөмыс, сьөкыд пеляөсь, куньса синмаөсь. Аддзынысө оз зільны, кывзынысө оз көсйыны, сьөлөмнаныс оз гөгөрвоны. Мелань бергөдчынысө оз көсйыны, медым Ме бурдөді найөс. ¹⁶ Ті шудаөсь, өд тіян синныд аддзө да пельныд кылө. ¹⁷ Веськыда висьтала тіянлы: уна пророк да веськыда олысь көсйисны аддзывны, мый ті аддзанныд, но эз аддзывны. Көсйисны кывны, мый ті кыланныд, но эз кывлыны». ¹⁸ «Кывзөй, Ме гөгөрвоөда тіянлы көдзысь йылысь

велөданвисьтөс. ¹⁹ Мортыс кылө Енлөн Юралөм йылысь да оз гөгөрво. Сы дінө локтө омөльыс да гусялө сьөлөмас көдзөмасө. Тайөс петкөдлө туй бокө усьөм көйдыс. ²⁰ Изъяинө усьөм көйдысыс петкөдлө: мортыс кылө Кывсө да дзик пыр долыдпырысь босьтө сійөс сьөлөмас, ²¹ но вужъясьтөмысла оз дыр эскы, Ен Кыв вөсна дзескөдігөн-вөтлігөн сійө эновтчө эскөмсьыс. ²² Лежнөг пөвстө усьөм көйдысыс петкөдлө: мортыс кылө Кывсө, но быдлунъя төждыс да озырмыны ыштөмыс пөдтө көдзөм Кывсө, и сійө оз вай вотөссө. ²³ Бур муө көдзөм көйдысыс петкөдлө: мортыс кылө Кывсө, гөгөрвоө сійөс да вайө вотөс: өтияс – сө пөв, мөдъяс – квайтымын пөв, коймөдъяс – комын пөв». ²⁴ Исус висьталіс мөд велөданвисьт: «Енэжвыв Юралөмыс татшөм. Морт көдзас аслас муө бур көйдыс. ²⁵ Войнас узигкостыс локтас паныд мунысь да шобді көйдыс костас өг турун көдзас, сэсся мунас. ²⁶ Шобді петас, кутас шептасыны, өг турун тшөтш мыччысяс. ²⁷ Кесйөгъяс локтасны овмөс кутысьныс дінө да шуасны: "Ыджыдөй, эн-ө бур көйдыс тэ көдзлы муад? Кытысь нө өг туруныс сэтчө петөма?" ²⁸ Сійө вочавидзас: "Паныд мунысь тайөс вөчөма". Кесйөгъяс шуасны: "Көсьян кө, өг турунсө ми нетшкам". ²⁹ Мөдыс вочавидзас: "Оз ков. Ёг турун сорнас шобді петассө тшөтш верманныд нетшыштны. ³⁰ Кольөй, мед быдмасны өтлаын вундан кадөдзыс. Сэки ме тшөкта вундысьяслы: медводз өг турунсө чукөртөй, сэсся кольтаясө көртавлөй да сотөй, а шобдісө идралөй менам йөртөдө"». ³¹ Мөд велөданвисьт Исус висьталіс налы: «Енэжвыв Юралөмыс муө көдзөм горчица тусь кодь. ³² Став көйдыссьыс сійө медпосни. Сійө быдмө да лоө пу кодь, став пуктассьыс ыджыд, весиг енэжвыв лэбачьяс поздысьөны вожъясас». ³³ Исус нөшта өти велөданвисьт висьталіс: «Енэжвыв Юралөмыс няньшом кодь. Ань гудралас сэтчө куим шомөс тыр пызь, кад мысти няньыс ловзяс». ³⁴ Ставсө тайөс Исус висьталіс йөзыслы велөданвисьтъясөн. Висьтъястөг эз сөрнитлы накөд, ³⁵ медым иніс пророклөн шуөмыс: – Ме велөданвисьтъясөн сөрнита, му пуксьөмсяныс дзебөмасө юөрта. ³⁶ Йөзсө кольөм борын Исус пырис керкаө. Сэтчө локтісны велөдчысьясыс да найө корисны: «Гөгөрвоөд миянлы өг турун йылысь висьттө». ³⁷ Исус висьталіс: «Бур көйдыссө көдзысьыс – Морт Пи. ³⁸ Көдза муыс – муюгыд. Бур көйдысыс – Енлөн йөзыс, өг туруныс – омөльлөн йөзыс. ³⁹ Паныд мунысьыс, өг турунсө көдзысьыс, – омөль. Вундан кадыс – нэм пом, вундысьясыс – анделъяс. ⁴⁰ Кыдзи чукөртөм өг турунсө сотөны, тадзи лоө нэм помасигөн. ⁴¹ Морт Пи Ассьыс анделъяссө мөдөдас чукөртны Аслас Юраланінысь

став ыштöдысьсö да лёк вöчысьсö. ⁴² Сэсса шыбитасны найöс биö. Сэни лоö бöрдöм да пинь йирöм. ⁴³ Веськыда олысьяс сэки Батьныс Юраланинын шондi моз кутасны югъявны. Кодлөн эм пель, мед кылö!» ⁴⁴ «Енэжыв Юралöмыс муö дзебöм озырлун кодь. Морт аддзас муысь озырлун да сийöс бөр гуалас. Нимкодьясла сийö мунас, вузалас ассьыс став овмöссö да ньöбас тайö мусö. ⁴⁵ Енэжыв Юралöмыс татшöм. Дона изъясөн вузасьыс мунас корсьны мича изъяс ⁴⁶ да аддзас донасьыс-дона из. Сийö мунас, вузалас ассьыс став овмöссö да ньöбас тайö изсö». ⁴⁷ «Енэжыв Юралöмыс саридзö вöйталöм тыв кодь. Быдсяма чериыс сэтчö шедас. ⁴⁸ Тывсö вадорö лэптöм бöрын чери кыйысьяс бур черисö дозийö чукöртасны, лёксö шыблаласны. ⁴⁹ Тадзи лоö нэм помасигөн: анделъяс локтасны, торйöдасны лёк йöзöс веськыда олысьясысь ⁵⁰ да биö шыбитасны. Сэни лоö бöрдöм да пинь йирöм». ⁵¹ Исус юалис: «Ставсö-ö гөгөрвоинныд?» Велöдчысьяс вочавидзисны: «Гөгөрвоим, Господь». ⁵² Исус шуис налы: «Индöдö велöдысь, кодi төдö Енлысь Юралöмсö, керка кутысь кодь, кодi аслас видзанiнысь вильсö и важсö петкөдö». ⁵³ Тайö велöданвисьтьяссö висьталöм бöрын Исус мунис сэтысь ⁵⁴ Аслас карö. Сэни велöдiс йöзсö синагогаын. Кывзысьяс шензьöмөн шуалисны: «Кытысь Сылөн татшöм мывкыдлуныс да татшöм выныс? ⁵⁵ Абу-ö Сийö тшупсьыслөн пи? Абу-ö Сылөн мамыс Мария, а вокъясыс – Яков, Иосей, Симон да Иуда? ⁵⁶ Оз-ö танi овны Сылөн чойясыс? Кытысь Сылөн ставыс тайö?» ⁵⁷ Тадзи Сийöс öдтортiсны. Исус шуис налы: «Пророкös пыдди пуктöны быдлаын, сöмын ас карас да ас гортас оз». ⁵⁸ Йöзыслөн эскытöм вöсна Исус эз вöч сэни уна шензьöданаторсö.

14 Сийö кадö Ирöд öксы кылис Исус йылысь. ² Аслас кесьялысьяслы Ирöд шуис: «Тайö Пыртысь Иоан, сийö ловзьöма, та вöсна вермö вöчны шензьöданаторъяс». ³ Филип вокыслөн Ирöдиада гöтырыс вöсна Ирöд тшöктылис босьтны Иоанös да дорöмөн пуксьöдны дзескыдинö. ⁴ Öд Иоан öлөдлiс Ирöдös: «Тайö аныскöд тэныд оз позь овнытö». ⁵ Ирöд көсийис вины Иоанös, сöмын йöзсьыс полис, öд найö пуктiсны Иоанös пророкö. ⁶ Ирöд нимлунасигөн Ирöдиадалөн нылыс йöктiс гажöдчысьяс водзын. Тайö воис Ирöдлы сьölöм вылас. ⁷ Сийö кыв сетiс нывлы: «Сета тэныд, мый коран». ⁸ Мамыс велöдöм серти ныв шуис: «Вай меным тасьтын Пыртысь Иоанлысь юрсö». ⁹ Öксы шогö усис. Гажöдчысьяс водзын сетöм кывйыс вöсна сийö тшöктiс вöчны нывлөн корöм серти. ¹⁰ Ирöд ыстiс ассьыс йöзсö дзескыдинö керыштны Иоанлысь юрсö. ¹¹ Сэсса вайисны тасьтын юрсö да сетiсны нывлы, нылыс нуис сийöс мамыслы.

¹² Иоанлөн велöдчысьясыс локтiсны шойысла да дзекисны сийöс. Сэсса мунисны да юөртiсны лоөмтор йывсьыс Исуслы. ¹³ Тайöс кылöм бöрын Исус öтнас пыжөн мöдiс овтöминö. Йöзыс төдмалiсны та йылысь да подөн мунисны каръяссьыныс Сы бöрся. ¹⁴ Пыжысь чеччигөн Исус аддзис уна йöзös. Сылөн сьölöмыс нормис на вöсна, и Сийö бурдöдiс висьысьясöс. ¹⁵ Рытнас матыстчисны Исус дiнö велöдчысьясыс да шуисны: «Танi овтöмин, и кадыс сёр нин. Ысты йöзсö сиктьясö сёянтор ньöбны». ¹⁶ Исус шуис: «Оз ков налы муннысö. Тi сетöй налы сёянсö». ¹⁷ Велöдчысьяс воча шуисны: «Миян сьöраным сöмын вит нянь да кык чери». ¹⁸ Исус шуис: «Вайöй меным татчö». ¹⁹ Сийö тшöктiс йöзыслы пуксявны муас. Ачыс босьтiс вит няньсö да кык черисö, видзöдлiс енэжö да Енмös аттьöалöмөн чегис няньсö, сэсса сетiс велöдчысьясыслы. Велöдчысьяс разöдiсны йöзыслы. ²⁰ Ставныс пöттöдзныс сёйисны, коляссö дас кык куд тыр чукöртiсны. ²¹ Аньясысь да челядысь öдтор сёйысьыс вöли вит сюрс гөгөр. ²² Та бöрын Исус тшöктiс велöдчысьясыслы пуксьыны пыжö да вуджны Сытöг ты мөдлапöлö. Ачыс кольччис да мөдöдалiс йöзсö. ²³ Йöзös ыстöм бöрын Исус кайис керöсö кевмысьны да рытсö сэни вöли öтнас. ²⁴ Сийö кадö пыжаяс вöлины ты шöрасöсь, вермасисны гыаскөд да паныд төвкөд. ²⁵ Асьядорыс Исус мөдöдчис ва вывтi велöдчысьяс дiнас. ²⁶ Кор найö аддзисны ва вывтi восьлалысь Исусös, повзьöмнысла горöдiсны: «Тайö орт!» ²⁷ Исус шуис: «Лөньюй, тайö Ме. Энö полöй». ²⁸ Сэки Петыр шуис: «Господьöй, тайö кө Тэ, тшöкты меным ва вывтiыс локны Тэ дiнö». ²⁹ Исус шуис: «Лок». Пыжсьыс воськовтöмөн Петыр мөдiс ва вывтiыс Исус дiнö. ³⁰ Ыджыд төвнырысь Петырös полöм босьтiс. Сийö вöйны пондiс да горöдiс: «Господьöй, мезды менö!» ³¹ Исус дзик пыр нюжöдiс кисö Петырлы, кутiс сийöс да шуис: «Этша эскысьöй, мыйла падъялан?» ³² Пыжö пуксиганыс тöлыс лөнiс. ³³ Пыжын пукалысьяс уськөдчисны Исус водзö да шуисны: «Тэ збыльысь Ен Пи». ³⁴ Тысö вуджöм бöрын найö воисны Генесарет муö. ³⁵ Сэтчös йöзыс төдмалiсны Исусös да юөртiсны та йылысь матiгөгөрас олысьяслы. Найö вайöдiсны Исус дiнö став висьысьсö ³⁶ да корисны, мед висьысьяслы Исус лэдзас инмөдчывны паськөм дорышас. Инмөдчылысьяс ставөн бурдiсны.

15 Сэки Ерусалимысь Исус дiнö воисны Сылы: ² «Мыйла велöдчысьясыд пöрысьяслысь шуөмсö торкöны: сёйöм водзылас кинысö оз мыськавны?» ³ Исус воча шуис налы: «Асьныд тi мыйла кутчыянный батъяслөн шуөмö да торканныд Енлысь тшöктöмсö?» ⁴ Енмыс шуöма:

"Пыдди пукты ассыйд бать-мамтö", "Омöльтан кö бать-мамтö, тэнö кулöм вылö мыждасны".⁵ А тi велöданныд: морт кö бать-мамыслы сетöм пыдди кöсийсыя сетны Енлы,⁶ тайöн бать-мам пыдди пуктöмсö сийö оз торк. Батьяслöн шуöм вöсна тi вештанныд Енлысь тшöктöмсö.⁷ Кык бана шаньгаяя! Бура шуöма тiян йылысь Исай пророк:⁸ – Тайö йöзыс вомнас пыдди пуктöны Менö, но налөн сьölöмыс ылын Меысь.⁹ Восьшөрö ыдждöдлöны Менö мортсянь тшöктöмъясö велöдигөн». ¹⁰ Ас дiнас йöзöс корöмөн Исус шуис: «Кывзöй да гөгөрвоой. ¹¹ Мортöс оз пежав сийö, мый вомас пырö, а пежалö, мый вомсыс петö». ¹² Велöдчысыясыс матыстчисны Исус дiнö да шуисны: «Тöдан-ö Тэ, мый фарисейяс дöзмöмаöсь Тэнад сёрнияссыд?» ¹³ Сийö вочавидзис: «Быдмөгсö кö абу енэжвыв Батьöй пуктöма, сийöс вужнас нетшыштасны. ¹⁴ Кольöй найöс, найö синтöмъясöс синтöм нуöдысыя. Синтöм кö нуöдö синтöмöс, кыкнанныс гуранö усясны». ¹⁵ Петыр шуис: «Гөгөрвоод миянлы висьталöмтö». ¹⁶ Исус вочавидзис: «Весиг тi онö на гөгөрвоой! ¹⁷ Онö öмöй вежөртой: мый пырö вомö, сийö веськалö кынöмö, сэсся ортсö петö. ¹⁸ Мый петö вомысь, сийö петö сьölöмысь да пежалö мортöс. ¹⁹ Буретш сьölöмысь петöны лёк мөвпъяс, морт виöм, гозъя олöм пежалöм, кырсалöм, гусьясьöм, пörъясьöм да омöльтöм. ²⁰ Тайö пежалö мортсö. А мыскавтöм киён сейöмид морттö оз пежав». ²¹ Сэсся Исус мунис Тир да Сидон муясö. ²² Сы дiнö локтис сэни олысь ханаанса ань да пондiс горзыны: «Господьöй, Давид Пи! Ло бур сьölöма ме дiнö! Пез лов пырöма менам ныв пытшкö да чорыда пелдöдлö сийöс». ²³ Исус кыв эз шу аньлы. Велöдчысыясыс матыстчисны Исус дiнö да шуисны: «Лэдз аньсö, сийö горзöмөн бöрсяньным ветлöдлö». ²⁴ Исус шуис: «Менö мөдöдöма сöмын израильса вошöм ыжъяс дiнö». ²⁵ Ань матыстчис да Исус водзö уськөдчöмөн корис: «Господьöй, отсав меным!» ²⁶ Исус шуис: «Абу бур мырддыны ныв-пилысь няньсö да шыбитны сийöс понпиянлы». ²⁷ Ань воча шуис: «Сидз, Господьöй. Но понъяс тшöтш сейöны кöзяиынслөн пызан вылысь гылалöм торпыригсö». ²⁸ Исус шуис: «Ыджыд тэнад эскöмид, аньöй. Мед лоö тэнад кöсийöм сертийд». Аньлөн нылыс дзик пыр бурдiс. ²⁹ Сэтысь Исус водзö мөдiс. Сийö мунис Галилея ты пöлөн, сэсся кайис керöсö да пуксис. ³⁰ Сы дiнö чукөртчис уна йöз. На пöвстын вöлины китöм-коктöмъяс, синтöмъяс, сёрниттöмъяс да мукöд висьсыясыя. Найöс вайöдiсны Исус водзö, и сийö бурдöдалiс найöс. ³¹ Йöзыс чуймисны, кор налөн син водзын сёрниттöмъяс кутисны сёрнитны, китöмъяс бурдны, коктöмъяс ветлыны да синтöмъяс аддзыны. Ставөн ошкисны Израильлысь Енмöс. ³² Исус корис велöдчысыяссö

да шуис: «Менам сьölöмöй висьö тайö йöзыс вöсна. Найö куим лун нин танöсь, а налөн сёяныс абу. Ог кöсийы мөдöдны найöс сейтöгыс, мед туяс дзикöдз оз эбöстöммыны». ³³ Велöдчысыя шуисны: «Кытысь босьтны овтöминас сы мында няньсö, медым вердны та мындасö?» ³⁴ Исус юалис: «Уна-ö тiян няньныд?» Найö вочавидзисны: «Сизим. Кымынкö посни чери на эм». ³⁵ Исус тшöктис йöзыслы пуксявны муас. ³⁶ Ачыс босьтис сизим няньсö да черисö, Енмöс аттьöалöмөн чегис няньсö да сетис велöдчысыясыслы, а велöдчысыя – йöзыслы. ³⁷ Ставөн пöттöдзныс сейисны, коляссö сизим куд тыр чукөртисны. ³⁸ Аньясысь да челядысь öддор сейысыс вöли нель сюрс морт. ³⁹ Йöзсö мөдöдалöм бöрын Исус пуксис пыжö да кывтис Магдала муö.

16 Фарисейяс да саддукейяс локтисны Исус дiнö да сийöс кыйöм могысь корисны петкөдлыны енэжсянь индысьпас. ² Исус шуис налы: «Рытнас тi шуанныд: "Енэжыс гөрд – аски лоö мича". ³ Асыыводзнас шуанныд: "Енэжыс пемыдгөрд – кыптас бушков". Кык бана шаньгаяя! Енэжлысь чужöмбансö кужанныд тöдмавны, а кадлысь пасьяссö онö. ⁴ Лёк да пезас ылалöм йöз кöсийöны аддзывны индысьпас, но Иона пророк пасысь кындзи оз ло налы мöдыс». Сэсся Исус колис найöс да мунис сэтысь. ⁵ Ты мөдлапöлö вуджиганыс велöдчысыяс казялисны, мый вунöдöмаöсь босьтны няньсö. ⁶ Исус шуис налы: «Видзчысьöй фарисей да саддукей няньшомысь». ⁷ Велöдчысыяс ас костаныс сёрнитисны: «Няньтö тай босьтны вунöдiм». ⁸ Тайöс казялöмөн Исус шуис налы: «Этша эскысыя! Мый нö сёрнитанныд нянь абутöм йывсыд? ⁹ Онö öмöй гөгөрвоой? Вунöдiнныд öмöй вит сюрс мортöс вит няньөн вердöм йылысь? Кымын куд тыр сэки коляссö чукөртiнныд? ¹⁰ А нель сюрс мортöс сизим няньөн вердигөн, кымын куд тыр чукөртiнныд? ¹¹ Кыдзи тi онö гөгөрвоой, эг öд нянь йылысь Ме тiянлы висьтав, мися, видзчысьöй фарисей да саддукей няньшомысь!» ¹² Сэки найö гөгөрвоисны, мый Исус тшöктис видзчысьны налы фарисейяслөн да саддукейяслөн велöдöмысь, эз няньшомысь. ¹³ Исус воис Филиплөн Кесария муö да юалис велöдчысыясыслысь: «Код туйö йöзыс пуктöны Менö, Морт Пиöс?» ¹⁴ Найö вочавидзисны: «Öтияс шуöны, Пыртысь Иоан пö, мөдъяс шуöны, Илля пö, кодсюрö шуöны, Еремей пö, а гашкö, нöшта на мөд пророк». ¹⁵ Исус юалис: «Код туйö тi Менö пуктанныд?» ¹⁶ Симон-Петыр вочавидзис: «Тэ – Крiстос, ловъя Енлөн Пи». ¹⁷ Исус шуис Петырлы: «Тэ шуда, Симон, Ионалөн пи. Öд тайöс тэныд эз морт висьтав, но Менам енэжвыв Батьöй восьтис тэныд. ¹⁸ Ме шуа тэныд: Тэ – Петыр, из. Тайö из вылас Ме лэпта Ассыйм Вичко, да сийöс адлөн

выныс оз вермы. ¹⁹ Ме сета тэныд Енэжвыв Юраланінысь восьтанъяс. Мый көрталан му вылын, сійö көрталöма лоö енэжын. Мый разян му вылын, сійö разьöма лоö енэжын». ²⁰ Исус öлöдiс велöдчысьяссö, медым некодлы эз висътавыны, мый Сійö – Кростос. ²¹ Тайö кадсянь Исус кутис висътавыны велöдчысьясыслы, мый Сылы ковмас мунны Ерусалимö да уна съöкыд сэни нуны пöрысьясянь, архирейясянь да Индöдö велöдысьясянь. Сійöс виасны, но коймöд луннас Сійö ловзяс. ²² Исусöс бокö корöмөн Петыр шуис: «Ен мед видзас Тэнö, Господьöй. Мед оз ло тайö!» ²³ Бергöдчöмөн Исус шуис Петырлы: «Вешы Ме дiнысь, сötана! Тэ Менö крукöдан, öд тэнад мөвпъясыд мортсянь, абу Енсянь». ²⁴ Исус шуис велöдчысьясыслы: «Кодi көсийö мунны Ме бöрся, мед вунöдас асьсö, мед босьтас асьыс крестсö да локтас Ме бöрся. ²⁵ Кодi көсийö видзны асьыс олöмсö, воштас сійöс. Ме вöсна олöмсö воштысь аддзас сійöс. ²⁶ Лоас-ö мортыслы бур, босьтас кө аслыс став муюгыдсö, а олöмсö воштас? Вермас-ö бөр ньöбны асьыс олöмсö? ²⁷ Морт Пи локтас Батыслөн дзирдлунөн Сылөн анделъяскöд да быдөнлы уджъяс сертиыс мынтас. ²⁸ Воськыда висътала тiянлы: кодсюрö танi сулалысьяс пиысь кувтöдзныс на аддзасны юравны локтысь Морт Пиöс».

17 Квайт лун мысти Исус босьти Аскöдыс Петырöс да Яковöс Иоан вокыскöд да кайис накöд джуджыд керöсö. ² Велöдчысьяс син водзын Исуслөн мыгöрыс вежсис: чужöмыс пондiс шондi моз югъявны, паськöмыс лои дзирдалана еджыд. ³ Сэки велöдчысьяс аддзисны Мöйсейöс да Илляöс, найö сёрнитiсны Исускöд. ⁴ Петыр шуис Исуслы: «Господьöй, миянлы танi лöсьыд. Кöсьян кө, куим чом татчö сувтöдам: Тэныд, Мöйсейлы да Иллялы». ⁵ Петырлөн сёрнитiгкостi югыд кымөр вевттис найöс, кымöрсянь кылис гөлöс шы: «Тайö Менам муса Пиöй, Ме нимкодяся Сыөн. Сійöс кывзöй». ⁶ Тайöс кылöмысь велöдчысьяс ёна повзисны, чужöмнысö тупкöмөн уськöдчисны муас. ⁷ Исус матыстчис, инмöдчылис на дiнö да шуис: «Чеччöй, энö полöй». ⁸ Юрнысö лэптöм бöрын найö аддзисны сöмын Исусöс. ⁹ Керöсысь лэччиганыс Исус шуис налы: «Морт Пилөн ловзыйтöдз некодлы энö висъталöй, мый аддзылинныд». ¹⁰ Велöдчысьяс юалисны Исуслысь: «Мыйла Индöдö велöдысьяс шуöны, Иллялы пö колö водзджык локны?» ¹¹ Сійö вочавидзис: «Дерт, Иллялы колö водзджык локны да ставсö лöсьöдны. ¹² Висътала тiянлы: Илля локтiс нин. Сöмын йöзыс сійöс эз тöдны, ськöд вöчисны, мый көсийсны. Тадзи тшöтш Морт Пилы уна съöкыд насянь вичмас». ¹³ Велöдчысьяс сэки гöгөрвоисны, мый Исус висъталис налы Пыртысь

Иоан йылысь. ¹⁴ Найö мөдöдчисны йöз чукöрлань. Муниганыс матыстчис Исус дiнö морт, сійö пидзöс вылас сувтöмөн ¹⁵ корис: «Господьöй, ло бур съöлöма менам пи дiнö. Сійö шыблалан висъöмөн висъö, тшöкыда биö-ваö усьлö, таысь сылы ёна съöкыд. ¹⁶ Ме вайöдлi сійöс велöдчысьяс дiнад, но найö бурдöднысö эз вермыны». ¹⁷ Исус шуис: «Эскытöм-ылалöм йöз! Дыр-ö на Меным овнысö тiянкöд? Дыр-ö на Меным видзöдны тiянöс? Вайöдöй Ме дiнö зонкасö». ¹⁸ Исус öлöдiс пөж лолöс. Сэки пөж лов петiс зонка пытшкысь, и зонка пырысьтöм-пыр бурдiс. ¹⁹ Ас кечаныс кольöм бöрын велöдчысьяс юалисны Исуслысь: «Мыйла ми эгö вермöй вöтлыны пөж ловсö?» ²⁰ Исус шуис: «Онö эскöй да. Воськыда висътала тiянлы: лоас кө тiян эскöмныд горчица тусь ыджда, верманныд шуны тайö керöсыслы: "Вешы тасянь сэтчö" – и сійö вешъяс. Тiянлы нинöм вермытöмыс оз ло. ²¹ Видзавтöг да кевмысьтöг татшöм пөж ловъяссö вöтлыны онö вермöй». ²² Галилеяö локтöм бöрын Исус шуис велöдчысьясыслы: «Морт Пиöс сетасны йöзлөн киö. ²³ Сійöс виасны, но коймöд луннас Сійö ловзяс». Велöдчысьяс шогö усисны. ²⁴ Исус велöдчысьясыскöд локтiс Капернаум карö. Сэни Петыр дiнö матыстчисны крамлы вот чукöртысьяс да юалисны: «Мынтö-ö тiян Велöдысьныд вотсö?» ²⁵ Петыр вочавидзис: «Мынтö». Кор Петыр пырис керкаö, Исус дзик пыр юалис: «Симон, тэ ногөн, кодлысь öксыяс вотсö перийöны: ас войтырыслысь али мукöдлысь?» ²⁶ Сійö вочавидзис: «Мукöдлысь». Исус шуис: «Сидзкö, ас войтырыс вотсö оз мынтыны. ²⁷ Мед оз дöзмыны найö, мун ты дорас да чöвт вугыртö. Медводдза шедöм чери вомсьыс тэ аддзан эзысь съöм. Босьт сійöс да мынты налы Ме пыдди и ас пыддиыд».

18 Сэки локтiсны Исус дiнö велöдчысьясыс да юалисны Сылысь: «Кодi Енэжвыв Юраланiнас ыджыдджыкыс?» ² Исус корис кагаöс да на шөрö сійöс сувтöдöмөн ³ шуис: «Воськыда висътала тiянлы: онö кө вежсьöй да лöй челядь кодьöсь, Енэжвыв Юраланiнö онö пырöй. ⁴ Тайö кага кодьö асьсö пуктысь лоас Енэжвыв Юраланiнын ыджыдджык. ⁵ Кодi Менам ним вöсна сибöдö öти татшöм кагаöс, сійö сибöдö Менö». ⁶ «Кодi ыштöдас тайö ичөтъясысь öтикöс, Меным эскысьöс, сылы бурджык лöй, сылыас кө ыджыд изки öшöдасны да вöйтасны джуджыд саридзö. ⁷ Курыд шог муюгыдыслы ыштöдöмъясысь! Ыштöдöмъяслы колö локнысö, но курыд шог сійö мортлы, код пыр локтöны ыштöдöмъясыс! ⁸ Ки-кокыд кө ыштöдö тэнö, керышт да шыбит сійöс. Бурджык пырны помтöм олөмö ки пöлаөн либö кок пöлаөн куслытöм биö тэнö киа-кокаөн шыбитöм дорысь. ⁹ Синмыд кө ыштöдö тэнö, перйы да шыбит сійöс.

Бурджык пырны помтөм олөмө син пөлаөн куслытөм биө тэнө синмаөн шыбитөм дорысь». ¹⁰ «Кывзэй, тайө ичөтъясысь весиг өтикөс энө өтдортой. Висьтала тиянлы: енэжын налөн анделъясныс пыр енэжыв Батълөн чужөмбан водзынөсь. ¹¹ Морт Пи локтис корсьны да мездыны вошөмаясөс. ¹² Мый ти шуанныд? Мортлөн кө сө ыжсьыс өти вошас, оз-ө сийө коль өкмысдас өкмыссө керөсө да мун корсьны вошөмасө? ¹³ Воськыда висьтала тиянлы: аддзас кө сийөс, ёнджыка нимкодясяс өти вөснаыс вошлытөм өкмысдас өкмысыс дорысь. ¹⁴ Тадзи енэжыв Батъныд оз көсйы, медым тайө ичөтъясысь весигтө өти вошис». ¹⁵ «Воқыд кө мыж вөчас тэныд паныд, мун да ас кежаныд янөд сийөс. Кывзас кө тэнө, сийө тэныд вокөн кольө. ¹⁶ Оз кө кывзы тэнө, босьт аскөдыд өти-кык мортөс, өд "ставсө колө подулавны кык либө куим мортлөн висьталөмөн". ¹⁷ Оз кө сийө кывзы найөс, висьтав вичко водзын. Весиг кө найөс оз кывзы, лыдды сийөс ентөдтөмөн, вот перйысыяс лыдө пукты. ¹⁸ Воськыда висьтала тиянлы: мый көрталанныд му вылын, сийө көрталөма лоө енэжын. Мый разянныйд му вылын, сийө разьөма лоө енэжын. ¹⁹ Висьтала тиянлы: тиян пиысь кө кыкөн өтвив корасны мыйкө, енэжыв Батъй сетас налы. ²⁰ Од көні кыкөн-куимөн чукөртчасны Менам нимөн, сэні Ме на шөрын лоа». ²¹ Сэки Петыр матыстчис Исус динө да юалис: «Господьёй, меным кө вокөй лёк вөчө, кымынысь колө сийөс прөститнысө? Сизимысь-ө?» ²² Исус вочавидзис: «Оз сизимысь, а сизимдас пөв сизимысь! ²³ Енэжыв Юралөмыс татшөм. Оксы шуис артавны аслас кесйөгъяслысь уджйөзсө. ²⁴ Арталигас оксы водзө вайөдісны өти кесйөгөс, кодлөн уджйөзыс вөлі дас сюрс талант. ²⁵ Мынтынысө сийө эз вермы. Сэки оксы тшөктис вузавны тайө кесйөгсө, сылысь гөтырсө, ныв-писө да овмөссө, медым тадзи бергөдны уджйөзсө. ²⁶ Кесйөг уськөдчис оксы водзө да пондіс корны: "Ыджыдөй, ло бур сьөлөма! Ме ставсө тэныд мынта". ²⁷ Оксылөн сьөлөмыс небзис. Сийө шуис лэдзны кесйөгсө да вунөдны уджйөзсө. ²⁸ Ывлаө петөм бөрын кесйөг аддзис уджъёртсө. Ёртыс вөлі уджйөза сылы сө динар. Сийөс джагөдөмөн шуалис: "Мынты уджйөзтө!" ²⁹ Ёртыс пидзөс вылас уськөдчөмөн корис: "Ло бур сьөлөма! Ставсө мынта". ³⁰ Мөдыс эз көсйы виччысьнысө да йөртис ёртсө дзескыдинө уджйөзсө мынтытөдзыс. ³¹ Тайөс аддзылөмысь мукөд кесйөгыс шөгө усисны. Найө мунисны оксы динө да висьталисны сылы ставсө. ³² Оксы корис ас динас сийө кесйөгсө да шуис: "Лөк морт тэ вөлөмыд! Тэнад корөм серти ме вунөді тэнсьыд став уджйөзтө. ³³ Эз өмөй ков тэныд ме моз лоны бур сьөлөмаөн?" ³⁴ Скөрмөм оксы чорыда

мыждис кесйөгсө да йөртис сийөс дзескыдинө уджйөзсө дзоньнас вештытөдзыс. ³⁵ Тадзи Менам енэжыв Батъ вөчас тиянлы, онө кө сьөлөмянныд прөститөй вокнытө».

19 Тайөс висьталөм бөрын Исус петис Галилея муысь да мунис Йөрдан ю мөдлапөлөд Юдея муө. ² Зэв уна йөз вөтчис Сы бөрся, и Сийө бурдөдалис найөс. ³ Исус динө матыстчисны фарисейяс да Сийөс кыйөм могысь юалисны: «Быд помка вөсна-ө морт вермас юксьыны гөтырыскөд?» ⁴ Исус вочавидзис: «Энө өмөй лыддылөй, мый медводз Ен вөчис аймортөс да аньөс? ⁵ Сийө шуис: "Та вөсна морт кольө батъ-мамсө да өтлаасьө гөтырыскөд, и тайө кыкыс лооны өти вир-яйөн". ⁶ Сидзкө, найө абу нин кык, а өти вир-яй. Мый йитөма Енмыс, морт мед оз торйөд». ⁷ Фарисейяс шуисны: «Мыйла нө Мөисей тшөктис гөтыртө энөвтигөн сетны сылы торйөдчан гижөд?» ⁸ Исус вочавидзис: «Чорыд сьөлөмныд вөсна Мөисей лэдзис тиянлы энөвтны гөтыръяснытө. Водзынсө эз вөв тадзи. ⁹ Ме шуа тиянлы: верөсыс кө энөвтө гөтырсө, а гөтырыс оз кырсава, да гөтрасьө мөдкөд, сийө гозъя олөм пежалө. Юксьөм аньөс гөтырө босьтысь тшөтш пежалө». ¹⁰ Велөдчысыяс шуисны: «Бурджык, сидзкө, гөтрасьтөг овны». ¹¹ Исус шуис: «Оз быдөн вермы тадзи овнысө, сөмын кодлы тайөс сетөма. ¹² Уна помка вөсна морт оз вермы гөтрасьны: өтияс мам кынөмянныс нин татшөмөсь, мөдъясөс вөчисны татшөмъясөн, коймөдъяс Енлы кесъялөм вөсна гөтрасьтөг олөны. Верман кө тадзи овны, ов». ¹³ Исус динө вайөдісны челядьөс, медым Сийө кисө пуктылөмөн кевмысис. Велөдчысыяс шуасисны вайөдысыяс вылө. ¹⁴ Исус шуис: «Лэдзөй челядьсө. Энө кутөй найөс Ме динө локтөмысь. Енэжыв Юраланінсө өд на коддьөмлы лөсьөдөма». ¹⁵ Исус пуктылис на вылө кисө, сэсса мунис сэтысь. ¹⁶ Оти морт локтис Исус динө да юалис: «Бур Велөдысьөй, кутшөм буртор меным колө вөчны, мед менам вөлі помтөм олөм?» ¹⁷ Исус вочавидзис: «Мыйла тэ шуан Менө бурөн? Некод абу бурыс, сөмын Енмыс бур. Көсьян кө пырны помтөм олөмө, ов тшөктөмъяс серти». ¹⁸ Мортыс юалис: «Кутшөм тшөктөмъяс серти?» Исус вочавидзис: «Эн ви, гозъя олөмтө эн пежав, эн гусясь, эн пөръясь, ¹⁹ пыдди пукты асьыд батъ-мамтө, радейт матыссатө асьтө моз». ²⁰ Том морт шуис: «Ме ола тайө тшөктөмъяс сертиыс. Мый нөшта оз тырмы?» ²¹ Исус шуис: «Көсьян кө тырвийө бурөн лоны, мун, овмөстө вузав да сьөмсө сет гөляслы. Сэки тэныд енэжын озырлуныс вичмас. Сэсса лок Ме бөрся». ²² Тайө кывъяссө кылөм бөрын том морт жугыля мунис, өд сылөн озырлуныс вөлі уна. ²³ Велөдчысыяс шуис: «Воськыда висьтала тиянлы: озырлы

сьоқыд пырны Енэжвыв Юраланінө. ²⁴ Нöшта шуа: озырлы Енлөн Юраланінө пырөм дорысь верблюдлы кокныдджык пырны ем пысөд». ²⁵ Велөдчысьясөс тайö чуймөдiс, и найö юалисны: «Кодi нö, сiдзкö, вермас мездмынысö?» ²⁶ На вылö видзöдлөмөн Исус шуис: «Мортлы тайö вермытөмтор, но Енмыслы ставыс вермана». ²⁷ Сэки Петыр шуис: «Ми ставсö эновтiм да мунiм Тэ бöрся. Мый миянлы вичмас таысь?» ²⁸ Исус шуис: «Веськыда висьтала тiянлы: выль олөмын Морт Пи пуксяс дзирдлуныслөн юралан пуклөсö. Тшöтш тi, Ме бöрся мунысьяс, пуксянныд дас кык юралан пуклөсö мыждыны израильса дас кык чужанкотырöс. ²⁹ Кодi Менам ним вöсна коляс керкасö, чой-воксö, бать-мамсö, гöтырсö, ныв-писö, видз-мусö, сылы сё пöвстөн бөр воас, нöшта помтөм олөм сылы вичмас. ³⁰ Воддзаясысь унаөн лоöны бөръяөн, бөръяясысь – воддзайн».

20 «Енэжвыв Юралөмыс татшөм. Овмөс кутысь водз асывнас мунас медавны аслас виноград йөрö уджалысьясөс. ² Уджалысьяскөд сёрнитчас лунысь динар мынтыны, сэсся мөдөдас найöс виноград йөрас. ³ Öкмыс часын овмөс кутысь петас да аддзас медасянинысь уджтөг сулалысь йөзöс. ⁴ Сiйö шуас налы: "Мунöй менам виноград йөрö. Ме мынта тiянлы лöсялан удждонсö". ⁵ Найö мунасны. Дас кыкын, сэсся куим часын овмөс кутысь бара петас да воддза мозыс вöчас. ⁶ Сэсся вит час гөгöрын петас да аддзас, кодсюрö сулалөны на. Сiйö юалас налысь: "Мый тани сулаланныд кузь лунтырсö?" ⁷ Найö вочавидзасны: "Миянöс эз медавны". Сэки сiйö шуас налы: "Мунöй менам виноград йөрö. Ме мынта тiянлы лöсялан удждонсö". ⁸ Рытнас овмөс кутысь шуас уджөн веськөдлысьылы: "Кор уджалысьястö да мынтысь налы. Бöрынджык локтöмаяслы мынты воддджык, сэсся воддзаясыслы". ⁹ Вит часын локтöмаяс босьтiсны динарөн. ¹⁰ Воддза локтöмаяс мөвпыштiсны, мый унджык босьтасны, но налы тшöтш динар мынтiсны. ¹¹ Удждон босьтөм бöрын найö элясясны овмөс кутысьылы: ¹² "Ми кузь лунтыр гож водзын мырсим, а бöрынджык локтöмаяс сöмын час уджалiсны, да налы тэ дзик миянлы моз мынтiн". ¹³ Овмөс кутысь на пиысь öтилы шуас: "Ёртöй, ме эг пöрйөдлы тэнö. Тэ öмöй эн динарысь сёрнитчыв мекөд? ¹⁴ Бость динартö да мун. Ме кöсья бöрынджык локтöмалы мынтыны тшöтш тэныд моз. ¹⁵ Öг öмöй ме вермы ассьым сьöмөс видзны ас кöсйөм серти? Тэнад öмöй вежыд петö, мый ме бур сьөлөма?" ¹⁶ Тадзи бөръяяс лоöны воддзайн, а воддзаяс – бөръяөн. Унаөс корöма, но этшаөс бөрйöма». ¹⁷ Ерусалимö кайигөн Исус корис дас кыкнан велөдчысьсö да мунiгмозыс висьталiс налы: ¹⁸ «Öнi ми мунам Ерусалимö. Сэни Морт Пиöс

сетасны аркирейяслы да Индöдö велөдысьяслы. Найö шуасны вины Сiйöс, ¹⁹ сетасны ентöдтөмьяс киö. Найö сераласны Сiйöс, чорыда нöйтасны, сэсся тувъяласны крестö. Но коймөд луннас Сiйö ловзяс». ²⁰ Зеведей пиянлөн мамыс пияныскөд локтiс аслас корөмөн Исус дiнö. Ань копытчис Исус водзö. ²¹ Исус юалис: «Мый тэ кöсьян?» Ань вочавидзис: «Пуксьöд Аскöдыд Юраланiнад менсьым кыкнан пиöс, öтисö веськыдладорад, мөдсö шуйгаладорад». ²² Исус шуис: «Онö төдöй, мый коранныд. Верманныд-ö юны Меным лөсьöдөм чашасö да Менам пыртчөмөн пыртчыны?» Найö вочавидзисны: «Вермам». ²³ Исус шуис: «Менсьым чашасö понданныд юны да Менам пыртчөмөн понданныд пыртчыны. Но мед пуксьöдны веськыдладорам да шуйгаладорам – тайö абу Ме сайын. Менам Бать сэтчö пуксьöдысьыс». ²⁴ Кык воклөн сёрниыс дөзмөдiс мукөд дас велөдчысьсö. ²⁵ Исус корис велөдчысьяссö да шуис: «Тi төданныд, мый юралысьяс ыджыдалөны йöз вылын, да веськөдлысьяс кипод улас кутöны йөзöс. ²⁶ Но тi тадзи энö вöчöй. Кöсьян кö ыджыдö пуксьыны – кесьяв, ²⁷ кöсьян кö юралысьö пуксьыны – ло кесйөг туйын. ²⁸ Öд Морт Пи эз лок, медым Сылы кесьялисны. Сiйö локтiс кесьявны да сетны Ассьыс олөмсö унаөс ньöбөм могысь». ²⁹ Ерикон карысь петиганыс Исус бöрся вөтчис зэв уна йөз. ³⁰ Туй дорас пукалiсны кык синтөм морт. Кор кылисны Исуслысь на дортi мунөмсö, горөдiсны: «Господьöй, Давид Пи! Ло бур сьөлөма миян дiнö!» ³¹ Йöзыс öлөдiсны найöс горзөмысь, но найö ёнджыка на пондiсны горзыны: «Господьöй, Давид Пи! Ло бур сьөлөма!» ³² Исус сувтiс, корис найöс да юалис: «Мый тi кöсьяанныд?» ³³ Найö вочавидзисны: «Господьöй, кöсьям аддзыны». ³⁴ Исуслөн сьөлөмыс нормис на вöсна. Сiйö инмөдчылис налы синмас, да найö дзик пыр кутiсны аддзыны. Сэсся кыкнанныс мунiсны Исус бöрся.

21 Ерусалимланы матыстчигөн Исус велөдчысьясыскөд воис Олив керöсын сулалысь Виффагия сикт дорö. Ассьыс кык велөдчысьсö мөдөдiгөн Исус ² шуис: «Мунöй тайö сиктас. Сэтчö пыриганыд аддзанныд домалөм чаня осёлöс. Разьöй да вайөдöй найöс Ме дiнö. ³ Тiянлы кö мыйкö шуасны, вочавидзöй, мый найö колöны Господьлы. Сэки тiянлы дзик пыр сетасны». ⁴ Ставыс тадзи артмис, медым инiс пророклөн шуөмыс: ⁵ – Висьталöй Сион нывлы: Видзөд, Öксыыд локтö тэ дiнö! Сiйö рам, пукалö осёл вылын, сийöсалөм осёллөн чань вылын. ⁶ Велөдчысьяс мунiсны да вöчисны Исуслөн тшöктөм серти. ⁷ Вайөдiсны осёлöс чаньыскөд да пукталiсны на вылö паськөмнысö, сэсся Исус пуксис. ⁸ Унаөн вольсавлисны ассьыныс паськөмнысö туй вылас,

мукöдыс чегъялісны пу вожъяс да тшöтш пукталісны туй вылас. ⁹ Водзас да бöрас мунысьяс горзісны: – Осанна! Ошкөм Давид Пилы! Бурсиöма Господь нимөн Локтысьöс! Ошкөм Медвылыссалы! ¹⁰ Кор Исус пырис Ерусалимö, став карыс шызис, быдөн юасис: «Коді тайö?» ¹¹ Йöзыс шуалісны: «Тайö Исус, Галилеяса Назарет карыс Пророк». ¹² Исус пырис Енлөн крамö да вöтлаліс сэтысь став вузасьысь-ньöбасьысьсö, пöрлөдліс сьöм вежысьяслысь пызанъяссö да гулюөн вузасьысьяслысь пуклөсьяссö. ¹³ Сійö шуис налы: «Гижöма: "Менам керкаöй кевмысян керка лоö". А ті сыысь вöчинныд лёк вöчысьяслы дзебсянін». ¹⁴ Крамын матыстчисны Исус дінö синтöмъяс да коктöмъяс. Исус бурдöдаліс найöс. ¹⁵ Кор аркирейяс Индöдö велöдысьяскөд аддзисны Сылысь шензьöданаторъяс вöчöмсö да кылісны крамын челядьлысь горзöм: «Ошкөм Давид Пилы!», ёна дözмисны. ¹⁶ Исуслы шуисны: «Кылан-ö, мый найö шуалöны?» Исус вочавидзис: «Кыла. Ті öмöй энö лыддьылöй: "Тэ лöсьöдін, медым кагаяс да челядь ошкисны Тэнö"». ¹⁷ Сэсся Исус эновтіс найöс, петіс карсьыс да муніс вой кежлас Вифания сиктö. ¹⁸ Асывводзнас карö бөр локтігас Исуслөн кынöмыс пондіс сюмавын. ¹⁹ Туй дорсьыс Сійö аддзис инжир пу. Матыстчис да аддзис сы вылысь сöмын коръяссö. Исус шуис пуыслы: «Пыр кежлö вöтöстөг колян». Инжир пуыс пырысь-пыр косьмис. ²⁰ Тайöс аддзылісны велöдчысьяс да чуймöмөн шуисны: «Мыйла пуыс татшöм öдйö косьмис?» ²¹ Исус вочавидзис: «Веськыда висьтала тіянлы: эсканныд кө да онö майшасьöй, сэки онö сöмын тайöс вöчöй. Шуанныд кө тайö керöсыслы: "Кыпöдчы да шыбитчы саридзас", лоö тадзи. ²² Мый коранныд эскöмөн кевмысигад, лоö тіянлы». ²³ Исус локтіс крамö. Сэні велöдігас Сы дінö матыстчисны аркирейяс пöрысьяскөд да юалісны: «Кутшöм вынөн Тэ ставсö тайöс вöчан? Коді Тэнö пуктіс тайöс вöчнысö?» ²⁴ Исус воча шуис: «Ме тшöтш тіянлысь öтитор юала. Вочавидзанныд кө, висьтала, кутшöм вынөн ставсö тайöс вöча. ²⁵ Иоанлөн пыртöмыс кодсянь вöлі? Енсянь али мортсянь?» Найö ас костаныс сёрнитісны: «Шуам кө: "Енсянь", Сійö миянлы шуас: "Мыйла сылы энö эскöй?" ²⁶ Шуам кө: "Мортсянь", йöзсьыс ковмас повны, öд Иоанöс ставныс пророкө пуктöны». ²⁷ Найö вочавидзисны: «Огö тöдöй». Сэки Исус шуис: «Сідзкө, Ме тшöтш ог висьтав, кутшöм вынөн ставсö тайöс вöча». ²⁸ «Мый ті шуанныд та йылысь? Öти мортлөн вöлі кык пи. Öти пи дінас матыстчöмөн сійö шуас: "Пиöй, мун талун уджышт виноград йöрын". ²⁹ Пиыс вочавидзас: "Ог көйы". Бöрынджык вежас мөвпсö да мунас. ³⁰ Батьыс матыстчас мөд пиыс дінö да тшöтш тадзи шуас. Пиыс вочавидзас: "Батьöй,

муна, дерт", но ачыс оз мун. ³¹ Кодныс нö батьыслөн көсйöм сертиыс вöчис?» Вочавидзисны: «Воддзаыс». Исус шуис: «Веськыда висьтала тіянлы: вот перйысьяс да кырсалысь аньяс тіян водзвылын муноны Енлөн Юраланінö. ³² Иоан локтіс индыны тіянлы веськыдлуныслысь туйсö, а ті сылы энö эскöй. Вот перйысьяс да кырсалысь аньяс эскисны сылы. Ті весиг тайöс аддзылөм бöрын энö бергöдчöй мыжъяссьыныд да энö эскöй сылы». ³³ «Кывзöй мөд велöданвисьт. Овмös кутысь пуктас аслас йөрö виноград, гөгöрыс потшас, вöтös ныранін кодъяс да джуджыд лэбув лэптас. Сэсся йöрсö виноград быдтысьяслы көртымö сетас, ачыс мунас. ³⁴ Вöтös чукöртан кадö овмös кутысь мөдöдас кесйөгъяссö босьтны вöтöсысь ассьыс пайсö. ³⁵ Виноград быдтысьяс кутасны кесйөгъяссö: öтиös нöйтасны, мөдös виасны, мукöдсö изъяласны. ³⁶ Овмös кутысь мөдöдас мукöд кесйөгъяссöс, воддза сертиыс унджыкös. Накөд тшöтш сідзи вöчасны. ³⁷ Медбөрти виноград быдтысьяс дінö овмös кутысь мөдöдас ассьыс писö, мөвпыштас: "Менам пиысь, гашкө, яндысясны". ³⁸ Писö аддзöм бöрын виноград быдтысьяс шуасны öта-мөдныслы: "Тайö мортыслы вуджас овмöсыс. Мунам да виам сійös, медым овмöсыс миянлы колян". ³⁹ Найö кутасны сійös, петкөдасны виноград йöрсьыс да виасны. ⁴⁰ Мый вöчас овмös кутысь виноград быдтысьяскөд локтöм мыстиыс?» ⁴¹ Вочавидзисны: «Тайö лёк йöзсö сійö лёк нога виас. Виноград йöрсö көртымö сетас мукöдлы, кодъяс индöм кадö сетасны сылы вöтöсысь пайсö». ⁴² Исус шуис: «Энö öмöй Гижöдсьыс лыддьылöй: – Изйыс, кодös шыбитісны керка лэптысьяс, лоис пельös изйөн. Тайö Господьянь да шензяна миян синьяслы. ⁴³ Та вöсна шуа тіянлы: Енсянь Юралöмсö мырддясны тіянлысь да сетасны войтырлы, коді вайö Ен Юралöмлысь вöтöссö. ⁴⁴ Коді усяс тайö изйыс вылө, сійö пасьмунас. Код вылө изйыс усяс, сійös лямöдас». ⁴⁵ Тайö велöданвисьтъяссö кылөм бöрын аркирейяс да фарисейяс гөгөрвоисны, мый Исус висьталіс на йылысь. ⁴⁶ Найö көсйисны кутны Сійös, но полісны йöзсьыс, öд йöзыс Сійös пророкө пуктісны.

22

Исус висьталіс нöшта öти велöданвисьт: ² «Енэжвыв Юралöмыс татшöм. Öксы аслас пиыслы көлысь вöчас. ³ Сійö ыстас ассьыс кесйөгъяссö корны йöзös көлысь вылө. Корöмаяс оз көсйыны локнысö. ⁴ Öксы бара мөдöдас мукöд кесйөгъяссöс да тшöктас висьтавын корöмаяслы: "Сёян-юан менам дасьтöма, öшъяс-куканьяс начкөма, ставыс дась. Локтöй көлысясьны!" ⁵ Корöмаяс пыдди оз пуктыны корöмсö: öтияс мунасны видз-му выланыс, мөдъяс вузасьны. ⁶ Мукöдыс кутасны öксылысь кесйөгъяссö да

кувтөдзыс найос нойтасны. ⁷ Оксы кывлас та йылысь да ёна скормас. Сийо мододас ассыы шыпуртаяссө вины морт виысьясос, а карсө тшөктас сотны. ⁸ Сэсса аслас кесйөгъяслы шуас: "Кöлысь дась. Корöмаясыд вöлөмкө шогмытöмөсь. ⁹ Мунöй туйвежъясö да корöй кöлысь вылө быдөнös". ¹⁰ Кесйөгъяс мунасны да корасны быдөнös: лекъясос и буръясос. Кöлысь гажөдчанін тырас. ¹¹ Оксы пырас гажөдчанінö видзөдлыны воöмаясöс да аддзас мортös, кодi абу кöлысь паськöма. ¹² Оксы юалас сылысь: "Ёртöй, кызди тэ пырин татчö кöлысь паськöмтöгыс?" Сийö кыв оз шу. ¹³ Сэки оксы тшөктас кесйөгъяслы: "Ки-коксö корталöмөн шыбитöй сийös пемыдас. Сэни лоö бөрдөм да пинь йирöм". ¹⁴ Шуа тiянлы: унаös корöма, но этшаös бөрйöма». ¹⁵ Фарисейяс мунисны да ас костаныс сёрнитчисны кыйны Исусös сёрниас. ¹⁶ Найö модöдисны Сы дiнö Ирöдлысь йöзсö да ассыыныс велөдчысьяссö. Локтöмаяс шуисны: «Велöдысь, ми тöдам, мый Тэ веськыда сёрнитан да веськыда велөдан Енлөн туйö. Тэ он пов йöзлөн шуасьöмысь, он видзөд морт вылө. ¹⁷ Висьтав, колö-ö кесарлы вот мынтыны?» ¹⁸ Налысь наянлунсö тöдöмөн Исус шуис: «Кык бана шаньгаяс! Мыйла тi зiлянныд кыйны Менö? ¹⁹ Петкөдлöй Меным вот мынтан сьöмнытö». Найö мыччисны Сылы динар. ²⁰ Исус юалис: «Кодлөн танi чужöмыс-нимыс?» ²¹ Найö вочавидзисны: «Кесарлөн». Исус шуис налы: «Кесарлысь сетöй кесарлы, а Енлысь – Енлы». ²² Тайös кылöмысь найö чуймисны, сэсса колисны Исусös да мунисны. ²³ Сийö лунö локтисны Исус дiнö саддукейяс, кодъяс шуöны, ловзьöмыс пö абу. Найö юалисны Исуслысь: ²⁴ «Велöдысь, Мöйсей шулöма, мый "нив-питöм морт кö кулас, вокыслы колö босьтны сылысь гöтырсö да нюжөдны аслас вокыслысь рöдсö". ²⁵ Танi миян вöли сизим вок. Ыджыдыс гөтрасис, сэсса кулис, нив-пиыс эз коль. Гöтырсö вокыс босьтiс. ²⁶ Тадзи лои мөд вокыскөд, коймөдыскөд, став сизимнанныскөд. ²⁷ Медбöрын аныс кулис. ²⁸ Ловзьöм бöрас кодлы сийö гöтырөн лоас, öд сизим верös сылөн вöли?» ²⁹ Исус вочавидзис: «Тi ылалöмныд Гижөдъяссö да Енлысь вынсö тöдтöмныдла. ³⁰ Ловзьöмаяс оз гөтрасыны да верös сайö оз мунны. Найö Енлөн енэжвыв андельяс кодьöсь. ³¹ Ловзьöм йылысь шуа – тi öмöй энö лыддьылöй, Енмыс öд шуöма: ³² "Ме Öвраамлөн Ен, Исааклөн Ен да Яковлөн Ен"? Енмыс абу кулöмаяслөн Ен, Сийö ловъяяслөн Ен». ³³ Йöзыс шензисны Сылөн велөдöмысь. ³⁴ Фарисейяс кор кылисны, мый Исус ланьтöдöма саддукейясös, чукөртчисны öтлаö. ³⁵ На пиысь öти, Индөдö велöдысь, Исусös кыйöм могысь юалис: ³⁶ «Велöдысь, Индөдас кутшöм тшөктöм

медыджыд?» ³⁷ Исус шуис: «Радейт ассыыд Господь Ентö став сьöлöмнад, став олöмнад да став мывкыднад. ³⁸ Тайö медыджыд да медтöдчана тшөктöм. ³⁹ Сы кодь мөд тшөктöмыс: радейт матыссатö асьтö моз. ⁴⁰ Тайö кык тшөктöмыс вылө подуласьö став Индöдыс да пророк гижөдъяс». ⁴¹ Исус юалис чукөртчöм фарисейяслысь: ⁴² «Мый шуанныд Кростос йылысь? Кодлөн Сийö пи?» Найö вочавидзисны: «Давидлөн». ⁴³ Сэки Исус юалис: «Мыйла нö Ловсянь сёрнитигас Давид шуö Сийös Господьөн: ⁴⁴ – Господь шуис менам Господьлы: "Пукав Менам веськыдладорын, кытчөдз ог пукты Тэнад кок улö Тэныд паныд мунысьясос". ⁴⁵ Давид кö шуö Сийös Господьөн, кызди нö Сийö сылы пиөн лоö?» ⁴⁶ Исуслы некод эз вермы воча кыв шуны. Сийö лунсянь некод нин эз лысьт юасыны Сылысь. **23** Йöз чукөрлы да велөдчысьяслы Исус висьталiс: ² «Мöйсей пуклöсö пуксисны Индөдö велöдысьяс да фарисейяс. ³ Кывзöй найös да вöчöй ставсö налөн шуöм серти. Сöмын на ног энö олöй: найö öтитор шуöны, а мөдтор вöчöны. ⁴ Найö кортавлöны сьökыд, нуны вермытöм нöбъяс да пуктöны йöзлы пельпом вылас. Но асьныс весиг чунь помнас вөрзьөдны оз кöсийны. ⁵ Найö ставсö вöчöны йöзлы петкөдлöм могысь: öшлöны ас выланыс ыджыд кудъяс, кузьмөдöны паськөм дорыш тугъяссö. ⁶ Найö радейтöны гажөдчанiнын бурджыклаö пуксыны, синагогаын водзын пукавны ⁷ да йöзаинын чолөмалöмъяс кывзыны. Налы сьöлөм вылас воö, ыдждөдлöны кö найös велöдысьөн. ⁸ Но тi энö пуксьöй велöдысьö, öд Велöдысьыс тiян öти – Кростос, а тi öта-мөдныдлы вокъяс. ⁹ Тайö му вылас некодös энö ыдждөдлöй батьөн, öд Батъыс тiян öти – енэжъяс вылын. ¹⁰ Энö пуксьöй туйдöдысьö, öд Туйдöдысьыс тiян öти – Кростос. ¹¹ Тiян пövстысь ыджыдджыкыс мед лоö тiянлы кесъялысьөн. ¹² Öд асьсö вылө пуктысьös лэдзасны, асьсö улö пуктысьös кыпöдасны». ¹³ «Курыд шог тiянлы, Индөдö велöдысьяс да фарисейяс! Кык бана шаньгаяс! Тi Енэжвыв Юраланiнысь öдзöссö йöз водзын пöдлаланныд. Асьныд онö пырöй да пырны кöсийсысьяс онö лэдзöй. ¹⁴ Курыд шог тiянлы, Индөдö велöдысьяс да фарисейяс! Кык бана шаньгаяс! Тi дөваяслысь керкасö куштанныд да асьнытö петкөдлöм могысь дыр кевмысанныд. Таысь тiянös чорыда мыждасны. ¹⁵ Курыд шог тiянлы, Индөдö велöдысьяс да фарисейяс! Кык бана шаньгаяс! Тi мусö да васö вуджанныд, медым аддзыны тiян бöрся öти мунысьös. А сюрас кö, тi вöчанныд сыысь куслытöм биö мунысьös, кык пöv лекджыкös на ас дорсыныд. ¹⁶ Курыд шог тiянлы, синтöм нуöдысьяс! Тi шуанныд: "Мортыс кö крам водзын кыв сетас, тайö кывсö позьö торкны. Сетас кö кывсö

крамлөн зарни водзын, таысь кывкутас".

¹⁷ Синтөмъяс да мывкыдтөмъяс! Мый ыджыдджык: зарниыс али зарнисө вежөдысь крамыс? ¹⁸ Тi шуанныд: "Мортыс кө висьпуктанін водзын кыв сетас, тайö кывсö позьö торкны. Сетас кө кывсö висьпуктанінö вайөмтор водзын, таысь кывкутас".

¹⁹ Синтөмъяс! Мый ыджыдджык: вайөмторйыс али вайөмторсö вежөдысь висьпуктаніныс? ²⁰ Мортыс кө висьпуктанін водзын кыв сетö, сійö кыв сетö тшöтш став вайөмторйыс водзын. ²¹ Крам водзын кө кыв сетö, сійö кыв сетö тшöтш сэнi Олысьыс водзын. ²² Мортыс кө енэж водзын кыв сетö, сійö кыв сетö Ен пуклос водзын да Пукалысьыс водзын.

²³ Курыд шог тiянлы, Индöдö велöдысьяс да фарисейя! Кык бана шаньгаяс! Тi сетанныд исань турунысь, укропысь да тминысь дасöд юкөнсö. А Индöдысь коланаджыкторсö энотiнныд: веськыда мыждөмсö, буралөмсö да эскөмсö. Тайöс колö вöчны да мукöдторсö оз ков вунöдны. ²⁴ Синтөм нуöдысьяс! Номйöс сöдзöданныд да верблюдöс ньылаланныд! ²⁵ Курыд шог тiянлы, Индöдö велöдысьяс да фарисейя! Кык бана шаньгаяс! Тi тасьтi-дозмуклысь ортсысö весаланныд, а пытшкөсыс гусясьөмөн да ылöдчөмөн тырöма.

²⁶ Синтөм фарисей, медводз пытшкөссяныс весав тасьтi-дозмуктö, сэки ортсысяныс тшöтш сөстөммас. ²⁷ Курыд шог тiянлы, Индöдö велöдысьяс да фарисейя! Кык бана шаньгаяс! Тi еджыдөн мавтөм гортъяс кодьöсь. Ортсысяныс сійö мича, а пытшкөсас тырыс шой лы да быд пежыс. ²⁸ Ортсысяныд, видзöдны кө, веськыда олысьяс кодьöсь, а пытшкөсныд пöръясьөмөн да лөк вöчөмөн тырöма. ²⁹ Курыд шог тiянлы, Индöдö велöдысьяс да фарисейя! Кык бана шаньгаяс! Тi сувтöданныд пророкъяс дзеванінö казътылан изъяс да мичмöданныд веськыда олысьяслысь дзеванінъяссö. ³⁰ Тi шуанныд: "Овлім кө ми батьяслөн кадö, эгö эськö öтувтчöй накöд кисьтны пророкъяслысь вирсö". ³¹ Тi асьныд висьталанныд, мый тi пророк виысьяслөн пиян. ³² Тыртöй батьясныдлысь лыдсö! ³³ Змейя! Вижля йылөм! Мынанныд-ö куслытөм биö мыждөмысь? ³⁴ Ме мөдöда тiян дiнö пророкъясöс, сусь вежөрa йöзöс да велöдысьясöс. Öтиясöс вианныд да крестö тувъяланныд, мөдъясöс синагогаын чорыда нöйтанныд да карысь карö вöтланныд. ³⁵ Тадзи тiянöс мыждасны став веськыда олысьяслөн вирысь: веськыда олысь Авель вирсянь Варакейлөн Закар пи вирöдз, кодöс тi виинныд крам да висьпуктанін костын. ³⁶ Веськыда висьтала тiянлы: таысь ставсьыс мыжыс усьö öнiя олысьяс ылö!» ³⁷ «Ерусалим, Ерусалим! Пророкъясöс виалысь да тэ дiнö ыстөмаясöс изъялысь!

Кымынысь Ме көсйи чукöртны тэнсьыд ныв-питö,

кызди лэбач чукöртö ассьыс пиянсö борд улас, но тi энö көсйöй. ³⁸ Со, тiян крамныд тыртөммас. ³⁹ Шуа тiянлы: онö аддзöй Менö тайö кывъяссö шутöдз: "Бурсиöма Господь нимөн Локтысьсö!"»

24 Исус петiс крамысь да мөдöдчис мунны. Сы дiнö матыстчисны велöдчысьяс, медым петкөдлыны Сылы крамсö. ² Исус шуис налы: «Аддзанныд-ö ставсö тайöс? Веськыда висьтала тiянлы: татчö из ылö из оз коль, ставсö жугöдасны». ³ Кор Исус вöли пукалö Олив керöсын, Сы дiнö локтисны велöдчысьяс да юалисны: «Висьтав, кор ставыс тайö лоас? Мый серти ми тöдмалам Тэнсьыд локтөмтö да нэм помасьöмсö?»

⁴ Исус шуис: «Видзчысьöй, мед эз ылöдны тiянöс. ⁵ Унаөн Менам нимөн локтасны да шуасны, ме пö Кристос, да унаöс ылöдасны. ⁶ Тi кыланныд тыш мунөмъяс да тыш йылысь юөръяс, сөмын энö полöй. Тайö ставыслы колö лонысö, сөмын тайö абу на пом. ⁷ Войтыр войтырлы паныд сувтас, муяс öта-мөдныслы паныд кыпöдчасны. Уналаын лоас му вөрөм да тшыгъялөм, йöзсö суас кулан висьöм. ⁸ Но тайö ставыс чужтөм водзвывса дойяс на. ⁹ Тiянöс пондасны дзескөдны да унаöс виасны. Менам ним вöсна став йöзыс мустөмтасны тiянöс. ¹⁰ Сэки унаөн энотчасны эскөмсый, öта-мөднысö вузаласны да мустөмтасны. ¹¹ Уна ылөгпророк локтас, унаöс найö ылöдасны. ¹² Лөкыс содөм вöсна уналөн муслуныс көдзalas. ¹³ Но сьökыдсö помöдз нуысь мездмас. ¹⁴ Ен Юралөм йылысь Евангелльöсö висьталасны муюгид пасьтала, быд кыла войтырлы тöдмөнъя. Сэсса воас пом». ¹⁵ «Кор тi аддзанныд вежаинсьыс пеж зывөксö, мый йылысь Даниил пророк на висьтавлiс, – лыддысьысь мед гөгөрвоö – ¹⁶ сэки Юдея муын олысьяс мед пышъясны керөсьясö. ¹⁷ Кодi лоас керка вылас, мед оз пыр керкаас босьтны мыйкö. ¹⁸ Кодi лоас видз-му вылас, мед оз кос гортас паськөмысла. ¹⁹ Сійö луньясö ёна сьökыд лоö нöбасьысьяслы да нёнöдчысьяслы.

²⁰ Кевмысьöй, мед эз ковмы пышйынытö тöлын либö шойччан лунö. ²¹ Сэки ыджыд шог суас йöзсö, татшöмыс му пуксьöмсяныс эз на вöвлы да оз нин ло. ²² Енмыс кө тайö кадсö оз дженьдöд, ловъя морт оз коль. Но Аслас бөрйөмаяс вöсна Сійö дженьдөдас тайö кадсö. ²³ Сэки шуасны кө тiянлы: "Кристос тани", либö шуасны: "Кристос сэнi", энö эскöй. ²⁴ Öд ылөгкритосъяс да ылөгпророкъяс локтасны да пондасны вöчны ыджыд шензьöданаторъяс, медым ылöдны, позяс кө, весиг бөрйөмаясöс. ²⁵ Со, Ме водзвыв висьталi тiянлы.

²⁶ Тiянлы кө шуасны: "Сійö овтөминын", энö мунöй. Шуасны кө: "Сійö керка пытшкын", энö эскöй. ²⁷ Енэжсö асиввывсянь рытывылөдз югдöдысь чардби моз Морт Пи локтас. ²⁸ Көнi шой, сэтчö чукöртчасны кутшъяс». ²⁹ «Регид тайö шог луньяс

бөрын шондїыс пемдас, төлысьыс кусас, енэжысь кодзувъяс усясны, енэжыв вынъяс вөрзясны. ³⁰ Сэки енэжас тыдовтчас Морт Пилон пас. Муыввса став йозыс ырзөмөн бөрддзасны, кор аддзасны кымөръяс вылын ыджыд вынөн да дзирдлунөн локтысь Морт Пиос. ³¹ Кор кылас трубалон гора шыыс, Сійө мөдөдас анделъяссө нельнан му вежтасас, медым чукөртны Ассыс бөрйөмаяссө став му пельөссыс. ³² Инжир пу вылө кө видзөдам, аддзам: вожъясыс кө ловзёны да коръясыс потёны, сідзкө, гожөмыс матын. ³³ Тадзи, ставсө тайөс аддзигөн төдөй: сійө кадыс матын, өдзөс дорад нин. ³⁴ Воськыда висьтала тїанлы: ставыс тайө лоас өнїя олысьяс дырїи на. ³⁵ Енэжыс да муыс бырас, а Менам кывъясөй оз бырны. ³⁶ Сійө лунсө да сійө кадсө некод оз төд. Анделъяс оз төдны, сөмын Батьөй төдө. ³⁷ Кыдзи вөлі Ной лунъяс дырїи, сідзи лоө Морт Пи локтїгөн. ³⁸ Ыджыд ойдөм водзвылас, ковчегө Нойлөн пыртөдз йозыс сөйисны-юисны, гөтрасисны да верөс сайө мунисны. ³⁹ Кытчөдз эз су найөс ойдөмыс да ваө пөдөмыс, найө эз вежөртны, мый виччысьө найөс. Тадзи жө лоас Морт Пи локтїгөн. ⁴⁰ Сэки видз-му вылын лоасны кыкөн: өтисө босьтасны, мөдсө колясны. ⁴¹ Изанїнын лоасны кык ань: өтисө босьтасны, мөдсө колясны. ⁴² Лоөй дасьөсь, өд онө төдөй Господьныдлысь локтан кадсө. ⁴³ Тї төданныд: керка кутысь кө төдїс гусьсысьлысь локтан кадсө, сэки эськө эз узь да эз лэдз керкаас. ⁴⁴ Лоөй дасьөсь, өд Морт Пи локтас виччысьтөг». ⁴⁵ «Лоөй эскана да мывкыда кесйөг кодьөсь. Татшөмсө ыджыдыс пуктас веськөдлыны мукөд кесйөгъясөн, медым ас кадө налы сөян-юан сетны. ⁴⁶ Кесйөгыс шуда, ыджыдыс кө гортас воигөн аддзас сійөс тадзи вөчөмөн. ⁴⁷ Воськыда висьтала тїанлы: ыджыдыс пуктас сійөс веськөдлыны став аслас овмөсөн. ⁴⁸ Шогмытөм кесйөг вермас мөвпыштны: "Ыджыдөй дыр на оз лок". ⁴⁹ Сійө пондас нөйтны уджъертъяссө да сөйны-юны кодалысьяскөд. ⁵⁰ Но виччысьтөм лунө, лөсавтөм кадө кесйөглөн ыджыдыс воас. ⁵¹ Сійө кералас кесйөгсө да шыбитас сійөс кык бана шаньгаяс дїнө. Сэні лоө бөрдөм да пинь йирөм».

25 «Енэжыв Юралөмыс татшөм. Дас ныв биясөн верөспулы воча петасны. ² Витыс вөлі мывкыдтөм, мөд витыс – мывкыда. ³ Мывкыдтөмъяс бинысө босьтасны, а выйсө оз. ⁴ Мывкыдаяс биысь өтдор вый тыра дознысө босьтасны. ⁵ Верөспуыс дыр оз во, и ставныс вугыртасны да унмовсясны. ⁶ Вой шөрнас кылас горөдөм: "Верөспу локтө. Петөй сылы воча!" ⁷ Нывъяс садьмасны да лөсьөдасны бияснысө. ⁸ Мывкыдтөм нывъяс шуасны мывкыдаяслы: "Миян биным кусө, вайыштөй выйнытө!" ⁹ Мывкыдаяс

шуасны: "Огө. Ставнымлы выйыс оз тырмы. Мунөй да ньөбөй вузалысьяслысь". ¹⁰ Мывкыдтөм нывъяслөн выйла ветлїгкостї верөспуыд воас. Нывъяс, кодъяс вөліны дасьөсь, пырасны ськөд көлысь вылө, да на бөрся өдзөссө йигналасны. ¹¹ Сөрөнджык мөд витыс локтас. Найө пондасны вөзйысьны: "Ыджыдөй, ыджыдөй, восьт миянлы!" ¹² Сійө вочавидзас: "Воськыда висьтала тїанлы: ог төд тїанөс". ¹³ Лоөй дасьөсь, өд онө төдөй Морт Пилысь локтан лунсө да кадсө». ¹⁴ «Өти морт ылі туйө мөдөдчигас корас ас дорас кесйөгъяссө да коляс налы ассыс овмөссө. ¹⁵ Быдөнлы сямыс-выныс серти сетас зарни сьөм: өтилы вит талант, мөдлы кык, коймөдлы өти талант. Сэсся мунас. ¹⁶ Вит талант босьтысь пырысь-пыр сьөмсө уджө бергөдас да содтөд босьтас вит талант. ¹⁷ Тадзи вөчас тшөтш мөдыс да содтөд босьтас кык талант. ¹⁸ Öти талант босьтысь мунас, кодъяс гу да аслас ыджыдлысь сьөмсө гуалас. ¹⁹ Дыр мысти кесйөгъяслөн ыджыдыс локтас да юалас найөс сьөм йывсьыс. ²⁰ Вит талант босьтысь содтөд ваяс вит талант да шуас: "Ыджыдөй, тэ меным витөс сетлїн. Видзөдлы, нөшта менам вит содїс". ²¹ Ыджыдыс шуас: "Бура вөчин. Тэ бур да эскана кесйөг. Ичөтас тэ эскана вөлін, уна вылө тэнө пукта. Лок, өтлаын гажөдчам-нимкодясям". ²² Кык талант босьтысь локтас да шуас: "Ыджыдөй, тэ меным кык талант сетлїн. Видзөдлы, нөшта менам кык содїс". ²³ Ыджыдыс шуас сылы: "Бура вөчин. Тэ бур да эскана кесйөг. Ичөтас тэ эскана вөлін, уна вылө тэнө пукта. Лок, өтлаын гажөдчам-нимкодясям". ²⁴ Сэсся өти талант босьтысь локтас да шуас: "Ыджыдөй, ме төда, тэ чорыд морт: вундан, кытчө эн көдзлы, да чукөртан, кытчө көйдыссө эн шыбитлы. ²⁵ Тэысь полөмөйла ме мунї да гуалї таланттө. Со, тэнад сьөмыд". ²⁶ Ыджыдыс шуас сылы: "Тэ шогмытөм дыш кесйөг. Тэ төдін, мый ме вунда, кытчө эг көдзлы, да чукөрта, кытчө көйдыссө эг шыбитлы. ²⁷ Тэныд колө вөлі менсьым талантөс сьөмчукөртанїнө пуктыны, локтөм бөрам эськө содтөдөн босьтї. ²⁸ Мырддьөй сылысь талантсө да сетөй дас талантаыслы. ²⁹ Кодлөн эм, сылы коланасыс унджык на сетасны. Кодлөн абу, сылысь бөръясө босьтасны. ³⁰ Тайө шогмытөм кесйөгсө шыбитөй пемыдас. Сэні лоө бөрдөм да пинь йирөм"». Тайөс висьталөм бөрын Исус горөдөмөн шуис: «Кодлөн эм пель, мед кылө!» ³¹ «Морт Пи локтас Аслас дзирдлунөн вежа анделъяскөд да пуксяс дзирдлуныслөн юралан пуклөсө. ³² Сэки чукөртчас Сы водзө быд кыла войтыр, да Сійө торйөдас найөс, кыдзи видзысь торйөдө ыжъяссө көзаяссыс. ³³ Ыжъяссө сувтөдас веськыдладорас, көзаяссө шуйгаладорас. ³⁴ Сэки веськыдладорын сулалысьяслы Öксы шуас:

"Локтöй, менам Батьлөн бурсийомаяс. Тiянлы вуджö Енлөн Юраланiныс, кодöс дасътöма тiянлы му пуксьöмсяньыс. ³⁵ Кор Менам кынöмöй сьумалис, тi Менö вердiнныд, кор горшöй косьмис, тi Менö юкталiнныд. Кор Ме локтi мöд муысь, тi Менö керкаад сибöдiнныд, ³⁶ кор вöли пасьтöм, тi Менö пасьтöдiнныд. Висигөн тi видлалiнныд Менö, дзескыдiнын пукалiгөн воывлiнныд Ме дiнö".

³⁷ Сэки веськыда олысьяс Сылы шуасны:

"Господьöй, кор ми аддзылим Тэнö тшыгьялöмөн да вердiм, горш косьмöмөн да юкталiм? ³⁸ Кор ми аддзылим Тэнö мöд муысь локтысьён да сибöдiм, пасьтöмөн да пасьтöдiм? ³⁹ Кор ми аддзылим Тэнö висьöмөн да видлалiм, дзескыдiнын пукалысьён да воывлiм Тэ дiнö?" ⁴⁰ Öксы шуас налы: "Веськыда висьтала тiянлы: тайöс кө тi вöчинныд Менам ичöt вöкъясысь öтилы, сiдзкö, вöчинныд Меным".

⁴¹ Сэсся Сiйö шуйгаладорын сулалысьяслы шуас:

"Вешöй Ме дiнысь, ёрöмаяс. Мунöй омöльыслы да сылөн анделъяслы дасътöм куслытöм биö. ⁴² Кор Менам кынöмöй сьумалис, тi Менö энö вердöй, кор горшöй косьмис, тi Менö энö юкталöй. ⁴³ Кор Ме локтi мöд муысь, тi Менö энö сибöдöй, кор вöли пасьтöм, тi Менö энö пасьтöдöй. Висигөн тi энö видлалöй Менö, дзескыдiнын пукалiгөн энö воывлöй Ме дiнö". ⁴⁴ Сэки найö юаласны Сылысь: "Господьöй, кор ми аддзылим Тэнö тшыгьялöмөн, горш косьмöмөн, мöд муысь локтысьён, пасьтöмөн, висьöмөн, дзескыдiнын пукалысьён да эгö отсалöй Тэныд?" ⁴⁵ Сэки Сiйö вочавидзас: "Веськыда висьтала тiянлы: тайöс кө тi энö вöчöй ичötъяс пивысь öтилы, сiдзкö, энö вöчöй Меным".

⁴⁶ Сэсся найö мунасны помтöм мучитчöмö, а веськыда олысьяс – помтöм олöмö».

26 Тайöс ставсö висьталöм бöрын Исус шуис велöдчысьяслы: ² «Кык лун мысти, тi тöданныд, Ыджыд лун лоö. Тайö кадö Морт Пиöс вузаласны да крестö тувъяласны». ³ Аркирейяс, Индöдö велöдысьяс да пöрысьяс чукöртчисны Каиаф нима аркирей керкаö. ⁴ Найö сёрнитчисны ылöдлöмөн босьтны Исусöс да вины. ⁵ Но шуисны, Ыджыд лунö пö оз ков, öд йöзыс вермасны шызыны. ⁶ Исус вöли Вифания сиктын, проказайсь бурдöм Симон ордын. ⁷ Исус дiнö локтiс ань, сiйö вайис вальдi дозйын дона вый. Исуслөн сёйигөн ань кисьталiс выйсö Исуслы юр вылас.

⁸ Велöдчысьяс аддзисны да пондiсны шуасьны: «Мыйла, бара, лотö-а? ⁹ Тайö выйсö позис Ыджыд донысь вузавны да сьöмсö сетны гöльяслы».

¹⁰ Тайöс казьялöмөн Исус шуис налы: «Мыйла тi шöйöвштанныд аньсö? Сiйö буртор вöчис Меным.

¹¹ Гöльяс пыр лоасны тiянкöд, а Ме тiянкöд ог пыр ло. ¹² Выйөн киськалöмнас аньыс дасьтiс Менö дзевигкежлö. ¹³ Веськыда висьтала тiянлы: муюгыд

пасьтала, көни висьталасны тайö Евангелльöсö, сэнi казтыштасны тайö аньсö да висьталасны, мый сiйö вöчис». ¹⁴ Искарriot Иуда вöли дас кык велöдчысьысь öти. Сiйö мунiс аркирейяс дiнö ¹⁵ да шуис: «Мый сетанныд, вузала кө тiянлы Исусöс?» Найö вöзйисны сылы комын эзысь сьöм. ¹⁶ Сэксянь Иуда пондiс корсьны лöсялан кад, медым вузавны Исусöс. ¹⁷ Шомтöм нянь сёян лунъяс дырйи медводдза лунö Исус дiнö локтiсны велöдчысьясыс да юалисны: «Кöни көсьян сёйны Ыджыд лунся ыжöс? Ми мунам да дасьтам». ¹⁸ Исус шуис: «Мунöй карö сэтшöмтö морт дiнö да висьталöй сылы: "Велöдысь шуис: Менам кадöй матысмö. Тэ ордын велöдчысьяскөд пасья Ыджыд лунсö"».

¹⁹ Велöдчысьяс вöчисны Исуслөн тшöктöм серти, дасьтiсны Ыджыд лунся сёян. ²⁰ Рытнас Исус пуксис дас кыкнан велöдчысьяскөд сёйны. ²¹ Сёйиганыс шуис налы: «Веськыда висьтала тiянлы: тiян пивысь öти вузалас Менö». ²² Шогö усьöмөн быдөн кутiс юасьны: «Ог-ö ме, Господьöй?» ²³ Исус вочавидзис: «Менö вузалысь Мекöд öти тасьтiысь сёйö. ²⁴ Морт Пи мунö, кыдзи гижöма Сы йылысь. Но курыд шог Сiйöс вузалысьы! Бурджык сылы вöли, эз кө чужлы». ²⁵ Сэки Сiйöс вузалысь Иуда шыасис: «Велöдысьöй, абу-ö ме?» Исус вочавидзис: «Тэ шуин». ²⁶ Сёйиганыс Исус босьтiс нянь, Енмöс аттьöалöмөн чегис няньсö да велöдчысьяслы сетiгас шуис: «Босьтöй, сёйöй, тайö Менам Яй».

²⁷ Сэсся босьтiс чаша, аттьöалис Енмöс да велöдчысьяслы сетiгас шуис: «Юöй татысь быдөн.

²⁸ Тайö Менам Вир – Виль Йитöдлөн Вир – киссьö уналысь мыжъяссö прöститöм вöсна. ²⁹ Висьтала тiянлы: öнисянь ог понды юны тайö виноград юансö сiйö лунöдз, кор понда юны тiянкöд выльöс Менам Батьлөн Юраланiнын». ³⁰ Енлы сьылöм бöрын найö кайисны Олив керöсö. ³¹ Исус шуис велöдчысьяслы: «Тавой тi ставныд эновтанныд Менö. Гижöма: "Видзысьсö кувмөн дойда, да ыжъясыс разаласны". ³² Ловзьöм бöрам Ме виччыся тiянöс Галилеяын». ³³ Петыр шуис: «Ставныс кө эновтасны Тэнö, ме ог». ³⁴ Исус вочавидзис: «Веськыда висьтала тэныд: тавой петук чукöсттöдз на тэ куимысь соссян Меысь».

³⁵ Петыр шуис: «Весиг кө кувны ковмас Тэкöд, ог соссьы». Тадзи шуалисны тшöтш мукöд велöдчысьыс. ³⁶ Сэсся Исус велöдчысьясыскöд локтiс Гефсиманö. Сiйö шуис налы: «Пукалыштöй танi, Ме ветла кевмысьны». ³⁷ Аскöдыс босьтiс Петырöс да Зеведейлысь кыкнан писö. Исусöс гажтöм да шогалöм босьтiс. ³⁸ Сiйö шуис: «Шогöй кувмөн топöдö лолöс. Олыштöй танi Мекöд да энö узьöй». ³⁹ Ачыс водзлань муныштiс да чужöмнас муö уськöдчöмөн кевмысис: «Батьöй, позьö кө, вешты Ме дiнысь тайö чашасö. Сöмын мед лоас

Тэнад көсйом серти, а оз Менам». ⁴⁰ Исус матыстчис велодчысьяс дінас да аддзис: найо унмовсьомаось. Петырлы шуис: «Оти час весиг энö вермой узътöг олыштны Мекöд. ⁴¹ Энö узьöй, кевмысьöй, мед ыштöдöмыс эз вермы тiянöс. Лолыд öд пыр дась, а вир-яйыд жеб». ⁴² Исус мöдысь муніс да бара кевмысис: «Батьöй, Ме дінысь кө оз позь вештыны тайö чашасö, а Меным кө колö юны сійöс, мед лоас Тэнад көсйом серти». ⁴³ Локтöм бöрас бара аддзис: велодчысьясö унмыс топыда личкöма. ⁴⁴ Исус колис найöс да бара муніс, воддза мозыс коймöдысь кевмысис. ⁴⁵ Сэсся локтіс велодчысьяс дінас да шуис налы: «Пыр на узянный да шойччанныд? Кадыс воис. Морт Пиöс мыжаяс киö сетöны. ⁴⁶ Чеччöй, мунамöй. Менö вузалысь матын нин». ⁴⁷ Исуслөн сёрнитігкості локтіс Иуда, дас кык велодчысьысь öти. Сыкöд тшöтш локтісны зорьясөн да шыпуртъясөн уна йöз. Найöс мöдöдöмаось аркирейяс да пöрысьяс. ⁴⁸ Исусöс вузалысь шуöма локтöмаяслы, кодöс пö окышта, Сійöс и босьтöй. ⁴⁹ Иуда веськыда муніс Исус дінö да шуис: «Видза олан, Велöдысьöй», сэсся окыштіс Сійöс. ⁵⁰ Исус шуис сылы: «Ёртöй, та понда-ö тэ локтін!» Сэки кытшалісны да босьтісны Исусöс. ⁵¹ Исускөд вöлысьясысь öти перйис шыпуртсö да керыштіс аркирей кесйöглысь пельсö. ⁵² Исус шуис сылы: «Бөр суй шыпурттö. Шыпурт босьтысь шыпурт помысь кулас. ⁵³ Он öмöй тöд, Ме кө öні кора Батьöйлысь, Сійö вермас мöдöдны уна дас сюрс анделöс. ⁵⁴ Кыдзи нö сэки Гижöдъясыс инасны? Сэні шуöма, тадзи колö лоны». ⁵⁵ Йöз чукөрлы Исус шуис: «Лёк вöчысьöс моз зорйөн-шыпуртөн локтінный босьтны Менö. Ме быд лун тiян крамын пукалі-велöді, да тi энö босьтöй Менö. ⁵⁶ Ставыс тадзи артмис, медым инісны пророк гижöдъяс». Сэки велодчысьяс ставныс эновтісны Исусöс да пышйисны. ⁵⁷ Исусöс кутысьяс вайöдісны Сійöс Каиаф аркирей ордö, көні вöлі чукөртчöмаось Индöдö велöдысьяс пöрысьяскөд. ⁵⁸ Петыр бөрö кольччöмөн вöтчис Исус бöрся аркирей керка дорöдз. Пырис йöрас да пуксис кесйöгьяскөд орччөн – көсйис помсö аддзывны. ⁵⁹ Аркирейяс, пöрысьяс да став веськөдлан котырыс корсисны Исуслы паныд ылöгвисьталысьясöс, медым сэсся мыждыны да вины Сійöс. ⁶⁰ Уна пöръясьысь воліс, но колана висьталысьыс эз сюр. Бöрынджык нöшта кык ылöгвисьталысь локтісны. ⁶¹ Найö висьталісны: «Сійö шуліс, верма пö Енлысь крамсö жугöдны, сэсся пö куим лунөн сійöс бөр лэптыны». ⁶² Сэки аркирей сувтіс да юаліс Исуслысь: «Мый воча шуан?» ⁶³ Исус чöv оліс. Аркирей шуис: «Ловья Ен водзын висьтав миянлы, Тэ-ö Кристос, Ен Пи». ⁶⁴ Исус вочавидзис: «Тэ шуин. Висьтала тiянлы:

өнiсянь аддзанныд Морт Пиöс, Ставсöвермысьлөн веськыдларас пукалысьöс да кымөръяс вылын локтысьöс». ⁶⁵ Сэки аркирей косяліс ассьыс паськөмсö да шуис: «Сійö Енмöс омöльтö! Висьталысьяс миянлы оз нин ковны, тi асьныд кывлінный Сылысь омöльтöмсö. ⁶⁶ Мый шуанныд?» Вочавидзисны: «Мыжа! Вины Сійöс!» ⁶⁷ Сэсся сьöлалісны Исуслы чужöмас, нöйтiсны Сійöс да чужöмас кучкалöмөн ⁶⁸ шуалісны: «Висьтав, Кристос, кодi кучкис Тэнö?» ⁶⁹ Петыр пукаліс йöрас. Öти кесйöг ань матыстчис сы дінö да шуис: «Тэ тшöтш галилеяса Исускөд вöлін». ⁷⁰ Петыр став йöз водзас соссис: «Ог гөгөрво, мый висьталан», ⁷¹ сэсся вешйис дзирья дорö. Петырöс казяліс мöд ань да шуис сэні сулалысьяслы: «Тайö мортыс Назаретса Исускөд вöлі». ⁷² Петыр бара соссис, чорыда шуис: «Ме ог тöд тайö Мортсö!» ⁷³ Бöрынджык сэні сулалысьяс матыстчисны да шуисны Петырлы: «Тэ дзик на пиысь, сёрниыд на кодь». ⁷⁴ Петыр енамсьöмөн пондiс соссыны: «Ог тöд тайö Мортсö». Дзик пыр кыліс петуклөн чукөстөм. ⁷⁵ Сэки Петырлы уси тöд вылас Исуслөн шуöмыс: «Петук чукөсттöдз на тэ куимысь соссян Меысь». Петыр петіс да курыда бөрддзис.

27 Асывводзнас чукөртчисны став аркирейыс пöрысьяскөд, сёрнитчöмөн найö воисны öти кывйö: вины Исусöс. ² Сійöс көрталöмөн нуöдісны юралысь Понтий Пилат дінö да сетісны сылы. ³ Исусöс мыждөм йылысь тöдмалөм бöрын Иуда, Сійöс вузалысь, гөгөрвоис ассьыс мыжсö. Сэки бөр нуис комын эзысь сьöмсö аркирейяслы да пöрысьяслы ⁴ да шуис налы: «Ме мыж вöчи, мыжтөм мортöс вузалі». Найö вочавидзисны: «Миянлы нö мый? Ачыд öд тöдін». ⁵ Иуда шыбитіс сьöмсö крамас, сэсся петіс сэтысь, муніс да джагөдчис. ⁶ Аркирейяс сьöмсö чукөртөм бöрын шуисны: «Оз позь тайö сьöмсö пуктыны крамса сьöм видзанінö, сійö вирлөн дон». ⁷ Сёрнитчөм бöрын найö ньöбисны гырнич вöчысьлысь мусö, шуисны вöчны сэтчö йöз муысь воöмаяслы шойна. ⁸ Та вöсна тайö муыслы пуктісны "Вир му" ним, тадзи öнөдз на нимтöны. ⁹ Тадзи иніс Еремей пророклөн шуöмыс: – Босьтісны найö комын эзысь сьöмсö, Израиль войтырөн тайö Мортысь шуöм донсö, ¹⁰ да ньöбисны сы вылö гырнич вöчысьлысь мусö. Тадзи шуис меным Господь. ¹¹ Исусöс вайöдісны юралысь водзö. Юралысь юаліс: «Тэ-ö юдейяслөн Öксыыс?» Исус вочавидзис: «Тэ шуан». ¹² Аркирейяс да пöрысьяс мыжалісны Исусöс, но Сійö чöv оліс. ¹³ Пилат сэки шуис Сылы: «Тэ öмöй он кыв, кымынөн висьталöны Тэныд паныд?» ¹⁴ Исус весиг воча кыв эз шу. Юралысьöс тайö ёна шензьöдіс. ¹⁵ Быд во ыджыд лунö йöз корөм серти юралысь лэдзліс дзескыдінысь öти мортöс. ¹⁶ Сэки

дзескыдінын пукаліс ставлы тѳдса Варавва нима морт. ¹⁷ Чукѳртчѳм йѳзлысь Пилат юаліс: «Кодѳс кѳсьянныд, мед ме лѳдза, Варавваѳс али Исусѳс, кодѳс шуѳны Крѳстосѳн?» ¹⁸ Пилат тѳдіс, мый Исусѳс вайѳдісны вежалѳмныс понда. ¹⁹ Сѳки Пилатлѳн гѳтырыс мѳдѳдас мыжданіно висътавны верѳсыслы: «Тайѳ веськыда олысьыслы лѳксѳ эн вѳч. Тавой вѳтын ме ѳна шогси Сы понда. ²⁰ Аркирейяс пѳрысьяскѳд ызъѳдісны йѳзсѳ, мед корасны лѳдзны Варавваѳс, а Исусѳс вины. ²¹ Пилат юаліс: «Кодѳс на пыись шуанныд лѳдзны?» Воча шуисны: «Варавваѳс». ²² Пилат юаліс: «Мый шуанныд вѳчны Исускѳд, кодѳс Крѳстосѳн шуѳны?» Ставныс горѳдісны: «Тувъявны!» ²³ «Мый лѳксѳ Сійѳ вѳчис?» – юаліс Пилат. Йѳзыс гораджыка на горѳдісны: «Тувъявны Сійѳс!» ²⁴ Пилат аддзис: йѳзыс оз лѳньны, мѳдарѳ, ѳнджыка на шызьѳны. Сѳки налѳн син водзын Пилат мыськис кисѳ да шуис: «Ме абу мыжа тайѳ веськыда олысь мортсѳ виѳмысь. Видзѳдѳй асьныд». ²⁵ Став йѳзыс воча горѳдісны: «Мед Сылѳн вирыс мян вылѳ да мян челядьным вылѳ коляс». ²⁶ Сѳки Пилат лѳдзис Варавваѳс, а Исусѳс нѳйтѳм бѳрын сетіс тувъявны. ²⁷ Шыпуртаяс нуѳдісны Исусѳс юралысьлѳн керкаѳ, сѳтчѳ чукѳртісны и мукѳд шыпуртаясѳс. ²⁸ Сѳсся пѳрччѳдісны Исусѳс да пасътѳдісны Сійѳс гѳрд кышанѳ, ²⁹ юрас пуктісны лежнѳгысь кыѳм юркытш, веськыд киас сетісны бѳдѳ. Сѳсся пидзѳс выланыс Сы водзѳ сувтѳмѳн шуалісны сералігтырйи: «Мед олас юдейяслѳн Ѳксы!» ³⁰ Сьѳлалісны Сійѳс да кучкалісны юрас бѳддѳѳн. ³¹ Сералѳм-лѳкѳдѳм бѳраныс найѳ бѳсьтісны Исус вылысь гѳрд кышансѳ да бѳр пасътѳдісны Сійѳс Аслас пасъкѳмѳ, сѳсся нуѳдісны тувъявны. ³² Карсьыс петіганыс налы вочаасис киринейса Симон, сылы тшѳктісны нуны Исуслысь крѳстсѳ. ³³ Сѳсся воисны Голгопа керѳсѳ, нимыслѳн вежѳртасыс лоѳ "Юр лы". ³⁴ Сѳні Исуслы сетісны юны сѳп сора вина, но видлѳм бѳрас Сійѳ эз кут юны. ³⁵ Исусѳс тувъялѳм бѳрын шыпуртаяс пудъясъѳмѳн юкисны Сылысь пасъкѳмсѳ. ³⁶ Сѳсся пуксисны видзны Сійѳс. ³⁷ Юр весьтас ѳшѳдісны мыжалан пасйѳд: «Тайѳ Исус, юдейяслѳн Ѳксы». ³⁸ Сыкѳд орччѳн тувъялісны кык лѳк вѳчысьѳс: ѳтисѳ веськыдладорас, мѳдсѳ шуйгаладорас. ³⁹ Сѳті мунысьяс лѳкысь видзѳдѳмѳн омѳльтісны Исусѳс: ⁴⁰ «Крам жугѳдысь да куим лунѳн сійѳс лѳптысь, мезды Асьтѳ! Тѳ кѳ Ен Пи, лѳччы крѳст вывсьыд!» ⁴¹ Сійѳс лѳкѳдісны тшѳтш аркирейяс, Индѳдѳ велѳдысьяс, пѳрысьяс да фарисейяс: ⁴² «Мукѳдѳс мездіс, а Асьсѳ мездыны оз вермы! Сійѳ кѳ Израиль Ѳксы, мед лѳччас крѳст вывсьыс, сѳки эскам Сылы!» ⁴³ Сійѳ Ен вылѳ лачаѳн оліс. Мед Енмыс мездас ѳні, дона кѳ Сылы. Шуліс ѳд, Ме пѳ Ен Пи». ⁴⁴ Тадзи

тшѳтш лѳкѳдісны Исусѳс орччѳн тувъялѳм лѳк вѳчысьяс. ⁴⁵ Лун шѳр кадѳ пемдіс став му пасъталаыс, пемыдыс сулаліс куим часѳдз. ⁴⁶ Куим час гѳгѳрын Исус ыджыд шыѳн горѳдіс: «Эли, Эли, лама сабактани? Енмѳй, Енмѳй, мыйла Тѳ колин Менѳ?» ⁴⁷ Сѳні сулалысьясъсь кодсюрѳ шуисны, Илляѳс пѳ корѳ. ⁴⁸ На пыись ѳти дзик пыр котѳртіс, бѳсьтіс губка да кѳтѳдіс шома винаѳн, сѳсся бѳдѳ помѳ сатшкѳмѳн мыччис сійѳс Исуслы. ⁴⁹ Мукѳдыс шуисны: «Энлы! Видзѳдлам, локтас оз Илля мездыны Сійѳс». ⁵⁰ Исус ыджыд шыѳн горѳдѳм бѳрын лѳдзис ловсѳ. ⁵¹ Сѳки крамын ѳшалысь дѳраыс вывсьяныс улѳдзис кык пельѳ косяссис. Муыс вѳрзис, из керѳсьяс потісны. ⁵² Шойгу кыртаяс воссялісны, уна вежа войтырлѳн шойыс ловзис, ⁵³ да найѳ петісны дзѳбаніньясысь. Исуслѳн ловзьѳм бѳрын найѳ пырисны вежа карѳ, унаѳн аддзылісны найѳс. ⁵⁴ Му вѳрѳмысь да став лѳѳмторсѳ аддзѳмысь Исусѳс видзысьяс веськѳдлысьныскѳд ѳна повзисны да шуисны: «Тайѳ Мортыс збыльысь Ен Пи вѳлѳма». ⁵⁵ Сѳні вѳлі уна ань, кодъяс ылісянь видзѳдісны. Найѳ Галилеясянь ветлѳдлісны Исускѳд да кѳсьялісны Сылы. ⁵⁶ На пѳвстын вѳліны Магдала Марья, Яковлѳн да Иосейлѳн Марья мамныс да Зеведей пиянлѳн мамныс. ⁵⁷ Рытнас Аримафея карысь воис Ѳсип нима озыр морт, Исуслѳн велѳдчысь. ⁵⁸ Сійѳ муніс Пилат дінѳ да корис Исуслысь шойсѳ. Пилат тшѳктіс сетны. ⁵⁹ Ѳсип бѳсьтіс шойсѳ, гартыштіс сѳстѳм шабдѳ дѳраѳ ⁶⁰ да пуктіс кыртаѳ кералѳм выль дзѳбаніно. Пыранінас путкыльтіс ыджыд из, сѳсся муніс. ⁶¹ Дзѳбаніны воча пукаліс Магдала Марья мѳд Марьякѳд. ⁶² Мѳд луннас, шойччан лунѳ, аркирейяс фарисейяскѳд локтісны Пилат дінѳ ⁶³ да шуисны: «Ыджыдѳй, мянлы тѳд выланым усис: ловъя дырйиыс на эсійѳ пѳръясьысьыс шуліс, куим лун мысти пѳ ловзя. ⁶⁴ Тшѳкты видзны дзѳбанінсѳ коймѳд лунѳдзис. Велѳдчысьясыс вермасны локны войнас да гусявны шойсѳ, сѳсся шуны йѳзыслы, Сійѳ пѳ ловзьѳма. Тайѳ бѳръя пѳръялѳмыс лоас воддзасыс на лѳкджык». ⁶⁵ Пилат шуис: «Бѳсьтѳй видзысьясѳс да видзѳй, колѳкѳ». ⁶⁶ Найѳ мунісны, пасйисны пыранінысь изсѳ печатьѳн да тшѳктісны шыпуртаяслы видзны.

28 Шойччан лун бѳрын водз асывнас Магдала Марья да мѳд Марья локтісны видзѳдлыны дзѳбанінсѳ. ² Виччысьтѳг муыс ѳна вѳрзис: Господьлѳн андел лѳччис енѳжсяныс. Сійѳ вѳштіс изсѳ пыранінысьыс да пуксис сы вылѳ. ³ Андел югъяліс чардби моз, пасъкѳмыс вѳлі лым кодѳ еджыд. ⁴ Видзысьяс кувмѳныс повзисны, найѳс дзѳрѳм бѳсьтіс. ⁵ Андел шыасис аньяс дінѳ: «Энѳ полѳй. Ме тѳда, тѳ корсянныд тувъявлѳм Исусѳс. ⁶ Сійѳ танѳ абу. Сійѳ ловзис Аслас шуѳм серти.

Локтöй, видзöдлöй Господьлысь куйланінсö.

⁷ Мунöй öдйöджык да юöртöй велöдчысьясыслы, мый Исус ловзьöма да виччысьö найöс Галилеяын, сэтысь найö аддзасны Сійöс. Татшöм юөр менам тiянлы». ⁸ Аньяс пырысьтöм-пыр петiсны дзеданiнысь да полiгтыр, но ёна нимкодьясьöмön, котöртiсны юöртны та йылысь Исуслөн велöдчысьяслы. ⁹ Туй выланыс аньяскöд паныдасис Исус да шуис: «Нимкодьясьöй!» Найö уськöдчисны Сы водзö да кутчысисны кокас. ¹⁰ Исус шуис: «Энö полöй! Мунöй, висьталöй вокъяслы, мед мунасны Галилеяö, сэтысь аддзасны Менö». ¹¹ Аньяслөн мунöм бöрын дзеданiн видзысьясысь кодсюрö мунiсны карас да висьталiсны став лоöмтор йывсьыс аркирейяслы. ¹² Аркирейяс чукöртчисны пöрысьяскöд, сёрнитчöм бöраныс сетiсны шыпуртаяслы уна сьöм ¹³ да шуисны: «Висьталöй,

мый войнас тiян узигкостi велöдчысьясыс волöмаöсь да гусялöмаöсь шойсö. ¹⁴ Кывсяс кö тайö юралысьöдз, ми сiйöс эскöдам да тiянöс доръям».

¹⁵ Шыпуртаяс босьтiсны сьöмсö да вöчисны аркирейяслөн тшöктöм серти. Тайö юöрыс паськалiс юдейяс пöвстын, весиг öнöдз на олö.

¹⁶ Исуслөн тшöктöм серти дас öти велöдчысьыс мунiсны Галилеяö да кайисны керöсö. ¹⁷ Исусöс аддзöм бöрын найö муöдзыс копыртчылисны Сы водзö, кодсюрöлы сьökыд вöли эскынысö.

¹⁸ Велöдчысьяс дiнö матыстчöмön Исус шуис: «Меным сетöма ыджыдавын енэжын да му вылын.

¹⁹ Мунöй быд кыла войтыр дiнö, вöчöй найöс Менам велöдчысьясөн да пыртöй найöс Бать, Пи да Вежа Лов нимön. ²⁰ Велöдöй найöс овны став Менам тшöктöм серти. Тöдöй: Ме пыр тiянкöд нэмъяс помасьтöдз». Аминь.

Марк

1 Исус Кростос, Ен Пи йылысь Евангелльö пансьö, ² кызди висьталöма пророк гижöдъясын: – Ыста Ассьым юöртысьöс Тэ водзвылын, сийö Тэныд туйсö дасьтас. ³ Овтöминын кылö горзыйсьлөн шы: «Лöсьöдöй туйсö Господьлы, веськöдöй-шьльöдöй ордымъяс Сылы!» ⁴ Локтис Иоан. Сийö пыртис йöзöс овтöминын да юöрталис: «Бергöдчöй мыжъяссьыныд да пыртчöй, медем Ен прöститас мыжъяснытö». ⁵ Иоан динö локтис уна йöз Юдея му пасьталаысь да Ерусалим карысь. Асланыс мыжъясысь висьтасьöм бöрын Иоан пыртис найöс ставнысö Йöрдан юын. ⁶ Иоан новлис верблюд гöнысь кыöм паськöм да коскас кучик тасма, сөйлис чирк да видзвыв ма. ⁷ Сийö юöртіс: «Ме бöрын локтö меысь вынаджык, ме ог шогмы копыртчыны да разны Сылысь көмкот көвсö. ⁸ Ме пырті тиянös ваон, а Сийö пыртас тиянös Вежа Лолөн». ⁹ Сийö лунъясö локтис Галилеяса Назарет карысь Исус. Иоан пыртис Сийöс Йöрдан юын. ¹⁰ Ваысь петігас Исус аддзис: енэжыс воссис да Сы вылö гулю моз лэччис Лов. ¹¹ Енэжсянь кыліс гөлös шы: «Тэ Менам муса Пиöй, Ме нимкодяся Тэон». ¹² Дзик пыр Лов нуöдіс Исусöс овтöминö. ¹³ Сэні нелямын лун чöж сötана ыштöдіс Сийöс. Исус оліс вöрса пемöсьяс пövстын, Сылы кесьялісны андельяс. ¹⁴ Иоанлөн дзескыдінö веськалөм бöрын Ен Юралөм йылысь Евангелльö висьталігтыр Исус муніс Галилеяö. ¹⁵ Сийö юöртіс: «Воис кад. Енлөн Юралöмыс матын нин. Бергöдчöй мыжъяссьыныд да эскöй Евангелльö». ¹⁶ Галилея ты пöлөн мунігөн Исус аддзис Симонöс да сылысь Öндрей воксö. Найö вöліны чери кыйысьяс. Кык вок буретш вöйтасисны ты вылын. ¹⁷ Исус шуис налы: «Локтöй Ме бöрся. Ме вöча тиянысь морт кыйысьясöс». ¹⁸ Кык вок дзик пыр эновтисны тывъяснысö да мунісны Исус бöрся. ¹⁹ Исус муртса муныштис да аддзис пыжысь Зеведей Яковös Иоан вокыскöд. Найö дзоньталісны тывъяс. ²⁰ Исус чукöстіс вокъясöс. Найö колисны пыжас Зеведей батынысö меда йöзкöд да мунісны Исус бöрся. ²¹ Воисны Капернаум карö. Медводдза шойччан лунö Исус пырис синагогаö да пондіс велöдны. ²² Йöзыс шензисны Сылөн велöдöмысь, öд Сийö велöдіс ыджыдалысьö пуктöм морт моз, эз Индöдö велöдысьяс моз. ²³ Синагогаын вöлі пеж лолөн

кутöм морт. Сийö горöдіс: ²⁴ «Мый Тэныд колö мянсянь, Назаретса Исус? Тэ локтін бырöдны мянös? Тöда, коді Тэ. Тэ – Енлөн Вежаыс!» ²⁵ Исус öлöдіс пеж лолös: «Ланьт! Пет сы пытшкысь». ²⁶ Пеж лов песовтис мортсö, лёкысь горöдіс да петіс сы пытшкысь. ²⁷ Став йöзыс весьöпöрисны, öта-мöдныслысь юасисны: «Мый тайö? Мыйсяма выль велöдöм? Сылысь кывзыйсьöны весиг пеж ловъяс». ²⁸ Исус йылысь сёрниыс öдйö паськаліс став Галилея му пасьтала. ²⁹ Синагогаысь петöм бöрын Исус локтис Яковкöд да Иоанкöд Симон да Öндрей ордö. ³⁰ Симон гöтырлөн мамыс куйліс биа висьöмөн. Та йылысь дзик пыр висьталісны Исуслы. ³¹ Исус матыстчис ань динö да киöдыс босьтöмөн чеччöдіс сийös. Биа висьöмыс дзик пыр эновтис аньös, и сийö пондіс кесьявны налы. ³² Рытнас, шонді лэччöм бöрын, Исус динö вайöдісны став висьысьсö да пеж лолөн кутöмасö. ³³ Став карыс чукöртчис керка öдзös дорö. ³⁴ Исус унаös бурдöдіс быдпöлös висьöмысь да вöтліс уна пеж лолös. Сийö эз лэдз сёрнитны пеж ловъясöс, öд найö тöдісны, мый Сийö – Кростос. ³⁵ Аскинас, югдытöдзыс на, Исус чеччис да муніс кевмысьны овтöминö. ³⁶ Симон да ськөд вöлысьяс мунісны Исус бöрся. ³⁷ Исусöс аддзöм бöрын висьталісны: «Ставныс корсьöны Тэнö». ³⁸ Исус шуис налы: «Мунамöй маті сиктъясö. Меным тшöтш сэні колö висьтавлыны Бур Юöрсö, öд та могысь Ме локті». ³⁹ Сийö ветлöдліс Галилея му пасьтала, висьтавліс синагогаясын Бур Юöр да вöтлаліс пеж ловъясöс. ⁴⁰ Исус динö локтис проказаон висьысь да Сы водзö пидзös вылас сувтöмөн корис: «Кöсьян кө, верман менö сöстöммöдны». ⁴¹ Исуслөн сьöлöмыс нормис. Сийö нюжöдіс кисö, инмöдчыліс висьысь динö да шуис: «Кöсья. Сöстöммы». ⁴² Висьысьлөн дойясыс дзик пыр бырисны, сийö бурдіс. ⁴³ Исус пырысьтöм-пыр ыстіс сийös да чорыда öлöдіс: ⁴⁴ «Та йылысь некодлы эн висьтав. Мун, петкöдлы асьтö поплы, сэсса Мöйсей тшöктöм серти аслад сöстöммöмысь вай вись. Тадзи тöдмаласны тэнад бурдöм йылысь». ⁴⁵ Мунöм бöрас бурдöм морт пондіс висьтавлыны лöбмтор йывсыс. Та вöсна Исус эз нин вермы вöсьсөн пырны карö. Сийö оліс кар саяс, овтöминын, и Сы динö быдласянь волісны йöзыс.

2 Кымынкө лун мысти Исус бара локтіс Капернаумө. Йөзыс кылісны, мый Сійө гортас, 2 и дзик пыр уна йөз чукөртчис Сы ордө, весиг пыранінас сулалісны. Исус висьталіс налы Енлыс Кывсө. 3 Сэки нельөн вайисны вөрзёдчыны вермытөм мортөс. 4 Уна йөз вөсна найө эз вермыны матыстчыны Исус дінө. Сэки найө разисны керка вевтсө да Исус весьтти лэдзисны висьсысьөс вольпасьнас. 5 Налысь эскөмсө аддзөмөн Исус шуис висьсысьлы: «Пиой, тэнсьыд мыжъястө прөститөма». 6 Сэні пукалісны Индөдө велөдысьясыс кодсюрө да мөвпалісны ас кежас: 7 «Мыйла Сійө Енмөс омөльтө? Ен кындзи вермас-ө кодкө прөститны мыжъяс?» 8 Исуслөн лолыс дзик пыр төдіс налысь мөвпьяссө. Сійө шуис: «Мыйла ті мөвпаланныд тадзи?» 9 Мый кокныдджык шуны вөрзёдчыны вермытөмлы: "Тэнсьыд мыжъястө прөститөма" либө "Чеччы, босьт вольпасьтө да ветлы"? 10 Öні ті төдмаланныд: Морт Пи вермө прөститны мыжъяс му вылын». Сэсся шуис висьсысьлы: 11 «Тэныд шуа: чеччы, босьт вольпасьтө да мун гортад». 12 Сійө дзик пыр чеччис, босьтис вольпасьсө да ставныслөн син водзын петіс. Йөзыс шензёмөн ошкисны Енмөс да шуалісны, татшөмсө пө ми эгө на аддзылөй. 13 Исус бара муніс ты дорө. Йөзыс ставныс локтісны Сы дінө, и Сійө велөдіс найөс. 14 Сэтысь мунігас Исус аддзис Алфей Левийөс, сійө пукаліс вотчукөртанінын. Исус шуис сылы: «Лок Ме бөрся». Левий чеччис да муніс Исус бөрся. 15 Сэсся Исус локтіс Левий ордө. Сэні Исускөд да Сылөн велөдчысьяскөд сөйисны тшөтш вот перйысьяс да мукөд мыжа йөз. Унаон на пиысь вөліны Исус бөрся мунысьяс. 16 Индөдө велөдысьяс да фарисейяс аддзисны, мый Исус сөйө мыжа йөзкөд да вот перйысьяскөд. Сэки юалісны Исуслөн велөдчысьяслысь: «Мыйла Сійө сөйө-юө вот перйысьяскөд да мыжа йөзкөд?» 17 Исус кыліс тайөс да шуис налы: «Дзоньвидзалы бурдөдысьыд оз ков, сійө висьсысьлы колө. Ме локті корны Ен дінө мыжяясөс, эг веськыда олысьясөс». 18 Иоанлөн да фарисейяслөн велөдчысьясыс вөлі видзалөны. Йөзыс локтісны Исус дінө да юалісны: «Иоанлөн да фарисейяслөн велөдчысьяс видзалөны. Мыйла Тэнад оз?» 19 Исус вочавидзис: «Вермөны-ө видзавны көлысь вылын верөспукөд гажөдчысь ёртъяс? Верөспуыс кө накөд, найө оз вермыны видзавнысө. 20 Воасны на сійө лунъясыс, кор колясны верөспутөг, сэки и видзаласны. 21 Важ паськөмтө оз дөмны виль дөра дөмасөн. Тадзи кө вөчан, виль дөмас дортыс нөйдас-косясся паськөмыд, розьыс ёнджыка на ыдждас. 22 Виль винатө оз кисьтны важ кучик дозйө. Тадзи кө вөчан, кучик дозйыс потас, и винаыс киссяс. Виль винатө кисьтөны виль кучик дозйө». 23 Шойччан

лунө Исус мунө вөлі кодзөм муяс вомөн. Сылөн велөдчысьясыс мунігмозныс нетшкисны шепсө. 24 Фарисейяс шуисны Исуслы: «Видзөдлы, мый Тэнад велөдчысьясыд вөчөны! Тайөс оз позь вөчны шойччан лунө». 25 Исус воча шуис: «Ті өмөй энө лыддьылөй, мый вөчис Давид, кор тшыгъяліс аслас йөзкөд да налөн эз вөв сөяныс? 26 Авиафар архирей дырйи сійө пырис Ен керкаө, сөйис Енлы вайөм няньсө да аслас йөзлы тшөтш сетіс. Тайө няньсө сөмын попьяслы позис сөйны». 27 Сэсся Исус шуис фарисейяслы: «Шойччан лунсө лөсьөдөма мортлы, абу мортсө шойччан лунлы. 28 Та вөсна Морт Пи шойччан лун вылын ыджыдыс».

3 Исус бара локтіс синагогаө. Сэні вөлі косьмөм киа морт. 2 Исус бөрся сюся видзөдісны, бурдөдас-ө шойччан лунө, өд корсисны помка мыжавны Сійөс. 3 Исус тшөктіс косьмөм киа мортлы: «Сувт шөрас». 4 Сэсся юаліс мукөдыслысь: «Мый позь вөчны шойччан лунө: бурсө али лөксө, мездыны мортөс али вины сійөс?» Найө чөв олісны. 5 Исус шогсис налөн чорзём сьөлөмныс вөсна да чорыда видзөдліс на вылө. Сэсся шуис висьсысьлы: «Нюжөд китө». Сійө нюжөдіс, и кыис пырысь-пыр бурдіс, лои мөдыс кодь. 6 Сэки фарисейяс петісны да Ирөдлөн йөзкөд дзик пыр панісны сёрни Исусөс виөм йылысь. 7 Исус муніс велөдчысьясыскөд ты дорө. Сы бөрся вөтчис унасьыс-уна йөз Галилеясы, Юдеясы, 8 Ерусалим карысь, Идумеясы, Йөрдан ю сайысь, Тир да Сидон карьясысь. Найө локтісны Исус дінө, өд кывлөмаөсь, мый Сійө вөчө. 9 Исус тшөктіс велөдчысьясыслы лөсьөдны Сылы пыж, медым йөзыс эз дзескөдны Сійөс. 10 Исус унаөс бурдөдіс сэні. Та вөсна висьсысьяс сьуйсьөмөн сьуйсисны, медым инмөдчывны Сы дінө. 11 Исусөс аддзигөн пеж ловъяс уськөдчылісны Сы водзө да горзісны: «Тэ Ен Пи!» 12 Исус чорыда өлөдіс найөс Сы йылысь висьтавлөмысь. 13 Исус кайис керөсө. Сійө корис Ас дінас, кодөс көсйис, и найө локтісны Сы дінө. 14 Сійө бөрийис дас кыкөс лоны Сыкөд, медым мөдөдны найөс висьтавны Бур Юөр 15 да сетны налы вын бурдөдавны висьсысьясөс да вөтлавны пеж ловьясөс. 16 Дас кыкыс вөліны: Симон, кодлы сетіс Петыр ним, 17 Зеведей Яков да сылөн Иоан вокыс, кодьяслы сетіс Воанергес ним, вуджөдны кө: гым пьян, 18 Öндрей, Филип, Варфоломей, Матвей, Фома, Алфей Яков, Фаддей, Кананит Симон 19 да Искариот Иуда, Исусөс вузалысь. 20 Кор найө бөр локтісны гортас, бара чукөртчисны йөз. Исуслы да велөдчысьясыслы эз вөв позянлуныс весиг сөйыштнысө. 21 Та йылысь кылісны Исуслөн матыссясыс. Найө локтісны Сыла, өд сёрнитісны, Сійө пө абу Ас вежөрас. 22 Ерусалимысь локтысь Индөдө велөдысьяс сёрнитісны, Сы пытшкын пө

Вельзевул, вөтлалө пө пеж ловъясөс налөн юралысь вынөн. ²³ Исус корис йөзсө да висьталіс налы велөданвисьтъясөн: «Вермас-ө сөтана вөтлыны сөтанаос? ²⁴ Ас муын олысьяс кө ас костаныс тышкасьоны, сәні олөмыс киссяс. ²⁵ Зыксьөмөн олысь керка дыр оз сулав. ²⁶ Сөтанаыс кө аслыс паныд кыпөдчө-тышкасьө, сійө вынсө воштас, сылы воас пом. ²⁷ Некод оз вермы пырны вына мортлөн керкаө да сійөс көртвавтөг босьтны сылысь эмбурсө. Вына мортөс көрталөм бөрын сөмын вермас босьтны эмбурсө. ²⁸ Вельзевул висьтала тияны: мортлысь быд мыж да быд омөльтөм лоө прөститөма. ²⁹ Коді омөльтас Вежа Лолөс, сылысь мыжсө некор оз ло прөститөма. Сылөн мыжыс пыр кезлө кольө». ³⁰ Исус висьталіс тайөс, өд сёрнитисны, мый Сы пытшкын пеж лов. ³¹ Локтисны Исуслөн мамыс да вокъясыс. Ывлаас сулалігөн найө мөдөдісны корны Сійөс. ³² Исус гөгөр пукалысь йөз шуисны Сылы: «Мамыд да чой-вокыд ывлаасось, Тэнө юасьоны». ³³ Исус воча шуис: «Коді Меным мамыс да вокыс?» ³⁴ Ас гөгөрыс пукалысьяс вылө видзөдлөмөн шуис: «Найө Менам вокъясөй да Менам мамөй. ³⁵ Ен көсйөм серти олысь – Меным вок, чой да мам».

4 Исус бара велөдіс ты дорын. Сы динө чукөртчис зэв уна йөз, Сылы весиг ковмис пуксьыны пыжө. Пыжыс сулаліс ва вылын, а йөзыс – вадорас. ² Исус висьталіс налы уна велөданвисьт: ³ «Кывзөй. Морт көдзны петас. ⁴ Көдзигас кымынкө көйдыс усяс туй бокө. Сэтчө воасны лэбачьяс да кокаласны. ⁵ Кымынкө көйдыс усяс изьяинө. Этша муыс вөсна ляпкыдінад найө өдйө чужасны. ⁶ Петас шонді, пөжны пондас, и омөль вужъя петасыд косьмас. ⁷ Кымынкө көйдыс усяс лежнөг пөвстө. Быдмигас лежнөгыс пөдтас петассө, и сійө оз вай тусьсө. ⁸ Мукөд көйдысыс усяс бур муө. Петас, быдмас да ваяс уна тусь: өтияс – комын пөв, мөдъяс – квайтымын пөв, коймөдъяс – сө пөв». ⁹ Сэсся Исус шуис: «Кодлөн эм пель, мед кылө!» ¹⁰ Ас кежаныс кольөм бөрын дас кыкыс мукөд велөдчысьыскөд пондісны юасьны Исуслысь велөданвисьт йылысь. ¹¹ Исус шуис: «Тияны сетөма төдны Ен Юралөмлысь гусяторъяссө, а мукөдыс кылөны та йылысь сөмын велөданвисьтъясыс. ¹² – Найө видзөдөны, аддзөны – да оз казьяны, кывзөны, кылөны – да оз гөгөрвоны. Оз бергөдчыны Енланьө, и налысь мыжъяссө оз ло прөститөма». ¹³ Исус шуис налы: «Энө өмөй гөгөрвоөй тайө велөданвисьтсө? Кыдзи нө мукөд велөданвисьтсө гөгөрвоанныд? ¹⁴ Көдзысь Ен Кыв көдзө. ¹⁵ Туй бокө усьөм көйдыс петкөдлө: мортыс кылө Кывсө, но дзик пыр локтө сөтана да гусялө сьөлөмас көдзөм Кывсө. ¹⁶ Изьяинө усьөм көйдысыс петкөдлө: мортыс кылө Кывсө да дзик

пыр долыдырысь босьтө сійөс сьөлөмас, ¹⁷ но вужъясьтөмысла оз дыр эскы, Ен Кыв вөсна дзескөдігөн-вөтлігөн сійө эновтчө эскөмсьыс. ¹⁸ Лежнөг пөвстө усьөм көйдысыс петкөдлө: мортыс кылө Кывсө, ¹⁹ но быдлунъя төждыс, озырмыны ыштөмыс да мукөд көсйөмыс пөдтө көдзөм Кывсө, и сійө оз вай вотөссө. ²⁰ Бур муө көдзөм көйдысыс петкөдлө: мортыс кылө Кывсө, босьтө сійөс сьөлөмас да вайө вотөс: өтияс – комын пөв, мөдъяс – квайтымын пөв, коймөдъяс – сө пөв». ²¹ Исус висьталіс: «Өзтөм битө өмөй пыртлөны керкаө, мед доз улө пуктыны либө лабич улө сувтөдны? Оз өмөй сійөс бикок вылө пуктыны? ²² Став гусяс воссяс да став дзөбөмаыс йөзасяс. ²³ Кодлөн эм пель, мед кылө!» ²⁴ Исус шуис: «Төд выланыд босьтөй, мый кыланныд. Асланыд мурталөм серти тияны мурталасны, нөшта содтасны на тияны, кывзысьясы. ²⁵ Кодлөн эм, сылы сетасны. Кодлөн абу, сылысь бөръясө босьтасны». ²⁶ Исус шуис: «Енлөн Юралөмыс татшөм. Морт көдзө көйдыс муө. ²⁷ Войсө сійө узьө, лунсө олө, а кутшөм ногөн няныс чужө-быдмө, оз төд. ²⁸ Муыс ачыс быдтө: медводз петө веж турун, сэсся сійө шептасьө, а сэсся нин шепъясас артмөны тусьяс. ²⁹ Кор няныс воас, дзик пыр сійө мөдөдө вундысьясөс, өд вундан кадыс воис». ³⁰ Исус шуис: «Мыйкөд өткодялам Енлысь Юралөмсө? Кутшөм велөданвисьтөн петкөдлам сійөс? ³¹ Сійө муө көдзөм горчица тусь кодь. Став көйдысьыс сійө медпосни. ³² Көдзөм бөрас быдмө да став пуктассьыс ыджыд лоө, весиг енэжвыв лэбачьяс вермөны поздысьныгырысь вожъясылөн вуджөр улө». ³³ Уна татшөм велөданвисьтөн Исус юөртис налы Енлысь Кывсө, мыйта найө вермисны гөгөрвоны. ³⁴ Велөданвисьтъястөг эз сёрнитлы йөзыскөд, а велөдчысьясыс ас кежаныс гөгөрвоөдліс ставсө. ³⁵ Сійө лунө, рытнас, Исус шуис велөдчысьясыс: «Вуджамөй ты мөдлапөлө». ³⁶ Найө колысны йөзсө, асьныс пукисны пыжө Исус динө. Накөд вөліны тшөтш мукөд пыжаяс. ³⁷ Кыптис ыджыд төвныр, өна гызис, да пыжыс кутис тырны ванас. ³⁸ Юрлөс вылө нөровтчөмөн Исус узис пыж бөжас. Сійөс садьмөдісны да шуисны: «Велөдысь! Тэныд өмөй веськодь, мый ми вөям?» ³⁹ Исус чеччис, өлөдіс төвсө да тшөктис ваылы: «Ланьт, лөнь!» Төлыс ланьтис, и вөвлытөм чөв-лөнь пукис. ⁴⁰ Исус шуис велөдчысьясыс: «Мыйла ті сэтшөм полысьсөсь? Көні тиян эскөмныд?» ⁴¹ Найө ыджыд полөмөн тырисны, өта-мөдныслысь пондісны юасьны: «Коді Сійө? Весиг төлыс да ваыс кывзысьсө Сылысь».

5 Та бөрти найө вуджисны ты мөдлапөлө, Гадара муө. ² Пыжсьыс чеччөм бөрын Исуслы дзик пыр паныд петис шойнаысь пеж лолөн кутөм морт. ³ Сійө оліс шойгу кыртайн, сійөс сьөкыд вөлі

кортавны весиг чепъясөн. ⁴ Унаысь дорлісны сылысь ки-коксо, но сійо орьодлывліс чепсо да жугодліс доромсо. Некод сійос лоньодны эз вермы. ⁵ Лун и вой сійо дугдывтөг горзіс шойгу кыртайн да керосьясын, дойдаліс асьсө изйөн. ⁶ Сійо ылісянь аддзис Исусос, котөрөн локтіс да уськөдчис Сы водзё, ⁷ сэсся лёк горшён горөдіс: «Мый Тэныд мясянь колө, Исус, Медвылысса Енлөн Пи? Енмөн кора, эн пес менө!» ⁸ Тадзи шуалис, өд Исус тшөктіс пеж ловлы петны морт пытшкысь. ⁹ Исус юалис сылысь: «Мый тэнад нимыд?» Сійо вочавидзис: «Легион менам нимой, ми өд унаонось». ¹⁰ Сійо ёна корис Исусос, мед эз вөтлы найос тайо муысь. ¹¹ Сэні керос бокин йирсис ыджыд порсь чукөр. ¹² Пеж ловъяс корисны Исусос: «Лэдз миянөс пырны порсьяс пытшкө». ¹³ Исус лэдзис. Пеж ловъяс петісны да пырисны порсьяс пытшкө. А порсьяс кыр йывсянь уськөдчисны тыө да пөдісны. Порсьыс вөлі кык сюрс гөгөр. ¹⁴ Порсь видзысьяс пышйисны сэтысь, котөрөн мунісны карө да орчча сиктьясө висьтавны аддзывлөмтор йывсьыс. Йөзыс петісны видзөдлыны, мый лоөма. ¹⁵ Найө локтісны Исус дінө да аддзисны коркөя пеж лолөн кутөм мортос, код пытшкысь петіс дзонь легион. Сійо, паськөма да ас вежөра, пукаліс сэні. Йөзыс ёна повзисны. ¹⁶ Аддзылысьяс висьталісны локтөмаяслы, мый лоис пеж лолөн кутөм морткөд да порсь чукөркөд. ¹⁷ Йөзыс пондісны корны Исусос мунны налөн муысь. ¹⁸ Кор Исус пуксис пыжө, пеж лолысь мездмөм морт вөзйысис мунны Сыкөд. ¹⁹ Исус эз лэдз, а шуис: «Мун гортад да висьтав гортсайдлы, мый вөчис тэныд Господь да кутшөм бур сьөлөма Сійо вөлі тэ дінө». ²⁰ Сійо муніс да Даскар му пасьтала пондіс висьтавны, мый сылы вөчис Исус. Став йөзыс шензисны. ²¹ Исус бөр вуджис пыжөн ты мөдлапөлө. Сы дінө чукөртчис уна йөз. Кор Сійо вөлі вадорас, ²² локтіс Явир нима морт, синагогаса юралысь. Исусос аддзөм бөрын Явир уськөдчис Сы водзё ²³ да ёна корис: «Менам нылөй кулан выйын. Лок, пуктыв сы вылө китө, мед бурдас да коляс ловйөн». ²⁴ Исус муніс юралыськөд. Уна йөз вөтчис Исус бөрся да дзескөдіс Сійос. ²⁵ Йөз чукөрын вөлі ань, сійо дас кык во чөж висьөма вир мунөмөн ²⁶ да уна сьөкыд нуөма бурдөдысьясянь. Сійо видзөма ставсө, мый сылөн вөлөма, но отсөг пыдди сылы нөшта на лёкджык лоөма. ²⁷ Ань водзынджык нин кывлөма Исус йылысь. Йөз пөвсттыс сійо матыстчис Исус дінө мышсяныс да инмөдчыліс Сылы паськөмас. ²⁸ Ань мөвпаліс: «Сөмын инмөдчыла кө Сылөн паськөмө, бурда». ²⁹ Вир мунөмыс пырысьтөм-пыр дугдіс, сійо ас пытшкас кыліс бурдөмсө. ³⁰ Исус дзик пыр казяліс, мый Сы пытшкысь петіс вын. Сійо бергөдчис йөз чукөрлань да юалис: «Коді инмөдчыліс Менам

паськөмө?» ³¹ Велөдчысьясыс шуисны: «Тэ аддзан, йөзыс дзескөдөны Тэно, и юасян, коді инмөдчыліс Тэ дінө». ³² Исус видзөдліс гөгөрбок, медым аддзыны инмөдчылысьсөс. ³³ Ань гөгөрвоис, мый ськөд лои. Повзьөмысла дзөригтыр сійо матыстчис да уськөдчис Исус водзё, висьталіс ставсө веськыда. ³⁴ Исус шуис аньлы: «Нылөй, эскөмыд мездіс тэно. Мун повтөг да ло дзоньвидза, тэ мынін висьөмсьыд». ³⁵ Исуслөн сёрнитігөн локтісны синагогаса юралысьлөн гортсяныс да шуисны: «Нылыд кулі, эн мудзтөд Велөдысьсө». ³⁶ Исус кыліс тайос да шуис синагогаса юралысьлы: «Эн пов, сөмын эскы». ³⁷ Сэсся босьтіс Аскөдыс Петырөс, Яковос да сылысь Иоан воксө, мукөдсө эз лэдз локнысө. ³⁸ Юралысь керкаө воөм мысти Исус аддзис: йөзыс шызьөмаось, сыркъялөмөн бөрдөны. ³⁹ Исус пырис керкаө да шуис налы: «Мыйла нө шызьөмныд да бөрданныд? Нывкаыс эз кув, сійо узьө». ⁴⁰ Исус вылын пондісны серавны. Сійо вөтліс керкаысь ставнысө, босьтіс Аскөдыс сөмын нывкалысь бать-мамсө да Сыкөд локтысьясөс. Исус пырис нывка дінө, ⁴¹ босьтіс сійос киөдыс да шуис: «Талита куми». Тайө лоө: «Нылөй, тэныд шуа: чеччы». ⁴² Нывка дзик пыр чеччис да пондіс ветлөдлыны; сылы вөлі дас кык арөс. Аддзылысьяс ёна чуймисны. ⁴³ Исус чорыда өлөдіс найос та йылысь мукөдлы висьтавлөмысь, а нывкаос Сійо тшөктіс вердны.

6 Сэтысь Исус муніс Аслас карө, Сылөн велөдчысьясыс мунісны Сы бөрся. ² Шойччан лунө Сійо велөдіс синагогаын. Кывзысьяс пиысь унаон шензьөмөн шуалисны: «Кытысь Сылөн тайө? Мыйсяма мывкыдлун Сылы сетөма? Сійо вөчө татшөм шензьөданаторьяс! ³ Абу-ө Сійо тшупсьысь? Абу-ө Мариялөн пиыс, Яковлөн, Иосейлөн, Иудалөн да Симонлөн воыс? Оз-ө тани овны Сылөн чойясыс?» Тадзи Сійос өддортісны. ⁴ Исус шуис налы: «Пророкөс пыдди пуктөны быдлаын, сөмын ас карас, ас рөдвужас да ас гортас оз». ⁵ Исус эз вермы сэні вөчны шензьөданаторьяс, сөмын кымынкө висьысь вылө кисө пуктылөмөн бурдөдіс найос. ⁶ Йөзлөн эскытөмлуныс шензьөдіс Сійос. Исус ветлөдліс матігөгөр сиктьясөд да велөдіс йөзсө. ⁷ Сійо корис дас кыкнан велөдчысьсө да сетіс налы вын вөтлавны пеж ловъясөс. Сэсся кыкөн-кыкөн мөдөдаліс найос. ⁸ Исус шуис налы: «Туяныд бедь кындзи нинөм энө босьтөй, весиг нянь, ноп, сьөм ⁹ да вежан көм-пась». ¹⁰ Нөшта Исус висьталіс: «Кутшөм керкаө пыранныд, водзё мунтөдзныд олөй сэні. ¹¹ Оз кө сибөдны-кывзыны тіянөс, сэтысь петіганыд пыркөдөй коксыныд буссө. Тайө лоө найос өлөдөм. Веськыда висьтала тіянлы: Мыждан лунө Содом да Гомора карьяслы лоас кокныдджык сійо карыслы дорысь».

¹² Велөдчысьяс мунісны да юөрталісны, йөзыс мед бергөдчисны мыжъясьяс. ¹³ Найө вөтлісны уна пеж лолөс да вуйөн мавтөмөн бурдөдісны уна висьысьөс. ¹⁴ Ирөд өксы кыліс Исус йылысь, өд тайө нимыс быдлаын вөлі төдса. Сійө шуис, Пыртысь Иоан пө ловзьөма, та вөсна вермө вөчны шензьөданаторъяс. ¹⁵ Мукөдыс шуалисны, тайө пө Илля, кодсюрө шуисны, Сійө пө пророкъясысь өти. ¹⁶ Татшөм сёрнияс бөрын Ирөд шуис, тайө пө Иоан, кодлысь ме юрсө керышті, ловзьөма. ¹⁷ Өд Филип вокыслөн Ирөдиада гөтырыс вөсна Ирөд тшөктіс босьтны Иоанөс да дорөмөн пуксьөдны дзескыдінө. Ирөдиадаөс гөтырө босьтөмысь ¹⁸ Иоан өлөдліс Ирөдөс: «Вок гөтырыдкөд тэныд оз позь овнытө». ¹⁹ Ирөдиада скөраліс Иоан вылө да көсийс вины сійөс, но эз вермы. ²⁰ Ирөд поліс Иоанысь, өд төдіс, мый Иоан веськыда олысь да вежа морт. Ирөд дорйис Иоанөс, унатор вөчис сылысь кывзысьөмөн да окотапырысь кывзіс сійөс. ²¹ Ирөд чужан лунө Ирөдиадалы лоис позянлун вины Иоанөс. Тайө лунө Ирөд котыртіс гаж юралысьяслы, тышкайөзөн веськөдлысьяслы да галилеяса пыдди пуктана войтырлы. ²² Ирөдиадалөн нылыс пырис да йөктіс гажөдчысьяс водзын. Тайө воис Ирөдлы да сыкөд пукалысьяслы сьөлөм вылас. Өксы шуис нывлы: «Кор менсьым, мый көсьян, и ме сета тэныд». ²³ Ирөд кыв сетіс: «Сета, мый сөмын коран, весиг аслам веськөдлан мулысь джынсө». ²⁴ Ныв петіс да юалис мамыслысь: «Мый эськө корны?» Мамыс шуис: «Пыртысь Иоанлысь юрсө». ²⁵ Ныв дзик пыр тэрмасьөмөн муніс өксы дінө да шуис: «Көсья, мед дзик өні сетін меным тасьтын Пыртысь Иоанлысь юрсө». ²⁶ Өксы шогө усис, но гажөдчысьяс водзын сетөм кывйысь эз вермы соссьыны. ²⁷ Дзик пыр сійө ыстіс шыпуртаөс да тшөктіс вайны Иоанлысь юрсө. ²⁸ Шыпурта муніс дзескыдінө да керыштіс Иоанлысь юрсө. Сэсся вайис тасьтын юрсө да сетіс нывлы, а нылыс – мамыслы. ²⁹ Та йылысь кывлісны Иоанлөн велөдчысьясыс. Найө локтісны шойысла да нуисны дзеванінө. ³⁰ Апостольяс чукөртчисны Исус дінө. Найө висьталісны Сылы ставсө, мый вөчисны да мыйө велөдісны. ³¹ Исус шуис налы: «Мунөй овтөминө да шойчыштөй сэні». Йөзыс век өтарө локтіс-муніс, велөдчысьяслы весиг некор вөлі сөйыштнысө. ³² Та вөсна найө өтнаныс мөдөдчисны пыжөн овтөминө. ³³ Йөзыс адзылісны налысь мунөмсө да төдісны найөс. Көтөрөн петісны каръясьсыны да воисны сэтчө на дорысь водзджык. ³⁴ Пыжысь чеччигөн Исус аддзис уна йөзөс. Сылөн сьөлөмыс нормис, өд найө вөліны видзысьтөг кольөм ыжъяс кодьөсь. Сэки Исус пондіс велөдны найөс, Сійө унатор йылысь висьталіс налы. ³⁵ Сөр рытнас матыстчисны Исус

дінө велөдчысьясыс да шуисны: «Тані овтөмин, и кадыс сөр нин. ³⁶ Ысты йөзсө матігөгөр сикт-грездө сөянтор ньөбны». ³⁷ Исус воча шуис: «Ті сетөй налы сөянсө». Велөдчысьяс шуисны: «Миянлы-ө колө ветлынысө? Та мындаыслы нянь вылад кыксө динар ковмас». ³⁸ Исус юалис налысь: «Уна-ө тіян няньныд? Мунөй видзөдлөй». Төдмалөм бөрын найө висьталісны: «Вит нянь да кык чери». ³⁹ Исус тшөктіс велөдчысьясыслы пуксьөдавны йөзсө чукөръясө веж турун вылө. ⁴⁰ Йөзыс пуксялісны сөөн да ветымынөн. ⁴¹ Исус босьтіс вит няньсө да кык черисө, видзөдліс енэжө да Енмөс аттьөалөмөн чегис няньсө, сэсся сетіс велөдчысьясыслы. Велөдчысьяс разөдісны йөзыслы. Кык черисө тшөтш юкис ставныслы. ⁴² Ставныс пөттөдзныс сөйисны, ⁴³ а нянь да чери коляссө дас кык куд тыр чукөртісны. ⁴⁴ Сөйысьыс вөлі вит сюрс гөгөр морт. ⁴⁵ Исус дзик пыр тшөктіс велөдчысьясыслы пуксьыны пыжө да вуджны Сытөг мөдлапөлө, Випсаидаө. Сэккөсті Исус мөдөдаліс йөзсө. ⁴⁶ Йөзөс ыстөм бөрын Ачыс кайис керөсө кевмысьыны. ⁴⁷ Рытнас пыжаяс вөліны ты шөрын, а Исус өтнас сулаліс вадорын. ⁴⁸ Сійө аддзис: паныда төлыс вөсна велөдчысьяслы сьөкыд вөлі сыннысө. Асьядорыс Исус мөдөдчис ва вывті велөдчысьяс дінас да көсийс ордыныны найөс. ⁴⁹ Кор велөдчысьяс аддзисны ва вывті восьлалысь Исусөс, чайтісны, мый тайө орт, и кутісны горзыны. ⁵⁰ Ставныс өна повзисны. Исус дзик пыр шыасис на дінө: «Лөньөй, тайө Ме. Энө полөй». ⁵¹ Сійө пуксис на дінө пыжас. Төлыс лөнис. Велөдчысьяс өна шензисны. ⁵² Няньөн вердөм шензьөданаторйис, буракө, нинөм эз висьтав налөн измөм сьөлөмлы. ⁵³ Тысө вуджөм бөрын найө сувтісны Генесарет муө. ⁵⁴ Кор найө чеччисны пыжсьыс, йөзыс дзик пыр төдмалісны Исусөс. ⁵⁵ Тайө юорнас найө котөрөн кытшовтісны став матігөгөрсө да, көні кывсис Исус, сэтчө пондісны вольпасьөн вайны висьысьясөс. ⁵⁶ Быдлаын, кытчө воліс Исус – сиктө, карө, грездө – эрдъяс вылө водтөдавлісны висьысьясөс да корисны Исусөс, мед висьысьяслы лэдзас инмөдчывны паськөм дорышас. Сы дінө инмөдчылысьяс ставөн бурдісны.

7 Исус дінө локтісны фарисейяс да Ерусалимысь воөм Индөдө велөдысьяс. ² Кор найө аддзисны, мый кодсюрө Сылөн велөдчысьясыс сөйөны няньсө мыськытөм пеж киөн, кутісны шуасьны на вылө. ³ Юдейяс, торйөн нин фарисейяс, кутчысисны пөрысьяслөн шуөмө: киньсө мыськытөг эз пуксьывны сөйны ⁴ и вузасянінысь локтөм бөрын эз сөйлыны мысьытөг. Нөшта уна мукөдторйө на кутчысисны: дозмук, тасьті-пөрт да вольпась мыськалөмө. ⁵ Фарисейяс да Индөдө велөдысьяс юалисны Исуслысь: «Мыйла

велодчысьясид оз овны пёрысьяслөн шуом серти: мыськытөм кион нянь сёйёны?»⁶ Исус шуис налы: «Кык бана шаньгаяс! Бура шуома Гижодас тиян йылысь Исай пророк: – Тайё йёзыс вомнас пыдди пуктёны Менё, но налөн сьёлөмыс ылын Мемьсь.⁷ Вельшөрө ыдждөдлөны Менё мортсянь тшөктөмъясё велөдигөн.⁸ Ті энэвтинныд Енлысь тшөктөмсө, кутчысянныд мортлөн шуомъясө: тасьтi-дозмук мыскалөмө да уна мукөдторйё на». ⁹ Исус водзё висьталіс: «Сюся ті вештанныд Енлысь тшөктөмсө, медым кутчысьны батьяслөн шуомө.¹⁰ Мөйсей шуома: "Пыдди пукты ассьыд бать-мамтө". "Омөльтан кө бать-мамтө, тэнө кулөм вылө мыждасны".¹¹ А ті мөдарө велөданныд. Морт кө бать-мамыслы сетөм пыдди шуас: "Корбан, Енлы тайёс көсйыси",¹² сэки ті онө нин лэдзөй вөчны бурсө бать-мамыслы.¹³ Тадзи батьяслөн шуомө кутчысьөмөн да велөдөмөн ті вештанныд Енлысь Кывсө. Уна татшөмтор на ті вөчанныд». ¹⁴ Исус бара корис йөзсө да шуис налы: «Кывзөй Менё ставныд да гөгөрвоёй.¹⁵ Мортөс оз пежав сійё, мый пытшкас пырө, а пежалө, мый сы пытшкысь петө.¹⁶ Кодлөн эм пель, мед кылө!»¹⁷ Исус колис йөзсө да пырис керкаө. Велөдчысьясыс корисны Сійөс гөгөрвоөдны висьталөмсө.¹⁸ Сійө шуис налы: «Весиг ті онө гөгөрвоёй! Онө өмөй вежөртөй: мортөс оз вермы пежавны сійё, мый пытшкас пырө,¹⁹ өд сійё оз сьёлөмас пыр, а веськалө кынөмас, сэсся ортсө петө». Тадзи Исус гөгөрвоөдіс, мый став сёяныс сөстөм.²⁰ Водзё висьталіс: «Мый петө морт пытшкысь, сійө пежалө мортсө.²¹ Буретш морт пытшкысь, сылөн сьёлөмысь, петөны лёк мөвпьяс, гозья олөм пежалөм, кырсалөм, морт виөм,²² гусясьөм, горшасьөм, лёк вөчөм, ылөдчөм, лэдзчысьөм оласног, колысь син, омөльтөм, асьсө вылө пуктөм да мывкыдтөмлун.²³ Став тайё лёкыс петө морт пытшкысь да пежалө сійөс». ²⁴ Сэтысь Исус муніс Тир да Сидон муясө. Сійө пырис өти керкаө да эз көсйы, мед кодкө төдіс та йылысь, но төдмалісны Сылөн воөм йылысь.²⁵ Кывліс Сы йылысь өти ань, кодлысь нывсө вөлі кутөма пеж лов. Ань локтіс да уськөдчис Исус водзё.²⁶ Тайё аньыс вөлі Сирияысь, финикияса, сійө сёрнитіс грек кывйөн. Ань корис Исусөс вөтлыны ныв пытшкысь пеж ловсө.²⁷ Исус шуис: «Медводз мед ныв-пи пөттөдзныс сёясны. Абу бур мырддыны ныв-пилысь няньсө да шыбитны сійөс понпиянлы». ²⁸ Ань воча шуис: «Сідз, Господьөй. Но поньяс тшөтш пызан улысь сёйёны ныв-пилысь нянь торпыригсө». ²⁹ Исус шуис сылы: «Тадз кө мөвпалан, мун, пеж лов петіс тэнад ныв пытшкысь». ³⁰ Гортас локтөм бөрын ань аддзис: нылыс куйлө вольпасын, пеж лов петөма сы пытшкысь.³¹ Тир да Сидон муясысь петөм бөрын

Исус локтіс Даскар му пыр Галилея ты дорө.³² Сы дінө вайөдісны пыскыль кывъя пельтөм мортөс да корисны Исусөс пуктывны кисө тайё мортис вылө.³³ Исус нуөдіс сійөс йөз дінсьыс бокө, пуктіс чуньяссө сылы пеляс да сьөлыштөмөн инмөдчис сылы кывъяс.³⁴ Сэсся енэжө видзөдлөмөн ышловзис да шуис пельтөмлы: «Эффата!» Тайё лоө: «Воссы!»³⁵ Дзик пыр тайё мортислөн пельыс воссис да кыв-ворыс разьсис, сійө пондіс ясыда сёрнитны.³⁶ Исус өлөдіс йөзсө та йылысь мукөдлы висьталөмысь. Но кымын ёна өлөдіс, сымын ёнджыка найө висьтавлісны.³⁷ Йөзыс шензьөмөн шензисны да шуалісны: «Сійө уна бурсө вөчө. Пельтөмъяслы сетө кывны, кывтөмъяслы сёрнитны».

8 Сійө луньясө бара чукөртчис зэв уна йөз. Налөн эз вөв аскөдныс сёяныс. Исус корис велөдчысьяссө да шуис: ² «Менам сьёлөмөй висьтө тайё йөзыс вөсна. Найө куим лун нин танөсь, а налөн сёяныс абу.³ Сөйтөгыс кө мөдөда найөс гортаныс, туяс дзикөдз эбөстөммасны, өд кодсюрө локтісны ылісянь». ⁴ Велөдчысьяс шуисны: «Кытысь босьтны овтөминас няньсө, медым вердны найөс?»⁵ Исус юаліс: «Уна-ө тиян няньныд?» Найө вочавидзисны: «Сизим». ⁶ Исус тшөктіс йөзыслы пуксявны муас. Ачыс босьтис сизим няньсө, Енмөс аттьөалөмөн чегис няньсө да сетіс велөдчысьясыслы, а велөдчысьяс – йөзыслы.⁷ Налөн вөлі нөшта кымынкө посни чери. Бурсиөм бөрын Исус тшөктіс сетавны черисө.⁸ Ставөн пөттөдзныс сөйисны, коляссө сизим куд тыр чукөртісны.⁹ Сөйысьыс вөлі нель сюрс гөгөр морт. Йөзсө мөдөдалөм бөрын ¹⁰ Исус велөдчысьясыскөд дзик пыр пуксис пыжө да кывтіс Далманута муө.¹¹ Локтісны фарисейяс да пондісны вензьыны Исускөд. Сійөс кыйөм могысь корисны петкөдлыны енэжсянь индысьпас.¹² Исус сьөкыда ышловзис да шуис: «Мыйла өнія олысьяслы колө индысьпасыс? Велькыда висьтала тиянлы: оз ло налы индысьпасыс». ¹³ Сэсся Исус колис найөс, бөр пуксис пыжө да вуджис мөдлапөлө.¹⁴ Велөдчысьяс вунөдісны босьтны аскөдныс няньсө, а пыжас вөлі сөмын өти няньтор.¹⁵ Исус шуис налы: «Видзчысьөй фарисей да Ирөд няньшомысь». ¹⁶ Велөдчысьяс ас костаныс сёрнитісны: «Няньыс өд миян абу». ¹⁷ Тайёс казялөмөн Исус шуис налы: «Мый нө сёрнитанныд нянь абутөм йывсьыд? Онө өмөй вежөртөй? Измөма өмөй сьёлөмныд?»¹⁸ Синмаөсь да, онө аддзөй? Пеляөсь да, онө кылөй? Вунөдінныд өмөй ¹⁹ вит сюрс мортөс вит няньөн вердөм йылысь? Кымын куд тыр сэки коляссө чукөртінныд?» Шуисны: «Дас кыкөс». ²⁰ «А нель сюрс мортөс сизим няньөн вердігөн, кымын куд тыр коляссө чукөртінныд?» Шуисны Сылы:

«Сизимӱс». ²¹ Исус шуис налы: «Кызди ти онӱ вежӱртӱй?» ²² Исус воис Випсаидаӱ. Сы дӱно вайӱдӱсны синтӱмӱс да корисны инмӱдчывны сы дӱно. ²³ Исус босьтӱс синтӱмӱс киӱдыс да петкӱдӱс сиктсьыс. Синмас сьӱлыштӱм бӱрын пуктӱс кисӱ сы вылӱ да юалис: «Аддзан-ӱ мыйкӱ?» ²⁴ Синтӱм видзӱдлӱс да шуис: «Аддза ветлӱдлысь йӱзӱс, найӱ пуяс кодьӱс». ²⁵ Исус бара пуктылис кисӱ сылы синмас да тшӱктӱс видзӱдлыны. Синтӱм бурдӱс да ставсӱ аддзис ясыда. ²⁶ Исус мӱдӱдӱс сийӱс гортас да шуис: «Сиктас эн пыр». ²⁷ Исус мунӱс велӱдчысьясыскӱд Филиплӱн Кесария сиктъясӱ. Мунӱганьс юалис налысь: «Код туйӱ йӱзӱс пуктӱны Менӱ?» ²⁸ Найӱ вочавидзисны: «Отьяс шуӱны, Пыртысь Иоан пӱ, мӱдъяс шуӱны, Илля пӱ, кодсюрӱ шуӱны, пророкъясысь пӱ оти». ²⁹ Исус юалис: «Код туйӱ ти Менӱ пуктанныд?» Петыр вочавидзис: «Тэ – Кростос». ³⁰ Исус ӱлӱдӱс найӱс, мед эз висътавны Сы йылысь мукӱдлы. ³¹ Исус пондӱс висътавны велӱдчысьясыслы: «Морт Пилы уна сьӱкыд ковмас нуны. Пӱрысьяс, аркирейяс да Индӱдӱ велӱдысьяс пондасны вӱтлыны да виасны Сийӱс, но коймӱд луннас Сийӱс ловзяс». ³² Та йылысь Исус сӱрнитӱс восьсӱн. Сийӱс бокӱ корӱмӱн Петыр паньд шуасьны пондӱс. ³³ Велӱдчысьяслань бергӱдчӱмӱн Исус чорыда вомалис Петырӱс: «Вешы Ме дӱнысь, сӱтана! Тэнад мӱвпъясыд мортсянь, абу Енсянь». ³⁴ Исус чукӱстӱс йӱзсӱ да велӱдчысьяссӱ да шуис налы: «Кодӱ кӱсийӱ мунны Ме бӱрся, мед вунӱдас асьсӱ, мед босьтас асьыс крестсӱ да локтас Ме бӱрся. ³⁵ Кодӱ кӱсийӱ видзны асьыс олӱмсӱ, воштас сийӱс. Ме вӱсна да Евангелльӱ вӱсна олӱмсӱ воштысь видзас сийӱс. ³⁶ Лоас-ӱ мортыслы бур, босьтас кӱ аслыс став муюгыдсӱ, а олӱмсӱ воштас? ³⁷ Вермас-ӱ бӱр ньӱбны асьыс олӱмсӱ? ³⁸ Кодӱ тайӱ мыжа да пejas ылалӱм йӱз пӱвстын яндысяс Мейсь да Менам кывъясысь, сысысь яндысяс Морт Пи, кор локтас вежа анделъяскӱд Батыслӱн дзирдлунӱн».

9 Исус шуис налы: «Веськыда висътала тӱянлы: кодсюрӱ танӱ сулалысьяс пиысь кувтӱдзныс на аддзасны Ен Юралӱмлысь вына локтӱмсӱ». ² Квайт лун мысти Исус босьтӱс Аскӱдыс Петырӱс, Яковӱс, Иоанӱс да кайис накӱд джуджыд керӱсӱ. Велӱдчысьяс син водзын Исуслӱн мыгӱрыс вежсис, ³ паськӱмыс лои лым кодь дзирдалана еджыд. Татшӱм еджыд дӱрасӱ му вылын он аддзы. ⁴ Велӱдчысьяс аддзисны Илляӱс да Мӱисейӱс, найӱ сӱрнитӱсны Исускӱд. ⁵ Петыр шуис Исуслы: «Велӱдысьӱй, миянлы танӱ лӱсьыд, сувтӱдам куим чом: Тэныд, Мӱисейлы да Иллялы». ⁶ Петыр ачыс эз гӱгӱрво, мый висъталӱс, ӱд ставныс найӱ вӱлӱ ӱна повзӱӱмаӱс. ⁷ Сэки локтӱс кымӱр да вевттис найӱс, кымӱрсянь кылис гӱлӱс шы: «Тайӱ Менам муса

Пиӱй, Сийӱс кывзӱй». ⁸ Велӱдчысьяс видзӱдлӱсны гӱгӱрбок да аддзисны, мый накӱд сӱмын Исус. ⁹ Керӱссысь лэччиганыс Исус ӱлӱдӱс велӱдчысьяссӱ, мед эз висътавны аддзывлӱм йывсьыс Морт Пилӱн ловзӱйтӱдз. ¹⁰ Найӱ тӱд выланыс босьтӱсны тайӱ кывъяссӱ да ӱта-мӱдныслысь юасисны, кызди гӱгӱрвоны ловзӱӱмсӱ. ¹¹ Велӱдчысьяс юалисны Исуслысь: «Мыйла Индӱдӱ велӱдысьяс шуӱны, Иллялы пӱ колӱ водзджык локны?» ¹² Сийӱс вочавидзис: «Дерт, Иллялы колӱ водзджык локны да ставсӱ лӱсьӱдны. А Морт Пи йылысь гижӱма, мый уна сьӱкыд Сылы ковмас нуны да лоны увтыртӱмаӱн. ¹³ Висътала тӱянлы: Илля локтӱс нин. Сыкӱд вӱчисны, мый кӱсийсны. Тадзи вӱлӱ водзвыв гижӱма сы йылысь». ¹⁴ Исус локтӱс велӱдчысьяс дӱно да аддзис на дӱнысь уна йӱзӱс да накӱд вензьясь Индӱдӱ велӱдысьяссӱ. ¹⁵ Исусӱс аддзӱм бӱрын став йӱзӱс чуймисны да котӱрӱн матыстчисны чолӱмасьны Сыкӱд. ¹⁶ Исус юалис Индӱдӱ велӱдысьяслысь: «Мый йылысь вензьянныд?» ¹⁷ Йӱз пӱвстысь оти шуис: «Велӱдысьӱй, ме вайӱдӱ Тэ дӱно асьыс пиӱс. Сийӱс оз сӱрнит, сы пытшкын пejas лов. ¹⁸ Кор пejas лов топӱдӱ сийӱс, шыбитӱ муас. Сэки пиӱй пиньсӱ йирӱ, сийӱс йӱрсӱналӱ, да вомсьыс быг петӱ. Ме кори Тэньсыд велӱдчысьястӱ вӱтлыны пejas ловсӱ, но найӱ эз вермыны». ¹⁹ Исус шуис: «Эскытӱмъяс! Дыр-ӱ на Меным овнысӱ тӱянкӱд? Дыр-ӱ на Меным видзӱдны тӱянӱс? Вайӱдӱй Ме дӱно зонкасӱ». ²⁰ Сийӱс вайӱдӱсны Исус дӱно. Исусӱс аддзӱм бӱрын пejas лов дзик пыр кутӱс пелӱдлыны зонкасӱ. Сийӱс усис муас, пондӱс туплясьны, вомсьыс кутӱс быг петны. ²¹ Исус юалис зонка батылысь: «Важысянь-ӱ тайӱ пиыдлӱн?» Сийӱс вочавидзис: «Кагадырсянныс. ²² Унаысь сийӱс пejas лов биӱ-ваӱ шыбитлӱс, мед вины. Верман кӱ, отсав миянлы, ло бур сьӱлӱма». ²³ Исус шуис сылы: «Эскан кӱ, эскыслы ставыс вермана». ²⁴ Зонкалӱн батыс дзик пыр бӱрдӱмӱн горӱдӱс: «Эска, Господьӱй! Отсав меным эскыны!» ²⁵ Исус аддзис: йӱзӱс котӱрӱн чукӱртчӱны. Сэки ӱлӱдӱмӱн шуис пejas ловлы: «Кыв-вор кутысь, пельяс тупкысь пejas лов, тшӱкта тэныд: пет зонка пытшкысь да бӱрсӱ эн лысьт пырны сы пытшкӱ». ²⁶ Пejas лов горӱдӱс, песовтӱс зонкасӱ да петӱс сы пытшкысь. Зонка куйлис шой кодь, унаӱн весиг шуисны, кулис пӱ. ²⁷ Исус босьтӱс зонкаӱс киӱдыс, и сийӱс чеччис. ²⁸ Керкаӱ пырӱм бӱрын велӱдчысьяс ас кезаныс юалисны Исуслысь: «Мыйла ми эгӱ вермӱй вӱтлыны пejas ловсӱ?» ²⁹ Исус шуис налы: «Видзавтӱг да кевмысьтӱг татшӱм пejas ловъяссӱ вӱтлыны онӱ вермӱй». ³⁰ Сэтысь петӱм бӱрын найӱ мунӱсны Галилея пыр. Исус эз кӱсий, медым кодкӱ тӱдлӱс та йылысь. ³¹ Сэни Сийӱс велӱдӱс Асьыс велӱдчысьяссӱ. Сийӱс шуис налы: «Морт Пиӱс

сетасны йӱзлӱн киӱ. Сийӱс виасны, но коймӱд луннас Сийӱ ловзяс». ³² Велӱдчысыяс эз гӱгӱрвоны, мый йылысь Исус висьталӱ, а юавнысӱ полісны. ³³ Исус воис Капернаумӱ. Гортас пырӱм мысти Сийӱ юалис велӱдчысыясыслысь: «Мый йылысь тӱ сӱрнитӱнныд локтӱгмозныд?» ³⁴ Найӱ чӱв олісны. Локтӱганыс найӱ вензисны, кодӱ на пиысь ыджыдджыкыс. ³⁵ Исус пуксис, корис дас кыкнансӱ да шуис налы: «Кодӱ кӱсйӱ лоны медводдзаӱн, мед лоас став пиас медбӱрӱяӱн да быдӱнлы кесьялысьӱн». ³⁶ Сийӱ босытӱс кагаӱс, сувтӱдӱс на шӱрӱ да сийӱс кутыштлӱмӱн шуис: ³⁷ «Кодӱ Менам ним вӱсна сибӱдӱ ӱти татшӱм кагаӱс, сийӱ сибӱдӱ Менӱ. А Менӱ сибӱдысь сибӱдӱ Менӱ Мӱдӱдысьӱс, оз сӱмын Менӱ». ³⁸ Иоан шуис: «Велӱдысьӱй, ми аддзылім мортӱс, сийӱ Тэнад нимӱн паж ловъясӱс вӱтлалӱ. Ми ӱлӱдӱм сийӱс, ӱд сийӱ абу миян пӱвстысь». ³⁹ Исус шуис: «Энӱ ӱлӱдӱй сийӱс. Менам нимӱн кӱ шензӱӱданаторсӱ вӱчӱ, сийӱ оз вермы пырысь-пыр ӱмӱльтны Менӱ. ⁴⁰ Кодӱ абу тӱянлы паныд, сийӱ тӱян дор. ⁴¹ Весыкыда висьтала тӱянлы: кодӱ юкталас тӱянӱс ваӱн, сы вӱсна мый тӱ Крестослӱн, сийӱ оз коль удждонтӱг». ⁴² «Кодӱ ыштӱдас тайӱ ичӱтъясысь ӱтикӱс, Меным эскысьӱс, сылы бурджык лӱб, сыліас кӱ ыджыд изки ӱшӱдасны да шыбитасны саридзӱ. ⁴³ Киыд кӱ ыштӱдӱ тӱнӱ, керышт сийӱс. Бурджык пырны помтӱм олӱмӱ ки пӱлаӱн куслытӱм биӱ киӱӱн веськалӱм дорысь. ⁴⁴ Сӱнӱ "номырыс оз кувлы да биыс оз куслы". ⁴⁵ Кокид кӱ ыштӱдӱ тӱнӱ, керышт сийӱс. Бурджык пырны помтӱм олӱмӱ кок пӱлаӱн куслытӱм биӱ тӱнӱ кокаӱн шыбитӱм дорысь. ⁴⁶ Сӱнӱ "номырыс оз кувлы да биыс оз куслы". ⁴⁷ Синмыд кӱ ыштӱдӱ тӱнӱ, шыбит сийӱс. Бурджык пырны Енлӱн Юраланӱнӱ син пӱлаӱн куслытӱм биӱ тӱнӱ синмаӱн шыбитӱм дорысь. ⁴⁸ Сӱнӱ "номырыс оз кувлы да биыс оз куслы". ⁴⁹ Быдӱнӱс сӱстӱммӱдасны биӱн да солаласны висьӱс моз. ⁵⁰ Солюд – буртор. Но солыс кӱ лоас дуб, кыдзи сийӱс бӱр соланас вӱчан? Тӱян пытшкын мед пыр лӱб солыс, лӱня олӱй ас костаныд».

10 Сӱтысь Исус мунӱс Йӱрдан ю мӱдлапӱлӱд Юдея муӱ. Сы дӱнӱ бара чукӱртчис уна йӱз. Сийӱ велӱдӱс найӱс, кыдзи пыр вӱчліс. ² Исус дӱнӱ матыстчисны фарисейяс да Сийӱс кыйӱм могысь юалисны: «Позьӱ-ӱ верӱслы юксыыны гӱтырыскӱд?» ³ Исус воча шуис: «Мый тӱянлы гижӱма Мӱисей?» ⁴ Найӱ вочавидзисны: «Мӱисей лӱдзис верӱслы энӱвтны гӱтырсӱ, сӱмын верӱсыслы колӱ вӱлі сетны гӱтырыслы торйӱдчан гижӱд». ⁵ Исус шуис налы: «Тӱян чорыд сьӱлӱмныд вӱсна Мӱисей гижис тайӱ тшӱктӱмсӱ. ⁶ Му пуксыӱмсяныс Ен вӱчис аймортӱс да аныӱс. ⁷ "Та вӱсна морт кольӱ бать-мамсӱ да ӱтлаасьӱ гӱтырыскӱд, ⁸ и тайӱ кыкыс

лоӱны ӱти вир-йӱн". Сӱдзкӱ, найӱ абу нин кык, а ӱти вир-йӱ. ⁹ Мый йитӱма Енмыс, морт мед оз торйӱд». ¹⁰ Керкаӱ пырӱм бӱрын велӱдчысыяс та йылысь юалисны Исуслысь. ¹¹ Исус шуис налы: «Верӱсыс кӱ энӱвтӱ гӱтырсӱ да гӱтрасьӱ мӱдкӱд, сийӱ гозья олӱм пажалӱ. ¹² Гӱтырыс кӱ юксьӱ верӱсыскӱд да муӱн мӱд сайӱ, сийӱ тшӱтш гозья олӱм пажалӱ». ¹³ Исус дӱнӱ вайӱдӱсны челядьӱс, медым Сийӱ инмӱдчыліс на дӱнӱ. Велӱдчысыяс шуасисны вайӱдысьяс вылӱ. ¹⁴ Исус казьяліс тайӱс да чорыда шуис налы: «Лӱдзӱй челядьсӱ локны Ме дӱнӱ. Энӱ кутӱй найӱс. Енлысь Юраланӱнсӱ ӱд на коддьӱмлы лӱсьӱдӱма. ¹⁵ Весыкыда висьтала тӱянлы: кодӱ оз сибӱд Енлысь Юралӱмсӱ кага моз, сийӱ оз пыр Енлӱн Юраланӱнӱ». ¹⁶ Исус кутыштліс челядьӱс да кисӱ пуктылӱмӱм бурсиис найӱс. ¹⁷ Туйӱ петӱгас Исус дӱнӱ котӱрӱн локтӱс ӱти морт да Исус водзӱ пидзӱс вылас сувтӱмӱн юалис: «Бур Велӱдысьӱй, мый меным колӱ вӱчны, мед вичмис меным помтӱм олӱм?» ¹⁸ Исус вочавидзис: «Мыйла тӱ шуан Менӱ бурӱн? Некод абу бурыс, сӱмын Енмыс бур. ¹⁹ Тӱ ӱд тӱдан тшӱктӱмъяссӱ: гозья олӱмтӱ эн пажав, эн ви, эн гусясь, эн пӱрӱясь, эн мырддысь мукӱдлысь, пыдди пукты ассыд бать-мамтӱ». ²⁰ Сийӱ шуис: «Велӱдысьӱй, том кадсянь ме ола тайӱ тшӱктӱмъяс сертиыс». ²¹ Исус видзӱдліс сы вылӱ мусапырысь да шуис: «ӱтитор оз тырмы тӱныд: мун, вузав ставсӱ, мый тэнад эм, да сьӱмсӱ сет гӱльяслы. Сӱки тӱныд энӱжын озырлуныс вичмас. Сӱсся босыт кресттӱ да лок Ме бӱрся». ²² Исуслӱн кывъясыс шӱйӱвоштӱсны морттӱ. Сийӱ жугыля мунӱс, ӱд сылӱн озырлуныс вӱлі уна. ²³ Исус видзӱдліс велӱдчысыясыс вылӱ да шуис налы: «Кутшӱм сьӱкыд озырлы пырны Енлӱн Юраланӱнӱ!» ²⁴ Велӱдчысыяс чуймисны Сылӱн кывъясысь. Исус выльысь шуис: «Челядь, кутшӱм сьӱкыд пырны Енлӱн Юраланӱнӱ сылы, кодӱ озырлун вылӱ лачаӱн олӱ!» ²⁵ Озырлы Енлӱн Юраланӱнӱ пырӱм дорысь верблудлы кокныдджык пырны ем пысӱд». ²⁶ Велӱдчысыяс ӱнджыка на чуймисны, юасисны ӱта-мӱдныслысь: «Кодӱ нӱ вермас мездмынысӱ?» ²⁷ На вылӱ видзӱдлӱмӱн Исус шуис: «Мортлы тайӱ вермытӱмтор, но абу Енлы. Енмыслы ставыс вермана». ²⁸ Петыр шуис Исуслы: «Ми ставсӱ энӱвтим да муним Тӱ бӱрся». ²⁹ Исус шуис: «Весыкыда висьтала тӱянлы: кодӱ Ме вӱсна да Евангелльӱ вӱсна коляс керкасӱ, чой-воксӱ, бать-мамсӱ, гӱтырсӱ, ныв-писӱ, видз-мусӱ, ³⁰ сылы тайӱ олӱмас на вӱтлӱмъяс дырйи керкаыс, чой-вокыс, мамыс, ныв-пиыс да видз-муыс сӱ пӱвстӱн бӱр воас, нӱшта локтан нӱмас сылы помтӱм олӱм вичмас. ³¹ Воддзаясысь унаӱн лӱбны бӱрӱяӱн, бӱрӱясысь – воддзаӱн». ³² Ерусалимӱ кайигӱн Исус мунӱс

водзвыланыс. Велөдчысьяс шензисны, а мукөдыслөн, Исус бөрся мунысьясслөн, вөлі полөм. Исус корис Ас дінас дас кык велөдчысьсө да пондїс висьтавны, мый Сійөс виччысьө: ³³ «Онї ми мунам Ерусалимө. Сэні Морт Пиөс сетасны аркирейяслы да Индөдө велөдысьяслы. Найө шуасны вины Сійөс, сетасны ентөдтөмъяс киө. ³⁴ Найө сераласны Сійөс, сьөлаласны да чорыда нөйтасны, сэсса виасны. Но коймөд луннас Сійө ловзяс». ³⁵ Исус динө матыстчисны Зеведейлөн Яков да Иоан пияныс. Найө шуисны: «Велөдысь, миян эм корөм Тэ динө». ³⁶ Исус юалис: «Мый ті көсьянный?» ³⁷ Найө вочавидзисны: «Пуксьөд миянөс Аскөдыд Юраланінад, өтинымөс веськыдладорад, мөднымөс шуйгаладорад». ³⁸ Исус шуис налы: «Онө төдөй, мый коранныд. Верманныд-ө юны Менсьым чашасө да Менам пыртчөмөн пыртчыны?» ³⁹ Найө вочавидзисны: «Вермам». Исус шуис: «Менсьым чашасө понданныд юны да Менам пыртчөмөн понданныд пыртчыны. ⁴⁰ Но мед пуксьөдны веськыдладорам да шуйгаладорам – тайө абу Ме сайын. Сэтчө пуксясны найө, кодлы лөсьөдөма». ⁴¹ Яковлөн да Иоанлөн сёрниыс дөзмөдїс мукөд дас велөдчысьсө. ⁴² Исус корис велөдчысьяссө да шуис: «Ті төданныд, мый юралысьяс ыджыдалоны йөз вылын, да веськөдлысьяс кипод улас кутөны йөзөс. ⁴³ Но ті тадзи энө вөчөй. Көсьян кө ыджыдө пуксьыны – кесъяв, ⁴⁴ көсьян кө юралысьсө пуксьыны – ло кесйөг туйын. ⁴⁵ Öд Морт Пи эз лок, медым Сылы кесъялісны. Сійө локтїс кесъявны да сетны Ассьыс олөмсө унаөс нөбөм могысь». ⁴⁶ Исус велөдчысьясскөд воис Ерикон карө. Карысь петіганыс накөд вөлі уна йөз. Туй дорас пукалїс синтөм корысь Вартимей, Тимейлөн пиыс. ⁴⁷ Сійө кыліс, Назаретса Исус пө локтө, да пондїс горөдны: «Исус, Давид Пи! Ло бур сьөлөма ме динө!» ⁴⁸ Унаөн өлөдїсны сійөс горзөмсьыс, но сійө өнджыка на пондїс горзыны: «Давид Пи, ло бур сьөлөма!» ⁴⁹ Исус сувтїс да шуис: «Корөй сійөс». Синтөмөс корисны, шуисны сылы: «Эн пов, чеччы. Исус корө тэнө». ⁵⁰ Сійө шыбитїс ассьыс вылыс паськөмсө, чеччис да локтїс Исус динө. ⁵¹ Исус юалис: «Мый тэ көсьян?» Синтөм вочавидзис: «Велөдысьөй, көсья аддзыны». ⁵² Исус шуис: «Мун, эскөмыд мездїс тэнө». Синтөм дзик пыр кутїс аддзыны да мунїс Исус бөрся.

11 Ерусалимлань матыстчигөн Исус велөдчысьясскөд воис Олив керөсын сулалысь Виффагия да Вифания сиктъяс дорө. Ассьыс кык велөдчысьсө мөдөдїгөн ² Исус шуис: «Мунөй тайө сиктас. Сэтчө пыриганыд аддзанныд домалөм том осёлөс, сы вылө некод на эз пуксьыв. Разьөй сійөс да вайөдөй татчө. ³ Юаласны кө, мыйла тайөс вөчанныд, вочавидзөй, мый сійө колө

Господьлы, и дзик пыр мөдөдасны осёлсө татчө». ⁴ Мөдөдөмаяс мунїсны, аддзисны дзиръя дорө домалөм том осёлөс да разисны сійөс. ⁵ Кодсюрө сэні сулалысьяс пиысь юалисны: «Мый вөчанныд? Мыйла разянный осёлсө?» ⁶ Велөдчысьяс вочавидзисны, кыдзи Исус тшөктїс. Сэки лэдзисны босьтны осёлөс. ⁷ Том осёлөс вайөдїсны Исус динө. Шлапкисны осёл вылө паськөмнысө, сэсса Исус пуксис сы вылө. ⁸ Унаөн вольсавлісны ассьыныс паськөмнысө туй вылас, мукөдыс чегъялісны туй бокысь пу вожъяс да тшөтш пукталїсны туй вылас. ⁹ Водзас да бөрас мунысьяс горзїсны: – Осанна! Бурсиөма Господь нимөн Локтысьсө! ¹⁰ Бурсиөма Господь нимөн миян Давид батылысь локтан юралөмсө! Ошкөм Медвылыссалы! ¹¹ Ерусалимө воөм мысти Исус пырис крамө. Ставсө видзөдалөм бөрын сөр рытнас мунїс дас кыкнан велөдчысьыскөд Вифанияө. ¹² Мөд луннас Вифанияысь мунїгас Исуслөн кынөмыс пондїс сюмавны. ¹³ Ылысянь Сійө аддзис коръя инжир пу да мунїс видзөдлыны, оз-ө сюр сэтысь тусьтор. Матыстчис пу дінас да аддзис сөмын коръяссө, өд эз на во тусь гөрддзасян кадыс. ¹⁴ Исус шуис пуыслы: «Онїсянь оз пондыны сөйны тэнсьыд вотөстө». Велөдчысьясыс кывлісны тайөс. ¹⁵ Сэсса найө локтїсны Ерусалимө. Крамө пырөм бөрын Исус пондїс вөтлавны сэтысь вузасьысь-нөбасьысьяссө. Пөрлөдліс сьөм вежысьяслысь пызанъяссө да гулюөн вузасьысьяслысь пуклөсьяссө, ¹⁶ эз лэдз крам пырыс нуны нинөмтор. ¹⁷ Сійө велөдїс найөс шуалөмөн: «Абу-ө гижөма, мый "Менам керкаөй быд кыла войтырлы кевмысян керка лоө"? А ті сыысь вөчанныд лөк вөчысьяслы дзевсянїн». ¹⁸ Аркирейяс Индөдө велөдысьясскөд кывлісны тайөс да кутїсны мөвпавны, кыдзи эськө вины Исусөс. Найө полїсны Сыысь, өд став йөзыс шензисны Сылөн велөдөмысь. ¹⁹ Рытнас Исус петїс карсьыс. ²⁰ Асывводзнас инжир пу динтї мунїгөн аддзисны: сійө вужйөдзыс косьмөма. ²¹ Петырлы төд вылас уси Исуслөн шуөмыс. Сійө шуис Исуслы: «Велөдысьөй, видзөдлы! Инжир пуыд, кодөс Тэ ёрин, косьмөма». ²² Исус шуис налы: ²³ «Эскөй Енлы. Веськыда висьтала тїянлы: шуас кө кодкө тайө керөсыслы: "Кыпөдчы да шыбитчы саридзас", лоө тадзи. Сөмын мед став сьөлөмнас майшасьтөг эскас, мый шуөмыс инас. ²⁴ Та вөсна висьтала тїянлы: мый коранныд кевмысигад, эскөй, мый сійө лоө тїянлы, и лоө тадзи. ²⁵ Кевмысьны сувтїганыд прөститөй тїян водзын мыжмөмаөс, медым енэжвыв Батъныд прөститас тїянлысь мыжъястө. ²⁶ Онө кө прөститөй, сэки енэжвыв Батъныд тїянлысь мыжъястө оз прөстит». ²⁷ Найө бара локтїсны Ерусалимө. Кор Исус ветлөдліс крамөд, Сы

дінө матыстчисны аркирейяс, Индөдө велөдысьяс да пöрысьяс. ²⁸ Найö юалисны: «Кутшөм вынөн Тэ ставсö тайöс вöчан? Коді Тэнö пуктіс тайöс вöчнысö?» ²⁹ Исус воча шуис: «Ме тшөтш тіянлысь öтитор юала. Вочавидзанныд кө, висьтала, кутшөм вынөн ставсö тайöс вöча. ³⁰ Иоанлөн пыртöмыс вöлі Енсянь али мортсянь? Вочавидзöй Меным». ³¹ Найö ас костаныс сёрнитісны: «Шуам кө: "Енсянь", Сійö шуас: "Мыйла сылы энö эскöй?"» ³² Шуам-ö: "Мортсянь?"» Но найö полисны йöзсьыс, öд Иоанс ставныс збыльысь пуктісны пророкө. ³³ Найö вочавидзисны: «Огö тöдöй». Сэки Исус шуис: «Сідзкө, Ме тшөтш ог висьтав, кутшөм вынөн ставсö тайöс вöча».

12 Исус кутіс висьтавны налы велөданвисьтъясөн: «Морт пуктас аслас йөрö виноград, гөгöрыс потшас, вотöс ныранін кодъяс да джуджыд лэбув лэптас. Сэсся йöрсö виноград быдтысьяслы көртымö сетас, ачыс мунас. ² Вотöс чукöртан кадö овмöс кутысь мөдöдас кесйөгсö босьтны вотöсысь ассьыс пайсö. ³ Виноград быдтысьяс кутасны кесйөгсö, нöйтасны да вöтласны сійöс куш киөн. ⁴ Овмöс кутысь мөд кесйөгсö мөдöдас. Сійöс вачкаласны изйөн юрас, лёкысь сераласны сы вылын да вöтласны. ⁵ Мөдöдас коймөдöс, а сійöс виасны. Уна мукöдöс на мөдöдас, но öтиясöс нöйтасны, мөдъясöс виасны. ⁶ Овмöс кутысьлөн нöшта вöлі öти, аслас муса пиыс. Медбөрти виноград быдтысьяс дінö мөдöдас писö, мөвпыштас: "Менам пиысь, гашкö, яндысясны". ⁷ Виноград быдтысьяс шуасны öта-мöдныслы: "Тайö мортислы вуджас овмöсыс. Мунам да виам сійöс, медым овмöсыс миянлы коляс". ⁸ Найö кутасны сійöс да виасны, шойсö виноград йөр сайö шыбитасны. ⁹ Мый вöчас овмöс кутысь? Сійö локтас, виноград быдтысьясöс виас, а йöрсö мукöдлы сетас. ¹⁰ Энö öмöй Гижөдсьыс лыддьылöй тайöс: – Изйыс, кодöс шыбитісны керка лэптысьяс, лоис пельöс изйөн. ¹¹ Тайö Господьсянь да шензяна миян синъяслы». ¹² Найö гөгөрвоисны, мый велөданвисьтыс вöлі на йылысь. Көсйисны кутны Исусöс, но полисны йöзсьыс. Сэки эновтісны Сійöс да мунісны. ¹³ Сэсся найö мөдöдісны Исус дінö Ирөдлысь йöзсö да фарисейяс пиысь кодсюрöс, медым кыйны Исусöс сёрниас. ¹⁴ Найö локтісны да шуисны Сылы: «Велөдысь, ми тöдам, мый Тэ веськыда сёрнитан да он пов йöзлөн шуасьöмысь. Тэ он видзөд морт вылө, а веськыда велөдан Енлөн туйö. Висьтав, колö-ö кесарлы вот мынтыны?» ¹⁵ Исус төдіс, мый найö кык бана шаньгаяс, да шуис налы: «Мыйла ті зілянныд кыйны Менö? Петкөдлöй Меным динартö». ¹⁶ Найö вайисны. Исус юалис: «Кодлөн тані чужöмыс-нимыс?» Найö вочавидзисны: «Кесарлөн». ¹⁷ Исус шуис налы:

«Кесарлысь сетöй кесарлы, а Енлысь – Енлы». Исус шемöсмөдіс найöс. ¹⁸ Исус дінö локтісны саддукейяс, кодъяс шуöны, ловзьöмыс пö абу. Найö юалисны Исуслысь: ¹⁹ «Велөдысь, Мөйсей гижöма, мый "ныв-питөм морт кө кулас, вокыслы колö босьтны сылысь гөтырсö да нюжөдны аслас вокыслысь рөдсö". ²⁰ Сизим вок вöлі. Ыдждыдыс гөтрасис, сэсся куліс, ныв-пиыс эз коль. ²¹ Гөтырсö мөд вокыс босьтіс, сійö тшөтш ныв-питөг куліс. Сэсся коймөдыс босьтіс. ²² Тадзи сизимнанныс гөтрасисны да кулісны ныв-питөг. Медбöрын аныс куліс. ²³ Ловзьöм бöрас кодлы сійö гөтырөн лоас, öд сизим верöс сылөн вöлі?» ²⁴ Исус вочавидзис: «Ті ылалöмныд Гижөдъяссö да Енлысь вынсö төдтöмныдла. ²⁵ Ловзьöмаяс оз гөтрасьны да верöс сайö оз мунны. Найö енэжыв анделъяс кодъöсь. ²⁶ Ловзьöм йылысь шуа – ті öмöй энö лыддьылöй Мөйсей небöгысь сотчысь лежнөг дорын вöвлөмтор йылысь? Ен шуис Мөйсейлы: "Ме Öвраамлөн Ен, Исааклөн Ен да Яковлөн Ен". ²⁷ Енмыс абу кулөмаяслөн Ен, Сійö ловъяслөн Ен. Ті ёна ылалöмныд». ²⁸ Индөдө велөдысьясысь öти казяліс вензьöмсö да кыліс Исуслысь бура вочавидзөмсö. Сійö матыстчис Исус дінö да юалис: «Став тшөктөм пиысь кутшөм медыдждыдыс?» ²⁹ Исус вочавидзис: «Медыдждыд тшөктöмыс: Кывзы, Израилы! Господь, миян Ен, Сійö öти Господь. ³⁰ Радейт ассьыд Господь Ентö став сьөлөмнад, став олөмнад, став мывкыднад да став выннад. Тайö медыдждыд тшөктөм. ³¹ Сы кодъ мөд тшөктöмыс: радейт матыссатö асьтö моз. Тайö тшөктөмъясысь ыдждыддыкыс абу». ³² Индөдө велөдысь шуис Исуслы: «Тадз, Велөдысьöй! Тэ веськыда висьталін, эм öти Ен, мөдыс абу. ³³ Енмөс колö радейтны став сьөлөмнад, став мывкыднад, став олөмнад, став выннад да матыссатö радейтны асьтö моз. Тайö сотөм пемөсьясысь да став мукөд вись дорысь коланаджык». ³⁴ Исус аддзис, мый сійö сюся сёрнитö, да шуис: «Тэ абу ылын Енлөн Юралöмысь». Та бöрын некод нин эз лысьт юасыны Исуслысь. ³⁵ Крамын велөдігөн Исус шуис: «Мыйла нö Индөдө велөдысьяс шуöны, Кростос пö Давид пи? ³⁶ Вежа Ловсянь сёрнитігас Давид ачыс шуö: – Господь шуис менам Господьлы: "Пукав Менам веськыдладорын, кытчөдз ог пукты Тэнад кок улö Тэныд паныд мунысьясöс". ³⁷ Давид шуö Сійöс Господьөн. Кыдзи нö Сійö сылы пиөн лөö?» Унаөн окотапырысь кывзісны Исусöс. ³⁸ Велөдігас Сійö висьтавліс: «Видзчысьöй Индөдө велөдысьясысь. Найö радейтöны кузь паськөмөн ветлыны, йöзаинын чолөмалөмъяс кывзыны, ³⁹ синагогаын водзын пукавны да гажөдчанінын бурджыклаö пуксьыны. ⁴⁰ Найö куштöны дөваяслысь керкасö да асьнысö петкөдлөм могысь дыр кевмысьöны. Но

найос лоо чорыда мыждома». ⁴¹ Исус пуксис сьом чукортан кудлы паныд да видзодис, кызди йозыс пуктисны сэтчо сьом. Озырхас уна пуктисны.

⁴² Локтис голь дова да пуктис кык ыргон сьом, тайо лоо оти ур мында. ⁴³ Исус корис велодчысыссө да шуис налы: «Веськыда висьтала тиянлы: тайо голь доваыс быдониыс унджык пуктис. ⁴⁴ Ставныс унасыс чуктодисны, а тайо доваыс этшасыс сетис ставсө, мый сылон вөли кынөмпөт вылас».

13 Кор Исус вөли петө крамсыыс, оти велодчыс шуис: «Велодысьой, видзодлы, кутшөм изъясыс тэчөма керкаяссө!» ² Исус шуис: «Аддзан тайо ыджыд керкаяссө? Татчо из выло из оз коль, ставсө жугодасны». ³ Кор Исус вөли пукало Олив керосын, крамлы паныд, Петыр, Яков, Иоан да Ондрей ас кежаныс юалисны Сылыс: ⁴ «Висьтав, кор ставыс тайо лоас? Мый серти ми тодмалам сийо кадсө?» ⁵ Исус шуис: «Видзчысьой, мед эз ылөдны тиянос. ⁶ Унаон Менам нимон локтасны да шуасны, ме пө Сийо, да унаос ылөдасны. ⁷ Кор кыланнид тыш мунөмхас да тыш йылыс юорхас, энө полой. Тайо ставыслы колө лонысө, сөмын тайо абу на пом. ⁸ Войтыр войтырлы паныд сувтас, муяс ота-мөдныслы паныд кыпөдчасны. Уналаын лоас му вөрөм, тшыгьялом да шызьөм. Но тайо ставыс чужтом водзвывса дойяс на. ⁹ Видзөдой ас бөрсянид. Тиянос кыскасны ердө да нөйтасны синагогасын. Ме вөсна нуодасны тиянос юралысыс да оксыс водзө, медым найо тодисны Ме йылыс. ¹⁰ Помыс вотөдз Евангелльөсө колө висьтавны быд кыла войтырлы. ¹¹ Кор нуодасны тиянос ердө, водзвыв энө майшасыой, мый шуны. Висьталой сийо, мый лоо сетөма тиянлы сийо кадас, өд Вежа Лов пондас сөрнитны, онө ти. ¹² Вокыс воксө сетас вины, батыс – писө. Ныв-пи сувтасны бать-мамыслы паныд да виасны найос. ¹³ Менам ним вөсна унаон мустөмтасны тиянос, но сьөкыдсө помөдз нуыс мездмас». ¹⁴ «Кор ти аддзанныд пез зывөксө сэтыс, көни сылы оз позь лоны, – та йылыс Даниил пророк на висьтавлис; лыддысыыс мед гөгөрвоо – сэки Юдея муын олысыс мед пышхасны керөсысө. ¹⁵ Коді лоас керка вылас, мед оз пыр керкаас босьтны мыйкө. ¹⁶ Коді лоас видз-му вылас, мед оз кос гортас паськөмысла. ¹⁷ Сийо лунхасө өна сьөкыд лоо нөбасысыяслы да нөньодчысыяслы. ¹⁸ Кевмысьой, мед эз ковмы пышхынытө толын. ¹⁹ Сийо лунхасө ыджыд шог суас йөзсө, татшөмыс Енмон муюгыдсө вөчөмсянь эз на вөвлы да оз нин ло. ²⁰ Господь кө тайо кадсө эз дженьдөд, ловхас морт эськө эз коль. Но Аслас бөрйөмаяс вөсна Сийо дженьдөдис тайо кадсө. ²¹ Сэки шуасны кө тиянлы: "Кристос тані", либө шуасны: "Кристос сәні", энө эскөй. ²² Од ылөгкрисотсыс да ылөгпророкхас локтасны да

пондасны вөчны шензьөданаторхас, медым ылөдны, позяс кө, весиг бөрйөмаясө.

²³ Видзчысьой наыс. Ме тиянлы ставсө водзвыв висьталі». ²⁴ «Сийо лунхасө, тайо шог бөрас, шондихас пемдас, толысыс кусас, ²⁵ енэжыс кодзувхас усясны, енэжывыв вынхас вөрзясны. ²⁶ Сэки аддзасны кымөрхас вылын ыджыд вынон да дзирдлунон локтыс Морт Пиос. ²⁷ Сийо мөдөдас анделхассө нельнан му вежтасас да чукөртас Ассыс бөрйөмаяссө став му пельөсыыс. ²⁸ Инжир пу выло кө видзөдам, аддзам: вожхасыс кө ловзьөны да корхасыс потөны, сідзкө, гөжөмыс матын. ²⁹ Тадзи, ставсө тайос аддзигон төдой: сийо кадыс матын, өдзөс дорад нин. ³⁰ Воськыда висьтала тиянлы: ставыс тайо лоас өния олысыс дырхи на. ³¹ Енэжыс да муыс бырас, а Менам кывхасөй оз бырны. ³² Сийо лунсө да сийо кадсө некод оз төд. Анделхас оз төдны, весиг Пиыс оз төд, сөмын Батыс төдө. ³³ Видзчысьой, мед энө унмовсьой, да пыр кевмысьой, өд онө төдой, кор сийо кадыс воас. ³⁴ Тайос позьө откодавны морткөд, коді гортсыс мунігон кольө ассыс керкасө кесйөгхасыс да быдөнлы сетө удж, а керкасө видзысылы тшөктө лоны дасьон. ³⁵ Сідзкө, лоий дасьөсь, өд онө төдой, рытын-ө, вой шөрын-ө, петук чуксасигон-ө, асывводзын-ө локтас керка кутыс. ³⁶ Мед эз су тиянос узьөмон төдлытөг локтөмнас! ³⁷ Мый висьтала тиянлы, висьтала быдөнлы: лоий дасьөсь».

14 ыджыд лунөдз, Шомтом нянь сөян лунхасөдз кык лун на вөли. Аркирейяс да Индөдө велодысыс корсисны, кызди эськө ылөдлөмон босьтны Исусөс да вины. ² Но шуисны, ыджыд лунө пө оз ков, өд йөзыс вермасны шызыны. ³ Исус вөли Вифания сиктын, Сийо сөйис проказаыс бурдөм Симон ордын. Сэтчө локтис ань, сийо вайис вальді дозхын зэв дона нард вый. Ань жугөдис дозсө да кысхалис выйсө Исуслы юр вылас. ⁴ Кодсюрө дөзмөмпырыс шуасисны ас костаныс: «Мыйла, бара, лотө-а? ⁵ Тайо выйсө позис вузавны куимсө динарыс донаджыка да сьөмсө сетны гөльяслы». Тадзи найо шуасисны анхыс выло. ⁶ Исус шуис: «Өвсьой сыыс! Мыйла ти сийос шөйөвоштанныд? Сийо буртор вөчис Меным. ⁷ Гөльяс пыр лоасны тиянкөд, и ти верманныд вөчны налы бурсө, кор көсьянный, а Ме тиянкөд ог пыр ло. ⁸ Тайо анхыс вөчис, мый вермис: дасьтис Менө дзебигкежлө. ⁹ Воськыда висьтала тиянлы: муюгыд пасьтала, көни висьталасны тайо Евангелльөсө, сәні казхыштасны тайо анхсө да висьталасны, мый сийо вөчис». ¹⁰ Искарот Иуда вөли дас кык велөдчысыыс оти. Сийо муніс аркирейяс динө вузавны налы Исусөс. ¹¹ Тайос кылөм бөрын найо нимкодхырыс көсхысисны сетны сылы сьом.

Иуда пондїс корсьны лөсялан кад, медым вузавны Исусос. ¹² Шомтөм нянь сөян луньяс дырйи медводдза лунө, кодыр начкисны ыджыд лунся ыжос, велөдчысьяс юалисны Исуслысь: «Көни көсьян сөйны ыджыд лунся ыжос? Ми мунам да дасьтам». ¹³ Кык велөдчысьос мөдөдиг Исус шуис налы: «Мунөй карас. Тянлы паныдасяс гырничын ва нуысь морт, мунөй сы бөрся. ¹⁴ Кытчө сийө пырас, висьталөй сэни керка кутысьыслы: "Велөдысь юасьө, кутшөм вежөсын Аслас велөдчысьяскөд вермас сөйны ыджыд лунся ыжос". ¹⁵ Сийө петкөдлас тянлы вылыс судтасьыс ыджыд вежос, кодос дасьтөма да вольсавлөма. Сэни и лосьөдөй». ¹⁶ Велөдчысьяс мунисны, воисны карас да аддзисны: ставыс лои Исуслөн висьталөм серти. Найө дасьтисны ыджыд лунся сөян. ¹⁷ Рытнас Исус локтис дас кыкнан велөдчысьыскөд. ¹⁸ Сөйиганыс шуис налы: «Веськыда висьтала тянлы: тян пиысь өти, Мекөд тшөтш сөйысь, вузалас Менө». ¹⁹ Шогө усьөмөн быдөн кутис юасьны Сылысь: «Ог-ө ме?» ²⁰ Исус вочавидзис: «Тян пөвстысь, дас кыксьыс өти, сийө Мекөд өти тасьтысь сөйө. ²¹ Морт Пи мунө, кызди гижөма Сы йылысь. Но курыд шог Сийос вузалысьлы! Бурджык сылы вөлі, эз кө чужлы». ²² Сөйиганыс Исус босьтис нянь, Енмөс аттьобалөмөн чегис няньсө да велөдчысьяслы сетигас шуис: «Босьтөй, сөйөй, тайө Менам Яй». ²³ Сэсся босьтис чаша, аттьобалис Енмөс да сетис велөдчысьясыслы. Ставныс юисны сэтысь. ²⁴ Исус шуис налы: «Тайө Менам Вир – Виль Йитөдлөн Вир – киссьө уна вөсна. ²⁵ Веськыда висьтала тянлы: Енлөн Юраланінын вильөс ютөдз ог понды юны виноград юансө». ²⁶ Енлы сьылөм бөрын найө кайисны Олив керөсө. ²⁷ Исус шуис велөдчысьясыслы: «Тавой ті ставныд эновтанныд Менө. Гижөма: "Видзысьсө кувмөн дойда, да ыжьясьыс разаласны". ²⁸ Ловзьөм бөрам Ме виччыся тянөс Галилеяын». ²⁹ Петыр шуис: «Ставныс кө эновтасны Тэнө, ме ог». ³⁰ Исус вочавидзис: «Веськыда висьтала тэныд: тавой петуклөн кыкысь чукөсттөдз на тэ куимысь соссян Меысь». ³¹ Петыр өнджыка на шуалис: «Весиг кө кувны ковмас Тэкөд, ог соссьы». Тадзи шуалисны тшөтш мукөд велөдчысьыс. ³² Исус велөдчысьясыскөд локтис Гефсиманө. Сийө шуис налы: «Пукалыштөй тані Менам кевмысигкості». ³³ Аскөдыс босьтис Петырөс, Яковос да Иоанос. Исусос полөм да шогалөм босьтис. ³⁴ Сийө шуис: «Шогөй кувмөн топөдө лолөс. Кольчөй татчө да энө узьөй». ³⁵ Ачыс водзлань муныштис да муө уськөдчөмөн пондїс кевмысьны, медым, позис кө, тайө кадыс ордйис Сийос. ³⁶ Сийө шуалис: «Авва, Батьөй! Тэныд ставыс вермана. Вешты Ме дінысь тайө чашасө. Сөмын мед лоас Тэнад көйөм серти,

а оз Менам». ³⁷ Исус бөр локтис да аддзис: велөдчысьясыс унмовсьөмаось. Петырлы шуис: «Симон, узян-ө? Өти час весиг эн вермы узьтөг олыштны. ³⁸ Энө узьөй, кевмысьөй, мед ыштөдөмыс эз вермы тянөс. Лолыд өд пыр дась, а вир-яйыд жеб». ³⁹ Исус мөдысь мунис да воддза мозыс кевмысис. ⁴⁰ Локтөм бөрас бара аддзис: велөдчысьяссө унмыс топыда личкөма. Найө эз төдны, мый вочавидзны Сылы. ⁴¹ Коймөдысь локтигас Исус шуис налы: «Пыр на узянный да шойччанныд? Тырмас. Кадыс воис. Морт Пиос мыжаяс киө сетөны. ⁴² Чеччөй, мунамөй. Менө вузалысь матын нин». ⁴³ Исуслөн сөрнитигкості локтис Иуда, дас кык велөдчысьысь өти. Ськөд тшөтш локтисны зорьясөн да шыпуртьясөн уна йөз. Найос мөдөдөмаось аркирейяс, Индөдө велөдысьяс да пөрысьяс. ⁴⁴ Исусос вузалысь шуөма локтөмаяслы, кодос пө оқышта, Сийос босьтөй да нүөдөй, син увсьыныд энө лэдзөй. ⁴⁵ Иуда веськыда мунис Исус динө да шуис: «Велөдысьөй», сэсся оқыштис Сийос. ⁴⁶ Сэки кытшалисны да босьтисны Исусос. ⁴⁷ Сэни сулалысьясысь өти перйис шыпуртсө да керыштис аркирей кесйөглысь пельсө. ⁴⁸ Исус шуис: «Лөк вөчысьос моз зорйөн-шыпуртөн локтинныд босьтны Менө. ⁴⁹ Ме быд лун тян крамын велөді, да ті энө босьтөй Менө. Тадзи инөны Гижөдьяс». ⁵⁰ Сэки велөдчысьяс ставныс эновтисны Исусос да пышйисны. ⁵¹ Өти зон вөтчис Исус бөрся, но сийос кутисны. Зонка нетшыштчис да пасьтөгыс пышйис. Куш яй вылас плавгөм дөраыс колис шыпуртаяслөн киө. ⁵³ Исусос вайөдісны аркирей ордө. Сэтчө чукөртчисны пөрысьяс, Индөдө велөдысьяс да став аркирейыс. ⁵⁴ Петыр бөрө кольччөмөн вөтчис Исус бөрся аркирей керка дорөдз. Пырис йөрас да пуксис кесйөгьяскөд орччөн би дорө шонтысьны. ⁵⁵ Аркирейяс да став веськөдлан котырыс корсисны Исуслы паныд висьталысьяссө, медым сэсся мыждыны да вины Сийос. Но колана висьталысьыс эз сюр. ⁵⁶ Унаөн пөрьясьөмөн висьталисны Исус йылысь, но налөн висьталөмыс торьялис өта-мөдсьыс. ⁵⁷ Кодсюрө висьталисны: ⁵⁸ «Ми кывлім: Сийө шулис, жугөда пө киөн вөчөм тайө крамсө, сэсся пө куим лунөн лэпта мөдөс, киөн вөчтөмөс». ⁵⁹ Но весиг налөн висьталөмыс торьялис өта-мөдсьыс. ⁶⁰ Сэки аркирей сувтис шөрас да юалис Исуслысь: «Мый воча шуан?» ⁶¹ Исус чөв оліс, нинөм эз вочавидз. Аркирей юалис Сылысь: «Тэ-ө Кростос, Ошканаыслөн Пиыс?» ⁶² Исус вочавидзис: «Ме. И ті аддзанныд Морт Пиос, Ставсөвермысьлөн веськыдладорас пукалысьөс да кымөрьяс вылын локтысьөс». ⁶³ Ассьыс паськөмсө косялиг аркирей шуис: «Висьталысьяс мянлы оз нин ковны, ⁶⁴ ті асьныд кывлінныд, Сийө Енмөс омөльтө. Мый шуанныд?» Ставныс мыжалисны

Исусос да оти вомон шуисны вины Сийос.
⁶⁵ Кодсюрө пондисны съолавны Сылы, Сылысь чужомсө вевттьомон нойтисны да шуалисны: «Висьтав, Пророк, коді кучкис?» Видзысьяс тшөтш кучкалісны Сылы чужомас. ⁶⁶ Петыр вөлі керка йорас. Аркирейлөн кесйогъяс пиысь оти ань локтис сэтчө. ⁶⁷ Сийө аддзис би дорын шонтысьысь Петырөс да сы вылө видзөдлөмон шуис: «Тэ тшөтш Назаретса Исускөд вөлін». ⁶⁸ Петыр соссис: «Ог төд Сийос. Ог гөгөрво, мый висьталан», сэсса петис водз йорас. Кыліс петуклөн чукөстөм. ⁶⁹ Аньыс бара казяліс Петырөс да пондис висьтавлыны сәні сулалысьяслы, тайө мортис пө на пиысь. ⁷⁰ Петыр бара соссис. Бөрынджык сәні сулалысьяс шуисны Петырлы: «Тэ дзик на пиысь. Тэ Галилеясы, сёрнийд на кодъ». ⁷¹ Петыр енмасьомон пондис соссыны: «Ог төд тайө Мортсө, код йылысь висьталанныд». ⁷² Кыліс петуклөн мөдысь чукөстөм. Сәки Петырлы уси төд вылас Исуслөн шуомыс: «Петуклөн кыкысь чукөсттөдз на тэ куимысь соссян Меысь». Петыр ырозьомон бөрддзис.

15 Асывводзнас аркирейяс, пөрысьяс, Индөдө велөдысьяс да став веськөдлан котырыс чукөртчисны өтлаө. Сёрнитчөм бөрын Исусос көрталөмон нуөдисны Пилат динө да сетисны сылы. ² Пилат юалис Исуслысь: «Тэ-ө юдейяслөн Оксыыс?» Исус вочавидзис: «Тэ шуан». ³ Аркирейяс унаторйысь мыжалисны Исусос. ⁴ Пилат бара юалис Сылысь: «Он тай нө нинөм шу? Кылан, кутшөма Тәнө мыжалөны». ⁵ Исус весиг воча кыв эз шу. Пилатос тайө шензьөдис. ⁶ Быд во ыджыд лунө йөз корөм серти Пилат лэдзліс дзескыдинысь оти мортос. ⁷ Сәки дзескыдинын пукалісны зык лэптысьяс. На лыдын тшөтш вөлі Варавва. Зык дырйиыс найө мортос виөмаөсь. ⁸ Чукөртчөм йөз пондисны горзөмон корны Пилатос вөчны налы сийө, мый пыр вөчлывліс. ⁹ Пилат юалис: «Көсьянный-ө, медым ме лэдзи тиянлы юдейяслысь Оксысө?» ¹⁰ Пилат төдис, мый аркирейяс вайөдисны Исусос вежалөмныс понда. ¹¹ Аркирейяс ыззьөдисны йөзсө, мед Исус пыдди корасны лэдзны Варавваөс. ¹² Пилат юалис: «Мый шуанныд вөчны Сыкөд, кодөс юдейяслөн Оксыон нимтанныд?» ¹³ Найө горөдисны: «Тувъяв Сийос!» ¹⁴ «Мый лёксө Сийө вөчис?» – юалис Пилат. Йөзыс гораджыка на горөдисны: «Тувъяв Сийос!» ¹⁵ Йөзлы шогмөм могысь Пилат лэдзис Варавваөс, а Исусос нөйтөм бөрын сетис тувъявны. ¹⁶ Шыпуртаяс нуөдисны Исусос римса юралысьлөн керка йөрө, сэтчө чукөртисны и мукөд шыпуртаясөс. ¹⁷ Найө пасьтөдисны Исусос пемыдгөрд кышанө, юрас пуктисны лежнөгысь кыөм юркытш, ¹⁸ сэсса пондисны нимөдны Сийос: «Мед олас юдейяслөн Оксы!» ¹⁹ Кучкалісны юрас беддьон, съөлалисны Сийос да пидзөсчаньясьомон

копрасисны Сы водзын. ²⁰ Сералөм-лөкөдөм бөраныс найө босьтисны Исус вылысь пемыдгөрд кышансө да бөр пасьтөдисны Сийос Аслас паськөмө, сэсса нуөдисны тувъявны. ²¹ Исуслысь крестсө тшөктисны нуны видз-му вылысь локтысь киринеяса Симонлы, Олюксанлөн да Руфослөн батылы. ²² Исусос вайөдисны Голгопа керөсө, нимылөн вежөртасыс лоө "Юр лы". ²³ Сәні Сылы сетисны смирна сора вина, но Сийө эз ю. ²⁴ Исусос тувъялөм бөрын шыпуртаяс пудъясьомон юкисны Сылысь паськөмсө. ²⁵ Исусос тувъялісны өкмыс час асылө. ²⁶ Юр весьтас өшөдисны мыжалан пасйөд: «Юдейяслөн Оксы». ²⁷ Сыкөд орччөн тувъялісны кык лёк вөчысьсө: өтисө веськыдладорас, мөдсө шуйгаладорас. ²⁸ Тадзи иніс Гижөдыс: «Сийос пуктисны Индөдтөг олысьяс лыдө». ²⁹ Сәти мунысьяс лёкысь видзөдөмон омөльтисны Исусос: «Крам жугөдысь да куим лунөн сийос лэптысь, ³⁰ мезды Асьтө, лэччы крест вывьсыд». ³¹ Сийос лёкөдисны тшөтш аркирейяс да Индөдө велөдысьяс: «Мукөдөс мездіс, а Асьсө мездыны оз вермы! ³² Крестос, Израиль Оксы, мед лэччас крест вывьсыс. Аддзылам кө тайөс, сәки эскам». Исусос лёкөдисны тшөтш орччөн тувъялөмаяс. ³³ Лун шөр кадө пемдис став му пасьталаыс, пемыдыс сулаліс куим часөдз. ³⁴ Куим час гөгөрын Исус ыджыд шыөн горөдис: «Эли, Эли, ламма сабактани? Енмөй, Енмөй, мыйла Тэ колин Менө?» ³⁵ Сәні сулалысьясысь кодсюрө шуисны, Илляос пө корө. ³⁶ Оти морт котөртис, көтөдис шома винаөн губка, сэсса бедь помө сатшкөмон мыччис сийос Исуслы да шуис: «Энлөй! Видзөдлам, локтас оз Илля лэдзны Сийос». ³⁷ Исус горөдис ыджыд шыөн, сэсса лолыс петис. ³⁸ Сәки крамын өшалысь дөраыс вывсьяныс улөдзыс кык пельө косяссис. ³⁹ Шыпуртаяслөн веськөдлысь сулаліс Исуслы воча. Кор сийө аддзис, кызди Исуслөн горөдөм бөрын лолыс петис, шуис: «Тайө Мортис збылысь Ен Пи вөлөма». ⁴⁰ Сәні вөліны аньяс, кодъяс ылісянь видзөдисны. На пөвстын вөліны Магдала Марья, томджык Яковлөн да Иосейлөн Марья мамныс да Саломия. ⁴¹ Галилеяын найө ветлывлісны Исускөд да кесьявлісны Сылы. Нөшта сәні вөлі уна мукөд ань, кодъяс локтисны Исускөд Ерусалимө. ⁴² Вөлі рыт, шойччан лунлы паныд. ⁴³ Аримафея карысь воис Осип, веськөдлан котырысь пыдди пуктана морт. Сийө виччысис Ен Юралөмлысь воөмсө. Сийө повтөг муніс Пилат динө да корис Исуслысь шойсө. ⁴⁴ Пилат чуймис, мый Исус кулөма нин. Сийө корис шыпуртаяслысь веськөдлысьсөс да төдмаліс, важөн-ө куліс. ⁴⁵ Кор Пилат төдмаліс Исуслөн кулөм йылысь, лэдзис Осиплы босьтны шойсө. ⁴⁶ Осип нөбис шабдө дөра, босьтис крест вылысь шойсө, гартыштіс дөраө да пуктис кыртаө кералөм дзеванинө. Пыранинас

путкыльтіс из. ⁴⁷ Магдала Марья да Иосейлөн Марья мамыс видзөдісны, кытчө дзебасны Исусос.

16 Шойччан лун бөрын Магдала Марья, Яковлөн Марья мамыс да Саломия ньобисны чөскыд дука выйяс, медым мавтны Исусос.
² Шойччан лун бөрын водз асывнас, шонді петігөн, найө мунісны дзебаніно, ³ ас костаныс сёрнитісны: «Коді путкыльтас изсө пыранінсьыс?» ⁴ Воиганыс найө аддзисны: изсө вөлі вештөма. Изйыс вөлі зэв ыджыд. ⁵ Дзебаніно пыриганыс найө аддзисны веськыдладорсьыс еджыд паськөма пукалысь зонмөс да ёна повзисны. ⁶ Сійө шуис налы: «Энө полөй. Ме төда, ті корсянныд тувъявлөм Назаретса Исусос. Сійө ловзис. Сійө тані абу. Видзөдлөй куйланінсө, татчө Сійөс пуктылісны. ⁷ Мунөй, юөртөй велөдчысьясыслы, тшөтш Петырлы: Исус виччысьө найөс Галилеяын. Сэтысь аддзасны Сійөс, тадзи Сійө Ачыс висьтавліс налы». ⁸ Аньяс петісны да шөйөвошөмөн котөртісны дзебанінысь. Найөс тіралөм босьтіс. Найө нинөм эз висьтавлыны, полісны да. ⁹ Шойччан лун бөрын водз асывнас ловзьөм Исус медводз петкөдчис Магдала Марьялы, код пытшкысь Сійө вөтліс коркө сизим пеж лолөс. ¹⁰ Марья муніс да юөртіс лоөм йывсьыс Исускөд ветлысьяслы, кодъяс өні

шогсисны да бөрдісны. ¹¹ Кор кылісны, мый Исус ловъя да Марья аддзылөма Сійөс, найө эз эскыны. ¹² Та бөрти Исус петкөдчыліс мөд мыгөрөн на пиысь кыкы, кодъяс вөлі мунөны орчча сиктө. ¹³ Найө бөр косісны да юөртісны мукөдыслы, но весиг налы эз эскыны. ¹⁴ Медбөрын Исус петкөдчис дас өти велөдчысьясыслы, кор найө вөлі сөйөны. Сійө янөдіс найөс эскытөмсьыс да сьөлөмнысө чорзьөдөмысь, өд найө эз эскыны налы, кодъяс аддзылісны Сійөс ловзьөм бөрас. ¹⁵ Сэсса шуис налы: «Мунөй став муюгыд пасьтала да висьталөй Евангелльөсө ставныслы. ¹⁶ Коді эскас да пыртчас, сійө мездмас. Коді оз эскы, сійөс лоө мыждөма. ¹⁷ Эскысьяслөн лоасны татшөм индысьпасьяс: Менам нимөн пондасны вөтлавны пеж ловъясөс да сёрнитны выль кывъяс вылын. ¹⁸ Босьтасны кө кианыс змейөс да юасны кө мыйкө кулантор, таысь налы лөкыс оз ло. Найө пуктасны кинысө висьысьяс вылө, да найө бурдасны». ¹⁹ Тайөс висьталөм бөрын Господь кыпөдчис енэжө да пуксис Ен веськыдладорө. ²⁰ А велөдчысьясыс мунісны да быдлаын висьтавлісны Бур Юөр. Господь отсаліс налы да вынсьөдіс Юөрсө индысьпасьясөн. Аминь.

Лука

1 Дона Феофил! Унаон нин босътчылісны гижны миянын вөвлөмторъяс йылысь. Тайо лоомторъяс йылысь миянлы юөртисны найо, кодъяс ставсө тайос аддзылісны да лоисны сэсса Ен Кывлы кесьялысьясон. Водзысянныс ставсө лючкибура туялөм бөрын тшөтш ме шуи гижны тэныд став йывсьыс сьөрсьон-бөрсьон. 4 Тэныд вөлі висьталөма тайо вөвлөмторъяс йывсьыс, но ме көсья подулалөмөн петкөдлыны тэныд Бур Юөрлысь збыльсө. 5 Ирөд өксыалан лунъясө Юдея муын оліс Закар нима поп, сійо вөлі Авей поп котырысь. Закарлөн Елизавета гөтырыс вөлі Аарон чужанвужйысь. 6 Найо кыкнанныс олісны Ен водзын веськыда, ставсө вөчисны Господьлөн тшөктөм серти. 7 Челядьыс налөн эз вөв, өд Елизавета эз вермы вайны кагасө, и кыкнанныс вөліны ыджыд арлыдаөсь нин. 8 Воис кад Закар котырлы кесьявны Ен водзын. 9 Попъяслөн лосьөдөм серти пудъясисны, и Закар пырис Господьлөн крамө тшынөдны. 10 Закарлөн тшынөдігкості став йөзыс кевмысисны ортсыас. 11 Сэки петкөдчис Закарлы Господьлөн андел. Сійо сулаліс тшынөдчан пызан веськыдладорын. 12 Анделос аддзөмысь Закар шөйөвошис, сійос полөм босьтіс. 13 Андел шуис: «Эн пов, Закар. Енмыс кылөма тэнсьыд кевмөмтө. Елизавета гөтырыд чужтас тэныд пи. Пукты сылы Иоан ним. 14 Долыд гажөн тырас тэнад сьөлөмыд, да уна йөзлы нимкодьлун ваяс сылөн чужөмыс. 15 Господь водзын сійо лоас ыджыд мортөн, вина-сур оз кут юны, мам кынөмас на сійо тырас Вежа Лолөн. 16 Израиль войтырысь сійо унаос бергөдас налөн Господь Енлань. 17 Сійо мунас Господь водзын Илля лов-вынөн, бергөдас батьяслысь сьөлөмсө ныв-пиланьыс, кывзысьтөмъясөс – веськыда олысьлөн мывкыдлунө, медым дасьтыны войтырсө Господьлы». 18 Закар юалис анделлысь: «Кызди ме төдмала тайос? Ачим пөрысь, дай гөтырөй абу нин том». 19 Андел вочавидзис: «Ме, Гавриил, сулала Ен водзын. Менө мөдөдөма сёрнитны тэкөд, висьтавны тайо Бур Юөрсө тэныд. 20 Но меным эскытөмыдла тэ воштан кыв-вортө, он вермы сёрнитнытө менам кывъяслөн ас кадө интөдз». 21 Сэккості йөзыс виччысисны Закарөс да шензисны крамын сылөн дыр олөмысь. 22 Сэтысь петөм

бөрын Закар эз вермы сёрнитнысө. Йөзыс гөгөрвоисны, мый сійо аддзылөма Енсянь петкөдчылөм. Закар сёрнитіс йөзыскөд пасьясон. 23 Кесьялан лунъяс бөрын Закар локтіс гортас. 24 Елизавета гөтырыс регыд пондіс нөбасыны. Вит төлысь чөж сійо эз петкөдчыв йөз син водзө, оліс татшөм мөвпьясон: 25 «Господь вөчис тайос. Сійо видзөдліс мелань да вештіс менсьым йөз водзын яналөмөс». 26 Квайтөд төлысьнас Ен мөдөдіс Гавриил анделос Галилеяса Назарет карө 27 Мария нима ныв дінө. Мария вөлі кикутөма Давид чужанвужйысь Осип нима морткөд. 28 Мария дінө пырөм бөрын андел шуис: «Нимкодьясь, бурсийөм аньөй! Господь тэкөд!» 29 Мария чуймис анделос аддзөмысь да сылөн кывъясысь. Сійо мөвпаліс, мый водзын нө сылы татшөм чолөмалөмыс. 30 Андел шуис сылы: «Эн пов, Мария, тэныд вичмис Енсянь буралөмыс. 31 Тэ сьөктан, чужтан пи да пуктан Сылы Исус ним. 32 Ыджыд морт Сыысь петас, Сійос шуасны Медвылыссалөн Пиөн. Господь Ен сетас Сылы Давид батьяслысь юралан пуклөссө. 33 Сійо кутас ыджыдавны Яков котырын нэмъяс чөж, да Сылөн Юралөмлы оз ло помыс». 34 Мария юалис анделлысь: «Вермас өмөй тадзисө лоны, ме өд ныв на?» 35 Андел вочавидзис: «Вежа Лов лэчас тэ вылө, Медвылыссалөн выныс вевттяс тэнө. Та вөсна тайо чужысьыс вежа, Сійос шуасны Ен Пиөн. 36 Тэнад рөдвужыд, ныв-питөм Елизавета, пөрысьөнэмө квайтөд төлысь нин пиөн нөбасьө. 37 Енлы нинөм вермытөмыс абу». 38 Сэки Мария шуис: «Ме Господьлөн кесйөг, мед лоас тэнад висьталөм серти». Сэсса андел муніс. 39 Кымынкө лун мысти Мария тэрмасьөмөн мөдөдчис керөсыв муө, Иуда карө. 40 Закар керкаө пыригөн сійо чолөмаліс Елизаветаос. 41 Мариялөн чолөмалөмысь Елизаветалөн кынөмас кагаыс чеччыштіс. Елизавета тырис Вежа Лолөн 42 и гораа шыасис: «Бурсиөма тэнө аньяс пиысь, бурсийөма сьөлөмув кагатө! 43 Коді нө ме, мый Господьөйлөн мамыс локтө ме ордө? 44 Мыйөн сөмын кылі чолөмасьөмтө, кагаөй долыда чеччыштіс кынөмын. 45 Тэ шуда, эскин да, өд Господьлөн тэныд шуөмыс инас». 46 Мария шуис: – Ошкө сьөлөмөй Господьос, 47 нимкодьясьө лолөй Ен вөсна, Мездысьөй вөсна, 48 өд Сійо видзөдліс Аслас коньөр

кесийоглань. Онисьянь став чужысьыс шуас мено шудаон, ⁴⁹ од татшом ыджыдтор вочис меным Вына Енмыс. Вежа Сылон нимыс! ⁵⁰ Нэмсянь нэмодз Сийо бурало Сыысь полысьяс диню. ⁵¹ Сылон кийс вочис ыджыдсьыс-ыджыд уджъяс: разодис выло кыподчысь сьолөмаяс, ⁵² юралан пуклөсьясысь юралысьясос чөвтис, уло пуктөмаяс кыподис, ⁵³ тшыгъялысьясос поттөдзныс вердис, озыръясос куш кийон мододис. ⁵⁴ Сибодис Израильос, Ассьыс кесьялысьсө, да казтыштіс миян батьяслы, Овраамлы да сысянь чужысьяслы нэмъяс кешлө көсийсьом буралөмсө. ⁵⁶ Мария оліс Елизавета ордын төлысь куим, сэсся бөр муніс гортас. ⁵⁷ Елизаветалы воис кад чужтыны, да сийо чужтіс пи. ⁵⁸ Матигөгөр олысьяс да рөдвужыс төдмалісны Господьлысь буралөмсө Елизавета диню да тшөтш нимкодясисны ськөд. ⁵⁹ Көкъямысөд луннас локтісны вундыштны кагасө да көсийсны сетны сылы Закар батьыслысь нимсө. ⁶⁰ Мамыс шуис: «Эной. Пуктам сылы Иоан ним». ⁶¹ Сылы шуисны: «Тэнад рөдвужын татшом нимаыс некод абу». ⁶² Сэсся пасьяс отсөгөн юалісны батьыслысь, кутшом ним сийо көсийо сетны кагаыслы. ⁶³ Закар корис пөвтор да сэтчө гижис: «Иоан лоө нимыс». Ставныс чуймисны. ⁶⁴ Сэки воссис Закарлөн кывворыс, да сийо кутіс ошкыны Енмөс. ⁶⁵ На гөгөр олысьясос полөм босьтіс. Став тайо лоөмтор йывсьыс сёрниыс паськаліс керөсвив Юдея му пасьтала. ⁶⁶ Тайос кывлысьяс чуймөмөн юасисны: «Кодон лоө тайо кагаыс?» Господьлөн кийс збыльысь вөлі сы вылын. ⁶⁷ Кагалон Закар батьыс тырис Вежа Лолон да пондіс пророкавы: ⁶⁸ – Ошка Господьос, Израильлысь Енмөс! Сийо бергөдчис Аслас войтырлань, дасьтіс сылы мездмөм. ⁶⁹ Давид кесьялысьлөн чужанвужийысь Сийо сетіс миянлы Вына Мездысьос. ⁷⁰ Тадзи важысянь Сийо көсийысліс Аслас вежа пророкъяс пыр. ⁷¹ Сийо көсийысис мездыны миянос паныд мунысьясысь, дорйыны мустөмтысьяслөн кийысь, ⁷² лоны бур сьолөмаон миян батьяс диню да кутны төд вылас Ассьыс вежа йитөдсө, ⁷³ Овраам батьнымлы Ассьыс сетөм кывсө. ⁷⁴ Паныд мунысьяс кийысь мездмөм бөрын ми вермам повтөг ⁷⁵ кесьявны Сылы вежалунон да веськыда став олөм чөжным. ⁷⁶ Тэнө, кагай, пуктасны Медвылыссалон пророкө. Тэ мунан Господь водзын дасьтыны туйяс Сылы, ⁷⁷ юөртны Сылон войтырлы мездмөм йылысь да налысь мыжъяссө прөститөм йылысь. ⁷⁸ Миян бур сьолөма Ен ыстас миянлы енежсянь асья кыа, ⁷⁹ сетас югыдсө пемыдын да кулан вуджөр улын олысьяслы, Сийо веськөдас кокнымос лөньлуна туй выло. ⁸⁰ Кага быдмис да ловнас вынсяліс. Израильлы аслас петкөдчан лунөдз сийо оліс овтөминьясын.

² Сийо лунъясө Римын ыджыдалысь Август кесар тшөктіс гижавны ас мусьыс став йөзсө. ² Тайо медводдза гижалөмыс вөлі Сирияын Квириний ыджыдалан кадө. ³ Быдөн муніс гижасьны аслас чужан карө. ⁴ Осип вөлі Давид чужанвужийысь. Та вөсна аслас Мария гөтырпукөд, коді вөлі нөбасьө, сийо муніс гижасьнысө Галилеяса Назарет карысь Юдея муө, Виплием нима Давид карө. ⁶ Виплиемө воөм мысти Мариялы воис кад чужтыны. ⁷ Сийо чужтіс Пи, ассьыс медводдза кагасө. Рузумө гартыштөмөн Мария пуктіс кагасө лясниө, од туйморт керкаын налы узяніныс эз сюр. ⁸ Сэні матигөгөрас вөліны ыж видзысьяс. Войнас найо видзисны ыжъяснысө видз вылын. ⁹ Виччысьтөг на водзө сувтіс Господьлөн андел. Господьлөн дзирдлуныс югзьөдіс ыж видзысьясос, да найо ёна повзисны. ¹⁰ Андел шуис налы: «Эно полөй! Ме висьтала тиянлы нимкодьясьыс-нимкодья юөр, тайо ваяс ыджыд долыдлун став войтырлы. ¹¹ Талун Давид карын тиянлы чужис Мездысь – Господь Кростос. ¹² Лясниысь ті аддзанныд рузумө гартыштөм кагаос – тайо лоө тиянлы пасөн». ¹³ Виччысьтөг анделкөд орччөн тыдовтчис лыдтөм-тшөттөм андел чукөр. Найо ошкисны Енмөс: ¹⁴ – Ошкөм Медвылысса Енлы! Му вылын лөнь олөм, йөз костын бур көсийөм! ¹⁵ Анделъяслөн енежө кайөм бөрын ыж видзысьяс шуисны өта-мөдныслы: «Мунамөй Виплиемө, видзөдлам Господьясьянь миянлы юөртөм лоөмторсө». ¹⁶ Найо тэрмасьомөн мунісны сэтчө да аддзисны сэтысь Марияос, Осипос да лясниын куйлысь кагаос. ¹⁷ Сэсся висьталісны кага йылысь кывлөмторсө. ¹⁸ Кывзысьясос шензьөдіс ыж видзысьяслөн висьталөмыс. ¹⁹ Мария видзис тайо висьталөмсө сьолөмас да мөвпаліс та йылысь. ²⁰ Ыж видзысьяс бөр мунісны Енмөс ошкөмөн да аттьөалөмөн ставсьыс, мый кывлісны да аддзылісны. Ставыс лои анделлөн висьталөм серти. ²¹ Көкъямыс лун мысти воис кад вундыштны кагаос. Сылы сетісны Исус ним, од Мариялөн нөбасьтөдз на тадзи нимтіс Сийос андел. ²² Мөисей Индөд серти сөстөммөдчан лунө Исусос вайисны Ерусалимө Господь водзө. ²³ Од Господьлөн Индөд серти медводдза чужысьос, пи кагаос, колө вөлі сины Господьлы. ²⁴ Господьлөн Индөд серти нөшта колө вөлі вайны вись: кык гулюос, абу кө, кык гулюпиос. ²⁵ Сэки Ерусалимын вөлі Симеон нима вежавидзысь морт. Сийо оліс веськыда да виччысис Израильос мездөм. Вежа Лов вөлі сы вылын. ²⁶ Вежа Лов водзвив висьтавліс сылы, Господьлысь Кростосос аддзавтөдз пө он кув. ²⁷ Вежа Лов нуөдөмөн Симеон локтіс крамө. Кор Исуслөн баты-мамыс пыртісны сэтчө кагасө, медым ставсө вөчны Индөд серти, ²⁸ Симеон босьтіс Сийос киас да Енмөс ошкигырийи шуис: ²⁹ –

Ыджыдöй, Аслад шуöмьд серти öнi лэдзан Ассьыд кесйöгтö лөня мунны. ³⁰ Аслам синмөн аддзыли став йöзлы Тэнсьыд дасьтöм мездöмтö:

³² ентöдтöмъяслы вайöм югыдтö, Тэнад Израиль войтырлы осьтöм дзирдлунтö. ³³ Кага йылысь висьталöмыс шензьöдис Сылысь мамсö да Öсипöс. ³⁴ Симеон бурсиис найöс да шуис Мариялы, Исус мамлы: «Тайö кагаыс понда Израильын унаöн усясны да унаöн сувтасны. Сийö – Енсянь индысьпас. Унаöн кутасны мунны Сылы паньд, ³⁵ и тадзи воссясны налөн гуся мөвпясыс. Тэнсьыд сьölöмтö шогыс шыпуртөн моз бытшкас». ³⁶ Сэни вöли Анна нима пророк, Фануил ныв, Асир чужанкотырысь. Тайö пöрысь аныс ныв кадсяныс сизим во олöма верöсыскöд, ³⁷ сэсся көкъямысдас нель арöсöдз олöма дöваөн. Сийö эз петавлы крамысь, видзалöмөн-кевмысьöмөн кесьялис Енлы лун и вой. ³⁸ Буретш тайö кадö Анна матыстчис, пондис ошкыны Енмöс да висьтавлыны кага йылысь ставныслы, Ерусалимын мездмöмсö виччысьысыслы. ³⁹ Господьлөн Индöд серти ставсö вöчөм бöрын Öсип да Мария бөр мунисны Галилеяö, асланыс Назарет карö. ⁴⁰ Кага быдмис, ловнас вынсялис, Сылөн мывкыдлуныс содис. Енлөн бурсиöмыс вöли Сы вылын. ⁴¹ Быд во Ыджыд лун кезлö Исуслөн бать-мамыс ветлисны Ерусалимö. ⁴² Исуслы дас кык арöс тырöм бöрын найö мукöд воясö моз бара мунисны сэтчö. ⁴³ Ыджыд лун бöрын Öсип да Исуслөн мамыс бөр мөдöдчисны гортаныс. Зонка кольччис Ерусалимö. Та йылысь найö эз тöдны, ⁴⁴ чайтисны, мый Сийö муно мукöдыскöд. Лунтыр муно бöрын пондисны корсьны Исусöс рöдвуж да тöдсаяс пöвстысь, ⁴⁵ но эз аддзыны. Сэки бөр косисны Ерусалимö корсьны Сийöс. ⁴⁶ Куим лун мысти найö аддзисны Исусöс крамысь. Сийö пукалис велöдысьяс пöвстын, кывзис-юасис найöс. ⁴⁷ Сылөн мывкыдлуныс да вочавидзöмъясыс шензьöдисны кывзысьясöс. ⁴⁸ Исусöс аддзöм бöрын бать-мамыс чуймисны. Мамыс шуис Сылы: «Пиöй, мыйла нö Тэ тадзи вöчин? Ми батьыдкöд сьölöм потмөн корсим Тэнö». ⁴⁹ Сийö шуис налы: «Мыйла тi корсинныд Менö? Энö öмöй тöдöй, мый Меным колö лоны Бать керкаын?» ⁵⁰ Но Сылысь кывъяссö найö эз гөгөрвоны. ⁵¹ Исус бөр локтис бать-мамыскöд Назаретö да быдторйын кывзысис налысь. Сылөн мамыс ставсö тайöс видзис сьölöмас. ⁵² Исус сөвмис, мывкыдлуныс содис. Сийö вöли муса Енмыслы, и йöзыс бурö пунктисны Сийöс.

3 Тайö вöли Тиверий нима кесарлөн дас витöд веськөдлан воö. Сэки Юдея муөн веськөдлис Понтий Пилат. Ирöд веськөдлис Галилея муөн, сылөн Филип вокыс веськөдлис Итурея-Траконит муясөн, Лисаний веськөдлис Авилинея муөн.

² Аннас да Каиаф вöлины архиерейсөн. Тайö кадö

Енсянь кыв воис Иоанлы, Закар пилы, кодi олiс овтöминын. ³ Йöрдан юдорса став муöд ветлöдлiгөн Иоан юöрталiс: «Бергöдчöй мыжъяссьыныд да пыртчöй, медым Ен прöститас мыжъяснытö». ⁴ Исай пророк небöгын тадзи гижöма: – Овтöминын кылö горзысьлөн шы: «Лöсьöдöй туйсö Господьлы, веськөдöй-шьльöдöй ордымъяс Сылы! ⁵ Быд увтасiн мед тырас, быд керöс да мылык мед ляпкалас, чукыльяс мед веськаласны, гуранъяс мед шыляласны! ⁶ Сэки ставөн аддзасны Енлысь мездöмсö». ⁷ Иоан шуалис сы дiнö пыртчыны воöмаяслы: «Вижля йылöм! Кодi туйдöдис тiянöс пышйыны локтана скөрлунысь? ⁸ Олöмнад петкөдлöй мыжъяссьыныд бергöдчöмнытö. Энö лысьтöй мөвпавны, мый тiян батыныд Öвраам. Висьтала тiянлы: тайö изьясысь Ен вермö вöчны Öвраамлы ныв-писö. ⁹ Черыс пу вужйыс дорын нин куйлö. Пуыс кө оз вай бур вотöс, сийöс кералöны да шыбитöны биö». ¹⁰ Йöзыс юасисны Иоанлысь: «Мый миянлы колö вöчнысö?» ¹¹ Сийö вочавидзис: «Тэнад кө кык дөрöм, öтисö сет, кодлөн абу. Тэнад кө эм сёян, тшöтш тадзи вöч». ¹² Пыртчыны воисны тшöтш вот перйысьяс, найö юалисны: «Велöдысь, мый миянлы колö вöчнысö?» ¹³ Сийö вочавидзис налы: «Энö босьтöй тiянлы тшöктöмасьыс унджыксö». ¹⁴ Шыпуртаяс тшöтш юалисны сылысь: «Мый нö миянлы колö вöчнысö?» Иоан шуис налы: «Мырдысьөн да повзьöдлөмөн энö босьтöй йöзлысь сьöм, тырмөдчöй асланыд удждонөн». ¹⁵ Йöзыс мөвпалисны, абу-ö Иоаныс Кростос, öд найö виччысисны Кростосöс. ¹⁶ Иоан шуис налы: «Ме пырта тiянöс ваөн, но локтö мемысь вынаджык, ме ог шогмы разыны Сылысь көмкот көвсö. Сийö пыртас тiянöс Вежа Лолөн да биөн. ¹⁷ Сы кыин тölөдчан зырйыс. Сийö весалас гумласö: шобдiсö йöртöдö чукöртас, кыдсö куслытöм биын сотас». ¹⁸ Уна ногөн велöдөмөн Иоан висьтавлiс Бур Юöрсö йöзыслы. ¹⁹ Иоан янöдис Ирöд öксыöс вокыслөн Ирöдиада гöтырыс вылö гöтрасьöмысь да мукöд лекторйысь. ²⁰ Таысь Ирöд пуксьöдис Иоанöс дзескыдинö, тадзи содтiс аслас лөк вöчöмъяслысь лыдсö. ²¹ Уна йöз пыртчис, и тшöтш Исус пыртчис. Пыртчöм бöрас Исуслөн кевмысигөн енэжыс воссис. ²² Вежа Лов гулю кодьөн лэччис Сы вылö. Енэжсянь кылис гөлөс шы: «Тэ Менам муса Пиöй, Ме нимкодья Тэон». ²³ Комын арössянь Исус пондис кесьявны. Йöзыс лыддисны Сийöс Öсиплөн пиөн. Öсип вöли Илийлөн пи, ²⁴ Илий – Матфатлөн, Матфат – Левийлөн, Левий – Мелкийлөн, Мелкий – Яннайлөн, Яннай – Öсиплөн, ²⁵ Öсип – Маттафейлөн, Маттафей – Амослөн, Амос – Наумлөн, Наум – Еслилөн, Если – Наггейлөн, ²⁶ Наггей – Маафлөн, Мааф – Маттафейлөн, Маттафей – Семейлөн, Семей – Öсиплөн, Öсип –

Иудалён, ²⁷ Иуда – Иоаннанлён, Иоаннан – Рисайлён, Рисай – Зоровавельлён, Зоровавель – Салафильлён, Салафиль – Нирийлён, ²⁸ Нирий – Мелкийлён, Мелкий – Аддийлён, Аддий – Косамлён, Косам – Елмодамлён, Елмодам – Ирлён, ²⁹ Ир – Иосейлён, Иосей – Елиезерлён, Елиезер – Иоримлён, Иорим – Матфатлён, Матфат – Левийлён, ³⁰ Левий – Симеонлён, Симеон – Иудалён, Иуда – Осиплён, Осип – Ионанлён, Ионан – Елиакимлён, ³¹ Елиаким – Мелеайлён, Мелеай – Маинанлён, Маинан – Маттафайлён, Маттафай – Нафанлён, Нафан – Давидлён, ³² Давид – Ессейлён, Ессей – Овидлён, Овид – Воозлён, Вооз – Салмонлён, Салмон – Наассонлён, ³³ Наассон – Аминадавлён, Аминадав – Арамлён, Арам – Есромлён, Есром – Фареслён, Фарес – Иудалён, ³⁴ Иуда – Яковлён, Яков – Исааклён, Исаак – Ёвраамлён, Ёвраам – Фарлён, Фар – Накорлён, ³⁵ Накор – Серуклён, Серук – Рагавлён, Рагав – Фалеклён, Фалек – Еверлён, Евер – Саллён, ³⁶ Сал – Каинанлён, Каинан – Арфаксадлён, Арфаксад – Симлён, Сим – Нойлён, Ной – Ламеклён, ³⁷ Ламек – Мафусаллён, Мафусал – Еноклён, Енок – Яредлён, Яред – Малелеиллён, Малелеил – Каинанлён, ³⁸ Каинан Енослён, Енос – Сифлён, Сиф – Адамлён, Адам – Енлён.

4 Исус муніс Йордан ю дорысь Вежа Лолён тыр. Лов нуодіс Сійос овтөминө. ² Сэні нелямын лун чөж омоль ыштөдіс Сійос. Став тайө кадсө Исус нинөм эз сөй, бөрыннас кынөмыс сьуммис. ³ Сэки омоль шуис Сылы: «Тэ кө Ен Пи, пөрт тайө изсө няньө». ⁴ Исус воча шуис: «Гижөма: "Оз куш няньөн мортыд ов, а Енсянь быд шуөм кывйөн"». ⁵ Омоль вайөдіс Исусос джуджыд керос йылө да петкөдліс Сылы син лапнитігкості таладор югыдсьыс став мусө. ⁶ Сэсся шуис: «Сета Тэныд став мусө мичлун-озырлуннас, өд ставсө тайос сетөма меным. Ме верма сетны сійос кодлы көсья. ⁷ Копыртчылан кө меным, ставыс тайө лоө Тэнад». ⁸ Исус вочавидзис: «Вешы Ме дінысь, сөтана! Гижөма: "Аслад Господь Енлы копрась да сөмын Сылы кесьяв"». ⁹ Омоль нуөдіс Исусос Ерусалимө, сувтөдіс Сійос крам вевт вылө да шуис: «Тэ кө Ен Пи, шыбитчы тасянь. ¹⁰ Öд гижөма: "Аслас анделъяслы Сійө тшөктө видзны Тэнө. ¹¹ Найө нуасны Тэнө ки выланыс, видзасны изйө крукасьомысь"». ¹² Исус воча шуис: «Шуөма: "Эн дөзмөд ассьыд Господь Ентө!"». ¹³ Быдногыс ыштөдөм бөрын омольыс кад кежлө эновтіс Исусос. ¹⁴ Исус бөр локтіс Галилеяө, Сійө вөлі тырөма Лов вынөн. Сы йылысь сёрниыс паськаліс сэтчөс му пасьтала. ¹⁵ Исус велөдіс синагогаясын, став йөзыс ошкисны Сійос. ¹⁶ Исус локтіс Назаретө, көні Сійө быдмис. Шойччан лунө, кызди пыр вөчліс, Сійө муніс синагогаө. Сэні сувтіс лыддыны Гижөд.

¹⁷ Сылы сетісны Исай пророкысь небөг. Исус восьтіс небөгсө, корсис тайө кывъяссө да лыддис: ¹⁸ – Господьлөн Лолыс Ме вылын. Сійө мавтіс Менө висьтавны коньөръяслы Бур Юөр. Сійө мөдөдіс Менө бурдөдны доймөм сьөлөмаясөс, юөртны дзескөдөмаяслы мездлун йылысь, восьтыны синтөмъяслысь синъяссө, мездыны нартитөмаясөс, ¹⁹ юөртны Господьлөн буралан кад йылысь. ²⁰ Исус тупкис небөгсө да сетіс синагогаса кесьялысьылы, Ачыс пуксис. Синагогаын ставөн сюся видзөдісны Сы вылө. ²¹ Сэки Исус пондіс висьтавны налы: «Өні, тіян кывзігөн, иніс тайө гижөдыс». ²² Ставөн ошкисны Исусос да шензисны Сы вомысь петөм буралан кывъясысь да шуалісны: «Абу-ө Сійө Осиплөн пи?» ²³ Исус шуис налы: «Ті, дерт, Меным шуанныд тайө кывйөзсө: "Бурдөдысь, бурдөд Асьтө", да шуанныд: "Ми кывлім Капернаум карын лоөмтор йылысь. Вөч сійос тшөтш тані, Аслад карын"». ²⁴ Исус водзө шуис: «Веськыда висьтала тіянлы: пророкөс ас муас оз сибөдны. ²⁵ Збыльысь висьтала тіянлы: уна дөва вөлі Израильын Илля пророк дырйи. Сэки куим во да джын зэр тусь эз усьлы енэжсьыс, та вөсна унаөн тшыгьялісны му пасьталаыс. ²⁶ На пиысь весиг өти дінө эз вөв мөдөдөма Илляос, сөмын Сидонса Сарепта карын олысь дөва дінө. ²⁷ Елисей пророк дырйи Израильын унаөн висисны проказаөн, но сирияса Нееманысь кызди некод эз бурд». ²⁸ Тайос кылөм бөрын синагогаын ставныс пузисны. ²⁹ Найө сувтісны да вөтлісны Исусос карсьыс, нуөдісны Сійос кыр йылө, көні сулаліс карыс, да сэсянь көсйисны йөткыштны Сійос увланы. ³⁰ Но Исус муніс на шөрөд да ылыстчис. ³¹ Сэсся Исус локтіс Галилеяса Капернаум карө. Шойччан лунө Сійө велөдіс сэні. ³² Йөзыс шензисны Сылөн велөдөмысь, өд Сійө сёрнитіс ыджыдалысьө пуктөм морт моз. ³³ Синагогаын вөлі пеж лолөн кутөм морт. Сійө ыджыд шыөн горөдіс: ³⁴ «Мый Тэныд колө мянсянь, Назаретса Исус? Тэ локтін бырөдны мянөс? Төда, коді Тэ. Тэ – Енлөн Вежаыс!» ³⁵ Исус өлөдіс пеж лолөс: «Ланьт! Пет сы пытшкысь». Пеж лов шыбитіс мортсө синагога джодж шөрө, сэсся сійос дейдавтөг петіс сы пытшкысь. ³⁶ Ставныс чуймисны да өта-мөдныслы шуалісны: «Мый тайө? Сылөн сэтшөм вын! Весиг пеж ловьяс петөны Сылөн тшөктөмысь». ³⁷ Исус йылысь сёрниыс паськаліс сэтчөс му пасьтала. ³⁸ Синагогаысь петөм бөрын Исус локтіс Симон ордө. Симон гөтырлөн мамыс ёна висис биа висьөмөн. Исусос корисны отсавны сылы. ³⁹ Ань дінө матыстчөмөн Исус өлөдіс биа висьөмсө, и биа висьөмыс эновтіс аньөс. Сійө дзик пыр чеччис да пондіс кесьявны налы. ⁴⁰ Шонді лэччигөн вайөдісны Исус дінө быдсикас висьысьөс. Сійө

бурдөдаліс найос кисо быдөн выло пуктыломон.

⁴¹ Уна пытшкысь пез ловъяс петісны да горзісны: «Тэ Кростос, Ен Пи!» Исус олөдіс найос тайос висьтавлөмысь, од найө төдісны, мый Сійө – Кростос. ⁴² Асывводзнас Исус муніс сэтись овтөминө. Йөзыс корсисны Сійос да аддзөм бөраныс эз лэдзны Сійос мунны на дінысь. ⁴³ Исус шуис налы: «Мукөд каръясын Меным тшөтш колө висьтавлыны Ен Юралөм йылысь Бур Юөрсө, од та могысь Менө мөдөдөма». ⁴⁴ Сійө ветлөдліс Галилея муөд да висьтавліс Бур Юөр синагогаясын.

5 Отчид Исус сулаліс Генесарет ты дорын. Сійос кытшалісны йөз, мед кывзыны Енлысь Кывсө. ² Вадорысь Исус аддзис кык пыж. Чери кыйысьяс чеччисны пыжъясысь да мыськалісны тывъяснысө. ³ Исус пуксис Симон пыжө да корис сійос йөткыштчыны вадорсыс. Пыжын пукалөмөн Исус велөдіс йөзсө. ⁴ Велөднысө помалөм бөрын Исус шуис Симонлы: «Сын джуджыдінас. Сэтчө чөвтөй тывъяснытө». ⁵ Симон воча шуис: «Велөдысьөй, ми войбыд мырсим, весиг өти чери эз шед, но Тэнад тшөктөм серти чөвта». ⁶ Тывсө чөвтлөм бөрын тыв косясьмөн чериыс шеді. ⁷ Сэки кинас өвтыштисны мөд пыжын пукалысьяслы, корисны ертьяссө отсавны. Найө локтісны, сэсса кыкнан пыжсө вөян выйөдзыс тыртисны чериөн. ⁸ Тайос аддзөм бөрын Симон-Петыр уськөдчис Исус водзө да шуис: «Господьөй, мун ме дінысь! Ме мыжа морт». ⁹ Симонөс да сыкөд вөлысьясөс, тшөтш сылысь ертьяссө, Зеведейлысь Яков да Иоан пиянөс, шемөсмөдіс та мында чери шедөмыс. Исус шуис Симонлы: «Эн пов. Онісянь пондан кыйны йөзөс». ¹¹ Пыжъяснысө вадорө кыскөм бөрын найө колисны ставсө да мунісны Исус бөрся. ¹² Öти карын локтіс Исус дінө проказаөн висьысь, сылөн кучикыс дзоньнас уляліс. Сійө кымыньөн уськөдчис Исус водзө да корис: «Господьөй, көсьян кө, верман менө сөстөммөдны». ¹³ Исус нюжөдіс кисө, инмөдчыліс сы дінө да шуис: «Көсья. Сөстөммы». Висьысьлөн дойясыс дзик пыр бырисны. ¹⁴ Исус олөдіс сійос мукөдлы та йылысь висьталөмысь да тшөктіс: «Мун, петкөдлы асьтө поплы, сэсса Мөйсей тшөктөм серти аслад сөстөммөмысь вай вись. Тадзи төдмаласны тэнад бурдөм йылысь». ¹⁵ Исус йылысь сёрниыс паськаліс пыр ёнджыка. Зэв уна йөз воліс кывзыны Сійос да бурдөдчыны. ¹⁶ Ачыс Исус тшөкыда мунлывліс овтөминө да сэні кевмысьліс. ¹⁷ Отчид Исус вөлі велөдө. Сэні пукалісны фарисейяс да Индөдө велөдысьяс. Найө вөлі локтөмаөсь Галилея да Юдея сиктъясысь, тшөтш Ерусалим карысь. Исус бурдөдаліс висьысьясөс Господь вынөн. ¹⁸ Кодъяскө сэтчө вольпасьнас вайисны вөрзөдчыны вермытөм мортөс. Найө көйсисны пыртны сійос керкаө да

пуктыны Исус водзө. ¹⁹ Но уна йөз вөсна пыртнысө эз вермыны. Сэки кайисны керка выло, разисны вевтсө да сэті лэдзисны висьысьяс вольпасьнас Исус водзө. ²⁰ Налысь эскөмсө аддзөмөн Исус шуис висьысьлы: «Мортөй, тэнсьыд мыжъястө прөститөма». ²¹ Индөдө велөдысьяс да фарисейяс мөвпалісны: «Коді тайө? Сійө Енмөс омөльтө. Ен кындзи вермас-ө кодкө прөститны мыжъяс?» ²² Налысь мөвпьяссө төдөмөн Исус шуис: «Мыйла ті мөвпаланнөд тадзи? ²³ Мый кокныдджык шуны: "Тэнсьыд мыжъястө прөститөма" либө "Чеччы да ветлы"? ²⁴ Оні ті төдмаланнөд: Морт Пи вермө прөститны мыжъяс му вылын». Сэсса шуис висьысьлы: «Тэныд шуа: чеччы, босьт вольпасьтө да мун гортад». ²⁵ Ставныслөн син водзын сійө чеччис, босьтис вольпасьсө да муніс гортас Енмөс ошкигтырйи. ²⁶ Йөзыс чуймисны да полөмөн тырины. Найө ошкисны Енмөс да шуалісны, талун пө ми вөвлытөмтор аддзылім. ²⁷ Сэтись мунігас Исус аддзис вотчукөртанінысь Левий нима вот перйысьяс. Исус шуис сылы: «Лок Ме бөрся». ²⁸ Левий чеччис, ставсө колис да муніс Исус бөрся. ²⁹ Сэсса Левий корис Исусөс ас ордас гажөдчыны. Сэтчө локтісны тшөтш вот перйысьяс да мукөд корөмаяс. Найө ставныс пукалісны өти пызан сайын. ³⁰ Фарисейяс да Индөдө велөдысьяс шуасисны Исуслөн велөдчысьяс выло: «Мыйла ті сөяннөд-юаннөд вот перйысьясскөд да мыжа йөзкөд?» ³¹ Исус вочавидзис налы: «Дзоньвидзалы бурдөдысьыд оз ков, сійө висьысьлы колө. ³² Ме локті корны Ен дінө мыжяясөс, эг веськыда олысьясөс». ³³ Найө шуисны Исуслы: «Мыйла нө Иоанлөн велөдчысьяс тшөкыда видзалөны-кевмысьөны, фарисейяслөн велөдчысьяс тшөтш, а Тэнад сөйөны-юөны?» ³⁴ Исус вочавидзис: «Верманнөд-ө тшөктыны видзавны көлысь вылын верөспукөд гажөдчысь ертьясөс? ³⁵ Воасны на сійө лунъясыс, кор колясны верөспутөг, сэки и видзаласны». ³⁶ Исус висьталіс налы велөданвисьт: «Важ паськөмтө оз дөмны выль паськөмысь вундөм дөмасөн. Тадзи кө вөчан, выльсө тшыкөдан, и важас выль дөмасыс оз туй. ³⁷ Выль винатө оз кисьтны важ кучик дозийө. Тадзи кө вөчан, кучик дозийыс потас, и винаыс киссяс. ³⁸ Выль винатө кисьтөны выль кучик дозийө. Сэки кыкнанныс дзонь колясны. ³⁹ Сулөдөм винатө юөм бөрын мортыс оз көсйи юны выль винатө, шуас, сулөдөмыс пө бурджык».

6 Ыдждыд лун бөрын медводдза шойччан лунө Исус мунө вөлі көдзөм муяс вомөн. Сылөн велөдчысьясыс мунігмозныс нетшкисны шепсө да кианыс ниртөмөн сөйисны тусьсө. ² Фарисейясысь кодсюрө шуисны: «Мый ті вөчаннөд? Тайос оз позь вөчны шойччан лунө». ³ Исус воча шуис: «Ті өмөй

энэ лыддылэй, мый вочис Давид, кор тшыгъяліс аслас йозкөд? ⁴ Сійө пырис Ен керкаө, босьтис Енлы вайом няньсө да сейис, и аслас йозлы тшөтш сетис. Тайө няньсө сөмын попъяслы позис сейны». ⁵ Исус шуис фарисейяслы: «Морт Пи шойччан лун вылын ыджыдыс». ⁶ Мөд шойччан лунө Исус пырис синагогаө да велөдіс. Сэні вөлі морт, кодлөн веськыд кыис вөлі косьмөма. ⁷ Индөдө велөдысыя да фарисейяс сюся видзөдісны Исус бөрся, бурдөдас-ө шойччан лунө, өд корсисны помка мыжавны Сійөс. ⁸ Налысь мөвпьяссө төдөмөн Исус шуис косьмөм киа мортлы: «Чеччы да пет шөрас». Сійө чеччис да воськовтис водзлань. ⁹ Исус шуис: «Вочавидзөй, мый позьө вочны шойччан лунө: бурсө али лёксө, мездыны мортөс али вины сійөс?» Найө чөв олісны. ¹⁰ Исус синнас кытшовтис ставнысө, сэсса шуис висьысылы: «Нюжөд китө». Сійө нюжөдіс, и кыис пырысь-пыр бурдіс, лои мөдыс кодь. ¹¹ Фарисейяс да Индөдө велөдысыя скөрысла пузисны, ас костаныс пондісны сёрнитны, мый вочны Исускөд. ¹² Сійө лунъясө Исус кайис керсө кевмысьны да войбыд кевмысис сэні Енмыслы. ¹³ Луннас Сійө корис Ассыс велөдчысыяссө да бөрйис на пөвстысь дас кыкөс, кодъясөс нимтис апостольясөн. Тайө вөліны: ¹⁴ Симон, кодлы сетис Петыр ним, сылөн Ондрей вокыс, Яков, Иоан, Филип, Варфоломей, ¹⁵ Матвей, Фома, Алфей Яков, Симон, кодөс нимтисны Зилотөн, ¹⁶ Яков Иуда да Искариот Иуда, Исусөс вузалысь. ¹⁷ Велөдчысыяскөд керөсысь лэччөм бөрын Исус сувтис шыльыдинө. Сэні вөлі чукөртчөмаось Сылөн уна велөдчысь, нөшта став Юдея муысь, Ерусалим карысь, саридзорса Тир да Сидон каръясысь унасысь-уна йөз. ¹⁸ Ставныс найө вөлі локтөмаось кывзыны Исусөс да бурдөдчыны асланыс висьөмъясысь. Весиг пөж лолөн кутөмаяс бурдалисны. ¹⁹ Йөз чукөрысь быдөн зілис инмөдчывны Исус динө, өд Сысянь петис вын да тайө выныс бурдөдіс быдөнөс. ²⁰ Аслас велөдчысыяс вылө видзөдлөмөн Исус висьталіс: «Шудаось ті, ловныдлы корысыяс, өд тіян эм Енлөн Юралөм. ²¹ Шудаось ті, өні тшыгъялысыяс, өд ті пөтанныд. Шудаось ті, өні бөрдысыяс, өд ті понданныд серавны. ²² Ті шудаось, Морт Пи вөсна кө йөзыс тіянөс мустөмтөны, вөтлөны, лёкөдөны да найтөсьтөны тіянлысь нимнытө. ²³ Налөн батьясныс тадзи вөчлісны пророкъяслы. Нимкодясьөй да чеччалөй долыда, өд ыджыд тырдон виччысьө тіянөс енежас. ²⁴ Курыд шог тіянлы, озыръяс! Ті курыштінныд нин аслыныд олан гажсө. ²⁵ Курыд шог тіянлы, өні пөтөмаяс! Ті кутанныд на пыкны тшыглунсө. Курыд шог тіянлы, өні сералысыяс! Ті понданныд на шогсыны-бөрдны. ²⁶ Курыд шог тіянлы, став йөзыс кө

сёрнитөны тіян йылысь бура. Налөн батьясныс тадзи вөчлісны ылөгпророкъяслы». ²⁷ «Тіянлы, Менө кывзысыяслы, шуа: радейтөй тіянлы паныд мунысыясөс, бурсө вөчөй тіянөс мустөмтысыяслы, ²⁸ бурсийөй тіянөс ёрысыясөс да кевмысьөй тіянөс өтдортысыяс вөсна. ²⁹ Чужөмбанад кучкысылы бергөд тшөтш мөдарсө. Вылыс паськөмтө мырддысылы лэдз босьтны тшөтш дөрөмтө. ³⁰ Тэнсьыд корысылы сет, тэнсьыд босьтысылысь бөр эн кор. ³¹ Мый көсьянный, медым йөзыс вөчисны тіянлы, сійөс и ті вөчөй налы. ³² Радейтанныд кө тіянөс радейтысыясөс, мыйсяма ошкөм тіянлы таысь? Мыжаяс өд тшөтш радейтөны найөс радейтысыясөс. ³³ Вөчанныд кө бурсө тіянлы бур вөчысыяслы, мыйсяма ошкөм тіянлы таысь? Тадзи вөчөны тшөтш мыжаяс. ³⁴ Водзөсаланныд кө бөр виччысьөмөн, мыйсяма ошкөм тіянлы таысь? Мыжаяс тшөтш водзөсалөны мыжаяслы ставсө бөр босьтөм могысь. ³⁵ Ті, мөдарө, радейтөй тіянлы паныд мунысыясөс, вөчөй бурсө да водзөсалөй, но энө виччысьөй бөрсө. Сэки вичмас тіянлы ыджыд тырдон. Ті лоанныд Медвылыссалы ныв-пиөн, өд Сійө бур сьөлөма бурсө вунөдысыяс динө да лёкъяс динө. ³⁶ Лоөй Батьныд моз бур сьөлөмаось». ³⁷ «Энө мыждөй, сэки тіянөс оз мыждыны. Энө мыжалөй, и тіянөс оз мыжавны. Прөститөй, и тіянөс прөститасны. ³⁸ Сетөй, сэки тіянлы сетасны. Сетасны бур муртөсөн, топыда тувкөдөмөн, мөздор тырныд сөвтөмөн. Асланыд мурталөм серти тіянлы мурталасны». ³⁹ Исус висьталіс налы нөшта велөданвисьт: «Вермас-ө синтөм нуөдны синтөмөс? Оз-ө кыкнанныс усьны гуранө? ⁴⁰ Велөдчысь абу ыджыдджык аслас велөдысыясь. Но сөмын велөдчөм бөрас сійө лоас аслас велөдысь кодьыс. ⁴¹ Кыдзи тэ верман вокыд синмысь ёгторсө аддзыны, аслад синмысь кө керсө он казаяв? ⁴² Кыдзи тэ верман шуны вокыдлы: "Вай перъя синсьыд ёгторсө", аслад синмысь кө керсө он аддзы? Кык бана шаньга! Водзджык аслад синмысь керсө перйы, сэки вокыдлөн синмысь ёгторсө верман перйыны». ⁴³ «Бур пу оз вай лёк вотөс, лёк пу оз вай бур вотөс. ⁴⁴ Путө донъялөны вотөс сертиыс. Лөжнөг вылысь өд оз чукөртны инжир да тусяпу вылысь виноград. ⁴⁵ Бур морт аслас бур сьөлөмысь бурсө петкөдө, лёк морт аслас лёк сьөлөмысь лёксө петкөдө. Ёд мыйөн тырөма мортылөн сьөлөмыс, сійө вомсыс и петө». ⁴⁶ «Мыйла ті шуанныд Меным: "Господьөй, Господьөй", но онө вөчөй Менам висьталөм серти? ⁴⁷ Висьтала тіянлы, кутшөм сійө мортис, коді локтө Ме динө, кылө Менсым кывъясөс да олө на серти. ⁴⁸ Сійө керка лэптысь кодь, коді джуджыда кодйысяс да пуктас керка подувсө из вылө. Ытва дырйи ойдөм ваыс оз вермы вөрзьөдны тайө керкасө, өд

сійос из вылө лэптөма. ⁴⁹ А кодї кылө Менсьым кывъясөс да оз ов на серти, сійө подувтөм керка лэптысь кодь. Ытвa дырйи сылөн керкаыс дзик пыр дзоньнас киссяс».

7 Йөзкөд сёрнисө помалөм бөрын Исус мөдөдчис Капернаум карө. ² Сэни оліс шыпуртаяслөн веськөдлысь, кодлөн кесйөгыс вөлі кулан выйын. Веськөдлысьлы сійө вөлі зэв дона. ³ Исус йылысь кылөм бөрын веськөдлысь мөдөдіс юдейяслысь пöрысьясөс корны Сійос, медым локтас да бурдөдас кесйөгсө. ⁴ Найө локтісны Исус дінө да сьөлөмяныыс корисны Сійос: «Тайө бур мортислы колө отсавны. ⁵ Сійө радейтө войтырнымөс. Буретш сійө лэптіс миянлы синагогасө». ⁶ Исус муніс накөд. Керка дорас вотөдз на Сылы паныдасисны веськөдлысьлөн ёртъясыс. Сійө мөдөдөма найөс висьтавны: «Господьөй, эн мудзты Асьтө. Ме ог сулав сы доныс, медым Тэ пырин менам керка вевт улө. ⁷ Ачымөс эг лыддыш шогманаөн локны Тэ дінө. Сөмын кыв шу, и кесйөгөй бурдас. ⁸ Ме ачым киподувса морт, но и менам кипод улын эмөсь шыпуртаяс. Отилы шуа: "Мун", и сійө мунө. Мөдлы тшөкта локны, и сійө локтө. Кесйөглы шуа: "Вөч тайөс", и сійө вөчө». ⁹ Исус чуймис тайө кывъясысь. Сэсса бөрсяныыс мунысь йөзлань бергөдчөмөн шуис: «Висьтала тиянлы: татшөм ыджыд эскөмсө Ме весиг Израильысь эг аддзыв». ¹⁰ Керкаө пырөм бөраныс веськөдлысьлөн ёртъясыс аддзисны: кесйөгыс вөлі бурдөма. ¹¹ Регыд мысти Исус муніс Наин карө, Сыкөд тшөтш мунісны Сылөн велөдчысьяс да уна мукөд йөз. ¹² Исус матыстчис карса дзирья дорө. Сэтысь вөлі петкөдөны кулөм мортөс, дөвалысь өтка писө. Уна йөз аныкөд тшөтш петіс карсьыс. ¹³ Господьлөн сьөлөмыс нормис дөва вөсна, Сійө шуис анылы: «Эн бөрд». ¹⁴ Сэсса матыстчис да инмөдчис гортъяс, нуысьяс сувтісны. Исус шуис: «Зонмөй, тэныд шуа: чеччы!» ¹⁵ Кулөм морт пуксис да пондіс сёрнитны. Сэки Исус сетіс сійос мамыслы. ¹⁶ Ставнысө полөм босьтіс. Енмөс ошкигыр шуалисны: «Ыджыд пророк миян пөвстын! Ен локтіс отсавны Аслас войтырлы!» ¹⁷ Татшөм сёрниыс Исус йылысь паськаліс Юдея му пасьтала да быдлаын матігөгөрас. ¹⁸ Иоанлөн велөдчысьяс висьталісны став йывсьыс велөдысьныслы. ¹⁹ Иоан корис ас дінас на пысь кыкөс да мөдөдіс найөс юавны Исуслысь: «Тэ-ө сійө Локтысьыс? Колө-ө миянлы мөдөс виччысьны?» ²⁰ Исус дінө локтөм бөрын найө шуисны: «Пыртысь Иоан мөдөдіс миянөс Тэ дінө юавны: "Тэ-ө сійө Локтысьыс? Колө-ө миянлы мөдөс виччысьны?"» ²¹ Буретш тайө кадө Исус унаөс бурдөдіс висьөм-вермытөмысь, вөтліс пеж ловъясөс, уна синтөмлысь синсө восьтіс. ²² Исус вочавидзис: «Мунөй, висьталөй Иоанлы,

мый аддзанныд да кыланныд: – Синтөмъяс аддзөны, коктөмъяс ветлөны, проказаысь сөстөммөны, пельтөмъяс кылөны, кулөмаяс ловзьөны, коньөръяслы Бур Юөр висьтавлөны. ²³ Шуда сійө, кодї оз ылав Меысь». ²⁴ Кор Иоанлөн велөдчысьяс мунісны, Исус пондіс висьтавны йөзыслы Иоан йылысь: «Мый видзөдны ветлінныд овтөминас? Төлөн вөрөдысь идзас-ө? ²⁵ Мый видзөдны ветлінныд? Мича да озыр паськөма мортөс? Татшөм паськөма да лышкыда олысь йөзыс олоны өксы оланінъясын. ²⁶ Кодөс видзөдны ветлінныд? Пророкөс-ө? Шуа тиянлы: ті аддзылінныд пророкысь ыджыдөс. ²⁷ Сы йылысь гижөма: – Ыста Ассьым юөртисьсөс Тэ водзвылын, сійө Тэныд туйсө дасьтас. ²⁸ Висьтала тиянлы: му вылын чужысь пророкъясысь эз вөвлы Пыртысь Иоанысь ыджыдджыкыс, но Енлөн Юраланінын медічөтыс сы дорысь ыджыдджык. ²⁹ Иоанөс кывзөм бөрын став йөзыс, весиг вот перйысьяс, эскисны Ен веськыдлуно да пыртчисны Иоан пыртөмөн. ³⁰ А фарисейяс Индөдө велөдысьяскөд паныд сувтісны Ен көсйөмлы да эз пыртчыны Иоан пыртөмөн». ³¹ Господь шуис: «Кодкөд Ме өткодяла өня олысьясөс? Код кодьөсь найө? ³² Найө изэрд вылын пукалысь челядь кодьөсь, кодъяс өта-мөдныслы шуалөны: "Ми ворсім тиянлы пөлянөн, а ті энө йөктөй. Ми сьылім тиянлы бөрдөдчанкывьяс, а ті энө бөрдөй". ³³ Пыртысь Иоан локтіс, нянь оз сөй, вина оз ю, ті шуанныд, сы пытшкын пө пеж лов. ³⁴ Морт Пи локтіс, сөйө-юө, Сы йылысь шуанныд, рушку тыртысь да вина юысь пө, вот перйысьяскөд да мыжаяскөд ёртасьысь пө. ³⁵ Мывкыдлунось пыдди пуктөны мывкыдлуныслөн челядьыс». ³⁶ Оти фарисей корис Исусөс гортас сөйны. Исус пырис фарисей керкаө да пуксис. ³⁷ Та йылысь төдмаліс сійө карас олысь мыжа ань. Сійө вайис вальді дозйын чөскыд дука вый. ³⁸ Исуслөн кок дорө копытчөмөн сійө бөрдіс, сылөн синваыс визувтіс Исуслы кок вылас. Сійө чышкаліс Исуслысь коксө аслас юрсіон да окалігмоз мавтіс вийөн. ³⁹ Исусөс корысь фарисей аддзис тайөс да мөвпыштіс: «Вөлі кө тайө Мортис пророк, төдіс эськө, мыйсяма ань инмөдчө Сы дінө. Тайө аныыс өд мыжа». ⁴⁰ Фарисейлань бергөдчөмөн Исус шуис: «Симон, Ме тэныд өтитор көсьяс висьтавны». «Висьтав, Велөдысь», – шуис мөдыс. ⁴¹ Исус шуис: «Оти мортлы кыкөн вөліны уджйөзаөсь: өтиыс – витсө динар, мөдыс – ветымын. ⁴² Мынтынысө найө эз вермыны, та вөсна тайө мортис шуис вунөдны кыкнанныслысь уджйөзсө. Висьтав, кодныс ёнджыка кутас радейтны сійөс?» ⁴³ Симон вочавидзис: «Чайта, унджык уджйөзаыс». Исус шуис сылы: «Тэ веськыда мөвпалан». ⁴⁴ Аньлань бергөдчөмөн Исус шуис Симонлы: «Аддзан-ө тайө

аньсö? Ме локті тэ ордö, да тэ Меным ватор эн сет кокöс мыськыны, а сійö синванас киськаліс Менсьым кокöс да юрсинас чышкаліс. ⁴⁵ Тэ эн окышт Менö, а сійö локтöмсяныыс эз на дугдыв оковны кокöс. ⁴⁶ Тэ Менсьым юрöс выйнад эн мавтышт, а сійö чöскыд дука выйнас кокöс мавтіс. ⁴⁷ Висьтала тэныд, мыйла сійö ёна радейтö – уна мыж сылысь прöститöма. Кодлысь этша прöститöма, сійö этша радейтö». ⁴⁸ Сэссия Исус шуис анылы: «Прöститöма тэнсьыд мыжъястö». ⁴⁹ Сыкөд сёйысьяс сёрнитісны ас костаныс: «Коді Сійö, мый весиг мыжъяс прöститö?» ⁵⁰ Исус шуис анылы: «Эскöмыд мездіс тэнö. Мун повтöг».

8 Та бöрын Исус ветлöдліс карысь карö, сиктысь сиктö да висьтавліс Ен Юралöм йылысь Бур Юөр. Сыкөд ветлöдлісны дас кыкнан велöдчысьыс ² да нöшта аныяс, кодъясöс Сійö бурдöдіс висьöмъясысь да мездіс пеж ловъясысь. Тайö вöліны: Магдала Марья, код пытшкысь петіс сизим пеж лов, ³ Иоанна – Ирöд овмöсөн веськөдлысь Кузлөн гөтырыс, Сусанна да мукөдъяс. Овмöснаныс найö отсасисны Исуслы. ⁴ Уна карысь локтісны йöзыс Исус дінö. Сійö шыöдчис на дорö велöданвисьтöн: ⁵ «Морт көдзны петас. Көдзигас кымынкö кöйдыс усяс туй бокö. Сэні найöс таляласны, да енэжвыв лэбачьяс кокаласны. ⁶ Кымынкö кöйдыс усяс изьяинö, но ваыс тырмытöмла петалігмозыс найö косьмасны. ⁷ Кымынкö кöйдыс усяс лежнөг пөвстö. Быдмигас лежнөгыс пөдтас петассö. ⁸ Мукөд кöйдысыс усяс бур муö, быдмас да ваяс тусьсö сё пөвстөн». Тайöс висьталöм бöрын Исус горöдöмөн шуис: «Кодлөн эм пель, мед кылö!» ⁹ Велöдчысьяс юалисны Исуслысь, кызди гөгөрвоны тайö велöданвисьтöс. ¹⁰ Исус шуис: «Тянлы сетöма тöдны Ен Юралöмлысь гусятөръяссö, а мукөдыс кылöны та йылысь велöданвисьтъясысь: найö видзöдöны да оз аддзыны, кывзöны да оз гөгөрвоны. ¹¹ Тайö велöданвисьтыс петкөдлö: кöйдысыс – тайö Ен Кыв. ¹² Туй бокö усьöм кöйдысыс петкөдлö: мортыс кылö Кывсö, но сэссия локтö омöлыс да гусялö сьölöмсьыс Кывсö, медым мортыс эз эскы да эз мездмы. ¹³ Изьяинö усьöм кöйдысыс петкөдлö: мортыс кылö Кывсö да долыдпырысь босьтö сійöс сьölөмас, но вужъясьтöмысла оз дыр эскы, ыштöдöмъяс дырйи сійö кежö эскöмсьыс. ¹⁴ Лежнөг пөвстö усьöм кöйдысыс петкөдлö: мортыс кылö Кывсö, но быдлунья тöждыс, озырлуныс да лышкыда олöмыс пөдтö көдзöм Кывсö, и сійö оз вай вотöссö. ¹⁵ Бур муö көдзöм кöйдысыс петкөдлö: мортыс кылö Кывсö, видзö сійöс бур-сöстөм сьölөмас да сьökыдлунсö венöмөн вайö вотöс». Тайöс висьталöм бöрын Исус горöдöмөн шуис: «Кодлөн эм пель, мед кылö!» ¹⁶ «Öзтөм битö оз

вевттьывны дозйөн да оз сувтöдны лабич улö. Сійöс пуктöны бикок вылö, медым пырысьяс аддзисны югыдсö. ¹⁷ Став гусяыс воссяс да став дзебöмаыс йöзасяс, петас ортсö. ¹⁸ Видзöдöй, кызди кывзанныд. Кодлөн эм, сылы сетасны. Кодлөн абу, сылысь весиг чайтанасö босьтасны». ¹⁹ Исус дінö локтісны мамыс да вокъясыс, но уна йöз вöсна найö эз вермыны матыстчыны Сы дінö. ²⁰ Исуслы висьталісны: «Мамыд вокъясыдкөд ывлаасось, Тэнö кöсйöны аддзöдлыны». ²¹ Исус шуис: «Енлысь Кывсö кывзысьяс да сы серти олысьяс – Меным мам да вокъяс». ²² Öтчид Исус Аслас велöдчысьясыскөд пуксис пыжö да шуис налы: «Вуджамöй ты мөдлапөлö». Найö мөдöдчисны. ²³ Вуджиганыс Исус унмовсис. Ты вылын кыптис ыджыд төвныр, да пыжыс кутіс тырны ванас. Найö вöліны вöян выйынöсь. ²⁴ Велöдчысьяс садьмөдісны Исуссö шуалöмөн: «Велöдысь, Велöдысь! Вöям!» Исус чеччис, өлөдіс төвсö да гызьöм васö. Ставыс ланьтіс, пуксис чөв-лөн. ²⁵ Исус шуис велöдчысьясыслы: «Кöні тیان эскöмныд?» Найö полöмөн-шензьöмөн öта-мөдныслысь пондісны юасыны: «Коді Сійö? Весиг төлыс да ваыс кывзысьсö Сылысь». ²⁶ Та бөрти найö вуджисны Галилеялы паныда Гадара муö. ²⁷ Пыжсьыс чеччөм бöрын Исуслы паныдасис карсьыс пеж ловъясөн кутөм морт. Сійö пыр ветліс пасьтöг, керкаын пыдди оліс шойгу кыртаын. ²⁸ Исуссö аддзöм бöрын сійö горзöмөн уськөдчис Сы водзö да горöдіс: «Мый Тэныд мясянь колö, Исус, Медвылысса Енлөн Пи? Кора Тэнö, эн пес менö!» ²⁹ Тадзи шуаліс, öд Исус тшөктіс пеж ловлы петны морт пытшкысь. Пеж лов унаысь пелöдлывлöма тайö мортсö. Сійöс көртавлісны чепьясөн да видзисны дорөмөн, но сійö оройөдлывліс көртөдъяссö. Сэки пеж лов нуөдлывліс сійöс овтöминö. ³⁰ Исус юалис сылысь: «Мый тэнад нимыд?» Сійö вочавидзис: «Легион», öд сы пытшкын вöлі уна пеж лов. ³¹ Пеж ловъяс корисны Исуссö, мед эз ысты найöс пыдöстөминö. ³² Сэні керöсын йирсис ыджыд порсь чукөр. Пеж ловъяс корисны Исуссö, мед лэдзас найöс пырны порсьяс пытшкö. Исус лэдзис. ³³ Сэки морт пытшкысь петөм пеж ловъяс пырисны порсьяс пытшкö. А порсьяс кыр йывсянь уськөдчисны тыö да пөдісны. ³⁴ Порсь видзысьяс пышйисны сэтысь, котөрөн мунісны карö да орчча сиктъясö висьтавны аддзывлөмтор йывсьыс. ³⁵ Йöзыс петісны видзöдлыны лоөмторсö. Найö локтісны Исус дінö да аддзисны сійö мортсö, код пытшкысь петісны пеж ловъяс. Сійö, паськөма да ас вежөра, пукаліс Исуслөн кок дорын. Йöзыс ёна повзисны. ³⁶ Аддзылысьяс висьталісны локтöмаяслы, кызди бурдіс пеж лолөн кутөм мортыс. ³⁷ Сэки Гадара муын олысьяс корисны Исуссö мунны на дінысь,

сэтшөм ыджыд полөм босьтис найөс. Исус пуксис пыжө да бөр модөдчис. ³⁸ Пез лолысь мездмөм морт вөзыйсис мунны Исускөд, но Исус шуис сылы: ³⁹ «Мун гортад да висьтав, мый Енмыс вөчис тэныд». Сійө мунис да висьталис став карыслы, мый сылы вөчис Исус. ⁴⁰ Ты модлапöлын Исусөс паныдалис уна йөз, найө виччысьөмаось Сійөс. ⁴¹ Сэтчө локтис Явир нима морт, синагогаса юралысь. Исус водзө уськөдчөмөн Явир корис Сійөс волены сы ордө. ⁴² Сылөн дас кык арөса өтка нылыс вөли кулан выйын. Исус мунис Явиркөд. Муниганыс йөзыс быдласянь топөдिसны Исусөс. ⁴³ Йөз чукöрын вөли ань, сійө дас кык во чөж висьөма вир мунөмөн. Ассьыс став эмбурсө сійө сеталөма бурдөдысьяслы, но найө абу вермөмаось отсавны сылы. ⁴⁴ Сійө матыстчис Исус динө мышсяныс да инмөдчылис паськөм дорышас. Вир мунөмыс пырысьтөм-пыр дугдис. ⁴⁵ Исус юалис: «Коді инмөдчылис Ме динө?» Ставөн соссисны. Петыр да мукөдыс шуисны: «Велөдысь, йөзыс быдласянь топөдöны Тэнö, а Тэ юасян, коді инмөдчылис Тэ динө». ⁴⁶ «Кодкө инмөдчылис Ме динө. Ме кыли, мый Ме пытшкысь петис вын», – шуис Исус. ⁴⁷ Ань гөгөрвоис, мый сійөс казялисны. Дзöригтыр сійө матыстчис да уськөдчис Исус водзө. Став йөз водзас висьталис Исуслы, мыйла инмөдчылис Сы динө да кызди дзик пыр бурдис. ⁴⁸ Исус шуис анылы: «Нылöй, эскөмыд мездис тэнö. Мун повтөг». ⁴⁹ Исуслөн сёрнитигөн синагогаса юралысь динө матыстчис гортсяныс локтысь морт да висьталис сылы: «Нылыд кули, эн мудзтөд Велөдысьсө». ⁵⁰ Исус кылис тайөс да шуис Явирлы: «Эн пов, сөмын эскы, нылыд ловъя лоас». ⁵¹ Явир керка дорө воём бöрын Исус босьтис Аскөдыс Петырөс, Иоанөс, Яковөс да нывкалысь бать-мамсө, мукөдсө эз лэдз пырнысö. ⁵² Ставныс сыркъялөмөн бөрдисны кулөм нывка вöсна. Исус шуис: «Энө бөрдöй, сійө эз кув, сійө узьö». ⁵³ Исус вылын пондисны серавны, өд төдисны, мый нывкаыс кулис. ⁵⁴ Ставнысө вөтлөм бöрын Исус босьтис нывкаөс киөдыс да гораа шуис: «Нылöй, чеччы!» ⁵⁵ Сэки лолыс бөр пырис нывка пытшкө, да сійө пырысь-пыр чеччис. Исус тшөктис вердны нывкаөс. ⁵⁶ Бать-мамыс чуймисны, но Исус өлөдис найөс, медым эз висьтавлыны лоөмтор йывсьыс мукөдыслы.

9 Исус корис дас кыкнан велөдчысьсө да сетис налы вын вөтлавын пез ловъясөс да бурдөдавны йөзөс висьөмъясысь. ² Сійө модөдис найөс юөртны Енлөн Юралөм йылысь да бурдөдавны висьысьясөс. ³ Исус шуис налы: «Туяныд нинөм энö босьтöй, весиг бедь, ноп, нянь, эзысь да вежан паськөм. ⁴ Кутшөм керкаө пыранныд, водзө мунтөдзныд олöй сэнi. ⁵ Оз кө сибөдны тiянöс, сэки карсьыс петиганыд пыркөдöй

коксьыныд буссө. Тайө лоө найөс өлөдөм».

⁶ Велөдчысьяс петисны туйө. Найө ветлөдлисны сиктысь сиктө, быдлаын висьтавлисны Бур Юөр да бурдөдалисны висьысьясөс. ⁷ Ирөд өксы кор кылис тайө ставыс йылысь, шöйвошис. Öтияс сёрнитисны, Пыртысь Иоан пө ловзьөма. ⁸ Мөдъяс шуалисны, Илля пө локтөма, кодсюрө шуисны, важ пророкъясысь пө öти ловзьөма. ⁹ Ирөд шуис: «Иоанлысь юрсө ме керышти. Но кодi нö тайө мортыс, мый татшөмторъяс кыла Сы йылысь?» Ирөд өна көсйис аддзывны Исусөс. ¹⁰ Локтөм бöраныс апостольяс висьталисны Исуслы, мый найө вөчисны. Исус босьтис найөс Аскөдыс, медым олыштны накөд ас кежаныс овтөминын, кодi вөли Випсаида карсянь матын. ¹¹ Тайөс кылөм бöрын йөзыс модөдчисны Исус бөрся. Сійө сибөдис найөс, сёрнитис накөд Енлөн Юралөм йылысь да бурдөдалис висьысьясөс. ¹² Луныс нөрөвтчис рытлань. Сэки дас кыкнан велөдчысьыс матыстчисны Исус динө да шуисны: «Ми танi овтөминынöсь. Ысты йөзсө вой кежлас матигөгөр сикт-грездө, мед нуръясыштасны». ¹³ Исус шуис: «Тi сетöй налы сөянсö». Найө воча шуисны: «Миян сөмын вит нянь да кык чери. Ми öмöй вермам ньöбны та мындаыслы сөянсö?» ¹⁴ Сэнi вөли вит сюрс гөгөр морт. Исус шуис велөдчысьясыслы: «Пуксьөдалöй йөзсө чукөръясö, морт ветымынөн». ¹⁵ Найө тадзи и вөчисны, пуксьөдалисны ставнысö. ¹⁶ Исус босьтис вит няньсö да кык черисö, видзөдлис енэжö да Енмөс аттьөалөмөн чегис няньсö, сэсся сетис велөдчысьясыслы. Велөдчысьяс разөдисны йөзыслы. ¹⁷ Ставныс пөттөдзныс сөйисны, коляссö дас кык куд тыр чукөртисны. ¹⁸ Öтчыд Исус кевмысис йөзтөминын. Сыкөд тшөтш сэнi вөлины велөдчысьясыс. Исус юалис налысь: «Код туйө йөзыс пуктöны Менö?» ¹⁹ Найө вочавидзисны: «Öтияс шуöны, Пыртысь Иоан пө, мөдъяс шуöны, Илля пө, кодсюрө шуöны, важ пророкъясысь пө öти ловзьөма». ²⁰ Исус юалис: «Код туйө тi Менö пуктанныд?» Петыр вочавидзис: «Тэ – Енлөн Кростос». ²¹ Исус чорыда өлөдис найөс, мед эз висьтавын та йылысь мукөдлы. ²² Сэсся шуис: «Морт Пилы уна сьökыд ковмас нуны. Пöрысьяс, аркирейяс да Индөдө велөдысьяс пондасны вөтлыны да виасны Сійөс, но коймөд луннас Сійө ловзяс». ²³ Исус шуис ставныслы: «Кодi көсйö мунны Ме бөрся, мед вунөдас асьсö, мед босьтас ассьыс крестсö да локтас Ме бөрся. ²⁴ Кодi көсйö видзны ассьыс олөмсö, воштас сійөс. Ме вöсна олөмсö воштысь видзас сійөс. ²⁵ Лоас-ö мортыслы бур, босьтас кө аслыс став муюгдысö, а асьсö бырөдас да олөмсö воштас? ²⁶ Кодi яндысяс Меысь да Менам кывъясысь, сыысь яндысяс Морт Пи, кор локтас Аслас дзирдлунөн, Батьыслөн да вежа

андельяслөн дзирдлунён. ²⁷ Збыльысь висьтала тiянлы: кодсюрё танi сулалысьяс пиысь кувтöдзныс на аддзасны Енлысь Юралöмсö». ²⁸ Тайö сёрни бöрас лун көкъямыс мысти Исус босьтiс Аскöдыс Петырöс, Иоанöс, Яковöс да кайис накöд керöсö кевмысьны. ²⁹ Кевмысигас Исуслөн чужöмыс вежсис, паськöмыс лои дзирдалана еджыд. ³⁰ Сэки тыдовтчисны кык морт: Мöйсей да Илля. ³¹ На вылын вöли Енлөн дзирдлуныс. Найö сёрнитiсны Исускöд Сылөн мунöм йылысь, кодi збыльмас Ерусалимын. ³² Петыр ёртъясыскöд чорыда узисны. Садьмöм бöраныс аддзисны Исуслысь дзирдлунсö да Сыкöд сулалысь кык мортöс. ³³ Кор тайö кык мортыс кутiсны ылыстчыны Исусысь, Петыр шуис Исуслы: «Велöдысьöй, миянлы танi лöсьыд, сувтöдам куим чом: Тэныд, Мöйсейлы да Иллялы». Петыр ачыс эз гөгөрво, мый висьталiс. ³⁴ Петырлөн сёрнитiгкостi локтiс кымөр да вевттис найöс. Велöдчысьяс ёна повзисны. ³⁵ Кымөрсянь кылiс гөлöс шы: «Тайö Менам муса Пиöй, Сiйöс кывзöй». ³⁶ Тайö кывъяс бöрас найö аддзисны сöмын Исусöс. Велöдчысьяс сiйö кадас некодлы эз висьтавлыны аддзывлöм йывсьыс, найö чöв олисны та йылысь. ³⁷ Аскинас керöсысь лэччиганыс Исусöс паныдалiс уна йöз. ³⁸ Йöз пöвстысь öти горöдiс: «Велöдысьöй, кора Тэнö, видзöдлы менсьым пиöс, сiйö менам öтка пи. ³⁹ Пез лов топöдлö сiйöс. Сэки сiйö лёкысь горзö, чашысьö, да вомсьыс быг петö. Ёна песöм бöрын пез лов вöлисти эновтö сiйöс. ⁴⁰ Ме кори Тэнсьыд велöдчысьястö вöтлыны пез ловсö, но найö эз вермыны». ⁴¹ Исус шуис: «Эскытöм-ылалöм йöз! Дыр-ö на Меным овнысö тiянкöд? Дыр-ö на Меным видзöдны тiянöс? Вайöд татчö питö». ⁴² Кор зонка вöли матыстчö Исус дiнö, пез лов шыбитiс зонкаöс муас да кутiс пелöдлыны. Исус öлöдiс пез лолöс, бурдöдiс зонкаöс да сетiс сiйöс батысьлы. ⁴³ Ставнысö шензьöдiс Енлөн ыджыд выныс. Йöзыс шензисны Исуслөн уджъясысь. Сэки Сiйö шуис велöдчысьясыслы: ⁴⁴ «Пель саяныд сюркнялöй Менсьым кывъясöс: Морт Пиöс сетасны йöзлөн киö». ⁴⁵ Велöдчысьяс эз тöдны, мый йылысь Исус висьталö, Сылөн кывъясыс вöлины налы пöдсаöсь. Найö эз гөгөрвоны Сiйöс, а юавнысö полисны. ⁴⁶ Велöдчысьяс костын чужис вен, кодi на пиысь ыджыдджыкыс. ⁴⁷ Налысь мөвпъяссö тöдöмөн Исус босьтiс кагаöс да сувтöдiс сiйöс Аскöдыс орччөн. ⁴⁸ Велöдчысьясыслы шуис: «Кодi Менам ним вöсна сибöдö тайö кагасö, сiйö сибöдö Менö. А Менö сибöдысь сибöдö Менö Мөдöдысьöс. Медся ичöтыс тiян пиысь лоас медыджыдөн». ⁴⁹ Сэки Иоан шуис: «Велöдысьöй, ми аддзылим мортöс, сiйö Тэнад нимөн пез ловъясöс вöтлалö. Ми öлöдiм сiйöс, öд сiйö абу миян пöвстысь». ⁵⁰ Исус шуис: «Энö öлөдöй. Кодi абу тiянлы паныд, сiйö тiян дор». ⁵¹ Кор

матыстчис Исусöс енэжö босьтан луныс, Сiйö шуис мунны Ерусалимö. ⁵² Водзвылас Сiйö ыстiс юөртысьясöс. Найö мунiсны самарияса сиктö, медым ставсö лöсьöдны Исус локтiгкежлö. ⁵³ Сэтчöс олысьяс эз сибöдны Исусöс, öд Сiйö вöли Ерусалимö мунысь. ⁵⁴ Яков да Иоан – Исуслөн велöдчысьясыс – тайöс кылöм бöрын шуисны: «Господьöй, көсьян кө, ми би корам енэжсянныс, мед бырöдны найöс? Буретш тадзи Илля вöчлис». ⁵⁵ Велöдчысьяслань бергöдчöмөн Исус öлөдiс найöс. Сiйö шуис: «Ti онö тöдöй, мыйсяма лов тiян пытшкын. ⁵⁶ Морт Пи эз лок бырöдны мортлысь олöмсö, Сiйö локтiс мездыны». Сэсса найö мунiсны мөд сиктö. ⁵⁷ Мунiганыс öти морт шыасис Исус дiнö: «Господьöй, ме быдлаö Тэ бөрся муна». ⁵⁸ Исус шуис сылы: «Ручьяслөн эмöсь пырмөсьяс, и енэжвыв лэбачьяслөн эмöсь позъяс, сöмын Морт Пилөн шойччанiныс абу». ⁵⁹ Мөдлы Исус шуис: «Лок Ме бөрся». Сiйö воча шуис: «Господьöй, лэдзлы менö медводз батьöс дзевны». ⁶⁰ Исус шуис сылы: «Кулöмаяс мед дзевасны кулöмаяснысö. Тэ мун да юөрт Енлысь Юралöмсö». ⁶¹ Нöшта öти морт шуис: «Господьöй, ме муна Тэ бөрся, сöмын лэдзлы менö колльöдчыны гортсяскöд». ⁶² Сылы Исус вочавидзис: «Гөрйö кутчысьысь кө видзöдö бөрлань, сiйö оз шогмы пырны Енлөн Юраланiнö».

10 Та бöрын Господь бөрйис нöшта сизимдас велöдчысьöс, сэсса кыкөн-кыкөн мөдöдiс найöс сикт-каръясö, кытчö көсйис Ачыс ветлыны. ² Сiйö шуис налы: «Вунданыс уна, а вундысьыс этша. Кевмöй вунданiнын Ыджыдыслы, мед ыстас Аслас вунданiнö уджалысьясöс. ³ Мунöй! Ме мөдöда тiянöс баляпиянöс моз көинъяс пöвстö. ⁴ Энö босьтöй аскöдныд сьöм, ноп да көм. Туй выланыд энö сувтöй чолöмасьны йöзкöд. ⁵ Керкаö пыриганыд медводз шуöй: "Лөнь олөм тайö керкаыслы!" ⁶ Сэни кө олö бур сьөлöма морт, бурсиöмныд коляс сылы. Оз кө, бурсиöмныд бергöдчас тiянлы. ⁷ Кольчöй сiйö керкаас, сёйöй-юй мый тiянлы сетасны, öд уджалысьыд сулалö удждоныс. Энö вуджöй мөд керкаö. ⁸ Карö пыриганыд кө тiянöс сибöдасны, сёйöй мый тiянлы сетасны. ⁹ Бурдöдалöй сэни висьысьясöс да юөртöй: "Енлөн Юралöмыс воис тiянöдз". ¹⁰ Оз кө сибöдны карас, туйяс кузя ветлөмөн юөртöй: ¹¹ "Буссö, мый көласис коканым тiян карын, ми бөр пыркöдам тiянлы. Тöдöй: Енлөн Юралöмыс воис тiянöдз". ¹² Висьтала тiянлы: Мыждан лунö Содом карлы лоас кокныдджык сiйö карыслы дорысь». ¹³ «Курыд шог тэныд, Коразин кар! Курыд шог тэныд, Випсаида кар! Тир да Сидон каръясын кө аддзылисны тiянын кодь вöчöм шензьöданаторъяссö, сэки эськө сэтчöс олысьясыс важөн нин бергöдчисны мыжъяссыныс, шогалан паськөм пасьталiсны да

юрнысö пöймөн киськалісны. ¹⁴ Мыждан лунö Тир да Сидон каръяслы лоас кокньыдджык тiянлы дорысь. ¹⁵ Тэ, Капернаум кар, чайтан енэжөдз кыпöдчыны? Ад пыдöсөдз усян! ¹⁶ Тiянöс кывзысь Менö кывзö, тiянöс öтдортысь Менö öтдорто, а Менö öтдортысь öтдорто Менö Мөдöдысьöс». ¹⁷ Сизимдас велöдчысь бөр воисны нимкодясигтыр да шуисны: «Господьöй, Тэнад нимөн тшöктiгөн весиг пеж ловъяс кывзысьöны миянлысь». ¹⁸ Исус шуис налы: «Ме аддзылі сöтаналысь чардби моз енэжсянь усьöмсö. ¹⁹ Со, Ме сета тiянлы вын таявны змейясöс, скорпионъясöс да омöлыслысь став вынсö, и тiянöс нинöм оз дойд. ²⁰ Энö нимкодясьöй сыысь, мый пеж ловъяс кывзысьöны тiянлысь, а нимкодясьöй сыысь, мый тiянлысь нимъяснытö гижöма енэжас». ²¹ Сэки Исус тыри Вежа Ловсянь нимкодълунөн. Сiйö шуис: «Ошка Тэнö, Батьöй, енэжыс да муыс вылын Ыджыдалысьöс! Тэ дзебин тайöс сюсь вежöраясысь да восьтiн кага коддьöмлы. Татшöм вöлі Тэнад бур көсiйöмьд, Батьöй». ²² Исус висьталіс велöдчысьясылы: «Батьöй ставсö сетіс Меным. Сöмын Батьыс тöдö, кодi Пиыс, да сöмын Пиыс тöдö, кодi Батьыс, и нöшта сiйö, кодлы Пиыс көсiйö восьтны». ²³ Сэсся велöдчысьясыс дiнö бергöдчöмөн Исус торiён шуис налы: «Шудаöсь найö, кодъяслөн синмыс аддзö, мый тi аддзанныд! ²⁴ Висьтала тiянлы: уна пророк да öксы көсiйисны аддзывны, мый тi аддзанныд, но эз аддзывны. Көсiйисны кывны, мый тi кыланныд, но эз кывлыны». ²⁵ Индöдö велöдысьясыс öти Исусöс кыйöм могысь юалис: «Велöдысь, мый меным колö вöчны, мед вичмис меным помтöм олöм?» ²⁶ Исус юалис сылысь: «Мый гижöма Индöдас? Мый сэтысь лыддьян?» ²⁷ Индöдö велöдысь вочавидзис: «Радейт асьыд Господь Ентö став сьöлөмнад, став олөмнад, став выннад, став мывкыднад да радейт матыссатö асьтö моз». ²⁸ Исус шуис сылы: «Бура вочавидзин. Вöч тадзи, сэки кутан овны». ²⁹ Асьсö дорiём могысь Индöдö велöдысь юалис Исуслысь: «Кодi меным матыссаыс?» ³⁰ Исус вочавидзис тадзи: «Öти морт ветлас Ерусалимысь Ерикон карö. Туяс сiйö веськалас лөк вöчысьяс киö. Найö пөрчöдасны сiйöс, вирöдз нöйтасны да колясны туй вылас кулан выйын. ³¹ Сiйö туйöдыс мунас поп, казялас нöйтöм мортöс да туй мөдарас вуджас. ³² Сы моз вöчас тшöтш левит: воас сэтчö, аддзас нöйтöм мортöс да вуджас туй мөдарас. ³³ Сэсся локтас сэтчö самарияса морт. Кор аддзас нöйтöм мортöс, сылөн сьöлөмыс нормас. ³⁴ Матыстчас сы дiнö, дойяссö мыськалас винаөн, мавтас выйөн да көртавлас. Пуксьöдас сiйöс аслас осёл вылö да ваяс туйморт керкаö, сэнi төждысяс сы вöсна. ³⁵ Аскинас самарияса морт сетас туйморт керка кутысьлы кык

динар да шуас: "Төждысь сы вöсна. Оз кө тырмы, локтöм бöрын содтöд мынтыся". ³⁶ Тэ ногөн, кодi тайö куим письыс нöйтöм мортыслы матыссаыс?» ³⁷ Индöдö велöдысь вочавидзис: «Сылы бур вöчысьыс». Исус шуис сылы: «Мун да тшöтш тадзи вöч». ³⁸ Исус велöдчысьясыскöд муніс водзö да пырис öти сиктö. Сэнi Марпа нима ань корис Исусöс гортас. ³⁹ Марпалөн вöлі Марья нима чой. Сiйö пуксис Господь Исуслөн кок дорö да кутіс кывзыны Сылысь висьталöмсö. ⁴⁰ Марпа унатор вöсна котраліс-төждысис. Сэсся Исус дiнö матыстчöмөн шуис: «Господьöй, Тэныд öмöй веськодь, мый чойöй менö öтнамöс колис төждысьнысö. Висьтав сылы, мед отсалас меным». ⁴¹ Господь Исус вочавидзис: «Марпа, Марпа, тэ төждысян-мырсян унатор вöсна, ⁴² а коланаыс сöмын öтитор. Марья бөрйис бурджыксö, и тайöс сылысь оз мырддьыны».

11 Öтчид Исус кевмысис. Кевмысьöм бöрас велöдчысьяс пиысь öти шуис Сылы: «Господьöй, велöд миянöс кевмысьны, кызди Иоан велöдiс асьыс велöдчысьяссö». ² Исус шуис налы: «Кевмысиганыд шуöй: – Батьöй миян, Тэ енэжъяс вылын олан. Мед лоö вежаөн Тэнад нимыд. Мед воас Тэнад Юралöмьд. Мед инас Тэнад көсiйöмьд му вылын енэжын моз. ³ Сет миянлы быд лун кежлö няньнымöс. ⁴ И прöстит миянлысь мыжъяснымöс, öд ми прöститам миян водзын мыжаясöс. Эн сет миянлы ылавны, но видз миянöс омöлысь». ⁵ Исус нöшта шуис: «Шуам, кодкö тiян пиысь вой шөр кадö мунас ёртыс ордö да шуас: "Ёртöй, водзöсав меным няньтор. ⁶ Öд менам ёртöй пырис ме ордö туй вывсянь, да нинöмөн верднысö". ⁷ Мөдыс воча шуас öдзöс сайсянныс: "Эн дөзмөдчы. Ме йигнаси нин, и ныв-пиöй узьöны нин. Ог вермы чеччыны няньтö сетны". ⁸ Висьтала тiянлы: сiйö кө оз чеччы да оз сет сылы ёртасьöмыс понда, вöчас тайöс ёртыслөн мырдөн корöмыс вöсна да сетас сылы колана мындасö. ⁹ Висьтала тiянлы: корöй, и тiянлы сетасны, корсьöй, и тi аддзанныд, игöдчöй, и тiянлы восьтасны. ¹⁰ Öд корысьлы сетöны, корсьысьлы сюрö да игöдчысьлы восьтöны. ¹¹ Эм-ö тiян пөвстын бать, кодi пиыслы сетас из, корас кө сiйö нянь? Сетас-ö змейöс, корас кө пиыс чери? ¹² Сетас-ö скорпионöс, корас кө пиыс кольк? ¹³ Тi лөкөсь, а сямманныд бурсö сетны асланыд ныв-пилы. Дерт нин, енэжыв Батьныд сетас Вежа Ловсö Сылысь корысьяслы». ¹⁴ Исус вöтліс сёрниттöм морт пытшкысь пеж лолöс. Пеж ловлөн петöм бöрын мортыс пондiс сёрнитны. Йöзсö тайö шензьöдiс, ¹⁵ а кодсюрö шуисны, Сiйö пö вöтлалö пеж ловъясöс налөн Вельзевул юралысь вынөн. ¹⁶ Мукöдыс Исусöс кыйöм могысь корисны петкөдлыны енэжсянь индысьпас. ¹⁷ Налысь

мөвпьяссө төдөмөн Исус шуис: «Ас муын олысьяс кә ас костаныс тышкасьоны, тайә муыс кушмас, да керкаясыс сәни киссясны. ¹⁸ Сөтанаыс кә аслыс паныд тышкасьө, дыр-ө кутчыяс сылөн ыджыдаломыс? Менә тә мыжаланныд пез ловъясөс Вельзевул вынөн вөтлөмысь. ¹⁹ Ме кә вөтлала пез ловъясөс Вельзевул вынөн, кутшөм вынөн, сідзкө, тиян йөзыд вөтлалөны? Найө тиянөс мыждасны. ²⁰ Ме кә Ен вынөн вөтлала пез ловъясөс, сідзкө, Енлөн Юралөмыс воис тиянөдз. ²¹ Вына морт кә видзө керкасө шыпуртөн, сылөн эмбурыс дзонь коляс. ²² Но сы вылө кә уськөдчас сыысь вынаджык, дерт, вынаджыкыс вермас сийөс, мырддяс шыпуртсө, мый вылө сийө лача кутис, да юклас босьтөм эмбурсө. ²³ Коді абу Мекөд, сийө Меным паныд, коді оз чукөрт Мекөд, сийө разөдө». ²⁴ «Морт пытшкыс петөм бөрын пез лов шөйтө ватөминъясті, корсьө шойччанін да оз аддзы. Сәки шуө: "Бөр муна важ оланінө, кытысь петі". ²⁵ Локтөм бөрас аддзө: оланінсө чышкөма-пелькөдөма. ²⁶ Сәки муно да босьтө аскөдыс сизим пез лолөс, асьыс на лөкджыкъясөс, сәсся ставныс найө овмөдчөны важ оланінас. Тайө мортыслы воддза дорсьыс нөшта на лөкджык лоө». ²⁷ Исуслөн сёрнитигөн йөз чукөрысь өти ань гораа шуис: «Шуда тәнө кынөмас новлөдлысь да морөснас нөньөдысь!» ²⁸ Исус шуис: «Шудаөсь Енлысь Кывсө кылысьяс да Ен Кыв серти олысьяс!» ²⁹ Йөзыс чукөрмис пыр унджык и унджык. Исус висьталіс налы: «Өнія олысьяс – лөкас сетчөм йөз. Найө көсийөны аддзывны индыспас, но Иона пророк пасысь кындзи оз ло налы мөдыс. ³⁰ Ниневия карын олысьяслы индыспасөн вөлі Иона, өнія олысьяслы – Морт Пи. ³¹ Лунвыв муысь өксы-ань сувтас Мыждан лунө өнія олысьяскөд да мыжалас найөс. Өд сийө му помсяныс воліс кывзыны Соломонлысь мывкыд сёрнисө. Тані Соломон дорысь ыджыдджык. ³² Ниневия карын олысьяс сувтасны Мыждан лунө өнія олысьяскөд да мыжаласны найөс. Өд Ионалөн юөртөм бөрын ниневияса йөз бергөдчисны асланыс мыжъясысь. Тані Иона дорысь ыджыдджык». ³³ «Өзтөм битө оз дзебны да оз пуктыны доз улө. Сийөс пуктөны бикок вылө, медым пырысьяс аддзисны югыдсө. ³⁴ Синмыд – вир-яйтө югдөдысь. Синмыд кә бур, став вир-яйыд югыдын. Синмыд кә лөк, вир-яйыд пемыдын. ³⁵ Видзөд, мед югыдыс тә пытшкын эз вөв пемыд! ³⁶ Тэнад кә став вир-яйыд югыдын, и весиг өти юкөн абу пемыдын, сәки тә ставнас пондан югъявны югдөдысь би моз». ³⁷ Кор Исус помаліс сёрнисө, өти фарисей корис Сийөс гортас пажнайтны. Исус локтис фарисей ордө да пуксис сөйны. ³⁸ Исуслөн мыссьытөг сөйны пуксьөмыс шензьөдіс фарисейөс. ³⁹ Господь шуис сылы: «Ті,

фарисейяс, тасьтә-дозмуклысь ортсысө весаланнид, а пытшкөсныд горшлунөн да лөкөн тырөма. ⁴⁰ Везөртөмъяс! Эз-ө ортсысө вөчысыс вөч тшөтш пытшкөссө? ⁴¹ Сетөй корысьяслы, мый дозмук пытшкас. Сәки ставыс тиян лоө сөстөм. ⁴² Курыд шог тиянлы, фарисейяс! Ті сетанныд исань турунысь, рута корйысь да став пуктасысь дасөд юкөнсө, а веськыда мыждөмсө да Енмөс радейтөмсө бокө вештанныд. Тайөс колө вөчны да мукөдторсө оз ков вунөдны. ⁴³ Курыд шог тиянлы, фарисейяс! Ті радейтанныд синагогаын водзын пукавны да йөзаинын чолөмалөмъяс кывзыны. ⁴⁴ Курыд шог тиянлы, Индөдө велөдысьяс да фарисейяс! Кык бана шаньгаяс! Ті пасйитөм шойгуяс кодьөсь, йөзыс төдтөгныс ветлөны на вывті». ⁴⁵ Сәки Индөдө велөдысьясыс өти шуис Сылы: «Велөдысь, татшөм сёрнинад тә дойдан тшөтш миянөс». ⁴⁶ Исус воча шуис: «Курыд шог тшөтш тиянлы, Индөдө велөдысьяс! Ті пуктанныд йөзлы пельпом вылас нуны вермытөм нөбъяс, но асьныд весиг чунь помнытө онө инмөдлөй сэтчө. ⁴⁷ Курыд шог тиянлы! Ті сувтөданныд изъяс пророкъяслы, кодъясөс батьясныд виисны. ⁴⁸ Тайөн ті петкөдланныд, мый өтутчанныд батьясныдлөн уджъясө: найө виисны пророкъясөс, а ті сийө пророкъясыслы изъяс сувтөданныд. ⁴⁹ Та вөсна Енлөн мывкыдлуныс висьталө: "Мөдөда на динө пророкъясөс да апостольясөс. Өтиясөс найө виасны, мөдъясөс вөтласны". ⁵⁰ Тадзи өнія олысьяслы ковмас мынтысьны став пророкыслөн вирысь, кодөс кисьтөма му пуксьөмсяныс: ⁵¹ Авель вирсянь Закар вирөдз, кодөс виисны висьпуктанін да крам костын. Висьтала тиянлы: өнія олысьяслы ковмас мынтысьны таысь. ⁵² Курыд шог тиянлы, Индөдө велөдысьяс! Ті босьтінныд төдөмлуныслысь восьтансө. Асьныд энө пырөй и пырны көсийысьяслы потшинныд туйсө». ⁵³ Исуслөн сёрнитигөн Индөдө велөдысьяс да фарисейяс пондісны өна топөдны Сийөс юалөмъясөн, ⁵⁴ найө зілисны крукыштны Сийөс, корсисны помка мыжавны Сийөс.

12 Сәккөсті чукөрмис уна сюрс морт, найө весиг дзескөдісны өта-мөднысө. Исус медводз шыасис велөдчысьяс дінас: «Видзчысьөй фарисей няньшомысь, налөн кодь кык бана оласногысь.

² Став дзебөмаыс тыдовтчас да став гусяыс йөзасяс.

³ Пемыдын шуөмтө кыласны югыдын, керка пытшкын пельө вашкөдөмтө юөртасны керка вывсянь».

⁴ «Висьтала тиянлы, менам өртъясөй: энө полөй вир-яйтө виысьясысь, унджыксө найө сәсся вөчны оз вермыны.

⁵ Висьтала, кодысь колө повнысө. Полөй Сыысь, коді виөм бөрас вермө шыбитны куслытөм биө. Шуа тиянлы: Сыысь полөй.

⁶ Оз-ө сөмын кык урысь вузавны вит пышкайөс? На

пиысь весиг өтиөс абу вунөдөма Енмыс. ⁷ А тiянлысь став юрсинитө лыддьөма. Сидзкө, энö полöй, тi öд донаджыкөсь пышкайясысь». ⁸ «Висьтала тiянлы: кодi оз яндысь Меысь йöз водзын, сыысь Морт Пи оз яндысь Енлөн анделъяс водзын. ⁹ Кодi соссяс Меысь йöз водзын, сыысь Ме сосся Енлөн анделъяс водзын. ¹⁰ Лөкөдан кө Морт Пиöс, лоан прöститöма. Омöльтан кө Вежа Лолöс, он ло прöститöма. ¹¹ Кор тiянöс нуөдасны синагогаясö да юралысь-веськөдлысьяс водзö, энö майшасьöй, кызди дорйыны асьнитö да мый шуны. ¹² Сийö кадас Вежа Лов туйдөдас тiянöс, мый колö шунысö». ¹³ Йöз чукöрысь öти морт шуис Исуслы: «Велöдысь, шу вокöйлы, мед бать-мамсянь кольöм овмöссö юкас мекöд». ¹⁴ Исус шуис: «Кодi сувтöдiс Менö ёрдысьнас, мед тiянлысь овмöснытö юкны?» ¹⁵ Сэсся шуис ставныслы: «Видзчысьöй горшасьöмысь, öд мортыдлөн олöмыс абу сылөн ыджыд озырлун сайын». ¹⁶ Исус висьталiс налы велöданвисьт: «Озыр мортлөн муыс бур быдтас сетас. ¹⁷ Сийö мөвпыштас: "Мый вöчны? Быдтасöй видзанiнъясö оз тöр". ¹⁸ Сэсся шуас: "Косяла йöртöдъясöс да вöча гырысьджыкъясöс, чукöрта сэтчö став няньöс да ассыым став эмбурöс. ¹⁹ Сэки шуа аслым: уна буртор уна во кежлö чöжöма тэнад – шойччы, сөй, ю да гажöдчы!" ²⁰ А Ен шуас сылы: "Вежөртöмöй, тавой босьтасны тэнсьид ловтö. Кодлы коляс тэнад чöжöмаыд?" ²¹ Тадзи лöө быдöнкöд, кодi аслыс чукöртö озырлунсö, а оз Енсянь озырмөдчы». ²² Исус шуис велöдчысьясылы: «Та вöсна шуа тiянлы: энö майшасьöй сөян да паськөм вöсна. ²³ Олöмныд öд донаджык сөянысь да вир-яйныд паськөмысь. ²⁴ Видзöдлöй кырныштъяс вылö: найö оз кöдзны, оз вундыны, налөн абу йöртöдъяс, абу эмбур видзанiнъяс. Енмыс вердö найöс. Кымын пөв тi донаджыкөсь лэбачьясысь! ²⁵ Вермас-ö тiян пиысь кодкö зильöмөн-тöждысьöмөн нюжöдыштны ассыыс олан нэмсö? ²⁶ Тi кө весиг ичöтикторсö онö вермöй, мыйла мукöдторйыс вöсна майшасянныд? ²⁷ Видзöдöй дзоридзьяслөн быдмөм вылö: найö оз мырсьыны, оз печкыны. Висьтала тiянлы: ачыс Соломон став озырлун дырйиыс эз пасьтасьлы весиг öти татшөм дзоридзысь мичаджыка. ²⁸ Енмыс кө тадзи пасьтöдö видзвыв турунöс, кодi талун быдмö, а аски шыбитасны пачö, оз öмöй Сийö пасьтöд тiянöс, этша эскысыя! ²⁹ Энö корсьысьöй, мый сөйны-юны. Энö майшасьöй та вöсна. ³⁰ Тайö ставыс майшöдлö ентöдтöмъясöс. Но тiян Батьныд тöдö, мый тайö колö тiянлы. ³¹ Корсьöй Енлысь Юралöмсö, сэки тiян ставыс тайö лöө. ³² Эн пов, ичöt чукөр! Öд тiян Батьныд шуис сетны тiянлы Юралöм. ³³ Вузалöй ассыыныд овмöстö, сьöмсö сетöй гöльяслы. Лöсьöдöй аслыныд важмытөм

видзанiнъяс да чöжöй бырлытөм озырлун енэжö. Сэтчö гусясысь оз пыр да сэнi воз оз сөй. ³⁴ Көнi озырлунныд, сэнi лöө и сьöлөмныд». ³⁵ «Вөнясьöй да öзтöй бинитö. ³⁶ Лоöй кесйөгъяс кодьöсь, кодъяс виччысьöны асланыс ыджыдлысь көлысь вылысь локтöмсö. Воөм бöрас ыджыдныс тотшкөдчас öдзöсас, да найö пырысь-пыр осьтасны. ³⁷ Кесйөгъяс шудаöсь, ыджыдыс кө гортас воигөн аддзас, мый найö виччысьöны сийöс. Воськыда висьтала тiянлы: ыджыдыс сэки вөнясь, корас кесйөгъяссö пызан сайö да ачыс пондас кесьявны налы. ³⁸ Ыджыдыс кө воас весиг вой шөрнас либö вой шөр бöрас да аддзас, мый кесйөгъясыс виччысьöны сийöс – тайö кесйөгъясыс шудаöсь! ³⁹ Тi тöданныд: керка кутысь кө тöдiс гусясысьлысь локтан кадсö, сэки эськö эз узь да эз лэдз керкаас. ⁴⁰ Лоöй дасьöсь, öд Морт Пи локтас виччысьтөг». ⁴¹ Петыр юалис: «Господьöй, тайö велöданвисьтсö висьталан миянлы али быдөнлы?» ⁴² Господь шуис: «Лоöй эскана да мывкыда кесйөг кодьöсь. Татшөмсö ыджыдыс пуктас веськөдлыны мукöд кесйөгъясөн, медым ас кадö налы сөян-юан сетны. ⁴³ Кесйөггыс шуда, ыджыдыс кө гортас воигөн аддзас сийöс тадзи вöчөмөн. ⁴⁴ Збыльысь висьтала тiянлы: ыджыдыс пуктас сийöс веськөдлыны став аслас овмöсөн. ⁴⁵ Но кесйөггыс вермас мөвпыштны: "Ыджыдöй дыр на оз лок". Сийö пондас нöйтны мукöд кесйөгъясöс, сөйны-юны да кодавны. ⁴⁶ Но виччысьтөм лунö, лöсвятөм кадö кесйөглөн ыджыдыс воас. Сийö кералас кесйөгсö да шыбитас сийöс эскытөмъяс дiнö. ⁴⁷ Кесйөг кө тöдö ыджыдыслысь көсийöмсö да оз дасьтысь-вöч сы ног, сийöс чорыда нöйтасны. ⁴⁸ А тöдтөг кө вöчас мыжсö, сийöс нöйтасны этшаджык. Кодлы уна сетöма, сылысь уна корасны. Кодлы уна эскöма, сылысь уна юаласны». ⁴⁹ «Ме локтi би вайны му вылö да ёна көсья, медым сийö öзйис нин. ⁵⁰ Пыртчөмөн колö Меным пыртчыны, и Ме ёна сьöкыдала, кытчöдз тайö оз ло. ⁵¹ Тi ног, Ме локтi вайны му вылö лөнө олөм? Эг! Ме локтi торйöдны йöзсö. ⁵² Öнисянь öти керкаын вит олысь öта-мөдныслы паныд сувтасны: куимыс – кыкыслы паныд, кыкыс – куимыслы. ⁵³ Батьыс паныд сувтас пиыслы, пиыс – батьыслы, мамыс – нылыслы, нылыс – мамыслы, энкыаыс – моньыслы, моньыс – энкыаыслы». ⁵⁴ Исус висьталiс йöзыслы: «Рытиввывсянь кыпöдчысь кымөр аддзигөн тi шуанныд: "Зэрмас". Тайö тадзи. ⁵⁵ Лун төв кө петас, шуанныд: "Пöжны кутас". Тадзи и эм. ⁵⁶ Кык бана шаньгаяс! Енэжлысь да мулысь чужөмбансö кужанныд тöдмавны, мыйла öнiя кадсö онö вермöй тöдны?» ⁵⁷ «Мыйла асьныд онö вермöй гөгөрвоны, кызди колö вöчнысö? ⁵⁸ Ковмас кө мунны ёрдö, зиль бурасыны тэнö мыжалыськөд ёрдö вотöдз на. Он кө вöч тадзи, сийö нуөдас тэнö

ёрдысь дінө, ёрдысь сетас тэнö видзысьлы, а видзысь йёртас тэнö дзескыдінö. ⁵⁹ Висьтала тэныд: бөръя сьöмтö сеттöдз он пет сэтись».

13 Сэки матыстчисны Исус дінö кодсюрö да висьталісны галилеясясöс крамын виöм йылысь. Найöс виöмаось вись вайиганыс Пилат тшöктöм серти, да налөн вирыс сорласьöма вись виркөд. ² Исус шуис: «Ті ног, найö вöліны мыжаджыкось мукөд галилеясяс дорысь, тадзи кö кулісны? ³ Эз. Шуа тiянлы: на моз ті ставныд куланнйд, онö кö бергöдчöй мыжъяссьыныд. ⁴ Мый шуаннйд дас көкъямысыс йылысь, кодъяс вылö Силоамын уси башня да лямöдiс кувтöдзныс? Вöліны-ö найö мыжаджыкось Ерусалимын мукөд олысьяс дорысь? ⁵ Эз. Шуа тiянлы: на моз ті ставныд куланнйд, онö кö бергöдчöй мыжъяссьыныд». ⁶ Исус висьталіс татшöм велöданвисьт: «Öти мортлөн виноград йöрас вöлі быдмö инжир пу. Сійö локтас инжирла, но вотöсыс оз сюр. ⁷ Сэки сійö шуас виноград йöрын уджалысьлы: "Куим во чöж нин виччыся тайö инжир пуыслысь вотöссö, но аддза, мый весьшöрö. Керышт сійöс, öд сöмын муыслысь вынсö босьтö". ⁸ Уджалысь вочавидзас: "Ыджыдöй, коль на сійöс тайö во кежлас. Ме сійöс мудья да мусö куйöдала. ⁹ Локтан вонас кö оз вай вотöссö, сэки керыштан сійöс"». ¹⁰ Шойччан лунö Исус велöдiс синагогаын. ¹¹ Сэні вöлі мышкыртчöм, веськöдчыны вермытöм ань. Дас көкъямыс во чöж пеж лов кутöма сійöс тайö висьöмнас. ¹² Исус аддзис аньöс, корис сійöс да шуис: «Аньöй, тэ мездмин висьöмсьыд». ¹³ Исус пуктыліс кисö ань вылö, и сійö дзик пыр веськöдчис да пондiс ошкыны Енмöс. ¹⁴ Шойччан лунö висьысьöс бурдöдöмыс скöрмöдiс синагогаса юралысьöс. Сійö шуис йöзыслы: «Вежонас квайт лун сетöма уджавнысö, сэки локтöй бурдöдчынытö, а энö шойччан лунö». ¹⁵ Господь воча шуис: «Кык бана шаньга! Шойччан лунö онö öмöй разьлöй лясни дорысь öш-осёлнытö да онö öмöй нуöдлöй найöс юктавны? ¹⁶ Öвраамлысь тайö нывсö сötана көрталöмөн кутiс дас көкъямыс во чöж. Эз öмöй ков мездыны сійöс шойччан лунö?» ¹⁷ Исуслөн кывъясысь яналісны Сылы паныд мунысьяс. Йöзыс, мöдарö, нимкодясисны Сылөн чуймöдана уджъясысь. ¹⁸ Сэсса Исус шуис: «Кутшöм Енлөн Юралöмыс? Мыйкөд öткодьяла сійöс? ¹⁹ Сійö муö кодзöм горчица тусь кодь. Сійö быдмö да лöö ыджыд пу кодь, весиг енэжвыв лэбачьяс поздысьöны вожъясас». ²⁰ Исус бара шуис: «Мыйкөд öткодьяла Енлысь Юралöмсö? ²¹ Сійö няньшом кодь. Ань гудралас сэтчö куим шомöс тыр пызь, кад мысти няньыс ловзяс». ²² Исус мөдöдчис Ерусалимö. Сикт-каръяс пыр мунiгөн Сійö велöдiс йöзсö. ²³ Кодкö юаліс Исуслысь: «Господьöй, этшаөн

öмöй мездмасны?» Исус вочавидзис: ²⁴ «Став вынтö пуктöй, медым пырны векнъыд öдзöсöд. Висьтала тiянлы: унаөн зiясны пырны, сöмын оз вермыны. ²⁵ Воас кад, кор керка кутысь чеччас да йигналас öдзöссö. Ъвласяньыс öдзöсö игöдчöмөн понданныд вöзйысьны: "Ыджыдöй, Ъджыдöй, восьт миянлы!" Сійö вочавидзас: "Кодъяс ті? Ме ог тöд тiянöс". ²⁶ Тi шуаннйд: "Ми тэкöд öтлаын сөйлім-юлім. Тэ велöдлiн миян каръясын". ²⁷ Сійö шуас: "Висьтала тiянлы: ог тöд тiянöс. Кытысьöсь ті? Мунöй Ме дорысь, ставныд ті лёк вöчысьяс!" ²⁸ Кор ті аддзанныд Енлөн Юраланiнысь Öвраамöс, Исаакöс, Яковöс да став пророксö, а асьнытö ортыас шыбитöмаөн, сэки лöö бөрдöм да пинь йирöм. ²⁹ Асыввылысь да рытиввылысь, войвылысь да лунвылысь локталасны Енлөн Юраланiнö да пуксясны пызан сайö. ³⁰ Сэки бөръяяс лöоны воддзаөн, а воддзаяс – бөръяөн. ³¹ Сійö лунö фарисейясысь кодсюрö локтiсны да шуисны Исуслы: «Тэныд колö мунны татысь, Ирöд көсiйö вины Тэнö». ³² Исус воча шуис налы: «Мунöй, висьталöй тайö ручыслы: талун да аски Ме вöтлала пеж ловъясöс да бурдöда йöзöс, а коймöд луннас эштöда уджöс. ³³ Но талун, аски да аскомысь Меным колö водзö мунны, öд оз овлы, медым пророкöс виисны Ерусалимысь кындзи мöдлаын. ³⁴ Ерусалим, Ерусалим! Пророкъясöс виалысь да тэ дiнö ыстöмаясöс изъялысь! Кымынысь Ме көсйи чукöртны тэнсьыд ныв-питö, кызди лэбач чукöртö асьыс пиянсö борд улас, но ті энö көсiйöй. ³⁵ Со, тiян крамныд тыртöммас. Шуа тiянлы: онö аддзöй Менö тайö кывъяссö шутöдз: "Бурсиöма Господь нимөн Локтысьöс!"»

14 Шойччан лунö Исус муніс фарисейслөн öти юралысь ордö сөйны. Сэні ставөн сюся видзöдiсны Исус бөрся. ² Сы дiнö локтiс ва пыкталöмөн висьысь морт. ³ Исус юаліс Индöдö велöдысьяслысь да фарисейяслысь: «Позьö-ö шойччан лунö бурдöднысö?» ⁴ Найö чöv олісны. Исус инмöдчылöмөн бурдöдiс висьысьöс да ыстiс сiйöс гортас. ⁵ Исус бара юаліс: «Шойччан лунö кө тiян осёлныд либö öшныд усяс юкмöсö, онö öмöй пырысь-пыр лэптöй сiйöс сэтись?» ⁶ Найö нинöм эз вермыны воча шуны. ⁷ Исус казяліс, мый пызан сайö пуксигөн корöмаяс корсисны бурджыкинсö. Сэки Сiйö шыасис на дiнö велöданвисьтөн: ⁸ «Корасны кө тэнö көлысь вылö, эн пуксьы бурджыкинас. Сэні вермас лоны тшöтш кодкö, кодi корöмаяс пиысь пыдди пуктанаджык тэысь. ⁹ Сэки көлысь вылö корысь матыстчас тэ дiнö да шуас: "Тайö мортыс мед пуксяс татчö". Сэки тэ яналан, öд тэныд ковмас вуджны пызан помас. ¹⁰ Кор тэ локтан көлысь вылö, пуксьы пызан помланьыс. Тэнö корысь кө матыстчас да шуас: "Ёртöй, пуксьы

матоджык", сэки тэ лоан коромаяс водзын пыдди пуктомаон. ¹¹ Од асьсө вылө пуктысьсөс лэдзасны, асьсө улө пуктысьсөс кыпөдасны». ¹² Сэсса Исус шуис Сійөс корысьлы: «Лөсьөдан кө пызан, эн корав ёртъястө, вокъястө, рөдвужтө, орччөн озыра олысьястө. Од найө сэсса коркө асьныс корасны тэнө, тадзи мынтысясны тэныд. ¹³ Мөдарө, лөсьөдан кө пызан, кор гөльясөс, доймалөмаясөс, коктөмъясөс да синтөмъясөс. ¹⁴ Тэ шуда лоан, өд найө оз вермыны мынтысьнысө тэныд. Тэныд лоө мынтөма веськыда олысьяслөн ловзьөм дырйи». ¹⁵ Тайөс кылөм бөрын сөйысьясысь өти шуис: «Шуда Енлөн Юраланінын пызан сайө пуксысь!» ¹⁶ Исус воча шуис: «Өти морт ыджыд пызан лөсьөдас да унаөс корас. ¹⁷ Пызан сайө пуксян кад матыстчигөн сійө мөдөдас асьыс кесйөгсө висьтавны корөмаяслы: "Локтөй, ставыс нин дась". ¹⁸ Водзвыв сёрнитчөмөн моз ставныс шуасны, огө пө вермөй локнысө. Оти шуас: "Ме му ньөби, колө ветлыны видзөдлыны сійөс. Эн дөзмы, ог эшты". ¹⁹ Мөд шуас: "Дас өш ньөби, муна видлыны найөс. Эн дөзмы". ²⁰ Коймөд шуас: "Ме гөтраси да, ог вермы локнысө". ²¹ Кесйөг бөр локтас да висьталас та йылысь ыджыдыслы. Сійө ёна скөрмас да шуас кесйөгыслы: "Мун дзик пыр туйвежъясө да йөзаинъясө, вайөд татчө гөльясөс, доймалөмаясөс, коктөмъясөс да синтөмъясөс". ²² Локтөм бөрас кесйөг шуас: "Ыджыдөй, тэнсыд тшөктөмтө вөчи, но пызан саяд эм на пуксяніныс". ²³ Мөдыс вочавидзас: "Пет карсыс, ветлы туйя-потшөсьяс пөлөн да тшөкты локнысө, медым менам керкай вөлі тыр. ²⁴ Висьтала тиянлы: воддза корөмаясысь весиг өти морт оз видлы менсым пызанвыв сөянөс". Унаөс корөма, но этшаөс бөрйөма». ²⁵ Уна йөз муніс Исускөд. Налань бергөдчылөмөн Сійө шуис: ²⁶ «Ме динө локтысьлы кө бать-мамыс, гөтырыс, ныв-пиыс, чой-вокыс да аслас олөмыс Ме дорысь мусаджык, сійө оз вермы лоны Менам велөдчысьөн. ²⁷ Коді оз ну асьыс крестсө да оз лок Ме бөрся, сійө оз вермы лоны Менам велөдчысьөн. ²⁸ Кодкө тиян пиысь кө мөвпыштас ыджыд керка лэптыны, оз-ө сійө водзджык пуксы да артышт, тырмас-ө сылөн сьөмыс керкасө лэптыны. ²⁹ Вермас артмыны, мый подувсө пуктас, а помавнысө оз вермы. Сэки пондасны серавны сійөс: ³⁰ "Видзөдлөй, лэптынысө босьтчис, а помавнысө эз вермы!" ³¹ Оксылы кө ковмас тышө петны мөд оксылы паныд, оз-ө сійө водзджык пуксы да бура мөвпышт, вермас-ө сійө дас сюрса тышкайөзнас водзсасыны кызь сюрса тышкайөзкөд. ³² Оз кө вермы, сійө мөдөдас сёрнитчысьясөс паныд локтысь оксы динө, мед бурасыны ськөд. ³³ Ті кө онө кольөй ставсө, мый тиян эм, онө вермөй лоны Менам велөдчысьясөн». ³⁴ «Солыд – буртор. Но

солыс кө воштас асьыс вынсө, кызди сійөс бөр соланас вөчан? ³⁵ Сійөс весиг оз шогмы муө суйны, сөмын кольө шыбитны. Кодлөн эм пель, мед кылө!»

15 Вот перйысьяс мукөд мыжаяскөд локтисны Исус динө кывзыны Сійөс. ² Фарисейяс да Индөдө велөдысьяс шуасисны: «Сійө ветлө мыжаяскөд, весиг өтлаын сөйө накөд». ³ Сэки Исус висьталіс налы велөданвисьт: ⁴ «Мый вөчас морт, вошас кө сылөн сө ыжсьыс өти? Оз-ө сійө коль өкмысдас өкмыссө овтөминө да мун корсьны вошөмасө? ⁵ Аддзөм бөрас долыдпырысь босьтас ыжсө пельпом вылас. ⁶ Локтас гортас, корас ёртъяссө, орччөн олысьяссө да шуас налы: "Нимкодьясьөй! Ме аддзи асьым вошлөм ыжөс". ⁷ Висьтала тиянлы: енэжын нимкодьясьөмыс өти морт вөсна, коді бергөдчис мыжъяссьыс, лоө ёна ыджыдджык өкмысдас өкмыс веськыда олысь дорысь, кодъяслөн абу коланлуныс бергөдчыны мыжъяссьыс». ⁸ «Ань кө воштас дас эзысь сьөмсьыс өтикөс, оз-ө биасьөмөн сійө кут чышкыны джоджсө да корсьны вошөмторсө. ⁹ Аддзөм бөрас корас нывьёртъяссө, орччөн олысь анясьсө да шуас налы: "Нимкодьясьөй! Ме аддзи воштылөм сьөмөс". ¹⁰ Висьтала тиянлы: тадзи тшөтш нимкодьясьөны Енлөн анделъяс мыжъяссьыс бергөдчысь өти морт вөсна». ¹¹ Нөшта Исус висьталіс: «Өти мортлөн вөлі кык пи. ¹² Ичөтыс шуас батыслы: "Батьөй, сет овмөссьыд менсым пайөс". Батыс юкас овмөссө кыкнан пиыслы. ¹³ Кымынкө лун мысти ичөт пиыс став аслас овмөснас мунас ылі муө, сэні кокныд оласногысла лотас ставсө. ¹⁴ Сэки тайө муас пуксян тшыг олөм. Тшыглуныс топөдас сійөс. ¹⁵ Сійө медасяс сэтчөс өти морт динө видзны порсьяссө. ¹⁶ Сійө дась вөлі пөткөдчыны быдмөгөн, мый сөйлісны порсьяс, но весиг тайө сылы эз вичмыв. ¹⁷ Ас садяс воөм бөрын сійө шуас: "Батьөлөн меда йөзыс пөттөдзныс сөйөны, а ме тані тшыглы кула. ¹⁸ Чечча да муна бать динө, шуа сылы: Батьөй, ме мыжа енэжыс водзын да тэ водзын. ¹⁹ Ме ог шогмы шусьыны тэнад пиөн, босьт менө медалөм уджалысь пыдди". ²⁰ Сійө чеччас да мөдөдчас батыс ордө. Ылісянь на батыс аддзас писө, да сылөн сьөлөмыс нормас. Сійө котөрөн уськөдчас пиыслы паныд, сывйыштас да окалас писө. ²¹ Пиыс шуас: "Батьөй, ме мыжа енэжыс водзын да тэ водзын. Ме ог шогмы шусьыны тэнад пиөн". ²² Батыс тшөктас кесйөгъясыслы: "Вайөй медбур паськөмсө да пасьтөдөй менсым пиөс, чунькытшөдөй да көмөдөй сійөс. ²³ Начкөй тшөгөдөм кукань. Пондам сөйны-гажөдчыны талун! ²⁴ Менам пиөй вөлі кулөма, а өні ловъя, вөлі вошөма, а өні сюрис". Ставныс пондасны гажөдчыны. ²⁵ Ыджыд пиыс вөлі видз вылын. Керка дорас матыстчигөн сійө кылас сьылөм-гажөдчөмсө,

²⁶ чукөстас өти кесйөгөс да юалас: "Мый тани?"
²⁷ Сийө вочавидзас: "Тэнад вокод бөр локтис. Батьыд тшөктис начкыны тшөгөдөм куканьөс, өд вокод ловйөн воис".²⁸ Ыджыд пиыс ёна скөрмас, весиг оз пыр керкаас. Батьыс петас корны сийөс.²⁹ Пиыс шуас батьыслы: "Кымын во ме тэныд уджала, тэнсыд пыр кывзыся, но тэ весиг козапитө эн сет меным, медым ёртъясөйкөд гажөдчыштны."³⁰ Тэнад тайө пиыд лотис став овмөссө кырсалысь аньяскөд. Öнi локтис, да тшөгөдөм куканьөс начкин сылы!"
³¹ Батьыс шуас: "Пиой, тэ өд пыр вөлин мекөд. Ставыс мый менам – тэнад."³² Вокод вөсна колө гажөдчыны-нимкодясьны, өд сийө вөли кулөма, а öнi ловъя, вөли вошөма, а öнi сюрис"».

16 Исус висьталис велөдчысьясылы: «Öти озыр мортлөн вөли овмөс нуөдысь. Озыр мортлы норасясны, овмөс нуөдысьыд пө куштө овмөстө.
² Сийө корас овмөс нуөдысьсө ас дiнас да шуас сылы: "Төдан-ө, мый кывсьө тэ йылысь? Петкөдлы удж нуөдөмтө, талунсянь тэ он кут веськөдлыны менам овмөсөн".³ Овмөс нуөдысь кутас мөвпавны: "Ыджыдөй вөтлө менө. Мый вөчны? Му бергөдлыны ог вермы, корысьөдз усьны яндзим.
⁴ Со мый колө вөчны, медым мукөдыс сибөдасны менө асланыс керкаө".⁵ Сийө корас өти бөрся мөдөс ыджыдыслы уджйөзаясөс. Öтилысь юалас: "Уна-ө тэ уджйөза?"⁶ Сийө вочавидзас: "Сө пельса вый". Овмөс нуөдысь шуас: "Тани тэнад уджйөз гижөдыд. Пуксьы да гиж ветымынөс".⁷ Сэсся мөдлысь юалас: "Тэ уна-ө уджйөза?" Сийө вочавидзас: "Сө мешөк шобдi". Овмөс нуөдысь шуас: "Тани уджйөз гижөдыд. Гиж көкъямысдасөс".⁸ Ыджыдыс ошкыштас пөръялысь овмөс нуөдысьөс сылөн сюсьлунысь. Тайө муыгдса пияныс ас костаныс сюсьджыкөсь югыдыслөн пиян дорысь.⁹ Висьтала тiянлы: лөсьөдөй аслыныд ёртъяснытө муыввса ылөг озырлун отсөгөн, медым озырлунныд бырөм бөрын найө сибөдасны тiянөс бырлытөм оланинө». ¹⁰ «Кодi эскана ичөтас, сийө лоө эскана ыджыдас. Ичөтас ылөддысь ылөдлас и ыджыдас.¹¹ Тi кө лёка веськөдланныд муыввса ылөг озырлуннас, сетасны-ө тiянлы збыльысь донасө? ¹² Тi кө лёка веськөдланныд йөз озырлунөн, сетасны-ө тiянлы асьыныд? ¹³ Кесйөг оз вермы кесъявны кык ыджыдлы. Öтисө кө радейтө, мөдсө мустөмтө. Öтисө кө пыдди пуктө, мөдсө увтыртө. Тi онө вермөй кесъявны Енлы, кесъяланныд кө озырлунлы». ¹⁴ Тайөс кывлисны фарисейяс. Найө сералисны Исусөс, өд налы вөли муса озырлуныс.
¹⁵ Исус шуис налы: «Йөз водзын тi петкөдланныд асьнытө веськыда олысьясөн, но Енмыс төдө тiянлысь сьөлөмнытө. Мый йөзыс донъялөны вылө, сийө Енмыслы зывөк». ¹⁶ «Индөдыс да пророкъяс вөлины Иоанөдз. Öнi юөртөны Енлөн

Юралөм йылысь, да быдөн ёна зильө пырны сэтчө.
¹⁷ Индөдысь өти чуттор вошөм дорысь енэжыс да муыс өдйөджык бырас.¹⁸ Гөтырсө энвтысь да мөдкөд гөтрасысь гозъя олөм пежалө. Юксьөм аньөс гөтырө босьтысь тшөтш пежалө». ¹⁹ «Вөли озыр морт. Сийө новлис дона мича паськөм да быд лун лышкыда гажөдчис.²⁰ Лазар нима корысь куйлис сылөн дзиръя дорын да виччысис, оз-ө вичмы сылы озыр мортлөн пызан вывсьыс гылалөм торпыригыс. Лазарлөн кучикыс ставнас вөли лөмөсь, весиг понъяс волывлисны нювны лөмсө.²² Лазар кули, и анделъяс нуисны сийөс Öвраам динө. Кулис тшөтш озыр морт, и сийөс дзевисны.²³ Адын мучитчигөн озыр морт лэптис синсө да аддзис ылынкодь Öвраамөс да сы дорысь Лазарөс.²⁴ Озыр морт горөдiс: "Öвраам батьөй, ло бур сьөлөма ме динө! Мөдөд Лазарөс, мед көтөдас чунь помсө да көдзөдас менсьым кывйөс, өд ме мучитча тани би пытшкас".²⁵ Öвраам шуис: "Пиукөй, төд вылад уськөд: тэ босьтiн нин бурсө, а Лазарлы лёкыс уси. Öнi сийө сьөлөмсө бурмөдө тани, а тэ мучитчан.²⁶ Таысь өтдор мянөс торйөдө ыджыд пыдөстөмин – тадзи мянсянь тiян динө көсйысьяс вуджны оз вермыны, тшөтш тiянсянь мян динө оз вермыны вуджны".²⁷ Сэки озыр морт шуис: "Кора тэнө, Öвраам батьөй, мөдөд сийөс менам бать керкаө,²⁸ мед өлөдас менсьым витнан вокөс тайө мучитчанiнас веськалөмысь".²⁹ Öвраам шуис сылы: "Налөн эм Мөйсей да пророкъяс, мед найөс кывзасны".³⁰ Сийө шуис: "Оз кывзыны, Öвраам батьөй. Но найө бергөдчасны мыжъяссьыныс, локтас кө на динө кодкө кулөмаясысь".³¹ Сэки Öвраам шуис сылы: "Мөйсейөс да пророкъясөс кө оз кывзыны, найө оз эскыны весиг кулөмаясысь ловзысьылы"».

17 Исус висьталис велөдчысьясылы: «Ыштөдөмъяслы колө локнысө, но курыд шог сылы, код пыр локтөны ыштөдөмъясыс!² Бурджык сылы, сьылиас кө ыджыд изки өшөдасны да шыбитасны саридзө, тайө ичөтъясысь öтикөс ыштөдөм дорысь.³ Видзчысьөй таысь! Вокод кө мыж вөчас тэныд паныд, өлөд сийөс. Асьыс мыжмөмсө кө осьтас, прөстит сийөс.⁴ Сизимысь кө луннас тэ водзын мыжмас да сизимысь кө тэ динө локтөмөн шуас: "Ме мыжа", прөстит сийөс». ⁵ Апостольяс шуисны Господьлы: «Содты мянлы эскөмсө». ⁶ Господь шуис: «Лоас кө тiян эскөмныд горчица тусь ыджда, верманныд шуны тайө пуыслы: "Нетшыштчы вужнад да вужъясь саридзас" – и сийө кывзысяс тiянлысь». ⁷ «Гөрөм бөрын либө пемөсьясөс видзөм бөрын кө кесйөгныд локтас, шуанныд-ө сылы: "Медводз пуксьы да сөй".⁸ Дерт, онө. Тi шуанныд: "Дасьты меным сөян-юан, вөнся да кесъяв меным. А меным кесъялөм бөрын ачыл

верман сёйны-юны". ⁹ Кесйог кө вочо тшөктөм серти, сэки сйос оз аттьоавлыны. ¹⁰ Тадзи тшөтш ті, вочанныд кө тшөктөм серти, вочом бөраныд шуой: "Ми сөмын кесйогъяс. Мый колө вөлі вочны, ми вочим". ¹¹ Ерусалимө мунігөн Исус муніс Самария да Галилея муяс пыр. ¹² Оти сиктө воигөн Сйос паныдалісны проказаон висъысь дас морт. Ылө сувтөмөн ¹³ найө горзисны: «Исус, Велөдысь, ло бур сьөлөма миян динө!» ¹⁴ Исус видзөдліс на вылө да шуис: «Мунөй да петкөдлөй асьнытө попъяслы». Муніганыс найө сөстөммисны. ¹⁵ Ассьыс бурдөмсө казялөм бөрын өти косіс Енмөс гораа ошкигтырйи. ¹⁶ Сйө кымынь уськөдчис Исус водзө да аттьоаліс Сйос. Тайө мортыс вөлі Самарияысь. ¹⁷ Исус юаліс: «Эз өмөй даснаныс сөстөммыны? Көнөсь нө өкмысыс? ¹⁸ Тайө бокуса мортысь кындзи некод эз лок ошкыны Енмөс». ¹⁹ Исус шуис сылы: «Чеччы да мун. Эскөмыд мездіс тэнө». ²⁰ Фарисейяс юалісны, корджык воас Енлөн Юралөмыс. Исус вочавидзис: «Енлөн Юралөмыс оз во тыдалана ногөн. ²¹ Он вермы шуны: "Видзөд, сйө тані" либө "Сйө сэні". Енлөн Юралөмыс өд тіян пытшкын». ²² Исус шуис велөдчысьясылы: «Воас кад, кор ті көсьянныд аддзывны Морт Пилөн лунъясысь өтиөс, но онө аддзылөй. ²³ Тіянлы кө шуасны: "Сйө тані", либө шуасны: "Сйө сэні", энө мунөй да энө вөтчөй на бөрся. ²⁴ Енэж өтар помсянныс мөдарөдзис югнитысь чардби моз Морт Пи тыдовтчас Аслас лунө. ²⁵ Но таөдз Сылы ковмас нуны уна сьөкыд да өтдортөм өнія олысьясянь. ²⁶ Кыдзи вөлі Ной лунъяс дырйи, сідзи лоө Морт Пи локтігөн. ²⁷ Ковчегө Нойлөн пыртөдз йөзис сөйисны-юисны, гөтрасисны да верөс сайө мунісны. Сэки ыджыд ойдөм дырйи ваыс пөдтіс ставнысө. ²⁸ Тадзи вөлі тшөтш Лот лунъясө: йөзис сөйисны-юисны, ньөбасисны-вузасисны, көдзисны да керкаяс лэптисны. ²⁹ Содом карысь Лотлөн петан лунө енэжсянь киссис тэгъя биа зэр да бырөдіс ставнысө. ³⁰ Тадзи лоас Морт Пилөн петкөдчан лунө. ³¹ Коді сйө лунө лоас керка вылас, мед оз пыр керкаас босьтны мыйкө. Коді лоас видз-му вылас, мед оз кос гортас. ³² Энө вунөдөй, мый лои Лот гөтыркөд. ³³ Коді зільө видзны ассьыс олөмсө, воштас сйос. Ассьыс олөмсө воштысь видзас сйос. ³⁴ Висьтала тіянлы: сйө войө өти вольпасьын лоасны кыкөн: өтисө босьтасны, мөдсө колясны. ³⁵ Отлаын пондасны изны кык ань: өтисө босьтасны, мөдсө колясны. ³⁶ Видз-му вылын лоасны кыкөн: өтисө босьтасны, мөдсө колясны». ³⁷ «Көні тайө лоө, Господьөй?» – юалісны велөдчысьясыс. Сйө вочавидзис: «Көні шой, сэтчө чукөртчасны кутшъяс».

18 Исус висьталіс пыр кевмысьөм йылысь велөданвисьт: ² «Өти карын вөлі ёрдысь, сйө

Енсьыс эз пов да йөзис эз яндысь. ³ Сйө карас оліс дөва, коді волывліс ёрдысь динө да корис: "Дорйи менө дзескөдысьысь". ⁴ Ёрдысь дыр эз босьтчы дорйынысө. Сэсся шуис: "Дерт, ме Енсьыс ог пов да йөзис ог яндысь. ⁵ Но тайө дөваыс дзикөдз менө дөзмөдіс – ковмас дорйыны. Ог кө дорйи, бурөн ог мын сыысь". ⁶ Господь шуис: «Кыланнөд, мый шуө шогмытөм ёрдысь? ⁷ А Енмыс өмөй оз дорйи Ассьыс бөрийөмаяссө, кодъяс лун и вой корөны отсөгсө Сылысь? Сөрмас өмөй Сйө сетны отсөгсө? ⁸ Висьтала тіянлы: Сйө регыдөн доръяс найөс. Но аддзас-ө Морт Пи му вылысь татшөм эскөмсө локтөм бөрас?» ⁹ Асьнысө веськыда олысьө пуктысьяслы да мукөдөс увтыртысьяслы Исус висьталіс татшөм велөданвисьт: ¹⁰ «Кык морт пырисны крамө кевмысьны: өтиыс вөлі фарисей, мөдыс – вот перйысь. ¹¹ Фарисей сувтөмөн кевмысис вомгорулас: "Енмөй, аттьоала Тэнө, мый ме абу мукөдыс кодъ: ог горшась, ог пөръясь, гозъя олөм ог пежав. Ме абу тайө вот перйысьыс кодъ. ¹² Видзала вежоннас кыкысь, ставсьыс дасөд юкөнсө сета Енлы". ¹³ А вот перйысь сулаліс боқын да весиг синсө эз лысьт лэптывны енэжланьыс, сөмын морөсас кучкалөмөн шуаліс: "Енмөй, ло бур сьөлөма ме динө, мыжа морт динө!" ¹⁴ Висьтала тіянлы: Ен водзын веськыдөн муніс гортас вот перйысь, эз фарисей. Од асьсө вылө пуктысьсө лэдзасны, асьсө улө пуктысьсөс кыпөдасны». ¹⁵ Исус динө вайөдісны посни челядьөс, медым Сйө инмөдчыліс на динө. Велөдчысьяс аддзисны тайөс да пондісны шуасьны вайөдысьяс вылө. ¹⁶ Исус корис челядьөс Ас дінас да шуис: «Лэдзөй челядьсө локны Ме динө. Энө кутөй найөс. Енлысь Юраланінсө өд на коддьөмлы лөсьөдөма. ¹⁷ Веськыда висьтала тіянлы: коді оз сибөд Енлысь Юралөмсө кага моз, сйө оз пыр Енлөн Юраланінө». ¹⁸ Оти юралысь юаліс Исуслысь: «Бур Велөдысьөй, мый меным колө вочны, мед вичмис меным помтөм олөм?» ¹⁹ Исус вочавидзис: «Мыйла тэ шуан Менө бурөн? Некод абу бурыс, сөмын Енмыс бур. ²⁰ Тэ өд төдан тшөктөмъяссө: гозъя олөмтө эн пежав, эн ви, эн гусясь, эн пөръясь, пыдди пукты ассьыд бать-мамтө». ²¹ Юралысь шуис: «Том кадсянь ме ола тайө тшөктөмъяс сертиыс». ²² Тайөс кылөм бөрын Исус шуис сылы: «Өтитор оз тырмы тэныд: вузав ставсө, мый тэнад эм, да сьөмсө сет гөльяслы. Сэки тэныд енэжын озырлуныс вичмас. Сэсся лок Ме бөрся». ²³ Тайөс кылөм бөрын юралысь шогө усис, өд сйө вөлі зэв озыр. ²⁴ Исус аддзис юралысьлысь шогө усьөмсө, сэсся шуис: «Кутшөм сьөкыд озырлы пырны Енлөн Юраланінө! ²⁵ Озырлы Енлөн Юраланінө пырөм дорысь верблюдлы кокныдджык мунны ем пысөд». ²⁶ Тайөс кылысьяс юалісны: «Коді нө вермас

мездмынысö?»²⁷ Исус шуис: «Мортлы вермытöмыс – вермана Енлы». ²⁸ Сэки Петыр шуис: «Ми ставсö эновтiм да мунiм Тэ бöрся». ²⁹ Исус шуис налы: «Веськыда висьтала тiянлы: кодi Енлөн Юралöм вöсна коляс керкасö, бать-мамсö, чой-воксö, гöтырсö, ныв-писö, ³⁰ сылы тайö олöмас на уна пöвстөн бөр воас, нöшта локтан нэмас сылы помтöм олöм вичмас». ³¹ Исус корис дас кыкнан велöдчысьсö да шуис налы: «Öнi ми мунам Ерусалимö. Сэни инас пророкьяслөн Морт Пи йылысь став гижöмаыс. ³² Сийöс сетасны ентöдтöмъяс киö. Найö сераласны, увтыртасны да сьöлаласны Сийöс. ³³ Чорыда нöйтасны, сэсса виасны, но коймöд луннас Сийö ловзяс». ³⁴ Велöдчысьяслы тайö вöли гөгөрвотöм, кывьясыс вöлины налы пöдсаöсь. Найö эз вермыны гөгөрвоны Исуслысь висьталöмсö. ³⁵ Исус матыстчис Ерикон карлань. Туй дорас пукалис синтöм корысь морт. ³⁶ Сийö кылис йöзлысь сы дортi мунöмсö да юалис: «Мый тайö?» ³⁷ Сылы висьталисны, Назаретса Исус пö локтö. ³⁸ Сэки синтöм горöдiс: «Исус, Давид Пи! Ло бур сьöлöма ме дiнö!» ³⁹ Исус водзвылын мунысьяс олöдiсны синтöмöс горзöмсьяс, но сийö ёнджыка на пондiс горзыны: «Давид Пи, ло бур сьöлöма!» ⁴⁰ Исус сувтiс да тшöктiс вайöдны синтöмсö, сэсса юалис сылысь: ⁴¹ «Мый тэ көсьян?» Сийö вочавидзис: «Господьöй, көсья аддзыны». ⁴² Исус шуис: «Аддзы. Эскöмыд мездiс тэнö». ⁴³ Синтöм дзик пыр кутiс аддзыны да Енмöс ошкигыр мунiс Исус бöрся. Тайöс аддзöм бöрын став йöзыс аттьöалисны-ошкисны Енмöс.

19 Ериконö воём бöрын Исус мунiс кар пырыс. ² Сэни олис Заккей нима озыр морт, вот перйысьяслөн юралысьыс. ³ Сийö ёна көсийс аддзывны Исусöс да тöдмавны, кодi Сийö сэтшöмыс. Но ичöt тушаыс вöсна йöз сайсянныс эз вермы аддзынысö. ⁴ Заккей котöртiс водзö да кавшасис пу вылö, медым аддзыны Исусöс. Буретш сийö туйöдыс локтö вöли Исус. ⁵ Пу весьтö воигөн Исус видзöдлiс вывлань, аддзис Заккейöс да шуис: «Заккей, лэччы öдйöджык. Талун Меным колö лоны тэ ордын». ⁶ Заккей тэрмасьöмөн лэччис да долыдпырысь сибöдiс Исусöс гортас. ⁷ Тайöс аддзылысьяс шуасисны, мыжа морт ордö пö мунiс. ⁸ Заккей сувтiс да шуис: «Господьöй, овмöслысь джынсö сета гöляяслы да кодлысь ылöдлöмөн босьтi, сылы нель пöвстөн вешта». ⁹ Исус шуис сылы: «Талун воис мездмём тайö керкаас. Öд сийö тшötш Öвраам пи. ¹⁰ Морт Пи локтiс корсьны да мездзыны вошöмаöс». ¹¹ Кывзысьяслы Исус висьталiс нöшта öти велöданвисьт, öд Сийö матыстчис Ерусалимлань, и унаөн чайтисны, мый регыд нин воас Енлөн Юралöмыс. ¹² Исус висьталiс: «Öксы рöдысь öти морт мöдöдчас ыли муö, медым сэни öксы ним

босьтны да бөр локны аслас муö öксийөн. ¹³ Сийö корас ас дорас дас кесйöгöс, быдөнлы сетас зарни сьöм да шуас: "Менам локтöдз тайö сьöмсö уджö бергöдöй". ¹⁴ Ас войтырыслы тайö мортыс вöли мустöм, та вöсна бöрсянныс найö мöдöдасны юöртысьясöс висьтавны, огö пö көсийöй, медым сийö вöли мяян öксийөн. ¹⁵ Öксийөн локтöм бöрын сийö тшöктас корны кесйөгьяссö, кодьяслы сетлiс сьöмсö. Көсьяс тöдмавны, уна-ö найö содтöд босьтисны. ¹⁶ Öти локтас да шуас: "Ыджыдöй, тэнад зарни сьöмыд вайис содтöд дасöс". ¹⁷ Öксы шуас: "Бура вöчин. Тэ бур кесйөг. Ичötас тэ эскана вöлин, дас карөн веськöдлыны кутан". ¹⁸ Локтас мöд кесйөг да шуас: "Ыджыдöй, тэнад зарни сьöмыд вайис содтöд витöс". ¹⁹ Сылы öксы шуас: "Вит карөн веськöдлыны кутан". ²⁰ Локтас коймöд кесйөг да шуас: "Ыджыдöй, со, тэнад сьöмыд, чышьяно гартыштöмөн видзи сийöс. ²¹ Ме полi тэысь, тэ öд чорыд морт: босьтан, мый эн пуктывлы, да вундан, мый эн көдзлы". ²² Öксы шуас сылы: "Шогмытöм кесйөг! Аслад кывьясыд серти ме мыжда тэнö. Тэ тöдiн, мый ме чорыд морт, босьта, мый эг пуктывлы, да вунда, мый эг көдзлы. ²³ Мыйла сьöмчукöртанинö эн пукты менсьым сьöмöс, локтöм бöрам эськö содтöдөн босьтi?" ²⁴ Öксы шуас ськöд сулалысьяслы: "Мырддьöй сылысь сьöмсö да сетöй дас сьöмаыслы". ²⁵ Найö шуасны: "Ыджыдöй, сылөн эм нин дас сьöмыс". ²⁶ Öксы шуас: "Висьтала тiянлы: кодлөн эм, сылы сетасны. Кодлөн абу, сылысь бөрьясö босьтасны. ²⁷ Меным паныд мунысьясöс, менам юралöмлы паныд сувтысьясöс вайöдöй татчö да виöй найöс менам син водзын"». ²⁸ Тайöс висьталöм бöрын Исус мунiс водзö Ерусалимлань. ²⁹ Олив керöсын сулалысь Виффагия да Вифания сиктьяслань матыстчигөн Исус мöдöдiс Ассьыс кык велöдчысьсö ³⁰ да шуис: «Мунöй тайö сиктас. Сэтысь аддзанныд домалöм том осёлöс, сы вылö некод на эз пуксьыв. Разьöй сийöс да вайöдöй татчö. ³¹ Юаласны кө, мыйла разянныд, вочавидзöй, мый сийö колö Господьлы». ³² Мöдöдöмаяс мунисны да аддзисны: ставыс вöли Исуслөн висьталöм серти. ³³ Том осёлöс разиганыс видзысьыс юалис: «Мыйла разянныд?» ³⁴ Велöдчысьяс вочавидзисны: «Сийö колö Господьлы». ³⁵ Том осёлöс вайöдiсны Исус дiнö. Сэсса шлапкисны осёл вылö паськöмнысö да отсалисны Исуслы пуксьынысö. ³⁶ Кор Сийö мунiс осёл вылын, йöзыс вольсавлисны паськöмнысö туй вылас. ³⁷ Кор Исус матыстчис Олив керöсысь лэччанинö, став Сылөн велöдчысьыс кыпыда да гора шыөн пондiсны ошкыны Енмöс став аддзылём шензьöданаторсьыс. ³⁸ Найö шуалисны: – Бурсиöма Господь нимөн локтысь Öксийö! Лөнь олöм енэж вылын, ошкөм Медвылыссалы! ³⁹ Йöз чукöрысь

фарисейясысь кодсюрё шуисны Исуслы:
«Велодысь, олөд велодчысьястө!»⁴⁰ Исус воча шуис: «Висьтала тiянлы: найө кө ланьтасны, изъяс шыасясны». ⁴¹ Ерусалимлань матыстчигөн Исус видзөдліс кар вылас да бөрдөмөн ⁴² шуалис: «Төдін кө эськө тэ талун, мый вайө тэныд лөнь олөмсө! Онi тайө тупкыса тэнад синлы. ⁴³ Воас лун, кор тэныд паньд мунысьяс лэптасны тэ гөгөр тымөд, кытшаласны тэнө да быд боксянь дзескөдасны. ⁴⁴ Тэнө жугөдасны дзоньнас, олысьястө виаласны – из вылө из оз кольны, өд тэ эн көсйы төдны тэ дiнө Енлысь волөмсө». ⁴⁵ Исус пырис крамө да пондiс вөтлавны сэтысь вузасьысь-ньобасьысьясөс. ⁴⁶ Сiйө шуис налы: «Гижөма: "Менам керкай – кевмысян керка". А тi сыысь вөчинныд лөк вөчысьяслы дзебсянiн». ⁴⁷ Исус быд лун велөдiс крамын. Аркирейяс, Индөдө велөдысьяс да веськөдлысьяс көсйисны вины Сiйөс. ⁴⁸ Сөмын эз төдны, кызди тайөс вөчны, өд став йөзыс вешйивтөг кывзiсны Исусөс.

20 Отчид Исус велөдiс йөзсө крамын, висьталiс налы Бур Юөр. Аркирейяс, Индөдө велөдысьяс да пöрысьяс матыстчисны Исус дiнө ² да юалисны: «Висьтав миянлы, кутшөм вынөн Тэ ставсө тайөс вөчан? Кодi Тэнө пунктiс тайөс вөчнысө?» ³ Исус воча шуис: «Ме тшөтш тiянлысь отитор юала. Висьталөй Меным, ⁴ Иоанлөн пыртөмыс вөли Енсянь али мортсянь?» ⁵ Найө ас костаныс сёрнитисны: «Шуам кө: "Енсянь", Сiйө шуас: "Мыйла сылы энө эскөй?"» ⁶ Шуам кө: "Мортсянь", йөзыс изъясласны миянөс, өд Иоанөс збыльысь пророкө пунктöны». ⁷ Найө вочавидзисны: «Огө төдөй кодсянь». ⁸ Сэки Исус шуис: «Сидзкө, Ме тшөтш ог висьтав, кутшөм вынөн ставсө тайөс вөча». ⁹ Сэсся Исус висьталiс йөзыслы татшөм велөданвисьт: «Морт пунктас аслас йөрө виноград, сэсся йөрсө виноград быдтысьяслы көртымө сетас, ачыс дыр кад кежлө мунас. ¹⁰ Вотөс чукөртан кадө овмөс кутысь мөдөдас кесйөгсө босьтны вотөсысь ассьыс пайсө. Виноград быдтысьяс нөйтасны кесйөгсө да вөтласны сiйөс куш киөн. ¹¹ Овмөс кутысь мөд кесйөгсө мөдөдас. Сiйөс тшөтш нөйтасны, лөкысь сераласны сы вылын да вөтласны куш киөн. ¹² Мөдөдас нөшта коймөдөс. Сiйөс вирөдз дойдаласны да шыбитасны ортсө. ¹³ Сэки овмөс кутысь шуас: "Мый вөчны? Мөдөда ассьым муса пиөс, гашкө, сыысь яндысясны". ¹⁴ Писө аддзөм бөрын виноград быдтысьяс пондасны сёрнитны ас костаныс: "Тайө мортыслы вуджас овмөсыс. Мунам да виам сiйөс, медым овмөсыс миянлы коляс". ¹⁵ Найө петкөдасны сiйөс виноград йөрсьыс да виасны. Мый вөчас накөд овмөс кутысь? ¹⁶ Сiйө локтас, виноград быдтысьясөс виас, а йөрсө мукөдлы сетас». Тайөс

кылысьяс шуисны: «Мед оз ло тадзи». ¹⁷ На вылө видзөдлөмөн Исус шуис: «Мый йылысь висьталөны Гижөдас тайө кывъясыс: – Изйыс, кодөс шыбитисны керка лэптысьяс, лоис пельөс изйөн. ¹⁸ Кодi усяс тайө изйыс вылө, сiйө пасьмунас. Код вылө изйыс усяс, сiйөс лямөдас». ¹⁹ Индөдө велөдысьяс да аркирейяс гөгөрвоисны, мый велөданвисьтыс вөли на йылысь. Найө көсйисны босьтны Исусөс, но полiсны йөзсьыс. ²⁰ Индөдө велөдысьяс да аркирейяс помся кыйөдiсны Исусөс. Найө мөдөдiсны Сы дiнө веськыда олысьө пуксьысь наян йөзөс, медым кыйны Сiйөс сёрниас да сетны Сiйөс юралысь киө. ²¹ Локтөмаяс шуисны Исуслы: «Велөдысь, ми төдам, мый Тэ веськыда сёрнитан-велөдан. Тэ он видзөд морт вылө, а веськыда велөдан Енлөн туйө. ²² Висьтав, колө-ө кесарлы вот мынтыны?» ²³ Налысь наянлунсө казьялөмөн Исус шуис: «Мыйла тi зiяяныд кыйны Менө? ²⁴ Петкөдлөй Меным динартө. Кодлөн сэнi чужөмыс-нимыс?» Найө вочавидзисны: «Кесарлөн». ²⁵ Исус шуис налы: «Кесарлысь сетөй кесарлы, а Енлысь – Енлы». ²⁶ Тадзи найө эз вермыны став йөз водзас кыйны Исусөс. Сылөн воча кывйысь найө чуймисны да ланьтисны. ²⁷ Исус дiнө локтисны саддукейяс, кодъяс шуөны, ловзьөмыс пө абу. Найө юалисны Исуслысь: ²⁸ «Велөдысь, Мөисей гижөма, мый "ныв-питөм морт кө кулас, вокыслы колө босьтны сылысь гөтырсө да нюжөдны аслас вокыслысь рөдсө". ²⁹ Сизим вок вөли. Ыджыдыс гөтрасис, сэсся кулис, ныв-пиыс эз коль. ³⁰ Гөтырсө мөд вокыс босьтiс, сiйө тшөтш ныв-питөг кулис. ³¹ Сэсся коймөдыс босьтiс. Тадзи сизимнанныс кулисны ныв-питөг. ³² Медбөрын аныс кулис. ³³ Ловзьөм бөрас кодлы сiйө гөтырөн лоас, өд сизим верөс сылөн вөли?» ³⁴ Исус вочавидзис: «Тайө муюгыдас йөзыс гөтрасьöны да верөс сайө мунöны. ³⁵ А мөдаръюгыдас веськавны да ловзьыны шогманаяс оз гөтрасьны да верөс сайө оз мунны. ³⁶ Найө оз нин кувны, а лоöны андельяс кодъөсь. Найө Енлөн ныв-пи, өд найөс ловзьөдөма. ³⁷ Сотчысь лежнөг дорын вөвлөмторйыс петкөдлө, мый кулөмаяс ловзьöны. Мөисей шуө Господьөс Öвраамлөн Енмөн, Исааклөн Енмөн да Яковлөн Енмөн. ³⁸ Енмыс абу кулөмаяслөн Ен, Сiйө ловъяслөн Ен. Сылы ставыс ловъя». ³⁹ Индөдө велөдысьясысь кодсюрө шуисны: «Велөдысь, бура висьталiн». ⁴⁰ Водзө найө эз нин лысьтны мыйкө юасыны Сылысь. ⁴¹ Исус шуис налы: «Мыйла нө шуöны, Крiстос пө Давид пи? ⁴² Давид ачыс шуө Псалом небöгын: – Господь шуис менам Господьлы: "Пукав Менам веськыдладорын, ⁴³ кытчөдз ог пукты Тэнад кок улө Тэныд паньд мунысьясөс". ⁴⁴ Давид шуө Сiйөс Господьөн. Кызди нө Сiйө сылы пиөн лоө?»

⁴⁵ Став йёзыс кывзисны Исусос. Сійо шуис велодчысыясылы: ⁴⁶ «Видзчысьёй Индодо велодысыясысь. Найо радейтоны кузь паськөмөн ветлыны, йёзаины чолөмалөмъяс кывзыны, синагогаын водзын пукавны да гажодчанинын бурджыклао пуксыны. ⁴⁷ Найо куштоны доваяслысь керкасө да асьнысө петкөдлөм могысь дыр кевмысьоны. Но найос лоо чорыда мыждома».

21 Исус видзөдліс да аддзис, кызди озыръяс пуктисны сьом чукортан кудйө сьом. ² Сэтысь аддзис тшөтш голь доваос. Сійо пуктис кудйө кык ыргөн сьом. ³ Исус шуис: «Збыльысь висьтала тиянлы: тайо голь доваыс быдонысь унджык пуктис. ⁴ Ставныс унасыс чуктодісны Енлы, а тайо доваыс этшасыс сетіс ставсө, мый сылөн вөлі кынөмпөт вылас». ⁵ Откымынөн сёрнитісны мича изъясөн да донаторъясөн мичмөдөм крам йылысь. Исус шуис: ⁶ «Воас лун, татчө из вылө из оз коль, ставсө жугодасны». ⁷ Исуслысь юалісны: «Велодысь, кор ставыс тайо лоас? Мый серти ми төдмалам сійо кадсө?» ⁸ Исус шуис: «Видзчысьёй, мед эз ылөдны тиянөс. Унаөн Менам нимөн локтасны да шуасны, ме пө Сійө, кадыс пө воис нин. Энө мунөй на бөрся. ⁹ Кор кыланныд тышъяс да шызьөмъяс йылысь, энө повзьөй. Тадзи водзджык колө лонысө, сөмын тайо абу на пом». ¹⁰ Сэсса Исус шуис налы: «Войтыр войтырлы паныд сувтас, муяс өта-мөдныслы паныд кыпөдчасны. ¹¹ Уналаын лоас му вөрөм да тшыгъялөм, йөзсө суас кулан висьөм. Лоасны повзьөдана петкөдчөмъяс да енэжсян индысьпасьяс. ¹² Но таөдз пондасны вөтлысьны тиян бөрся да дзескөдны тиянөс, вайөдасны синагогаясө мыждыны, йөртасны дзескыдінө да Менам ним вөсна нуөдасны өксыяс да юралысыяс водзө. ¹³ Тайо лоө, медым ті висьталінныд Ме йылысь. ¹⁴ Кутөй төд выланыд: водзвыв энө төждысьёй, мый шуны асьнытө дорйөм могысь. ¹⁵ Ме сета тиянлы мывкыдлун сёрнитны. Мыжалысыяс оз вермыны паныд сувтны тиянлы да налы оз сюр воча кывйыс. ¹⁶ Бать-мамныд, вокныд, рөдвужныд да ёртъясныд вузаласны тиянөс, кодсюрөос весиг виасны. ¹⁷ Менам ним вөсна унаөн мустөмтасны тиянөс. ¹⁸ Но төдөй, весиг юрси сі оз усь юр вывсыныд. ¹⁹ Сьөкыдлунсө венөмөн ті мезданныд ловнытө». ²⁰ «Кор ті аддзанныд, мый Ерусалимсө кытшалөма, төдөй: матыстчис сійос бырөдөмыс. ²¹ Сэки Юдея муын олысыяс мед пышъясны керөсыясө. Коді лоө кар пыткас, мед петас сэтысь; коді лоө кар саяс, мед оз пыр сэтчө. ²² Тайо мынтысян лунъяс, сэки став гижөмаыс инас. ²³ Сійө лунъясө ёна сьөкыд лоө нөбасысыяслы да нөньөдчысыяслы. Тайо мусө ыджыд шог суас, да тайо войтыр вылас киссяс скөрлуныс. ²⁴ Отияс куласны шыпурт помысь, мөдъясөс мырдөн

нуөдасны йөз муө. Ерусалим карсө индөм кадөдз пондасны таявны мукөд войтыр». ²⁵ «Шонддын, төлысьын да кодзувъясын тыдовтчасны индысьпасьяс. Саридз ыджыд шыөн гыяс, йөзыс му вылын шызысны да шөйөвошасны. ²⁶ Енэжвыв вынъяс вөрзясны, сьөкыдлунъяс сүөмысь йөзыс повзьөмнысла кутасны садьсө воштыны. ²⁷ Сэки аддзасны кымөр вылын ыджыд вынөн да дзирдлунөн локтысь Морт Пиос. ²⁸ Кор ставыс тайө пондас инны, сэки веськөдчөй да лэптөй юрнытө, өд матысмө тиян мездөмныд». ²⁹ Исус висьталіс налы велөданвисьт: «Инжир пу да мукөд пуяс вылө кө видзөдам, аддзам: ³⁰ корйыс кө потө, сідзкө, гожөмыс матын. ³¹ Тадзи, ставсө тайос аддзигөн төдөй: Енлөн Юралөмыс матын нин. ³² Веськыда висьтала тиянлы: ставыс тайө лоас өнія олысыяс дырйи на. ³³ Енэжыс да муыс бырас, а Менам кывъясьөй оз бырны. ³⁴ Видзчысьёй, медым сьөлөмныд эз көртась кодалөм-гажөдчөмас да олөм төждас, өд ставыс тайө чорзьөдө тиянлысь сьөлөмнытө. Мед сійө луныс оз су тиянөс виччысьтөг. ³⁵ Од кызди налькйө шедөны, сідзи жө сійө луныс суас став муывьса олысысьсө. ³⁶ Лоөй дасьөсь да пыр кевмысьөй, медым верминныд мынны ставсыс, мый виччысьө тиянөс, да сувтны Морт Пи водзө». ³⁷ Луннас Исус велөдіс крамын, а войяссө колляліс Олив керөсын. ³⁸ Йөзыс водз асывсянныс волісны крамө кывзыны Сійос.

22 Матыстчисны Шомтөм нянь сөян лунъяс, мөд ногөн кө, ыджыд лун. ² Аркирейяс да Индөдө велодысыяс корсисны, кызди эськө вины Исусос, сөмын полісны йөзсыс. ³ Сөтана пырис Искарот Иуда пытшкө, сійө вөлі дас кык велөдчысысь өти. ⁴ Иуда муніс аркирейяс да крам видзысыяслөн веськөдлысыяс дінө да сёрнитчис накөд Исусос вузалөм йылысь. ⁵ Найө нимкодпырысь көсйысисны сетны сылы сьом. ⁶ Иуда налы кыв сетіс, сэсса кутіс корсьны лөсялан кад, медым вузавны Исусос йөз төдлытөг. ⁷ Воис Шомтөм нянь сөян лун, кодыр колө вөлі начкыны ыджыд лунся ыжөс. ⁸ Петырөс Иоанкөд мөдөдіг Исус шуис налы: «Мунөй, лөсьөдөй миянлы ыджыд лунся сөян». ⁹ Найө юалісны: «Кытчө шуан лөсьөднысө?» ¹⁰ Исус шуис: «Карас пыриганыд тиянлы паныдасяс гырничын ва нуысь морт. Мунөй да пырөй сы бөрся керкаас. ¹¹ Керка кутысыяслы висьталөй: "Велодысь юасьө, кутшөм вежөсын Аслас велөдчысыяскөд вермас сөйны ыджыд лунся ыжөс". ¹² Сійө петкөдлас тиянлы вылыс судтасыс вольсалөм ыджыд вежөс. Сэні и лөсьөдөй». ¹³ Найө мунісны да аддзисны: ставыс лои Исуслөн висьталөм серти. Найө дасьтисны ыджыд лунся сөян. ¹⁴ Кор воис кадыс, Исус пуксис дас кыкнан апостолыскөд сөйны. ¹⁵ Сійө шуис налы: «Сьөкыдсө

нутодз Ме ёна косьи сёйны тјанкөд тайө Ыджыд лунся ыжсө. ¹⁶ Висьтала тјанлы: ог нин понды сёйны тайө сёянсө сійө лунөдз, кор тайөс лоө пөртөма Енлөн Юраланінын». ¹⁷ Исус босьтис чаша да Енмөс аттьөалөмөн шуис: «Босьтөй да юй татысь быдөн. ¹⁸ Висьтала тјанлы: Енлөн Юралөмыс вотөдз ог понды юны виноград юансө». ¹⁹ Сэсса Исус босьтис нянь, Енмөс аттьөалөмөн чегис няньсө да велөдчысьяслы сетігас шуис: «Тайө Менам Яй, кодөс лоө сетөма тјан вөсна. Вөчөй тайөс Менө казъывлөм могысь». ²⁰ Сёйөм бөрас босьтис чаша да сійөс сетігас шуис: «Тайө чашаыс – Виль Йитөд, көрталөма Менам Вирөн, сійө киссьө тјан вөсна. ²¹ Со, Менө вузалысьлөн кыис Мекөд өти пызанысь судзөдө. ²² Дерт, Морт Пи мунө водзвыв лөсьөдөм туйөдыс. Но курыд шог Сійөс вузалысьлы!» ²³ Сэки велөдчысьяс пондісны юасьны өта-мөдныслысь, коді тайө на пиысь. ²⁴ Велөдчысьяс вензисны ас костаныс, коді на пиысь ыджыдджыкыс. ²⁵ Исус висьталіс налы: «Өксыяс ыджыдалөны йөз вылын, юралысьяс бур вөчысь ним шедөдөны. ²⁶ Но ті тадзи энө вөчөй. Тјан пиысь ыджыдыс мед лоас ичөт. Юралысь кө, мед лоас кесъялысьөн. ²⁷ Пызан сайын пукалысьыс али кесъялысьыс ыджыдджык? Абу-ө пызан сайын пукалысьыс? Ме тјан пөвстын кесъялысь. ²⁸ Ті энө эновтөй Менө сьөкыдлунъяс дырйи. ²⁹ Та вөсна Ме сета тјанлы Юралөм, кызди Батьөй сетіс Меным. ³⁰ Менам Юраланінын ті понданныд сёйны-юны Мекөд өти пызан сайын да пуксянныд юралан пуклөсө мыждыны израильса дас кык чужанкотырөс». ³¹ Господь шуис: «Кылан, Симон! Сөтана корис шердйыны тјанөс шобдіөс моз. ³² Но Ме кевмыси тэ вөсна, медым эскөмыд эз быр. Кор тэ бергөдчан бөр, ёнмөд вокъястө». ³³ Петыр шуис Исуслы: «Господьөй, Тэкөд ме дась пуксьыны дзескыдінө, весиг кувны». ³⁴ Исус вочавидзис: «Петыр, тэныд шуа: талун петук чукөсттөдз на тэ куимысь соссян, мый төдан Менө». ³⁵ Исус юаліс велөдчысьяслысь: «Кор Ме мөдөдлі тјанөс сьөмтөг, ноптөг да көмтөг, тјанлы өмөй эз тырмывлы мыйкө?» Найө шуисны: «Ставыс вөлі». ³⁶ Исус шуис налы: «Өні мөдарө. Сьөмыд кө эм, босьт сійөс сьөрсьыд, тшөтш ноптө босьт. Абу кө, вузав вылыс паськөмтө да ньөб шыпурт. ³⁷ Висьтала тјанлы: Ме йылысь гижөма: "Сійөс пуктісны Индөдтөг олысьяс лыдө". Тайө гижөмыслы колө инны. Ме йылысь став шуөмыс өні инө». ³⁸ Найө шуисны: «Господьөй, тані кык шыпурт». Исус шуис: «Тырмас». ³⁹ Карысь петөм бөрын Исус, кызди пыр вөчліс, мөдөдчис Олив керөсө. Велөдчысьяс мунісны Сы бөрся. ⁴⁰ Сэтчө воөм бөрын Исус шуис налы: «Кевмысьөй, мед ыштөдөмыс эз вермы тјанөс». ⁴¹ Ачыс ылыстчис наысь из шыбитөм ылнаө да пидзөс вылас

сувтөмөн кевмысис: ⁴² «Батьөй, көсьян кө, вешты Ме дінысь тайө чашасө. Сөмын мед лоас Тэнад көсйөм серти, а оз Менам». ⁴³ Сэки андел лэччис енэжсянь да ёнмөдіс Сійөс. ⁴⁴ Шогыскөд вермасигөн Исус ёнджыка на кевмысис. Сылөн пөсьыс вирөн войталіс муө. ⁴⁵ Кевмысьөм бөрас Исус чеччис да локтіс велөдчысьяс дінас. Аддзис: найө шогысла унмовсьөмаөсь. ⁴⁶ Сэки шуис налы: «Мый ті узянныд? Чеччөй, кевмысьөй, мед ыштөдөмыс эз вермы тјанөс». ⁴⁷ Исуслөн сёрнитігкості сэтчө локтісны йөз. Найөс вайөдіс Иуда, дас кык велөдчысьыс өти. Сійө матыстчис Исус дінө, медым окыштны Сійөс. Од Иуда шуөма локтөмаяслы, кодөс пө окышта, Сійө – Исус. ⁴⁸ Исус шуис сылы: «Иуда, окыштөмнад тай вузалан Морт Пиөс». ⁴⁹ Исускөд вөлысьяс гөгөрвоисны, мый водзө лоө, сэсса шуисны Сылы: «Господьөй, перйыны-ө шыпуртнымөс?» ⁵⁰ На пиысь өти керыштіс аркирей кесйөглысь веськыд пельсө. ⁵¹ Исус шуис: «Тырмас! Дугдөй!» Кесйөглы пеляс инмөдчылөмөн Исус бурдөдіс сійөс. ⁵² Сэсса аркирейяслы, крам видзысьяслөн веськөдлысьяслы да пөрысьяслы, кодъяс локтісны кутны Сійөс, шуис: «Лөк вөчысьөс моз зорйөн-шыпуртөн локтінныд босьтны Менө. ⁵³ Ме быд лун вөлі тјанкөд крамын, но ті энө лэптылөй кинитө Ме вылө. Өні тјан кадыс да пемыдыслөн ыджыдалөмыс». ⁵⁴ Исусөс кутысьяс вайөдісны Сійөс аркирей керкаө. Петыр бөрө кольччөмөн вөтчис на бөрся. ⁵⁵ Йөр пытшкас өзтісны бипур, йөзыс пуксялісны сы гөгөр. Петыр тшөтш пуксис. ⁵⁶ Өти кесйөг ань аддзис Петырөс бипур дорысь да сы вылө сюся видзөдлөмөн шуис: «Тайө мортыс тшөтш Сыкөд вөлі». ⁵⁷ Петыр соссис: «Ме ог төд Сійөс, дона аньөй». ⁵⁸ Недыр мысти мөд морт аддзис сійөс да шуис: «Тэ дзик на пиысь». Петыр шуис сылы: «Абу». ⁵⁹ Час мысти нөшта өти морт эскөдөмөн шуис: «Тайө мортыс збыльысь вөлі Сыкөд. Сійө тшөтш Галилеяысь». ⁶⁰ Петыр шуис: «Бур мортөй, ог гөгөрво, мый висьталан». Тайөс шуигөн кыліс петуклөн чукөстөм. ⁶¹ Бергөдчылөмөн Господь видзөдліс Петыр вылө. Сэки Петырлы уси төд вылас Господьлөн шуөмыс: «Петук чукөсттөдз на тэ куимысь соссян Мейсь». ⁶² Петыр петіс да курыда бөрддзис. ⁶³ Исусөс видзысьяс сералісны-лөкөдісны да нөйтісны Сійөс. ⁶⁴ Сылысь чужөмсө вевттьөмөн найө кучкалісны Сылы чужөмас да шуалісны: «Висьтав, Пророк, коді кучкис Тэнө?» ⁶⁵ Сэсса ёна на омөльтісны Сійөс. ⁶⁶ Асывнас чукөртчисны пөрысьяс, аркирейяс да Индөдө велөдысьяс. Исусөс вайөдісны веськөдлан котыр водзө. ⁶⁷ Найө шуисны: «Висьтав миянлы, Тэ-ө Кростос?» Исус воча шуис: «Висьтала кө тјанлы, ті онө эскөй. ⁶⁸ Юала кө, онө вочавидзөй да онө

лэдзёй Менё. ⁶⁹ Онисьянь Морт Пи пондас пукавны Ставсёвермысь Ен веськыдладорын». ⁷⁰ Ставён шуисны: «Сідзкё, Тэ Ен Пи?» Исус вочавидзис: «Ті асьныд тайёс шуанныд». ⁷¹ Сэки найё шуисны: «Висьталысьяс миянлы оз нин ковны, ми асьным кылім тайёс Сы вомсянь».

23 Сэки чукөртчөмаяс чеччисны да нуөдісны Исусөс Пилат дінё. ² Найё мыжалөмөн висьталісны: «Ми аддзылім: тайё Мортис шызьөдө миянлысь войтырөс, өлөдө кесарлы вот мынтөмысь, асьсө ыдждөдлө өксыён да Кристосөн». ³ Пилат юалис Исуслысь: «Тэ-ө юдейяслөн Оксыыс?» Исус вочавидзис: «Тэ шуан». ⁴ Пилат шуис архирейяслы да став йөзыслы: «Ог аддзы помкасө, мед мыждыны тайё Мортсө». ⁵ Но найё өтарө мыжалісны: «Велөдөмнас Сійө шызьөдө йөзсө став Юдея му пасьтала. Пондіс Галилеяын, өні татчө воис». ⁶ Галилея йылысь кылөм бөрын Пилат юалис: «Сійө өмөй Галилеяысь?» ⁷ Кор төдмаліс, мый Исус Ирөд веськөдлан муысь, мөдөдіс Сійөс сы дінө. Буретш сійө лунъясө Ирөд вөлі Ерусалимын. ⁸ Исусөс аддзөмысь Ирөдлы нимкодъ лои, өд сійө важөн нин көсийис аддзывны Сійөс. Ирөд уна кывліс Сы йылысь да виччысис аддзывны шензьөданатор. ⁹ Ирөд ёна юасис Исусөс, но Сійө воча кыв эз шу. ¹⁰ Сэні сулалысь архирейяс да Индөдө велөдысьяс өтарө мыжалісны Исусөс. ¹¹ Ирөд аслас шыпуртаяскөд сераліс-лөкөдіс Исусөс, пасьтөдіс Сійөс озыр паськөмө да бөр мөдөдіс Пилат дінө. ¹² Водзынсө Ирөд да Пилат лөгалисны өта-мөд вылас, но тайё лунсянныс найё кутісны ёртасыны. ¹³ Пилат чукөртіс архирейясөс, юралысьясөс да войтырсө, ¹⁴ сэсса шуис налы: «Ті вайөдінныд тайё Мортсө ме водзө да мыжаланныд Сійөс йөзсө шызьөдөмысь. Ме тіян дырйи юаси Сійөс да эг аддзы мыжсө. Сійө абу мыжа, мыйысь ті Сійөс мыжаланныд. ¹⁵ Ме мөдөді Сійөс Ирөд дінө, но Ирөд тшөтш абу аддзөма Сылысь мыжсө. Сійө эз вөч сэтшөм мыжсө, мыйысь эськө колө вины Сійөс. ¹⁶ Тшөкта нөйтны, сэсса лэдза». ¹⁷ Быд во ыджыд лунө йөз корөм серти Пилатлы колө вөлі лэдзны дзескыдінысь өти мортөс. ¹⁸ Став йөзыс горөдісны: «Вины Сійөс! Лэдз миянлы Варавваөс!» ¹⁹ Варавва пукаліс дзескыдінын карас зык лэптөмысь да мортөс виөмысь. ²⁰ Пилат бара шыасис йөз дінө, өд көсийис мездыны Исусөс. ²¹ Но найё горөдісны: «Тувъяв! Тувъяв Сійөс!» ²² Пилат коймөдысь шыасис на дінө: «Мый лөксө Сійө вөчис? Ме ог аддзы сэтшөм мыжсө, мыйысь эськө колө вины Сійөс. Тшөкта нөйтны, сэсса лэдза». ²³ Йөзыс лөкысь горзисны, тшөктісны тувъявны Исусөс. Йөзыслөн да архирейяслөн горзөмыс веніс. ²⁴ Пилат шуис вөчны на ног. ²⁵ Налөн корөм серти сійө лэдзис дзескыдінысь зык лэптысьсө, коді виис тшөтш

мортөс. Исусөс сетіс тувъявны, тадзи могмөдіс йөзыслысь көсийөмсө. ²⁶ Исусөс нуөдігөн паныдасис киринеяса Симон, сійө локтө вөлі видз-му вылысь. Сы вылө пуктісны крестсө да тшөктісны мунны Исус бөрся. ²⁷ Уна йөз муніс Исус бөрся. Аньяс сыркъялөмөн бөрдісны Сы вөсна. ²⁸ На дінө бергөдчөмөн Исус шуис: «Ерусалимса аньяс, энө бөрдөй Ме вөсна. Бөрдөй ас вөснаныд да ныв-пиныд вөсна! ²⁹ Воасны лунъяс, кор шуасны: "Шудаөсь нөбасьлытөмъяс, кага вайлытөмъяс да морөснас нөньөдлытөмъяс". ³⁰ Сэки шуасны керөсьяслы: "Усьөй миян вылө!" Мылькъяслы шуасны: "Вевттьөй миянөс!" ³¹ Тадзи кө вөчөны веж пуыскөд, косыскөд мый лоас!» ³² Исускөд тшөтш вины нуөдісны кык лөк вөчысьсө. ³³ Воисны Юр лы нима керөсө. Сэні тувъялісны Исусөс да Сыкөд орччөн лөк вөчысьясөс: өтисө веськыдладорас, мөдсө шуйгаладорас. ³⁴ Исус кевмис: «Батьөй, прөстит тайё йөзсө, өд найё оз төдны, мый вөчөны». Шыпуртаяс пудъясьөмөн юкисны Исуслысь паськөмсө. ³⁵ Йөзыс сулалісны да видзөдісны. Юралысьяс накөд сералөмөн шуалісны: «Мукөдөс мездіс – мед Асьсө өні мездас, Сійө кө Кристос, Енлөн бөрйөмаыс». ³⁶ Сералісны-лөкөдісны Исусөс тшөтш шыпуртаяс. Найё матыстчөмөн мычывлісны Сылы шома вина ³⁷ да шуалісны: «Тэ кө юдейяслөн Оксы, мезды Асьтө». ³⁸ Исус юр весьтын грек, латин да еврей кывйөн вөлі гижөма: «Тайё юдейяслөн Оксы». ³⁹ Крестө тувъялөм лөк вөчысьясысь өтиыс Исусөс омөльтігмоз шуаліс: «Тэ кө Кристос, мезды Асьтө да миянөс!» ⁴⁰ Мөдыс өлөдіс сійөс: «Тэ өмөй Енсыс он пов? Тэнө өд Сы моз жө тувъялөма. ⁴¹ Миянөс веськыда мыждөма, асланым лөк вөчөмъясысь, а тайё Мортис лөксө эз вөчлы». ⁴² Сэсса шуис Исуслы: «Господьөй, казътышт менө, кор воан Аслад Юраланіно!» ⁴³ Исус шуис: «Веськыда висьтала тэныд: талун лоан Мекөд райын». ⁴⁴ Лун шөр кадө пемдіс став му пасьталаыс, пемыдыс сулаліс куим часөдз. ⁴⁵ Шонді югыдыс быри, крамын өшалысь дөраыс шөрипельё косяссис. ⁴⁶ Исус ыджыд шыён горөдіс: «Батьөй, Тэнад киө сета Асьсым лолөс!» Тайёс шуөм бөрын лолыс петіс. ⁴⁷ Ставсө тайёс аддзөм бөрын шыпуртаяслөн веськөдлысь Енмөс ошкигтырйи шуис: «Тайё Мортис збылысь веськыда олысь вөлөма». ⁴⁸ Став йөзыс, кодъяс вөлі чукөртчөмаөсь видзөдны ыджыд ворсөм, ставсө тайёс аддзөм бөрын морөсаныс кучкалігтыр пондісны мунавны. ⁴⁹ Исуслөн төдсясыс ылісянь видзөдісны ставсө тайёс. Сэні вөліны тшөтш Галилеяысь Сыкөд ветлысь аньяс. ⁵⁰ Сэні вөлі Юдеяысь, Аримафея карысь Осип нима морт. Тайё бур да веськыда олысь мортис виччысис Енлысь Юралөмсө. Осип вөлі веськөдлан котырысь, но

паныд сулаліс Исусос виомлы. ⁵² Сійо муніс Пилат дінө да корис Исуслысь шойсө. ⁵³ Осип босьтис крест вылысь шойсө, гартыштис дөраө да пуктис кыртаө кералөм дзеванинө, кытчө некодос на эз дзевлыны. ⁵⁴ Вөлі рыт, шойччан лунлы паныд. ⁵⁵ Осипкод тшөтш вөліны Галилеясы Исускод локтөм аняяс. Найө аддзылісны, кызди пуктисны Исуслысь шойсө дзеванинө. ⁵⁶ Дзеванинысь воөм бөрын аняяс дасьтисны чөскыд дука мавтасьяс, а шойччан лунө Индөд серти найө шойччисны.

24 Шойччан лун бөрын водз асывнас аняяс дасьтөм мавтасьясөн да накөд нөшта кодсюрөяс локтисны дзеванинө. ² Найө аддзисны: изсө вөлі вештөма пыранінсыс. ³ Кор пырисны пытшкас, эз аддзыны Господь Исуслысь шойсө. ⁴ Аняяс шөйөвошисны. Виччысьтөг на водзө сувтисны дзирдалан паськөма кык морт. ⁵ Повзьөмнысла аняяс копыртисны юрнысө. Тайө кык мортыс шуисны налы: «Мый ті корсянныд ловъяөс кулөмаяс пөвстысь? ⁶ Сійө тані абу. Сійө ловзис. Уськөдөй төд выланыд, мый Сійө шуліс тіянлы Галилеяын на: ⁷ "Талы колө лоны: Морт Пиөс сетасны мыжаяс киө да тувъяласны крестө, но коймөд луннас Сійө ловзяс"». ⁸ Сэки төд вылас уси налы Исуслөн висьтавлөмыс. ⁹ Дзеванинысь локтөм бөрын аняяс висьталісны ставсө тайөс дас өти велөдчысьыслы, тшөтш мукөдыслы. ¹⁰ Тайө аняясыс вөліны Магдала Марья, Иоанна, Яковлөн Марья мамыс да нөшта мукөд аняяс на. Аняяс юөртисны лоөмтор йывсьыс апостольяслы, ¹¹ но найө эз эскыны, чайтисны, мый лөсьөдлөны. ¹² Петыр котөрөн уськөдчис дзеванинө. Видзөдліс пытшкас да аддзис сөмын дзеван дөраяссө. Петыр муніс сэтсысь тайө лоөмторсьыс өна шензьөмөн. ¹³ Сійө лунө Исуслөн кык велөдчысь мунісны Эммаус нима сиктө, коді вөлі Ерусалимсянь дас верст ылнаын. ¹⁴ Найө сёрнитисны ас костаныс став тайө лоөмтор йывсьыс. ¹⁵ Сёрнитіганыс Ачыс Исус матыстчис да пондіс мунны накөд. ¹⁶ Но найө эз төдны Сійөс, синнысө вөлі пөртөма. ¹⁷ Исус юаліс налысь: «Мый йылысь сёрнитанныд, туй йөз? Мыйла ті жугыльөсь?» ¹⁸ На пиысь Клеоп нима вочавидзис: «Буракө, Тэ дзик өтнад Ерусалимө локтысьясыс он төд, мый сэні лои тайө лунъясө?» ¹⁹ Исус юаліс: «Мый лои?» Найө вочавидзисны: «Лөктор лои Назаретса Исускод. Тайө Мортыс Ен водзын да йөз водзын кывнас и уджнас вөлі вына пророк. ²⁰ Аркирейясыным юралысьяскөд мыждисны сійөс да сетисны тувъявны крестө. ²¹ Ми лача кутім, мый Сійө мездас Израильөс. Но тайө абу на ставыс. Талун коймөд лун нин лоөмторсянныс. ²² Миян пиысь кодсюрө аняяс чуймөдісны миянөс. Водз асывнас найө ветлөмаөсь дзеванинас ²³ да шойсө абу аддзөмаөсь сэтсысь. Локтөм бөрас висьталісны,

аддзылім пө андельясөс. Андельяс шуөмаөсь, Исус пө ловъя. ²⁴ Миян пиысь кодсюрө тшөтш ветласны дзеванинас да аддзасны, мый анясыд збыль вөлөм висьталөны. Исустө сэтсысь оз аддзыны». ²⁵ Исус шуис налы: «Гөгөрвотөмөсь тай ті. Сьөкыда эсканныд пророк кывъясө. ²⁶ Эз-ө тайө сьөкыдыс пыр ков мунны Крестослы да пырны Аслас дзирдлунө?» ²⁷ Мөйсей да пророк небөгьяссянь Исус пондіс гөгөрвоөдны налы став Гижөдсьыс Ас йывсьыс шуөмсө. ²⁸ Найө матыстчисны сиктлань, кытчө мунісны. Исус петкөдліс, быттьө көсйө водзө мунны. ²⁹ Но найө эз лэдзны Сійөс, шуалісны: «Кольчы миянкөд. Луныс рытлань нөрөвчө». Исус пырис накөд керкаө да кольччис сэтчө. ³⁰ Сөйиганыс Исус босьтис нянь, Енмөс аттьөалөмөн чегис няньсө да сетис налы. ³¹ Сэки налөн синныс воссис, и найө төдісны Сійөс. Тайө здукас Исус лои налы тыдавтөм. ³² Сэки найө шуисны: «Эз-ө сьөлөмным ыпъяв, кор Сійө сёрнитис миянкөд туй вылын да гөгөрвоөдіс миянлы Гижөдсө?» ³³ Найө дзик пыр чеччисны да бөр мунісны Ерусалимө. Сэні аддзисны дас өтикнан велөдчысьсө да накөд тшөтш мукөдсө. ³⁴ Велөдчысьяс шуисны воөмаяслы: «Господьным збыльысь ловзьөма! Сійө петкөдчылөма Симонлы». ³⁵ Тайө кыкыс висьталісны, мый лои туйын, да кызди төдісны Исусос нянь чегигас. ³⁶ Сёрнитіганыс Ачыс Исус сувтис на шөрө да шуис: «Лөнь олөм тіянлы!» ³⁷ Повзьөмнысла найө мөвпыштисны, мый тайө орт. ³⁸ Исус шуис налы: «Мый ті поланныд? Мый тіянөс майшөдлө? ³⁹ Видзөдлөй Менам ки-кок вылө, тайө Ме Ачым. Инмөдчылөй Ме дінө, и ті асьныд аддзанныд. Од ловлөн лы-яйыс абу, а Менам, видзөдлөй, эм». ⁴⁰ Тайөс шуөм бөрын Сійө петкөдліс налы Ассьыс ки-коксө. ⁴¹ Найө өна шензисны, нимкодьянысла эз вермыны эскыны. Исус юаліс налысь: «Эм-ө тіян мыйкө сөйыштны?» ⁴² Сылы сетисны пөжалөм чери да малязі ма. ⁴³ Сійө босьтис да налөн син водзын сөйис. ⁴⁴ Сэсся Исус шуис налы: «Кор на Ме вөлі тіянкөд, Ме висьтавлі, мый инас ставыс, мый гижөма Ме йылысь Мөйсей Индөдын, пророк гижөдьясын да псаломьясын». ⁴⁵ Сэки Исус восьтис налысь вежөрсө гөгөрвоны Гижөдьяс. ⁴⁶ Сійө шуис налы: «Тадзи гижөма: Крестослы колө мунны сьөкыдыс пыр, кувны да коймөд луннас ловзьыны, ⁴⁷ сэсся колө юөртны Сы нимөн Ерусалимын и водзө быд кыла войтырлы мыжъясысь бергөдчөм да мыжъяс прөститөм йылысь. ⁴⁸ Ті асьныд ставсө кывлінныд да аддзылінныд. ⁴⁹ Ме мөдөда тіянлы Батьөйлысь көсйысьөмасө. Ті кольччөй Ерусалимө, кытчөдз тіян вылө оз лэччы енэжсянь выныс». ⁵⁰ Исус петкөдіс велөдчысьяссө Вифаниялань, сэсся кисө лөптөмөн бурсиис найөс. ⁵¹ Бурсиигмызыс Сійө кутіс

ылыстчыны наысь да кыпөдчыны енэжө. ⁵² Найö муөдзыс копыртчылісны Сылы, сэсся ёна

нимкодясигтыр локтісны бөр Ерусалимө. ⁵³ Енмөс ошкөмөн найö пыр вөліны крамынөсь. Аминь.

Иоан

1 Медводз вöлі Кыв. Кывйыс вöлі Енкöд. Кывйыс вöлі Ен. 2 Кывйыс водзысянныс вöлі Енкöд. 3 Ставсö Сы пыр вöчöма. Сытöг немтор абу вöчöма. 4 Сы пытшкын вöлі олöм. Олöмыс йöзыслы вöлі югыдöн. 5 Пемыдас югдöдö югыдыс, эз пöдты сійöс пемыдыс. 6 Ен мөдöдiс Иоан нима мортöс. 7 Сійö локтiс висьтавны Югыдыс йылысь, медым быдöн эскис Югыдыслы. 8 Ачыс сійö эз вöв югыдыс, сійö локтiс висьтавны Югыдыс йылысь. 9 Збыль Югыдыс, быд мортöс Югдöдысь, локтiс муюгыдас. 10 Сійö вöлі муюгыдас, Сы пыр вöчöма муюгыдсö, но муюгыдыс эз тöд Сійöс. 11 Сійö локтiс Ас йöз дiнас, но найö эз сибöдны Сійöс. 12 Сійöс сибöдысьяслы, Сылы эскысьяслы, Сійö сетiс позянлун лоны Енлөн ныв-пиөн. 13 Найö чужисны эз вирсянь, эз морт кöсйöмсянь да верöс кöсйöмсянь, найö чужисны Енсянь. 14 Кывйыс лоис мортөн, Сійö оліс мянкөд буралöм-збыльнас тыр. Ми аддзылім Сылысь дзирдлунсö. Сöмын öтка Пиыслы вуджö татшöм дзирдлуныс Батьсянныс. 15 Иоан гораа юöртліс Сы йылысь: «Тайö дзик сійö Мортис, код йылысь ме висьтавлі, мый ме бöрся Локтысьыс мемысь ыджыдджык, öд Сійö мемысь водзджык вöлöма». 16 Миянлы быдöнлы Сы озырлунысь вичмис буралöм вылö буралöм. 17 Индöдсö вöлі сетöма Мөисей пыр, а буралöмыс да збыльыс воис Исус Кростос пыр. 18 Йöзыс Енсö эз аддзывлыны, сöмын öтка Пиыс, Бать дiнас олысьыс, востыс Сійöс мянлы. 19 Юдейяслөн веськöдлысьяс мөдöдiсны Ерусалимысь попъясöс да левитьясöс юавны Иоанлысь: «Коді тэ?» 20 Иоан соссытöг веськыда шуис: «Ме абу Кростос». 21 Сэки сылысь юалисны: «Коді нö тэ? Илля?» Сійö шуис: «Абу». Найö бара юалисны: «Пророк-ö тэ?» Сійö вочавидзис: «Абу». 22 Сэки сылы шуисны: «Коді нö тэ? Мый мянлы вочавидзны мянöс мөдöдысьяслы? Мый шуан ас йывсьыд?» 23 Иоан вочавидзис налы: «Ме овтöминын горзысьлөн шыыс: "Веськөдöй-шыльöдöй туйсö Господьлы". Тадзи коркö висьталіс Исай пророк». 24 Фарисейясянь мөдöдöмаяс 25 юалисны Иоанлысь: «Тэ кö абу Кростос, абу Илля, абу пророк, мыйла, сідзкö, йöзсö пыртан?» 26 Иоан вочавидзис налы: «Ме пырта сöмын ваөн, но тiян пöвстын эм морт, кодöс тi онö тöдöй. 27 Сійö ме

бöрын локтö, но Сійö мемысь водзджык нин вöлöма. Ме ог шогмы разьны Сылысь кöмкот кöвсö». 28 Тайö вöлі Вифаварын, Йöрдан ю сайын, кöні Иоан пыртліс йöзсö. 29 Аскинас Иоан аддзис сы дiнö локтысь Исусöс да шуис: «Видзöдлöй, тайö Енлөн Баля. Сійö вештö йöзлысь мыжъяссö. 30 Сы йылысь ме висьтавлі нин, мый ме бöрся локтö Морт, кодi мемысь ыджыдджык, öд Сійö мемысь водзджык вöлöма. 31 Сійöс ме эг тöдлы, но локтi ваөн пыртны, медым Израиль тöдмаліс Сійöс». 32 Иоан веськыда висьталіс: «Ме аддзылі, кызди енэжсянь гулю моз лэччис Лов да кольччис Сы вылö. 33 Ме эг тöдлы Сійöс, но ваөн пыртны менö Мөдöдысь шуис меным: "Кор Тэ аддзан, мый код вылö кö лэччас Лов да кольччас Сы вылö, буретш Сійö кутас пыртны Вежа Лолөн". 34 Ме аддзылі тайöс да эскöда тiянöс: Сійö – Ен Пи». 35 Мөд луннас Иоан аслас кык велöдчыськөд бара сулаліс ю дорын. 36 Локтысь Исусöс аддзигөн сійö шуис: «Видзöдлöй, тайö Енлөн Баля!» 37 Тайöс кылöм бöрын кыкнан велöдчысьыс мөдöдчисны Исус бöрся. 38 Исус бергöдчыліс, аддзис Сы бöрся локтысьясöс да юаліс налысь: «Мый тiянлы колö?» Найö вочавидзисны: «Велöдысь, кöні Тэ олан?» 39 Исус шуис налы: «Локтöй да видзöдлöй». Найö мунісны, аддзисны Сылысь оланінсö да кольччисны сэтчö лунтыр кезлö. Вöлі нель час гөгөр. 40 Иоанлөн велöдчысьяс да Исус бöрся мунысьяс пиысь öтиыс вöлі Öндрей, Симон-Петырлөн вокыс. 41 Сійö медводз корсис Симон воксö да висьталіс сылы: «Ми аддзим Мессияöс!» Мөд ногөн кö, тайö лоö Кростос. 42 Öндрей вайöдiс воксö Исус дiнö. Исус видзöдліс сы вылö да шуис: «Тэ Симон, Ионалөн пи. Тэнад нимыд лоас Кифа». Сылөн вежөртасыс – из, мөд ногөн кö – Петыр. 43 Аскинас Исус мөдöдчис Галилея муö. Сэтысь аддзис Филипöс да шуис сылы: «Лок Ме бöрся». 44 Öндрей да Петыр моз Филип вöлі Випсаида карысь. 45 Филип аддзис Нафанаилöс да шуис сылы: «Ми аддзим Сійöс, код йылысь вöлі висьталöма Мөисей Индöдын да пророк гижöдъясын. Тайö Назаретысь Исус, Öсиплөн пи». 46 Нафанаил шуис Филиппы: «Вермас-ö мыйкö бурис лоны Назаретысь?» Филип вочавидзис: «Лок да ачyd видзöдлы». 47 Исус аддзис Сы дiнö локтысь Нафанаилöс да шуис сы йылысь: «Тайö збыльысь

израильса морт, сійö оз ылöдчы». ⁴⁸ Нафанаил юалис Сылысь: «Кытысь Тэ төдан менö?» Исус вочавидзис: «Филип кортöдз на Ме аддзылі тэнö инжир пу улысь». ⁴⁹ Нафанаил шуис: «Велöдысьöй, Тэ Ен Пи, Тэ Израиль Öксы!» ⁵⁰ Исус шуис сылы: «Ме шуи, мый аддзылі тэнö инжир пу улысь, да та вöсна тэ эскан. Но таысь ыджыдджыкöс на тэ аддзан». ⁵¹ Сэсса содтіс: «Веськыда, веськыда висьтала тіянлы: öнісянь ті кутанныд аддзыны вöсьса енэжсö да Енлысь анделъяссö, кодъяс лэччöны Ен Пи дінö да кыпöдчöны енэжас».

2 Кык лун мысти Галилеяса Кана карын вöлі кöлысь. Сэні вöлі Исуслөн мамыс. ² Исусöс да велöдчысьяссö тшöтш вöлі корöмаöсь кöлысь вылас. ³ Кор винаыс помасис, Исуслөн мамыс шуис Сылы: «Налөн винаыс бырöма». ⁴ Исус вочавидзис: «Аньöй, мый Меным таöдз, öд Менам кадыс эз на во». ⁵ Мамыс шуис кесійөгъяслы: «Ставсö вöчöй Сылөн шуом серти». ⁶ Сэні вöлі изйысь вöчөм квайт ва доз, быд дозйö ваыс вöлі төрö сё литра гөгөр. Тайö дозъяснас юдейяс вöдитчисны сöстөммöдчөм могысь. ⁷ Исус шуис кесійөгъяслы: «Тыртöй дозъяссö вöн». Найö тырысöдзыс кисьталісны васö дозъясас. ⁸ Сэсса шуис налы: «Öні гумовтöй васö да мыччöй сійöс кöлысь нуöдысьлы». Найö мыччисны. ⁹ Кöлысь нуöдысь видліс ваысь артмөм винасö, но сійö эз төд, кытысь тайö винаыс. Та йылысь төдісны сөмын ва дозъяссö тыртысьяс. Сэки кöлысь нуöдысь корис верöспуссö ¹⁰ да шуис сылы: «Ставныс медводз бур винанас юктасьöны, сэсса йöз коддзөм бöрас лөкджыкнас. А тэ öнөдз бур винасö видзөмыд». ¹¹ Тайö медводдза шензьöданаторсö Исус вöчис Галилеяса Кана карын. Тадзи петкөдліс Сійö Ассьыс дзирдлунсö, и велöдчысьясыс кутісны эскыны Сылы. ¹² Та бөрти Исус мамыскöд, вокъясыскöд да велöдчысьясыскöд мунісны Капернаум карö. Сэтчö найö кольччисны лун-мөд кежлö. ¹³ Матыстчис юдейяслөн Ыджыд лун, и Исус локтіс Ерусалимö. ¹⁴ Сійö аддзис: крамын вузалöны öшъясöс, ыжъясöс, гулюясöс да вежлалöны сьöм. ¹⁵ Исус көвъясысь кыыштис орс да кутіс вöтлавны сійөн крамысь вузасысьяссö, тшöтш налысь ыжъяссö да öшъяссö. Сійö пöрлөдліс сьöм вежысьяслысь пызанъяссö да кисьталіс налысь сьöмнысö. ¹⁶ Гулюөн вузасысьяслы Сійö шуис: «Босьтöй найöс татысь! Энö пöртöй Менам Бательысь керкасö вузасянінö!» ¹⁷ Сэки Исуслөн велöдчысьяслы төд выланыс уси Гижөдас висьталöмыс: «Тэнад керка вöсна вежөгтöмыс топöдö Менсьым сьöлөмөс». ¹⁸ Юдейяслөн веськөдлысьяс шуисны Исуслы: «Кутшөм ногөн Тэ эскöдан миянöс, мый Тэныд позьö тадзи вöчнысö?» ¹⁹ Исус вочавидзис: «Жугөдöй тайö крамсö, и Ме куим лунөн выльысь лэпта сійöс». ²⁰ Найö воча

шуисны Исуслы: «Тайö крамсö лэптисны нелямын квайт во чөж, а Тэ куим лунөн көсьян лэптыны сійöс?» ²¹ Крам йылысь сёрнитігөн збыльвылас Исус висьталіс Аслас вир-яй йылысь. ²² Исуслөн ловзьöм бöрын велöдчысьясыслы усины төд выланыс Сылөн кывъясыс. Сэки найö эскисны Гижөдö да Исуслөн кывъясö. ²³ Ерусалимын Ыджыд лун дырйи унаөн аддзылісны Исуслысь шензьöданаторъяс вöчөмсö да эскисны Сылы. ²⁴ Но Исус эз эскы налы, öд Сійö төдіс найöс ставнысö. ²⁵ Сылы эз ковны йöз йылысь висьталысьяс, öд Сійö төдіс быд мортлысь сьöлөмсö.

3 Юдейяслөн веськөдлысьяс пöвстын вöлі Никодим нима фарисей. ² Войнас сійö локтіс Исус дінö да шуис Сылы: «Велöдысьöй, ми төдам: Тэ Енсянь локтөм Велöдысь. Öд Тэ моз некод оз вермы вöчны шензьöданаторъяссö, оз кө ло ськөд Ен». ³ Исус вочавидзис: «Веськыда, веськыда висьтала тэныд: мортыс оз вермы аддзыны Енлысь Юраланінсö, оз кө сійö выльысь чуж». ⁴ Никодим юалис Сылысь: «Вермас-ö мортыс выльысь чужны, пöрысь кө нин сійö? Öд сійö оз вермы мам кынöмас бөр пырны да мöдысь чужны». ⁵ Исус вочавидзис: «Веськыда, веськыда висьтала тэныд: мортыс кө оз чуж васянь да Ловсянь, сійö оз вермы пырны Енлөн Юраланінö. ⁶ Вир-яйсянь чужысь эм вир-яй, а Ловсянь чужысь эм лов. ⁷ Эн шензьы, Ме кө висьтала, мый тіянлы колö выльысь чужны. ⁸ Төв пöльтö, көні көсйö. Сылысь шысö кылан, сөмын он төд, кысянь сійö локтö да кытчö мунö. Ловсянь чужыськөд тшöтш тадзи овлö». ⁹ Никодим юалис Сылысь: «Вермас öмöй тадзи лоны?» ¹⁰ Исус вочавидзис: «Ачыл тэ – Израиль войтырöс велöдысь, а тайöс весиг он төд? ¹¹ Веськыда, веськыда висьтала тэныд: ми сёрнитам сы йылысь, мый төдам, да висьталам сы йылысь, мый аддзылім, но ті миян висьталөмö онö эскöй. ¹² Ме висьталі тіянлы муыввсаыс йылысь, но ті энö эскöй Меным. Эсканныд-ö, висьтала кө тіянлы енэжввсаыс йылысь? ¹³ Енэжас олысь да енэжсянь лэччөм Морт Пиысь кындзи енэжас некод на эз кыпöдчыв. ¹⁴ Кыдзи овтöминын Мөйсей вывлань кыпöдіс змейöс, тадзи лоö кыпöдöма тшöтш Морт Пиос, ¹⁵ медым Сылы эскысь эз быр, а помтөг оліс. ¹⁶ Öд Енмыслы сэтшөм мусаöсь йöзыс, мый сетіс Ассьыс öтка писö, медым Сылы эскысь эз быр, а помтөг оліс. ¹⁷ Енмыс мөдөдіс Ассьыс Писö муюгыдас йөзöс мездыны, а эз мыждыны. ¹⁸ Сылы эскысьöс оз ло мыждöма, а эскытөмөс мыждöма нин, öд сійö эз эскы Енлөн öтка Пилы. ¹⁹ Мыждöмыс сыын, мый му вылас локтіс югыдыс, но йөзыслы мусаджык вöлі пемыдыс, öд налөн уджъясыс лөкөсь. ²⁰ Лөксö вöчысь мустөмтö югыдсö. Сійö оз лок югыдас, медым сылөн лөк уджъясыс эз

йөзасыны. ²¹ Збыль серти олысь локтө югыдас, медым тыдовтчисны сылөн Енсянь уджъясыс». ²² Та бөрти Исус локтис велөдчысьясыскөд Юдея муо, сәни оліс накөд да пыртис йөзсө. ²³ Иоан тшөтш пыртис йөзсө Енонын, Салимсянь матын, өд ваыс сәни уна вөлі. Йөзыс волісны сэтчө пыртчыны. ²⁴ Сәки Иоанос абу на вөлі пуксьөдөмаось дзескыдінө. ²⁵ Отчид Иоанлөн велөдчысьясыс венө воисны юдейяскөд сөстөммөдчөм йылысь. ²⁶ Велөдчысьясыс локтисны Иоан дінө да шуисны: «Велөдысь, сійө Мортыс, коді вөлі тэкөд Йөрдан ю мөдлапөлын да код йылысь тэ висьтавлін, өні Сійө тшөтш пыртө. Сы дінө ставныс мунөны». ²⁷ Иоан вочавидзис: «Мортыс нинөм оз вермы босьтны аслыс, оз кө ло сетөма сылы енэжсянь. ²⁸ Ті асьныд кывлінныд менсьым висьталөмөс: "Ме абу Кростос, ме сөмын Сы водзвылын мөдөдөмаис". ²⁹ Верөспуөн шуөны сійөс, кодлөн эм гөтырпу. Верөспулөн ёртыс орччөн сулалө да нимкодясьөмөн кывзө сылысь сёрнисө. Ме тшөтш тадзи нимкодяся, и менам нимкодьялуной помтөм-дортөм. ³⁰ Кростослы колө быдмыны, а меным ичөтмыны». ³¹ Вылісянь Локтысьыс ставсьыс вылын. Муывса мортсө вөчөма муысь, сійө сёрнитө муывсаыс йылысь. А енэжсянь Локтысьыс ставсьыс вылын. ³² Сійө висьталө, мый адзыліс да кывліс, но Сылысь висьталөмсө йөзыс сьөлөманыс оз сибөдны. ³³ Мортыс кө сибөдө Сылысь кывъяссө, тайөн петкөдлө, мый Енмыс висьталө збыльсө. ³⁴ Кодөс Енмыс мөдөдіс, Сійө Енлысь кывъяссө висьталө, өд Енмыс Сылы лышкыда Ловсө сетө. ³⁵ Пиыс муса Батыслы, и Батыс ставсө сетіс Сы киө. ³⁶ Коді эскө Пиыслы, сылөн эм помтөм олөм. Коді оз эскы Пиыслы, сылөн оз ло олөмыс, но Енлөн скөрлуныс лоас сы вылын.

4 Фарисейяс кывлөмаось, Исуслөн пө Иоан дорысь унджык нин велөдчысьыс, Сійө пө унджык йөзсө пыртө. Дерт, Исус эз Ачыс пырт, а пыртисны Сылөн велөдчысьясыс. Кор Исус төдмаліс, мый фарисейяс кывлөмаось та йылысь, ³ Сійө эновтіс Юдея му да бөр муніс Галилеяө. ⁴ Сылы ковмис мунны Самария му пыр. ⁵ Исус воис Самария муо, Сикар нима карө. Тайө карсяньыс матын вөлі му, кодөс Яков сетлөма Осип пиыслы. ⁶ Сәни вөлі Яковлөн юкмөс. Дыр мунөмысла Исус мудзис да пуксис шойччыштны юкмөс дорас. Вөлі лун шөр гөгөр. ⁷ Самарияса ань локтис сэтчө вала. Исус шыасис сы дінө: «Юктөдышт Менө ванад». ⁸ Исуслөн велөдчысьясыс вөлі мунөмаось карө сёян ньөбны. ⁹ Ань шуис Исуслы: «Ачид Тэ юдей, а коран менсьым, самарияса аньлысь, ва юны?» Юдейяс өд самарияса войтыркөд оз волысьны. ¹⁰ Исус вочавидзис аньлы: «Тэ кө төдін Енлысь сетөмторсө да Сійөс, коді шуө тэныд тайө кывъяссө:

"Юктөдышт Менө ванад", тэ эськө ачид корин Сылысь васө, и Сійө сетіс тэныд ловъя ва». ¹¹ Ань шуис Сылы: «Господьөй, юкмөсыс өд джуджыд, мыйөн нө Тэ сэтысь гумовтан? Кытысь Тэ ловъя васө босьтан? ¹² Тэ өмөй Яков батыным дорысь ыджыдджык? Тайө юкмөссө сійө сетөма миянлы. Татысь сійө ачыс юлөма, тшөтш сылөн пияныс да пемөсьясыс». ¹³ Исус вочавидзис: «Тайө васө юысылөн горшыс бара на косьмас. ¹⁴ Но Ме сета ва, и коді кутас юны тайө васө, сылөн горшыс некор оз кут косьмыны. Ваыс, кодөс Ме сета сылы, лоө сы пытшкын помтөм олөмө визувтысь дзулькйөн». ¹⁵ Ань шуис Сылы: «Господьөй, вай меным тайө васө, медым менам горшөй эз нин косьмы. Сәки татчө ваысла волыны оз ковмы». ¹⁶ Исус шуис аньлы: «Ветлы, кор верөстө да лок татчө». ¹⁷ Ань вочавидзис: «Верөсөй менам абу». Исус шуис: «Тэ веськыда висьталін, мый тэнад верөсыд абу. ¹⁸ Тэ витысь верөс сайын вөлін, но сійө мортыс, кодкөд тэ өні олан, абу верөс тэныд. Тэ збыльсө висьталан». ¹⁹ Ань шуис Сылы: «Господьөй, ме аддза, мый Тэ – пророк. ²⁰ Миян батыяс копрасисны-кевмысисны Енмыслы тайө керөсас. А ті, юдейяс, шуаннныд, колө пө копрасыны Енмыслы сөмын Ерусалимын». ²¹ Исус шуис сылы: «Аньөй, эскы Меным, воас кад, кор ті онө кутөй копрасыны Батылы тайө керөсас да Ерусалимын. ²² Ті, самарияса войтыр, копрасяныд Сылы, кодөс онө төдөй. А ми копрасям Сылы, кодөс төдам, өд мездмөмыс воө юдейясыянь. ²³ Воас кад да воис нин, кор Батылы збыльысь копрасысьяс кутасны кевмысьны Сылы Ловсянь да збыльыс серти. Татшөм кевмысьясысөс корсьө Аслыс Бать. ²⁴ Енмыс эм Лов. Сідзкө, Енлы кевмысьясыслы колө кевмысьны Ловсянь да збыльыс серти». ²⁵ Ань шуис Исуслы: «Төда, мый локтас Мессия-Кростос. Сійө локтас да, ставсө висьталас миянлы». ²⁶ Исус шуис аньлы: «Тайө Ме, тэкөд Сёрнитысьыс». ²⁷ Сійө кадас воисны велөдчысьясыс. Найө шензисны, мый Исус сёрнитө аныкөд. Сөмын некод на пиысь эз юав, мыйла да мый йылысь Сійө сёрнитө аныкөд. ²⁸ Сәки ань коліс ва дозсө, муніс карас да шуис йөзыслы: ²⁹ «Локтөй, видзөдлөй тайө Мортыс вылө. Сійө висьталіс меным ставсө, мый ме вөчлі. Абу-ө Сійө Кростос?» ³⁰ Йөзыс петісны карсьыс да локтисны Исус дінө. ³¹ Сәккөсті велөдчысьясыс корисны Исусөс: «Велөдысь, лок сөйны!» ³² Исус шуис налы: «Менам эм сёян, код йылысь ті онө төдөй». ³³ Велөдчысьясыс ас костаныс шензисны: «Эз-ө кодкө вай Сылы сёянсө?» ³⁴ Исус шуис налы: «Менам сёянөй – ставсө вөчны Менө Мөдөдысьлөн көсйөм серти да эштөдны Сылысь уджсө. ³⁵ Ті шуаннныд, нель төлысь мысти пө воас вундан кад. Висьтала тіянлы: видзөдлөй кодзөм муяс вылө.

Найö кельдöдöмаöсь нин вундiкежлö. ³⁶ Вундысь босьтö удждонсö öни нин, сийö чукöртö няньсö помтöм олöмö. Та вöсна кодзсысь да вундысь öтвыв нимкодзасьöны. ³⁷ Кывийöз веськыда висьталö: "Öти кодзö, а мöд вундö". ³⁸ Ме мöдöдi тiянöс вундыны му вылö, кытчö тi энö кодзлöй. Сэни мырсисны мукöдыс, но тi накöд тшöтш идраланнид быдтöмторсö». ³⁹ Ань шуис сийö карас олысьяслы: «Исус висьталiс меным ставсö, мый ме вöчлi». Та вöсна самарияса йöз унаöн пондiсны эскыны Исуслы. ⁴⁰ Найö локтiсны Исус дiнö да корисны олыштны Сийöс на ордын. Сийö кольччылис сэтчö кык лун кежлö. ⁴¹ Ачыс Исус сёрнитiс накöд, та вöсна нöшта на унджыкөн эскисны Сылы. ⁴² Найö шуисны анылы: «Öни ми эскам огö сöмын тэнад висьталöм вöсна. Ми эскам сы понда, мый асьным кывлiм Сийöс да тöдам: Сийö збыльысь муюгдсö Мездысь, Кростос». ⁴³ Кык лун мысти Исус мунiс сэтсысь Галилея муö. ⁴⁴ Исус шулис, пророкöс пö ас муас оз пыдди пуктыны. ⁴⁵ Кор Исус локтiс Галилеяö, сэтчöс йöзыс сибöдiсны Сийöс. Öд найö тшöтш ветлисны Ерусалимö Ыджыд лун кежлö да аддзылисны, мый Исус вöчлис сэни. ⁴⁶ Исус бара локтiс Галилеяса Кана карö, көни Сийö васö пöртлис винаö. Галилеяса Капернаум карын олис öксылөн отсасьысь, кодлөн пиыс вöли висьö. ⁴⁷ Отсасьысь кывлис, мый Исус локтöма Юдея муысь Галилеяö. Сийö локтiс Исус дiнö да корис Сийöс бурдöдны писö, кодi вöли кулан выйын. ⁴⁸ Исус шуис сылы: «Тi онö эскöй, онö кө аддзылöй индысьпасьяс да шензьöданаторья!» ⁴⁹ Öксылөн отсасьысь шуис Исуслы: «Господьöй, воли кытчöдз пиöй ловья на!» ⁵⁰ Исус шуис сылы: «Мун, тэнад пиыд бурдiс». Öксылөн отсасьысь эскис Исуслөн кывьясö да мунiс гортас. ⁵¹ Туяс сылы паныдасисны кесйöгьясыс. Найö шуисны: «Тэнад пиыд бурдiс!» ⁵² Сийö юалис налысь, корджык пиыслы кокньöдiс. Найö вочавидзисны: «Тöрыт, час лунö, биа висьöмыс эновтiс сийöс». ⁵³ Сэки батыс гөгөрвоис, мый буретш сийö кадас воис бурдöмыс, кор Исус шуис сылы: «Тэнад пиыд бурдiс». Сэки батыс да став сылөн гортасыс эскисны Исуслы. ⁵⁴ Тайö вöли мöд шензьöданатор, кодöс вöчис Исус Юдея муысь Галилеяö воом бöрын.

5 Исус мöдöдчис Ерусалимö, сэки вöли юдейяслөн гажöдчан кад. ² Ерусалимын, Ыж дзирья дорын, вöли ва йöртöд. Юдейяс ва йöртöдлы сетлöмаöсь Вифезда ним. Ва йöртöд дiнас вöли вит пыранiн, найö вöлины вевт улынöсь. ³ Пыранiнъясас куйлисны уна висьысь: синтöмъяс, коктöмъяс, косьмöм ки-кокаяс. Найö виччысисны ва гызьöм. ⁴ Господьлөн анделыс корсьурö лэччывлис йöртöдö гызьöдны васö. Гызьöм ваö медводдза пырысьыс быдпöлöс висьöмысь бурдлiс.

⁵ Сэни пыранiнас куйлис комын көкъямыс во чöж висьысь морт. ⁶ Исус тöдiс, мый тайö мортыс дыр нин висьö. Исус аддзис сийöс да юалис: «Кöсьян-ö тэ бурдны?» ⁷ Висьысь вочавидзис: «Господьöй, гызьöм ваас пырнысö отсалысьыс меным абу. Менам пыртöдз кодкö мöд нин удитö пырны». ⁸ Исус шуис сылы: «Чеччы, босьт вольпасьтö да ветлы». ⁹ Сийö дзик пыр бурдiс, босьтiс вольпасьсö да пондiс ветлöдлыны. Тайö вöли шойччан лунö. ¹⁰ Та вöсна юдейяслөн веськöдлысьяс шуисны бурдöм мортлы: «Талун шойччан лун, тэныд оз позь вольпасьтö нуны». ¹¹ Сийö вочавидзис: «Бурдöдысьöй шуис меным: "Босьт вольпасьтö да ветлы"». ¹² Сылысь юалисны: «Кодi тэныд тшöктiс босьтны вольпасьтö да ветлыны?» ¹³ Но бурдöм мортыс эз тöд, кодi Сийö, öд Исус саялис йöз пöвстас. ¹⁴ Та бөрти Исус аддзис бурдöм мортöс крамысь да шуис сылы: «Öни тэ бурдiн. Водзö эн вöч мыжсö, медым тэныд лөкджык эз ло». ¹⁵ Мортыс мунiс да висьталiс юдейяслөн веськöдлысьяслы, мый сийöс бурдöдiс Исус. ¹⁶ Шойччан лунö татшöмторсö вöчöмысь юдейяслөн веськöдлысьяс пондiсны дзескöдны Исусöс да көсийсны вины Сийöс. ¹⁷ Исус шуис налы: «Менам Батьöй дугдывтöг уджалö, и Ме уджала». ¹⁸ Сэки юдейяслөн веськöдлысьяс ёнджыка на көсийсны вины Исусöс, öд Сийö торкис шойччан лунсö да шуис Енсö Аслас Батьөн. Тадзи öткодзалис Асьсö Енкöд. ¹⁹ Исус шуис налы: «Веськыда, веськыда висьтала тiянлы: Пиыс нинöм оз вермы вöчны Ассияныс, оз кө аддзыв Батыслысь вöчöмсö. Öд мый Батыс вöчö, сийöс тшöтш Пиыс вöчö. ²⁰ Пиыс муса Батыслы. Ставсö, мый вöчö Батыс, Пиыслы петкöдлö. Батыс нöшта на ыджыдджык уджъяс Пиыслы петкöдлас, тi весиг чуйманныд. ²¹ Батыс ловзьöдö кулöмаясöс да сетö налы олöм. Пиыс тшöтш сетö олöм, кодлы көсийö. ²² Батыс некодöс оз мыжды. Мыждан вынсö Сийö сетiс Пиыслы, ²³ медым став йöзыс бурö пуктiсны Писö Батысö моз. Кодi оз бурö пукты Писö, сийö оз бурö пукты и Батысö, кодi мöдöдiс Писö. ²⁴ Веськыда, веськыда висьтала тiянлы: кодi кывзö Менсьым кывьясöс да эскö Менö Мöдöдысьлы, сылөн эм помтöм олöм. Сийöс оз кутны мыждыны, но кулöмсьыс сийö вуджис нин олöмас. ²⁵ Веськыда, веськыда висьтала тiянлы: воас кад да воис нин, кор кулöмаяс кыласны Ен Пилысь гөлöс шысö. Сэки Сийöс кылысьяс ловзясны. ²⁶ Батыс сетö олöм быдөнлы, Пиыслы Сийö тшöтш сетiс вын – сетны олöм быдөнлы. ²⁷ Батыс сетiс Пиыслы вын мыждыны, öд сийö Морт Пи. ²⁸ Энö шензьöй, мый воас кад, кор гуын куйлысьяс кыласны Морт Пилысь гөлöс шысö ²⁹ да найö ловзясны. Бур вöчысьяс кутасны овны, а лөк вöчысьясöс лöб мыждöма. ³⁰ Ме нинöм ог вöч Ассиянь. Ме мыжда сы

серти, мый кыла Батьсянь, та вöсна Менам мыждомой веськыд. Öд Ме вöча ог Ас көсийом сертифик, а Менö мөдөдысь Батьлөн көсийом сертифик». ³¹ «Ме кө Ачым Ас йылысь висьтала, сэки Менам висьталомой абу эскана. ³² Но Ме йылысь мөд висьталö. Ме төда, мый сылөн висьталомысь веськыд. ³³ Тi мөдөдлиннөд йөзөс Иоан динö, медым төдмавны Ме йылысь. Сийö збыльсö висьталис. ³⁴ Дерт, меным оз ков йөзлөн висьталомысь. Ме шуа тайос сы могысь, медым тi мездминнөд. ³⁵ Иоан вöли ярьюгыда öзьялысь би, сöмын этша кад тi көсийиннөд нимкодясьны сылөн югөр улын. ³⁶ Но Ме йылысь висьталö мөдтор, Иоан висьталомысь на мөрччанаджык. Батьлөн тшөктөм сертифик вöчөм уджъясöй петкөдлөны, мый Менö Батьöй мөдөдис. ³⁷ Менö мөдөдысь Батьöй Ачыс висьталö Ме йылысь. Тi Сылысь гөлөс шысö некор энö кывлөй, Сылысь чужомсö энö аддзылөй, ³⁸ Сылысь кывъяссö сьөлөманөд онö видзөй, öд тi онö эскöй Сысянь Мөдөдомалы. ³⁹ Тi төдмаланнөд-туяланнөд Гижөдъяссö, медым тiянлы вичмис помтөм олөм, а Гижөдъясыс висьталөны Ме йылысь. ⁴⁰ Но тi онö көсийöй локны Ме динö, медым тiянлы вичмис олөм. ⁴¹ Йөзлөн ошкөмыс Меным оз ков. ⁴² Ме төда тiянөс: Енмыс тiянлы абу муса. ⁴³ Ме локтi тiян динö Бать нимсянь, но тi онö сибөдöй Менö. Локтас кө кодкө ас нимсянныс, сийөс тi сибөданныд. ⁴⁴ Тi сибөданныд ошкөмсö öта-мөдсянныд, но öти Енсянь петысь ошкөмсö онö корсьöй. Сидзкө, кызди тi верманныд эскыны! ⁴⁵ Энö мөвпалöй, мый Бать водзын кута мыждыны тiянөс. Тiянөс мыждысьыс – Мөйсей, код вылө тi лача кутанныд. ⁴⁶ Тi кө эсканныд Мөйсейлы, эскиннөд эськө тшөтш Меным, öд сийö гижис Ме йылысь. ⁴⁷ Но сылөн гижөдъясö кө онö эскöй, верманныд-ö эскыны Менам кывъясö?»

6 Сэсся Исус вуджис Галилея ты, мөд ногөн кө, Тиверия ты, мөдлапөлö. ² Сы бөрся мунис уна йөз, öд найö аддзылисны, кызди Исус вöчис шензьөданаторъяс висьсысьясöс бурдөдигөн. ³ Исус кайис керөсö да пуксис сэтчö велөдчысьясыскөд. ⁴ Матыстчис ыджыд лун, юдейяслөн гажөдчан кад. ⁵ Исус видзөдлис да аддзис, мый Сы динö локтö уна йөз. Сийö шуис Филиппы: «Кытысь миянлы ньöбны найос вердмөн няньсö?» ⁶ Исус шуис тайос, медым төдмавны Филиппысь эскөмсö. Но Ачыс Сийö төдис нин, мый вöчны. ⁷ Филип вочавидзис: «Кыксё динар вылө ньöбөм няньыс этша лоö, весиг ичөтиктор оз вичмы быдөнлы». ⁸ Öндрей нима велөдчысь, Симон-Петырлөн вокыс, шуис Исуслы: ⁹ «Танi öти зонкалөн эм вит ид нянь да кык чери. Тайö öмөй тырмас та мындаыслы?» ¹⁰ Исус шуис: «Тшөктöй йөзыслы пуксявны». Сийö местаыс вöли туруна. Йөзыс пуксялисны, вöли вит сюрс гөгөр морт.

¹¹ Исус босьтис няньсö, аттьöалис Енмөс да сетис велөдчысьясыслы. Велөдчысьяс разөдисны няньсö пукалысьяслы. Черисö тшөтш разөдисны быдөнлы, кодi мыйта көсийис. ¹² Кор йөзыс пөтисны, Исус шуис велөдчысьясыслы: «Чукөртöй коляссö, нинөм энö воштöй». ¹³ Велөдчысьяс чукөртисны вит ид няньысь коляссö да тыртисны дас кык куд. ¹⁴ Сэки найö, кодъяс аддзылисны Исуслысь шензьөданатор вöчөмсö, шуисны: «Тайö збыльысь сийö Пророкыс, кодлы колö вöли локны муыгыдас». ¹⁵ Исус төдис, мый йөзыс мырдөн көсийöны пуктыны Сийос öксыö, та вöсна öтнас бөр кайис керөсö. ¹⁶ Рытнас велөдчысьясыс лэччисны ты дорö, ¹⁷ пуксисны пыжö да мөдөдчисны ты мөдлапөлö, Капернаум карö. Пемдiс нин, но Исус пыр на эз лок на динö. ¹⁸ Пөльтис ыджыд төв, тыыс ёна гызис. ¹⁹ Нель-ö-вит верст сынөм бөрын велөдчысьясыс аддзисны Исуссö: Сийö ва вывти матыстчис налөн пыж динö. Найö ёна повзисны. ²⁰ Исус шуис: «Энö полöй, тайö Ме». ²¹ Найö көсийисны босьтны Исуссö пыжас, но пыжыс пырысь-пыр матыстчис мөдлапөлөс, кытчö найö кывтисны. ²² Мөд луннас, ты дорын сулалигөн йөзыслы төд выланыс уси, мый төрыт танi вöли сöмын öти пыж, и тайö пыжнас велөдчысьясыс вуджисны öтнаныс, Исус эз вөв накөд. ²³ Тиверия карсянь локтисны пыжаяс да сувтисны сэтчö, көни Енмөс аттьöалөмөн Господь водзынджык вердiс йөзсö. ²⁴ Кор йөзыс аддзисны, мый Исус да велөдчысьясыс абуөсь сэнi, найö пуксисны пыжъясö да вуджисны Капернаумö корсьны Исуссö. ²⁵ Найö аддзисны Исуссö ты мөдлапөвсьыс да юалисны Сылысь: «Велөдысь, Тэ нö кор татчö вуджин?» ²⁶ Исус вочавидзис: «Веськыда, веськыда висьтала тiянлы: тi корсяннөд Менö онö шензьөданаторъяс аддзылөм вöсна, а сы понда, мый пөттөдзныд няньсö сөйиннөд. ²⁷ Энö төждысьöй бырана сөян вöсна, а төждысьöй помтөм олөмсö сетысь сөян вöсна. Тайö сөянсö сетас тiянлы Морт Пи, кодос пасйöма Ачыс Ен Бать». ²⁸ Йөзыс юалисны Исуслысь: «Мый миянлы вöчны, медым уджъясным вöлины шогманаось Енмыслы?» ²⁹ Исус вочавидзис: «Эскöй Енсянь Мөдөдомалы. Тайö шогмана Енмыслы». ³⁰ Найö шуисны Исуслы: «Кутшөм шензьөданатор Тэ вöчан, медым сийос аддзылөм бөрын ми эским Тэныд? Мый Тэ вöчан? ³¹ Миян батьяс овтөминын сөйисны манна. Та йылысь висьталö Гижөдыс: "Енэжсянь Сийö сетис налы сөйны нянь". ³² Исус шуис налы: «Веськыда, веськыда висьтала тiянлы: эз Мөйсей сет тiянлы няньсö енэжсянь, но Менам Батьöй сетö тiянлы збыль няньсö енэжсянь. ³³ Енлөн няньыс лэччö енэжсянь да сетö йөзыслы олөм». ³⁴ Найö шуисны Исуслы: «Господьöй, татшөм няньсö пыр сет миянлы». ³⁵ Исус шуис: «Ме олөмыслөн нянь.

Ме дінө локтысь некор оз кут тшыгъявны, Меным эскыслөн горшыс некор оз кут косьмыны.

³⁶ Тянлы Ме висътавлі нин: ті аддзылінныд Менө, сөмын онө эскөй. ³⁷ Быдөн, кодос сетө Меным Бать, локтас Ме дінө. Ме дінө локтысьос ог вөтлы. ³⁸ Ме өд лэччи енэжсянь эг Ас көсйөм серти вөчны, но лэччи, медым вөчны Менө мөдөдысь Батьлөн көсйөм серти. ³⁹ Менө мөдөдысь Батьөй көсйө, медым Меным сетөмаясысь весиг өтикөс эг вошты да ставнысө найөс ловзьөді медбөръя лунө.

⁴⁰ Менө мөдөдысьөй көсйө, медым быдөнлы, коді аддзө Писө да эскө Сылы, вичмис помтөм олөм. Медбөръя лунө Ме ловзьөда найөс». ⁴¹ Юдейяс дөзмисны, мый Исус шуис: «Ме енэжсянь лэччөм нянь». ⁴² Найө сёрнитисны: «Абу-ө тайө Исус, Öсиплөн пи? Ми өд төдам Сылысь бать-мамсө. Мыйла нө Сійө шуө, Ме пө лэччи енэжсянь?» ⁴³ Исус шуис налы: «Энө шуасьөй ас костаныд. ⁴⁴ Некод оз вермы локны Ме дінө, оз кө вайөд сійөс Менө мөдөдысь Батьөй. Ме дінө локтысьос Ме ловзьөда медбөръя лунө. ⁴⁵ Пророкъяслөн гижөма: "Енмыс быдөнөс велөдас". Быдөн, коді кывзө Батьос да Сысянь велөдчө, локтө Ме дінө. ⁴⁶ Йөзыс эз аддзывлыны Батьос, сөмын Енсянь Локтысь аддзыліс Батьос. ⁴⁷ Веськыда, веськыда висътала тиянлы: Меным эскыслөн эм помтөм олөм. ⁴⁸ Ме олөмыслөн нянь. ⁴⁹ Тиян батьясныд овтөминын сөйлісны манна, но найө кулісны. ⁵⁰ А енэжсянь лэччөм няньсө сөйысь оз кув. ⁵¹ Ме енэжсянь лэччөм ловъя нянь, тайө няньсө сөйысь помтөг олө. Няныс, кодос Ме сета, – тайө Менам Яй. Ме сета сійөс йөзыслөн олөм вөсна». ⁵² Сэки юдейяс пондिसны вензыны ас костаныс: «Кызди Сійө вермас сетны Ассыс Яйсө сөйны миянлы?» ⁵³ Исус шуис налы: «Веськыда, веськыда висътала тиянлы: онө кө сөйөй Морт Пилысь Яйсө да юй Сылысь Вирсө, тиян пытшкын олөмыс оз ло. ⁵⁴ Менсьым Яйос сөйысь да Менсьым Вирос юысь помтөг олө, и сійөс Ме ловзьөда медбөръя лунө. ⁵⁵ Менам Яйөй өд збыльысь сөян, Менам Вирөй өд збыльысь юан. ⁵⁶ Менсьым Яйос сөйысь да Менсьым Вирос юысь олө Ме пытшкын, а Ме – сы пытшкын. ⁵⁷ Менө мөдөдіс ловъя Бать, Меным олөмыс вичмис Батьсянь. Тадзи Месянь олөмыс вичмас Менө сөйысьлы. ⁵⁸ Тайө енэжсянь лэччөм нянь, тайө мөдсикас сөян. Тиян батьясныд сөйисны манна да кулісны, а тайө няньсө сөйысь помтөг олө». ⁵⁹ Исус висъталіс тайос Капернаумын, синагогаын велөдігөн. ⁶⁰ Исуслысь висъталөмсө кывзигөн велөдчысыс пөвстысь унаөн шуасисны: «Кутшөм гөгөрвотөмторъяс Сійө висъталө! Коді вермас кывзыны тайос?» ⁶¹ Исус төдіс, мый велөдчысысыс шуасьоны, да шуис налы: «Тиянөс өмөй дөзмөдө Менам висъталөмөй?» ⁶² Мый эскө шуаннуд,

адданныд кө Морт Пилысь кыпөдчөмсө сэтчө, көні Сійө вөлі водзынджык? ⁶³ Сөмын Лов вермө ловзьөдны, а вир-яй тайос вөчны оз вермы. Менам кывъясөй сетөны тиянлы Лов да олөм. ⁶⁴ Но кодсюрө тиян пиысь оз эскыны». Исус водзвыв төдіс, коді оз эскы Сылы да коді вузалас Сійос. ⁶⁵ Исус водзө сёрнитіс: «Та понда Ме висътавлі тиянлы, мый некод оз вермы Ме дінө локнысө, оз кө ло тайө Батьсянь». ⁶⁶ Та бөрти уна велөдчысь эновтісны Сійос, эз нин ветлөдлыны Сыкод. ⁶⁷ Сэки Исус юалис дас кык велөдчысысысыс: «Гашкө, ті тшөтш көсьянын эновтны Менө?» ⁶⁸ Симон-Петыр вочавидзис: «Господьөй, код дінө миянлы муннысө? Öд Тэнад кывъясыд сетөны помтөм олөмсө. ⁶⁹ Ми эскам да төдам: Тэ – Кростос, ловъя Енлөн Пи». ⁷⁰ Исус шуис налы: «Эг өмөй Ме бөрйи тиянөс дас кыкнаннытө? Но тиян пиысь өтиыс – сөтана». ⁷¹ Тайос шуигөн Исус кутіс төд вылас Иудаос, Симон-Искарриот пиос. Сійө вөлі дас кыксыс өтиыс, коді сэсса вузалас Исусос.

7 Та бөрти Исус ветлөдліс Галилеяті. Юдея муөд Сійө эз көсйи ветлөдлыны, өд юдейяслөн веськөдлысыс көсйисны вины Сійос. ² Матыстчис юдейяслөн гажөдчан кад, чомъяс вөчан лунъяс. ³ Исуслөн вокъясыс шуисны Сылы: «Эн кольчыс татчө, мун Юдея муө, медым велөдчысысыд тшөтш аддзисны Тэнсыд уджъястө. ⁴ Öд мортыс кө көсйө, медым төдісны сы йылысь, сійө оз кут дзевны ассыс уджъяссө. Тэ сы ыджда уджъяс вөчан, сідзкө, петкөдчы йөзысыс». ⁵ Исуслөн вокъясыс эз эскыны Сылы. ⁶ Исус шуис налы: «Менам кадөй эз на во, а тиянлы быд кад лөсялө. ⁷ Тиянөс йөзыс оз мустөмтны, а Менө мустөмтөны, өд Ме висътала, мый налөн уджъясыс лөкөсь. ⁸ Ті мунөй гажөдчанинас, а Ме ог на мун, өд Менам кадөй эз на во». ⁹ Тайос шуөм бөрын Исус кольччис Галилеяө, ¹⁰ но кор вокъясыс мунісны гажөдчанинө, Исус тшөтш муніс сэтчө гусьон. ¹¹ Юдейяслөн веськөдлысыс корсисны Исусос гажөдчанинысь да юасисны: «Көні Сійө?» ¹² Йөз пөвстын унаөн вензисны Сы йылысь. Öтияс сёрнитисны, Сійө пө бур, мөдъяс шуисны, Сійө пө ылөдлө йөзсө. ¹³ Но йөзыс сёрнитисны Исус йылысь гусьон, өд найө полісны юдейяслөн веськөдлысысыс. ¹⁴ Гажөдчан кад шөрас Исус пырис крамө да кутіс велөдны. ¹⁵ Юдейяслөн веськөдлысыс шензисны: «Кытысь Сійө велөдчытөгыс төдө Гижөдъяссө?» ¹⁶ Исус вочавидзис: «Менам велөдөмөй абу Месянь, но Менө мөдөдысьсянь. ¹⁷ Коді көсйө вөчны Ен көсйөм серти, сійө төдмалас, Енсянь-ө тайө велөдөмыс, либө Ассянь Ме висътала. ¹⁸ Коді ассяныс висъталө, сійө аслыс ошкөмсө корсьө. Коді төждысьө, медым ошкөмыс вичмис Сійос мөдөдысьлы, Сійө збыльсө висъталө да оз ылөдчы.

¹⁹ Эз-ö Мөйсей сет тiяны Индөдсö? Но некод тiян пиысь оз ов Индөд сертиыс. Сiдзкö, мыйла кöсьянный Менö винысö?» ²⁰ Йöзыс шуисны: «Пеж лов Тэ пытшкын! Кодi кöйсö Тэнö винысö?» ²¹ Исус вочавидзис: «Ме вöчи öтитор, да тi ставныд шензянный. ²² Мөйсей тшöктiс тiяны вундыштчыны. Дерт, тайö тшöктöмыс абу Мөйсейсянь, а батьясяньныд. Тi весиг шойччан луно вундыштаныйд мортсö. ²³ Тi кö вундыштаныйд мортсö шойччан луно, медым энö торкöй Мөйсейлысь Индөдсö, сiдзкö, мыйла Ме вылö скöраланныд, Ме кö дзоньнас мортсö бурдöдi шойччан луно? ²⁴ Энö мыждöй чужöм вылö видзöдöмөн, а мыждöй веськыда». ²⁵ Кодсюрö ерусалимсыяс пöвстысь сёрнитiсны: «Абу-ö тайö сийö Мортис, кодöс вины кöсийöны? ²⁶ Сийö сёрнитö восьсөн, и некод весиг оз öлöд Сийöс. Гашкö, веськöдлысьяс збыльысь Сийöс Кростос туйö пуктöны? ²⁷ Ми тöдам, кытысь тайö Мортис. А кор локтас Кростос, некод оз кут тöдны, кытысь Сийö». ²⁸ Крамын велöдiгөн Исус гораа шуис: «Тi тöданыйд Менö, и тöданыйд, кытысь Ме. Ме локтi эг Ассиянь. Менö мөдöдiс Сийö, кодi эм Збыльыс, сöмын Сийöс тi онö тöдöй. ²⁹ А Ме тöда Сийöс, öд Сы дорысь локтi, Сийö мөдöдiс Менö». ³⁰ Сэки кöсийсны кутны Исусöс, но некод эз лысьт инмöдчыны Сы дiнö, öд Сылөн кадыс эз на во. ³¹ Йöзыс унаөн эскисны Исуслы. Найö сёрнитiсны: «Кор локтас Кростос, Сийö öмöй тайö Мортис дорысь унджык шензьöданаторсö вöчас?» ³² Кор фарисейяс кылисны Исус йылысь татшöм сёрнисö, аркирейяскöд öтвыв найö мөдöдiсны крам видзысьясöс кутны Исусöс. ³³ Исус шуис налы: «Ме ог нин дыр ло тiянкöд, регыд муна Менö Мөдöдысь дiнö. ³⁴ Тi кутанныд корсьны Менö, но онö аддзöй. Көнi Ме лоа, сэтчö тi онö вермöй локнысö». ³⁵ Юдейяслөн веськöдлысьяс ас костаныс сёрнитiсны: «Кытчö Сийö кöйсö мунны, мый огö вермöй аддзыны Сийöс? Оз-ö кöсийы мунны миян йöз дiнö, кодъяс олöны грекъяс пöвстын? Оз-ö кöсийы грек войтырöс велöдны? ³⁶ Кыдзи гөгöрвоны Сылысь кывъяссö: "Тi кутанныд корсьны Менö, но онö аддзöй. Көнi Ме лоа, сэтчö тi онö вермöй локнысö"?» ³⁷ Бөръя медыджыд гажöдчан луно Исус сувтiс да гораа шуис: «Кодлөн горшыс косьмö, мед локтö Ме дiнö да юö! ³⁸ Кодi эскö Меным, сылөн пытшкöсысь визувтасны ловъя валөн юяс. Тадзи висьталö Гижöдыс». ³⁹ Исус висьталiс тайöс Лов йылысь, кодöс сибöдасны Сылы эскысьяс. Öд Вежа Ловсö эз на вöв сетöма налы, Исуслөн дзирдлуныс эз на воссьы да. ⁴⁰ Тайö кывъяссö кылöм бöрын йöз пöвстысь унаөн шуалисны: «Сийö збыльысь пророк». ⁴¹ Öтияс шуисны: «Тайö Кростос». Мөдъяс сёрнитiсны: «Локтас öмöй Кростос Галилеяысь? ⁴² Оз öмöй висьтав Гижöдыс, мый Кростос петас

Давид вужйысь, Виплием карысь, Давид чужанынысь?» ⁴³ Тадзи йöзыс кутiсны вензьяны Сы йылысь. ⁴⁴ Кодсюрö кöсийсны кутны Исусöс, но некод эз лысьт инмöдчыны Сы дiнö. ⁴⁵ Исусöс кутны мөдöдлöмаяс бөр локтiсны аркирейяс да фарисейяс дiнö. Найö юалисны: «Мыйла тi энö вайöдöй Сийöс?» ⁴⁶ Мөдöдлöмаяс вочавидзисны: «Тайö Мортис моз öнöдз на некод эз сёрнитлы». ⁴⁷ Фарисейяс шуисны налы: «Гашкö, тiянöс тшöтш ылöдлiс да? ⁴⁸ Эскö-ö Сылы кодкö веськöдлысьяс да фарисейяс пöвстысь? ⁴⁹ Но йöзыс оз тöдны Индөдсö, найöс ставнысö ёрöма». ⁵⁰ Никодим нима фарисей, кодi войнас волiс Исус дiнö, шуис аркирейяслы да фарисейяслы: ⁵¹ «Миян Индөд серти позьö öмöй мыждыны мортсö, оз кö медводз кывзыны сийöс да тöдмавны, мый сийö вöчис?» ⁵² Сылы вочавидзисны: «Гашкö, тэ тшöтш Галилеяысь? Лыдды Гижöдсö да тэ аддзан, мый Галилеяысь пророкыд оз лок». ⁵³ Сэки ставныс муналисны гортаныс.

8 Исус кайис Олив керöсö. ² Асывводзнас Сийö бара локтiс крамö. Сы гөгöр чукöртчис уна йöз. Исус пуксис да кутiс велöдны найöс. ³ Индөдö велöдысьяс да фарисейяс вайöдiсны Исус дiнö аньöс, кодöс вöли кутöмаось гозья олöм пежалöмысь. Йöз водзö сийöс сувтöдöмөн ⁴ найö шуисны Исуслы: «Велöдысь, тайö аньсö кутöма гозья олöм пежалöмысь. ⁵ Мөйсей Индöдас тшöктöма вины татшöмъяссö изъясөн. Мый Тэ шуан?» ⁶ Найö шуалисны тадзи, медым кыйны да мыжавны Исусöс. Но Исус эз кывзы найöс, а улö копыртчöмөн чуньнас кутiс гижны муас. ⁷ Найö водзö дöзмöдiсны Исусöс юасьöмъяснас. Сэки Сийö веськöдчис да шуис налы: «Тiян пöвстысь мыжтöмыс медводз мед лыяс аньсö изнас». ⁸ Сэсса копыртчис да бара кутiс гижны муас. ⁹ Исуслысь кывъяссö кылöм бöрын йöзыс кутiсны разöдчыны сьöрсьөн-бöрсьөн, öд налөн сьölöмыс мыждiс найöс. Медводз мунiсны пöрысьджыкъяс, сэсса мукöдыс. Колис сöмын Исус, и Сы водзын сулалысь ань. ¹⁰ Исус веськöдчис да аддзис сöмын аньöс. Сийö юалис: «Аньöй, көнöсь тэнö мыждысьясыд? Мыждiс-ö кодкö тэнö?» ¹¹ Ань вочавидзис: «Эз, Господьöй!» Исус шуис сылы: «Ме тшöтш ог мыжды. Мун да водзö мыжтö эн нин вöч». ¹² Исус бара сёрнитiс йöзыскöд. Сийö шуис: «Ме йöзыслы югыдыс. Ме бөрся мунысь оз кут ветлыны пемыдас, сылөн лоö олöмыслөн югыдыс». ¹³ Фарисейяс шуисны: «Тэ Ачыд Ас йывсьыд висьталан, та вöсна Тэнад висьталöмыд абу эскана». ¹⁴ Исус вочавидзис: «Ме кö висьтала Ас йылысь, Менам висьталöмöй веськыд, öд Ме тöда, кытысь локтi да кытчö муна. А тi онö тöдöй, кытысь Ме локтi да кытчö муна. ¹⁵ Тi мыжданныд мортсö йöзыс моз. Ме некодöс ог

мыжды. ¹⁶ А мыжда кө, мыжда веськыда, өд Ме абу өтнам. Мекөд Менө мөдөдысь Батьёй. ¹⁷ Тіян Индөдын гижөма, мый кык мортлөн висьталөмыс эскөдана. ¹⁸ Ме Ачым висьтала Ас йылысь. Ме йылысь висьталө тшөтш Менө мөдөдысь Батьёй». ¹⁹ Сэки юалисны Исуслысь: «Көні Тэнад Батьыд?» Исус вочавидзис: «Ті онө төдөй Менө и онө төдөй Менсьым Батьёс. Ті кө эськө төдінныд Менө, сэки төдінныд тшөтш Менсьым Батьёс». ²⁰ Тайө кывъяссө Исус висьталіс крамын велөдігөн, сьом чукөртан куд дорын. Сійөс некод эз кут, өд Сылөн кадыс эз на во. ²¹ Исус бара висьталіс йөзыслы: «Ме регыд муна. Ті кутанныд корсьны Менө, но мыж пытшканыд куланнды. Кытчө Ме муна, сэтчө ті онө вермөй локнысө». ²² Юдейяслөн веськөдлысьяс шензисны: «Гашкө, Сійө көсйө вины Асьсө, өд шуалө, кытчө пө Ме муна, сэтчө ті онө вермөй локнысө». ²³ Исус шуис налы: «Ті улісянь, а Ме вылісянь. Ті тайө муюгыдсьыс, а Ме абу тайө муюгыдсьыс. ²⁴ Ме шуи тіянлы: ті куланнды мыж пытшканыд. Онө кө эскөй, мый Ме збыльысь Сійө, кодөн шуа Ачымөс, куланнды мыж пытшканыд». ²⁵ Найө юалисны: «Коді нө Тэ?» Исус вочавидзис: «Ме – Сійө, кодөн шулі Ачымөс водзысянныс. ²⁶ Ме унатор на верма висьтавыні тіян йылысь, унаторйысь мыждыны тіянөс. Но Ме юорта муюгыдыслы сөмын сійө, мый кывлі Менө Мөдөдысьянь, өд Сійө збыльсө висьталө». ²⁷ Найө эз гөгөрвоны, мый Исус висьталө Батьыс йылысь. ²⁸ Исус шуис налы: «Морт Пиөс кыпөдөм бөрын ті төдмаланнды: Ме збыльысь Сійө, кодөн шуа Ачымөс. Ме нинөм ог вөч Асьянь, Ме висьтала сөмын сійө, мыйө велөдіс Менө Батьёй. ²⁹ Менө Мөдөдысьөй Мекөд. Батьёй эз коль Менө өтнамөс, өд Ме ставсө вөча Сылөн көсйөм серти». ³⁰ Тайө висьталөмсө кывзігөн унаөн эскисны Исуслы. ³¹ Сэки Исус шуис Сылы эскысь юдейяслы: «Менам кывъяс серти кө оланнды, ті збыльысь Менам велөдчысьяс. ³² Ті төдмаланнды збыльсө, и збыльыс мездас тіянөс». ³³ Найө вочавидзисны: «Ми Öвраамсянь чужысьяс, некор эгө вөлөй кесйөг туйынөсь. Сідзкө, мыйла Тэ шуан, мый ми мездмам?» ³⁴ Исус вочавидзис: «Веськыда, веськыда висьтала тіянлы: мыжсө вөчысь – мыжыслөн кесйөг. ³⁵ Кесйөг оз вермы кольчыны керкаас пыр кежлө, а пиыс олө сэні помтөг. ³⁶ Пиыс кө мездас тіянөс, ті збыльысь мездманнды. ³⁷ Ме төда: ті Öвраамсянь чужысьяс, но көсьянныд вины Менө, өд тіян сьөлөмө оз төрны Менам кывъясөй. ³⁸ Ме висьтала сы йылысь, мый аддзылі Аслам Бать ордысь. А ті вөчанныд сы серти, мый аддзылінныд асланыд бать ордысь». ³⁹ Найө вочавидзисны: «Миян батьным Öвраам». Исус шуис налы: «Ті кө Öвраамлөн ныв-пи, вөчинныд эськө Öвраам ног.

⁴⁰ Ме висьталі тіянлы Енсянь кывлөм збыльсө, а ті көсьянныд вины Менө. Öвраам тадзи эз вөчлы. ⁴¹ Ті вөчанныд батьныд ног». Юдейяс шуисны Исуслы: «Ми абу чуркаяс. Миян эм өти Бать, тайө Ен». ⁴² Исус шуис: «Енмыс кө тіянлы Бать, Ме эськө муса вөлі тіянлы, өд Ме Енсянь локті. Ме эг Асьянь лок, Енмыс мөдөдіс Менө. ⁴³ Мыйла ті онө гөгөрвоёй Менсьым висьталөмсө? Ті онө гөгөрвоёй, өд онө сибөдөй Менсьым кывъясөс. ⁴⁴ Омөльыс – тіян батьныд. Ті ставсө көсьянныд вөчны сы моз. Сійө водзысянныс вөлі морт виысь. Збыльыс сійө ылын, збыльыс сы пытшкын абу. Кор сійө ылөдлө, висьталө асьянныс, өд сійө ылөдчысь, ылөгыслөн бать. ⁴⁵ Ті онө эскөй Меным, өд Ме збыльсө висьтала. ⁴⁶ Коді тіян пиысь вермас мыждыны Менө лөк вөчөмысь? Ме кө збыльсө висьтала, мыйла онө эскөй Меным? ⁴⁷ Коді Енсянь, сійө кывзө Енлысь кывъяссө. А ті онө кывзөй, өд ті абу Енсянь». ⁴⁸ Юдейяс шуисны Исуслы: «Ми веськыда висьталам: Тэ Самарияысь, Тэ пытшкын пеж лов». ⁴⁹ Исус вочавидзис: «Ме пытшкын пеж лолыс абу. Ме бурө пукта Асьыс Батьёс, но ті Менө омөльтаннды. ⁵⁰ Ме ог корсь Аслым ошкөмсө. Эм Сійө, коді сетас Меным ошкөмсө. Сійө – веськыда Мыждысьыс. ⁵¹ Веськыда, веськыда висьтала тіянлы: Менам кывъяс серти олысь некор оз кув». ⁵² Юдейяс шуисны Исуслы: «Оні ми төдам, мый Тэ пытшкын пеж лов. Öвраам куліс, пророкъяс кулісны, а Тэ шуан: "Менам кывъяс серти олысь некор оз кув". ⁵³ Тэ өмөй Öвраам батьным дорысь ыджыдджык? Сійө куліс, пророкъяс тшөтш кулісны. Тэ нө Асьтө код туйө пуктан?» ⁵⁴ Исус вочавидзис: «Ме кө ошка Ачымөс, Менам ошкөмөй нинөм дон оз сулав. Менө ошкө Менам Батьёй, код йылысь ті шуаннды, мый Сійө тіян Ен. ⁵⁵ Ті онө төдөй Сійөс, а Ме төда Сійөс. Ме кө шуа, мый ог төд Сійөс, сэки лова тіян кодь пөръясьысьөн. Но Ме төда Сійөс да ола Сылөн кывъясыс серти. ⁵⁶ Тіян Öвраам батьныд нимкодъпырысь виччысис Менсьым локтан лунөс. Сійө аддзис тайө лунсө да ёна нимкодъясис». ⁵⁷ Юдейяс шуисны Исуслы: «Тэ аддзылін Öвраамөс? Тэныд өд ветымын арөсыс на абу». ⁵⁸ Исус шуис налы: «Веськыда, веськыда висьтала тіянлы: Öвраам чужтөдз на Ме вөлі». ⁵⁹ Сэки найө босьтісны изъяс да көсйисны лыйлыны Исуссө, но Исус саймовтчөмөн петіс крамсьыс да муніс сэтысь.

9 Мунігмозыс Исус аддзис чужөмсянныс синтөм мортөс. ² Велөдчысьяс юалисны Исуслысь: «Велөдысь, кодлөн мыж вөсна сійө синтөмөн чужөма? Ачыс-ө сійө мыжа, бать-мамыс-ө?» ³ Исус вочавидзис: «Сійө абу мыжа, бать-мамыс тшөтш абу мыжабсь. Сійө синтөм, медым сы пыр петкөдчасны Енлөн уджъясыс. ⁴ Оні, лунъюгыднас, Меным колө вөчны Менө Мөдөдысьлысь уджъяссө.

Пуксяс вой, сэки некод оз вермы уджавны. ⁵ Му вылын олїгөн Ме йōзыслы югыдыс». ⁶ Тайōс шуом бōрын Исус сьōлыштїс муас, сьōлыштōмсьыс вōчис ляти да синтōм мортлысь синсō мавтїс лятинас. ⁷ Сэсса шуис: «Мун да мыссьы Силоам ва йōртōдын». Силоам нимыс, вуджōдны кō: мōдōдōма. Синтōм морт мунїс, мыссис да кутїс аддзыны. ⁸ Сыкōд орччōн олысьяс да сїйōс синтōмōн аддзылысьяс шензисны: «Абу-ō тайō сїйō мортыс, кодї пукалїс да сьōм корис?» ⁹ Отияс шуалїсны: «Тайō дзик сїйō мортыс», мōдьяс шуалїсны: «Абу, тайō сōмын сы вылō мунō». Ачыс сїйō висьталїс: «Тайō ме». ¹⁰ Сэки юалїсны сылысь: «Кыдзи нō тэ аддзыны кутїн?» ¹¹ Сїйō вочавидзис: «Исус нима морт вōчис ляти, мавтїс сїйōн менсьым синмōс да шуис: "Мун да мыссьы Силоам ва йōртōдын". Ме мунї да мысси, онї аддза». ¹² Сэки юалїсны сылысь: «Кōнї тэнō Бурдōдысьыд?» Мōдыс вочавидзис: «Ог тōд». ¹³ Мортōс, кодї водзынджык эз аддзы, нуōдїсны фарисейяс дїнō. ¹⁴ Тайō вōлї шойччан лунō, кор Исус вōчис ляти да бурдōдїс синтōмōс. ¹⁵ Фарисейяс тшōтш юалїсны синтōм мортлысь, кыдзи сїйō кутїс аддзыны. Сїйō вочавидзис: «Исус пуктїс син вылам ляти, сэсса ме мысси да кутї аддзыны». ¹⁶ Сэки фарисейяс пōвстысь кодсюрō шуисны: «Тайō Бурдōдысьыс абу Енсянь, од Сїйō торкō тшōктōмсō – уджалō шойччан лунō». Мукōдыс сёрнитїсны: «Вермас омой мыжа морт вōчны татшōм шензьōданаторьяссō?» Тадзи лыбис на костын вен. ¹⁷ Синтōм мортлысь бара юалїсны: «Тэ шуан, мый Сїйō бурдōдїс тэнсьыд синтō? Кодї Сїйō тэ ногōн?» Морт вочавидзис: «Пророк». ¹⁸ Юдейяслōн веськōдлысьяс эз эскыны, мый тайō мортыс вōлї синтōм да пондїс аддзыны. Сэки найō корисны сылысь бать-мамсō ¹⁹ да юалїсны налысь: «Тайō тїян пиньд? Тї шуанныд, сїйō пō чужōмсяньыс синтōм. Кыдзи нō сїйō аддзō онї?» ²⁰ Бать-мамыс вочавидзисны: «Ми тōдам: тайō мян пиным. Сїйō чужис синтōмōн, ²¹ но кыдзи кутїс аддзыны да кодї бурдōдїс сїйōс, тайōс ми огō тōдōй. Юалōй сылысь, од сїйō тыр арлыда нин, вермас ачыс вочавидзны». ²² Бать-мамыс шуисны тадзи, од найō полїсны юдейяслōн веськōдлысьясысь. Веськōдлысьяс водзджык нин сёрнитчисны, мый быдōнōс, кодї Исусōс пуктō Крїстос туйō, вōтласны синагогаысь. ²³ Та вōсна бать-мамыс шуисны: «Юалōй сылысь, од сїйō тыр арлыда нин». ²⁴ Сэсса мōдысь корисны сїйō мортсō, кодї вōлї синтōм, да шуисны сылы: «Кōсїысь Ен водзын, мый збыльсō висьталан. Ми тōдам: тэнō Бурдōдысьыс – мыжа морт». ²⁵ Сїйō вочавидзис: «Мыжа-ō Сїйō, ме ог тōд. Но отитор тōда: ме вōлї синтōм, а онї аддза». ²⁶ Сылысь выльысь юалїсны: «Мый Сїйō вōчис тэныд? Кыдзи

Сїйō бурдōдїс тэнō?» ²⁷ Мортыс вочавидзис: «Ме тїянлы висьталї нин, сōмын тї энō кывзōй. Мый нōшта кōсьянныйд кывны мясянь? Гашкō, тї тшōтш кōсьянныйд лоны Сылōн велōдчысьясōн?» ²⁸ Юдейяслōн веськōдлысьяс кутїсны видны тайō мортсō да шуисны сылы: «Тэ Сылōн велōдчысь, а ми – Мōйсейлōн. ²⁹ Ми тōдам, мый Ачыс Енмыс сёрнитїс Мōйсейкōд. А кытысь тайō Мортыс, ми огō тōдōй». ³⁰ Бурдōм морт вочавидзис: «Тайō єна шензьōдō! Сїйō бурдōдїс менсьым синмōс, а тї онō тōдōй, кытысь Сїйō. ³¹ Ми тōдам, мый Ен оз кывзы мыжаясōс. Но кодї бурō пуктō Енсō да олō Сылōн кōсїйōм серти, Енмыс кывзō сїйōс. ³² Му пуксьōмсяньыс эз на вōв татшōмыс, мый чужōмсяньыс синтōмōс кодкō бурдōдїс. ³³ Менō Бурдōдысьыс кō эз вōв Енсянь, нинōм эськō вōчны эз вермы». ³⁴ Сылы вочавидзисны: «Тэ дзоньнас мыж пытшкын чужōмыд, а лысьтан мянōс велōдны!» Сэсса вōтлїсны сїйōс. ³⁵ Исус кывлїс бурдōдōм мортōс вōтлōм йылысь, корсис сїйōс да шуис: «Эскан-ō тэ Ен Пилы?» ³⁶ Мōдыс вочавидзис: «Господьōй, кодї нō Сїйō? Висьтав, медым ме верми эскыны». ³⁷ Исус шуис: «Тэ аддзылїн Сїйōс, Сїйō сёрнитō тэкōд». ³⁸ Бурдōм мортыс шуис: «Эска, Господьōй!» Сэсса копытчылїс Сылы. ³⁹ Исус шуис: «Ме локтї муюгыдас мыждыны, медым синтōмьяс аддзисны да аддзысьяс синтōммисны». ⁴⁰ Тайōс кылōм бōрын откымын фарисей, кодьяс вōлїны Исус дїнын, юалїсны Сылысь: «Гашкō, ми тшōтш синтōмōсь да?» ⁴¹ Исус вочавидзис: «Вōлїнныйд кō тї синтōмōсь, сэки эськō энō мыжмōй. Но тї шуанныд, аддзам пō. Сїдзкō, мыжныд ас выланыд кольō».

10 «Веськыда, веськыда висьтала тїянлы: кодї пырō ыж йōрō оз одзōсōд, а мōдлатї, сїйō – гусясьысь да лēк вōчысь. ² Одзōсōд пырысьыс – ыж видзысь, ³ сылы йōр видзысь восьтō одзōссō. Ыжьяс кывзōны ыж видзысьлысь гōлōс шысō. Сїйō чуксалō ыжьяссō нимьяснас да петкōдō найōс йōр ортысō. ⁴ Ыжьяссō лэдзалōм бōрын сїйō мунō водзвыланыс. Ыжьясыс локтōны бōрсяньыс, од найō тōдōны сылысь гōлōс шысō. ⁵ А тōдтōм бōрся ыжьяс оз мунны. Найō пышїйōны сыысь, од найō оз тōдны сылысь гōлōс шысō». ⁶ Исус висьталїс фарисейяслы тайō велōданвисьтсō, сōмын найō эз гōгōрвоны, мый йылысь сёрнитїс Исус. ⁷ Сэки Исус водзō висьталїс налы: «Веськыда, веськыда висьтала тїянлы: Ме – ыжьяслы одзōсыс. ⁸ Меодз волысьяс – ставныс гусясьысьяс да лēк вōчысьяс. Ыжьяс эз кывзыны найōс. ⁹ Ме – одзōсыс. Меод пырысьыс мездмас. Сїйō пырас, петас да йирсянїн аддзас. ¹⁰ Гусясьысь локтō сōмын гусявны, вины да бырōдны. А Ме локтї сетны олōм, тырвыйō олōм. ¹¹ Ме – ыжьяслы бур видзысь. Бур видзысь сетō асьыс олōмсō ыжьясыс вōсна. ¹² Меда морт оз

ассыыс ыжъяссө видз. Кор аддзө локтысь коинөс, сійө эновтө ыжъяссө да пышйө. Сэки коин косявлө ыжъяссө, да найө разалөны. ¹³ Меда морт пышйө, өд сійөс сөмын медалөма, сылы веськодь, мый лоө ыжъясыскөд. ¹⁴ Ме – ыжъяслы бур видзысь. Ассыым ыжъяссө Ме төда, и Менам ыжъясөй төдөны Менө. ¹⁵ Кыдзи Батьөй төдө Менө, сідзи Ме төда Батьөс. Ассыым олөмөс Ме сета ыжъясөй вөсна. ¹⁶ Тайө йөрас кындзи Менам эмось мукөд ыжъяс, Меным тшөтш колө вайөдны найөс. Найө кыласны Менсыым гөлөс шыөс, сэки лоас өти чукөр да өти видзысь. ¹⁷ Батьөйлы Ме муса, өд Ме сета Ассыым олөмөс, медым бөр босьтны сійөс. ¹⁸ Менсыым олөмөс некод оз вермы мырддыны, Ме Ачым сета сійөс. Ме верма сетны сійөс, и верма бөр босьтны. Тадзи тшөктис вөчны Менам Батьөй». ¹⁹ Тайө кывъясысь юдейяс венө воисны. ²⁰ Унаөн на пөвстысь шуалісны: «Сійөс пеж лов кутөма, Сійө йөйталө. Мыйла Сійөс кывзанныд?» ²¹ Мукөдыс шуалісны: «Пеж лолөн кутөм морт оз вермы тадзи сёрнитны. Вермас өмөй пеж лов синтөмъяссө бурдөдны?» ²² Вөлі төв. Ерусалимын вөлі гажөдчан кад – крам вежөдөмсө казтылөм. ²³ Исус ветлөдліс крамдорса Соломон йөрөд. ²⁴ Сэки юдейяс кытшалісны Исусөс да шуисны: «Тэ дыр на кутан миянөс бөбйөдлыны? Тэ кө Кростос, веськыда висьтав миянлы». ²⁵ Исус вочавидзис: «Ме висьталі нин тіянлы, но ті онө эскөй. Менам уджъясөй, кодъяссө Ме вөча Бать нимсянь, висьталөны Ме йылысь. ²⁶ Но ті онө эскөй, өд ті абу Менам ыжъяс. Тайөс Ме висьтавлі нин тіянлы. ²⁷ Менам ыжъясөй кывзөны Менсыым гөлөс шыөс, и найөс Ме төда. Найө локтөны Ме бөрся. ²⁸ Ме сета налы помтөм олөм, и найө некод оз бырны. Некод оз мырдды найөс Менам кийсь. ²⁹ Менам Батьөй, коді сетіс Меным найөс, ставсыс медыджыд. Некод оз вермы мырддыны найөс Менам Батьлөн кийсь. ³⁰ Ме да Бать – ми өти». ³¹ Сэки юдейяс босьтісны изъяс, медым лыйлыны Исусөс. ³² Сійө шуис налы: «Батьлөн тшөктөм серти уна бур удж Ме вөчи тіян пөвстын. Кутшөм уджысь нө көсьянный изъявны Менө?» ³³ Юдейяс вочавидзисны: «Огө бур уджысь Тэно изъялөй, изъялам Енмөс омөльтөмысь. Тэ морт, а Енмө пуксян». ³⁴ Исус вочавидзис: «Абу-ө гижөма тіян Индөдын, мый "Ме шуи: ті – енъяс"? ³⁵ Гижөдыс оз вежсы. Енмыс кө шуис енъясөн найөс, кодъяслы сетіс Ассыыс Кывсө, ³⁶ сідзкө, мыйла ті шуанныд Менө Енмөс омөльтысьөн, Ме кө шуа ачымөс Ен Пиөн? Од Менө Батьөй вежөдіс да мөдөдіс муюгыдас. ³⁷ Ме кө ог вөч Батьлысь уджъяссө, энө эскөй Меным. ³⁸ А вөча кө, эскөй көть Менам уджъясө, Меным онө эскөй да. Сэки ті төдмаланыйд да эсканныд, мый Батьөй Ме пытшкын, а Ме – Сы пытшкын». ³⁹ Сэки юдейяс

бара көсйисны кутны Исусөс, но Сійө эз сетчы налы. ⁴⁰ Исус бара вуджис Йөрдан ю мөдлапөлө, көні Иоан пыртліс йөзсө, да кольччис сэтчө. ⁴¹ Сы дінө локтіс уна йөз. Найө шуалісны: Иоан шензьөданаторсө эз вөчлы, но ставыс, мый Иоан висьтавліс тайө Мортис йылысь – тайө збыль. ⁴² Сэні унаөн эскисны Исуслы.

11 Вифания сиктын оліс Лазар нима морт, сійө висис. Сэні олісны тшөтш Лазарлөн Марья да Марпа чойясыс. ² Буретш тайө Марьяыс бөрынджык мавтас Господьөс чөскыд дука выйөн да чышкалас Сылысь коксө аслас юрсіөн. Висысь Лазар вөлі Марьялөн вокыс. ³ Чойяс мөдөдісны мортөс висьтавны Исуслы: «Господьөй, Тэнад муса ёртыд висьө». ⁴ Тайөс кылөм бөрын Исус шуис: «Тайө висьөмыс абу кулөм вылө, но Енмөс ошкөм вылө. Та пыр воссяс Ен Пилөн дзирдлуныс». ⁵ Лазар, Марпа да сылөн чойыс вөліны мусабсь Исуслы. ⁶ Кор Исус төдмаліс Лазарлөн висьөм йылысь, Сійө кольччыліс на кык лун кежлө сэтчө, көні вөлі. ⁷ Сэсы шуис велөдчысысыс: «Бөр мунамөй Юдеяө». ⁸ Велөдчысысыс шуисны Исуслы: «Велөдысь, Юдея муын сөмын на көсйисны вины Тэно изъясөн, а Тэ бара нин муна сэтчө?» ⁹ Исус вочавидзис: «Лунын өмөй абу дас кык час? Луннас ветлысь оз крукась, өд сійө аддзө тайө муывса югыдсө. ¹⁰ Войнас ветлысь крукась, өд сылөн югыдыс абу». ¹¹ Тайөс шуөм бөрын Исус содтіс: «Миян Лазар ёртным унмовсьөма. Ме муна сійөс садьмөдны». ¹² Велөдчысысыс шуисны Сылы: «Господьөй, унмовсьөма кө, бурдас». ¹³ Исус сёрнитіс Лазарлөн кулөм йылысь, а велөдчысысыс мөвпалісны, мый Исус сёрнитө узьөм йылысь. ¹⁴ Сэки Исус веськыда шуис налы: «Лазар кулөма. ¹⁵ Ме нимкодяся тіян вөсна, мый эг вөв сэні, өд өні ті понданныд эскыны. Локтөй, мунамөй сы дінө». ¹⁶ Сэки Фома, кодөс шуисны Двөйнипөлөн, шуис мукөд велөдчысысыс: «Мунам да Сыкөд өтлаын кулам». ¹⁷ Локтөм бөрас Исуслы висьталісны, Лазарөс пө нель лун сайын нин дзекисны. ¹⁸ Вифания сикт вөлі Ерусалимсянь матын, кык-куим верст ылнаын. ¹⁹ Уна йөз вөлі локтөмабсь Марпа да Марья ордө, медым пальөдны кулөм вок вөснаыс налысь шогсө. ²⁰ Марпа кыліс Исуслөн локтөм йылысь да петіс Сылы вөча. Марья пукаліс гортас. ²¹ Марпа шуис Исуслы: «Господьөй, вөлін кө Тэ тані, менам вокөй эськө эз кув. ²² Но весиг өні төда: мый коран Енмыслысь, Сійө сетас Тэныд». ²³ Исус вочавидзис: «Ловзяс тэнад вокыд». ²⁴ Марпа шуис Сылы: «Төда, сійө ловзяс медбөръя лунө, кор ловзясны кулөмаяс». ²⁵ Исус шуис: «Ме – Ловзьөдысыс да Олөмыс. Меным эскысь весиг кулөм бөрас кутас овны. ²⁶ Быдөн, коді олігас эскө Меным, некод оз кув. Эскан-ө таө?» ²⁷ Марпа шуис:

«Эска, Господьой! Ме эска, мый Тэ – Кростос, Ен Пи, кодлы колө вöли локны муыгыдас». ²⁸ Тайöс шуом бöрын Марпа мунис Марья чойыс динö да гусьон висьталис сылы: «Велöдысьным танi, тэнö корö». ²⁹ Тайöс кылöм мысти Марья дзик пыр чеччис да мунис Исус динö. ³⁰ Исус абу на вöли пырöма сиктас. Сийö вöли сэнi, кöни паныдасис Марпакöд. ³¹ Йöзыс, кодъяс вöлины Марьякöд керкаын да пальöдисны сылысь шогсö, аддзисны Марьялысь тэрмасьöмөн мөдöдчöмсö да петисны сы бöрся. Найö чайтисны, мый сийö мунö дзеванинö бöрдны. ³² Кор Марья локтис Исус динö да аддзис Сийöс, уськөдчис Сы водзö да шуис: «Господьой, вöлин кö Тэ танi, вокöй эськö эз кув». ³³ Марьялысь да сыкөд локтысь йöзлысь бöрдöмсö аддзöмысь Исуслөн сьөлöмыс нормис. Сийö сьöкыда ышловзис ³⁴ да юалис: «Кытчö тi пуктинныд сийöс?» Сылы вочавидзисны: «Господьой, лок видзöдлы». ³⁵ Исуслөн синваыс петис. ³⁶ Сэки йöзыс сёрнитисны: «Видзöдлöй, кутшöм муса вöлөм Сылы Лазарыс». ³⁷ Öткымынөн шуисны: «Сийö бурдöдис синтöмöс. Эз öмöй Сийö вермы видзны Лазарöс кулöмысь?» ³⁸ Исус локтис дзеванинас нормöм сьөлöмөн. Дзеваниныс вöли кырта горсйын, а пыранинсö вöли тупкöма изйөн. ³⁹ Исус шуис: «Вештöй изсö». Марпа, кулöм мортлөн чойыс, шуис: «Господьой, сийö дуксьöма нин, öд нельöд лун нин дзеванинын». ⁴⁰ Исус шуис Марпалы: «Эг öмöй тэныд шулы, мый эскан кö, аддзан Енлысь дзирдлунсö?» ⁴¹ Сэки вештисны изсö дзеванинысь, кöни куйлис кулöм Лазар. Енэжö видзöдлöмөн Исус шуис: «Батьöй, Ме аттьöала Тэнö, мый кылин Менö. ⁴² Ме тöда: Тэ пыр кылан Менö. Тайöс Ме шуи танi сулалысь йöзыс вöсна, медым найö эскисны, мый Тэ Менö мөдöдiн». ⁴³ Тайöс шуом бöрын Исус гораа шыасис: «Лазар, пет сэтысь!» ⁴⁴ Кулöм Лазар петис. Сылысь ки-коксö вöли гартлöма дзеван дöраясөн, чужöмсö гартыштöма чышьянөн. Исус шуис: «Разьöй дöраяссö, мед мунас». ⁴⁵ Унаөн, кодъяс волисны Марья динö да аддзылисны, мый Исус вöчис, пондисны эскыны Исуслы. ⁴⁶ Мукöдыс мунисны фарисейяс динö да висьталисны налы, мый Исус вöчис. ⁴⁷ Аркирейяс да фарисейяс чукöртисны веськөдлан котыр да сёрнитисны: «Мый миянлы вöчны? Тайö Мортис уна шензьöданатор вöчö. ⁴⁸ Лэдзам кö Сылы водзö тадзи вöчны, ставныс кутасны эскыны Сылы. Сэки локтасны римсаяс да бырöдасны миянлысь вежаиннымöс да войтырнымöс». ⁴⁹ Каиаф нима морт, кодi сийö онас аркиреялис, шуис налы: «Тi нинöм онö вежöртöй. ⁵⁰ Тi öмöй онö гөгөрвоой, мый миянлы лöб бурджык, öти морт кö кулас войтыр вöсна, дзоньнас войтырыс бырöм дорысь». ⁵¹ Тайö кывъяссö сийö шуис эз ассяныс. Тайö онас сийö

аркиреялис, та вöсна водзвыв висьталис, мый Исус кулас войтырыс вöсна. ⁵² Кулас оз сöмын тайö войтырыс вöсна, но медым öтлаö чукöртны Енлысь разалöм ныв-писö. ⁵³ Тайö лунсяныс найö шуисны вины Исусöс. ⁵⁴ Та вöсна Исус эз нин ветлы осьсөн Юдея муöд. Сийö мунис сэтысь овтöминланьö, Ефраим карö, да кольччис сэтчö велöдчысьяскöд. ⁵⁵ Матыстчис юдейяслөн Ыджыд лун. Сиктъясысь унаөн локтисны Ерусалимö, медым сöстöммöдчыны Ыджыд лун водзвылын. ⁵⁶ Найö корсисны Исусöс, крамын сулалиганыс сёрнитисны öта-мöдныскöд: «Кыдзи тi чайтанныд, локтас оз Сийö татчö Ыджыд лун кезлö?» ⁵⁷ Аркирейяс да фарисейяс водзвыв тшöктисны йöзыссы: аддзас кö кодкö Исусöс, мед юортас та йылысь, медым кутны Исусöс.

12 Ыджыд лунысь квайт лун водздзык Исус воис Вифания сиктö, кöни олис Лазар. Буретш сийöс Исус ловзьöдис. ² Сэнi Исуслы лосьöдисны рытья сёян. Марпа кесьялис. Исускөд сёйысьяс пöвстын вöли и Лазар. ³ Марья босьтис литра джын зэв дона нард вый да мавтис Исуслысь коксö, сэсся чышкалис найöс юринас. Керкаас öвтис чöскыд дукөн. ⁴ Велöдчысьяс пöвстын вöли Иуда, Симон-Искаротлөн пиыс, кодi сэсся вузалас Исусöс. Сийö шуис: ⁵ «Мыйла тайö выйсö эз вузавны куимсё динарысь? Сьöмсö эськö позис сетапны гольяслы». ⁶ Дерт, Иуда эз тöждысь гольяс вöсна. Сийö шуис тадзи, ачыс вöли гусясьыс да. Сы ордын вöли öтувъя сьöм куд, кытысь сийö босьтывлис аслыс. ⁷ Исус шуис: «Öвсьöй сыысь! Сийö видзис тайö выйсö Менö дзевигкежлö. ⁸ Гольяс пыр лоасны тiянкöд, а Ме ог пыр ло». ⁹ Йöзыс унаөн тöдмалисны Исуслөн Вифания сиктö воём йылысь. Найö локтисны сэтчö эз сöмын Исус понда, но медым аддзывны тшöтш Лазарöс, кодöс Исус ловзьöдис кулöмысь. ¹⁰ Аркирейяс шуисны вины тшöтш Лазарöс. ¹¹ Öд Лазар вöсна йöзыс унаөн öтдортчисны наысь да кутисны эскыны Исуслы. ¹² Мөд луннас гажöдчанинö чукöртчöм йöз кылисны, мый Исус локтö Ерусалимö. ¹³ Пальма росьяс босьтöмөн найö петисны Исуслы воча да горзисны: – Осанна! Бурсиöма Господь нимөн Локтысьöс, Израиль Öксыöс! ¹⁴ Исус аддзис том осёлс да пуксис сы вылö. Öд тадзи гижöма: ¹⁵ – Эн пов, Сион ныв! Видзöд, Öксыыд локтö осёл чань вылын пукалöмөн. ¹⁶ Сэки велöдчысьяс эз на гөгөрвоны тайöс. Но Исуслөн дзирдлуныс вощьöм бöрын налы уси тöд выланыс, мый тадзи вöли гижöма Сы йылысь, и тадзи найö паныдалисны Сийöс. ¹⁷ Найö, кодъяс вöлины Исускөд, кор Сийö чукöстис Лазарöс дзеванинысь да ловзьöдис сийöс, висьталисны йöзыссы ¹⁸ тайö шензьöданатор йывсьыс. Та вöсна йöзыс чукөрөн петисны Исуслы воча. ¹⁹ Фарисейяс

сёрнитисны ас костаныс: «Аддзанныд-ө, ми нинөм огө вермөй вөчны. Став йөзыс мунөны Сы бөрся». ²⁰ Гажөдчан кад дырйи Енлы юрбитны локтис тшөтш кымынкө грек. ²¹ Найө матыстчисны Филип динө, кодi вөли Галилеяса Випсаидаысь, да корисны: «Ыджыдөй, ми көсьям аддзывны Исусөс». ²² Филип мунис да висьталис та йылысь Ондрейлы. Сэсса Ондрей Филипкөд висьталисны та йылысь Исуслы. ²³ Исус шуис налы: «Воис кад – воссьыны Морт Пилон дзирдлунлы. ²⁴ Воськыда, веськыда висьтала тiянлы: шобдi тусь кө муө усьөм бөрас оз кув, сэки өтнас кольө. Кулас кө, уна тусь ваяс. ²⁵ Тэныд кө муса олөмыд, воштан сийөс. Мустөмтан кө ассьид олөмтө тайө муюгыдас, видзан сийөс помтөм олөмө. ²⁶ Меным кесьялысь мед локтө Ме бөрся. Көни Ме лоа, сэни тшөтш лоө Менам кесьялысьөй. И Меным кесьялысьөс Батьөй бурө пуктас. ²⁷ Öни Менам сьөлөмөй ёна майшасьө. Мый Меным шуны? Батьөй, мезды Менө тайө кадсьыс! Но дзик тайө кад кезлас Ме локтi. ²⁸ Батьөй, восьт Аслад нимлысь дзирдлунсө!» Сэки енэжсянь кылис гөлөс шы: «Ме восьтi нин да нөшта на восьта». ²⁹ Сэни сулалысь йөзыс тайөс кылөм бөрын шуалисны: «Тайө гым». Мөдьяс шуалисны: «Андел Ськөд сёрнитис». ³⁰ Исус шуис: «Тайө висьталөмыс эз вөв Меным, а тiянлы. ³¹ Öни тайө муюгыдсө лоө мыждөма. Öни тайө муюгыдас ыджыдалысьсө лоө вөтлөма. ³² Му вылысь Менө кыпөдөм бөрын Ме ставнысө Ас динө сибөда». ³³ Тайө висьталөмнас Сийө гөгөрвоөдiс, кутшөм ногөн Сийө кулас. ³⁴ Йөзыс шуисны Сылы: «Ми төдам Индөдысь, мый Кристос помтөг олө. Сидзкө, мыйла Тэ шуан, Морт Пиөс пө кыпөдасны? Кодi сийө Морт Пиыс?» ³⁵ Сэки Исус шуис налы: «Этшаник кад югыдыс лоас на тiянкөд. Сидзкө, ветлөй югыдыс дырйи, медым пемыдыс эз пөдты тiянөс. Öд пемыдас ветлысь оз төд, кытчө мунө. ³⁶ Кытчөдз югыдыс тiянкөд, эскөй югыдыслы. Сэки лоанныд югыдыслөн ныв-пиөн». Тайөс висьталөм бөрын Исус ылыстчис на дiнысь да саялис. ³⁷ Сы мында шензьөданатор Исус вөчис йөзыс водзын, но найө эз эскыны Сылы. ³⁸ Тадзи инисны Исай пророклөн кывъясыс: – Господьөй, кодi эскис миянсянь кывлөмас? Кодлы петкөдчис Господьлөн вына кыис? ³⁹ Найө эз вермыны эскыны, кызди висьтавлis на йылысь Исай: ⁴⁰ – Енмыс тупкис налысь синнысө, чорзьөдiс налысь сьөлөмнысө, медым эз аддзыны синнаныс, эз гөгөрвоны сьөлөмнаныс да эз бергөдчыны Мелань, медым Ме бурдөдi найөс. ⁴¹ Исай шуис тайө кывъяссө Исуслысь дзирдлунсө аддзылигас, да висьталis Сы йылысь. ⁴² Воськөдлысьяс пөвстысь унаөн эскисны Исуслы. Сөмын фарисейясысь полөмнысла найө эз лысьтны висьтавыны та йылысь веськыда, медым эз вөтлыны найөс синагогаысь.

⁴³ Öд Енлөн ошкөм дорысь налы мусаджык вөли йөзлөн ошкөмыс. ⁴⁴ Исус гораа шыясис: «Меным эскысь оз Меным эскы, а Менө Мөдөдысьлы. ⁴⁵ Менө аддзысь аддзө Менө Мөдөдысьсө. ⁴⁶ Ме – югыдыс. Ме локтi му вылө, медым Меным эскысь эз коль пемыдас. ⁴⁷ Менсьым кывъясөс кылысь кө оз эскы, Ме сийөс ог мыжды. Ме өд локтi муюгыдсө мездыны, а эг мыждыны. ⁴⁸ Кодi оз сибөд Менө да оз босьт Менсьым кывъясөс, сьлөн эм аслас мыждысь: Менам висьталөм кывйөй медбөрья лунө мыждас сийөс. ⁴⁹ Ме висьталi эг Ассиянь. Менө мөдөдысь Батьөй Ачыс велөдiс Менө, мый шуны да юөртны. ⁵⁰ Ме төда: Сьлөн тшөктөмыс вайө помтөм олөм. Сидзкө, Менам висьталөмөй – Батьлөн шуөм серти висьталөм».

13 Тайө вөли Ыджыд лун водзвылын. Исус төдiс, мый Сылы воис кад мунны тайө муюгыдсьыс Батьыс динө. Исуслы вөли мусаөсь найө, кодьяс эскисны Сылы, Сийө помөдз петкөдлiс налы Ассияс муслунсө. ² Рытнас найө чукөртчисны сөйны. Омөлыс вөли ышөдөма нин Иудаөс, Симон-Искарот пиөс, вузавны Исусөс. ³ Исус төдiс, мый Батьыс ставсө сетiс Сы киө, и мый Сийө локтис Енсянь да бөр Сы динө мунө. ⁴ Сөйигас Исус чеччис, пөрчис вылыс паськөмсө да вөнясис ки чышкөдөн. ⁵ Кисьтiс дозйө ва да кутiс мыськавыны велөдчысьяслысь кокнысө, а вөнялөм чышкөднас чышкалис найөс. ⁶ Исус матыстчис Симон-Петыр динө. Петыр шуис: «Господьөй, Тэ-ө менсьым кокөс мыськан?» ⁷ Исус вочавидзис: «Тэ öни он на гөгөрво, мый Ме вөча, но бөрынджык гөгөрвоан». ⁸ Петыр шуис Сылы: «Некор он мыськав менсьым кокөс!» Исус воча шуис: «Ог кө мыськав тэнө, он ло Мекөд». ⁹ Симон-Петыр шуис Сылы: «Господьөй, мыськы тшөтш менсьым киөс да юрөс, эн сөмын кокөс!» ¹⁰ Исус вочавидзис: «Мыськалөмалысь колө мыськавыны сөмын коксө, өд дзоньнассө сийө сөстөм нин. Тi сөстөмөсь нин, сөмын абу ставныд». ¹¹ Исус төдiс, кодi Сийөс вузалас, та вөсна шуис, абу пө ставныд сөстөмөсь. ¹² Налысь кокнысө мыськалөм бөрын Исус пасьтасис да бара пуксис сөйны. Сийө шуис велөдчысьясылы: «Гөгөрвоанныд-ө, мый Ме öни вөчи? ¹³ Тi шуанныд Менө Велөдысьөн да Господьөн. Тi веськыда шуанныд, Ме буретш сийө. ¹⁴ Ме кө, тiян Господь да Велөдысь, мыськалi тiянлысь кокнытө, сидзкө, тiянлы тшөтш колө мыськавыны öта-мөдныдлысь кокнытө. ¹⁵ Тадзи Ме вөчи, медым тi вөчинныд Ме моз. ¹⁶ Воськыда, веськыда висьтала тiянлы: кесйөг абу ыджыдджык аслас ыджыдысь, да мөдөдөм морт абу ыджыдджык сийөс мөдөдысьысь. ¹⁷ Тайөс кө төданныд да та серти оланнид, тi шудабсь. ¹⁸ Ме ог висьтав ставныд йылысь, өд Ассиям бөрийөмаясөс Ме төда. Но Гижөдыслы колө инны: "Мекөд

сёйысыс мунас Меным паныд". ¹⁹ Ме водзвыв висьтала тайёс, медым лоём бёрас ті эскинныд, мый Ме збыльыс Сійё, кодён шуа Ачымёс. ²⁰ Вёськыда, вёськыда висьтала тіянлы: коді сибөдө Месянь мөдөдөмаёс, сійё сибөдө Менө. А Менө сибөдыс сибөдө Менө Мөдөдысьёс». ²¹ Тайёс висьталөм бёрын Исуслөн нормис сёлөмыс. Сійё шуис: «Вёськыда, вёськыда висьтала тіянлы: тіян пиыс өти вузалас Менө». ²² Сэки велөдчысыс видзөдлісны өта-мөдныс вылө. Найө эз гөгөрвоны, код йылыс Сійё сёрнитө. ²³ Велөдчысыс пиыс өти, коді вөлі муса Исуслы, нёровтчөмөн пукаліс Исус бердын. ²⁴ Симон-Петыр довкнитіс сылы, юав пө Исуслыс, код йылыс Сійё сёрнитө. ²⁵ Исуслы морөс бердас топөдчөмөн велөдчысыс шуис: «Господьёй, коді нө сійө?» ²⁶ Исус вочавидзис: «Сійө мортыслы Ме сета көтөдөм нянь тор». Исус көтөдіс нянь тор да сетіс сійөс Симон-Искариот Иудалы. ²⁷ Тайө нянь тор бёрас Иуда пытшкө пырис сөтана. Исус шуис Иудалы: «Мый көсьян вөчны, вөч өдйөджык». ²⁸ Сёйысыс пөвстыс некод эз гөгөрво, мыйла Исус шуис тадзи. ²⁹ Кодсюрө чайтісны, мый Исус тшөктіс ньөбны коланаторсө Ыджыд лун кешлө либө сетны мыйкө гөляслы. Одь сьом кудйыс вөлі Иуда ордын. ³⁰ Нянь торсө босьтөм бёрын Иуда дзик пыр петіс ывлаө. Вөлі вой. ³¹ Иудалөн петөм бёрын Исус шуис: «Оні воссис Морт Пилөн дзирдлуныс, а Пиыс пыр воссис Енлөн дзирдлуныс. ³² Енлөн дзирдлуныс кө воссис Пиыс пыр, сэки Енмыс Ас пытшкас востас Пиыслыс дзирдлунсө. Тайө лоө регыд нин. ³³ Челядь, Меным этша нин колис овны тіянкөд, сэсса кутанныд корсьны Менө. Оні висьтала тіянлы сійө, мый коркө висьтавлі мукөдыслы: кытчө Ме муна, сэтчө ті онө вермөй локнысө. ³⁴ Виль тшөктөм сета тіянлы: радейтөй өта-мөднытө! Кыдзи Ме радейта тіянөс, сідзи ті радейтөй өта-мөднытө. ³⁵ Радейтанныд кө өта-мөднытө, сэки быдөн аддзас, мый ті – Менам велөдчысыс». ³⁶ Симон-Петыр юаліс: «Господьёй, кытчө Тэ мунан?» Исус вочавидзис: «Кытчө Ме муна, сэтчө тэ оні он вермы муннысө. Локтан Ме бөрся бөрынджык». ³⁷ Петыр шуис: «Господьёй, мыйла оні ог вермы Тэ бөрся муннысө? Ме асьым олөмөс сета Тэ вөсна!» ³⁸ Исус вочавидзис: «Тэ шуан, мый асьыд олөмтө сетан Ме вөсна. Вёськыда, вёськыда висьтала тэныд: петук чукөсттөдз на тэ куимыс соссян Мевыс».

14 «Мед оз майшась тіян сёлөмныд. Эскөй Енлы да эскөй Меным. ² Менам Бать керкаын вежөсыс уна. Эз кө вөв сідзи, Ме эськө эг шу: муна дасьтыны тіянлы оланін. ³ Ме дасьта оланін да бөр локта босьтны тіянөс Ас дінө, медым ті вөлінныд Мекөд. ⁴ Ті төданныд, кытчө Ме муна, туйсө тшөтш төданныд». ⁵ Фома шуис Сылы: «Господьёй, ми огө

төдөй, кытчө Тэ мунан. Кыдзи нө ми вермам туйсө төдны?» ⁶ Исус шуис сылы: «Ме – туйыс, збыльыс да олөмыс. Бать дінө позьө локны сөмын Ме пыр, мөд туйыс абу. ⁷ Ті кө төданныд Менө, төданныд тшөтш Менсьым Батьёс. Оні ті төданныд Сійёс, весиг аддзылінныд Сійёс». ⁸ Филип шуис Сылы: «Господьёй, петкөдлы миянлы Батьтө. Унджыксө ми огө көсйөй». ⁹ Исус вочавидзис: «Он өмөй төд Менө, Филип, Ме өд сы дыра нин ола тіянкөд? Менө аддзылыс и Батьёс аддзыліс. Мыйла тэ шуан, петкөдлы пө миянлы Батьтө? ¹⁰ Ме – Бать пытшкын, а Бать – Ме пытшкын. Эскан-ө таө? Сійө кывьяссө, мый висьтала тіянлы, ог Ассиянь висьтав. Тайө Ме пытшкын олыс Батьёй вөчө уджьяссө. ¹¹ Эскөй Менам кывьясө: Ме – Бать пытшкын, а Бать – Ме пытшкын. Онө кө эскөй таө, эскөй Меным уджьясөй серти. ¹² Вёськыда, вёськыда висьтала тіянлы: Меным эскыс кутас вөчны Ме кодь жө уджьяс, весиг наыс ыджыдджыкөс на, өд Ме муна Батьёй дінө. ¹³ Мый коранныд Бательыс Менам нимөн, сійөс Ме вөча, медым Бательөн дзирдлуныс воссис Пиыс пыр. ¹⁴ Мый коранныд Менам нимөн, сійөс Ме вөча». ¹⁵ «Ме кө муса тіянлы, олөй Менам тшөктөмьяс серти. ¹⁶ Ме кора Бательыс, и Бать сетас тіянлы мөд Дорйысьёс. Сійө пыр лоас тіянкөд. ¹⁷ Тайө Дорйысыс – Збыльыслөн Лолыс. Муюгыдыс оз аддзы да оз төд Сійёс, та вөсна оз вермы сибөдны. Ті төданныд Сійёс, өд Сійө тіянкөд да тіян пытшкын. ¹⁸ Отнанытө ог коль тіянөс, Ме бөр локта тіян дінө. ¹⁹ Регыд муюгыдыс оз нин аддзы Менө, а ті кутанныд аддзыны Менө. Ме ола, та вөсна ті тшөтш кутанныд овны. ²⁰ Сійө лунө ті төдмаланныд, мый Ме – Бать пытшкын, ті – Ме пытшкынөс, а Ме – тіян пытшкын. ²¹ Коді видзө сёлөмас Менсьым тшөктөмьясөс да олө на серти, сійө радейтө Менө. Коді Менө радейтө, сійөс Менам Батьёй радейтө. Ме сійөс тшөтш радейта да востас сылы». ²² Мөд Иуда, абу Искариот, шуис Исуслы: «Господьёй, мыйла Тэ көсьян востыны миянлы, а он муюгыдыслы?» ²³ Исус вочавидзис: «Коді радейтө Менө, сійө олө Менам кывьяс серти. Менам Батьёй радейтө сійөс. Ми локтам Батькөд да овмөдчам сы дінө. ²⁴ Коді оз радейт Менө, сійө оз ов Менам кывьяс серти. Сійө кывьясыс, мый ті кыланныд, абу Месянь, найө – Менө мөдөдыс Батьсянь. ²⁵ Тайёс висьталі тіянлы, кор Ме оні тіянкөд на. ²⁶ Менам Батьёй мөдөдас Менам ним кузя Дорйысьёс – Вежа Лолөс. Сійө велөдас тіянөс быдторйө да казтыштас тіянлы ставсө, мый Ме висьтавлі тіянлы. ²⁷ Лөньлун коля тіянлы. Асьым лөньлунөс сета тіянлы, сійө абу муюгыдыслөн лөньлун кодь. Энө майшасьёй да энө полөй. ²⁸ Ті өд кывлінныд Менсьым кывьясөс: "Ме муна да бөр локта тіян дінө". Ме кө муса тіянлы, ті эськө

нимкодясинныд Бать дінө Менам мунөмысь, өд Батьой Меысь ыджыдджык. ²⁹ Ме водзвыв висьтала тайос, медым лоом бөрас ті эскинныд Меным. ³⁰ Ог нин уна сёрнит тіянкөд, өд тайө муюгыдас ыджыдалысьыс локтө нин. Ме вылын сійө ыджыдавыны оз вермы. ³¹ Но медым муюгыдыс төдіс, мый Бать Меным муса, ставсө вөча Батьлөн тшөктөм серти. Чеччөй, мунамөй татысь».

15 «Ме – збыль виноград пуыс, Менам Батьой – виноград быдтысьыс. ² Вотос вайтөм увьяссө Сійө кералө, а вотос вайысь увсө Сійө весалө, медым вайис унджык вотос на. ³ Ті сөстөмөсь нин, өд Менам кывъясөй весалисны тіянос. ⁴ Лоөй Ме пытшкын, и Ме лоа тіян пытшкын. Увйыс кө абу йитчөма пуыскөд, ачыс сійө оз вермы вайны вотөссө. Ті тшөтш онө вермөй вайны вотөссө, онө кө лоөй Ме пытшкын. ⁵ Ме – пуыс, ті – увьясыс. Коді олө Ме пытшкын, а Ме сы пытшкын, сійө вайө уна вотос. ⁶ Метөг ті нинөм онө вермөй вөчнысө. ⁷ Коді оз ло Ме пытшкын, увйөс моз сійөс шыбитасны ортсө. А косьмөм увьяссө чукөртөны да шыбитөны биө. ⁸ Лоанныд кө Ме пытшкын, да Менам кывъясөй кө лооны тіян пытшкын, сэки корөй, мый көсьянныд, и лоас тіянлы. ⁹ Ті кө ваянныд уна вотос да лоанныд Менам велөдчысьясөн, сэки воссяс Батьлөн дзирдлуныс. ¹⁰ Батьлы Ме ёна муса, ті Меным тшөтш ёна мусаөсь. Сідзкө, олөй Менам муслун пытшкын. ¹¹ Ме ставсө вөча Батьлөн тшөктөм серти да ола Сылөн муслун пытшкын. Ті кө вөчанныд Менам тшөктөм серти, сэки тшөтш кутанныд овны Менам муслун пытшкын. ¹² Тайөс Ме висьталі тіянлы, медым Менам нимкодълунөй вуджис тіянлы да тыртіс сьөлөмнытө. ¹³ Менам тшөктөмөй татшөм: радейтөй өта-мөднытө, кызди Ме радейта тіянос. ¹⁴ Мортыс кө сетас олөмсө ёртыс вөсна, таысь ыджыдджык муслуныс абу. ¹⁵ Оланныд кө Менам тшөктөм серти, ті – Менам ёртъяс. ¹⁶ Ме ог нин шу тіянос кесйөгъясөн. ¹⁷ Мый ыджыдыс вөчө. Ме шуа тіянос ёртъясөн, өд Ме висьталі тіянлы ставсө, мый кывлі Батьсянь. ¹⁸ Энө ті Менө бөрйөй. Ме бөрйи тіянос да мөдөді, медым вайинныд бырлытөм вотос. ¹⁹ Тадзи кө вөчанныд, Батьой сетас тіянлы ставсө, мый коранныд Сылысь Менам нимөн. ²⁰ Ме тшөкта тіянлы: радейтөй өта-мөднытө». ²¹ «Муюгыдыс кө мустөмтө тіянос, төдөй: тіянысь водзджык на сійө мустөмтіс Менө. ²² Ті кө вөлінныд муюгыдысьыс, сэки эськө мусаөсь вөлінныд муюгыдыслы. Но ті абу муюгыдысьыс, өд Ме бөрйи тіянос сэтысь, сійөн муюгыдыс мустөмтө тіянос. ²³ Кутөй төд выланыд Менсьым кывъясөс: кесйөг абу ыджыдджык аслас ыджыдысь. Менө кө вөтлісны, вөтласны тшөтш тіянос. Менсьым кывъясөс кө кывзісны, кывзасны тшөтш тіянлысь.

²¹ Ставсө тайөс найө вөчасны Менам ним вөсна, өд найө оз төдны Менө Мөдөдысьөс. ²² Эг кө Ме лок да сёрнит накөд, найө эськө эз вөвны мыжаөсь. Оні найө оз вермыны шуны, мый абу мыжаөсь. ²³ Менө мустөмтысь Менсьым Батьөс тшөтш мустөмтө. ²⁴ Ме кө эг вөч налөн син водзын сійө уджъяссө, кодъясөс некод эз вөчлы, сэки эськө найө эз вөвны мыжаөсь. Оні найө аддзылісны Менсьым уджъясөс, но Менө да Менсьым Батьөс мустөмтөны. ²⁵ Тадзи инө налөн Индөдын гижөмаыс: "Мустөмтөны Менө весьшөрө". ²⁶ Ме мөдөда тіянлы Батьсянь Дорйысьөс, Сійө – Збыльслөн Лолыс. Сійө локтас Батьсянь да висьталас Ме йылысь. ²⁷ Ті тшөтш кутанныд висьтавыны Ме йылысь, өд ті водзысянныс Мекөд».

16 «Тайөс висьталі тіянлы, медым ті энө эновтчөй эскөмысь. ² Тіянос вөтласны синагогаысь. Весиг воас сэтшөм кад, кор тіянос виысьяс кутасны чайтны, мый татшөм ногөн найө кесъялөны Енмыслы. ³ Найө вөчасны тадзи, өд Батьөс да Менө найө оз төдны. ⁴ Тайөс Ме висьталі тіянлы, медым сійө кадыс воигөн ті төд выланыд уськөдінныд Менсьым кывъясөс. Водзынсө тайөс эг висьтавыны тіянлы, өд Ме вөлі тіянкөд». ⁵ «Оні муна Менө Мөдөдысь дінө. Но некод тіян пиысь оз юав Менсьым, кытчө Ме муна. ⁶ Менам висьталөмысь тіян сьөлөмныд тырис шөгөн. ⁷ Ме висьтала тіянлы збыльсө: бурджык лоө, Ме кө муна. ⁸ Менам кө, мөдөда Сійөс тіян дінө. ⁹ Дорйысьыс локтас да эрдөдас муюгыдыслысь ылалөмсө – Сійө висьталас налы мыж йылысь, веськыдлун йылысь да мыждөм йылысь. ¹⁰ Мыжыс сыын, мый оз эскыны Меным. ¹¹ Веськыдлуныс сыын, мый Ме муна Батьой дінө да ті онө нин аддзөй Менө. ¹² Мыждөмыс сыын, мый тайө муюгыдас ыджыдалысьсө мыждөма нин. ¹³ Унатор на верма висьтавыны тіянлы, но оні ті онө вермөй ставсө төрөдны. ¹⁴ Збыльслөн Лолыс локтас да велөдас тіянос збыляс. Сійө оз Ассияныс кут висьтавыны, а висьталас кывлөмсө да юөртас тіянлы водзө лоанасө. ¹⁵ Сійө нимөдас Менө, өд Месянь кывлөмсө тіянлы юөртас. ¹⁶ Ставыс, мый Батьлөн, тшөтш Менам. Сійөн Ме шуи, мый Месянь кывлөмсө тіянлы юөртас». ¹⁷ «Регыд ті онө аддзөй Менө, сэсса регыд бара аддзанныд Менө, өд Ме муна Бать дінө». ¹⁸ Велөдчысьяс пиысь кодсюрө сёрнитісны өта-мөдныскөд: «Мыйла Сійө шуө: "Регыд ті онө аддзөй Менө, сэсса регыд бара аддзанныд Менө?" Мыйла Сійө висьталө, Ме пө муна Бать дінө?» ¹⁹ Найө шензисны: «Кызди гөгөрвоны Сылысь кывъяссө, кор шуө, регыд пө? Ми огө гөгөрвоөй Сылысь висьталөмсө». ²⁰ Исус төдіс, мый йылысь велөдчысьясыс көсйөны юавны Сылысь, да шуис налы: «Сы йылысь-ө ті

сёрнитанныд óta-модныдкөд, мый Ме көсйи висътавны тайё кывъяснас: "Регыд ті онё аддзёй Менё, сэсса регыд бара аддзанныд Менё"?
²⁰ Вёськыда, вёськыда висътала тіянлы: ті кутанныд сыркъялёмён бёрдны, а муюгыдыс кутас нимкодьясьны. Ті шогё усянныд, но тіян шогныд бергёдчас нимкодълунё. ²¹ Кага вайысь ань шогсьё, кор воас кад чужтыны. Но чужтём бёрас сылён шогыс вунё нимкодъысла, өд муюгыдас морт чужис. ²² Оні ті тшөтш шогсянныд, но Ме бара аддзыся тіянкөд. Сэки тіян сёлёмныд тырас нимкодълунён, и тіянлысь нимкодълунтё некод оз мырдды. ²³ Сійё лунё ті нинём нин онё юалёй Менсьым. Вёськыда, вёськыда висътала тіянлы: Бать сетас тіянлы ставсё, мый коранныд Сылысь Менам нимён. ²⁴ Онөдз ті нинём энё корлөй Менам нимён. Корөй, и лоё сетёма тіянлы. Сэки тіян нимкодълунныд лоё помтём-дортём. ²⁵ Ме висътавлі тіянлы велөданвисътъясөн. Но воас кад, кор ог нин кут тадзи сёрнитны. Сэки вёськыда висътала тіянлы Бать йылысь. ²⁶ Сійё лунё ті асьныд кутанныд корны Батьлысь Менам нимён. Меным абу нин колана кевмысьны Батьлы тіян вёсна. ²⁷ Ті асьныд мусаёсь Батьлы, өд ті радейтанныд Менё да эсканныд, мый Ме локті Енсянь. ²⁸ Ме локті муюгыдас Бать дінсянь. Оні Ме коля муюгыдсё да бёр муна Бать дінё». ²⁹ Велөдчысьясыс шуисны Исуслы: «Оні Тэ вёськыда висъталан, он нин сёрнит велөданвисътъясөн. ³⁰ Оні ми аддзам, мый Тэ төдан ставсё. Миян юавтөдз на Тэ төдан нин, мый вочавидзыны. Та вёсна эскам: Тэ локтін Енсянь». ³¹ Исус шуис: «Оні ті эсканныд? ³² Воас кад да воис нин, кор ті ставныд разаланныд, Менё өтнамөс колянныд. Но Ме абу өтнам, өд Мекөд Батьёй. ³³ Тайёс висъталі тіянлы, медым тіян вөлі лөньлун Ме пытшкын. Муюгыдас лоё сьёкыд тіянлы, но энё полөй, өд Ме верми муюгыдсё».

17 Тайёс висъталөм бёрын Исус видзөдліс енэжас да шуис: «Батьёй, воис кад восьтны Пиыдлысь дзирдлунсё, медым Пиыд вермис восьтны Тэнсьыд дзирдлунтё. ² Тэ индін Питө ыджыдавыны быдөн вылын. Сійё сетас помтём олөм быдөнлы, кодөс Тэ сетін Сылы. ³ Помтём олөмыс – тайё төдны Тэнё, өти збыль Енмөс, да Тэон мөдөдөм Исус Крестосөс. ⁴ Му вылас олігөн Ме восьті Тэнсьыд дзирдлунтё да вөчи Меным сетөм уджтё. ⁵ Батьёй, оні сет Меным сійё жё дзирдлунсё, кутшөм вөлі Менам дзирдлунөй му пуксьытөдзыс на, кор Ме вөлі Тэкөд. ⁶ Ме восьті Тэнсьыд нимтө йөзыслы, кодъясөс Тэ сетін Меным муюгыдсьыс. Найё – Тэнадөсь, Тэ Меным сетін найёс. Найё видзисны Тэнсьыд Кывтө. ⁷ Оні найё гөгөрвооны: ставыс, мый Тэ сетін Меным, тайё – Тэсянь. ⁸ Ме висъталі налы Тэнсьыд кывъястө. Найё сибөдісны

тайё кывъяссө да збыльысь төдөны, мый Ме Тэсянь локті. Найё эскөны, мый Тэ Менё мөдөдін. ⁹ Ме кевмыся на вёсна. Ог став йөзыс вёсна кевмысь, кевмыся сөмын Меным сетөмаясыд вёсна, өд найё Тэнадөсь. ¹⁰ Ставыс, мый Менам, сійё Тэнад, а мый Тэнад – сійё Менам. Менам дзирдлунөй воссяс на пыр. ¹¹ Ме абу нин муюгыдас, но найё муюгыдасөсь на. Ме Тэ дінө локта. Вежа Батьёй, видз Меным сетөмаясөс Аслад нимён, медым найё вөліны Миян моз өтвыв. ¹² Накөд муюгыдас олігөн Ме видзи найёс, Меным сетөмаясөс, Тэнад нимён. Ме видзи найёс, да некод эз вош на пиысь сы кындзи, кодлы колө вөлі вошнысө. Тадзи иніс Гижөдыс. ¹³ Оні локта Тэ дінө. Ме висътала тайёс муюгыдас олігөн на, медым Менам нимкодълунөй тыртіс налысь сёлёмнысө. ¹⁴ Ме висъталі налы Тэнсьыд кывтө. Муюгыдыс мустөмтө найёс, өд найё Ме моз абу тайё муюгыдсьыс. ¹⁵ Ог кевмы босьтны найёс муюгыдсьыс, кевма видзыны найёс омөльысь. ¹⁶ Найё Ме моз абу тайё муюгыдсьыс. ¹⁷ Вежөд найёс збыльыд пыр. Збыльыс – тайё Тэнад кывйыд. ¹⁸ Тэ мөдөдін Менё муюгыдас. Тэ моз жө Ме мөдөді найёс муюгыдас. ¹⁹ На вёсна Ме сета Тэныд Ачымөс, медым збыльыс вежөдіс найёс. ²⁰ Кевмыся ог сөмын на вёсна, кевмыся тшөтш мукөдыс вёсна, кодъяс эскөны Меным налөн висъталөм пыр. ²¹ Кевмыся, мед найё ставныс лоасны өтвыв. Кыдзи Тэ, Батьёй, Ме пытшкын, а Ме – Тэ пытшкын, тадзи мед найё лоасны өтвыв Миян пытшкын. Сэки муюгыдыс эскас, мый Тэ Менё мөдөдін. ²² Меным сетөм дзирдлунтө Ме сеті тшөтш налы, медым найё вөліны Миян моз өтвыв. ²³ Ме кө на пытшкын, а Тэ – Ме пытшкын, сэки найё ставныс лоасны өтвыв. Тадзи муюгыдыс төдмалас, мый Тэ Менё мөдөдін, и найё мусаёсь Тэныд, кыдзи Ме муса Тэныд. ²⁴ Батьёй, Ме көсья, медым Меным сетөмаясыд лоасны сәні, көні Ме лоа, да аддзасны Менсьым дзирдлунөс, кодөс Тэ сетін Меным. Од Ме муса вөлі Тэныд му пуксьытөдзыс на. ²⁵ Вёськыда вөчысь Батьёй, муюгыдыс оз төд Тэнё, а Ме төда Тэнё. Оні Тэнад сетөмаясыд тшөтш төдөны, мый Тэ Менё мөдөдін. ²⁶ Ме велөді найёс төдны Тэнсьыд нимтө да нөшта на велөда, медым Ме вөлі на пытшкын, да медым на пытшкын вөлі сэтшөм муслун, кутшөм Тэнад муслуныд Ме дінё».

18 Тайёс шуөм бёрын Исус муніс велөдчысьясыскөд Кедрон ю сайё да пырис накөд сад йөрө. ² Найё унаысь чукөртчылісны сэтчө, сійөн тайё йөрсө төдіс тшөтш Иуда, Исусөс вузалысь. ³ Иуда вайөдіс сэтчө шыпуртаясөс да крам видзысьясөс, кодъясөс мөдөдісны аркирейяс да фарисейяс. Найё локтісны пөнаръясөн, биясөн да шыпуртъясөн. ⁴ Исус төдіс нин, мый лоё Сыкөд,

да воча петіс налы. Сійö юалис: «Кодöс ті корсянныд?»⁵ Сылы вочавидзисны: «Назаретса Исусöс». Исус шуис: «Тайö Ме». Накöд орччөн сулаліс тшöтш Иуда, Исусöс вузалысь.⁶ Кор Исус шуис: «Тайö Ме», шыпуртаяс бöрынътчисны да усисны муас.⁷ Исус бара юалис: «Кодöс ті корсянныд?» Найö вочавидзисны: «Назаретса Исусöс». ⁸ Исус шуис налы: «Ме висьталі нин тіянлы, тайö Ме. Менö кө корсянныд, лэдзöй мукöдсö мунны». ⁹ Исус шуис тадзи, медым инісны Сылөн кывъясыс: «Меным сетöмаясыс весиг öтикöс эг вошты». ¹⁰ Симон-Петырлөн вöлі шыпурт. Сійö кыскис шыпуртсö да керыштіс аркирей кесйöглысь веськыд пельсö. Кесйöглөн нимыс вöлі Малк. ¹¹ Исус шуис Петырлы: «Бöр пукты шыпурттö пуртöсас. Ог öмöй Ме ю сійö чашасö, кодöс сетіс Меным Батьöй?» ¹² Сэки шыпуртаяс, налөн веськöдлысьяс да крам видзысьяс босьтісны Исусöс. Сійöс көрталöмөн ¹³ нуöдісны медводз Аннас дінö, Каиаф гöтырлөн бать дінö. Сійö вонас Каиаф аркиреяліс. ¹⁴ Буретш сійö шуліс юдейяслөн веськöдлысьяслы, бурджык пö öти мортлы кувны войтырыс вöсна. ¹⁵ Симон-Петыр да нöшта öти велöдчысь мунісны Исус бöрся. Аркирейлы тöдса вöлі тайö велöдчысьяс, та вöсна сійö пырис Исускöд аркирей йөр пытшкö. ¹⁶ Петыр сулаліс йөр ортсыас, дзирья дорас. Аркирейлы тöдса велöдчысьяс петіс, сёрнитыштіс дзирья востыталысь аныкöд да вайöдіс Петырöс йөр пытшкас. ¹⁷ Сэки аныс юалис Петырлысь: «Абу-ö тэ тшöтш тайö Мортислөн велöдчысь?» Петыр шуис: «Абу». ¹⁸ Кöдзыд вöлі, та вöсна кесйöгьяс да крам видзысьяс пестісны бипур да сы гөгөр сулалöмөн шонтысисны. Петыр тшöтш сулаліс накöд да шонтысис. ¹⁹ Аркирей юалис Исуслысь Сылөн велöдöмыс да велöдчысьясыс йылысь. ²⁰ Исус вочавидзис: «Ме ставсö висьтавлі востсөн. Ме велöді йöзсö синагогаясын да крамын, көні найö пыр чукöртчывлöны. Ме нинöм эг висьтавлі гусьöн. ²¹ Мыйла тэ Менсьым юасян? Юав Менö кывзысьяслысь, мый Ме висьтавлі налы. Найö тöдöны Менсьым висьтавлöмöс». ²² Кор Исус шуис тайöс, орччөн сулалысь видзысьяс кучкис Сылы чужöмас да шуис: «Тадзи тэ сёрнитан аркирейкöд?» ²³ Исус вочавидзис: «Шуи кө мыйкö лёка, висьтав, мый лёксö шуи. Шуи кө веськыда, мыйла Менö нöйттан?» ²⁴ Исусöс көртавлöмөн Аннас мöдöдіс Сійöс Каиаф аркирей дінö. ²⁵ Симон-Петыр сулаліс бипур дорын да шонтысис. Сылысь юалисны: «Абу-ö тэ тшöтш Сылөн велöдчысь?» Сійö соссис: «Абу». ²⁶ Сэні вöлі аркирейлөн кесйöг. Тайö кесйöгыс вöлі рöдвуж сылы, кодлысь пельсö Петыр керыштіс. Сійö юалис Петырлысь: «Эн-ö тэ вöв Сыкöд тшöтш сад йöрас?» ²⁷ Петыр бара соссис. Дзик пыр кыліс

петуклөн чукöстөм. ²⁸ Асывводзнас Каиафсянь Исусöс нуöдісны римса юралысьлөн керкаö. Юдейяслөн веськöдлысьяс эз пырны керка пытшкас, медым эз пөжасьны да вермисны сёйны вöджыд лунся сёян. ²⁹ Пилат петіс на дінö да шуис: «Мыйысь ті мыжаланныд тайö Мортсö?» ³⁰ Найö вочавидзисны: «Эз кө вöв Сійö лёк вöчысь, ми эськö эгö вайöдöй Сійöс тэ дінö». ³¹ Пилат шуис налы: «Босьтöй Сійöс да мыждöй асланыд Индöд серти». Юдейяслөн веськöдлысьяс шуисны сылы: «Миянлы оз позь мыждыны мортöс кулöм вылö». ³² Тадзи инісны Исуслөн кывъясыс, кутшöм ногөн Сійö кулас. ³³ Пилат бара пырис керкаö, корис ас дінас Исусöс да юалис: «Тэ-ö юдейяслөн Öксыыс?» ³⁴ Исус воча шуис: «Ачыд-ö тэ тадзи мөвпалан, либö мукöдыс тадзи шуöны Ме йылысь?» ³⁵ Пилат шуис: «Ме öд абу юдей. Тэнад войтырыд да аркирейяс сетісны Тэнö менам киö. Мый Тэ вöчин?» ³⁶ Исус вочавидзис: «Менам Юралöмöй абу тайö муюгыдсыс. Вöлі кө тадзи, Менам кесьялысьясöй эськö тышкасисны Ме вöсна, медым эг шед веськöдлысьяслөн киö. Но Менам Юралöмöй абу татысь». ³⁷ Пилат шуис Сылы: «Сідзкö, Тэ Öксы?» Исус вочавидзис: «Тэ ачыд шуан, мый Ме Öксы. Ме чужи да локті муюгыдас, медым висьтавлны збыль йывсьяс. Коді збыльыслөн, сійö кывзö Менсьым кывъясöс». ³⁸ Пилат юалис: «Мый сійö збыльыс?» Тайöс шуöм бöрын Пилат петіс юдейяс дінö да шуис налы: «Ме некутшöм мыж Сылысь ог аддзы. ³⁹ Тіян көсйöм серти вöдждыд лун водзвылын быд во ме лэдза дзескыдінысь öти мортöс. Көсьянныд-ö, медым ме лэдзи тіянлы юдейяслысь Öксысö?» ⁴⁰ Сэки ставныс горöдісны: «Эн Сійöс, а Варавваöс лэдз!» Варавва вöлі лёк вöчысь.

19 Сэки Пилат тшöктіс чорыда нöйтны Исусöс.

² Шыпуртаяс пуктісны Исуслы юрас лежнöгысь кыöм юркытш, пасьтöдісны Сійöс пемыдгöрд паськөмö ³ да шуалісны: «Мед олас юдейяслөн Öксы!» Сэсса кучкалісны чужöмас. ⁴ Пилат бара петіс йöзыс дінö да шуис: «Ме петкöда Сійöс тіян дінö, медым тöдінныд: ме некутшöм мыж Сылысь ог аддзы». ⁵ Исус петіс пемыдгöрд паськөма, юр вылас вöлі лежнöгысь юркытш. Пилат шуис йöзыслы: «Со, тайö Мортис». ⁶ Исусöс аддзигөн аркирейяс да крам видзысьяс горöдісны: «Тувьяв! Тувьяв Сійöс!» Пилат шуис налы: «Ті асьныд босьтöй да тувьялöй Сійöс. Ме некутшöм мыж Сылысь ог аддзы». ⁷ Найö вочавидзисны: «Миян эм Индöд. Индöдным серти Сылы колö кувны, öд Асьсö Сійö Ен Пиён шуö». ⁸ Тайöс кылöм мысти Пилат ёнджыка на повзис. ⁹ Сійö пырис керкаас да юалис Исуслысь: «Тэ кытысь?» Исус сылы нинöм эз вочавидз. ¹⁰ Пилат шуис: «Он көсйы сёрнитны мекöд? Он öмöй Тэ тöд, мый ме верма

тувъявны Тэнö, верма и мездыны?»¹¹ Исус вочавидзис: «Тэ эськө нинöм эн вермы вöчны Мекöд, эз кö вöв сетöма тэныд вылісянь. Та вöсна Менö вузалысь ёнджыка на мыжа». ¹² Та бöрти Пилат ёнджыка на кöсйис лэдзны Исусöс, но юдейяс горзисны: «Сійöс кö лэдзан, кесарлы тэ абу ёрт. Öд кодi пуктö асьсö öксыö, сійö паныд мунö кесарлы». ¹³ Тайöс кылöм бöрын Пилат петкөдiс Исусöс ывлаö, ачыс пуксис мыждан пуклöсö, кодi сулалiс Изэрд вылын. Юдейяс тайö Изэрдсö шуисны Гаввафаөн. ¹⁴ Тайö вöли Ыджыд лунлы паныд, лун шöрнас. Пилат шуис юдейяслы: «Со, тiян Öксыныд!» ¹⁵ Найö горöдiсны: «Босът, тувъяв Сійöс!» Пилат юалис: «Тiянлысь Öксытö тувъяла?» Аркирейяс вочавидзисны: «Кесарысь кындзи миян öксыыс абу». ¹⁶ Сэки Пилат сетiс Исусöс тувъявны крестö. Исусöс нуöдiсны сэтысь. ¹⁷ Крестсö нуигтыр Исус кайис Юр лы нима керöсö, юдейяс тайö керöссö шуисны Голгопаөн. ¹⁸ Сэни Сійöс тувъялисны крестö. Сыкөд орччөн öтар-мöдарсяныыс тувъялисны кык мортöс, а шöракостаныс – Исусöс. ¹⁹ Пöвтор вылö Пилат тшöктiс гижны: «Назаретса Исус, юдейяслөн Öксы». Гижöдсö öшöдiсны крестас. ²⁰ Тайö гижöдсö унаөн лыддисны, öд Исусöс тувъяланiныс вöли карсянь матын. Гижöдсö вöли гижöма еврей, грек да латин кывйөн. ²¹ Аркирейяс шуисны Пилатлы: «Эн гиж: "Юдейяслөн Öксы". Гиж, мый Сійö шулис: "Ме – юдейяслөн Öксы"». ²² Пилат вочавидзис: «Мый гиж, сійöс гижöма нин». ²³ Исусöс тувъялöм бöрын шыпуртаяс босътiсны Сылысь паськөмсö да юкисны нель пельö, быдөнлы вичмис öти тор. Босътiсны тшöтш дөрöмсö. Дөрöмыс вöли вурыстөм, дзоньнас кыöма. ²⁴ Найö шуисны öта-мöдныслы: «Öгö косявлöй дөрöмсö, вай пудъясям, кодлы сійö вичмас». Тадзи инiс Гижöдыс: – Юкисны ас костаныс Менсьым паськөмös, пудъясисны Менам дөрöм вöсна. Тадзи вöчисны шыпуртаяс. ²⁵ Крест дорын сулалiсны Исуслөн мамыс, мамыслөн чойыс, Клопаслөн Марья нима гöтырыс да Магдала Марья. ²⁶ Сэни сулалысь мамсö да муса велöдчысьсö аддзигөн Исус шуис мамыслы: «Аньöй, тайö тэнад пиыд». ²⁷ Сэсса шуис велöдчысьыслы: «Тайö тэнад мамыд». Сэксянь тайö велöдчысьыс босътiс Марияс ас дiнас. ²⁸ Исус тöдiс, мый ставсö нин вöчöма. Сійö шуис: «Горшöй косьмö». Тадзи инiс Гижöдыс. ²⁹ Сэни сулалiс шома вина тыра доз. Шыпуртаяс кötöдiсны винаөн губка, сэсса иссоп бедь помö сатшкөмөн матыстiсны сійöс Исуслы вомдорас. ³⁰ Винасö видлөм бöрын Исус шуис: «Ставсö вöчöма!» Сэсса нёровтiс юрсö да лэдзис ловсö. ³¹ Ставыс тайö вöли Ыджыд лунлы паныд лунö. Юдейяслөн веськөдлысьяс эз кöсйыны, медым шойясыс колисны крестын öшавны шойччан лун кежлö, öд

матыстчис Ыджыд лун. Та вöсна корисны Пилатс, медым тшöктiс чегъявны тувъялöмаяслысь кокчөр лыяссö да лэдзны найöс крест вылысь. ³² Шыпуртаяс локтiсны да чегъялисны Исускөд орччөн тувъялöмаяслысь кокчөр лыяссö. ³³ Исус дiнö матыстчöм бöрын найö аддзисны, мый Сійö кулöма нин. Та вöсна кокчөр лыяссö Сылысь эз чегъявны. ³⁴ Шыпуртаяс пиысь öти бытшкис Исуслы шынас ордлы костас, сэтысь чепöсйис вир да ва. ³⁵ Тайöс аддзылысь висьталö та йылысь, медым тi эскинныд. Öд сылөн висьталöмыс веськыд. Сійö тöдö, мый висьталö збыльсö. ³⁶ Ставыс артмис Гижöдыс серти: «Сылысь лысö оз ло чегъялöма». ³⁷ Мöдлаын тшöтш гижöма: «Кутасны видзöдны Сы вылö, кодös бытшкасны». ³⁸ Аримафея карысь Öсип вöли Исуслөн гуся велöдчысь, öд сійö полiс юдейяслөн веськөдлысьясысь. Сійö мунiс Пилат дiнö да корис Исуслысь шойсö. Пилат тшöктiс босътны. Öсип мунiс да босътiс Исуслысь шойсö. ³⁹ Сэтчö локтiс тшöтш Никодим, кодi водзынджык волiс Исус дiнö войнас. Сійö вайис комын кило кымын смирнаысь да алоэысь вöчöм мавтас. ⁴⁰ Найö босътiсны Исуслысь шойсö да гартыштiсны сійöс дзедан дöраö, кодös вöли кötöдöма чöскыд дука мавтасөн. Тадзи дзедлисны юдейяс кулöмаясöс. ⁴¹ Исусöс тувъяланiнсянь матын вöли сад йөр, сэни вöли выль дзеданiн. Сэтчö некодös на эз дзедлыны. ⁴² Матыстчис юдейяслөн шойччан лун, та вöсна Исуслысь шойсö пуктiсны тайö дзеданiнас, öд дзеданiныс вöли матын.

20 Шойччан лун бöрын асья рöмыдас Магдала Марья локтiс дзеданiнö. Сійö аддзис: изсö вöли вештöма пыранiнсьыс. ² Сэки котöртiс Симон-Петыр дiнö да мöд велöдчысь дiнö, кодi вöли муса Исуслы, да шуис налы: «Господьтö нуöмаöсь дзеданiнсьыс, но öгö тöдöй, кытчö Сійöс пуктöмаöсь». ³ Петыр мöд велöдчыськөд мöдöдчисны дзеданiнас. ⁴ Найö кыкнанныс котöртiсны. Мöд велöдчысьыс котöртiс Петырысь тэрыбджыка да водзджык воис дзеданiн дорас. ⁵ Сійö копыртчис да аддзис дзедан дöраяссö, но пытшкас эз пыр. ⁶ Сы бöрся локтiс Симон-Петыр, пырис дзеданiнас да аддзис сэтысь дзедан дöраяссö. ⁷ Юрсö гартыштан чышъянсö вöли тубыртöма, да куйлис мöдлаын, дöраясысь торйөн. ⁸ Дзеданiнас пырис тшöтш мöд велöдчысьыс, кодi водзджык воис. Сійö аддзис тайöс да эскис. ⁹ Öд найö эз на гөгөрвоны Гижöдсьыс, мый Исус ловзяс. ¹⁰ Сэсса велöдчысьяс бөр мунiсны гортаныс. ¹¹ Марья бөрдигтыр сулалiс дзеданiн дорас. Бөрдигмозыс сійö копыртчöмөн видзöдлiс дзеданiн пытшкас ¹² да аддзис сэтысь еджыд паськөма кык анделöс. Öтиыс пукалис шой вöвлöминас

юрладорас, а мөдыс – кокладорас. ¹³ Найо юалисны: «Аньой, мыйла тэ бөрдан?» Марья вочавидзис: «Нуомаось менсьым Господьос, и ог тод, кытчө Сийос пуктөмаось». ¹⁴ Тайос шуом бөрын Марья бергөдчис бөрланьыс да аддзис сулалысь Исусос, сомын эз тод Сийос. ¹⁵ Исус юалис: «Аньой, мыйла тэ бөрдан? Кодос корсян?» Марья чайтис, мый сыкөд сёрнитө сад йөрын уджалысь, да шуис сылы: «Ыджыдой, тэ кө петкөдін Сийос, висьтав, кытчө пуктін. Ме босьта Сийос». ¹⁶ Исус шуис: «Марья!» Марья бергөдчис да шуис: «Раввуни!» Тайо лоо: «Велөдысьой!» ¹⁷ Исус шуис сылы: «Эн инмөдчы Ме динө, Ме од эг на кыпөдчы Батьой динө. Мун Менам вокьяс динө да висьтав налы: Ме кыпөдча Аслам Батьой да тиян Батьныд динө, Аслам Енмөй да тиян Енныд динө». ¹⁸ Магдала Марья мунис да юөртис велөдчысьяслы, мый аддзылис Господьос, да висьталис налы Исуслысь кывьяссө. ¹⁹ Шойччан лун бөрын рытнас велөдчысьяс чукөртчисны өтлаө. Найо полисны юдейяслон веськөдлысьясысь да йигналисны өдзөсьяссө. Виччысьтөг локтис Исус, сувтис на шөрө да шуис: «Лөнь олөм тиянлы!» ²⁰ Тайос шуом бөрын Сийө петкөдлис налы Ассьыс кисө да ордлыяссө. Господьос аддзигөн велөдчысьяс долыдмисны. ²¹ Исус шуис налы мөдысь: «Лөнь олөм тиянлы! Кыдзи Бать мөдөдис Менө, сідзи Ме мөдөда тиянөс». ²² Тайос шуом бөрын Сийө пөльыштис налань да шуис: «Сибөдөй Вежа Лолос». ²³ Кодлысь мыжъяссө прөститаньыд, сийос лоө прөститөма. Кодлысь онө прөститөй, сы вылө мыжыс коляс». ²⁴ Исус волігөн дас кыксьыс өти, Двөйнипөв Фома, эз вөв накөд. ²⁵ Мукөд велөдчысьыс висьталисны сылы: «Ми аддзылим Господьос». Фома воча шуис: «Ог кө аддзыв кисьыс көрттув дойяссө да ог пуктыв сэтчө чуньос, да ог кө пуктыв ассьым киос сылы ордлыас, ог эскы». ²⁶ Вижон мысти велөдчысьясыс бара вөліны керкаынөсь, Фома тшөтш вөлі накөд. Өдзөсьясыс вөліны йиганаось. Исус сувтис на шөрө да шуис: «Лөнь олөм тиянлы!» ²⁷ Сэсса шуис Фомалы: «Нюжөдлы чуньтө да видзөдлы Менсьым киос. Нюжөдлы китө да пуктыв Менам ордлыө. Эн ло эскытөмөн, но ло эскысьон». ²⁸ Фома вочавидзис: «Господьой, менам Енмөй!» ²⁹ Исус шуис сылы: «Тэ эскан, Менө аддзылін да. Шудаось найо, кодъяс оз аддзыны, но эскөны!» ³⁰ Исус вөчис велөдчысьясыс дырйи уна мукөд шензьөданатор. На йылысь абу гижөма тайө небөгас. ³¹ Тайос гижөма, медым ті эскинныд, мый Исус эм Кростос, Ен Пи. Эсканьыд кө, Сылөн нимыс пыр тиянлы вичмас олөм.

21 Та бөрти Исус петкөдчис велөдчысьясыслы Тиверия ты дорын. Сийө петкөдчис тадзи.

² Симон-Петыр, Двөйнипөв Фома, Галилеяса Канаысь Нафанаил, Зеведейлөн пияныс да нөшта

кык велөдчысь вөліны өтлаынөсь. ³ Симон-Петыр шуис: «Ме муна чери кыйны». Сылы шуисны: «Ми тшөтш тэкөд мунам». Найо дзык пыр пуксисны пыжө да петисны ва вылө. Сийө войнас налы нинөм эз шед. ⁴ Водз асывнас Исус сулалис вадорас. Велөдчысьясыс эз төдны Сийос. ⁵ Исус юалис налысь: «Ёртъясөй, шедис-ө тиянлы чериныд?» Найо шуисны: «Эз». ⁶ Исус шуис: «Чөвтөй тывнытө пыж веськыдладорас, сэки шедас». Найо чөвтисны. Чериыс шедис сэтшөм уна, весиг васьыс тывсө эз вермыны кыскыны. ⁷ Сэки велөдчысьыс, коді вөлі муса Исуслы, шуис Петырлы: «Тайө Господь». Симон-Петыр сэки вөлі пөрччысьөма. Кор кылис, мый тайө Господь, сийө өдйө пасьтасис да чеччыштис ваас. ⁸ Мукөд велөдчысьыс локтисны пыжнас да кыкисны чери тыра тывсө. Найо вөліны матынөсь вадорсянныс, воськов кыксө сайын. ⁹ Вадорас матыстчөм бөрын өгыръяс вылысь аддзисны чери, орччөн вөлі нянь. ¹⁰ Исус шуис налы: «Вайыштөй кыйөм черинытө». ¹¹ Симон-Петыр мунис да кыкис му вылас тывсө. Сэни тырыс вөлі гырысь чери. Чериыс вөлі сө ветымын куим, но тывйыс эз косяссы. ¹² Исус шуис налы: «Локтөй, сөйөй». Велөдчысьясыс эз лысьтны юавны Сылысь: «Коді Тэ?» Найо төдисны, мый Сийө Господь. ¹³ Исус локтис, босьтис нянь да сетис сийос велөдчысьясыслы, сетис тшөтш черисө. ¹⁴ Тайө вөлі коймөдысь нин, кор Исус петкөдчис Аслам велөдчысьясыслы ловзьөм бөрас. ¹⁵ Сөйөм бөраныс Исус шуис Симон-Петырлы: «Симон, Ионалөн пи, мусаджык-ө Ме тэныд налы дорысь?» Петыр шуис Сылы: «Мусаджык, Господьой! Тэ төдан, мый Тэ меным муса». Исус шуис сылы: «Йирсьөд Менсьым баляясөс». ¹⁶ Сэсса мөдысь юалис Петырлысь: «Симон, Ионалөн пи, муса-ө Ме тэныд?» Петыр шуис Сылы: «Муса, Господьой. Тэ төдан, мый Тэ меным муса». Исус шуис сылы: «Видз Менсьым ыжъясөс». ¹⁷ Сэсса коймөдысь юалис: «Симон, Ионалөн пи, муса-ө Ме тэныд?» Петыр шогө усис, мый Исус коймөдысь юалис сылысь: «Муса-ө Ме тэныд?» Сийө вочавидзис: «Господьой, Тэ ставсө төдан. Тэ төдан, мый Тэ меным муса». Исус шуис сылы: «Йирсьөд Менсьым ыжъясөс. ¹⁸ Веськыда, веськыда висьтала тэныд: том дырйиыд тэ ачыл вөнясьлін да ветлін, кытчө көсийн. Пөрысьмөм бөрад нюжөдан китө, сэки мөд тэнө вөньөдас да нуөдас, кытчө он көсий». ¹⁹ Тайос висьталөмнас Исус сетис төдны, кутшөм ногөн ковмас кувны Петырлы да нимөдны Енмөс. Сэсса шуис Петырлы: «Лок Ме бөрся». ²⁰ Петыр бергөдчис бөрланьыс да аддзис: на бөрся локтис сийө велөдчысьыс, коді вөлі муса Исуслы. Рытъя сөйигөн Исуслы морөс бердас топөдчөмөн буретш сийө юавлис: «Господьой, коді нө Тэнө вузалас?» ²¹ Сийос аддзигөн Петыр юалис

Исуслысь: «Господьёй, а сійёс мый виччысьё?»

²² Исус шуис Петырлы: «Ме кө косья, медым сійё оліс Менам локтөдз, мый тэ майшасян та вöсна? Тэ лок Ме бöрся». ²³ Та вöсна эскысьяс пöвстын паськаліс сёрни, мый тайö велөдчысьыс оз кув. Исус эз шу Петырлы, мый тайö велөдчысьыс оз кув. Сійё шуис сöмын: «Ме кө косья, медым сійё оліс

Менам локтөдз, мый тэ майшасян та вöсна?»

²⁴ Буретш сійё велөдчысьыс висьталö та йылысь да гижис тайёс. Ми төдам, мый сылөн висьталöмыс веськыд. ²⁵ Уна мукөдтор на вöчис Исус. Но гижны кө та йылысь ставсö, сэки, ме чайта, муюгыдас эськө эз төр та мында небöгыс. Аминь.

Ап.уджъяс

1 Воддза небөгас, дона Феофил, ме гижитэныд ставсө, мый Исус вöчис да мыйö велöдiс водзысянныс ² сийö лунöдзыс, кор кыпöдчис енэжö. Кыпöдчытöдзыс на Сийö Вежа Ловсянь сетiс Аслас бöрийöм апостольяслы тшöктöмъяс. ³ Сьöкыда кулöм бöрас Сийö уна эскöданторийöн петкöдлiс налы, мый Сийö ловзис. Нелямын лун чöж Сийö петкöдчывлiс да висьтавлiс Енлөн Юралöм йылысь. ⁴ Апостольяскöд öтлаын сөйигөн Исус шуис: «Ерусалимысь энö мунöй. Виччысьöй Батьлысь кöсйысьöмасö, мый йылысь Ме висьтавлi тiянлы. ⁵ Иоан пыртiс ваөн, но кымынкö лун мысти тiянöс лоö пыртöма Вежа Лолөн». ⁶ Чукöртчöмаяс юалiсны Исуслысь: «Господьöй, он-ö тайö кадö Тэ бөр сувтöд Израильлы юралöмсö?» ⁷ Сийö вочавидзис: «Абу тiян мог тöдны кадъяс йылысь, Бать индö кадъяссö. ⁸ Но кор лэччас тiян вылö Вежа Лов, тiянлы лоö сетöма вын. Сэки понданныд висьтавлыны Ме йылысь Ерусалимын, став Юдеяын, Самарияын да став му пасьталаыс». ⁹ Тайöс висьталöм бöрын налөн син водзын Исус кыпöдчис енэжö, да кымöрыс вевттис Сийöс. ¹⁰ Найö синнысö эз лэдзлыны енэжысь, пыр видзöдiсны Сылысь ылыстчöмсö. Виччысьтöг на водзö сувтiсны еджыд паськöма кык морт. ¹¹ Найö шуисны: «Галилея войтыр, мый тi сулаланныд да видзöданныд енэжас? Тi асланыд синмөн аддзылiнныд Исуслысь енэжö кыпöдчöмсö, тадзикөн Сийö бөр локтас». ¹² Сэсся найö бөр мунiсны Ерусалимö Олив керöсысь, тайö керöсыс вöли верст ылнаын Ерусалимсянь. ¹³ Локтöм бöраныс найö пырисны керкаö да кольччисны сэнi вылыс судтаас. Тайö вöлины: Петыр, Яков, Иоан, Öндрей, Филип, Фома, Варфоломей, Матвей, Алфей Яков, Симон Зилот да Яков Иуда. ¹⁴ Найö ставныс аняьскöд, Исуслөн вокъяскöд да Сылөн Мария мамыскöд öти сьöлöмөн дугдывтöг кевмысисны. ¹⁵ Сийö лунъясö чукöртчис сө кызь гөгöр велöдчысь. На шöрö сувтöмөн Петыр шуис: ¹⁶ «Вокъясöй, Гижöдыслы колö вöли инны. Öд Давид пыр на Вежа Лов висьтавлiс Иуда йылысь, кодi вайöдiс Исус дiнö Сийöс босьтысьясöс. ¹⁷ Иуда вöли миян пиысь öти, сийöс миянöс моз тшöтш вöли бöрийöма кесьявны. ¹⁸ Лөк уджъсыс босьтöм сьöм вылас сийö ньöбис му. Сэнi лөк ногөн уси, кынöмыс потi, весиг гырк

пытшкöсыс ортсö петiс. ¹⁹ Та йылысь тöдмалiс став Ерусалимыс. Та вöсна муыслы сетiсны Акелдама ним, мый лоö: вир му. ²⁰ Псалом небөгын гижöма: "Сылөн оланiныс мед кушмас, мед оз ло сэнi олысьыс". Нöшта гижöма: "Сылысь кесьялöмсö мед босьтас мöд". ²¹ Та вöсна миянлы колö бöрийыны öтиöс на пиысь, кодъяс вöлины миянкöд да Господь Исускöд ²² Иоанлөн пыртöмсянь Исуслөн енэжö кыпöдчытöдзыс. Мед тайö мортыс сэсся миянкöд тшöтш висьталас Исуслөн ловзьöм йылысь». ²³ Сэки вöзйисны кыкöс: Öсип-Варсаваöс, кодöс шуисны Юстөн, да Матфийöс. ²⁴ Кевмысиганыс шуисны: «Господьöй, Тэ быдөнлысь тöдан сьöлöм. Инды тайö кык пытшсьыс Ассьыд бöрийöматö, ²⁵ медым сийö тшöтш кесьялiс да вöчис апостоллысь уджсö, öд Иуда кежис таысь да мунiс сэтчö, көнi сылы колö лонысö». ²⁶ Сэсся пудъясисны на вöсна. Пудйыс уси Матфийлы, сийöс и индiсны дас кыкöд апостолнас.

2 Воис Ветымынöд лун. Найö ставныс вöлины öтлаынöсь да öти сьöлöмаöсь. ² Виччысьтöг енэжсянь кылис ыджыд тöвнырлөн кодъ шы. Шыыс тыртiс ставнас керкасö, көнi найö пукалiсны. ³ Найö аддзисны ыпъялысь би кывъяс. Тайö би кывъясыс торъялiсны да лэччисны быдөн вылö. ⁴ Сэки ставныс найö тырисны Вежа Лолөн да пондiсны сёрнитны мукöд кывъяс вылын, кыдзи Лов сетiс налы висьтавлынысь. ⁵ Тайö кадö Ерусалимын вöлины му пасьталаысь воём вежавидзысь юдейяс. ⁶ Тайö шыыс вылö чукöртчис уна йöз. Найöс шемöс босьтiс, öд быдөн кылис ас кыв вылас сёрни. ⁷ Ставныс шензьöмөн шензисны да ас костаныс шуалiсны: «Абу-ö сёрнитысьясыс ставныс Галилеясысьöсь? ⁸ Быдөн тай нö ми кылам ас чужан кывнымöс? ⁹ Ми öд уналаысь воим: Парфияысь, Мидияысь, Еламысь, Месопотамияысь, Юдеяысь, Каппадокияысь, Понтысь, Асияысь, ¹⁰ Фригияысь, Памфилияысь, Египетысь, Римысь да Ливияса Кириная бердысь. Кодсюрö миян пöвстысь чужöмсянныс юдейяс, а кодсюрö юдей эскöмö бергöдчöмаяс. ¹¹ Нöшта эмöсь танi Критысь да Аравияысь локтысьяс. Быдөн тай нö ми асланым кыв вылын Енлөн ыджыд уджъяс йылысь кылам». ¹² Ставныс шензисны да шöйöвошöмөн öта-мöдныслысь юасисны: «Мый нö тайö?» ¹³ А мукöдыс сералiсны, юмов винаысь пö коддзöмаöсь. ¹⁴ Петыр

дас өтиыскөд сувтөмөн гораа шыасис: «Юдей войтыр да Ерусалимын мукөд олысьяс! Кывзёй менө да төд выланыд босьтөй менсьым висьталөмс. ¹⁵ Найө абу юөмаөсь, кызди ті чайтанныд, өд кадыс өкмыс час асыв. ¹⁶ Та йылысь Иоиль пророк на висьтавліс: ¹⁷ – Бөръя лунъясө, – висьталө Ен, – кисьта Ассьым Лолөс быд морт вылө. Тян пиянныд да нывъясныд пондасны пророкавны, зонъясныд кутасны аддзывны Енсянь петкөдчылөмъяс, а олөмаяс пондасны вөтавны збыльмана вөтъяс. ¹⁸ Сійө лунъясө кисьта Ассьым Лолөс Аслам кесйөгъяс да кесйөг аныяс вылө, найө пондасны пророкавны. ¹⁹ Енэжсянь петкөдла шензьөданаторъяс, му вылын – индысьпасъяс: вир, би да тшын. ²⁰ Шондіыс пемдас, төлысьыс вирөн ойдас Господьлөн ыджыд да югыд луныс вотөдз. ²¹ И быдөн, коді шыасяс Господь нимө, мездмас. ²² Израиль войтыр, кывзёй! Назаретса Исусөс сувтөдіс тیانлы Ачыс Енмыс. Сійө петкөдліс тайөс тیانлы шензьөданаторъясөн да индысьпасъясөн, кодъясөс вөчис тیان пөвстын Исус пыр. Тайөс ті асьныд төданныд. ²³ Енлөн шуөм серти Сійөс вөлі сетөма тیان киө. Индөдтөг олысьяс киөн ті Сійөс тувъялінныд-виинныд. ²⁴ Но Енмыс ловзьөдіс Сійөс да мездіс кулөмыслөн вын улысь, өд кулөмыс эз вермы Сійөс кутны. ²⁵ Давид висьтавліс Сы йылысь: – Господь быд кадө менам син водзын, Сійө менам веськыдладорын, медым ме эг лигышмун. ²⁶ Та вөсна сьөлөмөйлы долыд, кывйөй нимкодъясө, да менам вир-яйөй шойччө лача кутөмас. ²⁷ Өд Тэ он коль менсьым лолөс адө, он сет Аслад вежалы аддзывны сісьмөмсө. ²⁸ Тэ петкөдлін меным олөмыслысь туйсө, Аслад чужөмбан водзын Тэ тыртан менө нимкодълунөн. ²⁹ Вокъясөй! Көсья веськыда висьтавны тیانлы Давид айным йылысь. Сійө куліс да сійөс гуалісны, сылөн гуыс өнія лунөдз на эм миян. ³⁰ Давид вөлі пророкөн. Енмыс сылы кыв сетөмөн көйысис, мый пуксьөдас Давидлөн юралан пуклөсө сысянь чужысьөс – Кристосөс. Давид төдіс тайөс, ³¹ өд сійө сэки нин аддзис Кристослысь ловзьөмсө. Та йылысь сійө висьталіс, мый Кристослөн лолыс оз коль адө да Сылөн шойыс оз аддзыв сісьмөмсө. ³² Дзик тайө Исусөс Енмыс ловзьөдіс, и ми ставным тайөс аддзылім. ³³ Енмыс кыпөдіс Сійөс да пуксьөдіс веськыдладорас. Батьсянныс Сійө босьтіс көйысьөм Вежа Лолөс да кисьтіс миян вылө, кызди ті өні аддзанныд да кыланныд. ³⁴ Давид эз кыпөдчы енэжас, сійө сөмын висьталіс: – Господь шуис менам Господьлы: "Пукав Менам веськыдладорын, ³⁵ кытчөдз ог пукты Тэнад кок улө Тэныд паныд мунысьясөс". ³⁶ Бура төдөй ставныд, Израиль войтыр: Ен пуктіс Господьөн да Кристосөн тайө Исусөс, кодөс ті тувъялінныд». ³⁷ Петырлөн

кывъясыс вөрзьөдісны йөзыслысь сьөлөмсө. Найө шуисны Петырлы да мукөд апостольяслы: «Вокъяс, мый миянлы вөчнысө?» ³⁸ Петыр шуис налы: «Бергөдчөй мыжъяссыныд да пыртчөй Исус Кристос нимөн, медым Ен прөститас мыжъяснытө. Сэки Ен сетас тیانлы Вежа Лолөс. ³⁹ Өд тайөс көйысьөма тیانлы, тیان ныв-пилы да став ылісаыслы – дзик быдөнлы, кодөс корас Господь, миян Ен». ⁴⁰ Тадзи унатор на Петыр висьталіс да ышөдөмөн шуаліс: «Мездысьөй тайө нэмса тшыксьөм йөзысь, мед эз су тیانөс мыждөмыс». ⁴¹ Унаөн долыдпырысь сибөдісны сьөлөманыс Петырлысь кывъяссө да пыртчисны. Сійө луно өтутчис эскысьяс дінө куим сюрс гөгөр морт. ⁴² Эскысьяс став сьөлөмнас кутчысисны апостольяслөн велөдөмө. Найө пыр өтлаын чукөртчывлісны, чегисны нянь да кевмысисны. ⁴³ Йөз пөвстын паськаліс полөм. Енмыс уна шензьөданатор да индысьпас петкөдліс апостольяс пыр Ерусалимын. ⁴⁴ Эскысьяс олісны өти сьөлөмөн, налөн ставыс вөлі өтувъя. ⁴⁵ Найө вузавлісны ассыныс овмөс-эмбурнысө да сьөмсө юклісны быдөнлы колана мында. ⁴⁶ Быд лун найө өти сьөлөмөн чукөртчывлісны крамө, а гортаныс чегисны нянь, сөйисны нимкодъпырысь да восьса сьөлөмөн. ⁴⁷ Найө ставсьыс ошкисны Енмөс. Йөзыс найөс бурө пуктісны, а Господь быд лун содтіс Вичкоө мездмөмаясөс.

3 Өтчид кевмысян кадө куим часын Петыр да Иоан мунісны крамө. ² Сэні вөлі чужөмсянныс коктөм морт. Сійөс быд лун вайлісны крамө да пуксьөдлісны сідз шусяна "Мича өдзөс" дорө, медым сійө корис пырысьяслысь. ³ Сійө аддзис Петыр да Иоанлысь крамө пырөмсө да пондіс корны налысь. ⁴ Петыр да Иоан сюся видзөдлісны сы вылө, сэсся Петыр шуис: «Видзөдлы миян вылө». ⁵ Сійө синсө лэптис на вылө да виччысис, оз-ө сетны мыйкө. ⁶ Петыр шуис: «Эзысь-зарни менам абу, но мый эм, сета тэныд. Назаретса Исус Кристос нимөн чеччы да ветлөдлы». ⁷ Петыр босьтіс сійөс веськыд киөдыс да лэптис. Дзик пыр вынсялісны сылөн кокъясыс да пидзөсьясыс. ⁸ Сійө чеччыштігмоз сувтіс да кутис ветлөдлыны, сэсся пырис накөд крамө. Сэні чеччалөмөн ветлөдліс да ошкис Енмөс. ⁹ Став йөзыс аддзылісны сылысь ветлөдлөмсө да Енмөс ошкөмсө. ¹⁰ Йөзыс төдісны сійөс, мый тайө сійө корысьыс, коді пукавліс крамын "Мича өдзөс" дорын. Тайө лоөмторйыс өна шензьөдіс йөзсө, да найөс полөм босьтіс. ¹¹ Бурдысь эз вешйив Петыр да Иоан дінысь. Йөзыс шензигтыр чукөртчисны на дінө Соломон йөрө. ¹² Петыр аддзис тайөс да шуис йөзыслы: «Израиль войтыр, мый ті шензьөмөн видзөданныд миян вылө? Чайтанныд, ми ас вынөн тайөс вөчим да миян вежавидзөм понда сійө

ветлөдлө? ¹³ Өвраамлөн, Исааклөн да Яковлөн Ен, миян батьяслөн Ен, восьтис Исус Пиыслысь дзирдлунсө. Тi визуалинныд да сосинныд Исусысь Пилат водзын, Пилат өд көсийс лэдзны Сийөс. ¹⁴ Тi сосинныд Вежаысь да Велькыда Олысьысь, коринныд лэдзны морт виысьөс. ¹⁵ Тi олөм Сетысьөс виинныд, но Енмыс ловзьөдiс Сийөс. Тайөс ми аддзылим да висьталам та йылысь. ¹⁶ Исуслөн нимыс да Сылөн нимө эскөмыс ёнмөдiс тайө мортсө, кодөс тi өнi аддзанныд да бура төданныд. Исус сетiс сылы эскөм, и тайө эскөмыс бурдөдiс сийөс тiян син водзын. ¹⁷ Ме төда, вокъяс, тi асланыд веськөдлысьяс моз вөчинныд тайөс гөгөрвотөг. ¹⁸ Енмыс водзвыв висьталiс Аслас пророкъяс пыр Крестослөн сьөкыд нуөмыс йылысь. И тайө инiс. ¹⁹ Бергөдчөй мыжъяссыныд Енлань, медым Сийө вештас тiянлысь мыжъяснытө. ²⁰ Сэки Господь сетас тiянлы ловнытө выльмөдан кад, да мөдөдас тiянлы водзвыв бөрйөм Исус Крестосөс. ²¹ Енмыс босьтiс Сийөс енэжас, и Сийө лоө сэни, кытчөдз ставсө оз ло лөсьөдөма воддза мозыс. Та йылысь важысянь Енмыс висьтавлiс Аслас вежа пророкъяс пыр. ²² Мөисей шулөма батьяслы: "Господь, тiян Ен, менө моз сувтөдас асланыд вокъяс пөвстысь Пророкөс. Кывзысьөй Сылысь быдторйын, мый шуас. ²³ Кодi оз кывзысь тайө Пророкыслысь, сийөс бырөдасны Ас войтырыс пөвстысь". ²⁴ Самуил да сы бөрти став мукөд пророкыс тшөтш водзвыв висьтавлiсны тайө лунъясыс йылысь. ²⁵ Тi пророкъяслөн ныв-пи, тiянлы вуджө йитөдыс, кодөс Ен көрталiс тiян батьяскөд, кор шуис Өвраамлы: "Тэсянь чужысь пыр вуджас бурсиөмыс му вылын быд войтырлы". ²⁶ Ен ловзьөдiс Ассыс Писө, Исусөс, да мөдөдiс Сийөс медводз тiян дiнө, медым лөксыс бергөдчөм бөраныд бурсины тiянөс».

4 Кор Петыр да Иоан сёрнитiсны йөзыскөд, на дiнө матыстчисны попъяс, крам видзысьяслөн веськөдлысьыс да саддукейяс. ² Найө скөралiсны, мый апостолъяс велөдөны йөзсө да висьтавлөны, Исус пө ловзис, и кулөмаяс пө тшөтш ловзясны. ³ Сэки найө босьтiсны Петырөс да Иоанөс да йөртiсны асылөдзыс дзескыдiнө, өд вөли рыт нин. ⁴ А кывзысьяс пөвстысь унаөн эскисны да вокъяслөн лыдыс содiс вит сюрсөдз. ⁵ Мөд луннас чукөртчисны Ерусалимө юдейяслөн веськөдлысьяс, пөрысьяс да Индөдө велөдысьяс. ⁶ Сэни вөлины тшөтш Аннас аркирей, Каиаф, Иоан, Өльөксандр да аркирей рөдвужысь мукөдъяс. ⁷ Найө сувтөдiсны апостолъясөс шөрас да юалисны: «Кутшөм вынөн да код нимөн тi тайөс вөчинныд?» ⁸ Сэки Петыр, кодi вөли тырөма Вежа Лолөн, шуис налы: «Войтырлөн веськөдлысьяс да Израильлөн пөрысьяс! ⁹ Миянлысь кө талун тi коранныд воча

кыв, мый ми бурдөдiм висьысь мортөс да сылы бур вөчим, ¹⁰ кывзөй да төдөй, тi да став Израиль войтыр: ми вөчим тайөс Назаретса Исус Крестос нимөн. Бурсө вөчим Исуслөн вын отсөгөн, и тайө мортыс сулалө тiян водзын дзоньвидза. Тi тувъялинныд Сийөс крестө, но Енмыс ловзьөдiс. ¹¹ Сийө – из, кодөс тi, керка лэптысьяс, шыбитiнныд. Но тайө изйыс лоис пельөс изйөн. И абу мөд Мездысьыс, ¹² да абу сетөма йөзлы енэж улас мөд нимсө, код пыр миянлы позьө мездмыны». ¹³ Кор йөзыс аддзисны Петыр да Иоанлысь повтөмлунсө да казялисны, мый найө велөдчытөм йөз, ёна шензисны. Гөгөрвоисны, мый найө вөлөмаөсь Исускөд. ¹⁴ Но накөд сулалысь бурдөм мортөс аддзигөн нинөм паныд шуны эз вермыны. ¹⁵ Сэсса тшөктiсны петавны найөс, асьныс пондiсны сёрнитны ас костаныс: ¹⁶ «Мый кутам вөчны тайө йөзыскөд? Өд став Ерусалимыс төдө налысь шензьөданатор вөчөмсө, ми огө вермөй соссыны таысь. ¹⁷ Медым юөрыс водзө эз паськав войтырным пөвстын, чорыда өлөдам найөс, медым эз висьтавлыны Исус йылысь». ¹⁸ Сэсса бөр корисны апостолъясөс да тшөктiсны, мед дугдасны висьтавлыны да велөдны Исус йылысь. ¹⁹ Петыр да Иоан воча шуисны налы: «Мөвпыштлөй асьныд, бур-ө тайө Ен водзын, ми кө Енмөс дорысь ёнджыка кутам кывзыны тiянөс. ²⁰ Ми огө вермөй чөв овны сы йылысь, мый аддзылим да кывлим». ²¹ Чорыда чирыштөм бөрын веськөдлан котыр лэдзис апостолъясөс. Йөз вөснаыс эз вермыны мыждыны найөс, өд ставныс ошкисны Енмөс тайө лөбмторсыс. ²² Шензяна ногөн бурдөм мортлы вөли нелямын сайө арөс. ²³ Дзескыдiнысь петөм бөрын Петыр да Иоан мунiсны вокъясныс дiнө. Сэни найө висьталiсны аркирейяслөн да пөрысьяслөн өлөдөм йылысь. ²⁴ Найөс кывзөм бөрын ставныс өтвылысь шыасисны Ен дiнө: «Енмөй, Ыджыдөй, Тэ вөчин енэжсө и мусө, васө да ставсө, мый сэни эм! ²⁵ Миян Давид батыным пыр, Тэнад кесьялысь пыр, Тэ Вежа Ловнад шуин: – Мыйысь скөралөны ентөдтөмъяс, мыйла мөвпалөны ковтөмторсө войтыръяс? ²⁶ Юралысьяс отувтчөны, муыввса өксыяс сувтөны Господьлы да Сылөн Крестослы паныд. ²⁷ Тайө карас Ирөд да Понтий Пилат збыльысь отувтчисны ентөдтөмъяскөд да Израиль войтыркөд, сувтiсны Тэнад Мавтыштөмалы, Тэнад вежа Исус Пиыдлы паныд. ²⁸ Найө олөмө пөртiсны Тэнсьыд водзвыв шуөмтө да вына лөсьөдөмтө. ²⁹ Өнi, Господьөй, видзөдлы налөн повзьөдлөм вылө, отсав Аслад кесйөгъяслы повтөг висьтавлы Тэнсьыд кывтө. ³⁰ Нюжөд китө, медым висьысьяс Тэнад вежа Исус Пи нимөн бурдасны, шензьөданаторъяс да индысьпасьяс тыдовтчасны». ³¹ Кевмысьөм бөрас чукөртчанiнын

муыс вѳрзис. Ставныс тырины Вежа Лолѳн да повтѳг пондѳсны висътавны Енлысь Кывсѳ. ³² Эскысьяс ставныс вѳліны ѳти лолаѳсь да ѳти сьѳлѳмаѳсь. Некод ассьыс эмбурсѳ эз лыдды асласѳн, ставыс налѳн вѳлі ѳтувья. ³³ Апостольяс ыджыд вынѳн висътавлѳсны Господь Исус Крѳстослѳн ловзьѳм йылысь. Енлѳн ыджыд буралѳмыс вѳлі ставныс вылын. ³⁴ Налы ставыс вѳлі тырмана. Кодлѳн вѳлі керка, видз-му, найѳ вузалѳсны, да сьѳмсѳ вайисны ³⁵ апостольяслы, а найѳ быдѳнлы юклѳсны тырмымѳн. ³⁶ Ёсей, Кипрын чужлѳм левит, кодѳс апостольяс шуисны Варнава нимѳн, мый лоѳ: бурѳдысь, ³⁷ тшѳтш вузалѳс ассьыс видз-мусѳ да вайис сьѳмсѳ апостольяслы.

5 Ананий нима морт Сапфира гѳтырыскѳд вузалѳс овмѳссѳ. ² Босьтѳм сьѳмсьыс Ананий мыйтакѳ торйѳдѳс аслыс, гѳтырыс тшѳтш тѳдѳс та йылысь. Коляссѳ Ананий вайис апостольяслы. ³ Петыр шуис сылы: «Ананий, мыйла тѳ лѳдзин сѳтанаыслы ыджыдавны сьѳлѳмад? Вузалѳм муыдлысь донсѳ дзебѳмнад тѳ пѳрьялін Вежа Лолѳс. ⁴ Эз ѳмѳй ас киад вѳв овмѳсыд да босьтѳм сьѳмыд? Мыйла тѳ лѳдзин тайѳ лѳк уджсѳ сьѳлѳмад? Тѳ эн мортѳс пѳрьяв, тѳ пѳрьялін Енмѳс». ⁵ Тайѳс кылѳм бѳрын Ананий усис да сылѳн лолыс петѳс. Та йылысь кывлысьясѳс ставнысѳ ыджыд полѳм босьтѳс. ⁶ Том йѳз пасьтѳдѳсны Ананийѳс дзебан паськѳмѳн, сѳсся петкѳдѳсны да гуалѳсны сѳйѳс. ⁷ Час куим мысти локтѳс Ананийлѳн гѳтырыс, дерт, лоѳмтор йывсьыс сѳйѳ нинѳм эз тѳд. ⁸ Петыр юалѳс сылысь: «Висьтав меным, та донысь-ѳ мутѳ вузалѳнныд?» Сѳйѳ шуис: «Та донысь». ⁹ Петыр шуис: «Мыйла нѳ сѳрнитчѳмныд пѳрйѳдлыны Господьлысь Ловсѳ? Кылан-ѳ ѳдзѳс сайысь кок шыяссѳ? Тѳнсьыд верѳстѳ гуалысьяс локтѳны, ѳнѳ тѳнѳ тшѳтш петкѳдасны». ¹⁰ Дзик пыр Сапфира усис Петыр кок дорѳ да сылѳн лолыс петѳс. Пырысьяс аддзисны сѳйѳс кулѳмаѳн, сѳки петкѳдѳсны да гуалѳсны сѳйѳс верѳсыскѳд орччѳн. ¹¹ Ыджыд полѳм босьтѳс став эскысьясѳс да быдѳнѳс, кодѳ та йылысь кывлѳс. ¹² Уна шензьѳданатор индысьпасьясѳн вѳчѳсны апостольяс йѳз пѳвстын. Эскысьяс ѳти сьѳлѳмѳн чукѳртчывлѳсны Соломон йѳрѳ. ¹³ Йѳзыс полѳсны ѳтувтчыны накѳд, но ошкѳсны найѳс. ¹⁴ Тадзи Господьлы эскысьяслѳн лыдыс пыр содѳс, на пѳвстын вѳліны айулов и аньяс. ¹⁵ Йѳзыс петкѳдлѳсны висъсьясѳс вольпасьянас ывлаѳ да водтѳдавлѳсны туй бокѳ, медым мунѳгас Петырлѳн вуджѳрыс веськалѳс на вылѳ. ¹⁶ Уна йѳз волѳс Ерусалимѳ матѳгѳгѳр карьясысь. Найѳ вайѳдлѳсны висъсьясѳс да пеж лолѳн кутѳмаясѳс. И ставныс найѳ бурдѳсны. ¹⁷ Аркирейлѳн да сы дор сулалысь саддукейяслѳн чужис ыджыд лѳглун апостольяс

дѳнѳ. ¹⁸ Найѳ босьтѳсны апостольясѳс да йѳртѳсны дзескыдѳнѳ. ¹⁹ Войнас Господьлѳн андел осьтѳс дзескыдѳнысь ѳдзѳсьясѳс да петкѳдѳс найѳс сѳтысь. Сѳйѳ шуис налы: ²⁰ «Мунѳй крамѳ да висъталѳй йѳзыслы тайѳ выль олѳм йывсьыс ставсѳ».

²¹ Апостольяс кывзысѳсны да асывводзнас мунѳсны крамѳ, сѳнѳ пондѳсны велѳдны. Сѳйѳ кадас аркирей аслас йѳзкѳд корис веськѳдлан котыр да Израиль войтырлысь пѳрысьясѳс, сѳсся найѳ тшѳктѳсны вайѳдны дзескыдѳнысь апостольясѳс. ²² Дзескыдѳнѳ воѳм мысти мѳдѳдѳмаяс эз аддзыны найѳс. Найѳ бѳр локтѳсны да юѳртѳсны: ²³ «Ми асланым синмѳм аддзылѳм, дзескыдѳнсѳ вѳлі бура йѳгналѳма, и ѳдзѳс водзас сулалѳсны видзысьяс. Но кор ми осьтѳм, некодѳс эгѳ аддзѳй сѳтысь». ²⁴ Тайѳс кылѳмысь крам видзысьяслѳн веськѳдлысь да аркирейяс шай-паймунѳсны, кыдзи пѳ тайѳ вермис лоны. ²⁵ Сѳки локтѳс ѳти морт да висъталѳс, дзескыдѳнѳ йѳртѳмаясыд пѳ крамынѳсь, йѳзсѳ велѳдѳны. ²⁶ Крам видзысьяслѳн веськѳдлысь мунѳс аслас йѳзкѳд да вайѳдѳс апостольясѳс. Но найѳс эз вѳрѳдны, йѳзсьыс полѳсны, ѳд найѳс асьнысѳ вермисны изьявны. ²⁷ Апостольясѳс вайѳдѳсны да сувтѳдѳсны веськѳдлан котыр водзѳ. Аркирей юалѳс налысь: ²⁸ «Ми ѳмѳй эгѳ чорыда ѳлѳдлѳй тѳянѳс тайѳ нимнас велѳдѳмысь? Став Ерусалимсѳ шызьѳдѳнныд асланыд велѳдѳмѳн, нѳшта мѳянѳс мыжданныд сѳйѳ Мортсѳ виѳмысь». ²⁹ Петыр да мукѳд апостольяс вочавидзисны: «Мортыслы ѳнджыка колѳ кывзыны Енмѳс, а оз мортѳс. ³⁰ Мѳян батьяслѳн Ен ловзьѳдѳс Исусѳс, кодѳс тѳ ѳшѳдѳнныд пу вылѳ да виинныд. ³¹ Ен пуксьѳдѳс Сѳйѳс Аслас веськыдладорѳ Юрнуѳдысьѳн да Мездысьѳн, медым Израиль вермис бергѳдчыны мыжьяссьыс да босьтѳны прѳститѳмсѳ. ³² Ми тѳдам тайѳс, та вѳсна и висъталам. Висьталѳ та йылысь тшѳтш Вежа Лов, кодѳс Енмыс сетѳ Сылысь кывзысьысьяслы». ³³ Тайѳс кылѳм бѳрын став веськѳдлан котырыс пузис скѳрысла, найѳ дасьѳсь вѳліны вины апостольясѳс. ³⁴ Сѳки сувтѳс веськѳдлан котырысь Гамалиил нима фарисей, Индѳдѳ велѳдысь, кодѳс пыдди пуктѳсны став йѳзыс. Сѳйѳ тшѳктѳс кад кежлѳ петкѳдны сѳтысь апостольясѳс. ³⁵ Сѳсся шуис веськѳдлан котырлы: «Израиль войтыр! Энѳ тѳрмасьѳй тайѳ йѳзыскѳд мыйкѳ вѳчны. ³⁶ Та водзвылын, эз на ѳна важѳн, кыпѳдчылѳс Февдас, асьсѳ сѳйѳ зѳв ыджыдѳн лыддис. Сы бѳрся мунѳс нельсѳ гѳгѳр морт. Но сѳйѳс виѳм бѳрын сы бѳрся мунысьяс ставныс разалѳсны-вошисны. ³⁷ Та бѳрти вѳлі йѳз лыд пасьялѳм, буретш сѳки кыпѳдчис Галилеясы Иуда. Ас бѳрсясы сѳйѳ бура уна йѳзѳс кыскѳс. Но сѳйѳ кулѳс, и сы бѳрся мунысьяс ставныс разалѳсны. ³⁸ ѳнѳ кѳсья шуны тѳянлы: ѳвсьѳй тайѳ

йӱзсыыс, лэдзӱ найӱс. Мортсянь кӱ тайӱ уджыс, сӱӱ кӱссяс, ³⁹ а Енсянь кӱ, тӱ онӱ вермӱ кӱсътнысӱ. Видзчысӱӱ, мед энӱ лоӱ Енлы паныд мунысыясон». ⁴⁰ Велькӱдлан котыр кывзысис Гамалииллыс. Сэки корисны апостольясӱс да чорыда ӱлӱдӱсны, медым эз висътавлыны Исус йылыс, сӱсся нӱйтӱм бӱрын лэдзисны найӱс. ⁴¹ Велькӱдлан котыр дорыс апостольяс мунысны долыдпырыс, ӱд Господь Исуслӱн ним вӱсна найӱ шогмисны увтыртӱм туйӱ. ⁴² Быд лун крамын да гортъясаныс найӱ велӱдӱсны да висътавлыны Исус Крӱстос йылыс Бур Юӱр.

6 Велӱдчысыяслӱн лыдыс луныс-лун содӱс. Грек кывӱӱн сӱрнитыс юдейяс пондӱсны шуасыны сэтчӱс олыс юдейяс вылӱ, мыйла пӱ быдлунъя коланатор юклӱгӱн ӱдтортанныд миянлыс дӱваясӱс. ² Сэки дас кык апостол корисны став велӱдчысысӱ да шуисны налы: «Миянлы абу бур кольны Енлыс Кывсӱ да сӱян-юан вӱсна тӱждысыны. ³ Та вӱсна, вокъяс, бӱрӱӱӱ ас пӱвстсыныд сизим мортӱс, кодъяс мывкыдаӱс да тырӱмаӱс Вежа Лолӱн. Найӱс пуктам тайӱ уджсӱ вӱчны. ⁴ Асьным ми водзӱ пондам кевмысыны да висътавлыны Енлыс Кывсӱ». ⁵ Тайӱ вӱзӱӱмыс ставныслы воис сӱӱлӱм вылас. Бӱрӱисны Степанӱс, сӱӱ вӱлӱ зумыд эскӱма да тырӱма Вежа Лолӱн. Нӱшта бӱрӱисны Филипӱс, Прокорӱс, Никанорӱс, Тимонӱс, Парменӱс да Антиокиясыс Николайӱс, кодӱ вӱлӱ бергӱдчӱма юдей эскӱмӱ. ⁶ Найӱс сувтӱдӱсны апостольяс водзӱ. Апостольяс на вылӱ кинысӱ пуктылӱмӱн кевмысисны на вӱсна. ⁷ Енлӱн Кывӱӱс паськалӱс да велӱдчысыяслӱн лыдыс Ерусалимын ӱна содӱс, весиг попъяс унаӱн кутӱсны эскыны. ⁸ Степан вӱлӱ тырӱма Енсянь вынӱн да эскӱмӱн, сӱӱ вӱчӱс йӱз пӱвстын ыджыд шензӱӱданаторъяс. ⁹ Киринаеясыс да Александриясыс сӱдз шусяна вӱвлӱм кесӱӱгъяслӱн синагогаыс кодсюрӱ, нӱшта Киликиясыс да Асиясыс кодсюрӱ панӱсны вен Степанкӱд. ¹⁰ Степан сӱрнитӱс ыджыд мывкыдлунӱн да Лов вынӱн, та вӱсна эз вермыны венны сӱӱс. ¹¹ Сэки найӱ кодсюрӱӱс ызыӱдӱсны висътавны, мый сӱӱ лӱка сӱрнитӱ Мӱисей да Ен йылыс, мый найӱ тайӱс асьныс кывлысны. ¹² Тадзи найӱ кыпӱдӱсны йӱзсӱ, пӱрысыясӱс да Индӱдӱ велӱдысыясӱс Степанлы паныд. Сӱсся босътӱсны сӱӱс да вайӱдӱсны велькӱдлан котыр водзӱ. ¹³ Сэтчӱ корисны ылӱгвисъталысыясӱс. Найӱ шуисны: «Тайӱ мортыс век омӱльтӱ миянлыс вежаинӱс да Индӱдӱс. ¹⁴ Ми асьным кывлӱм, кыдзи сӱӱ шулӱс, Назаретса Исус пӱ жугӱдас тайӱ вежаинсӱ да вежас Мӱисейӱн важыянь лӱсӱдӱм оласногсӱ». ¹⁵ Велькӱдлан котырын пукалысыяс синсӱ вештывтӱг видзӱдӱсны Степан вылӱ, сылӱн чужӱмыс вӱлӱ анделлӱн кодъ.

7 Сэки аркирей юалӱс: «Тайӱ тадз?» ² Степан шуис: «Вокъясӱ да батьясӱ, кывзӱӱ! Дзирдлуныслӱн Ен петкӱдчылыс ӱвраам батьнымлы Месопотамияын, Харранӱ мунтӱдзыс на. ³ Ен шуис сылы: "Коль ассыд чужан мутӱ, ассыд рӱдвужтӱ да бать керкатӱ. Ме инда тӱныд му – сэтчӱ мун". ⁴ Сэки ӱвраам петӱс Калдея муыс да овмӱдчыс Харранӱ. Батьыс кулӱм бӱрын Ен вайӱдӱс сӱтыс ӱвраамӱс тайӱ муас, кӱнӱ тӱ ӱнӱ оланнӱд. ⁵ Енмыс эз сет ӱвраамлы татыс весиг кок пыдӱс пасьта му. Но кор ӱвраам вӱлӱ ныв-питӱм на, Енмыс кӱсӱӱсис сетны сылы да сыянь чужысыяслы мусӱ. ⁶ Ен шуис сылы: "Тӱсянь чужысыяс овмӱдчасны йӱз муӱ. Найӱс пондасны видзны кесӱӱг туйын да дзескӱдны нельсӱ во чӱж. ⁷ Но Ме мыжда сӱӱ войтырсӱ, кодӱ нартитӱ найӱс. Та бӱрти найӱ петасны сӱтыс да пондасны кесъявны Меным тайӱ муас". ⁸ Ен кӱрталӱс ӱвраамкӱд йӱтӱд, кодӱс вынсыӱдӱс вундыштчӱмӱн. ӱвраамлӱн чужис Исаак, кӱкъямысӱд луннас ӱвраам вундыштӱс сӱӱс. Исаак вундыштӱс Яковӱс, а Яков вундыштӱс ассыс дас кыкнан писӱ, миянлыс аясынымӱс. ⁹ Найӱ вежалӱсны ӱсиплы, та вӱсна вузалӱсны сӱӱс Египетӱ. Но Енмыс вӱлӱ сыкӱд ¹⁰ да дорӱс сӱӱс быд сӱӱкыдыс дырӱи. Енмыс сетӱс сылы ыджыд мывкыдлун, та вӱсна сӱӱ сӱӱлӱм вылас воис фараонлы, египетса ӱксылы. Фараон весиг пуктӱс сӱӱс велькӱдлыны Египетӱн да аслас став овмӱсӱн. ¹¹ Тшыгъялӱм да ыджыд шог сэки суис став Египетсӱ да Ханаан мусӱ. Миян батьяслы нинӱм вӱлӱ сӱӱнысӱ. ¹² Кор Яков кылӱс, мый Египетын эм нянь, мӱдӱдӱс сэтчӱ миянлыс батьяснымӱс. Тайӱ вӱлӱ налӱн Египетӱ медводдза ветлӱм. ¹³ Мӱдыс ветлӱганыс ӱсип востӱтӱс асьсӱ вокъясыслы. Тадзи фараон тӱдмалӱс ӱсиплыс рӱдвужсӱ. ¹⁴ ӱсип мӱдӱдӱс корны ассыс Яков батьсӱ да став рӱдвужсӱ, ставнас вӱлӱ сизимдас вит морт. ¹⁵ Тадзи Яков вуджис Египетӱ, сӱнӱ сӱӱ кулӱс, батьясным тшӱтш сӱнӱ кулӱсны. ¹⁶ Сӱсся вайисны найӱс Сикемӱ да гуалӱсны. Гусӱ ӱвраам нӱӱблӱма эзыс вылӱ Сикемын олыс Еммор пьянлыс. ¹⁷ Египетын войтырным ӱтарӱ содӱс. Матысмис сӱӱ кадыс, мый йылыс Енмыс кыв сетӱмӱн кӱсӱӱсылӱс ӱвраамлы. ¹⁸ Сэки юралысӱ пуксис виль ӱксы, кодӱ ӱсип йылыс нинӱм эз тӱд. ¹⁹ Сӱӱ наяна пӱрӱӱдлӱс миянлыс войтырнымӱс, дзескӱдӱс батьяснымӱс, тшӱктӱс налы энвотны ассыныс пузчужӱм кагаяссӱ, медым найӱ эз кольны ловӱӱн. ²⁰ Сӱӱ кадӱ чужис Мӱисей. Ен син водзын сӱӱ вӱлӱ зӱв мича. Куим тӱлыс чӱж сӱӱс быдтӱсны бать керкаас. ²¹ Кор вӱлӱ кольӱма Мӱисейӱс, фараонлӱн нылыс босътӱс сӱӱс да быдтӱс пи пыдди. ²² Мӱисейӱс велӱдӱсны египетса став мывкыдлунӱ, сӱӱ вӱлӱ вына сӱрнинас да уджъяснас. ²³ Нелямын

арос тыригас Мoйсейлoн чужис кoсйoм видлыны ассыс войтырсo, Израиль пиянoс. ²⁴ Кор Мoйсей аддзис, мый oтиoс на пиысь чорыда нoйтoны, уськoдчис дорйыны да водзoс перйoм мoгысь виис египетсаoс. ²⁵ Мoйсей чайтис, вокъясыс гoгoрвоасны, мый Енмыс кoсйo мездыны найoс сы пыр, но найo тайoс эз гoгoрвоны. ²⁶ Мoд луннас Мoйсей аддзис: кык израильса oтa-мoдныскoд тышкасьoны. Мoйсей кoсйис, медым найo бурасисны да шуис налы: "Кывзoй, тi oд вокъяс. Мыйла нo oтa-мoднытo увтыртанныд?" ²⁷ Тышo панысь тойыштис Мoйсейoс да шуис: "Кoдi тэнo пуктис мян вылын ыджыдалысьнас да мыждысьнас?" ²⁸ Гашкo, тoрытъя египетсаoс моз тэ тшoтш кoсьян вины менo?" ²⁹ Тайo шуoмсыс Мoйсей пышйис Египетысь да овмoдчис Мaдиaм муo, сэнi сылoн чужис кык пи. ³⁰ Нeлямын во мысти овтoминын, Синай керoс дорын, oзьялысь лежнoг пытшкын петкoдчис Мoйсейлы Госпoдълoн aндел. ³¹ Аддзoмторйис шeмoсмoдic Мoйсейoс. Лeжнoг дорo матыстчигoн сийo кылис Госпoдълысь гoлoс шысo: ³² "Me тэнaд бaтъяслoн Ен, Oвpaамлoн Ен, Иcaаклoн Ен да Яковлoн Ен". Мoйсейoс тiрaлoм бoсьтис, сийo эз лысьт весиг видзoдлынысo. ³³ Госпoдь шуис сылы: "Пoрччы кoмтo, oд муыс, кoнi тэ сулaн, вeжa. ³⁴ Me аддзa Аслaм войтырлысь Египетын сьoкыдалoмсo да кыла налысь oйзoмсo. Me лэччи мездыны найoс. Oнi мун, Me мoдoдa тэнo Египeтo". ³⁵ Ен мoдoдic Мoйсейoс, но Израиль пиян oтдортисны сийoс, шуисны, кoдi пo тэнo пуктис ыджыдалысьнас да мыждысьнас. Енмыс пуктис сийoс ыджыдалысьнас да мездысьнас. Вoчис тайoс aндел пыр, кoдi петкoдчис сылы лeжнoг пытшкын. ³⁶ Мoйсей петкoдic найoс Египетысь. Унa шeнзьoдaнaтoр да индысьпaс сийo вoчис Египeт муын, Гoрд саридзын да нeлямын во чoж овтoминын. ³⁷ Oд бурeтш Мoйсей висьтaвлis Израиль пиянлы: "Госпoдь, тiян Ен, менo моз сувтoдaс тiянлы aслaныд вокъяс пoвстысь Прoрoкoс. Кывзoй Сийoс". ³⁸ Oд Мoйсей, кoдi вoли овтoминын мян бaтъяскoд да кoдкoд сeрнитic aндел Синай керoсын, бoсьтис Енсянь лoвъя кывъяссo, медым висьтaвны мянлы. ³⁹ Но мян бaтъяс эз кoсйыны кывзынысo, oтдортисны сийoс да сьoлoмнысo бoр бeргoдicны Египeтлaнь. ⁴⁰ Aарoнлы шуисны: "Вoч мянлы eнъясoс, кoдъяс мунасны мян водзвылын. Ми oгo тoдoй, мый лoи Мoйсейкoд, мянoс Египетысь петкoдысьнымкoд". ⁴¹ Сэки найo вoчисны oшпиoс, вaйисны тайo идoлыслы вись да нимкoдясисны киoн вoчoмторныс водзын. ⁴² Енмыс бeргoдчис нa дiнысь да eнoвтic найoс юрбитны тoлысь-кoдзувъяслы. Тa йылысь гижoмa прoрoкъяслoн нeбoгын: – Израиль войтыр! Нeлямын во чoжнaс

вaйлiнныд-o тi Мeным овтoминaс нaчкoм пeмoсьясoс дa мукoд висьяс? ⁴³ Тi нoвлoдлiнныд Мoлoклысь чoмсo дa Рeмфaн eнлысь кoдзувсo. Aс киoн вoчинныд тайo сeрпaсьяссo дa юрбитiнныд нaлы. Тa вoснa Мe вoтлa тiянoс Вaвилoнысь нa ылoджык. ⁴⁴ Oвтoминын мян бaтъяслoн вoли Висьтaлaн скиния. Ен петкoдлis Мoйсейлы скиниялысь сeрпaссo дa тшoктic вoчны дзик жo сiдзи. ⁴⁵ Мiян бaтъяс кoлисны скиниясo aслaныс пиянлы. Сэсся Исус Нaвинкoд найo пыртисны сийoс йoз муo. Aчыс Енмыс вoтлis сэтчoс oлысьяссo. Скинияыс вoли сэнi Дaвид лунъясoдз. ⁴⁶ Дaвид вoис Енлы сьoлoм вылaс. Сийo кeвмысис, медым вeрмис вoчны Яковлoн Енлы oлaнiн. ⁴⁷ Но Енлы кeркaсo лэптис Сoлoмoн. ⁴⁸ A Мeдвильыссa oз ов киoн вoчoм крaмын. Прoрoк висьтaлo: ⁴⁹ – Енэжыс Мeнaм пукaлaнiн, муыс Мeнaм кoкув. Кутшoм кeркa тi вoчaнныд Мeным? Кoнi лoсьoдaнныд Мeным шoйччaнiнсo? – шуo Госпoдь. ⁵⁰ Эг-o Аслaм киoн Мe вoч тайoс стaвсo? ⁵¹ Aснырaлысьяс, тiян сьoлoмныд oз тoд Енсo дa тiян пeльныд oз кыв Сийoс! Aслaныд бaтъяс моз тi пыр пaныд мунaнныд Вeжa Лoвлы. ⁵² Эз вoв прoрoк, кoдoс эськo эз вoтлыны тiян бaтъяс. Найo виисны прoрoкъясoс, кoдъяс висьтaлисны Вeськыдa Oлысьлoн лoктoм йылысь. Тайo Вeськыдa Oлысьсo тi вузaлiнныд дa виинныд. ⁵³ Aнделъяс вaйисны тiянлы Индoдсo, нo тi энo oлoй сы сeрти». ⁵⁴ Тайoс кывзигoн вeськoдлaн кoтырo чукoртчoмaяс пузисны скoрыслa, пoндисны пиньнысo йирны. ⁵⁵ Вeжa Лoлoн тырoм Стeпaн видзoдлis eнэжo. Сийo аддзис Енлысь дзирдлунсo дa Сы вeськыдлaдoрын сулaлысь Исусoс. ⁵⁶ Стeпaн шуис: «Me аддзa вoсьсa eнэж дa Ен вeськыдлaдoрын сулaлысь Мoрт Пийoс». ⁵⁷ Сэки чукoртчысьяс пeльнысo тупкoмoн лeк гoршoн пoндисны рaвзыны, стaвныс уськoдчисны Стeпaн вылo. ⁵⁸ Сэсся петкoдисны сийoс кaр сaйo дa пoндисны изъявны. Изъялысьяс пуктaлисны вылыс пaськoмнысo Сaвл нимa тoм мoртлoн кoк дoрo. ⁵⁹ Изъялигoн Стeпaн кeвмысис: «Исусoй, Госпoдьoй, бoсьт мeнсьым лoлoс». ⁶⁰ Сэсся пидзoс вылaс усьoмoн гoрaа гoрoдic: «Госпoдьoй, эн мыжды найoс тaысь». Тайoс шуoм бoрын Стeпaнлoн лoлыс пeтис.

8 Стeпaнoс виoмсo Сaвл лыддис буртoр вoчoмoн. Сийo лунсянь Ерусaлимын eнa кутисны вoтлыны эскысьясoс. Aпoстoлъясысь кындзи стaвныс найo рaзoдчисны Юдeя дa Сaмaрия пaсьтaлa. ² Вeжaвидзысь йoз гуaлисны Стeпaнoс, ыджыд бoрдoмoн кoльoдисны сийoс. ³ Сaвл жo зилис бырoдны эскысьясoс, вeтлis кeркaысь кeркao дa мырдысьoн йoртaлis айулoвoс дa aнъясoс дзeскыдiнo. ⁴ Рaзoдчoм эскысьяс вeтлoдлисны дa висьтaвлисны Бур Юoр.

⁵ Самарияын Филип локтіс өти карө да сәні висьтавліс Кростос йылысь. ⁶ Кор йөзыс кылісны Филипльысь висьталөмсө, да аддзисны шензьөданаторъяс вөчөмсө, пондісны сюся кывзыны сійөс. ⁷ Уна пытшкысь лёкысь горзөмөн петісны пеж ловъяс, унаон вөрзьөдчыны вермытөмъяс да чотысьяс бурдісны. ⁸ Став карыс ёна нимкодясис. ⁹ Тайө карас оліс Симон нима морт. Аслас туналөмөн сійө шензьөдліс Самарияын олысьясөс. Асьсө сійө ыджыд мортө пуктіс. ¹⁰ Быдөн ичөтсьянъ гырысьөдз сюся кывзіс сійөс, сы йылысь шуисны: «Сійө – Енлөн ыджыд выныс». ¹¹ Йөзыс кывзісны сійөс, өд дыр кад чөж сійө шензьөдіс найөс тунасьөмнас. ¹² Но кор кылісны Енлөн Юралөм йылысь да Исус Кростос йылысь Бур Юөр, эскисны Филипльы, сәсся айулов да аньяс ставныс пыртчисны. ¹³ Ачыс Симон тшөтш эскис. Пыртчөм бөрас сійө эз вешйив Филип дінысь, ёна шензис ыджыд вынөн вөчөм шензьөданаторъяс вылө. ¹⁴ Ерусалимын апостольяс кор кылісны, мый Самарияын сибөдөмаөсь Енлысь Кывсө, мөдөдісны сэтчө Петырөс да Иоанөс. ¹⁵ Самарияө воөм бөрын найө кевмысисны, медым эскысьяс сибөдасны Вежа Лолөс. ¹⁶ На вылө абу на вөлі лэччөма Вежа Лолыс, найөс сөмын пыртөма вөлі Господь Исус нимөн. ¹⁷ Апостольяс пуктылісны на вылө кинысө, сәки Вежа Лов лэччис на вылө. ¹⁸ Симон аддзис, мый апостольяслөн ки пуктылөм пыр эскысьяс тырөны Вежа Лолөн, сәки вайис апостольяслы сьөм ¹⁹ да шуис: «Сетөй меным татшөм вынсө, медым менам ки пуктылөм пыр тшөтш тырисны Вежа Лолөн». ²⁰ Петыр шуис сылы: «Тэнад эзысьыд мед сісьмас тэкөд тшөтш. Тэ мөвпыштін ньөбны Енмыслысь козинсө! ²¹ Тэныд весиг гыж ыджда пай оз вичмы таысь, өд тэнад сьөлөмыд абу веськыд Ен водзас. ²² Бергөдчы аслад лёк вөчөмысь да кевмысь Енлы, гашкө, Сійө прөститас тэнсьыд лёк мөвптө. ²³ Ме аддза, тэ курыд сөптөн тырөмыд, лёкыс көрталөма тэнө». ²⁴ Симон воча шуис: «Кевмысьөй ме вөсна Господьлы, медым эз су менө тіян шуөмныд». ²⁵ Господь йылысь да Сылысь велөдөмсө висьталөм бөрын апостольяс бөр мунісны Ерусалимө. Мунігмозыс висьтавлісны Евангелльө Самария сиктьясын. ²⁶ Господьлөн андел шуис Филипльы: «Лун шөр кадө чеччы да мун Ерусалимысь Газаө мунан энөвтөм туй вылө». ²⁷ Филип чеччис да петіс туйө. Сійө кадас сәті муніс эфиопияса ыджыд чина морт, евнук, коді вөлі эфиопияса кандакиялөн – өксы-аньлөн – став овмөснас веськөдлысьөн. Сійө вөлі волөма Ерусалимө юрбитны. ²⁸ Öні бөр муніс гортланьыс. Евнук пукаліс тарантасын да лыддис Исай пророкысь гижөд. ²⁹ Вежа Лов шуис Филипльы: «Матыстчы тарантас дорас да мун орччөн».

³⁰ Филип котөрөн матыстчис да кыліс, тарантасын пукалысь лыддис Исай пророкысь гижөд. Филип юаліс: «Гөгөрвоан-ө, мый лыддьян?» ³¹ Мөдыс шуис: «Кыдзи нө верма гөгөрвонысө, гөгөрвоөдысьыс кө абу?» Сійө корис Филипөс пуксьыны орччөн. ³² Гижөдсьыс сійө лыддис татшөм кывъяс: – Сійөс вайөдісны начкыны ыжөс моз. Шы лэдзлытөм баля моз Сійө эз восьтылы шырысь водзын Асьыс вомсө. ³³ Сійөс вөлі увтыртөма, да мыждөма абу веськыд өрд водзын. Коді висьталас Сысянь водзө чужысьяс йылысь, муыввса олөмсө кө Сылысь орөдасны? ³⁴ Евнук шуис Филипльы: «Висьтав, код йылысь пророкыс шуөма тайөс? Ас йывсьыс али мөд йылысь?» ³⁵ Сәки Филип тайө гижөдсянныс пондіс висьтавны сылы Исус йылысь Бур Юөрсө. ³⁶ Сәккөсті найө воисны вадорө, евнук шуис: «Со ваыс. Мый менө кутө пыртчөмысь?» ³⁷ Филип шуис сылы: «Став сьөлөмсьяныд кө эскан, позьө». Евнук вочавидзис: «Эска, мый Исус Кростос – Ен Пи». ³⁸ Сәсся тшөктіс сувтөдны тарантассө да найө кыкнанныс пырисны ваө. Филип пыртіс сійөс. ³⁹ Ваысь петөм бөрын Вежа Лов лэччис евнук вылө. А Господьлөн андел босьтіс Филипөс, и евнук эз нин аддзы сійөс. Евнук долыдырысь муніс водзө аслас туйөд. ⁴⁰ Бөрынджык Филипөс аддзисны Азот карын. Кесарияө мунігөн сійө быд карын висьтавліс Бур Юөр.

9 Савл скөрысла пыр на пуис Господьлөн велөдчысьяс вылө, зілис бырөдны найөс. Сійө локтіс архирей дінө ² да корис сысянь эскөдан гижөд Дамаск синагогаясө, медым Исус велөдөмө кутчысьысь айуловөс да аньясөс позис көртавны да вайөдны Ерусалимө. ³ Дамаскө матыстчигөн туй вылас Савлөс виччысьтөг кытшаліс енежсянныс югыд. ⁴ Сійө уси муас да кыліс гөлөс шы: «Савл, Савл, мыйла вөтлан Менө?» ⁵ Сійө юаліс: «Коді Тэ, Господьөй?» Господь шуис сылы: «Ме – Исус, кодөс тэ вөтлан. Сьөкыд тэныд мунны ёсь зорлы паныд». ⁶ Савлөс полөм босьтіс, тіралөмөн сійө юаліс: «Господьөй, мый көсьян, мед ме вөчи?» Господь шуис сылы: «Чеччы да мун карас. Сәні висьталасны, мый тэныд колө вөчнысө». ⁷ Савлкөд өтлаын локтысьяс шөйөвшөмөн сулалісны: найө кылісны сёрни, а висьталысьсө эз аддзыны. ⁸ Савл чеччис муысь, восьтіс синсө, но нинөм эз аддзы. Киөдыс кутөмөн сійөс вайөдісны Дамаскө. ⁹ Куим лун чөж сійө нинөм эз аддзы да оліс сөйтөг-ютөг. ¹⁰ Дамаскын оліс Ананий нима велөдчысь. Господь петкөдчис сылы да шуис: «Ананий!» Сійө вочавидзис: «Тані ме, Господьөй». ¹¹ Господь шуис сылы: «Чеччы да мун Веськыд нима туй вылө. Юав Иуда керкаысь Тарсын чужлөм Савл нима мортөс. Öні сійө кевмысьө. ¹² Сійө аддзыліс Енсянь петкөдчылөм, мый Ананий нима морт локтас,

пуктылас сы вылө кисö, да сійö кутас аддзыны». ¹³ Ананий вочавидзис: «Господьöй, ме унасянь кывлі тайö мортыс йылысь, мыйта лөк сійö вöчис Тэнад вежа войтырлы Ерусалимын. ¹⁴ Сылөн эм аркирейясянь гижöд, та вöсна вермас босьтны быдөнöс, кодi шыасьö Тэнад нимö». ¹⁵ Господь шуис: «Мун. Ме бөрйи сійöс кесъявны Меным, юөртны Менсьым нимöс мукöд войтырлы да öксыяслы, тшöтш Израиль войтырлы. ¹⁶ Ме петкöдла сылы, мыйта сьöкыд ковмас нуны сылы Менам ним вöсна». ¹⁷ Ананий мунис, пырис Иуда керкаö да Савл вылө кисö пуктöмөн шуис: «Савл вокöй! Менö мөдöдiс тэ дiнö Господь Исус, кодi петкöдчис тэныд туй вылын. Сійö мөдöдiс менö, медым тэ бара кутiн аддзыны да тырин Вежа Лолөн». ¹⁸ Пырысь-пыр Савл синъясысь быттьö чери сьöм усис, да сійö пондiс аддзыны. Сэсся дзик пыр чеччис да пыртчис. ¹⁹ Та бöрын сөйыштiс да ёнмис. Кымынкö лун Савл олiс Дамаскын велöдчысьяскöд. ²⁰ Савл дзик пыр пондiс юөртны-висьтавны синагогаясын, мый Исус – сійö Ен Пи. ²¹ Кывзысьяс ёна шензисны: «Эз-ö тайö мортыс бырöдав Ерусалимын Исус нимö шыасьысьясöс? Эз-ö сійö лок татчö, медым босьтны найöс да нуöдны аркирейяс водзö?» ²² Савл лунысь-лун висьталiс вынаджыка да эскöдiс, мый Исус – сійö Кростос. Тайөн весьöпöртiс Дамаскын олысь юдейясöс. ²³ Кад мысти юдейяс сёрнитчисны вины Савлöс. ²⁴ Тайö кывсис Савллы. Юдейяс лун и вой кыйöдчисны карса дзирья дорын, медым вины сійöс. ²⁵ Войнас велöдчысьяс пуксьöдiсны Савлöс ыджыд чуманö да лэдзисны карса стен бердöд. ²⁶ Ерусалимö воём бöрын Савл зiлис öтувтчыны велöдчысьяскöд. Но найö ставныс полiсны сыысь, эз эскыны, мый сійö тшöтш велöдчысь. ²⁷ Сэки Варнава отсалiс Савллы, вайöдiс сійöс апостольяс дiнö да висьталiс налы, мый Савл аддзылöма Господьöс, да Господь сёрнитöма ськöд. Нöшта висьталiс, кызди Савл Дамаскын повтöг юөртöма Исус йылысь. ²⁸ Та бөрти Савл олiс да ветлöдлiс накöд Ерусалимын да повтöг висьтавлiс Господь Исус йылысь. ²⁹ Сійö сёрнитлiс грек кывйөн сёрнитысь юдейяскöд да вензьывлiс накöд, а найö пыр көсйисны вины сійöс. ³⁰ Тайöс тöдмалöм бöрын вокьяс нуöдiсны Савлöс Кесарияö, сэсянь мөдöдiсны Тарсö. ³¹ Став Юдея, Галилея да Самария пасьтала вичкояс олiсны лөня. Найö олiсны Господьысь полöмөн да лунысь-лун ёнмисны. Вежа Лов ышöдöм улын вичкоясын эскысьяслөн лыдыс содiс. ³² Вичкояс кытшовтiгөн Петыр локтiс Лиддаын олысь вежа войтыр дiнö. ³³ Сэтысь сійö аддзис Эней нима мортöс, кодi көкъямыс во нин куйлöма чеччывтöг. ³⁴ Петыр шуис сылы: «Эней, Исус Кростос бурдöдö тэнö. Чеччы да лöсьöд

вольпасьтö». Сійö дзик пыр чеччис. ³⁵ Лиддаын да Саронын олысьяс ставныс аддзылiсны тайöс да бергöдчисны Господьлань. ³⁶ Иоппияын олiс Тавитань, сылөн нимыс лоö: серна. Сійö тшöтш вöли велöдчысьяс лыдын. Уна бур сійö вöчис йöзыслы, отсасис гöльяслы. ³⁷ Сійö лунъясö Тавита висьмис да кулiс. Сійöс мыськалiсны да пуктiсны вылыс вежöсас. ³⁸ Велöдчысьяс кор кылiсны, мый Петыр Лиддаын, Иоппияысь неылын, мөдöдiсны кык мортöс корны Петырöс, мед сійö дзик пыр локтас на дiнö. ³⁹ Петыр чеччис да локтiс накöд. Воём мыстиыс Петырöс нуöдiсны вылыс вежöсас. Дöваяс кытшалiсны сійöс да бөрдöмсорөн петкöдлiсны Тавита киөн вурөм дөрөм-паськөмъяс. ⁴⁰ Петыр тшöктiс петны ставныслы, ачыс пидзöс вылас сувтöмөн кутiс кевмысьны. Сэсся шойланьыс бергöдчöмөн шуис: «Тавита, чеччы!» Тавита восьтiс синсö, видзöдлiс Петыр вылö да пуксис. ⁴¹ Петыр мыччис сылы кисö да отсалiс чеччыны. Сэсся корис дöваясöс да мукöд эскысьясöс, да сувтöдiс на водзö ловья Тавиваöс. ⁴² Та йылысь кывсис став Иоппия пасьтала, и унаөн сэки эскисны Господьлы. ⁴³ Петыр дыркодь на олiс Иоппияын кучик вöчысь Симон ордын.

10 Кесарияын олiс Корнилий нима морт. Сійö веськөдлiс италияса сё шыпурта чукөрөн.

² Сійö вöли вежавидзысь морт, ачыс да сылөн гортсаыс олiсны Енмысь полöмөн, сійö отсасис гöль юдейяслы да пыр кевмысис Енлы. ³ Луннас куим часын сійö вемöсөн аддзис Енлысь анделöс, кодi пырис сы дiнö да шыасис: «Корнилий!» ⁴ Повзигтыр андел вылö видзöдöмөн Корнилий шуис: «Мый, ыджыдöй?» Андел шуис сылы: «Енмыс кылöма тэнсьыд кевмысьöмтö да аддзöма гöльяслы отсасьöмтö. ⁵ Дзик пыр мөдöд йöзтö Иоппияö Симонла, кодöс шуöны Петырөн. ⁶ Öнi сійö кучик вöчысь Симон ордын, сылөн керкаыс сулалö саридз дорас. Сійö висьталас тэныд юөр, код пыр мездман тэ и став тэнад гортсаыд». ⁷ Андел мунöм бöрын Корнилий корис ассъыс кык кесйöгсö да вежавидзöмөн олысь шыпуртаöс. ⁸ Висьталiс налы ставсö да мөдöдiс Иоппияö. ⁹ Мөд луннас найö вöли матыстчöны карланьыс. Буретш сэки, лун шөр кадö, Петыр кайис керка вылас кевмысьны. ¹⁰ Петырлөн кынöмыс кутiс сюмавын, сійö көсйис сөйны. Кор сөянсö дасьтiсны на, Петыр быттьö ас садьсыс петiс ¹¹ да аддзис: восьса енэжсяньыс сы дiнö лэччис паськыд дөра сяма. Нельнан пельöсöдыс кутöмөн сійöс лэдзисны му вылö. ¹² Сэни вöлины муыввса быдпөлöс нель кока пемöсьяс, веглясьысьяс да енэжыв лэбачьяс. ¹³ Сэки Петыр кылiс гөлс шы: «Чеччы, Петыр, начкы да сөй». ¹⁴ Петыр шуис: «Ог, Господьöй. Ме некор эг сөйлы нинöм шогмытöмсö да пещöс».

¹⁵ Сэсса бара кыліс: «Енмыс мый весалёма, эн лыдды сійос пежон». ¹⁶ Тадзи вөлі куимысь, сэсса дорасо бөр кыпөдісны енэжас. ¹⁷ Петыр шөйөвшөмөн мөвпаліс, мый эськө лоо тайо аддзывлөмторйыс. Сійо кадас Корнилийлөн мөдөдөмаяс Симонлысь керкасө аддзөм бөрын сувтісны потшөс дорас ¹⁸ да гораа юалісны: «Тані-ө Симоныс, кодөс шуоны Петырөн?» ¹⁹ Кор Петыр мөвпаліс на аддзывлөм йывсьыс, Лов шуис сылы: «Тэнө корсьоны куимөн. ²⁰ Лэччы да майшасьтөг мун накөд, өд найос Ме мөдөді». ²¹ Петыр лэччис воөмаяс дінө да шуис: «Ме сійо мортыс, кодөс ті корсянныд. Мый могөн локтінныд?» ²² Найо висьталісны: «Миянөс мөдөдіс Корнилий, сөөн веськөдлысьным. Сійо веськыда олысь да Енмысь полысь морт, юдей войтыр пыдди пуктө сійос. Вежа андел тшөктөма сылы корны тэнө гортас, мед кывзыны тэнсьыд висьталөмтө». ²³ Петыр корис найос керкаас, вердіс-юкталіс, сэсса мөд луннас петіс накөд туйө. Сыкөд тшөтш мунісны Иоппияысь кодсюрө вокъяс. ²⁴ Лун мысти воисны Кесарияө. Корнилий виччысис найос. Сійо вөлі корөма асьыс рөдвужсө да матысса ёртъяссө. ²⁵ Пыриганыс Корнилий воча петіс Петырлы да копытчылөмөн уськөдчис сы водзө. ²⁶ Петыр сійос лэптгмоз шуис: «Чеччы, ме өд морт жө». ²⁷ Сэсса сыкөд сёрнитгтырйи пырис керкаө да аддзис керка тыр йөзөс. ²⁸ Петыр шуис налы: «Ті төданныд, мый юдейяслы оз позь отувтчыны да воысьны мукөд войтыркөд. Но Ен меным петкөдліс, мед ме некодөс эг пукты шогмытөмө да пеж туйө. ²⁹ Та вөсна ме кывшутөг локті тіян дінө. Көсья төдны, мый могөн ті коринныд менө?» ³⁰ Корнилий висьталіс: «Куим лун сайын дзик тайо кадас куим часын ме видзалөмөн кевмыси гортын. Сэки сувтіс ме водзө дзирдалан паськөма морт ³¹ да шуис, Корнилий, Енмыс пө кылөма тэнсьыд кевмысьөмтө да аддзөма гөляслы отсасьөмтө. ³² Мөдөд пө йөзтө Иоппияө корны Симонөс, кодөс шуоны Петырөн. Öні пө сійо кучик вөчысь Симон керкаын, а керкаыс пө саридз дорас. Сійо пө локтас да висьталас тэныд ставсө. ³³ Сэки ме дзик пыр мөдөді тэ дінө асьсым йөзөс. Тэ бура вөчин, мый локтін. Ми ставным öні Ен водзынөсь да дасьөсь кывзыны ставсө, мый Енмыс тшөктіс висьтавыны тэныд». ³⁴ Петыр шуис: «Ме збыльысь öні гөгөрвоа, мый Енмыслы став йөзыс өткодьөсь. ³⁵ Быд войтыр пөвстысь Сійо сибөдө найос, кодъяс олөны веськыда да Сыысь полөмөн. ³⁶ Сійо мөдөдіс Израиль войтырлы Асьыс кывсө, лөньлун йылысь Бур Юөрсө, кодөс вайис Исус Кростос. Сійо ставныслы Господь. ³⁷ Ті төданныд, мый вөлі Галилеяын, сэсса став Юдея пасьтала сійо пыртчөм бөрын, мый йылысь висьтавліс Иоан. ³⁸ Ен

мавыштис Назаретса Исусөс Вежа Лолөн да вынөн. Исус быдлаті ветлөдліс, уна бур вөчис йөзыслы, бурдөдаліс да мездіс йөзсө омөльыслөн кыысь. Енмыс вөлі Сыкөд. ³⁹ Ми асланым синмөн аддзылім ставсө, мый Сійо вөчис Юдея муын да Ерусалимын. Сійос пу вылө өшөдөмөн виисны. ⁴⁰ Но Енмыс ловзьөдіс Сійос коймөд луннас да сетіс Сылы петкөдчывыны, ⁴¹ но эз став йөзыслы, а миянлы, кодъясөс Енмыс водзысянныс бөрийис висьтавыны та йылысь. Сійо тшөктіс миянлы, кодъяс өтлаын сөйим-юим Сыкөд ловзьөм бөрас, ⁴² юөртны йөзыслы да висьтавыны, мый Ен пуктис Сійос ловьяяслы да кулөмаяслы Мыждысьөн. ⁴³ Сы йылысь став пророкыс висьталө, мый быдөнлысь, коді эскө Сылы, лоө прөститөма мыжъяссө Сы нимөн». ⁴⁴ Петырлөн сёрнитгөн Вежа Лов лэччис ставныс вылө, кодъяс сэні кывзісны. ⁴⁵ Петыркөд локтөм эскысь юдейяс чуймысны, мый Вежа Ловсө сетөма тшөтш өнтөдтөмъяслы. ⁴⁶ Öд асланыс пельөн найо кылісны өнтөдтөмъяслысь мукөд кывъяс вылын сёрнитөмсө да Енмөс ошкөмсө. Сэки Петыр шуис: ⁴⁷ «Вермас-ө кодкө кутны найос пыртчөмысь, налы кө миянлы моз тшөтш сетөма Вежа Ловсө?» ⁴⁸ Сэсса Петыр тшөктіс налы пыртчыны Исус Кростос нимөн. А найо корисны Петырөс олыштны на ордын нөшта кымынкө лун.

11 Апостолъяслы да мукөд вокъяслы Юдеяын кывсис, мый өнтөдтөмъяс сибөдөмаөсь Енлысь Кывсө. ² Кор Петыр локтис Ерусалимө, вундыштчөмаяс вомалісны сійос, ³ шуисны: «Тэ ветлөмыд вундыштчөмъяс дінө да весиг өтлаын сөйөмыд накөд». ⁴ Сэки Петыр пондіс висьтавыны налы ставсө сьөрсьөн-бөрсьөн: ⁵ «Ме вөлі Иоппия карын. Сэні кевмысигөн быттьө ас садьысь петі да аддзи Енсянь петкөдчылөм: енэжсянныс лэччис паськыд дөра сяма, нельнан пельөсөдыс кутөмөн сійос лэдзисны ме водзө. ⁶ Ме видзөдлі да аддзи сэтысь муывыса нель кока пемөсьясөс, веглясьысьясөс да енэжвыв лэбачьясөс. ⁷ Сэки ме кылі гөлөс шы: "Чеччы, Петыр, начкы да сөй". ⁸ Ме шуи: "Ог, Господьөй. Ме некор эг босьтлы вомө нинөм шогмытөмсө да пежсө". ⁹ Сэсса енэжсянныс ме бара кылі: "Енмыс мый весалёма, эн лыдды сійос пежон". ¹⁰ Тадзи вөлі куимысь, сэсса ставсө бөр кыпөдісны енэжас. ¹¹ Буретш сійо каднас куим морт сувтісны керка дорө, көні ме вөлі. Найос вөлөмкө Кесариясянь мөдөдөмаөсь ме дінө. ¹² Лов шуис меным, мед ме майшасьтөг муні накөд. Мекөд тшөтш мунісны тайо квайт вокыс. Кор ми локтис сійо мортыс ордө, ¹³ сійо висьталіс миянлы, мый аддзылөма анделөс. Андел сувтөма керка шөрас да шуөма сылы, мөдөд пө йөзтө Иоппияө Симонла, кодөс шуоны Петырөн. ¹⁴ Сійо пө висьталас тэныд юөр, код пыр мездман тэ да став

тэнад гортсаыд. ¹⁵ И кор ме куті сёрнитны, на вылө лэччис Вежа Лов, кызди водзынсö мян вылө. ¹⁶ Сэки тöд вылө меным уси Господьлөн шуöмыс: "Иоан пыртіс ваон, но тiянöс лоö пыртöма Вежа Лолөн". ¹⁷ Енмыс кө мянлы моз и налы сетіс тайö козинсö, кор найö эскисны Господь Иусус Кростослы, сідзкө, коді ме сэтшöмыс, медым паныд сувтны Енмыслы?» ¹⁸ Тайöс кылөм бöрын найö лөнисны да ошкисны Енмös шуалөмөн: «Тыдалö, Енмыс ентöдтöмъяслы тшöтш сетöма бергöдчыны мыжъяссыс, мед и налөн вöлі олөм». ¹⁹ Степанös виөм бöрын дзескөдөм вöсна разалöмаяс мунісны Финикияöдз, Кипрöдз да Антиокияöдз. Енлыс Кывсö юдейяслы кындзи найö некодлы эз висьтавлыны. ²⁰ На пöвстын тшöтш вöліны Кипрыс да Киринаеясыс кодсюрö. Антиокияö локтөм бöраныс найö висьтавлісны грекъяслы Господь Иусус йылыс Бур Юөр. ²¹ Господь вöлі накөд, та вöсна унаон эскисны да бергöдчисны Господь дінö. ²² Та йылыс кывсис Ерусалимын эскысыяслы. Сэки найö мөдöдiсны Антиокияö Варнаваös. ²³ Воөм бöрас Варнава аддзис, мый сэнi Енлөн буралöмыс да ёна нимкодясис. Сійö ышöдiс быдөнös кутчысыны став сьөлөмнас Господьö. ²⁴ Варнава вöлі бур морт, сійö вöлі тырöма Вежа Лолөн да эскөмөн. Унаон сэки бергöдчисны Господь дінö. ²⁵ Сэсся Варнава муніс Тарсö корсыны Савлос и аддзөм бöрас локтiс ськөд Антиокияö. ²⁶ Во чöж найö чукөртчывлісны сэнi эскысыяскөд да велöдiсны бура уна йöзös. Антиокияын велöдчысыясöс медводдзаыс шуисны Кростос войтырөн. ²⁷ Сійö лунъясö Антиокияö локтiсны Ерусалимыс пророкъяс. ²⁸ На пиыс Агав нима пророк Ловсян водзвыв висьталіс, ыджыд тшыгъялөм пö лоö став му пасьтала. Клавдий кесар дырйи тадзи и лои. ²⁹ Велöдчысыяс шуисны отсавны Юдеяын олыс вокъяслы, кодi мыйта вермас. ³⁰ Тадзи и вöчисны: Варнавакөд да Савлкөд мөдöдiсны вичкоса юрнуöдысыяслы сьом.

12 Тайö кадö Ирöд öксы пондiс ёна дзескөдны вичкоыс кодсюрöс. ² Сійö тшöктiс вины Иоанлыс Яков воксö. ³ Ирöд аддзис, мый тайö сьөлөм вылас воис юдейяслы, сэки тшöктiс босьтны тшöтш Петырös. Сэки буретш пасйисны Шомтөм нянь сёян лунъяс. ⁴ Петырös босьтiсны да пуксьöдiсны дзескыдiнö. Шыпуртаяслы тшöктiсны видзны сійöс нельөн-нельөн да нельыс вежласьöмөн. Ирöд шуис Ыджыд лун бöрын петкөдны сійöс йöз водзö. ⁵ Петырös видзисны дзескыдiнын, а вичко дугдывтöг кевмысис сы вöсна Енлы. ⁶ Петкөдан лунлы паныда войö Петыр узис кык шыпурта костын. Сійöс вöлі дорöма кык чептөн, нöшта дзескыдiн öдзös дорын сулалісны видзысыяс. ⁷ Виччысьтöг Господьлөн андел сувтiс

сы водзö и гөгөр югдiс. Петырлы инмөдчиг андел садьмөдiс сійöс да шуис: «Чеччы öдйöджык». Петырлөн кыис дзик пыр мыніс чепъясыс. ⁸ Андел шуис: «Вөнъяв костö да көмась». Петыр кывзысис. Сэсся андел шуис: «Пасьтав вылыс паськөмтö да лок ме бöрся». ⁹ Петыр муніс андел бöрся, но чайтiс, мый ставыс тайö абу збыль, а сөмын Енсян петкөдчылөм. ¹⁰ Воддза да мөд видзысыяс дiнтi мунөм бöрын найö воисны карсыс петан көрт öдзös дорö. Öдзöсыс ачыс воссис, да найö петісны. Туй вывтi мунігөн андел виччысьтöг вошис. ¹¹ Сэки Петыр воис ас сядяс да шуис: «Öнi ме збыльыс тöда, мый Господь мөдöдiс Ассыс анделсö, мед мездыны менö Ирöд кыис да юдей войтырлөн лöсьöдөм лекторъясыс». ¹² Тайöс гөгөрвоөм бöрын Петыр мөдöдчис Иоанлөн Марья мамыс ордö. Тайö Иоансö шуисны Маркөн. Сэнi вель унаон вöлі чукөртчöмаос кевмысыны. ¹³ Петыр игөдчис öдзöсас. Рода нима кесйöг ань петіс восьтнысö. ¹⁴ Петырлыс гөлөссö кылөм бöрын сійö нимкодъысла весиг вунөдiс восьтны öдзöссö, котөрөн бөр пырис да висьталіс, öдзös саяс пö Петыр сулалö. ¹⁵ Ставныс шуисны: «Ас вежöрад-ö тэ?» Но сійö пыр ассыс долис. Сэки найö шуисны: «Гашкө, тайö Петырлөн анделыс?» ¹⁶ А Петыр пыр на игөдчис. Кор восьтiсны да аддзисны сійöс, ёна чуймысны. ¹⁷ Петыр сетіс кинас пас, медым ланьтiсны ставныс. Сэки висьталіс налы, кызди Господь петкөдiс сійöс дзескыдiныс. Сэсся шуис: «Юөртöй та йылыс Яковлы да мукөд вокъяслы». Та бöрын петіс на дiныс да муніс мөдлаö. ¹⁸ Асывнас Петырлөн вошöмыс шыпуртаяс ёна шызисны. ¹⁹ Ирöд корсис Петырös, но ставыс вöлі весьшөрö. Видзысыясöс юасьöм бöрын сійö тшöктiс вины найös. Сэсся Ирöд муніс Юдеяыс Кесарияö да кольчис сэтчö. ²⁰ Ирöд вöлі скөрмöма Тирын да Сидонын олысыяс вылө. Найö öтвыв сёрнитчөмөн локтiсны Ирöд дiнö бурасьöм могыс, öд öксылөн муыс вердiс найös. Найö эскөдiсны Властös, öксы керкаон веськөдлысьöс, мед сувтас на дор. ²¹ Индөм луно Ирöд пасьталіс öксы паськөм, пуксис юралан пуклөсö да пондiс сёрнитны. ²² Йöзыс гораа шуалісны, тайö пö Ен сёрнитö, оз морт. ²³ Сэки Господьлөн андел чорыда дойдiс Ирöдös, öд Енлы пыдди сійö аслыс босьтiс ошкөмсö. Сійöс ловъяывыссьыс сёйисны номыръяс. ²⁴ А Енлөн Кывйыс ёна паськаліс. ²⁵ Варнава да Савл вайөм сьöмсö сетісны вичколы, сэсся бөр мунісны Ерусалимыс Антиокияö. Аскөдныс найö босьтiсны тшöтш Иоанös, кодös шуисны Маркөн.

13 Антиокия вичкоын вöліны кодсюрö пророкъяс да велöдысыяс: Варнава, Симеон, кодös шуисны Нигерөн, Киринаеясыс Луций, Манаил, сійö тшöтш быдмылөма Ирöд öксыкөд, да

Савл. ² Кор найö видзалöмön кесъялисны Господьлы, Вежа Лов шуис: «Торйöдöй Меным Варнаваöс да Савлöс, Ме кори найöс торъя удж вöчны». ³ Сэсся видзалöм да кевмысьöм бöрын найö пуктылисны киньсö на вылö да мöдöдисны найöс. ⁴ Тадзи Варнава да Савл, Вежа Лолöн мöдöдöмаяс, локтисны Селевкияö. Сэсянь кивтисны Кипрö. ⁵ Сэтчö воöм бöрын Саламинö сувтligаньс висьтавлисны Енлысь Кывсö синагогаясын. Накöд тшöтш вöли Иоан, кодi отсасис налы. ⁶ Дiсö кытшовтiгöн воисны Пафö, сэни налы паныдасис Варисус нима сэтчöс тун да ылöгпророк, ачыс сийö вöли юдей. ⁷ Сийö олис дiön веськöдлысь Сергей Павел ордын. Веськöдлысьыс вöли сюсь вежöра морт. Сийö кöсийс кывны Енлысь Кывсö, та вöсна корис Варнаваöс да Савлöс ас ордас. ⁸ Елим тун – тадзи Варисусöс нимтисны грек кывйöн – паныд сувтис локтысьяслы. Сийö эз кöсийы, мед дiön веськöдлысьыс эскис. ⁹ Савл, мöд ногöн Павел, Вежа Лолöн тырöмön веськыда сылы синмас видзöдöмön шуис: ¹⁰ «Тэ, омöльыслöн пи, быд бурыслы паныд мунысь, тырöмыд быдпöлöс лёкнас да пöръясьöмнас. Чайтан, и водзö верман пöръясьöмнад чукльöдлыны Господьлысь веськыд туйсö? ¹¹ Господьлөн кийс öнi тэ вылын: тэ синтöмман да индöм кадöдз он кут аддзыны шондi югöрсö». Дзик пыр сылөн синмыс пемдiс. Сийö пондiс бергавны öтарö-мöдарö, корсьны нуöдысьöс. ¹² Дiön веськöдлысь кор аддзис тайö лоöмторсö, шензис Господьлөн велöдöмысь да кутiс эскыны. ¹³ Пафысь Павел мукöдыскöд тшöтш кивтiс Памфилияö, Пергия карö. Сэни Иоан колис найöс да бöр косiс Ерусалимö. ¹⁴ А найö Пергиясянь мунисны Писидияса Антиокия карö. Шойччан лунö найö пырисны синагогаö да пуксисны. ¹⁵ Индöд да пророк гижöдъяс лыддьöм бöрын синагогаса юралысьяс ыстисны кодсюрöös юавны, эм-ö вокъяслөн ышöдана кыв йöзыслы. Эм кө, мед висьталасны. ¹⁶ Сэки Павел сувтiс, сетiс кинас пас да шуис: «Израиль войтыр да Енмысь полысьяс, кывзöй: ¹⁷ Израиль войтырлөн Ен бöрийис миянлысь батьяснымöс, рöдмöдiс тайö войтырсö Египет муын да вына кинас петкöдiс найöс сэтысь. ¹⁸ Нелямын во чöж Сийö вердiс найöс овтöминын. ¹⁹ Сэсся бырöдiс Ханаан муысь сизим пöлöс войтырöс да налысь муяссö юклiс миян батьяслы. ²⁰ Ставыс тайö кыссис матö нельсё ветымын во. Та бöрти сетiс налы ёрдысьясöс Самуил пророкöдз. ²¹ Сэсся найö корисны öксыöс, сэки Енмыс сетiс налы Саулöс, Вениамин чужанкотырысь Кислысь писö. Сийö веськöдлiс нелямын во чöж. ²² Саулöс вештöм бöрын сувтöдiс налы öксыöн Давидöс. Сы йылысь шуöма: "Ме аддзи Давидöс, Есейлысь писö, сийö Меным сьöлöм серти. Сийö пöртас олöмö Менсым

став кöсийöмöс". ²³ Сылөн кöйдыссянь Ен сетiс Израильлы кöсийысьöм Мездысьöс, Исусöс. ²⁴ Сылөн локтöм водзвылын Иоан юöртiс став Израиль войтырлы, мед бергöдчасны мыжъяссьыныс да пыртчасны. ²⁵ Олан туй помасигас Иоан висьтавлiс: "Ме абу сийö, код туйö тi менö пуктанныд. Сийö локтö ме бöрся, и ме ог шогмы пöрччöдны Сылысь кöмсö". ²⁶ Вокъясöй, Öвраам пиянöй да Енмысь полысьяс! Тiяны мöдöдöма тайö мездан кывсö. ²⁷ Ерусалимын олысьяс да налөн веськöдлысьяс эз тöдны Сийöс, босьтисны да мыждисны. Тадзи инисны пророкъяслөн кывъяс, кодъясöс лыддьöны быд шойччан лунö. ²⁸ Налы эз сюр мыжыс, мед вины Сийöс. Сэки корисны Пилатöс, мед сийö тшöктас винысö. ²⁹ Найö вöчисны ставсö, мый гижöма Сы йылысь. Сэсся лэдзисны Сийöс крест вывсьыс да пуктисны дзеванiнö. ³⁰ Но Енмыс ловзьöдiс Сийöс. ³¹ Уна лун чöж Сийö петкöдчывлiс налы, кодъяс Сукöд тшöтш локтисны Галилеясянь Ерусалимöдз. Öнi найö висьтавлöны Сы йылысь Израиль войтырлы. ³² Ми висьталам тiяны Бур Юöр, мый батьяслы сетöм кöсийысьöмсö Ен пöртiс олöмö миянлы, налөн ныв-пилы, Исусöс ловзьöдöм пыр. ³³ Мöд псаломын гижöма: – Тэ Менам Пи, Ме öнi чужтi Тэнö. ³⁴ Енмыс ловзьöдiс Исусöс, и Сийö оз нин бöр бергöдчы сiсьмöмас. Шуöма: – Ме пöрта олöманыд Давидлы сетöм вежа да вежсьывтöм кöсийысьöмöс. ³⁵ Мöдлаын шуöма: – Тэ аслад Вежалы он сет аддзавны сiсьмöмсö. ³⁶ Давид аслак кадö пöртiс олöмас Енлысь кöсийöмсö. Сэсся сийö кулис, да сийöс гуалисны батьяскöд орччöн. Давидным аддзылiс сiсьмöмсö, ³⁷ а Сийö, кодöс Ен ловзьöдiс, эз аддзав сiсьмöмсö. ³⁸ Тöдöй, вокъяс: Исус пыр Енмыс юöртö тiяны, мый прöститöма тiянысь мыжъяснытö. ³⁹ Сы пыр быд эскысь лоö веськыдөн да мездмас ставсьыс, мыйысь эз вермы мездмыны Мöйсейлөн Индöд пыр. ⁴⁰ Видзчысьöй, медым эз су тiянöс пророкъяслөн шуöмыс: ⁴¹ – Видзöдöй, сералысьяс, да шензьöй, тiянöс лоö бырöдöма! Тiян лунъясö Ме вöча сэтшöмтор, та йылысь кө висьталасны тiяны, тi онö эскöй». ⁴² Синагогаысь петiгөн ентöдтöмъяс корисны Павелöс да Варнаваöс нöшта висьтавны та йылысь локтан шойччан лунö. ⁴³ Синагогаысь разöдчигöн юдейяс да юдей эскöмö бергöдчысьяс пиысь унаöн мунисны Павел да Варнава бöрся. Апостольяс сёрнитисны накöд да ышöдiсны, медым кутчысясны Енлөн буралöмас. ⁴⁴ Локтан шойччан лунö пöшти став карыс чукöртчис кывзыны Енлысь Кывсö. ⁴⁵ Кор юдейяс аддзисны уна йöзöс, тырины лöглунөн. Найö пондiсны паныд шуасьны да омöльтны Павеллысь велöдöмсö. ⁴⁶ Сэки Павел да Варнава повтöг шуисны: «Медводз тiяны шуöма кывны Енлысь Кывсö. Но тi кө онö сибöдöй тайöс

да лыддьяныд асьнытö шогмытöмөн, мед пырны помтöм олöмö, ми мунам ентöдтöмъяс динö.

⁴⁷ Тадзи Ачыс Господь висътавлис: – Ме сувтöдi Тэнö ентöдтöмъяслы югыдөн, став му пасьтала олысьяслы Мездьсьөн». ⁴⁸ Тайöс кылöм бöрын ентöдтöмъяс пондiсны нимкодьясны да ошкыны Господьöс Сылөн Кывйысь. Эскисны ставныс, кодъяслы шуöма пырны помтöм олöмö.

⁴⁹ Господьлөн кывйыс паськалис сэтчöс му пасьтала.

⁵⁰ Юдейяс жö паныд ыззьöдiсны Енсьыс полысь да пыдди пуктана анясьöс да карөн веськöдлысьясöс. Найö пондiсны дзескöдны Павелöс да Варнаваöс, сэсся вöтлiсны асланыс муысь. ⁵¹ Апостольяс пыркöдiсны коксьыныс буссö сэнi да мунiсны Иконияö. ⁵² Антиокияын жö велöдчысьяс тырины нимкодьялунөн да Вежа Лолөн.

14 Иконияын Павел да Варнава мунiсны синагогаö да висъталiсны сэнi Енлысь Кывсö.

Юдейяс да грекъяс пиысь сэки унаөн эскисны.

² Юдейяс, кодъяс эз эскыны, паныд кыпöдiсны ентöдтöмъясöс, кöдзисны налы сьölöманыс скöралöм вокъяс вылö. ³ Вокъяс дыркодь олісны сэнi да повтöг висътавлiсны Господь йылысь.

Господь вöчис на пыр шензьöданаторъяс да петкöдлiс индыспасьяс, тайөн вынсьöдiс Аслас буралöм йылысь висъталöмсö. ⁴ Йöзыс карас юксисны кык пельö: öтияс вöліны юдейяс дор, мöдъяс – апостольяс дор.

⁵ Ентöдтöмъяс да юдейяс асланыс веськöдлысьяскöд шуисны уськöдчыны Павел да Варнава вылö да изъявны найöс. ⁶ Та йылысь тöдмалöм бöрын апостольяс пышйисны Ликаонияö. Сэнi Листра да Дервия карьясын, тшöтш матiгöгöрас, ⁷ висътавлiсны Бур Юөр.

⁸ Листраын оліс кокнас висъысь морт, чужöмсяныс сійö абу на сувтлöма кок вылас. ⁹ Сійö пукалис да кывзiс Павеллысь висъталöмсö. Павел видзöдлiс сы вылö да аддзис, мый сылөн эм эскöм бурднысö.

¹⁰ Сэки Павел гораа шуис: «Господь Исус Кростос нимөн шуа тэныд: "Сувт кок вылад!"» Сійö дзик пыр чеччыштiс да пондiс ветлöдлыны. ¹¹ Тайöс аддзöм бöрын йöзыс асланыс Ликаония кыв вылын пондiсны гораа шуавны, енъяс пö морт кодьөн лэччисны миян динö. ¹² Варнаваöс шуисны Зевсөн, а Павелöс Гермесөн, öд ёнджыкасö сійö сёрнитiс.

¹³ Зевс енлы налөн юрбитанiныс сулалiс карö пыранiнас. Сэки Зевслөн тун вайис сикöтшъяс да вайöдiс дзирья дорö öшъясьöс, кöсйис йöзыскöд öтлаын висъ вайны апостольяслы. ¹⁴ Тайöс кылöм бöрын апостольяс, Варнава да Павел, косялісны паськöмнысö да котөрөн уськöдчисны йöз чукөр пытшкö, пондiсны гораа шуавны: ¹⁵ «Мый тi вöчанныд? Ми öд тiян кодъ жö мортъяс. Ми вайим Бур Юөр тiянлы, медым тi бергöдчинныд ковтöм енъясьыныд ловья Ен динö, кодi вöчис енэжсö,

мусö, васö да ставсö, мый сэнi эм. ¹⁶ Воддза кадъясö Сійö быд войтырлы лэдзис ветлыны асланыс туйясöд. ¹⁷ Но бур вöчöмнас Сійö век казьтывлiс да казьтывлö Ас йывсьыс: ыстö миянлы енэжсяныс зэр, сетö ас кадö вотöс-быдтас, пöткöдö миянöс да гажöдö миянлысь сьölöм». ¹⁸ Тадзи висъталöмнас найö öдва öлöдiсны йöзсö налы висъ вайöмысь да мöдöдiсны гортаныс. Павел да Варнава кольчисны Листраö да велöдiсны сэнi йöзсö.

¹⁹ Антиокияысь да Иконияысь локтiсны сэтчö кодсюрö юдейяс. Кор апостольяс повтöг бурвисътавлiсны, юдейяс эскöдiсны йöзсö, мед найö ылыстчасны апостольясысь. Юдейяс шуисны: «Налөн висъталöмныс абу збыль, найö сöмын пöръясьöны». Тадзи найö кыпöдiсны йöзсö апостольяслы паныд, йöзыс изъялісны Павелöс да кыкисны кар саяс, чайтiсны, мый кулöма нин. ²⁰ Но кор велöдчысьяс чукöртчисны Павел гөгөр, сійö чеччис да бөр локтiс карас. Сэсся мöд луннас Варнавакöд Павел мунiс Дервияö. ²¹ Дервияын Павел да Варнава висътавлiсны Евангелльö став карыслы, бура уна велöдчысь сэнi лои. Сэсся бөрсö локтiсны Листра, Икония да Антиокия пыр. ²² Сэнi найö ёнмöдiсны сэтчöс велöдчысьясöс да тшöктiсны зумыда кутчысьны эскöмас. Казьтыштiсны, мый уна сьökыд пыр ковмас мунны, мед пырны Енлөн Юраланiнö. ²³ Быд вичкоын ки пуктылöмөн индiсны юрнуöдысьясöс. Сэсся кевмысьöм да видзалöм бöрын сетiсны эскысьясöс Господь киö, кодлы найö и эскисны. ²⁴ Сэсся Писидия пыр мунiсны Памфилияö. ²⁵ Сэнi Пергия карын Господьлысь кывсö висъталöм бöрын мунiсны Атталияö. ²⁶ Сэсянь кывтiсны Антиокияö, öд буретш танi найöс вöлі сетöма Енлөн буралан киö, мед вöчны Енлысь уджсö, кодöс помöдз вайöдiсны. ²⁷ Воём бöраныс найö чукöртчисны эскысьясöс да висъталiсны ставсö, мый вöчис на пыр Енмыс, да кызди Сійö восьтiс ентöдтöмъяслы эскöмас öдзöссö. ²⁸ Сэсся дыркодь на олісны найö сэтчöс велöдчысьяскöд.

15 Юдеяысь локтысьясысь кодсюрö велöдiсны вокъясьöс, онö кө пö вундыштчöй Мöисей Индöд серти, онö мездмöй. ² Павел да Варнава паныд сувтiсны налы да дыр вензисны накöд. Сэки шуисны мöдöдны Павелöс, Варнаваöс да ас йöзсьыс кодсюрöс апостольяс да юрнуöдысьяс динö Ерусалимö, медым тайö сёрнинас воны öти кывйö. ³ Вичкосянь мöдöдöмаяс, Финикиятi да Самариятi мунiгөн, висътавлiсны Ен динö ентöдтöмъяслөн бергöдчöм йылысь. Тайö юöрсö кылöмысь сэтчöс вокъяс ставныс ёна нимкодьясисны. ⁴ Ерусалимын апостольяс да юрнуöдысьяс став вичконас сибöдiсны воöмаясьöс. Локтысьяс висъталiсны ставсö, мый вöчис на пыр

Енмыс. ⁵ Сэки кодсюрё эскысьяс, кодъяс кутчысисны фарисейслон велөдөмө, шуисны, мый ентөдтөмъяслы колө вундыштчыны да овны Мөйсей Индөд серти. ⁶ Сэки апостольяс юрнуөдысьяскөд чукөртчисны, медым сёрнитны та йылысь. ⁷ Дыр вензьом бөрын Петыр сувтис да шуис налы: «Вокъяс, ти төданныд, мый Енмыс водзысяньыс бөрйис менө миян пөвстысь, медым менам вомсянь ентөдтөмъяс кылысны Евангелльөсө да эскисны. ⁸ Сьөлөмтөдысь Ен сетис налы миянлы моз Вежа Ловсө, тайон петкөдліс, мый Сійө сибөдө найөс. ⁹ Сылон син водзын миян да на костын абу некутшөм торъялөм, эскөм понданыс Сійө весалис налысь сьөлөмнысө. ¹⁰ Мыйла нө ти өні дөзмөданныд Енсө, көсьянный сийөсавны велөдчысьясөс? Тайө сийөссө миян батьяс дай ми эгө вермөй новлөдлынысө. ¹¹ Но ми эскам: Господь Исус Крестослөн буралөмсянь ми мездмам на моз». ¹² Сэсся ставныс ланьтөмөн кывзисны Варнаваөс да Павелөс. А найө висьталисны, кызди Енмыс ентөдтөмъяс пөвстын вөчис на пыр шензьөданаторъяс да петкөдліс индысьпасьяс. ¹³ Налон сёрнитөм бөрын шыасис Яков: «Вокъяс, кывзөй менө. ¹⁴ Симон висьталис миянлы, мый Енмыс медводдзаысь бергөдіс чужөмбансө ентөдтөмъяслань, медым на пөвстысь торйөдны Аслыс войтырөс. ¹⁵ Тадзи висьталөны тшөтш пророклөн кывъясыс, өд гижөма: ¹⁶ – Сэсся Ме бөр бергөдча да выльысь сувтөда Давидлысь киссьөм керкасө. Жугласьөмасө лөсьөда, да выльпөв сійөс лэпта. ¹⁷ Сэки кутасны корсьны Господьөс мукөд йөз да быд войтыр, кодөс Ме шуа Асламөн. Тадзи висьталө Господь, ставсө тайөс Вөчысь. ¹⁸ Нэмъяс пуксьытөдзыс на Сійө төдіс став Ассьыс уджъяссө. ¹⁹ Та вөсна ме чайта, оз ков сьөктөдны Енлань бергөдчөм ентөдтөмъясөс. ²⁰ Сөмын колө гижны налы, медым видзасны асьнысө идоллы вайөм пеж сёянысь, кырсалөмысь, джагалөм пемөс яй сөйөмысь да вир юөмысь, нөшта, мед оз вөчны мукөдыслы сійө, мый оз көйыны аслыныс. ²¹ Мөйсейлысь Индөдсө өд важысянь висьталөны быд карын да быд шойччан лунө лыддьөны синагогаын». ²² Сэки апостольяс да юрнуөдысьяс став вичкоыскөд шуисны бөрйыны ас пөвстсьыныс вокъясөс да мөдөдны найөс Павелкөд да Варнавакөд Антиокияө. Бөрйисны пыдди пуктана вокъясөс: Иудаөс, кодөс шуисны Варсаваөн, да Силаөс. ²³ Накөд ыстисны татшөм гижөд: «Ми, апостольяс, юрнуөдысьяс да вокъяс, чолөмалам тиянөс, Антиокияын, Сирияын да Киликияын ентөдтөмъясысь бергөдчөм вокъясөс. ²⁴ Ми кывлім, мый кодсюрё миян йөз шөйөвоштөны тиянөс асланыс велөдөмөн, шуөны, колө пө вундыштчыны да кутчысьны Индөдө. Тадзи

велөднысө ми эгө тшөктылөй налы. ²⁵ Та вөсна ми өтвылысь бөрйим да шуим мөдөдны тиян динө миян муса Варнавакөд да Павелкөд кодсюрөс. ²⁶ Павел да Варнава вокъяс дасьөсь олөмнысө сетны миян Господь Исус Крестос вөсна. ²⁷ Накөд ми мөдөдам Иудаөс да Силаөс, найө ставсө висьталасны. ²⁸ Вежа Лов да ми тшөтш огө көсйөй сьөктөдны тиянөс, тшөктам вөчны сөмын коланасө. Ми корам: ²⁹ видзөй асьнытө идоллы вайөм сёянысь, вир юөмысь, джагалөм пемөс яй сөйөмысь да кырсалөмысь, и нөшта: энө вөчөй мукөдлы сійө, мый онө көсйөй аслыныд. Тайө тшөктөмъяс сертиыс кө оланныд, бур лоас. Олөй бура!» ³⁰ Мөдөдөмаяс мунисны Антиокияө. Сэни чукөртисны эскысьясөс да сетисны гижөднысө. ³¹ Лыддьөм бөраныс эскысьяс өна долыдмисны нимкодь юөрысь. ³² Иуда да Сила вөліны пророкъясөн, найө өна ышөдісны да өнмөдісны вокъясөс. ³³ Мыйтакө кад олыштөм бөрын вокъяс бөр мөдөдісны найөс лөнь сьөлөмөн апостольяс динө. ³⁴ Но Сила шуис кольчывны на сэтчө, сэки Иуда өтнас мунис Ерусалимө. ³⁵ Павел да Варнава олісны Антиокияын, велөдісны да мукөдыскөд тшөтш юөртисны Господьлысь кывсө. ³⁶ Кутшөмкө кад мысти Павел шуис Варнавалы: «Мунам выльысь кытшовтам сійө карьяссө, көні ми висьтавлім Господьлысь кывсө, төдмалам, кызди олөны миян вокъяс». ³⁷ Варнава көсйис босьтны аскөдыс Иоанөс, кодөс шуисны Маркөн. ³⁸ Но Павел паныд сувтис, өд Марк коркө энөвтис найөс Памфилияын, эз мун накөд водзө өтвылысь вөчны уджсө, мый вылө найөс вөлі мөдөдөма. ³⁹ Павел да Варнава весиг вензьөмөдз воисны да тадзикөн торйөдчисны. Варнава босьтис аскөдыс Маркөс да кывтис сьөктөд Кипрө. ⁴⁰ А вокъяс сетисны Павелөс Енлөн буралан киө. Сійө босьтис аскөдыс Силаөс да мунис ⁴¹ Сирия да Киликия муясө. Сэни ветлөдліс да өнмөдіс вичкояс.

16 Павел воис Дервияөдз, сэсся и Листраөдз.

Сэни оліс Тимофей нима велөдчысь. Мамыс сылөн вөлі юдей, эскысь ань, батьыс вөлі грек. ² Листраын да Иконияын вокъяс бура сёрнитисны Тимофей йылысь. ³ Павел шуис босьтны Тимофейөс аскөдыс да вундыштис сійөс сэтчөс юдейяс понда, өд найө төдісны, мый Тимофейлөн батьыс грек. ⁴ Карьясті ветлігөн найө висьтавлисны эскысьяслы апостольяслысь да юрнуөдысьяслысь Ерусалимын шуөм тшөктөмъяссө да тшөктисны овны на серти. ⁵ Вичкояс өнмисны эскөмас, эскысьяслөн лыдыс лунысь-лун содіс. ⁶ Асияын Вежа Лов эз сет налы висьтавны Кывсө, та вөсна найө мунисны Мисияө Фригия да Галатия муяс пыр. ⁷ Мисиясянь найө көсйисны мунны Вифинияө, но Вежа Лов эз лэдз. ⁸ Сэки Мисия пыр найө мунисны Троадаө. ⁹ Войнас

Павел аддзылас Енсянь петкөдчылөм: македонияса морт сулалө сы водзын да корө, лок пö Македонияö да отсав миянлы. ¹⁰ Тайö петкөдчылөм бöрас ми дзик пыр шуим мунны сэтчö. Ми гөгөрвоим: Господьным корö миянöс висьтавны сэнi Бур Юөр. ¹¹ Троядаысь ми кывтiм веськыда Самофракияö, мөд луннас Неапольö, ¹² сэсянь мунiм Филипö. Македониялөн сэтчöс юкöнын тайö медводдза кар, сэтчö коркö овмөдчылөмаöсь Римысь локтысьяс. Сэнi ми вöлим кымынкö лун. ¹³ Шойччан лунö ми петiм кар саяс да лэччим ю дорö, буретш сэтчö чукөртчывлисны кевмысьны. Ми пуксим сэтчö локтысь аньяс дорö да пондiм сёрнитны накөд. ¹⁴ Сэнi вöли Фиатираысь пурпур дөраөн вузасысь Лидия нима ань, сийö олис Енсыс полөмөн. Господь восьтiс сылысь сьөлөмсö сибөдны Павеллысь кывъяссö, ¹⁵ да сийö став гортсаыскөд пыртчис. Сэсся шуис миянлы: «Тi кө лыддянныд менö Господьлы эскысьөн, пырöй менам керкаö да олöй ме ордын». Сийö корөмөн корис миянöс ас дорас. ¹⁶ Öтчид кевмысьны мунiганым паныдасис миянлы öти кесйөг ань, код пытшкын вöли тунасян лов. Туналөмнас сийö уна сьом вайис аслас ыджыдъяслы. ¹⁷ Тайö аньыс вөтчис Павел да миян бöрся да горзөмөн шуалис: «Тайö йöзыс Медвылысса Енлөн кесйөгъяс. Найö юөртöны миянлы, кызди мездмынысö». ¹⁸ Тадзи сийö вöчис уна лун чöж. Павел скөрмис таысь, сэсся ань дiнö бергөдчөмөн шуис тунасян ловлы: «Тшөкта тэныд Исус Кростос нимөн, пет сы пытшкысь». И сийö дзик пыр петiс. ¹⁹ Кесйөг аньлөн ыджыдъяс аддзисны, мый воштiсны озырмөдчанторнысö, сэки босьтiсны Павелöс да Силаöс да нуөдiсны йöзаинö юралысьяс водзö. ²⁰ Вайөдiсны юралысьяс дiнö да пондiсны мыжавны: «Тайö юдей йöзыс шызьөдöны карнымöс, ²¹ велөдöны йöзсö овны мөд ног. Но миянлы, римса войтырлы, оз позь на ног овнысö». ²² Сэки йöзыс накөд тшөтш сувтiсны Павеллы да Силалы паныд. Юралысьяс тшөктiсны кучкавны найöс бедьясөн. Сэки нетшыштiсны на вылысь паськөмнысö да ²³ бура дыр кучкалөм бöрын шыбитiсны найöс дзескыдiнö. Видзысьлы тшөктiсны, мед синсö оз лэдзлы на вылысь. ²⁴ Пуксьөдөмаясöс видзысь йөртiс найöс медпыдиас да топөдiс кокъяснысö тшемилö костö. ²⁵ Вой шөр кадö Павел да Сила сьылисны да кевмысисны Енлы. Мукөд пукалысьяс кывзiсны найöс. ²⁶ Төдлытөг лои ыджыд му вөрөм, дзескыдiнлөн подулыс вөрзис, өдзöсьяс востисны, пукалысьяслөн ки-коксыныс көртөдъяс разьсисны. ²⁷ Пуксьөдөмаясöс видзысь садьмис да аддзис, мый өдзöсьяс восьсаöсь. Сэки перйис шыпуртсö да көсйис вины асьсö, чайтiс, мый пышйөмаöсь ставныс. ²⁸ Павел горөдiс: «Нинөм эн вöч аскөдыд! Ми ставным танöсь».

²⁹ Видзысь корис би, котөрөн пырис Павел да Сила дiнö да тiралөмөн уськөдчис на водзö. ³⁰ Сэсся петкөдiс найöс ортсö да шуис: «Бур йöзöй, мый меным вöчны, мед мездмыны?» ³¹ Найö воча шуисны: «Эскы Господь Исус Кростослы, сэки мездман тэ да став тэнад гортсаыд». ³² Сэсся вокъяс висьталiсны сылы да сылөн гортсаыслы Господьлысь кывъяссö. ³³ Сийö войнас видзысь петкөдiс вокъясöс дзескыдiнысь да мыськалiс налысь дойяссö, сэсся гортсаыскөд дзик пыр пыртчис. ³⁴ Сэсся вайөдiс найöс гортас да лөсьөдiс налы пызан. Аслас гортсакөд сийö долыда нимкодъясис, мый эскис Енлы. ³⁵ Асывнас юралысьяс мөдөдiсны отсасысьяснысö висьтавны, мед лэдзасны пуксьөдөмаясöс дзескыдiнысь. ³⁶ Видзысь висьталiс та йылысь Павеллы: «Юралысьяс тшөктiсны лэдзны тiянöс. Верманныд петны да мунны лөня». ³⁷ Павел шуис юралысьяслөн отсасысьяслы: «Миянöс, римса йöзöс, найö мыждытөг став йөз водзас нөйтiсны да шыбитiсны дзескыдiнö, а öни көсйöны гусьөн лэдзны! Огö петöй. Мед асьныс локтасны да петкөдасны миянöс татысь». ³⁸ Мөдөдөмаяс висьталiсны Павеллысь кывъяссö юралысьяслы. Юралысьяс повзисны, кор кылисны, мый найö римсаяс. ³⁹ Сэсся локтiсны да корисны налысь прöща, а дзескыдiнысь петкөдiгөн корисны найöс энөвтны карнысö. ⁴⁰ Дзескыдiнысь петөм бöрын Павел да Сила мунiсны Лидия ордö, сэнi аддзисисны вокъяскөд. Найöс ышөдөм бöрын мунiсны карсьяс.

17 Павел да Сила мунiсны Амфиполь да Аполония пыр Фессалоникаö. Сэнi вöли юдейяслөн синагога. ² Павел, кызди и век, мунiс сэтчö да куим шойччан лун дорвыв сёрнитiс йöзыскөд. Вежа Гижөдъяс вылө подуласьөмөн ³ гөгөрвоөдiс да эскөдiс найöс, мый Кростослы колö вöли сьөкыдсö нуны да ловзыны. Павел шуис: «Тайö Кростосыс – Исус, Сы йылысь ме и висьтала тiянлы». ⁴ Кодсюрö на пиысь эскисны да öтувтчисны Павелкөд да Силакөд. Эскисны тшөтш Енсыс полысь грекъяс пиысь да төдчана аньяс пиысь унаөн. ⁵ А юдейяс, кодъяс эз эскыны, тырины лөглунөн. Найö босьтiсны аскөдныс изэрд вылын весьшөрö бовъялысь айуловöс, чукөртiсны уна йöзöс да пондiсны шызьөдны карсö. Сэсся локтiсны Ясон керкаö, корсисны сэтысь Павелöс да Силаöс, мед петкөдны найöс йөз водзö, ⁶ но эз аддзыны. Сэки босьтiсны Ясонöс, нөшта кодсюрö вокъясöс да вайөдiсны карөн веськөдлысьяс дiнö. Налы горзигтыр висьталiсны: «Тайö йöзыс, став муюгидсö гудыртысьясыс, миянөдз воисны. ⁷ Ясон овмөдөма найöс ас ордас. Найö ставныс торкалöны кесарлысь тшөктөмъяссö, өксынас шуöны мөдöс – Исусöс». ⁸ Тайöс кылөмысь йöзыс да карөн

веськӧдлысьяс шӧйӧвошисны. ⁹ Сэсса Ясонлы да мукӧд вокъяслы тшӧктисны вештысьны лэдзӧмсьыс, сӧмын та бӧрын лэдзисны. ¹⁰ Вокъяс сійӧ жӧ войнас мӧдӧдісны Павелӧс да Силаӧс Верияӧ. Сэтчӧ воӧм мысти Павел да Сила мунісны синагогаӧ. ¹¹ Фессалоникасаяс дорысь татчӧс юдейяс вӧліны восьса сьӧлӧмаӧсь. Найӧ сибӧдісны Кывсӧ став сьӧлӧмнас, быд лун лыддысисны, видзӧдісны Гижӧдъясысь, збылысь-ӧ ставыс тадз. ¹² На пиысь унаӧн бергӧдчисны эскӧмас, эскисны тшӧтш грек войтырса айулов да пыдди пуктана аньяс пиысь унаӧн. ¹³ Кор Фессалоникаын юдейяс кылісны, мый Павел Верияын висьтавлӧ Енлысь Кывсӧ, локтісны сэтчӧ да пондісны шызьӧдны сэтчӧс йӧзсӧ. ¹⁴ Сэки вокъяс дзик пыр ыстісны Павелӧс саридз дорӧ, а Сила да Тимофей кольччисны карас. ¹⁵ Вокъяс колльӧдісны Павелӧс Афинӧдз да бӧр бергӧдчисны. Павел корис найӧс висьтавны, мед Сила да Тимофей кызд позьӧ ӧдйӧджык локтасны сы дінӧ. ¹⁶ Павел виччысис вокъясӧс Афинын. Тайӧ карыс вӧлі тырӧма идолъясӧн. Кор Павел аддзис тайӧс, сійӧ ловнас пузис. ¹⁷ Синагогаын Павел ӧна сёрнитіс юдейскӧд да Енсьыс полысь мукӧд войтыркӧд. Быд лун сійӧ сёрнитіс йӧзыскӧд ывла вылын. ¹⁸ Кодсюрӧ философъяс, эпикура да стоика велӧдӧмӧ кутчысьсысьяс, вензисны Павелкӧд. Ӧтияс шуалисны, сійӧ пӧ нинӧм абусӧ сӧрӧ! Мӧдъяс шуалисны, кутшӧмкӧ пӧ тӧдтӧм енъяс йылысь висьталӧ. Павел жӧ висьталіс налы Исус йылысь да кулӧмысь ловзьӧм йылысь. ¹⁹ Сэки босьтісны да вайӧдісны Павелӧс Ареопагӧ. Сэні пондісны юасьны: «Вермам-ӧ ми тӧдны, мыйсяма виль велӧдӧм тэ висьталан? ²⁰ Мыйкӧ тешкодътор тэ тэчан миян пельясӧ. Кӧсьям тӧдны, мый тайӧ». ²¹ Афинын олысьяс да сэтчӧ локтысь йӧз каднысӧ ӧнджыка коллявлісны сёрнитӧмъясӧн, ӧна радейтісны кывзыны мыйкӧ вильтор. ²² Павел сувтіс Ареопаг шӧрӧ да шуис: «Афинса войтыр! Став сертиыс ме аддза, мый ті ӧна юрбитысь йӧз. ²³ Ветлӧдлігӧн ме видзӧдалі тіянлысь юрбитанінъястӧ да аддзи "тӧдтӧм енлы" гижӧда висьпуктанін. Буретш тайӧ тӧдтӧм Ен йывсьыс, кодлы ті юрбитанныд, ме и висьтала. ²⁴ Муюгыдсӧ да ставсӧ вӧчысь Ен, енӧжыслӧн да муыслӧн Господь, оз ов киӧн вӧчӧм крамъясын. ²⁵ Сылы оз ков мортсянь отсӧг, Сылӧн ставыс эм. Сійӧ Ачыс сетӧ быдӧнлы олӧм, ловшы да ставсӧ. ²⁶ Ӧти вирсянь Сійӧ вӧчис став муывьса йӧзсӧ да овмӧдіс найӧс му пасьтала, торйӧдіс налы муяс да индіс налысь олан кадъяс, ²⁷ мед найӧ корсисны Енсӧ, гашкӧ, кималасӧн корсьӧмӧн аддзасны Сійӧс, ӧд Сійӧ абу ылын миянысь быдӧнысь. ²⁸ Сылӧн ми олам, Сысянь лолалам да Сы улын ветлам. Тіян

гижысьяс кодсюрӧ весиг шулӧмаӧсь: "Ми ставным Сысянь чужысьяс". ²⁹ Ми кӧ Енсянь чужысьяс, миянлы оз ков ӧткодявны Енсӧ зарни, эзысь либӧ изйысь вӧчӧмторъяскӧд, мый мӧвпыштӧма ачыс мортыс да вӧчӧма аслас кужысь киясӧн. ³⁰ Енмыс дыр кад чӧж терпитіс йӧзлысь гӧгӧрвотӧмлунсӧ. Ӧні Сійӧ тшӧктӧ быдлаын да быдӧнлы бергӧдчыны мыжъяссыс. ³¹ Ӧд Сійӧ индіс лун, кор пондас веськыда мыждыны став муюгыдсӧ водзвыв индӧм Морт пыр, да вынсьӧдіс Ассьыс шуӧмсӧ быдӧнлы тӧдмӧн, кор ловзьӧдіс Сійӧс». ³² Кулӧмысь ловзьӧм йылысь кылӧм бӧрын ӧтияс пондісны серавны, мӧдъяс шуисны, та йылысь пӧ коркӧ мӧдысь тӧнӧ кывзам. ³³ Сэки Павел муніс на дінысь. ³⁴ Кодсюрӧ эскисны да ӧтувтчисны Павелкӧд. Тайӧ вӧліны Ареопагысь Дионисий, Дамарь нима ань да мукӧдъяс.

18 Сэсса Афинысь Павел муніс Коринфӧ. ² Сэні паныдасис Акил нима юдейкӧд, кодӧ чужлӧма Понтын, да сылӧн Прискилла гӧтырыскӧд. Найӧ регыд на вӧлі локтӧмаӧсь Италияысь, сы вӧсна мый Клавдий кесар тшӧктӧма став юдейыслы энотны Рим. Павел муніс на ордӧ ³ да кольччис сэтчӧ, мед тшӧтш уджавны накӧд, ӧд сійӧ на моз жӧ вурис дӧрачомъяс. ⁴ Быд шойччан лунӧ Павел сёрнитіс синагогаын, ышӧдіс юдейсӧс да грекъясӧс эскыны. ⁵ Кор Сила да Тимофей локтісны Македонияысь, Павел ловнас кыліс, мый колӧ висьтавны юдейяслы, мый Исус – сійӧ Кростос. ⁶ Юдейяс сувтісны Павеллы паныд, пондісны омӧльтны сійӧс. Сэки Павел паськӧмсӧ пыркнитӧмӧн шуис: «Тіян вирныд ас выланыд кольӧ, а ме сӧстӧм. Ӧні ме муна ентӧдтӧмъяс дінӧ». ⁷ Сэсса Павел муніс Юст ордӧ, сійӧ вӧлі Енсьыс полысь морт. Сылӧн керкаыс сулаліс синагогакӧд орччӧн. ⁸ Синагогаса юралысь Крисп став гортсаыскӧд эскис Господьлы. Нӧшта унаӧн на Коринфын Павелӧс кывзӧм бӧрын тшӧтш эскисны да пыртчисны. ⁹ Войнас Господь петкӧдчис Павеллы да шуис: «Эн пов, водзӧ висьтав. ¹⁰ Ме тӧкӧд, тэныд некод оз вӧч лӧксӧ. Тайӧ карас Менам уна йӧз». ¹¹ Павел кольччис сэтчӧ во да джын кежлӧ, велӧдіс да висьталіс йӧзыслы Енлысь Кывсӧ. ¹² Кор Акайяын пуксис веськӧдлыны Галлион, юдейяс сёрнитчисны босьтны Павелӧс. Найӧ вайӧдісны Павелӧс ӧрдӧ. ¹³ Сэні шуисны, тайӧ мортыс пӧ велӧдӧ йӧзсӧ юрбитны Енлы оз Индӧд сертиным. ¹⁴ Павел кӧсйис шыасьны, но сэки Галлион шуис юдейяслы: «Юдейяс! Вӧлі кӧ сёрниыс кутшӧмкӧ лӧктор вӧчӧм йылысь, ме эськӧ тіянӧс кывзі. ¹⁵ А кор ті вензянныд кывъяс, нимъяс да асланыд Индӧд йылысь, ме тані абу ӧрдысь. Асьныд сёрнитчӧй». ¹⁶ Сэсса вӧтліс найӧс ӧрдысь. ¹⁷ Сэки грекъяс ставныс уськӧдчисны синагогаса

юралысь Сосфен вылө да ёрд водзын чорыда нөйтисны сійөс, а Галлион весигтö эз видзöдлы на вылө. ¹⁸ Павел бура дыр на оліс Коринфын. Сэсса вокъяскöд колльöдчöм бöрын кывтіс Прискилла да Акилкöд Сирияö. Кенкреяын сійö шырис юрсö, öд сылөн вöлі Ен водзын көсйысьöм. ¹⁹ Ефесö воом бöрын Павел янсöдчис Акилкöд да Прискиллакöд. Ачыс муніс синагогаö да сёрнитіс сәні юдейскöд. ²⁰ Найö корисны Павелöс олыштны на ордын дырджык на, но сійö эз көсйысь. ²¹ Колльöдчигас Павел шуис: «Меным быть колö лоны Ерусалимын гажöдчан лунъяс дырйи. Но Ен кө сетас, ме бара на вола тiян дiнö». Павел кывтіс Ефесысь ²² Кесарияö, сэсянь муніс Ерусалимö да аддзысьліс сәні эскысьяскöд, а сэсса нин муніс Антиокияö. ²³ Сәні олыштöм бöрын бара петіс туйö, кытшовтіс Галатия да Фригия муяс, ёнмöдіс сәні велöдчысьясöс. ²⁴ Ефесö сэки локтіс Аполос нима юдей, ачыс чужлöма Александрияын. Аполос кужис мичаа сёрнитны да зэв бура тöдіс Гижöдъяс. ²⁵ Сійö сибöдіс "Господь туй" йылысь велöдöмсö да сьöлөмсяньыс висьтавліс-велöдіс Господь йылысь ставсö веськыда. Но ачыс тöдіс сöмын Иоанлысь пыртöмсö. ²⁶ Сійö повтöг сёрнитіс синагогаын. Акил да Прискилла сійöс кывзöм бöрын корисны ас ордас да стöчджыка висьталісны сылы Господьлөн туй йылысь. ²⁷ Кор Аполос мöдöдчис мунны Акайяö, вокъяс ышöдісны сійöс да гижисны сэтчöс велöдчысьяслы, медым сибöдасны сійöс. Акайяын Аполос Ен буралöмсянь ёна отсаліс эскысьяслы. ²⁸ Став йöз водзас сійö кужис венны юдейясöс. Гижöдъяс вылө мыджсьöмөн эскöдіс найöс, мый Исус – сійö Кростос.

19 Кор Аполос вöлі Коринфын на, Павел вуджис керöсвив муяс пыр да локтіс Ефесö. Сэтысь аддзис кодсюрö велöдчысьясöс ² да юаліс налысь: «Сибöдінныд-ö ті Вежа Лолöс эскöм бöраныд?» Найö шуисны: «Ми весиг эгö на кывлöй Вежа Лов йылысь». ³ Павел юаліс налысь: «Кутшöм пыртчöмөн нö ті пыртчинныд?» Найö вочавидзисны: «Иоан пыртчöмөн». ⁴ Павел шуис: «Иоан пыртіс найöс, кодъяс бергöдчисны мыжъясьыныс, да висьталіс, медым эскасны сы бöрся Локтысьлы, Исус Кростослы». ⁵ Тайöс кылöм бöрын найö пыртчисны Господь Исус нимөн. ⁶ Кор Павел пуктіс кисö на вылө, сэки лэччис на вылө Вежа Лов. Найö пондісны сёрнитны мукöд кывъяс вылын да пророкавны. ⁷ Ставныс найö вöліны морт дас кык. ⁸ Куим тöлысь чöж Павел ветлöдліс синагогаö да повтöг сёрнитіс сәні, эскöдöмөн висьтавліс Енлөн Юралöм йылысь. ⁹ Но эскöм пыдди кодсюрö чорзьöдчисны да став йöз водзас омöльтісны "Господь туй" йылысь велöдöмсö. Сэки Павел энөвтіс тайö йöзсö да велöдчысьясыскöд

муніс на дорысь. Тайö кадсяньыс сійö быд лун сёрнитіс-велöдіс Тиранлөн велöданінын. ¹⁰ Кык во чöж Павел велöдіс сәні. Тадзи Асияын став олысьыс, юдейяс и грекъяс, кылісны Господь Исус йылысь бурвисьталöмсö. ¹¹ Павел пыр Енмыс вöчис уна шензьöданатор. ¹² Павеллысь юр чышъянсö да мукöд паськөмсö пуктывлісны висьсьяс вылө, и найö дзик пыр бурдлісны да пез ловъяс петалісны на пытшкысь. ¹³ Весиг ветлысь-мунысь юдей тунъяс пиысь кодсюрö пондісны вöтлавны пез ловъясöс Господь Исус нимөн. Шуалісны: «Пет! Тшöктам Исус нимөн, кодöс висьталö Павел». ¹⁴ Тадзи тшöтш вöчисны юдейяслөн Skeva архирейлөн сизимнан пиыс. ¹⁵ Но пез лов воча шуис: «Исусöс бура тöда, Павелöс тшöтш тöда, а ті кодъяс?» ¹⁶ Сэсса пез лолөн кутöм морт уськөдчис на вылө ыджыд вынөн да вирöдз чашйис найöс. Дзик пасьтöгныс налы ковмис пышйыны сійö керкасыйс. ¹⁷ Та йылысь тöдмалісны Ефесын ставныс, юдейяс и грекъяс. Ыджыд полöм босьтіс ставнысö, найö пондісны ошкыны Господь Исуслысь нимсö. ¹⁸ Унаөн эскöм бöраныс волісны да висьтасисны асланыс лёк уджъясысь. ¹⁹ Тшыкөдчысьяс пиысь унаөн вайисны небөгъяснысö да став йöз водзас сотісны. Небөгъяслөн доныс, артыштісны да, ветымын сюрс эзысь лои. ²⁰ Тадзи ыджыд вынөн паськаліс да зумыда вужъясис Господьлөн кывйыс. ²¹ Тайö лоөмторъяс бöрын Павел кыліс ловнас, мый сылы колö мунны Македония да Акайя пыр Ерусалимö. Сэсса шуис Ерусалим бöрын ветлыны Римö. ²² Тимофейöс да Ерастöс, ассьыс отсасьысьясöс, сійö мöдöдіс Македонияö, ачыс кольччыліс на Асияö. ²³ Сійö кадö "Господь туй" йылысь велöдöм понда ыджыд зык кыптіс. ²⁴ Ефесын оліс эзысьөн вöчасысь Димитрий. Сійö вöчаліс эзысьысь Артемида крам серпаса киөн вöчөмторъяс да аслас уджалысьяслы бура мынтысис. ²⁵ Сійö чукöртіс ассьыс уджалысьяссö, корис нöшта мукöд вöчасысьясöс да шуис: «Ёртъяс, ті тöданныд, мый тайö уджыс вайö миянлы уна сьöм. ²⁶ Тi асьныд аддзанныд да кыланныд, мый вöчö тайö Павелыс. Сійö висьтавлö, киөн вöчөмторъясыд пö абу енъяс, и уна йöзöс нин эскöдіс Ефесын да став Асияын. ²⁷ Мыйкө колö вöчны миянлы. Артемида енлысь крамсö кө кутасны нинöм туйö пуктыны, миян уджным лоас ковтöм. Миян ыджыд енным, кодöс ыдждöдлö став Асия да став муюгыдыс, вермас воштыны нималöмсö». ²⁸ Тайöс кылöм бöрын чукöртчысьяс тырины скөрлунөн да пондісны горзыны: «Ефесса Артемида – медыджыдыс!» ²⁹ Карыс ставнас шызис. Йöзыс котöртісны ывлавыв театрö да вайöдісны сэтчö македонияса Гайöс да Аристаркөс, Павелкöд локтысьясöс. ³⁰ Павел тшöтш көсйис мунны сэтчö, но велöдчысьяс эз лэдзны

сійос. ³¹ Весиг асияса веськӧдлысьяссы кодсюрӧ, Павеллӧн ӕртъяссы, мӧдӧдӧсны висътавны, мед сийӧ весиг оз петкӧдчы в сэнӧ. ³² Чукӧртчӧм йӧз ставныс вӧли ӕна шызьӧмаӧсь: ӧтияс горзӧсны ӧтитор, мӧдъяс – мӧдтор. Унджыкыс весиг эз тӧд, мыйла и локтӧсны. ³³ Сэнӧ вӧлины тшӧтш юдейяс. Найӧ мырдӧн тшӧктӧсны Олъӧксандрлы петны йӧз водзӧ. Олъӧксандр сетӧс кинас пас, мед ланьтасны, да кӧсйис нин сӧрнитны. ³⁴ Но кор йӧзыс тӧдмалӧсны, мый сийӧ юдей, ӧти вомӧн горӧдӧсны да кык час чӧж ӧтарӧ горзӧсны: «Ефесса Артемида – медыджыдыс!» ³⁵ Йӧзсӧ ӧлӧдӧм бӧрын карса кывкутысь шыасис: «Ефесса войтыр! Быдӧн тӧдӧ, мый Ефес кар видзӧ-дӧзьӧритӧ ыджыд Артемида енлысь крамсӧ да енӧжсянь усьӧм сылысь изсерпассӧ. ³⁶ Таысь некод оз вермы соссыны. Та вӧсна лӧньӧй, энӧ лоӧй юртӧм петукъяс кодъӧсь! ³⁷ Мыйла тайӧ кыксӧ вайӧдӧнныд? Найӧ эз гусясьны Артемида крамын, эз омӧльтны тӧянлысь енӧ. ³⁸ Димитрийлӧн да сылӧн вӧчасысьяслӧн кӧ эм норасьӧм кодкӧ вылӧ, мед шыасясны ӕрдӧ да веськӧдлысьяс дӧнӧ, мед на водзын норасясны ӧта-мӧдныс вылӧ. ³⁹ Тӧян кӧ эм кутшӧмкӧ мӧд помка, сэки чукӧртасны йӧзӧс да видлаласны миян индӧд серти. ⁴⁰ Тайӧ шызьӧмсӧ лӧптӧмысь миянӧс ставнымӧс ӧнӧ вермасны мыждыны. Миянлы весиг нинӧмӧн дорйысьнысӧ, ӧд помкаыс некутшӧм абу». Сӧрнитӧм бӧрас карса кывкутысь тшӧктӧс разӧдчыны йӧзыслы.

20 Шызьӧм помасьӧм бӧрын Павел чукӧртӧс велӧдчысьяссӧ да ышӧдӧс найӧс. Сэсся кольӧдчӧм бӧрын мӧдӧдчӧс Македонияӧ. ² Мунӧгас быдлаын ышӧдӧс-ӕнмӧдӧс эскысьясӧс. Сэсся локтӧс Грецияӧ ³ да олӧс сэнӧ куим тӧлысь. Павел кӧсйӧ нин вӧли кывтны Сирияӧ, но кор тӧдмалӧс, мый юдейяс сӧрнитчӧмаӧсь вины сийӧс, бӧрсӧ шуис мунны Македония пыр. ⁴ Асияӧдз Павелӧс кольӧдӧсны Верияысь Пирлӧн Сосипатр пиыс, Фессалоникаысь Аристарк да Секунд, Дервияысь Гай, Тимофей да Асияысь Тихик Трӧпимкӧд. ⁵ Найӧ водзджык мунӧсны Троядаӧ да виччысисны миянӧс сэнӧ. ⁶ Ми Шомтӧм нянь сӧян лунъяс бӧрын петӧм Филип карысь да вит лунӧн воӧдчим на дӧнӧ Троядаӧ. Сэнӧ олӧм вежон чӧж. ⁷ Вежонса медводдза лунӧ сэтчӧс велӧдчысьяс чукӧртчысны нянь чегны. Павеллы аскинас колӧ вӧли петны туйӧ, та вӧсна сийӧ дыркодь сӧрнитӧс накӧд. Сӧрниыс нюжалӧс вой шӧрӧдз. ⁸ Вылӧ судтаас, кӧнӧ ми пукалӧм, бура уна би ӧзйис. ⁹ Ӧшинь вылас пукалӧс Евтик нима том морт. Павеллӧн дыр сӧрнитӧмысь сийӧ чорыда унмовсис да ун йывсьыс усис коймӧд судтасяныс. Муысь лӧптӧгӧн аддзисны, мый сийӧ кулӧма. ¹⁰ Павел лӧччис, водӧс том морт вылӧ, шымыртӧс сийӧс да шуис: «Энӧ шогсьӧй, лолыс сылӧн абу петӧма».

¹¹ Сэсся Павел бӧр кайис вылӧ судтаас. Нянь чегӧм бӧрын сийӧ сӧйыштӧс да бура дыр на, югдытӧдзис, сӧрнитӧс велӧдчысьяскӧд, сэсся мунӧс. ¹² А том мортӧс ӕна нимкодясьӧмӧн кольӧдӧсны гортас дзоньвидзаӧн. ¹³ Сэсся ми пуксим корабль вылӧ да кывтӧм Ассӧ, медым босытны сэтсы Павелӧс. Сийӧ ачыс тадзи тшӧктӧс, шуис, мый локтас сэтчӧ подӧн. ¹⁴ Ассын аддзысьӧм бӧрын ми босытӧм Павелӧс да кывтӧм Митилинаӧ. ¹⁵ Сэсянь мӧдӧдчим бара водзӧ. Лун мысти ми кывтӧм нин Киос дӧнтӧ. Сэсся мӧд луннас ми вуджим Самосӧ, кысянь мунӧм Трогилияӧ. Нӧшта лун мысти воим Милитӧ. ¹⁶ Ми кывтӧм Ефесӧ сувтлытӧг, тадзи Павел шуис, мед Асияын эз ковмы воштыны кадсӧ. Сийӧ ӕна тӧрмасис, мед эськӧ Ветымынӧд лун кешлӧ воӧдчыны Ерусалимӧ. ¹⁷ Милитсянь Павел ыстӧс юӧр, мед корны Ефесысь вичкоса юрнуӧдысьясӧс. ¹⁸ Ефесысь воӧмаяслы сийӧ шуис: «Тӧ асьныд тӧданнӧд, медводдза лунсяныс Асияӧ воӧмсянь ме пыр вӧли тӧянкӧд. ¹⁹ Ме кесъялӧ Господылы рам сьӧлӧмӧн да синва сорӧн, кор ӕна сьӧкыдалӧ юдейясысь. ²⁰ Йӧз водзын да тӧян гортъясын велӧдӧгӧн ме висыталӧ тӧянлы став коланасӧ. ²¹ Висыталӧ юдейяслы и грекъяслы, мед бергӧдчасны мыжъясысьныс Ен дӧнӧ да эскасны миян Господь Исус Крестослы. ²² Ӧнӧ Лов нуӧдӧм серти ме муна Ерусалимӧ. Мый менӧ виччысьӧ сэнӧ, ме ог тӧд. ²³ Тӧда сӧмын, Вежа Лов быд карын эскӧдӧ, мый дзескыдӧн да сьӧкыдлунъяс виччысьӧны менӧ. ²⁴ Ме нинӧм вылӧ ог видзӧд, меным олӧмӧй абу дӧна. Сӧмын кӧсья долыд сьӧлӧмӧн помӧдз мунны лӧсьӧдӧм туйӧдыс да помавны кесъялӧмӧс, Господь Исуслысь тшӧктӧмсӧ – висытавны Енлӧн буралӧм йылысь Евангелльӧсӧ. ²⁵ Ӧнӧ ме тӧда: тӧи, кодъяс пӧвстын ме олӧ да висытавлӧ Енлӧн Юралӧм йылысь, онӧ нин аддзылӧй менсьым чужӧмӧс. ²⁶ Та вӧсна талун шуа тӧянлы: кодкӧ вошас кӧ туй вывсьыс, ме абу мыжа. ²⁷ Ме ӧд ланьтлытӧг висытавлӧ тӧянлы Енлысь став кӧсйӧмсӧ. ²⁸ Тӧждысьӧй ас вӧснаныд да став чукӧрыс вӧсна. Ӧд Вежа Лов пуктӧс тӧянӧс, мед видзны Господь Енлысь Вичкосӧ. На вӧсна сийӧ мынтысис Аслас Вирӧн. ²⁹ Ме тӧда: менам мунӧм бӧрын пырасны тӧян пӧвстӧ горш кӧинъяс да пондасны усьласыны чукӧрныд вылӧ. ³⁰ Весиг тӧян пӧвстысь петасны йӧз, кодъяс пондасны мӧдарӧ велӧдны да кыскыны ас бӧрсяыс велӧдчысьясӧс. ³¹ Та вӧсна лоӧй дасьӧсь да энӧ вунӧдӧй, кыдзи ме куим во чӧж лун и вой синва сорӧн дугдывтӧг велӧдӧ быдӧнӧс тӧянӧс. ³² Ӧнӧ, вокъяс, коля тӧянӧс Енкӧд да Сылӧн буралан кывйыскӧд. Тайӧ кывйыс вермӧ ӕнмӧдны тӧянӧс да сетны тӧянлы кӧсйысьӧмасӧ, мый вичмас став вежа войтырлы. ³³ Ме некодсянь эг виччысь эзысь-зарни либӧ кӧм-

пась. ³⁴ Ті асьныд тѳданнѳд: ме ас киясѳн уджалѳ, медым аслам да тшѳтш ѳртъяслѳн вѳлі став коланаыс. ³⁵ Ме быдторѳын петкѳдлі тѳанлы, мый татшѳм ногѳн – уджалѳмѳн да Господь Исуслысь кывъяссѳ тѳд вылын кутѳмѳн – колѳ тѳждысьны вынтѳмъяс вѳсна. Сѳйѳ Ачыс шуліс: "Босьтѳм дорысь бурджык сетны". ³⁶ Тайѳс шуѳм бѳрын Павел сувтѳс пидзѳс вылас да ставныскѳд кевмысис. ³⁷ Ставныс кутѳсны бѳрдны да Павеллы сьылі вылас уськѳдчѳмѳн окавны сѳйѳс. ³⁸ Торъя нин шогсисны Павеллѳн шуѳм кывъясысь, мый найѳ оз нин аддзывны сѳйѳс. Сэсся кольѳѳдѳсны Павелѳс корабль вылѳ.

21 Янсѳдчѳм бѳрын ми веськыда кывтѳм Косѳ, мѳд луннас Родосѳ, сэсся Патараѳ. ² Сэні ми аддзим Финикияѳ мунысь корабль, пуксим сы вылѳ да кывтѳм водзѳ. ³ Ми кывтѳм Кипр дѳнтѳ, сѳйѳ коли шуйгавылас. Сэсся воим Сирияѳ да сувтѳм Тирѳ, кѳні колѳ вѳлі ректыны корабльсѳ. ⁴ Сэні ми корсим велѳдчысьясѳс да олѳм на дѳнын вежон. Найѳ Вежа Ловсянь ышѳдѳмѳн висьталѳсны Павеллы, медым сѳйѳ эз мун Ерусалимѳ. ⁵ Вежон мысти ми бара петѳм туйѳ. Ставныс гѳтыръясныскѳд да челядьныскѳд кольѳѳдѳсны миянѳс кар сайѳдзѳс. Сэні вадорас ми сувтѳм пидзѳсьяс вылѳ да кевмысим. ⁶ Янсѳдчѳм бѳрын ми сѳлім корабль вылѳ, а кольѳѳдысьяс мунѳсны гортаныс. ⁷ Тирсянь ми кывтѳм Птолемаидаѳ, танѳ помасис миян кывтѳмным. Сэні аддзысим вокъяскѳд да кольччим на ордѳ ѳти лун кежлѳ. ⁸ Аскинас ми, Павелкѳд ветлысьяс, мунѳм сыкѳд Кесарияѳ. Сэні пырим бурьюѳртысь Филип ордѳ да кольччим сэтчѳ. Филипѳс вѳлі бѳрѳѳма Ерусалимын сизим отсасысь лыдѳ. ⁹ Сылѳн вѳлі нѳль ныв, ставныс найѳ пророкалісны. ¹⁰ Уна лун ми вѳлім на дѳнын. Сѳйѳ кадѳ локтѳс Юдеяысь Агав нима пророк. ¹¹ Кор сѳйѳ пырис миян дѳнѳ, босьтѳс Павеллысь тасмасѳ да кѳрталѳс ассьыс ки-коксѳ, сэсся шуис: «Тадзи висьталѳ Вежа Лов: тайѳ тасма новлысьсѳ юдейяс тадзи жѳ кѳрталасны Ерусалимын да сетасны ентѳдтѳмъяс киѳ». ¹² Тайѳс кылѳм бѳрын сэтчѳс эскысьяскѳд ми ставным корим, медым Павел эз мун Ерусалимѳ. ¹³ Павел воча шуис: «Мый тѳ бѳрданнѳд, менсьым сьѳлѳмѳс дойдаланнѳд? Ме дась лоны кѳрталѳмаѳн, весиг дась кувны Ерусалимын Господь Исус ним вѳсна». ¹⁴ Павелѳс кутны ми эгѳ вермѳй, сэки лѳнь сьѳлѳмѳн шуим: «Мед лоас Господьлѳн кѳсѳйѳм серти». ¹⁵ Та бѳрын ми лѳсьѳдчим туйѳ да мѳдѳдчим Ерусалимѳ. ¹⁶ Кольѳѳдѳгмоз миянкѳд тшѳтш мунѳсны Кесарияысь кодсюрѳ велѳдчысьяс. Найѳ вайѳдѳсны миянѳс кипрса Мнасон дѳнѳ, медым сувтны сы ордѳ. Мнасон важысянь нин вѳлі велѳдчысьяс лыдын. ¹⁷ Кор ми воим Ерусалимѳ, вокъяс нимкодя

сибѳдѳсны миянѳс. ¹⁸ Аскинас ми Павелкѳд мунѳм Яков дѳнѳ, кытчѳ локтѳсны тшѳтш вичкоса юрнуѳдысьяс. ¹⁹ Найѳс чолѳмалѳм бѳрын Павел сьѳрсьѳн-бѳрсьѳн висьтавлѳс ставсѳ, мый Енмыс вѳчис ентѳдтѳмъяс пѳвстын сьылѳн кесьялѳм пыр. ²⁰ Павелѳс кывзѳм бѳрын юрнуѳдысьяс ошкисны Енмѳс, сэсся шуисны: «Тѳдан, вокѳй, юдейяс дас сюрсьясѳн бергѳдчисны эскѳмас, и ставныс найѳ кутчысьѳны Индѳдѳ. ²¹ Тэ йылысь найѳ кывлѳмаѳсь, тэ пѳ ентѳдтѳмъяс пѳвстын олысь юдейясѳс велѳдан энѳвтчыны Мѳисей Индѳдысь, ѳлѳдан найѳс пияннысѳ вундыштѳмысь да батьяслѳн оласногѳ кутчысьѳмысь. ²² Мый нѳ кутам вѳчны? Збыльысь ѳд йѳзыд чукѳртчасны, кор тѳдмаласны тэнсьыд локтѳмтѳ. ²³ Вѳч, кызди ми шуам. Миян пѳвстын эм нѳль морт, кодъяс кыв сетѳмаѳсь Ен водзын. ²⁴ Босьт найѳс аскѳдыд да сѳстѳммѳдчы накѳд. Мынтысь на вѳсна, мед шырасны юрнысѳ. Сэки ставныс тѳдмаласны, мый тэ кутчысян Индѳдѳ, да тэ йылысь кывлѳмторѳыс абу збыль. ²⁵ А эскѳмѳ бергѳдчѳм ентѳдтѳмъяслы ми гижлѳм, мед видзасны асьнысѳ идоллы вайѳм сѳянысь, вир юѳмысь, джагалѳм пемѳс яй сѳйѳѳмысь да кырсалѳмысь. Мукѳд тшѳктѳмас налы оз ков кутчысьны». ²⁶ Сэки Павел босьтѳс аскѳдыс тайѳ йѳзсѳ да мѳд луннас сѳстѳммѳдчис накѳд. Сэсся мунѳс крамѳ да висьталѳс, кор помасясны налѳн сѳстѳммѳдчан лунъясыс да кор лоѳ вайѳма быдѳн вѳсна вись. ²⁷ Сизимѳд луннас, сѳстѳммѳдчѳм помасигѳн Асияысь воѳм юдейяс аддзисны Павелѳс крамысь. Найѳ шызьѳдѳсны став йѳзсѳ да Павелѳс босьтѳгѳн ²⁸ горзѳсны: «Израиль войтыр, отсалѳй босьтны тайѳ мортсѳ! Сѳйѳ быдлаын велѳдѳ-сѳрнитѳ миян войтырлы паныд, Индѳдлы паныд да тайѳ вежаиныслы паныд. Весиг грекъясѳс вайѳдѳма татчѳ, пежалѳ вежаинсѳ». ²⁹ Та водзвылын найѳ аддзылѳмаѳсь карсьыс Павелѳс Ефесысь воѳм Трѳпимкѳд. Найѳ чайтѳсны, мый Павел сыкѳд локтѳс крамѳ. ³⁰ Став карыс шызис, йѳзыс локтѳмѳн локтѳс. Павелѳс босьтѳсны да кыкисны крамсьыс ортсѳ, ѳдзѳсьяссѳ дзик пыр йигналісны. ³¹ Павелѳс кѳсѳйсны нин вины, но буретш сэки сюрсѳн веськѳдлысьлы кывсис, мый став Ерусалимыс шызьѳма. ³² Сѳйѳ дзик пыр босьтѳс аскѳдыс шыпуртаясѳс, сѳѳн веськѳдлысьясѳс да тэрмасьѳмѳн локтѳс чукѳртчѳминѳ. Кор йѳзыс аддзисны сюрсѳн веськѳдлысьѳс шыпуртаяскѳд, дугдѳсны нѳйтны Павелѳс. ³³ Сюрсѳн веськѳдлысь матыстчис Павел дѳнѳ, сэсся тшѳктѳс босьтны сѳйѳс да дорны чепъясѳн. Ачыс юасис, кодѳ сѳйѳ да мый сѳйѳ вѳчис. ³⁴ ѳтияс ѳтитѳр горзѳсны, мѳдъяс – мѳдтор. Йѳзлѳн горзѳмысь сюрсѳн веськѳдлысь нинѳм эз гѳгѳрво, та вѳсна тшѳктѳс нуѳдны Павелѳс изкарѳ. ³⁵ Содѳйѳд кайигѳн йѳзлѳн дзескѳдѳм вѳсна

шыпуртаяслы ковмис нуны Павелос ки выланыс.
³⁶ Йозыс вѳтчисны на бѳрся да горзисны: «Вины сійѳс!»
³⁷ Изкарѳ пыригѳн Павел шуис сюрсѳн
 веськѳдлысьлы: «Позьѳ-ѳ меным сѳрнитны тѳкѳд?»
 Мѳдыс шуис: «Тѳ грек кыв тѳдан?»
³⁸ Абу-ѳ тѳ сійѳ египетсаыс,
 неважѳн тай зык лѳптис да петкѳдис
 овтѳминѳ нѳль сюрс лѳк вѳчысьѳс?»
³⁹ Павел шуис: «Ме юдей,
 Киликияын нималана Тарс карысь.
 Кора, лѳдз меным кыв шуны йѳзыслы».
⁴⁰ Павеллы лѳдзисны сѳрнитны.
 Павел сулалис сод вылас, кисѳ лѳптылѳмѳн
 корис лѳнны. Кор йѳзыс ланьтисны,
 сійѳ пондис сѳрнитны накѳд еврей кыв
 вылын:

22 «Вокъясѳй да батъясѳй, кывзѳй!
 Ачымѳс дорйѳм могысь ме кѳсъя мыйкѳ шуны
 тѳянлы». ² Кор найѳ кылисны Павеллысь
 еврей кыв вылын шыасьѳмсѳ,
 чѳв ланьтисны. Павел шуис: ³ «Ме ачым
 юдей, чужи Киликияын Тарс карын,
 но быдми тайѳ карас. Гамалиил дорын
 менѳ велѳдисны батъяслѳн Индѳдѳ да
 тѳян моз ме чорыда сулалѳ Ен дор.
⁴ Ме весиг виавмѳн вѳтлывлѳ "Господь
 туйѳд" мунысьясѳс, айуловѳс да анъясѳс
 кѳртавлѳмѳн пуксьѳдавли дзескыдинѳ.
⁵ Та йылысь вермас висътавны ачыс
 аркирей пѳрысьяскѳд. Насянь менам
 вѳли гижѳд Дамаскын олысь вокъяслы.
 Тайѳ гижѳднас ме мунѳ сѳтчѳ,
 медым кутавны Исуслы эскысьясѳс да
 вайѳдны найѳс Ерусалимѳ мыждыны.
⁶ Дамаскѳ воигѳн лун шѳр кадѳ
 виччысьтѳг енѳжсяньыс кытшалис
 менѳ югыд. ⁷ Ме уси муас да кыли
 шыасьѳм: "Савл, Савл, мыйла вѳтлан
 Менѳ?" ⁸ Ме юалѳ: "Кодѳ Тѳ, Господьѳй?"
 Сійѳ шуис меным: "Ме Назаретса Исус,
 кодѳс тѳ вѳтлан". ⁹ Мекѳд локтысьяс
 кор аддзѳмаѳсь югыдсѳ, ѳна повзьѳмаѳсь,
 а ме дѳнѳ шыасьѳмсѳ найѳ абу кывлѳмаѳсь.
¹⁰ Ме шуи: "Господьѳй, мый Тѳ шуан
 меным вѳчны?" Господь шуис: "Чеччы да
 мун Дамаскѳ, сѳнѳ висъталасны,
 мый тѳныд вѳчнысѳ". ¹¹ Дзирдалана
 югыдсьыс менам синмѳй пемдис. Та
 вѳсна мекѳд локтысьяс киѳд кутѳмѳн
 нуѳдисны менѳ Дамаскѳ. ¹² Сѳнѳ ме
 дѳнѳ локтис Ананий нима вежавидзысь
 да Индѳд серти олысь морт. Дамаскын
 олысь юдейяс пыдди пуктисны сійѳс.
¹³ Ме дѳнѳ матыстчѳмѳн сійѳ шуис:
 "Савл вок! Мед аддзас тѳнад синмыд!"
 И ме дзик пыр аддзи сійѳс. ¹⁴ Сійѳ
 шуис меным: "Миян батъяслѳн Ен бѳрйѳма
 тѳнѳ, медым тѳ тѳдин Сылысь кѳсйѳмсѳ,
 аддзин Веськыда Олысьсѳ да кылин
 Сы вомсянь шуѳмсѳ. ¹⁵ Та вѳсна тѳ
 кутан юѳртны Сы йылысь став йѳзыслы,
 висъталан, мый тѳ аддзылин да кывлин.
¹⁶ А ѳнѳ эн нюжмась, чеччы да пыртчы.
 Господь нимѳ шыасьѳмѳн лѳдз
 мыськавны ассъыд мыжъястѳ".
¹⁷ Сѳсся ме бѳр локтѳ Ерусалимѳ.
 Крамын кевмысигѳн ме быттьѳ ас
 садъысь петѳ ¹⁸ да аддзи Господьѳс.
 Сійѳ шуис, тѳрмасьѳмѳн пѳ пет
 Ерусалимысь, танѳ пѳ оз сибѳдны
 Ме йылысь

тѳнсьыд висъталѳмтѳ. ¹⁹ Ме шуи:
 "Господьѳй, найѳ ѳд тѳдѳны,
 мый ме ветлѳдли синагогаысь синагогаѳ,
 пуксьѳдавли Тѳныд эскысьясѳс
 дзескыдинѳ да чорыда нѳйтли найѳс.
²⁰ Тѳ йылысь висъталысь
 Степанѳс виигѳн ме ачым вѳли сѳнѳ,
 видзи виысьяслысь паськѳмсѳ да
 лыдди виѳмсѳ бурторйѳн".
²¹ Господь шуис меным:
 "Мун, Ме мѳдѳда тѳнѳ ылѳ
 ентѳдтѳмъяс дѳнѳ". ²² Тайѳ
 кывъясѳдз кывзисны Павелос,
 сѳсся пондисны горзыны:
 «Татшѳмсѳ колѳ бырѳдны му
 вывсьыс! Сійѳс оз позь лѳвйѳн
 кольны!» ²³ Йѳзыс ѳтарѳ
 горзисны, шенасисны паськѳмнаныс
 да коялисны кок увсьыныс
 буссѳ вывлань. ²⁴ Сѳки сюрсѳн
 веськѳдлысь тшѳктис пыртны
 Павелос изкарѳ да нѳйтны орсѳн.
 Сѳнѳ кѳсйис тѳдмавны,
 мыйысь юдейяс татшѳмасѳ
 горзѳны сы вылѳ. ²⁵ Кор Павелос
 кѳртавлисны тасмаясѳн,
 сійѳ шуис сѳѳн веськѳдлысьлы:
 «Тѳянлы ѳмѳй позьѳ мыждытѳгыс
 нѳйтны римса мортѳс?»
²⁶ Тайѳс кылѳм бѳрын сѳѳн
 веськѳдлысь матыстчис сюрсѳн
 веськѳдлысь дѳнѳ да шуис:
 «Тѳ збыльысь кѳсъян нѳйтны
 тайѳ мортсѳ? Сійѳ ѳд римса».
²⁷ Сюрсѳн веськѳдлысь
 матыстчис Павел дѳнѳ да юалѳ:
 «Висътав, тѳ римса?» Павел
 вочавидзис: «Да». ²⁸ Веськѳдлысь
 содтис: «Ме ыджыд дон мынти,
 мед лоны римсаѳн». Павел шуис
 сылы: «А ме чужи нин римсаѳн».
²⁹ Сѳки нѳйтысьяс дзик
 пыр вешйисны Павел дѳнысь.
 А сюрсѳн веськѳдлысь кор тѳдмалис,
 мый Павел римса, ѳна повзис,
 мый кѳртавлис римсаѳс.
³⁰ Сюрсѳн веськѳдлысь
 кѳсйис збыльысь тѳдмавны,
 мыйысь юдейяс мыжалѳны
 Павелос. Та вѳсна аскинас
 тшѳктис разьны Павеллысь
 кѳртѳдъяссѳ да чукѳртны
 аркирейясѳс да став
 веськѳдлан котырсѳ. Сѳсся
 петкѳдис Павелос на водзѳ.

23 Павел сюся видзѳдлис
 веськѳдлан котыр вылѳ да шуис:
 «Вокъяс! Тайѳ лунѳдзыс ме пыр
 олѳ Ен водзын сѳстѳм сьѳлѳмѳн».
² Сѳки Ананий нима
 аркирей тшѳктис Павел дѳнын
 сулалысьѳс кучкыны сылы
 вомас. ³ Павел шуис сылы:
 «Тѳнѳ Енмыс пондас нѳйтны,
 еджыдѳн мавтѳм стен! Тѳ
 пуксин мыждыны менѳ Индѳд
 серти, но ачыд Индѳдыслы
 паныд муна, тшѳктан нѳйтны
 менѳ». ⁴ Сѳнѳ сулалысьяс
 шуисны Павеллы: «Енлысь
 аркирейѳс лѳкѳдан?»
⁵ Павел воча шуис: «Ме эг
 тѳд, вокъяс, мый сійѳ аркирей.
 Дерт, гижѳма: "Эн лѳкѳд ас
 войтырлысь юралысьѳс"». ⁶
 Веськѳдлан котырын вѳлины
 саддукейяс да фарисейяс.
 Тайѳс казьялѳм бѳрын Павел
 гораа шыасис: «Вокъяс!
 Ме ачым фарисей, фарисейлѳн
 пи. Менѳ мыждѳны,
 кулѳмысь ловзьѳмѳ эска да».
⁷ Тайѳс кылѳм бѳрын
 фарисейяс да саддукейяс
 вензыны пондисны,
 тадзи чукѳртчѳмаяс
 юкисны кык пельѳ. ⁸ ѳд
 саддукейяс шуѳны,
 мый ловзьѳмыс абу,
 весиг андельяс и ловъяс
 абуѳсь, а фарисейяс

шуоны, ставыс пö тайö эм. ⁹ Вензьысьяс лёкысь горзыны пондiсны. Сэки фарисейяс лыдысь Индöдö велöдысьяс сувтiсны да шуисны: «Тайö мортислысь ми нинöм лёксö огö аддзöй. Гашкö, збыльысь ськöд сёрнитiс Лов либö андел. Вайö, огö пондöй паныд мунны Енмыслы». ¹⁰ Но вензьöмыс öтарö öддзис, сюрсөн веськöдлысь весиг повзис, мый косявласны Павелöс. Та вöсна тшöктiс шыпуртаяслы босьтны Павелöс веськöдлан котыр водзысь да нуöдны изкарö. ¹¹ Сийö войнас Господь сувтiс Павел водзö да шуис: «Эн пов, Павел. Öни тэ Ерусалимын висьталiн Ме йылысь, тадзи тэныд ковмас висьтавны тшöтш Римын». ¹² Асывнас юдейяс пöвстысь кодсюрö ас костаныс сёрнитчöмөн сетiсны кыв, мый Павелöс витöдз оз кутны сёйны ни юны. ¹³ Тадзи шуисны вöчны нелямын сайö морт. ¹⁴ Найö локтiсны архирейяс да пöрысьяс дiнö да шуисны: «Ми кыв сетiм Ен водзын: Павелöс витöдз воманым дзик нинöм огö босьтöй. ¹⁵ Öни тiянлы веськöдлан котыркöд колö юöртны сюрсөн веськöдлысьлы, медым сийö аски вайöдас Павелöс тiян дiнö. Шуöй, мый тi кöсьянный бурджыка тöдмавны, мыйысь сийöс мыжалöны. А ми вайöдiгас виям Павелöс». ¹⁶ Та йылысь кывлiс Павел чойлөн пиыс. Сийö мунiс изкарö, пырис Павел дорö да ставсö висьталiс. ¹⁷ Сэки Павел корис сёөн веськöдлысьöс да шуис: «Тайö том мортсö колö нуöдны сюрсөн веськöдлысь дiнö, сийö мыйкö кöсийö висьтавны сылы». ¹⁸ Сёөн веськöдлысь вайöдiс том мортсö сюрсөн веськöдлысь дiнö да шуис: «Миянын пукалысь Павел корис вайöдны тайö том мортсö тэ дiнö, сийö кöсийö мыйкö висьтавны». ¹⁹ Сюрсөн веськöдлысь босьтiс том мортсö киöдыс, сэсся бокö вешйöмөн юалис сылысь: «Мый тэ кöсьян висьтавны?» ²⁰ Сийö шуис: «Юдейяс сёрнитчöмаöсь корны тэнö, медым тэ аски вайöдiн Павелöс веськöдлан котыр водзö. Найö ылöдласны, кöсьям пö бурджыка тöдмавны, мыйысь Павелыс мыжа. ²¹ Тэ найöс эн кывзы. На чукöрысь нелямын сайö морт кыйöдöмөн лосьöдчöны вины Павелöс. Найö кыв сетöмаöсь, мый сийöс витöдз оз кутны сёйны ни юны. Найö öни дасьöсь нин, виччысьöны сöмын тэнсьыд шуöмтö». ²² Сюрсөн веськöдлысь лэдзис том мортсö да öлöдiс: «Некодлы эн висьтав, мый тэ меным юöртiн тайöс». ²³ Сюрсөн веськöдлысь корис сёөн веськöдлысьясысь кыкöс да шуис: «Дасьтöй кыксё пода шыпуртаöс, сизимдас верзьöмаöс да кыксё шы новлöдлысьöс. Öкмыс час рытын лоöй дасьöсь мöдöдчыны Кесарияö. ²⁴ Павеллы тшöтш дасьтöй вöвъяссö да лючки-бура вайöдöй сийöс Феликс юралысь дiнö». ²⁵ Сюрсөн веськöдлысь мöдöдiс накöд татшöм гижöд: ²⁶ «Пыдди пуктана Феликс юралысьöс чолöмалö Клавдий Лисий. ²⁷ Юöрта:

тайö мортсö босьтiсны юдейяс да кöсийсны вины сийöс. Кор ме тöдмалi, мый сийö римса, мунi шыпуртаяскöд да мырдди сийöс на кивысь. ²⁸ Нöшта кöсийи тöдмавны, мыйысь сийöс мыжалöны. Тайö могнас нуöдi сийöс налөн веськöдлан котыр водзö. ²⁹ Тöдмалi да, вөлöмкö, мыжалöны сийöс асланыс Индöд понда вензяна видзöдласьясысь. Ме ог аддзы сылысь мыжсö, мыйысь эськö колö сийöс пуксьöдны дзескыдiнö да вины. ³⁰ Сэсся кывсис меöдз, мый юдейяс кыйöдöмөн лосьöдчöны вины тайö мортсö. Та вöсна дзик пыр мöдöдi сийöс тэ дiнö. Мыжалысьяслы тшöктi тэ водзын висьтавны, мыйысь найö мыжалöны сийöс. Ло дзоньвидза!» ³¹ Тшöктöм серти шыпуртаяс босьтiсны Павелöс да нуöдiсны войнас Антипатридаö. ³² Асьныс мöд луннас бөр локтiсны изкарö, а Павелöс верзьöмаяскöд мöдöдiсны водзö. ³³ Кесарияö воысьяс вайöдiсны Павелöс сэтчöс юралысь дiнö да сетiсны сылы гижöдсö. ³⁴ Сийöс лыддьöм бöрын юралысь юалис Павеллысь, кытысь сийö. Кор тöдмалiс, мый Павел Киликиясысь, ³⁵ шуис: «Кор локтасны тэнö мыжалысьяс, сэки кывза тэнö». Сэсся тшöктiс нуöдны Павелöс Ирöдлөн дзескыдiнö.

24 Вит лун мысти локтiсны Ананий архирей да пöрысьяс. Накöд тшöтш локтiс Тертул нима налөн дорйысь. Локтысьяс асланыс мыжалöмъясөн шыöдчисны юралысь дiнö. ² Павелöс вайöдöм бöрын Тертул сувтiс мыжавны: ³ «Пыдди пуктана Феликс! Быд кадö да быдлаын ми бур ногөн казьтылам тэнö. Ми уджйöзаöсь тэныд миян лөнълуна олöмысь, тэнад тöждысьöмысь да войтырлысь олöмсö бурмöдöмысь. ⁴ Ог кöсийи ёна сьöктöдны тэнö, кора сöмын лоны бур сьöлöмаөн да дженъыдика кывзыштны миянöс. ⁵ Ми аддзылим: тайö мортис пежалö гөгөр да став му пасьтала шызьöдö юдей войтырöс. Сийö назаретса велöдöмö кутчысьысыяслөн веськöдлысь. ⁶ Сийö кöсийис пежавны крамнымöс, таысь ми и босьтiм сийöс да кöсийим мыждыны Индöдным серти. ⁷ Но локтiс сюрсөн веськöдлысь Лисий шыпуртаяскöд да мырддьöмөн-мырддис сийöс миян кивысь, сэсся мöдöдiс тэ дiнö. ⁸ Тшöтш миянлы, сийöс мыжалысьяслы, тшöктiс локны татчö. Тэ верман ачyd бура тöдмавны ставсö, мыйысь ми мыжалам сийöс». ⁹ Юдейяс сэнi тшöтш шуисны, дзик тадзи пö ставыс вöли. ¹⁰ Кор Феликс сетiс кыв Павеллы, Павел воча шуис: «Ме тöда, тэ уна во чöж нин веськыда мыждан тайö муын олысьясöс. Та вöсна меным кокныд танi дорйысьнысö. ¹¹ Тэ верман ачyd тöдмавны, мый дас кык лун сайын ме локтi Ерусалимö, мед юрбитны Енлы. ¹² Найö эз вермыны аддзывнысö, мед ме крамын вензи, синагогаын либö карын шызьöдi йöзсö, ¹³ та вöсна оз вермыны подулавны асьыныс мыжалöмъяссö. ¹⁴ Но

веськыда висътала тэныд: ме кутчыся тайё велөдөмас, мый найё шуоны пөръясьөмөн, тадзи кесъяла миян батьяслөн Енлы. Ме эска ставас, мый гижөма Индөдын да пророк гижөдъясын. ¹⁵ Тані пукалысь юдейяс моз ме тшөтш лача кута Ен вылө, эска, мый лоө ловзьөмыс, ловзясны веськыда олысьяс и лёк нога олысьяс. Менө мыжалысьяс өд тшөтш тайёс виччысьоны. ¹⁶ Ме век зіля овны Ен водзын да йөз водзын сөстөм сьөлөмөн. ¹⁷ Уна во бөрын ме локті Ерусалимө, медым ас войтырлы сетны чукөртөм сьөм да вайны Енлы вись. ¹⁸ Менө аддзылісны крамысь сөстөммөдчөм бөрын. Йөз чукөрыс да шызьөмыс сэні матө эз вөв. ¹⁹ Сэні вөліны Асияысь кодсюрө юдейяс. Налы эськө колө вөлі сувтны тэ водзө да мыжавны менө, дерт, вөлі кө мыйысь? ²⁰ Тайё йөзыс мед асьныс висъталасны, кутшөм мыж найё аддзисны менсьым, кор ме сулалі веськөдлан котыр водзын. ²¹ Ме сэні шуи налы: "Ті талун мыжаланныд менө сыысь, мый ме эска кулөмаяслөн ловзьөмө". Гашкө, тайё шуөмсьыс ме мыжми на водзын». ²² Феликс бура төдіс "Господь туй" йылысь велөдөмсө. Ставсө кывзөм бөрын сёрнисө тупкис да шуис: «Кор сюрсөн веськөдлысь Лисий локтас, сэки шуа бөръя кывсө». ²³ Сёөн веськөдлысьлы тшөктіс нуөдны Павелос дзескыдінө да видзны сійөс дзескөдтөг, лэдзны ёртъясыслы видлавны сійөс да төждысьны сы вөсна. ²⁴ Кымынкө лун мысти Феликс локтіс Друзилла гөтырыскөд. Сылөн гөтырыс вөлі юдей войтырысь. Феликс тшөктіс вайөдны Павелос, медым кывзыны Исус Кростослы эскөм йылысь. ²⁵ Но кор Павел висъталіс веськыда олөм, асьтө кутөм да локтана мыждөм йылысь, Феликсос полөм босьтіс. Сійө шуис: «Онi мун. Кад кө лоө, корла на». ²⁶ Сійө виччысис Павелсянь, гашкө, сетас сьөм, мед лэдзасны сійөс. Та вөсна тшөкыда корлывліс Павелос да сёрнитліс ськөд. ²⁷ Кык во мысти Феликс пыдди юралысьө пуксис Порций Фест. И медым шогмыны юдейяслы, Феликс колис Павелос дзескыдінө.

25 Юралысьө пуксьөмсянь куим лун мысти Фест муніс Кесарияысь Ерусалимө. ² Сэні аркирей да юдейяслөн веськөдлысьяс норасисны Павел вылө ³ да корисны, мед Фест вөчас налы буртор: тшөктас вайөдны Павелос Ерусалимө. Ас костаныс найө сёрнитчисны, мый кыйөдасны Павелос да вайөдігас виасны. ⁴ Фест вочавидзис: «Павелос видзөны Кесарияын, ме ачым сэтчө регыд муна. ⁵ Тіян пиысь төдчанаджыкъясыс мед мунасны мекөд. Сійө мортис сайын кө збыльысь мыйкө эм, мед мыжаласны». ⁶ Лун көкъямыс-дас мысти Фест бөр муніс Кесарияө. Мөд луннас пуксис ёрдө да тшөктіс вайөдны Павелос. ⁷ Кор сійөс вайөдісны, Ерусалимысь воөм юдейяс Павелос кытшалөмөн

пондісны чорыда мыжавны сійөс унаторйысь, но подулавнысө эз вермыны. ⁸ Павел асьсө дорйөм могысь шуис: «Ме некутшөм мыж эг вөч юдей Индөдлы, крамлы да кесарлы паныд». ⁹ Мед бурөн кольны юдейяс водзын, Фест шуис Павеллы: «Көсьян-ө мунны Ерусалимө, мед сэні менам ёрд водзө сувтны?» ¹⁰ Павел шуис: «Ме сулала кесар ёрд водзын, тані колө менө мыждынысө. Юдейяслы ме нинөм лёксө эг вөч, тэ ачид тайёс бура төдан. ¹¹ Но ме кө мыжа вимөн, ме дась кувны. Абу кө мыжа, мыйысь тайё йөзыс мыжалөны менө, сідзкө, некод оз вермы сетны менө налы. Ме кора кесарлысь мыждөм». ¹² Сэки аслас отсасысьяскөд сёрнитчөм бөрын Фест шуис: «Тэ корин кесарлысь мыждөм, сідзкө, сувтан кесар водзө». ¹³ Кымынкө лун мысти локтісны Кесарияө Агриппа өксы да Вереника, мед чолөмавы Фестос. ¹⁴ Найө олісны сы ордын уна кодь лун. Сэки Фест висъталіс өксылы Павел йылысь: «Тані пукалө морт, сійөс Феликс кольөма дзескыдінө. ¹⁵ Ерусалимө ветлігөн юдейяслөн аркирейяс да пөрысьяс норасисны меным сы вылө, корисны мыждыны сійөс. ¹⁶ Ме шуи налы, мый римсаяс оз сетны вины мортос, кытчөдз сійөс оз сувтөдны мыжалысьяс водзө, медым мортис вермис паныд дорйысьны. ¹⁷ Кор найө локтісны татчө, ме дзик пыр мөд луннас пукси ёрдө да тшөкті вайөдны тайө мортсө. ¹⁸ Мыжалысьяс сувтісны гөгөрыс. Ме виччыси, гашкө, кутшөмкө лёкторйысь пондасны мыжавны, но тайёс ме эг кыв насянь. ¹⁹ Найө вензисны асланыс эскөм кузя да кутшөмкө кувлөм Исус понда. Но Павеллөн висъталөм серти, Сійө ловъя. ²⁰ Та кузя ме эг вермы некодарө нинөм шуны. Та вөсна юалі Павеллысь, оз-ө сійө көсйы мунны Ерусалимө, медым сэні сувтны ёрд водзө. ²¹ Но Павел корис, мед сійөс нуөдасны кесар дінө. Сэтчө нуөдтөдз ме тшөкті видзны сійөс дзескыдінын». ²² Агриппа шуис Фестлы: «Ме тшөтш көсья кывзыштны тайө мортсө». «Аски кывзыштан», – вочавидзис Фест. ²³ Аскинас Агриппа да Вереника локтісны мичаа вөччөмөн. Найө пырисны чукөртчанінө сюрсөн веськөдлысьяскөд да карса төдчана йөзкөд. Фест тшөктіс вайөдны Павелос, ²⁴ сэсса шыасис: «Агриппа өксы да ставныд локтысьяс! Ті асьныд аддзанныд тайө мортсө. Ерусалимын да тані юдейяс норасисны меным сы вылө, өти вомөн горзісны, колө пө вины сійөс. ²⁵ Но ме эг аддзи мыжсө, мыйысь эськө позис вины сійөс. Сылөн корөм серти ме шуи мөдөдны сійөс кесар дінө. ²⁶ Меным весиг нинөм гижнысө ыджыднымлы, та вөсна вайөді сійөс тіян водзө. Торйөн нин, Агриппа өксы, тэ водзө, медым тэнад донъялөм бөрын вөлі, мый гижнысө. ²⁷ Ме чайта, мывкыдтөг лоө вөчөма, мөдөдам кө пуксьөдөм мортос мыжсө индытөг».

26 Агриппа шуис Павеллы: «Тэ верман сёрнитны ас кузяйд». Павел кисо лэптылём бёрын заводитис дорйысяна сёрнисо: ² «Агриппа оксы! Ме шуда, мый талун верма дорйысьны тэ водзын юдейслон став мыжаломысь. ³ Тэ од бура тодан юдей войтырлысь оласногсö да налысь вензяна видзодлассö. Та вöсна кора тэнö терпитомон кывзыштны менö. ⁴ Менсым олёмöс тöдö став юдейыс, од ме том кадсянь олі ас войтыр пöвстын Ерусалимын. ⁵ Найö важысянь тöдöны менö. Ме вöлі кутчысьöма фарисейслон чорыд велöдöмö да оласногö. Та йылысь, көсьясны кө, асьныс вермасны висътавны. ⁶ Öнi ме сулала ёрд водзын, сы вöсна мый кута лача көсьысьöмас, кодöс Енмыс сетис миян батьяслы. ⁷ Тайö көсьысьöмыслысь збыльмёмсö лача кутöмön виччысьöны миян войтырлön дас кыкнан чужанкотырыс, лун и вой юрбитöны Енлы. Та вылö лача кутöмысь и мыжалöны менö юдейяс, Агриппа оксы. ⁸ Мыйла тi онö эскöй, мый Енмыс вермö ловзьöдны кулöмаясö? ⁹ Ме ачым коркö быдногыс паныд муні Назаретса Исус нимлы. Чайтi, тадзи и колö. ¹⁰ Тадзи вöчлi Ерусалимын: ме босьтi архирейясянь гижöд да вежа войтырöс унаöс пуксьöдалi дзескыдинö, ме вöлі найöс виöм дор. ¹¹ Ме унаысь чорыда нöйтлi найöс синагогаясын, медым найö омöльтисны Исусöс. Ме вöлі тырöма скöрлунöн, вöтлыси на бöрся весиг мукöд каръясöдз. ¹² Та могön архирейяс нимсянь ме муні Дамаскö. ¹³ Лун шöр кадö, кор ме вöлі туйын на, аддзи, оксыöй, енэжсянныс лэччис югыд, сiйö вöлі шондi югöрысь на яр. Тайö югыдыс кытшалис менö да мекöд мунысьясöс ¹⁴ да ставным ми усим муас. Сэки ме кылі еврей кыв вылын ме дiнö шыасьöм: "Савл, Савл, мыйла вöтлан Менö? Сьöкыд тэныд мунны ёсь зорлы паныд". ¹⁵ Ме юалi: "Кодi Тэ, Господьöй?" Сiйö шуис: "Ме – Исус, кодöс тэ вöтлан. ¹⁶ Öнi чеччы да сувт кок вылад. Ме петкöдчи тэныд, мед тэ кесъялiн Меным да висъталiн, мый тэ аддзылiн да мый на Ме осьта тэныд. ¹⁷ Ме видза тэнö аслад войтырысь да ентöдтöмъясысь, кодъяс дiнö öнi мöдöда тэнö, ¹⁸ мед осьтны налысь синсö да бергöдны найöс пемыдсьыс югыдö, сötана кипод улысь Ен дiнö, медым Меным эскöмön найö босьтасны мыжъясысь прöститöмсö да вежа войтырлы Енсянь вичмöдöмасö". ¹⁹ Та вöсна, Агриппа оксы, ме эг кут паныд мунны енэжсянь петкöдчылöмлы. ²⁰ Медводз Дамаскын да Ерусалимын, сэсса став Юдея му пасътала, сэсса нин ентöдтöмъяслы висътавлi, мед бергöдчасны мыжъясьыныс Енлань да олёмнас петкöдласны тайöс. ²¹ Таысь юдейяс и босьтисны менö крамын да көсьисны вины. ²² Но Енмыс пыр на отсалис меным тайö лунöдзыс, та вöсна ме öнöдз сулала да

висътала быдöнлы: прöстöй и чина йöзлы. Висътала сöмын сiйö, мый йылысь водзвыв висътавлисны Мöйсей да пророкъяс. Найö висъталисны, ²³ мый Кростос сьöкыда кулас и лоас медводдза Ловзьысьöн, медым осьтны югыдсö юдей войтырлы да ентöдтöмъяслы». ²⁴ Кор Павел тадзи дорйысис, Фест гораа шуис: «Тэ дзикöдз йöймöмыд, Павел! Ыджыд тöдöмлуныд вöсна вежöртö воштöмыд». ²⁵ Павел шуис: «Ме эг йöймы, пыдди пуктана Фест. Ме бур мывкыдсянь висътала збыльсö. ²⁶ Та йылысь бура тöдö ачыс оксы, та вöсна ме осьсөн сёрнита сы водзын. Эска, тайö сылы абу гусятор, од ставыс тайö эз гусьöн вöчсы, көнкö пельöс сайын. ²⁷ Эскан-ö, Агриппа оксы, пророкъяслы? Тöда, мый эскан». ²⁸ Агриппа шуис Павеллы: «Зэв тай öдйö көсьян вöчны менö Кростослы эскысьöн». ²⁹ «Öдйö ли, ог ли», – шуис Павел, – «но кевма Енлы, мед тэ да ставныс тани менö кывзысьяс лоинныд ме кодьöсь, сöмын тайö чепъястöгыс». ³⁰ Кор Павел помалис сёрнисö, оксы чеччис, сы бöрся тшöтш чеччисны Фест юралысь, Вереника да мукöдыс. ³¹ Муніганыс найö сёрнитисны ас костаныс: «Тайö мортыс абу мыжа, мед вины сiйöс либö видзны дзескыдинын». ³² Агриппа шуис Фестлы: «Позьö эськö вöлі лэдзны сiйöс, эз кө кор кесарлысь мыждöмсö».

27 Кор шуöма вöлі кывтны Италияö, Павелöс да мукöд пукалысьясöс сетисны кесар полкын Юлий нима сёон веськöдлысьлы. ² Ми сöлим Адрамитияысь кывтысь корабль вылö, сiйö лöсьöдчис кывтны Асия муястi. Миянкöд тшöтш вöлі Фессалоникаысь македонияса Аристарк. ³ Мöд луннас ми сувтим Сидонö. Юлий вöлі бур сьöлöма Павел дiнö, лэдзис сылы ветлыны ёртъяс дiнас да босьтны став коланаторсö туйö. ⁴ Сидонысь петöм бёрын паныда тöлыс вöсна миянлы ковмис кывтны Кипрö. ⁵ Киликия да Памфилиятi кывтiгön ми вуджим саридзсö да воим Ликияö, Мира карö. ⁶ Сэни сёон веськöдлысь аддзис Александрияысь Италияö кывтысь корабль да пуксьöдiс миянöс сы вылö. ⁷ Ми кывтим ньöжйö уна лун чöж, öдва воим Книд карöдз. Паныда тöлыс эз лэдз кывтны водзö, та вöсна Салмонатi кытшовтöмön пондiм кывтны Крит пöлön. ⁸ Вадор пöлöныс кывтöмön ми сьöкыдпырысь воöдчим сiдз шусяна "Бур Сувтанiнö". Тасянь матын вöлі Ласея кар. ⁹ Уна кад ми сэни воштим, весиг Видзалан лун нин коли бөрö, и татшöм тöланас водзö кывтны эз позь. Сэки Павел шыасис: ¹⁰ «Войтырöй, ме аддза, водзö кывтны лоас вывтi сьöкыд, вермам воштыны груз тыра корабльнымöс, весиг асьыным олёмнымöс». ¹¹ Но сёон веськöдлысь Павеллы дорысь ёнджыка эскис корабльвывса ыджыдыслы да корабль нуöдысьлы. ¹² Тöвйыны тайö сувтанiнас эз позь, та

вöсна унао́н шуисны кывтны татысь, кызкө воодчыны Финик карөдз да төвйыны э́ни. Тайö критса öзыныс видзөдiс рытив-лунвывлань да рытив-войвывлань. ¹³ Пöлыштiс лун төв. Чайтiсны, мый кывтöмыс артмас, та вöсна мөдöдчисны Крит пöлөн. ¹⁴ Регыд мысти асыв-войвывсянь кыпöдчис ыджыд төвныр, сийö пöльтiс дi вывсянь. ¹⁵ Корабль эз вермы водзсасыны төвныркөд. Төвныр нетшыштiс да пондiс новлөдлыны корабльнымöс гыяс вывти. ¹⁶ Клавда дi весьтти кывтигөн ми кызкө вермим видзны корабльлысь пыжсö. ¹⁷ Пыжсö лэптiсны корабль вылө, а корабльсö көртавлiсны гезъясөн. Төвдöрасö лэдзисны, полiсны, мед оз шыбит мянöс ляпкыдiнö. Тадзи ёна на новлөдлiс мянöс. ¹⁸ Төвнырлөн ланьтöмыс эз на тыдав, та вöсна мөд луннас пондiсны ректыны корабльсö саридзö. ¹⁹ Коймөд луннас шыблалiм корабль вылысь весиг став көрта көлуйсö. ²⁰ Уна лун чöж эз петкөдчыв шондi да эз тыдавы кодзувъяс, төвнырлөн помыс эз тыдав. Миян воши став лача ловйөн кольны. ²¹ Ми дыр кад олим сөйтөг. Сэки Павел сувтiс на шөрö да шуис: «Войтырöй, колö вöли кывзыны менö да эз ков петны Критысь, сэки эськө эз су тiянöс тайö сьöкыдыс да лекторйыс. ²² А öни кора, энö шогсьöй. Тiян пиысь весиг öти ловъя лов оз вош, сöмын корабльнымöс воштам. ²³ Тайö войнас петкөдчылис меным андел, сийöс мөдöдiс Ен, кодлы ме сетi ачымöс да кодлы ме кесъяла. ²⁴ Андел шуис: "Эн пов, Павел. Тэныд ковмас на сувтны кесар водзö. Тэ вöсна Енмыс тшöтш видзас тэкөд кывтысьясöс". ²⁵ Энö шогсьöй, войтыр. Ме эска Енмыслы да төда, анделлөн шуöмыс инас. ²⁶ Миянöс шыбитас кутшöмкө дi вылө». ²⁷ Дас нель лун нин мянöс новлөдлiс Адрия саридзти. Вой шөр гөгöрын корабльвывса уджалысьяс казялисны, мый кутшöмкө му дiнö матыстчам. ²⁸ Видлiсны джудждасö да, кызь сыв джужда лои. Муныштöм бöрын бара видлiсны, дас вит сывйөдз вöли ляпкалöма. ²⁹ Полiсны изъяинö тшукöмысь. Та вöсна лэдзисны бöжладорсянныс нель якөр да ёна кевмисны, мед эськө югдытөдзыс вермисны кутчысьны. ³⁰ Но корабльвывса уджалысьяс шуисны пышйыны. Пондiсны лэдзны корабль вылысь пыжсö саридзö, быттö нöшта көсийöны чöвтны якөръяс нырладорсянныс. ³¹ Сэки Павел шуис сёон веськөдлысьлы да шыпуртаяслы: «Найö кө оз лоны корабль вылас, тi онö кольöй ловйөн». ³² Сэки шыпуртаяс керыштiсны пыжлысь гезъяссö да пыжыс уси саридзö. ³³ Асьядорыс Павел тшöктiс ставныслы сөйыштны: «Тi дас нель лун нин майшасьöмныдла нинöм энö сөйлöй. ³⁴ Колö сөйыштны, мед ловйөн колинныд. Тiян пиысь некодлөн весиг юрси сi оз усь юр вывсьыныд».

³⁵ Тайöс шуöм бöрын босьтiс нянь, ставныслөн син водзын Енмöс аттьöалöмөн чегис да пондiс сөйны. ³⁶ Ставныс долыдмисны да тшöтш пондiсны сөйны. ³⁷ Корабль вылас ми вöлим кыксö сизимдас квайт морт. ³⁸ Пöттөдзныс сөйöм бöрын пондiсны шыблавны саридзö шобдi мешöкъяснысö, мед кокньöдны корабльсö. ³⁹ Кор дзикөдз югдiс, тыдовтчис алькөса куръя, муыс вöли төдтöм. Шуисны пырны куръяс. ⁴⁰ Якөръяссö орьöдлiсны да вöйтiсны саридзö, личöдiсны веськөдлан пельсыяслысь гезъяссö да төв нылыдыс зэвтiсны ичөт төвдöра. Тадзи ми сетчим вадорланьыс. ⁴¹ Сэсса веськалiм ляпкыдiнö да корабльным сибдiс. Нырнас сатшис да некодарö эз вөр, а бöжыс гыяслөн лёкысь швачкөдöмысь пондiс чуктавын-жугласны. ⁴² Шыпуртаяс көсийсны нин вины пукалысьясöс, медым вартчиганыс некод эз пышйы. ⁴³ Но медым видзны Павеллысь оломсö сёон веськөдлысь öлөдiс шыпуртаясöс тайö уджысь. Сийö медводз тшöктiс шыбитчыны ваö вартчыны кужысьяслы да уйны вадорас. ⁴⁴ Мукöдыслы тшöктiс воодчыны пöвъяс отсөгөн либö кодлы мый сюрас корабль вывсьыс. Тадзи ставныс петiсны му вылө.

28 Ваысь петöм бöрын төдмалiсны, вöломакö, Мальта дi. ² Сэтчöс олысьяс бура сибöдiсны мянöс. Найö пестiсны бипур да корисны мянöс шонтысьны зэрысь-көдзыдысь. ³ Павел чукөртiс росьяс да пуктiс бипур вылө. Сэки жара сотчысь биысь чепөсийс змей да шашаритчис Павеллы киас. ⁴ Сэтчöс олысьяс аддзисны Павел ки вылысь öшалысь змейöс да шуалiсны öта-мөдныслы: «Тыдалö, сийö морт виысь, вöйöмысь кө мездмөм бöрын Водзөсперйысьыс көсийö босьтны сылысь оломсö». ⁵ Но Павел кисö пыркнитöмөн шыбитiс змейöс биö да сылы некутшöм лёк эз ло. ⁶ Йöзыс чайтiсны, мый Павеллөн кыис пыктас либö сийö шойөн усяс му вылас. Дыркодь виччысисны, мый лоö. Но кор аддзисны, мый ськөд нинöм лёкыс эз ло, вежисны мөвпнысö да шуалiсны, сийö пö ен. ⁷ Сэни матын вöли дiөн веськөдлысь Публийлөн оланiныс. Сийö нимкодъпырысь сибöдiс мянöс ас ордас да куим лун чöж бура вердiс-юкталiс. ⁸ Сийö кадас Публийлөн батыс куйлис биа висьöмөн да кынöм висьöмөн. Павел пырис сы дiнö, кевмысис да сы вылө кисö пуктылөмөн бурдöдiс сийöс. ⁹ Тайö лоөмторйыс бöрын дi вылысь тшöтш мукөд висьысьяс пондiсны локны, и ставныс бурдiсны. ¹⁰ Найö быдногыс аттьöалiсны мянöс, мунiганым весиг сетiсны мянлы став коланаторсö. ¹¹ Куим төлысь мысти Диоскур нима александрияса корабль вылын ми мөдөдчим водзö. Тайö корабльыс төвийс дi вылын. ¹² Ми воим Сиракузаö, сэни олим куим лун. ¹³ Сэтысь кывтöм бöрын воим

Ригияö. Лун мысти петіс лун төв, и мөд луннас нин ми воим ПUTEолö. ¹⁴ Сэтысь ми аддзим вокъясö, найö корисны мянöс олыштны на ордын вежон. Та бöрын сэсса мунім Римö. ¹⁵ Сэні вокъяс кывлöмаöсь мян локтöм йылысь. Найö воча локтісны мянлы, öтияс Аппия вузасянінöдз, мөдъяс – "Куим шойччан керка" нима сиктöдз. Найöс аддзöм бöрын Павел долыдмис да аттьöалис Енмöс. ¹⁶ Римö воом мысти сёөн веськöдлысь сетіс пукалысьясöс тышкайöзөн веськöдлысьлы. А Павеллы лэдзисны овны торйөн сійöс видзысь шыпуртакöд. ¹⁷ Куим лун мысти Павел корис юдейяслысь веськöдлысьясöс. Кор найö чукöртчисны, Павел шыасис на дінö: «Вокъяс, ме нинöм эг вöч ас войтырлы паныдсö да эг торк батьяслысь оласногсö. Но менö пуксьöдісны Ерусалимын дзескыдінö да сетісны римсаяслы. ¹⁸ Найö кывзисны менö да эз аддзыны мыжсö, мед позис вины менö. Кöсйисны весиг лэдзны, ¹⁹ но юдейяс паныд сувтісны талы. Та вöсна меным ковмис корны кесарлысь мыждöм. Дерт, эг сы вöсна, медым мыжавны мыйыськö ассьым войтырöс. ²⁰ Та понда ме и кöсйи аддзöдчывны да сёрнитыштны тіянкöд, öд ме пукала сійö Мортыс вöсна, код вылö Израиль кутö лачасö». ²¹ Юдейяслөн веськöдлысьяс шуисны: «Миянлы нинöм эз гижлыны Юдеясянь, весиг вокъяс

волиганыс нинöм эз юöртны да нинöм лёксö эз висьтавлыны тэ йылысь. ²² Ми кöсьям кывны, мый тэ ачыл мөвпалан. Ми төдам, мый тайö велöдöмыслы быдлаын паныд сувтöны». ²³ Урчитöм лунö локтіс Павел ордö зэв уна йöз. Павел асывсяньыс рытöдзыс висьтавліс налы Енлөн Юралöм йылысь. Мөйсей Индöд да пророк гижöдъяс вылö мыджсьöмөн эскöдіс найöс Исус йылысь. ²⁴ Öтияс эскисны, мөдъяс эз эскыны. ²⁵ Тадзи найö ас костаныс эз вермыны воны öти кывйö. Муналігас Павел шуис налы татшöм кывъяс: «Бура шулöма Вежа Лов мян батьяслы Исай пророк пыр: ²⁶ – Мун да висьтав тайö войтырыслы: Пельнаныд кутанныд кывзыны да онö гөгөрвоёй, синнаныд кутанныд видзöдны да онö аддзöй. ²⁷ Чорзьöма тайö войтырыслөн сьöлöмыс, сьöкыд пеляöсь, куньса синмаöсь. Аддзынысö оз зільны, кывзынысö оз кöсйыны, сьöлöмнаныс оз гөгөрвоны. Мелань бергöдчынысö оз кöсйыны, медым Ме бурдöді найöс. ²⁸ Төдöй, Ен мөдöдöма мездмöмсö ентöдтöмъяслы, найö и кыласны». ²⁹ Тайöс кылöм бöрын юдейяс мунісны ас костаныс ёна вензьöмөн. ³⁰ Аслас нянь-сов вылын Павел оліс сэні кык во чöж да сибöдліс ас дорас быдөнöс. ³¹ Сійö повтöг да восьсөн висьтавліс волысьяслы Енлөн Юралöм йылысь да велöдіс Господь Исус Кростос йылысь.

Римö

1 Гижö Павел, Исус Кростослön кесйöг, Енмön корöм апостол. Менö бöрийöма висътавлыны Енлысь Бур Юöрсö. 2 Тайö Юöрыс йылысь Енмыс важысянь кöсийсьöма Аслас пророкъяс пыр вежа Гижöдъясын. 3 Бур Юöрас висътавьсö Сылön Пи йылысь, кодi чужис мортön да вöли Давид чужанвужйысь. 4 Кулöмысь ловзьöмнас Сийö востис Вына Ен Пиön да Ловсянь вежаön. Сийö – Исус Кростос, миян Господь. 5 Сы пыр ми босьтiм бурсетöмсö: апостолавны Кростос ним вöсна, медым вайöдны быд кыла войтырöс эскöмас да Енлы кывзысьöмас. 6 Тайö войтыр лыдö пыранныд тшöтш тi, Исус Кростосön корöмаяс. 7 Ставныдлы, Римын олысьяслы, буралöм да лөнъ олöм Ен Батынымсянь да Господь Исус Кростоссянь. Енмыслы тi мусаöсь, тi Сылön корöм вежа войтыр. 8 Медводз, Исус Кростос нимön аттьöала Енмöс ставсьыныд, öд тiян эскöм йылысь висъталöны став му пасъталаыс. 9 Енмыс аддзö, мый ме став сьöлöмön кесъяла Сылы, висътала Пиыс йылысь Бур Юöр да пыр казътывла тiянöс кевмысигъясön. 10 Быдпöрийö кевма Енлы, медым коркö верми воыны тiян дiнö, но тайö мед Сылön кöсийöм серти вöли. 11 Ёна кöсья аддзöдчывны тiянкöд да юксьыштны Ловсянь бурсетöмön, медым ёнмöдны тiянöс. 12 Тадзи ми ышöдам öта-мöдöс эскöмнаным: ме – тiянöс, а тi – менö. 13 Вокъяс, тöдöй: ме унаысь лосьöдчывли воыны тiян дiнö, но пыр кутшöмкö мытшöдъяс паныдасьöны. Мукöд войтыр пöвстын моз тшöтш тiянын ме кöсья аддзыны бурвисъталöмлысь вотöссö. 14 Ме уджйöза грекъяслы и варваръяслы, вежöраяслы и вежöртöмъяслы. 15 Ёна кöсья висътавлны Бур Юöрсö тшöтш тiянлы, Римын олысьяслы. 16 Ме ог яндысь висътавлыны Кростослысь Бур Юöрсö, öд сийö Енлön выныс, мездö быд эскысьöс: медводз юдейясöс, сэсся грекъясöс. 17 Бур Юöрыс востö Енлысь веськыдлунсö эскöмсянь да эскöм пыр. Гижöма: «Веськыда олысь эскöмнас пондас овны». 18 Йöзлön Ентöг олöм да лёк вöчöм вылö лэччö енэжсянь Енлön скöрлуныс, öд найö лёк вöчöмнас пöдтöны збыльсö. 19 Найö тöдöны Ен йылысь тöдны поэнясö, öд тайöс налы Енмыс востiс. 20 Му пуксьöмсянныс Енлön став вöчöмторйысь поэьö аддзыны тыдавтöмсö: Енлысь помтöм вынсö да

Сылысь енмалунсö. Та вöсна налы дорйысьнысö нинöмön. 21 Но Енсö тöдiгön найö эз пуктыны Сийöс Ен туйö да эз аттьöавны Сийöс, мөвпалiсны ковтöмсö да налön вежöрыс пемдiс. 22 Асьнысö мывкыдаön шуигön вежöртöмъясö пöрины. 23 Пыр олысь Енмöс нимöдöм пыдди пондiсны юрбитны быранаыслы: морт, лэбач, пемöс да веглясьысь сямä вöчöмторъяслы. 24 Та вöсна Енмыс колис найöс асланыс лёкколöмö. Ыштöмнаныс найö пежалiсны асьыныс вир-яйсö, 25 Енлысь збыльсö бергöдiсны пöръясьöмö, юрбитiсны вöчöмторъяслы, а эз Ставсöвöчысьлы. Ошкöм Сылы нэмъяс чöж! Аминь. 26 Та вöсна Ен эновтiс найöс янöдана ыштöмас. Найö пондiсны овны мöдарö: нывбаба пондiс узылыны нывбабакöд, 27 айулов эновтчис нывбабакöд узылöмысь, öзйис лёкколöмön öта-мöд дiнас да пондiс вöчны быдпöлöс зывöксö. Асланыс ылалöмысь найö босьтöны нин лöсялана водзöссö. 28 Найö эз лыддыны коланаön тöдны Енсö, та вöсна Ен колис найöс торкъсьöм вежöрас вöчны ковтöмторсö. 29 Найö тырöмаöсь быдпöлöс ылöгнас да лёкнас. Кырсалöны, горшасьöны, лöгалöны, вежалöны, виöны, вензьöны, пöръясьöны да лёксьöны. 30 Найö лёк сёрниаöсь, удтысьöны, Енсö мустöмтöны, мукöдöс дöзмöдöны, асьнысö вылö пуктöны да ошйысьöны. Найö зильöсь лёксö вöчны, бать-мамныслысь оз кывзысьны, 31 найö мывкыдтöмöсь, кывсö оз кутны, оз бурасьны, кын сьöлöмаöсь да чорыдöсь. 32 Найö тöдöны Енлысь веськыда мыждöмсö, мый татшöмтор вöчысьöс виччысьö кулöм. Но та вылö видзöдтöг найö вöчöны лёксö, весиг ошкöны тадзи вöчысьясöс.

2 Тöд, мортöй, мöдöс мыждiгön тэныд оз сюр дорйысян кывйыд. Мöдöс мыждöмнад ачыд мыжман, öд ачыд тшöтш сы моз вöчан. 2 Ми тöдам, мый Енмыс веськыда мыждö тадзи вöчысьясöс. 3 Мортöй, тэ чайтан, тадзи вöчысьöс мыждöмнад пышъян Енлön мыждöмысь? Ачыд öд сийö жö вöчан. 4 Гашкö, тэ нинöм туйö пуктан Енлысь ыджыд бурлунсö, мелiлунсö да терпитöмсö? Он öмöй гөгöрво, мый Енлön бурлуныс вайöдö тэнö мыжъяссьыд бергöдчöмö. 5 Но чорыд сьöлöмыд вöсна тэ он кöйы бергöдчыны мыжъяссьыд, тадзи ас вылад чукöртан Енлысь скöрлунсö. Сийö киссяс тэ

вылө Скөралан лунө Енмыслөн веськыда мыждігөн.
 6 Сэки Енмыс быдөнлы мынтас уджыс серти.
 7 Помтөм олөм налы, кодъяс бур вөчөмнас
 мудзытөг корсьоны бырлытөмсө, дзирдлунсө да
 нимөдөмсө. 8 Асьсө сөмын радейтысьясөс да
 збыляс пыдди ылөгас сетчысьясөс виччысьө чорыд
 скөрлун. 9 Ыджыд шог да сьөкыдалөм быдөнлы,
 коді вөчө лёксө: медводз юдейлы, сэсса греклы.
 10 Мөдарө, дзирдлун, нимөдөм да лөньлун
 быдөнлы, коді вөчө бурсө: медводз юдейлы, сэсса
 греклы. 11 Енмыс оз видзөд чужөм вылө. 12 Мыжсө
 кө вөчөма Индөдсө төдтөг, Индөдтөгыс и
 бырөдасны. Вөчөма кө мыжсө Индөдсө төдөмөн,
 Индөд сертиыс и мыждасны. 13 Ен водзын
 веськыдөсь абу Индөдсө кывлысьяс, а сы серти
 олысьяс. 14 Мукөд войтырлөн Индөдыс абу, но
 Индөд нога вөчөмыс тыдалө налөн оласногысь.
 Найө асьныс аслыныс индөдыс. 15 Тайө петкөдлө,
 мый Индөдсө гижөма налөн сьөлөмас. Буретш та
 йылысь и висьталө налөн сьөлөмыс да мөвпясыс,
 найө либө мыждөны, либө дорйөны найөс. 16 Но
 воас лун, кор Исус Кростос пыр Ен кутас мыждыны
 мортлысь гусяторяссө. Та йылысь ме висьтавлі
 нин бурьюөртигөн. 17 Со, тэ шусян юдейөн,
 кутчысян Индөдас да ошйысян Енмөн.
 18 Индөдсьыс тэ төдмалін Сылысь көсьйөмсө да
 велөдчин торйөдны медбурсө. 19 Индөдас гижөм
 збыльсө төдөмнад тэ лыддян асьтө синтөмъяссө
 нуөдысьөн, пемыдас олысьяслы югыдөн,
 вежөртөмъяссө туйдөдысьөн да гөгөрвотөмъяссө
 велөдысьөн. 21 Мөдөс велөдан, а асьтө он велөд?
 22 Тэ висьталан: «Гусясьны оз позь», ачыд гусясян.
 Шуан: «Гозъя оломтө эн пежав», ачыд пежалан.
 Идолъяссө мустөмтан, ачыд налысь крамсө
 куштан. 23 Ошйысян Индөднас, ачыд сійөс
 торкалөмнад Енсө нинөмө пуктан. 24 Гижөма: «Тіян
 вөсна ентөдтөмъяс омөльтөны Енлысь нимсө».
 25 Вундыштчөмыд бур, олан кө Индөдыс серти. Он
 кө ов Индөдыс серти, сэки тэнад вундыштчөмыд
 нинөм. 26 Вундыштчытөм кө олө Индөд сертиыс, оз
 ө сійөс лыддыны вундыштчөмаөн? 27 Индөд серти
 олысь, коді абу вундыштчөма, кутас мыждыны
 тэнө, вундыштчөмаөс да Индөд төдысьөс, өд тэ
 торкалан Индөдсө. 28 Юдейыд абу сійө, коді чужөма
 юдейөн, да вундыштчөмыд абу яй вылад
 вундыштөм пас. 29 Юдейыд сійө, коді сьөлөмнас
 юдей. Вундыштөм пассө пуктөма сылы сьөлөмас
 абу Индөд серти, сійөс Лов пуктөма. Татшөмыслы
 ошкөмыс лоө Енсянь, а оз мортсянь.

3 Мый бурыс, тэ кө юдей? Мый сетө
 вундыштчөмыс? 2 Унатор сетө, да быд боксянь
 бур. Медводз, налы вөлі сетөма Ен Кывсө. 3 На
 пөвстысь кө кодсюрө эз эскыны, налөн эскытөмысь
 өмөй бырө Енлөн эсканлуныс? 4 Дерт, оз. Енмыс

эскана, а мортыс пөръясьысь. Гижөма: – Шуөмыд
 Тэнад веськыд, Аслад ёрд вылын Тэ верман. 5 Миян
 лёк вөчөм кө осьтө Енлысь веськыдлунсө, сэки
 мый миянлы шуны? Енмыс өмөй абу веськыд,
 кисьтө кө миян вылө Асьыс скөрлунсө? Тадзи
 мортыс мөвпалө. 6 Дерт, тайө абу тадз. Енмыс кө оз
 ло веськыд, вермас-ө Сійө мыждыны муюгыдсө?
 7 Менам ылалөмысь кө тыдовтчө Енлөн збыльыс да
 Сійөс ошкөмыс содө, сідзкө, мыйла менө
 мыждынысө мыжаөс моз? 8 Гашкө, пондам вөчны
 лёксө, мед вөлі бур? Кодсюрө омөльтөны миянөс да
 шуөны, мый ми тадзи велөдам. Татшөмъяссө
 виччысьө веськыда мыждөм. 9 Сідзкө, ми, юдейяс,
 бурджыкөсь өмөй мыйөнкө? Нинөмөн абу. Ме
 водзынджык нин висьтавлі: юдейяс, көть грекъяс –
 ставныс мыжыслөн кипод улынөсь. 10 Гижөма: –
 Веськыда олысьыс весиг өти абу, 11 абу
 гөгөрвоысьыс, некод оз корсь Енсө. 12 Ставныс
 кежөмаөсь, өтитөг шогмытөмөсь, бурсө вөчысьыс
 весиг абу. 13 Горшныс налөн осьса гу, кыв вылас
 налөн сөмын пөръясьөм, льөб выланыс змей яд.
 14 Вомныс курдөма ёрччөмысь, 15 кокныс тэрыб вир
 кисьтны, 16 ветлан туйыс налөн – бырөдөм да пикө
 воштөм. 17 Найө оз төдны бурасян туйсө, 18 налөн
 абу Енсьыс полөмыс. 19 Ми төдам, мый Индөдыс
 висьталө Индөд улын олысьяслы. Та вөсна некод оз
 вермы мыйкө паныд шуны, өд став муюгыдыс Ен
 мыждөм улын. 20 Индөд серти уджъяс некодөс оз
 вөчны Ен водзас веськыдөн. Индөдыс сөмын
 осьтө мыжсө. 21 Öні Индөд вылө видзөдтөг воссис
 Енлөн веськыдлуныс. Та йылысь висьталө Индөдыс
 да пророк гижөдъяс. 22 Исус Кростослы эскөм пыр
 сетөма веськыдлунсө быд эскысьлы, Енмыс
 некодөс оз торйөд. 23 Öд ставныс мыжмисны да
 олөны Ен дзирдлунтөг. 24 Но Сылөн буралөмсянь,
 дон мынтытөг найө лоөны веськыдөн, өд Исус
 Кростос став пыддиыс вештысис. 25 Енмыс сетіс
 Кростосөс бурасян вись пыдди, Сылөн Вирыс мездө
 быдөнөс эскөм пырыс. Терпитөмнас Ен петкөдліс
 Асьыс веськыдлунсө: прөститіс йөзлысь важся
 мыжъяссө. Öні Енмыс петкөдлө Асьыс
 веськыдлунсө сыын, мый Сійө Ачыс веськыд да
 вөчө веськыдөн Исуслы эскысьясөс. 27 Сюрас-ө
 миян ошйысянторйыс? Оз. Сійөс бырөдөма.
 Мыйөн? Индөд серти уджъясөн? Абу. Эскөмөн.
 28 Ми аддзам, мый мортсө веськыднас вөчө
 эскөмыс, а оз Индөд серти уджъясыс. 29 Енмыс өмөй
 сөмын юдейяслөн Ен, абу-ө тшөтш мукөд
 войтырлөн? Дерт, тшөтш мукөд войтырлөн.
 30 Енмыс өти. Сійө вундыштчөмаөс и
 вундыштчытөмөс вөчө веськыдөн эскөм пырыс.
 31 Сідзкө, мый артмө? Эскөмнаным ми бырөдам
 Индөдсө? Огө. Мөдарө, вынсьөдам.

4 Мый шуам Өвраам батыным йылысь? Мый сійö босьтис олигас на? ² Өвраамöс кö вöли шуöма веськыдöн уджъясыс серти, сэки сійö вермис тайöн ошйысьны, сöмын эз Ен водзын. ³ Гижöдас мый висьталöма? «Өвраам эскис Енлы, та вöсна Енмыс шуис сійöс веськыдöн». ⁴ Уджалысьлы öд удждонсö оз козынавны, а уджсьыс мынтöны. ⁵ Мортыс кö уджъястöг эскö Енмыслы, кодi Ентöг олысьöс вöчö веськыдöн, сэки сылысь эскöмсö Енмыс лыддьö веськыдлунöн. ⁶ Тадзи Давид лыддьö шудаöн сійöс, кодöс уджъястöгыс Енмыс шуö веськыдöн: ⁷ – Шудаöсь найö, кодъяслысь вунöдöма став лёк вöчöмсö да вевттöма мыжъяссö. ⁸ Шуда сійö, кодлы Господь оз казтышт мыжсö. ⁹ Шудаöн шуöмыс сöмын вундыштчöмаяслы али вундыштчытöмъяслы тшöтш лöсялö? Ми висьталам: «Өвраамöс вöли шуöма веськыдöн эскöм вöснаыс». ¹⁰ Кор шуöма? Вундыштчытöдзыс либö вундыштчöм бöрас? Вундыштчытöдзыс. ¹¹ Вундыштöм пасыс Өвраамлы висьталис, мый сійö вундыштчытöдзыс на эскис, та вöсна лои веськыдöн. Тадзи Өвраам лои батыөн став вундыштчытöм эскысьыслы, медым и найö эскöм пырыс вермисны лоны веськыдöн. ¹² Сійö баты тшöтш вундыштчöмаяслы, кодъяс эз сöмын вундыштчыны, но Өвраам батыным моз ветлöны эскöмыслöн туйöд, кытi ветлис сійö вундыштчытöдзыс на. ¹³ Ен кöйысис сетны Өвраамлы да сысянь чужысьяслы муюгыдсö. Кöйысис сылы эз Индöд серти олöм вöснаыс, но эскöм вöснаыс сійö лои веськыдöн да. ¹⁴ Кöйысьöмасö кö позис босьтны сöмын Индöд отсöгöн, сэки эскöмыс ковтöм да кöйысьöмыс вынтöм. ¹⁵ А Индöдсö торкалöмысь лэччö Енлөн скöрлун. Эз кö вöв Индöдыс, эз вöв и Индöдсö торкалöмыс. ¹⁶ Кöйысьöмыс подуласьö эскöм вылö, медым сійö вöли бурсетöмөн. Тадзи кöйысьöмыс вына Өвраамсянь став чужысьыслы, абу сöмын Индöд улын олысьяслы, но и Өвраам моз эскысьяслы. Өвраам – ставнымлы баты. ¹⁷ Гижöма: «Ме пуктi тэнö уна войтырлы батыөн». Сійö Ен водзын миянлы баты. Өвраам эскис Енлы, кулöмаос Ловзьöдысьлы да вöвлытöмторсö олöмö Пöртысьлы. ¹⁸ Өвраамлөн эз нин вöв некутшöм лача, но сійö эскис, мый лоас уна войтырлы на батыөн, да та дырйи эз вошты лачасö. Шуöма вöли: «Унасьыс унаöн тэсянь чужасны!» ¹⁹ Өвраам эз лигышмун эскöмас, мед коть и матö сё арöсалөн вир-яйыс ёна нин вöли пöрысьмöма, и Сарра гöтырыслөн гырк пытшкöсыс вöли нин шоймöма. ²⁰ Өвраам эз вошты эскöмсö, но падъявтöг эскис Енлөн кöйысьöмö да ошкис Енмöс. Эскöмыс ёнмöдiс сійöс. ²¹ Өвраам зумыда эскис, мый Енмыс вына пöртны олöмö Ассьыс кöйысьöмсö. ²² Та

вöсна сійöс шуöма веськыдöн. ²³ "Сійöс шуöма веськыдöн" кывъяссö гижöма абу сöмын Өвраам йылысь, ²⁴ тшöтш миян йылысь. Ен шуас веськыда олысьясöн тшöтш миянöс, эскам кö Сылы, Исус Господьнымöс Ловзьöдысьлы. ²⁵ Енмыс сетис миян мыжъяс вöсна Кростосöс да ловзьöдiс Сійöс, медым ми вöлим веськыдöсь.

5 Тадзи, эскöмным вöсна миянöс шуöма веськыдöн да Исус Кростос Господьным пыр миян эм Енкöд бурасьöм. ² Эскöмным пыр Кростос осьтис миянлы Ен буралöмö öдзöссö. Буралöмас олiгөн ми лача кутöмөн нимкодясям, öд лоам Енлөн дзирдлунас. ³ Сьöкыдсö нуигөн тшöтш нимкодясям, öд тöдам: сьöкыдсö нуöмыс чужтö зумыдлун, ⁴ зумыдлуныс – сьöкыдсö венöм, сьöкыдсö венöмыс – лача. ⁵ А лачаыс миян абу весьшöрö, öд Ен сетис миянлы Вежа Ловсö да Сы пыр кисьтис сьöлöманым Ассьыс муслунсö. ⁶ Кор на ми вöлим жебöсь, индöм кадö Кростос кулис ми коддьöм Ентöг олысьяс вöсна. ⁷ Öдвакö, кодкö сетас олöмсö веськыда вöчысь вöсна. Гашкö, бурсö вöчысь вöсна и вермас на сетны олöмсö. ⁸ Но кор ми олiм мыжас на, Кростос кулис миян вöсна. Тайöн Енмыс петкöдлис миян дiнö Ассьыс муслунсö. ⁹ Öнi Кростослөн Вирыс пыр миянöс шуöма веськыдöн, сiдзкö, дерт нин, Кростос пыр ми мынам локтана скöрлунысь. ¹⁰ Ми кö, Енмыслы коркöя паныд мунысьяс, бурасим Сыкöд Пиыслөн кулöм пыр, дерт нин, öнi ми, бурасьöмаяс, мездмам Кростослөн олöм пыр. ¹¹ Но тайö абу на ставыс. Ми нимкодясям нöшта Енмөн, öд Исус Кростос Господьным пыр миян эм Енкöд бурасьöм. ¹² Öти морт пыр муюгыдас пырис мыжыс, мыжнас – кулöмыс. Тадзи кулöмыс вуджис быд морт вылö, öд ставныс мыжмисны. ¹³ Дерт, Индöдсö сеттöдз мыжыс вöли нин муюгыдас, но Индöдтöгыс мыж вöчöмыс оз лыддьыссьы мыжөн. ¹⁴ Кулöмыс ыджыдалис Адамсянь Мöйсейöдз. Ыджыдалис весиг на вылын, кодъяс эз вöчны Адам моз мыжсö. Адам вöли Локтысьыслөн пертас. ¹⁵ Бурсетöмыс öд абу мыж вöчöмыс кодь. Öти мортлөн мыжыс кö вайис ставныслы кулöм, дерт нин, öти морт пыр, Исус Кростос пыр, дзик ставныслы да уна пöвстөн вичмас Енлөн буралöмыс да бурсетöмыс. ¹⁶ Бурсетöмсö оз позь öткодьявны öтилөн мыж вöчöмкöд. Öд öтилөн мыж вöчöм вöсна локтiс мыждöм, а уналөн мыж вöчöм вöсна сетöма буралöм. Буралöмыс вöчö мортсö веськыдöн. ¹⁷ Öтилөн мыж вöчöм вöсна кö пондiс ыджыдавны кулöм, сэки, дерт нин, öти морт пыр, Исус Кростос пыр, Енсянь ыджыд буралöмсö да веськыдлунсö босьтысьяс пондасны ыджыдавны олöмас. ¹⁸ Öтилөн мыж вöчöм вöсна кö мыждöма став муыввса йöзсö, таджи öтилөн веськыда вöчöм

вöсна став йöзсö шуöма веськыдöн да сетöма налы олöм. ¹⁹ Öтилöн кывзысьтöм вöсна кö ставöн лоисны мыжаöсь, тадзи öтилöн кывзысьöм вöсна ставöн лоасны веськыдöсь. ²⁰ Индöдсö сетöма, медым петкöдлыны, кутшöм уна мыж вöчöмыс. Кöни мыж вöчöмыс уна, сэни ёнджыка на петкöдчö буралöмыс. ²¹ Кыдзи мыжыс ыджыдалис да кыкис кулöмас, тадзи буралöмыс тшöтш пондас ыджыдавны веськыдлуннас да вайöдас мянöс Исус Кростос Господьным пыр помтöм олöмас.

6 Мый нö шуам? Пондам-ö водзö овны мыжас, медым буралöмыс содис? Дерт, огö. ² Ми кулим мыжыслы, позьö öмöй водзö овны мыжас? ³ Онö öмöй тöдöй, мый ми ставным пыртчиганым йитчим Кростоскöд да Сылöн кулöмкöд? ⁴ Пыртчöмнаным ми кулим Кростоскöд да мянöс вöли гуалöма Сыкöд. Но Батьыслöн дзирдлунöн Кростосöс вöли ловзьöдöма, та вöсна, ми тшöтш вермам овны выль олöмön. ⁵ Ми кö йитчим Сылöн кулöмкöд, сідзкö, йитчам тшöтш Сылöн ловзьöмкöд. ⁶ Ми тöдам: мянлысь важ мортсö тувьялöма Кростоскöд, медым тайö мыжа вир-яйыс эз нин ыджыдав, и ми эгö нин вöлöй мыжыслöн кипод улынöсь. ⁷ Öд кодi кулис, сійö мынис мыжыслöн кипод улысь. ⁸ Ми кö кулим Кростоскöд, эскам, мый пондам и овны Сыкöд. ⁹ Ми тöдам: ловзьöм бöрас Кростос оз нин кув, öд кулöмыс Сы вылын оз нин ыджыдав. ¹⁰ Сійö кулис мыжыслы öтчыдысь да пыр кежлö. Öни Сійö ловья да олö Енмыслы. ¹¹ Тадзи тi, мян Господь Исус Кростос пытшкын олысьяс, лыддьöй асьнытö мыжыслы кулöмаön, а Енмыслы ловьяön. ¹² Энö лэдзöй мыжсö ыджыдавны тiян кулана вир-яйын да ыштöдны тiянöс аслас лөк кöсйöмьясön. ¹³ Вир-яйныдлысь весиг öти юкөн энö сетöй мыжыслы лөксö вöчöм вылö. Öни тi – кулöмысь ловзьöмаяс. Сідзкö, сетöй асьнытö да вир-яйныдлысь быд юкөн Енмыслы, мед вöчны веськыд уджьяс. ¹⁴ Мыжыс оз вермы ыджыдавны тiян вылын, öд тi буралöм улынöсь, абу Индöд улынöсь. ¹⁵ Мый артмö? Ми кö абу Индöд улынöсь, а буралöм улынöсь, пондам-ö вöчны лөксö? Огö. ¹⁶ Тi öмöй онö тöдöй: кодлы тi сетанныд асьнытö кесьявны, сылөн тi и кесйöгьяс. Кывзысянныд кö мыжыслысь – куланнды, Енмыслысь кö кывзысянныд – веськыдöн лоаннды. ¹⁷ Ошкöм Енлы, öд коркö тi вöлинныд мыжыслöн кесйöгьяс, öни кывзысьöмön став сьölöмнад кутчысянныд тiянлы висьталöм велöдöмас. ¹⁸ Мыжысь мынöм бöраныд тi лоинныд веськыдлуныслöн кесйöгьяс. ¹⁹ Ме сёрнита тiянкöд быдлунья олöмсыс босьтöм кывьясön, медым тi верминныд гөгөрвоны менö. Водзын кö тi вир-яйныдлысь быд юкөн сетинныд пөжыслы вöчны лөк уджьяс, öни быд юкөн сетöй веськыдлуныслы

вöчны вежа уджьяс. ²⁰ Мыжыслы кесьялиганыд тi энö вермöй кесьявны веськыдлуныслы. ²¹ Кутшöм вотöс тi сэки чукöртинныд? Öни сыысь весиг аслыныд яндзим, öд сійö вайö кулöм. ²² Тi мынинныд мыжсыс, öни тi Енлөн кесйöгьяс. Тiян вотöсныд – вежалун, и тайö вайöдас тiянöс помтöм олöмö. ²³ Мыжыс öд мынтысьö кулöмön, а Енмыс – помтöм олöмön мян Мездысь Исус Кростос пыр.

7 Вокьяс, висьтала тiянлы, Индöдсö тöдысьяслы. Тi бура тöданныд, мый Индöдыс вына морт вылын ловья дырйиыс. ² Верöс сайö петöм аньöс Индöдыс кöрталö ловья верöсыскöд. Верöсыс кö кулö, сійö мынö кöрталан Индöдсыс. ³ Ловья верöс дырйиыс кö петас мөд сайö, лөг гозья олöмсö пөжалысьön. Верöсыс кö кулö, сійö мынö гозья олöм индöдсыс. Сэки петас кö мөд сайö, оз ло гозья олöмсö пөжалысьön. ⁴ Тадзи тшöтш тiянкöд, вокьясöй: Кростос вир-яйö йитчöмнаныд тi кулинныд Индöдыслы да лоинныд Мөдыслөн, кулöмаясысь Ловзысьыслөн, медым вайны Енлы вотöс. ⁵ Тшыкöм вир-яйын олiганым лөк кöсйöмыс ыджыдалис мян пытшкын Индöдыс отсöгөн, сэки ми вайим вотöс кулöмыслы. ⁶ Öни ми кулим Индöдыслы, мыним сылөн став кöртöдысь. Ми кесьялам Енмыслы выль ногөн, Лов серти, а огö важ мозыс, Индöдлөн шыпас серти. ⁷ Мый шуам татчö? Индöдыс öмöй мыжыс? Дерт, абу. Индöдыс вöсьтiс меным мыжсö. Индöдыс кö эз висьтав: «Эн ышты», ме эськö эг и гөгөрволы ыштöмсö. ⁸ Тадзи мыжыс Индöдысь тшöктöмсö босьтöмön кыпöдис ме пытшкын быдпөлөс ыштöмсö. Мыжыс öд Индöдтöгыс кулöма. ⁹ Водзынсö ме олi Индöдсö тöдтöг, но Индöдысь тшöктöмсö кор кыли, сэки мыжыс ловзис, ¹⁰ а ме кули. Тадзи олöмсö сетысь Индöдыс вайис меным кулöм. ¹¹ Индöдлөн тшöктöмыс пыр мыжыс кежöдис менö да виис сы отсöгөн. ¹² Но Индöдыс вежа, тшöктöмыс тшöтш вежа, веськыд да бур. ¹³ Сідзкö, бурыс вайис меным кулöмсö? Эз. Мыжыс вайис. Сійö веськöдис бурсö, мед вины менö. Тадзи мыжыс вöсьтiс ачыс асьсö, и тшöктöмыс пыр ми аддзим мыжсö лөксыйс-лөкөн. ¹⁴ Ми тöдам: Индöдыс Ловсянь, а менö, тшыкöм вир-яйын олысьöс, вузалöма мыжыслы. ¹⁵ Ачым ог гөгөрво, мый вöча: кöсьянасö ог вöч, а мустöмсö вöча. ¹⁶ Вöча кö сійö, мый ог кöсйы, сэки гөгөрвоа, мый Индöдыс бур вылö. ¹⁷ Збыльвылас, ог ме тайöс вöч, но ме пытшкын олысь мыжыс вöчö. ¹⁸ Тöда, мый ме пытшкын, менам тшыкöм вир-яйын, бурыс абу. Бурсö вöчны кöсйöмыс эм, но сійö оз артмы. ¹⁹ Бурсö кöсья да, ог вöч, лөксö ог кöсйы да, вöча. ²⁰ Ме кö вöча кöсйöтöмсö, сідзкö, сійöс ог нин ме вöч, но ме пытшкын олысь мыжыс вöчö. ²¹ Казяла ас пытшкысь татшöм индöд: кöсья кö вöчны бурсö, менам артмö лөкыс. ²² Менам пытшкөсса мортыс

нимкодъпырысь сибодё Енлысь Индодсё, ²³ но вир-яйысь ме аддза мөдпөлос индод. Сійо паныд сувтё пытшкөсса индодлы да көрталё менё вир-яйын олысь мыжыслөн индодён. ²⁴ Коньөр ме морт! Коді мездас менё тайё кулана вир-яйсысь? ²⁵ Аттьобала Енмөс миян Господь Исус Крестосысь! Тадзи менам пытшкөсса мортыс кывзысьё Ен Индодлысь, а тшыкөм вир-яйыс – мыжыслөн индодлысь.

8 Сідзкө, öнi абу некутшөм мыждөм Исус Крестос пытшкын олысьяслы, кодъяс олөны Лов серти, а оз вир-яй серти. ² Öд Ловлөн индодыс, кодi сетö олөм Исус Крестос пытшкын, мездiс менö мыжыслөн да кулөмыслөн индодысь. ³ Ен вöчис сiйö, мый эз вöв вермана Индодыслы, öд мортлөн тшыкөм вир-яй вöсна Индодыс вöли вынтөм. Миян мыжъяс вöсна Енмыс мөдöдiс Ассыс Писö мыжа морт кодъөн. Тадзи морт вир-яйын Сiйö мыждiс мортлысь мыжсö, ⁴ медым Индодас висьталөм веськыдлуныс збыльмис миян пытшкын, кодъясөн веськөдлö Лолыс, а оз вир-яйыс. ⁵ Вир-яй серти олысьлөн – тшыкөм мөвпъяс, а Лов серти олысьлөн – Ловсянь мөвпъяс. ⁶ Вир-яйсянь мөвпалөмыд вайö кулөм, а Ловсянь мөвпалөмыд сетö олөм да лөньлун. ⁷ Вир-яйсянь мөвпалөмыд эм Енлы паныд мунөм. Татшөм мортыс оз сетчы Ен Индодлы, да и оз вермы. ⁸ Вир-яй серти олысьяс Енмыслы оз шогмыны. ⁹ Тiян пытшкын кө збыльысь олö Енлөн Лолыс, сiдзкö, тi Лов веськөдлөм улынөсь, абу вир-яйлөн ыджыдалөм улынөсь. Код пытшкын абу Крестослөн Лолыс, сiйö абу Сылөн. ¹⁰ Крестос кө тiян пытшкын, сэки ловныд олö веськыдлуныс вöсна, көть вир-яйныд кулөма мыжыс вöсна. ¹¹ Тiян пытшкын кө олö Енлөн Лолыс, кодi ловзьöдiс Исусöс кулөмысь, сiдзкö, Крестосöс Ловзьöдысь ловзьöдас тшöтш тiянлысь кулана вир-яйтö сiйö Ловнас, кодi олö тiян пытшкын. ¹² Вокъяс, сiдзкö, ми абу уджйöзаöсь тшыкөм вир-яйлы, и миянлы оз ков овны сы ног. ¹³ Оланныд кө вир-яй серти, куланныд, а Ен Лолөн кө вианныд тшыкөм уджъяснытö, понданныд овны. ¹⁴ Кодъясöс нуöдö Енлөн Лолыс, найö Енлөн ныв-пи. ¹⁵ Тi öд энö сибöдöй нартитысь лолöс, медым бара овны полөм улын, мөдарö, тi сибöдiнныд тiянöс ныв-пиö босьтысь Лолöс. Тайö Лолөн ми шыасям: «Авва, Батьöй!» ¹⁶ Ачыс Лолыс висьталö миян ловлы, мый ми Енлөн ныв-пи. ¹⁷ Ми кө Енмыслөн ныв-пи, сiдзкö, Крестоскөд босьтам Енсянь вичмөдöмасö. Сыкөд öтвыв кө сьöкыдсö нуам, öтвыв Сыкөд и дзирдлунас лоам. ¹⁸ Ме тадзи мөвпала: öнiя сьöкыд нуöмсö кө öткодъявны сiйö дзирдлуныскөд, мый воссяс миянлы, тайö сьöкыд нуöмыс нинөм оз сулав. ¹⁹ Енлөн став вöчөмторйыс ёна виччысьё Ен ныв-пилысь воссьöмсö. ²⁰ Öд став вöчөмторйыс эз ас көсйöмсянныс веськав сiсьмөм-

бырөм улö. Тадзи вöли шуöма Енмыслөн. Сiдзкö, эм лача, мый став вöчөмторйыс мынас сiсьмана-бырана кутöдысь да воас Ен ныв-пилөн мездлуно да дзирдлуно. ²² Ми тöдам: став вöчөмторйыс öнöдз на сьöкыда ружтö-ойзö кага вайөм дырйи моз. ²³ Да оз сöмын найö, тшöтш ми, кодъяслөн эм Енсянь Лолыс, тайö медводдза сетöмторйыс, ружтöмөн-ойзöмөн виччысям Енлөн ныв-пиөн лоөмсö, вир-яйнымöс мездöмсö. ²⁴ Дерт, ми мездмөмаöсь нин лача кутөмным пыр. Но лачаыд кө збыльмөма, сэки сiйö абу нин лача. Кутöны öмöй лачасö аддзана-лоөма вылас? ²⁵ Ми кө лача кутам аддзытөм вылас, сэки виччысям терпитөмөн. ²⁶ Жеблун дырйиным Лолыс отсалö миянлы. Ми весиг öгö тöдöй мый йылысь да кызди колö кевмысьнысö. Сэки Ачыс Лолыс ышлолалөмөн кывъяс шутөг кевмысьö миян вöсна. ²⁷ Енмыс ставсö аддзö миян сьöлөмысь да тöдö Лолыслысь мөвпъяссö. Öд Енлөн көсйөм серти Лолыс корö-кевмö вежа войтыр вöсна. ²⁸ Ми тöдам, мый Енсö радейтысьяслы, Сылөн шуөм сертиыс корöмаяслы, Сiйö ставсö бергöдö бур вылö. ²⁹ Сiдзкö, кодъясöс Енмыс водзысянныс тöдiс, найöс и лöсьöдiс лоны Аслас Пи кодъөн, медым Пиыс вöли медводдза чужысьөн уна вок пөвстын. ³⁰ Кодъясöс Сiйö водзысянныс лöсьöдiс, найöс и корис, кодъясöс корис, найöс и вöчис веськыдөн, кодъясöс вöчис веськыдөн, найöс и мичмөдiс Аслас дзирдлунон. ³¹ Мый та вылö шуам? Енмыс кө миян дор, кодi миянлы паныд? ³² Öд Енмыс Ассыс Писö эз жалит, а сетiс Сiйöс ставным вöсна. Сыкөд тшöтш оз öмöй сет миянлы и став мукөдторсö? ³³ Кодi вермас мыжавны Енлысь бöрйöмаяссö? Сöмын Енмыс. Но Сiйö шуö миянöс веськыдөн. ³⁴ Кодi вермас мыждыны найöс? Сöмын Крестос. Но Сiйö кулис, ловзис да öнi Ен веськыдладорын кевмысьö миян вöсна. ³⁵ Мый вермас торйöдны миянöс Енлөн муслунысь? Гашкö, шог, дзескөдөм, вөтлөм? Гашкö, тшыгъялөм, көм-пасьтөг кольөм? Гашкö, неминуча суөм, шыпуртысь кулөм? ³⁶ Гижöма: «Тэ вöсна быд лун миянöс виöны, лыддьöны начкыны дасьтөм ыжъясөн». ³⁷ Но став тайö сьöкыдлун дырйиыс миянöс Радейтысь сетö миянлы тырвийö вермөм. ³⁸ Ме тöда: кулөмыс ни олөмыс, андельяс ни енэжвыв юралысьяс да вынъяс, öнiяыс ни локтанаыс, ³⁹ пыдтаыс ни судтаыс, – некутшөм вöчөмтор оз вермы торйöдны миянöс Ен муслунысь, мый восьтöма миянлы Исус Крестос Господьным пыр.

9 Крестос водзын шуа: ме висьтала збыльсö, сьöлөмöй Вежа Ловкөд оз сетны меным пöръявны. ² Менам сьöлөмöй ёна шогсьö да дугдывтөг бөрдö ас войтырса вокъясöй вöсна. Ме весиг дась лоны на вöсна ёрөмаөн, Крестосысь

торйөдөмаон. ⁴ Израиль войтырөс өд шуөма Ен пиянөн, восьтома налы Ен дзирдлунсө, көрталөма накөд йитөдъяс, сетөма налы Индөд, сувтөдөма найөс Енлы кесьявны, налы уна көсйысьөма, ⁵ и налөн эмось батьяс. Тайө войтырысь петіс Кростос, Сійө чужис морт кодьөн. Сійө став вылас медыджыд Ен. Ошкөм Сылы нэмъяс чөж! Аминь. ⁶ Енмыслөн кывйыс эз вожав. Өд абу став израильсаыс Израильлөн, ⁷ Өвраамсянь чужысьяс абу ставныс Өвраамлөн ныв-пи. Вөлі шуөма: «Исааксянь чужысьясөс шуасны тэнад ныв-пиөн». ⁸ Сідзкө, Енлөн ныв-пиыс абу мортсянь, но Ен көсйысьөмсянь чужысьяс. ⁹ А көсйысьөмыс вөлі татшөм: «Дзик тайө кадас бөр локта, да Сарралөн чужас пи». ¹⁰ Тадзи вөлі тшөтш Ревеккакөд. Сійө сьөктіс Исаак батынымсянь кык пиөн. ¹¹ Пияныслөн чужтөдз на, бурсө-лөксө налөн вөчтөдз на, Енмыс шуис Ревеккалы: «Ыджыдджыкыс пондас кесьявны ичөтджыкыслы». Енмыс тайөн петкөдліс, мый бөрийөмыс Сы сайын. Сійө бөрийө оз мортлөн уджъяс серти, но Аслас лөсьөдөм да корөм сертиыс. ¹³ Гижөма: «Яков Меным муса, а Исавөс Ме мустөмті». ¹⁴ Мый шуам? Енмыс оз веськыда вөч? Дзик веськыда. ¹⁵ Мөйсейлы Енмыс шуө: «Код дінө кө лоа бур сьөлөма, код дінө кө небзьөда сьөлөмөс». ¹⁶ Тадзи ставыс Енлөн буралөм сайын, абу мортлөн көсйөм-зильөм сайын. ¹⁷ Гижөдас шуөма фараонлы: «Ме пукті тэнө, мед петкөдлыны тэ вылын Ассым вынөс, медым Менсьым нимөс төдісны став му пасьталаыс». ¹⁸ Тадзи Енмыс код дінө кө бур сьөлөма, а кодөс кө Сійө чорзьөдө. ¹⁹ Гашкө, тэ юалан: «Мыйысь нө Енмыс, сідзкө, мыжалө? Вермас-ө кодкө паныд сувтны Енмыслөн көсйөмлы?» ²⁰ Мортөй, коді тэ сэтшөмыс, мый Енкөд вензян? Вөчөмторйыс өмөй вермас шуны вөчысьыслы: «Мыйла тэ менө татшөмнас вөчин?» ²¹ Гырнич вөчалысь абу өмөй вына сөй вылас? Оз-ө сійө өти лятисыс вермы вөчны быд лунө вөдитчан и торъя лунъясө вөдитчан доз? ²² Тадзи Енмыс көсйө петкөдлыны Ассыс скөрлунсө да вынсө. Ыджыд терпитөмыс вөсна Сійө видзө на бырөдны шуөм "скөрлуныслысь дозьяссө", ²³ медым петкөдлыны Ассыс помасьлытөм дзирдлунсө "буралөмыслөн дозьяс" вылын, кодьясөс дасьтөма дзирдавны. ²⁴ "Буралөмыслөн дозьясыс" – тайө ми, өд Ен корис мянөс. Корис эз сөмын юдейясөс, но тшөтш мукөд войтырөс. ²⁵ Осия небөгын Сійө висьталө: – Кодьяс эз вөвны Менам войтырөн, шуа Асламөн, мустөмөс шуа мусаөн. ²⁶ Көні шуөма вөлі: «Ті абу Менам войтыр», сәні шуасны найөс ловъя Енлөн ныв-пиөн. ²⁷ Израиль йылысь Исай тадзи висьталө: – Израиль войтырлөн лыдыс кө лоас весигтө саридздор лыа мында, мездмас сөмын колясыс. ²⁸ Регыд Господь эштөдас му вылын

веськыда вөчөмсө, Ассыс шуөмсө пөртас олөмө. ²⁹ Исай водзвыв висьтавліс: – Господь Саваоф кө эз коль мянлы чужан көйдыссө, ми эськө бырим Содом моз да вөлім Гомора кодьөсь. ³⁰ Сідзкө, мый артмө? Мукөд войтыр эз корсьлыны веськыдлунсө, да босьтісны сійөс. Найө босьтісны веськыдлунсө эскөмныс пыр. ³¹ Израиль, мөдарө, Индөд отсөгөн корсис веськыдлунсө, да тайө эз ло сылы. ³² Мыйла? Воськыдлунсө сійө зіліс шедөдны Индөд серти уджъяснас, эз эскөмнас. Тадзи сійө изйө крукасис. ³³ Та йылысь гижөма: – Ме пукта Сионө из, унаөн сэтчө крукасысны да унаөн сы вылө усясны. Но Сылы эскысь оз янав.

10 Вокъяс, ме сьөлөмсянь кора да кевмыся Енлы Израильлөн мездмөм вөсна. ² Ме төда: налөн сьөлөмыс өзъялө Енмыслы, но налы оз тырмы гөгөрвоөмлуныс. ³ Найө оз гөгөрвоны Енмыслысь веськыдлунсө да зильөны сувтөдны ассыныс веськыдлун. Та вөсна найө эз сетчыны Ен веськыдлунлы. ⁴ Кростос – Индөдыслөн пом. Сідзкө, быдөн, коді эскө Сылы, лоө веськыдөн. ⁵ Индөд серти веськыдлун йылысь Мөйсей гижө: «Индөд серти олысь Индөднас пондас овны». ⁶ Эскөмсянь веськыдлуныс висьталө: «Эн мөвпав сьөлөмад: "Коді каяс енэжө?"» – мед лэччөдны Кростосөс. ⁷ «Либө: "Коді лэччас пьдөстөминө?"» – мед кыпөдны Кростосөс кулөмысь. ⁸ Гижөдыс мый висьталө? – Матын тэныд кывйыс, тэнад вомын да тэнад сьөлөмын. Тайө эскөмыслөн кыв, мый йылысь ми висьталам. ⁹ Өд вомнад кө висьталан Исусөс Господьөн да сьөлөмнад кө эскан, мый Енмыс ловзьөдіс Сійөс кулөмысь, мездман. ¹⁰ Сьөлөмнад эскөмыд вөчө веськыдөн, вомнад висьталөмыд – мездө. ¹¹ Гижөдыс висьталө: «Сылы эскысь оз янав». ¹² Юдейяс да грекъяс костын торъялөмыс абу. Быдөнлөн өти Господь. Сійө лышкыда сетө быдөнлы, коді шыасьө Сы дінө. ¹³ Өд быдөн, коді шыасяс Господь нимө, мездмас. ¹⁴ Кыдзи нө шыасясны Господь дінө, оз кө эскыны Сылы? Кыдзи нө эскасны, эз кө кывлыны Сы йылысь? Кыдзи нө кывласны, абу кө висьталысьыс? ¹⁵ Кыдзи нө висьталасны, абу кө мөдөдөма висьтавынсьө? Гижөма: «Майбырөсь кокъясыс лөнь олөм да бур юөр вайысьлөн». ¹⁶ Но эз ставныс кывзыны Бур Юөрсө. Исай шуө: «Господьөй, коді нө эскис мян висьталөмө?» ¹⁷ Эскөмыс өд кылөмсянь, а кылөмыс Ен Кывсянь. ¹⁸ Юала: «Найө өмөй эз кывлыны?» Кывлісны, дерт. – Став му пасьталаыс кыліс налөн висьталөм шыыс, став му пельөсөдзыс воис налөн кывйыс. ¹⁹ Нөшта юала: «Израиль өмөй эз гөгөрво?» Өд Мөйсей пыр на Енмыс шуліс: – Ме кыпөда тіян пытшкын вежалөм сійө войтыр дінө, кодөс оз позь шуны войтырөн. Дөзмөда тіянөс вежөртөм йөз пыр. ²⁰ Исай повтөг висьталө Енлысь

шуомсö: – Менö аддзисны найö, кодъяс эз корсьлыны Менö, восьті Ачымöс налы, кодъяс эз юасьлыны Ме йылысь. ²¹ Израиль йылысь Енмыс тадзи шуö: – Ме лунтыр сулалі кывзысьтöм да асныра войтырлы киöс нюжодöмөн.

11 Юала: «Енмыс öмöй энотіс Ассьыс йöзсö?» Дерт, эз. Ме ачым израильса, Öвраам чужанвужйысь, Вениамин чужанкотырысь. ² Енмыс эз энот Ассьыс водзвыв бöрйöм войтырсö. Онö öмöй тöдöй, мый висьталöма Гижодас Илля йылысь? Сійö норасьö Енлы Израиль вылö: ³ «Господьöй, Тэнсьыд пророкъястö виисны, висьпуктанінъястö жугöдісны. Ме öтнамөн коли, тшöтш менам олöм вылö ыштöны». ⁴ Мый сылы Енмыс воча шуö? «Ме коли Аслым сизим сюрс мортöс. Найö эз пидзöсчанясьны Ваал водзö». ⁵ Тадзи и öні: Енмыс буралöмыс кузя видзöма коляссö, Ассьыс бöрйöмаясöс. ⁶ Бöрйöма буралöмыс вöсна, абу мортлөн уджъяс серти. Бöрйöма кө вöлі уджъяс серти, сэки эськö буралöмыс эз вöv буралöмөн. ⁷ Сідзкö, мый артмö? Израиль эз аддзы, мый корсис, сöмын бöрйöмаяс аддзисны. Мукöдыс чорзьöдчисны, ⁸ öд гижöма: – Енмыс сетіс налы чорзьöм лов. Налөн синныс куньса, пельныс тупкыса, и öнöдз на тадз. ⁹ Давид висьталö: – Мед чöсмасян пызанныс лоö налы тывйö дзугсьöмөн, налькйö шедöмөн, изйö крукасьöмөн. Тайö лоö налы водзöс пыдди. ¹⁰ Синмыс налөн мед бердас, аддзыны оз кут, сюрса лыыс мед кусынтчас пыр кезлö. ¹¹ Сідзкö, юала: «Найö öмöй усьмöныс крукасисны?» Эз. Налөн крукасьöмыс вайис мездмöм мукöд войтырлы. Та вöсна на пытшкын кыптіс мукöд войтыр дінö вежалöм. ¹² Налөн крукасьöмыс кө вайис озырлун муыгыдыслы да Енсьыс кезöмыс кө озырмöдіс мукöд войтырöс, сэки мыйта озырлун ваяс став Израильлөн Ен дінö бергöдчöмыс? ¹³ Тіянлы, мукöд войтырлы, висьтала: менö сувтöдöма апостолавны тіянлы, и ме ошйыся аслам кесьялöмөн. ¹⁴ Гашкö, верма кыпöдны ас войтыр пытшкын веж петöмсö да отсавны мездмыны кодсюрöлы. ¹⁵ Найöс öдтортöмыс кө вайис бурасьöм муыгыдыслы, сэки мый ваяс найöс сибöдöмыс? Оз-ö кулöмысь ловзьöм? ¹⁶ Медводдза пöжасыс кө вежа, сідзкö, көтасыс ставнас вежа. Пулөн вужйыс кө вежа, вожъясыс тшöтш вежаöсь. ¹⁷ Быдтöм вый пуысь кө öткымын вож чегисны, а тэнö, вöрса вый пу вожöс, йитісны чегöминас, да тэ мукöд вожыскöд öти вужсянь кутін босьтны быдман вынсö, ¹⁸ сэки эн ошйысь мукöд вожыс водзын. А көсьян кө ошйысьны, тöд: он тэ кут вужсö, а вужйыс – тэнö. ¹⁹ Гашкö, тэ шуан: «Менö йитöм мogyсь вожъяссö чегисны». ²⁰ Тайö тадз. Найöс чегисны эскытöмысла, а тэ кутчысян эскöмнад. Асьтö вылö

эн пукты, но полöмпырысь ов. ²¹ Енмыс кө эз жалит быдтöм вый пулысь вожъяссö, жалитас-ö тэнö? ²² Тöд: Енмыс бур сьöлöма, но вермö лоны и чорыдөн. Чорыд усьöмаяс дінö, бур сьöлöма тэ дінö, сöмын кутчысян кө Сылөн бурлунö. Он кө, тэнö тшöтш керыштасны. ²³ Юдейяс кө оз кольчыны эскытöмлунас, найöс лоö йитöма. Енмыс вына бөр йитны найöс. ²⁴ Тэнö öд керыштöма вöлі вöрса пуысь да йитöма быдтöм пуыс дінö. А быдтöм пу вожлы ёна кокныдджык бөр йитчыны мам пуыс дінö. ²⁵ Вокъяс, мед ті энö мөвпалöй ас мывкыдсяньныд, висьтала тіянлы тайö гусьторсö: Израиль войтырысь сöмын кутшöмкö юкөн чорзьöдчис. Налөн чорзьöдчöмыс кыссяс сэтчöдз, кытчöдз оз мездмы мукöд войтырыс колана лыдöдз. ²⁶ Сэки став Израиль мездмас. Öд гижöма: – Сионсянь локтас Мездысь, Сійö бырöдас Яков чужанвужйысь Ентöг олöмсö. ²⁷ Ме босьта налысь мыжъяссö, тайö лоö Менам йитöд накöд. ²⁸ Найö эз сибöдны Бур Юöрсö, Енлы паныд мунісны. Тайö лои тіян вöсна. Но найö бöрйöм войтыр, и Енмыс радейтö найöс батьясныс вöсна. ²⁹ Енмыс Ассьыс корöмаяссö оз вунöд, Сійö бөр оз босьт сетöмасö. ³⁰ Коркө ті, мукöд войтыр, энö кывзысьöй Енмыслысь, но Израильлөн кывзысьтöмлун вöсна Енмыс вöлі бур сьöлöма тіян дінö. ³¹ Öні найö оз кывзысьны, медым тіян дінö моз Сійö вöлі бур сьöлöма тшöтш на дінö. ³² Енмыс ставнысö көрталіс кывзысьтöмлуннас, медым ставныс дінö лоны бур сьöлöмаөн. ³³ Енлөн озырлуныс пыдöстöм, Сылөн мывкыдлуныс да тöдöмлуныс шымыртны вермытöм. Шуöм кывйыс вежөрö төрöдтöм, туйыс Сылөн туявтöм! ³⁴ Коді вермас тöдны Господылысь мөвпъяссö? Коді вермас Сійöс туйдöдны? ³⁵ Кодлы Сійö уджйöза, медым мынтысьны? ³⁶ Öд ставыс Сысянь, Сы пыр да Сылы. Ошкөм Сылы нэмъяс чөж! Аминь.

12 Вокъяс, Енлөн ыджыд буралöмыс вöсна кора тіянöс: сетöй асьнытö Енлы ловъя, вежа да шогмана вись пыдди. Тайö лоö бур мывкыда кесьялöм Енмыслы. ² Энö вужъясьöй тайö муывывса оласногас. Лэдзöй Енмыслы вежны тіянöс, вильмöдны вежөрнытö, медым тöдны тіянлы Сылысь көсйöмсö: мый колана, шогмана да тыр-бур. ³ Енсянь меным бурсетöм вöсна висьтала тіянлы быдөнлы: энö мөвпалöй ас йывсьыныд вывті, коланасьыс унджык, но мөвпалöй ышнясьтöг, Енмөн сетöм эскöм сертиныд. ⁴ Кыдзи öти вир-яйлөн эм уна юкөн, и быд юкөн вöчö ассьыс удж, ⁵ тадзи Кростос пытшкын ставным ми öтлаынсö – öти вир-яй, а торйөнсö – öта-мöдлы юкөн. ⁶ Енмыс Аслас буралöмнас быдөнлы миянлы сетöма торъя бурсетöм: пророкавын кө – пророкав эскöм сертидыд, ⁷ кесьявын кө – кесьяв, велöдны кө

– велөд, ⁸ ышөдны кө – ышөд, сетны кө – сет сьөлөмсяныд, веськөдлыны кө – веськөдлы төждысьөмөн, бур вөчны кө – вөч долыд сьөлөмөн. ⁹ Радейтөй восьса сьөлөмөн, ылыстчөй лёксыс да кутчысьөй бурас. ¹⁰ Радейтөй өта-мөднытө чой-вокос моз, пуктөй өта-мөднытө асьыд вылөджык. ¹¹ Төждысиганыд энө дышмөй, ловнад öзъялөй, Енмыслы кесьялөй. ¹² Лачанытө кутөй нимкодъпырысь, шогъястө нуөй терпитөмөн, дугдывтөг кевмысьөй. ¹³ Вежа войтырлы отсалөй абутөмлун дырийныс, сибөдөй ветлысь-мунысьясос, ¹⁴ бурсийөй тиянөс вөтлысьясос, бурсийөй найөс, а энө ёрөй. ¹⁵ Нимкодьясьысьяскөд нимкодьясьөй, бөрдысьяскөд бөрдөй. ¹⁶ Ас костаныд лоөй өти сьөлөмаось, энө лыддьөй асьнытө бурджыкөн, коньөръясөс энө өтдортөй да сюсьө энө пуксьөй. ¹⁷ Лөк вөчөмысь лөкөн энө мынтысьөй, йөзыс водзын ставсө зильөй вөчны веськыда. ¹⁸ Верманныд кө, олөй лөня ставныскөд. ¹⁹ Мусаяс, энө перйөй водзос ас вөснаныд, сетөй тайос вөчны Енлөн скөрлунлы. Öд гижөма: «Ме мынтыся, Ме перъя водзөссө», – висьталө Господь. ²⁰ «Тэныд паныд мунысь кө тшыгыялө, верд сийөс, горшыс кө косьмө, юктав сийөс. Тадзи тэ чукөртан сылы юр вылас биа öгыръяс». ²¹ Эн сет лөкыслы вермыны тэнө, но вермы лөксө бурнас.

13 Быдөн мед кывзысьө аслас юралысьыслысь, öд юралөмсө Ен лөсьөдөма, и юралысьсө тшөтш Ен пуктөма. ² Юралысьлы паныд сувтысь паныд сувтө Енмыслөн лөсьөдөмлы. Тадзи вөчысь көлалө ас вылас мыждөм. ³ Юралысьясысь полөны лектор вөчигөн, а оз бурсө вөчигөн. Көсьян кө наысь повтөг овны, вөч веськыда, сэки лоө насянь ошкөмыс. ⁴ Юралысь – сийө Енлөн кесйөг, сийөс пуктөма тэныд бур вылө. Вөчан кө лөксө, пов! Оз öд весьшөрө сийө новлөдлы шыпурт. Сийө Енлөн кесйөг, вермө чорыда дойдны лөк вөчысьөс. ⁵ Сидзкө, кутам кывзысьны юралысьяслысь огө мыждөмысь полөм вөсна, но сьөлөмным висьталөм серти. ⁶ Тайө уджыс налөн Енлы кесьялөм, та вөсна ті мынтанныд налы вөтсө. ⁷ Сидзкө, сетөй быдөнлы коланасө: кодлы вот сетны – сылы вот сетөй, кодлы руга – сылы руга, кодысь колө повны – сыысь полөй, кодос колө пыдди пуктыны – сийөс пыдди пуктөй. ⁸ Энө кольөй некодлы уджйөзаөн, өта-мөдтө радейтөм кындзи. Öд мөдос радейтөмнад тэ тырвийө пөртан олөмө Индөдсө. ⁹ Тайө тшөктөмъяссө: «Гөзья олөмтө эн пежав», «Эн ви», «Эн гусьяс», «Эн пөръяс», «Эн ышты» да став мукөд тшөктөмсө шымыртөма өти тшөктөмө: «Радейт матысатө асьтө моз». ¹⁰ Муслуныс оз вай лөксө матыссаыдлы. Муслуныс – тайө Индөдсө тырвийө олөмө пөртөм. ¹¹ Тадзи вөчөй, ті öд төданныд, мый воис нин кад садьмыны

миянлы. Мездмөмыс өні ёна нин матын сэкъя дорысь, кор ми сөмын на пондөм эскыны. ¹² Войыс кольө, луныс матыстчө. Сидзкө, шыбитам пемыдыслысь уджъяссө да пасьтасям югыдыслөн вермасянтөйө. ¹³ Лунъягыдын моз пондам овны бур ногөн. Огө сетчөй гажөдчөмө да кодалөмө, гөзья олөм пежалөмө да лэдзчысьөм оласногө, вензьөмө да вежалөмө. ¹⁴ Мед тиян паськөмөн лоө Исус Кростос Господьным. Вир-яйныд вөсна төждысьөмсө энө бергөдөй сылысь лөк көсийөмсө могмөдөмө.

14 Жеб эскысьөс сибөдөй, энө вензьөй, сылөн видзөдласыс кө торъялө. ² Öти эскө, мый позьө сөйны быдтор, а мөдыс, жеб эскысьыс, сөйө сөмын быдмөг. ³ Быдтор сөйысь, эн увтырт быдмөг сөйысьөс, и тэ, быдмөг сөйысь, эн мыжав быдтор сөйысьөс. Енмыс öд кыкнаннытө сибөдө. ⁴ Коді тэ сэтшөмыс, мый йөз кесйөгос мыжалан? Сулалө-ө, усьөма-ө сийө, сылөн ыджыдыс төдө. Сийө кутас сулавны, öд Енмыс вына сувтөдны сийөс. ⁵ Кодкө торйөдө лунъяс, а кодлыкө став луныс өткодь. Быдөн вөч аслад гөгөрвоөмлун серти. ⁶ Лунъяс торйөдысь – Господь понда найөс торйөдө, коді оз торйөд – Господь понда оз торйөд. Быдтор сөйысь – Господь понда сөйө да Енсө аттьөалө, коді оз сөй быдторсө – Господь понда оз сөй да тшөтш Енсө аттьөалө. ⁷ Öд некод миян пиысь оз ов да оз кув ас пондаыс. ⁸ Та вөсна, олам кө – Енлы олам, кулам кө – Енлы кулам. Ловъясьө-ө, кулөмаосьө-ө – ми Енмыслөн. ⁹ Кростос öд куліс, ловзис да олө, медым ыджыдавыны кулөмаяс да ловъяяс вылын. ¹⁰ Мый тэ мыжалан воктө? Мыйла нинөм туйө пуктан сийөс? Ставным öд сувтам Кростослөн ёрд водзө. ¹¹ Гижөма: – Ме ловъя, висьталө Господь, – Ме водзө пидзөсчанысяс быд морт, да быд вомсянь кыптас ошкөм Енлы. ¹² Тадзи быдөн ас вөснаыс кывкутас Ен водзын. ¹³ Водзө огө кутөй мыжавны өта-мөдөс. Мөдарө, видзөдөй, мед эськө энө крукөдөй да уськөдөй вокнытө. ¹⁴ Ме бура төда да эска Господь Исуслы, мый, збыльвылас, нинөм абу пежа. Сөмын сылы лоө пежа, коді лыддьө мыйкө пежаөн. ¹⁵ Тэ кө шогө уськөдан воктө сөян вөсна, сидзкө, тэ он вөч мусапырысь. Эн жугөд сийөс аслад сөянөн, öд сы вөсна куліс Кростос. ¹⁶ Энө лэдзөй серамвыв лэптыны сийө, мый ті лыддьянныд бурөн. ¹⁷ Öд Енлөн Юралөмыс абу сөйөм да юөм, тайө Вежа Ловсянь веськыдлун, лөньлун да нимкодьлун. ¹⁸ Кростослы таdzi кесьялысь шогмана Енмыслы да пыдди пуктана йөзөн. ¹⁹ Зілямөй овны лөня өта-мөдөс ёнмөдөмөн. ²⁰ Сөян вөсна эн жугөд Енлысь уджсө. Ставыс сөстөм, но мортыслы лөк, крукөдө кө аслас сөянөн мөдсө. ²¹ Бурджык, он кө сөй яй, он ю вина, он вөч нинөм сэтшөмсө, мыйө вокыд крукасьө да усьө. ²² Тэнад эм эскөм? Видз сийөс

сьолмад Ен водзын. Шуда сійö, кодi оз мыжав асьсö сыысь, мый бöрйö. ²³ Майшасьöмөн сёйысь мыжмö, öд сійö эскытöг вöчö. А эскытöг вöчöмыд эм мыж. ²⁴ Ошкöм Сылы, кодi сетö тiянлы зумыда кутчысьны меöн висьталöм Бур Юöрсö, Исус Крестослөн велöдöмö. Сэни висьталöма важысянь дзебöм гусятöрсö. ²⁵ Тайö Бур Юöрсö öни востöма пророк гижöдъяс пыр да помтöг олысь Енлөн тшöктöмыс серти висьталöма быд кыла войтырлы, медым вайöдны найöс кывзысьöмас да эскöмас. ²⁶ Дзик öти ыджыд мывкыда Енлы ошкöмыс Исус Крестос пыр нэмъяс чöж! Аминь.

15 Миянлы, вынаяслы, колö лоны бур сьолмаöн вынтöмъяс дiнö налөн вермытöмлун дырйи, оз ков мöвпавны куш ас йывсьыным. ² Быдöнлы колö мöвпавны матыссалы бур вöчöм йылысь, сійöс ёнмöдöм могысь. ³ Öд Крестос эз Ас йывсьыс мöвпав. Гижöма: «Тэнö омöльтысьяслөн лёкöдöмыс уси Ме вылö». ⁴ Став воддза гижöдсö вöли гижöма миянöс велöдöм да бурöдöм могысь, медым Гижöд пырыс ми вермим ёнмыны да зумыд лача кутны. ⁵ Бурöдöмсö да зумылунсö сетысь Ен мед сетас тiянлы öти сьолöм. Öд Исус Крестос велöдö, ⁶ мед тi öти лолөн да öти вомөн ошкинныд Енсö, миян Господь Исус Крестослысь Батьсö. ⁷ Сидзкö, сибöдöй öта-мöднытö Крестос сибыдлунөн, медым ошкыссис Енмыс. ⁸ Ме тадзи гөгöрвоа: Исус Крестос локтiс кесъявны юдейяслы, медым збыльмöдны батьяслы кöсйысьöмсö да петкöдлыны, мый Енмыс кутö Ассьыс кывсö. ⁹ Крестос локтiс кесъявны тшöтш мукöд войтырлы, мед и найö вермисны ошкыны Енсö на дiнö буралöмысь. Та йылысь гижöма: – Таысь ме кута нимöдны Тэнö мукöд войтыр пöвстын, понда сьылöмъясөн ошкыны Тэнсьыд нимтö. ¹⁰ Нöшта гижöма: – Нимкодьясьöй, мукöд войтыр, Сылөн войтыркöд! ¹¹ И нöшта на: – Ошкöй Господьöс, быд кыла войтыр! Нимöдöй Сійöс, став муывывса йöз! ¹² Исай висьталö: – Ессей вужсянь петас вож. Сійö кутас веськöдлыны быд войтырөн, найö Сы вылö лача кутны пондасны. ¹³ Лачасö сетысь Ен мед тыртас тiянöс нимкодълунөн да лөнълунөн эскöманыд, медым Вежа Лов вынөн тi зумыда сулалiнныд лача кутöмас. ¹⁴ Вокъяс, ме тöда, тiян бурлуныс да тöдöмлуныс тырвийö, тi верманныд туйдöдны öта-мöднытö. ¹⁵ Но тiянлы казтыштöм могысь ме мыйсюрö гижы повтöг. Тадзи вöчи, öд Енмыс Аслас буралöмнас корис менö ¹⁶ кесъявны Исус Крестослы ентöдтöмъяс пöвстын. Менö сувтöдöма вöчны вежа удж: висьтавны Енлысь Бур Юöрсö да вайны ентöдтöмъясöс Ен водзö шогмана да Вежа Лолөн вежöдöм вись пидди. ¹⁷ Исус Крестос пытшкын ме верма ошйысьны Енлы кесъялöмөн. ¹⁸ Лысьта

висьтавны сöмын сы йылысь, мый Крестос вöчис ме пыр, медым вайöдны ентöдтöмъясöс Енлысь кывзысьöмас. Сійö вöчис тайöс Енмыслөн Лов вынөн менам сёрнийöй да уджöй пыр, индысьпасъяс да шензьöданаторъяс пыр. Ерусалимсянь да водзö ме паськöдi Крестос йылысь Бур Юöрсö, весиг Иллирикöдз вои. ²⁰ Мед эз ло вöчöма мукöдлөн подув вылын, ме зiли висьтавны Бур Юöрсö сэни, кöни Крестос нимсö эз на кывлыны. ²¹ Та йылысь гижöма: – Кодъяслы эз висьтавлыны Сы йылысь, найö аддзасны, кодъяс эз на кывлыны, найö тöдмаласны. ²² Тайö уджыс унаысь кутiс менö тiян дiнö волöмысь. ²³ Öни менам помалöма тани уджсö. Гашкö, уна вося кöсйöмöй воыны тiян дiнö сэсса збыльмас. ²⁴ Испанияö мунигөн пырала тiян дiнö. Ёна кöсья аддзысьлыны тiянкöд, медым кöть этшаник вермим öтлаын нимкодьясьыштны. Лача кута, мый сэсса отсаланныд меным водзö туйö петны. ²⁵ Öни ме мöдöдча Ерусалимö кесъявны вежа войтырлы. ²⁶ Македонияса да акайяса эскысьяс шуисны сетны кутшöмсюрö отсöг ерусалимса голь эскысьяслы. ²⁷ Тадзи шуисны вöчны, öд найö уджйöзаöсь юдейяслы: юдейяс пыр налы вичмис енэжывывса бурсийöмыс. Сидзкö, налы тшöтш колö отсавны вежа войтырлы налөн быдлунъя олöмын. ²⁸ Тайö отсöгсö нүм бöрын вöлисти муна Испанияö. Сэтчö мунигмоз кежала тiян дiнö. ²⁹ Ме тöда: ме локта тiян дiнö Крестос Бур Юöрсянь тыр бурсийöмөн. ³⁰ Вокъяс, миян Господь Исус Крестос нимөн да Вежа Ловсянь муслунөн кора тiянöс: öтвывтчöй менам тышъясö да кевмысьöй ме вöсна Енмыслы, ³¹ медым эг веськав Юдеяын эскытöмъяс киö, да вайöм отсöгыс мед шогмас ерусалимса вежа войтырлы. ³² Ен кö сетас, нимкодъпырысь локта тiян дiнö да шойччышта тiян ордын. ³³ Лөнълунсö сетысь Ен ставныдкöд тiянкöд. Аминь.

16 Ме тöдмöда тiянöс Фива чойкöд. Сійö Кенкреяын вичкоса отсасьысь. ² Сибöдöй сійöс Господь нимсянь, кызди лöсялö вежа войтырлы, ковмас кö, отсыштöй сылы. Ачыс сійö уналы отсалiс, тшöтш меным. ³ Висьталöй чолöм Прискиллалы да Акиллы. Найö мекöд öтвыв кесъялöны Исус Крестослы. ⁴ Найö вöлины дасьöсь олöмнысö сетны ме вöсна. Да ог сöмын öтнам ме аттьöав найöс, тшöтш мукöд войтырса вичкояс. ⁵ Чолöм тшöтш на ордын чукöртчысь эскысьяслы. Чолöм менам муса Епенетлы, Акайяын сійö медводз эскис Крестослы. ⁶ Чолöм Мариамлы, сійö уна уджалiс-отсасис миянлы. ⁷ Чолöм менам ас войтырсалы: Андрониклы да Юниялы, накöд ме пукавлi дзескыдiнын. Найö пидди пуктана йöз апостольяс пöвстын, и найö меысь водз эскисны Крестослы. ⁸ Чолöм Амплиллы, сійö менам муса

вок. ⁹ Чолөм Урбанлы, сійө миян моз тшөтш кесъялө Кристослы. Чолөм муса Стакий ёртлы. ¹⁰ Чолөм Апелеслы. Сійө Кристос вөсна уна сьөкыд пыр муніс. Чолөм Аристовуллөн гортсалы. ¹¹ Чолөм менам Иродион рөдвужлы. Висьгалөй чолөм Наркислөн гортсаяс пиысь налы, кодъяс эскөны Господьлы. ¹² Чолөм тшөтш мөдөда Енлысь уджсө вөчысьяслы: Трифеналы да Трифосалы. Чолөм муса Персида чойлы, сійө ёна уджаліс Господьлы. ¹³ Чолөм Руфослы, Господьөн бөрийөмалы, да сылөн мамыслы, өд сійө меным тшөтш мам кодь. ¹⁴ Чолөм Асинкритлы, Флегонтлы, Ермлы, Патровлы, Ермийлы да накөд уджалысь вокъяслы. ¹⁵ Чолөм Филологлы да Юлиялы, Нирейлы да сылөн чойыслы, Олимпанлы да накөд сэні став вежа войтырлы. ¹⁶ Чолөмалөй өта-мөднытө вежа окыштөмөн. Кристослөн быд вичкосянь тіянлы чолөм. ¹⁷ Вокъяс, кора тіянөс, видзчысьөй наысь, кодъяс пыртөны вичкоад вензьөмъяс, да

кежөдөны эскөмсьыс. Ылыстчөй татшөмъяссьыс. ¹⁸ Татшөм йөзыс кесъялөны оз Исус Кристос Господьнымлы, но асланыс рушкулы. Мича сёрнинас найө кокныда ылөдлөны осьса сьөлөмаясөс. ¹⁹ Тіян кывзысяна олөмныд быдөнлы бура төдса. Таысь меным нимкодь. Көсья, мед эськө ті вөлінныд тэрыбөсь бурыс вылө, но ньөжмыдөсь лөкыс вылө. ²⁰ Лөньлунсө сетысь Ен регыд песовтас сөтанасө тіян кокъяс улө. Миян Господь Исус Кристослөн буралөмыс тіянкөд. Аминь. ²¹ Тіянлы ыстөны чолөм менам Тимофей уджөртөй да ас войтырысь Луций, Ясон да Сосипатр вокъяс. ²² Чолөмала тіянөс тшөтш ме, Төртий, тайө гижөдсө гижысь. ²³ Чолөм Гайсянь. Сійө сибөдө ас ордас став эскысьсө, тшөтш и менө. Тіянлы ыстөны чолөм Кварт вок да карса сьөм видзысь Ераст. ²⁴ Миян Господь Исус Кристослөн буралөмыс ставныдкөд тіянкөд. Аминь.

1 Коринфö

1 Гижö Павел, Енлön корöм-кöсийöм серти Исус Кростослön апостол. Сосфен воккöд² ми чолöмалам тiянöс, коринфса Ен вичкöös. Исус Кростос пыр Енмыс вежöдiс тiянöс да корис лоны Аслас вежа войтырöн. Ми чолöмалам быдöнöс, кодi быдлаын миян моз шыасьö Исус Кростос Господьным нимö. ³ Буралöм да лөнъ олöм тiянлы миян Ен Батьсянь да Господь Исус Кростоссянь. ⁴ Быд кадö ошка ассьым Енмöс тiян дiнö Сылön буралöмысь. Тайö буралöмсö Сийö петкöдлiс Исус Кростос пыр. ⁵ Сы пыр Енмыс озырмöдiс тiянöс быдторнас, тi кужанныд бура сёрнитны, тiян эм быдпöлöс тöдöмлун. ⁶ Кростос йылысь висьталöмыс зумыда вужъясис тiян сьölöмö, ⁷ та вöсна миян Господь Исус Кростослысь локтöмсö виччысигөн тi озырöсь быдпöлöс бурсетöмнас. ⁸ Енмыс ёнмöдас тiянöс зумыда сулавны помöдз, медым миян Господь Исус Кростослön лунö тi вöлинныд сöстöмöсь. ⁹ Енмыс эскана, Сийö корис öтутвчыны тiянöс Аслас Пиыскöд – миян Господь Исус Кростоскöд. ¹⁰ Вокъяс, кора тiянöс миян Господь Исус Кростос нимön: ас костаныд энö юксöй, олöй öти мөвпъясөн, öти видзöдласөн да öти могөн. ¹¹ Вокъяс, Клялön гортсаянь ме кывлi, тi пö вензянныд öта-мöдныдкöд. ¹² Ме сёрнита сы йылысь, мый тi быдөн ас йывсьыныд шуанныд: «Ме – Павеллön», «ме – Аполослön», «ме – Кифалön», а «ме – Кростослön». ¹³ Гашкö, Кростосöс вöли юклöма? Гашкö, Павелöс вöли тувъялöма тiян вöсна? Гашкö, Павел нимön тi пыртчинныд? ¹⁴ Ошка Енмöс, Крисп да Гай кындзи некодöс эг пырт тiян пиысь. ¹⁵ Сидзкö, некод оз вермы шуны, мый ме пырти кодöскö аслам нимön. ¹⁶ Нöшта Степанöс пырти да сылысь гортсасö, сэсса пырти-ö кодöскö – ог тöд. ¹⁷ Öд Кростос мöдöдiс менö эз пыртны, а висьтавлыны Ассьыс Бур Юöрсö. Тайö Юöрсö ме висьтала ог мывкыд кывъясөн, медым Кростослön крестыс эз вошты ассьыс вынсö. ¹⁸ Öд вошöмаяслы крест йылысь висьталöмыс – йöйталöм, а миянлы, мездмöмаяслы – Енлön выныс. ¹⁹ Гижöма: «Мывкыда йöзлысь мывкыдлунсö бырöда, вежöра йöзлысь вежөрлунсö öдторта». ²⁰ Кодi нö мывкыда йöзыс? Кодi велöдчöмаыс? Кодi нö тайö му вылас вежöра йöзыс? Эз-ö тайö мувывса мывкыдлунсö Енмыс йöйталöмö бергöд? ²¹ Енмыс Ассьыс

мывкыдлунсö петкöдлiс мувывса йöзлы, но йöзыс асланыс мывкыдлунön Енсö эз гөгөрвоны. Сэки Енмыс мөвпыштiс мездыны найöс, кодъяс эскöны миян висьталöмлы. Тайö висьталöмсö йöзыс шуöны йöйталöмön. ²² Юдейяс корöны вöчны шензьöданаторъяс, грекъяс – петкöдлыны мывкыдлун, ²³ а ми висьталам тувъялöм Кростос йылысь. Юдейяс крукасьöны тайö висьталöмас, а грекъяс лыддьöны тайöс йöйталöмön. ²⁴ Но Енлön корöмаяслы, юдейяслы да грекъяслы, Кростос – Енлön выныс да мывкыдлуныс. ²⁵ Öд Енлön "мывкыдтöмлуныс" ёна ыджыдджык морт мывкыдысь, да Енлön "жеблуныс" ёна вынаджык морт вынысь. ²⁶ Вокъяс, видзöдлöй ас выланыд, кутшöмöсь тi, Енлön корöмаяс. Морт видзöдлас серти этша тiян пöвстын мывкыдаыс, этша юралысьыс да бур рöдысь петысьыс. ²⁷ Но Енмыс бөрйис тайö муюгыдсьыс мывкыдтöмсö, медым янöдны мывкыдасö, бөрйис жебсö, медым янöдны вынасö, ²⁸ бөрйис тайö муюгыдсьыс медся шогмытöмсö, коньöрсö да увтыртöмсö, медым нинöм туйö пуктыны нималанасö, ²⁹ медым Ен водзын некод эз ошйысь аснас. ³⁰ Енмыс йитiс тiянöс Исус Кростоскöд, кодi лои миянлы мывкыдлуннас. Сы пыр Енмыс мездiс миянöс, вöчис веськыдөн да вежа войтырöн. ³¹ Öд гижöма: «Ошйысьысь мед ошйысьö Господьöн».

2 Вокъяс, кор ме волi тiян дiнö висьтавлны Енсянь юөр, сэки сёрнитi тiянкöд эг мича да мывкыд кывъясөн. ² Ме мөвпыштi, мый тiянын олiгөн кöсья тöдны сöмын Исус Кростосöс – тувъялöм Кростосöс. ³ Тiян дiнö ме локтi жебөн да полысьөн, сьölöмöй ёна тiралiс. ⁴ Ме висьтавлi тiянлы да сёрнитi тiянкöд эг аслам мывкыдлунсянь, эг эскöдан кывъясөн, но менам кывъясын вöли Ловлön выныс. ⁵ Ме сёрнитi тадзи, медым тiян эскöмныд подуласис Енлön вын вылö, а эз мортлön мывкыдлун вылö. ⁶ Мывкыдлун йылысь ми висьталам зумыда эскысьяслы. Ми висьталам огö тайö муюгыдас олысьяслön да юралысьяслön мывкыдлун йылысь, öд тайö юралысьяссö лöö бырöдöма. ⁷ Ми висьталам Енлön гуся мывкыдлуныс йылысь, кодöс быдöнысь вöли дзёбöма. Но олöм пуксьытöдзыс на Енмыс вöли мөвпыштöма, мый Сылön мывкыдлуныс ваяс

миянлы дзирдлун. ⁸ Тайö муюгыдас юралысьяс пöвстысь некод эз тöд Енлön мывкыдлуныс йылысь. Тöдiсны кö, найö эськö эз тувъявны дзирдлуна Господьöс. ⁹ Öд гижöма: – Эз аддзывлы син, эз кивлы пель, весиг юрас мортлы эз волы, мый Енмыс дасьтöма Сийöс радейтысьяслы. ¹⁰ Енмыс восьтiс тайöс миянлы Аслас Ловнас, öд Лолыс ставсö тöдö. Сийö тöдö Енлысь став пыдта-судтасö. ¹¹ Вермас-ö кодкö тöдны мортлысь мöвпъяссö сылön лолыс кындзи? Тадзи Енлысь мöвпъяссö некод оз тöд Енлön Лолыс кындзи. ¹² Ми сибöдiм эгö тайö муюгыдсалысь ловсö, а Енлысь Ловсö, медым вермим тöдны Енлысь сетöмторъяссö. ¹³ Ми висьталам та йылысь огö асланым мывкыдлунсянь, огö ас кивъясөн, а Вежа Ловсянь сетöм кивъясөн. Ловсянь висьталöмсö ми гöгöрвоодам Лов отсöгөн. ¹⁴ Морт пыткас кö абу Енлön Лолыс, сийö оз вермы сибöдны Ловсянь висьталöмсö да лыддьö тайöс йöйталöмөн. Мортлыс оз вермы гöгöрвоны висьталöмсö, öд тайöс позьö донъявны сöмын Енлön Лолыс отсöгөн. ¹⁵ Морт пыткас кö эм Енлön Лолыс, татшöм мортлыс вермö донъявны быдтор, а сийöс донъявны некод оз вермы. ¹⁶ – Кодi гöгöрвоас Господьлысь мывкыдсö? Кодi вермас туйдöдны Сийöс? Но миян пытшкын Крiстослön мывкыдыс.

3 Вокъяс, ме эг вермы сёрнитны тiянкöд Лов серти олысьяскöд моз. Ме сёрнитi тiянкöд вир-яй серти олысьяскöд моз, öд тi быттьö век на кагаяс Крiстослы эскöмын. ² Ме вердi тiянöс йöлön, а эг чорыд сёянön, öд тi энö на вермöй сёйны чорыдсö. Тi öнöдз онö вермöй сёйны сийöс, ³ öд тi вир-яй серти на оланныд. Тiян костын пыр на овлö вежалöм, вензьöм да юксöм. Сiдзкö, тi вир-яй серти на оланныд, тi пыр на тайö муюгыдсаыс кодъöсь. ⁴ Öти шуö: «Ме – Павеллön», мöд шуö: «ме – Аполослön». Тадзи кö сёрнитанныд, сiдзкö, тi дзик на тайö муюгыдсаыс кодъöсь. ⁵ Кодi нö Павелыс? Кодi Аполосыс? Найö сöмын кесъялысьяс, кодъяс пыр тi эскинныд Крiстослы. На пиысь быдön Господьясьн сетöм удж вöчис. ⁶ Ме кöдзи, Аполос киськалiс, а быдтiс Енмыс. ⁷ Сiдзкö, кöдзысьыс да киськалысьыс нинöм, öд быдтысьыс – Енмыс. ⁸ Кöдзысьыс да киськалысьыс öти удж вöчöны, но быдön на пиысь удждонсö уджыс серти босьтас. ⁹ Ми – Енкöд öтвыв уджалысьяс, а тi – Сылön кöдзöм муыс, Сылön тэчасыс. ¹⁰ Енлön бурсетöмыс вöсна ме лои бур тэчысьөн да пунктi подувсö, а мöд лэптö сы вылö. Но быдön мед видзöдö аслас удж бöрся. ¹¹ Подувсö пунктöма нин, тайö – Исус Крiстос. Тайö подулыс кындзи мöд подув некод оз вермы пуктыны. ¹² Тайö подув вылас мортлыс вермö лэптыны тэчассö зарниысь, эзысьысь, дона изйысь, пуысь, турунысь либö идзасысь, ¹³ но уджыс

быдöнлön ас кадö тыдовтчас. Тайöс Мыждан луныс петкöдлас, öд сийö биön локтас. Сэки биыс быдöнлысь уджсö тöдмалас. ¹⁴ Кодлön вöчöмторйыс кутас зумыда сулавны, сийö асьыс удждонсö босьтас. ¹⁵ А сотчас кö, сэки удждонсö воштас. Дерт, асьсö сийöс лоö мездöма, быттьö биысь перъясны. ¹⁶ Тi öмöй онö тöдöй: тi – Енлön оланiн, Енлön Лолыс оло тiян пытшкын. ¹⁷ Кодi жугöдас Енлысь оланiнсö, Енмыс сийöс асьсö жугöдас. Öд тi – Енлön оланiн, а Енлön оланiныс вежа. ¹⁸ Асьнытö энö ылöдлöй. Тайö муюгыдас кö лыддьö кодкö асьсö мывкыдаөн, медводз сийö мед лоö мывкыдтöмөн. Сэки сийö збыльысь лоö мывкыда. ¹⁹ Öд Ен син водзын тайö му вылас олысьяслön мывкыдлуныс – йöйталöм. Гижöма: «Енмыс кыйö мывкыдаясöс асланыс наянлунö». ²⁰ Нöшта гижöма: – Господь тöдö мывкыда йöзлысь мöвпъяссö, налön мöвпъясыс ковтöмöсь. ²¹ Сiдзкö, некод мед оз ошйысь мортön, öд ставыс тiян: ²² Павел-ö, Аполос-ö, Кифа-ö, муюгыдыс-ö, олöмыс-ö, кулöмыс-ö, öнiяыс-ö, локтанаыс-ö – ставыс тайö тiян. ²³ Тi – Крiстослön, а Крiстос – Енлön.

4 Сiдзкö, лыддьöй миянöс Крiстослы гусяторъяс вöсна. ² Сöмын татшöм кывкутысьяслы колö лоны эсканаөн. ³ Дерт, меным дзик веськодъ, тi-ö менö мыжданныд, йöзыс-ö. Ме весиг ачим ачимöс ог мыжды. ⁴ Сьöлöмöй оз мыжды менö, но тайö оз на висьтав менам веськыдлун йылысь. Öд менö мыждысьыс – Господь. ⁵ Та вöсна Господь локтöдз, кадысь водз, некодöс энö мыждöй. Сийö югдöдас пемыдас дзевöмасö да восьтас мортлысь мöвпъяссö. Сэки быдөнлы вичмас Енсянь ошкöмыс. ⁶ Вокъяс, ставсö тайöс ме серпасалöмөн висьталi тiянлы ас йылысь да Аполос йылысь, медым миян вылö видзöдöмөн тi велöдчинныд гöгöрвоны тайö кивъяссö: «Кутчысьöй Гижöдас». Сэки тi онö кутöй ышнясьны, öтиöс вылö кыпöдны, а мöдöс увтыртны. ⁷ Тэ öмöй бурджык мукöдсьыс? Енлön сетöмыс кындзи тэнад öмöй эм мыйкö аслад? Абу кö, сiдзкö, мыйла ошйысян, мый ставыс тэнад. ⁸ Тiян ставыс эм, тi ёна нин озырминныд. Öнi тi – öксыяс, а ми – некод. Дерт, ме ёна кöсьяс, медым тi збыльысь вöлiнныд öксыясөн. Сэки эськö тiянкöд öтвыв вермим öксыявны! ⁹ Но ме чайта, Енмыс пунктiс миянöс, апостольясöс, медбöръя лыдас, быттьö кулöм вылö мыждöмаясöс. Öд муюгыдас быд олысьлы – андельяслы и йöзыслы – ми лоим видзöданторйөн. ¹⁰ Крiстос вöсна ми йöйöсь, а тi Крiстос пытшкын мывкыдаöсь. Ми жебöсь, а тi вынаöсь. Миянöс лөкöдöны, а тiянöс ошкöны. ¹¹ Ми öнöдз сёйтöг-ютöг олам да лөкиник паськöмөн ветлам. Миянöс нöйтöны, ми пыр туйынöсь. ¹² Кок йылысь усьтöдз уджалам, ас ки помысь кынöмпöt

перъям. Миянӧс лӧкӧдӧны, а ми бурсиам, миянӧс вӧтлӧны, а ми терпита. ¹³ Миянӧс омӧльтӧны, а ми бур ногӧн сӧрнитам. Тайӧ му вылас олысьяслы ми ёг пыдди, найӧ онӧдз лыддӧны миянӧс шыбласӧн. ¹⁴ Гижат тайӧс тӧянӧс туйдӧдӧм могысь, а ог янӧдӧм могысь, ӧд тӧи менам муса ныв-пи. ¹⁵ Дерт, тӧян вермас лоны Крестос йылысь уна сюрс велӧдысь, но батысь сӧмын ӧти, ӧд Бур Юӧрсӧ тӧянлы ме висътавлӧ. Тадзи чужтӧи тӧянӧс Исус Крестослы эскысьясӧн. ¹⁶ Сидзкӧ, кора тӧянӧс: видзӧдӧй ме вылӧ, ӧд ме видзӧда Крестос вылӧ. ¹⁷ Ме мӧдӧдӧи тӧян дӧинӧ Тимофейӧс. Господь пытшкын сӧйӧ менам муса пи да эскана кесъялысь. Сӧйӧ казъыштас тӧянлы Крестоскӧд менам ӧтувъя олӧм йылысь. Та йылысь ме велӧда быдлаын, быд вичкоын. ¹⁸ Ӑткымынӧн тӧян пиысь кутисны вывтӧасъны, чайтӧны, мый ог лок тӧян дӧинӧ. ¹⁹ Но Енмыс кӧ сетас, регыд локта да тӧдмала тайӧ йӧзыслысь вынсӧ, ог кут налӧн сӧрни вылӧ видзӧдны. ²⁰ Ӑд Енлӧн Юралӧмыс абу кывъясын, а вынын. ²¹ Сидзкӧ, мыйӧн локны тӧян дӧинӧ: беддӧн али рам сӧлӧмӧн да муслунӧн? Мый бӧръянныд?

5 Ме кывлӧ, ӧткымынӧн пӧ тӧян пӧвстысь кырсалӧны, и сидзи, мый татшӧмыс оз овлы весиг ентӧдтӧмъяс пӧвстын. Кодкӧ пӧ тӧян пиысь узылӧ весиг батыслӧн гӧтырыскӧд. ² Оз ӧмӧй тӧянлы ков шогсыны та вӧсна да вӧтлыны ас дорсыныд тайӧ мортсӧ? А тӧи пыр на ышняянныд. ³ Дерт, вир-йӧн ме абу тӧянкӧд, но ловнам тӧянкӧд. Ме быттӧ ачым вӧлӧи тӧянкӧд да мӧвпыштӧи, мый вӧчны тайӧ мортскӧд. ⁴ Ков тӧи чукӧртчанныд миян Господь Исус Крестос нимӧн, ловнам лоа тӧянкӧд, миян Господь Исус Крестослӧн выныс тшӧтш лӧӧ тӧянкӧд. ⁵ Сэки тайӧ мортсӧ сетӧй сӧтана киӧ вир-йӧс жугӧдӧм вылӧ, мед лолыс сылӧн мездмас миян Господь Исус Крестослӧн лунӧ. ⁶ Тӧянлы нинӧмӧн ошйысьнысӧ! Тӧи ӧмӧй онӧ тӧдӧй, мый этшаник няньшом шоммӧдӧ дзоньнас кӧтассӧ. ⁷ Сидзкӧ, весалӧй ас пытшсыныд няньшомнытӧ, медым лоинныд виль кӧтасӧн. Дерт, тӧян пытшкын шоммӧданторйыс абу нин, ӧд Крестосӧс, Ыджыд лунся Балянымӧс, вайӧма нин висъ пыдди миян вӧсна. ⁸ Сидзкӧ, огӧ кутӧй пасйыны Ыджыд лунсӧ важ няньшомӧн: лӧклунӧн да наянлунӧн. Кутам пасйыны сӧйӧс шомтӧм няньӧн: сӧстӧмлунӧн да збыльӧн. ⁹ Водзынджык ме тӧянлы гижлӧи нин: энӧ кутӧй некутшӧм йитӧд кырсалысьяскӧд. ¹⁰ Ме ог сӧрнит тайӧ муывса кырсалысьяс, горшасъысьяс, гусясьысьяс да идоллы юрбитысьяс йылысь. Сэки эськӧ ковмис энӧвтны тӧянлы тайӧ муыгидсӧ. ¹¹ Но ме сӧрнита сэтшӧм морт йылысь, кодӧи шуӧ асьсӧ эскысьӧн, но ачыс кырсалӧ, горшасъӧ, суклясьӧ, гусясьӧ, кодалӧ да идоллы юрбитӧ – татшӧмыскӧд энӧ кутӧй некутшӧм йитӧд. Весиг энӧ сӧйӧй ськӧд

ӧтлаын! ¹² Меным ӧмӧй мыждыны вичкоысь ортсысасӧ? Енмыс найӧс мыжда! А вичкосаӧс – тӧянлы мыждыны. «Вӧтлӧй ас дӧинсыныд лӧк оласногаӧс».

6 Тӧи кӧ мыйыськӧ вензянныд ӧта-мӧдныдкӧд, сэки кызди лысьтаннӧй шыасъны муывса мыждысьяс дӧинӧ? Оз ӧмӧй вежа войтыр дӧинӧ ков шыасъны? ² Тӧи ӧмӧй онӧ тӧдӧй, мый вежа войтыр кутас мыждыны муыгидсасӧ? Кутаннӧй кӧ мыждыны муыгидсасӧ, мыйла тайӧ ичӧтикторъясыс кузя онӧ вермӧй ӧти кывйӧ воны? ³ Тӧи ӧмӧй онӧ тӧдӧй: ми весиг анделъясӧс кутам мыждыны? Сидзкӧ, дерт нин, быдлунъя могъяс кузя вермам ӧти кывйӧ воны. ⁴ Ков тӧи вензянныд ӧта-мӧдныдкӧд быдлунъя могъяс йылысь, сэки тӧи шыасянныд на дӧинӧ, кодъяс абу вичкосаяс. ⁵ Шуа тайӧс тӧянӧс янӧдӧм могысь. Оз ӧмӧй тӧян пӧвстысь сюр мывкыда морт, кодӧи эськӧ бурӧдӧс эскысьясӧс ӧта-мӧдныскӧд? ⁶ Мӧдарӧ, тӧи ӧта-мӧднытӧ мыжданныд да шыасянныд та могысь эскытӧмъяс дӧинӧ! ⁷ Тӧи кӧ мыжданныд ӧта-мӧднытӧ, тайӧн сӧмын янӧданныд асьнытӧ. Оз-ӧ бурджык ло, кутасны кӧ вӧчны тӧянлы лӧксӧ да мырддявны тӧянлысь? ⁸ Но тӧи асьныд лӧка вӧчаннӧй да мырддяланнӧй мукӧдлысь, весиг эскысьяслысь. ⁹ Тӧи ӧмӧй онӧ тӧдӧй, мый лӧксӧ вӧчысьяслы оз вичмы Енлӧн Юраланиныс. Энӧ ылӧдлӧй асьнытӧ! Ӑд кырсалысьлы, идоллы юрбитысьлы, гозъя олӧм печалысьлы, пез оласногалы, ӧта-мӧдныскӧд узылысь айуловлы, ¹⁰ гусясьысьлы, горшасъысьлы, кодалысьлы, суклясьысьлы да мырддялысьлы – некодлы оз вичмы Енлӧн Юраланиныс. ¹¹ Кодсюрӧ тӧян пӧвстысь тшӧтш вӧлинныд татшӧмӧсь. Но миян Господь Исус Крестос нимӧн да Ен Лов вынӧн тӧи лоинныд сӧстӧмӧсь, вежаӧсь да веськыдӧсь. ¹² «Меным ставсӧ позьӧ», но абу ставыс бур вылӧ. «Меным ставсӧ позьӧ», но ме ог лӧдз, медым мыйкӧ ыджыдалӧс ме вылын. ¹³ Сӧяныс – кынӧмлы, а кынӧмыс – сӧяныс. Но Енмыс бырӧдас ӧтисӧ и мӧдсӧ. Вир-йӧйс абу кырсалӧм вылӧ, сӧйӧ – Господьлы, а Господь – вир-йӧлы. ¹⁴ Енмыс ловзӧдӧс Господьӧс, Аслас вынӧн Енмыс ловзӧдас тшӧтш миянӧс. ¹⁵ Тӧи ӧмӧй онӧ тӧдӧй, мый тӧян вир-йӧныд – Крестос вир-йӧлӧн юкӧн? Сидзкӧ, верма ӧмӧй Крестослысь юкӧнсӧ кырсалысь анькӧд йитны? Ен мед видзас! ¹⁶ Тӧи ӧд тӧданнӧй, мый кырсалысь анькӧд ӧтувтчысь лӧӧ ськӧд ӧти вир-йӧн. Гижӧма: «Кыкыс лӧӧны ӧти вир-йӧн». ¹⁷ А Господькӧд ӧтувтчысь лӧӧ Ськӧд ӧти лола. ¹⁸ Сидзкӧ, энӧ кырсалӧй! Мукӧд мыжсӧ вӧчысь оз аслас вир-йӧлы паныд вӧч, а кырсалысь аслас вир-йӧлы паныд мыж вӧчӧ. ¹⁹ Тӧи ӧмӧй онӧ тӧдӧй, мый тӧян вир-йӧныд – Вежа Ловлӧн крамыс, Сӧйӧ олӧ тӧян пытшкын. Тайӧ Ловсӧ Енмыс сетӧс тӧянлы, ӧнӧи тӧи

абу нин асланыдось. ²⁰ Енмыс ньобис тiянос ыджыд дон вылө. Сiдзкө, ошкөй Енсö вир-яйнад и ловнад, öд ставыс Сылөн.

7 Тi меным гижлiнныд да юалинныд гöтрасьом йылысь. Та вылө вочавидза тадзи: дерт, тайö бур, мортыс кө оз гöтрась, ² но медым некод эз кырсава, быд мортлөн мед лоö аслас гöтыр да быд анылөн – аслас верöс. ³ Вольпасын верöс сет асьтö гöтырлы, а гöтыр сет асьтö верöслы. ⁴ Абу гöтыр аслас вир-яй вылын ыджыдыс, а верöс. Абу верöс аслас вир-яй вылын ыджыдыс, а гöтыр. ⁵ Энö ылыстчöй öта-мöдсьыныд, а ылыстчанныд кө, вöчöй тайöс сёрнитчöмөн, сöмын кутшöмкө кад кезлө, медым ёнджыка на верминныд видзавны да кевмысьны. Сэсся бөр öтлаын лоöй, медым сöтана эз ыштöд тiянос кутчысьтöм вöснаныд. ⁶ Дерт, тайö абу тшöктöм, но тi верманныд тадзи вöчны. ⁷ Ме көсьи эськө, медым быдөн олис ме моз. Но Енмыс быдөнлы вичмöдö торья бурсетöм: öтилы – сэтшöмös, мöдлы – татшöмös. ⁸ Гöтыртöмьяслы да дöваяслы тадзи висьтала: бурджык тiянлы ме моз öткөн овны, ⁹ но онö кө вермöй кутны асьнытö, гöтрасьöй либö верöс сайö петöй. Öд бурджык гöтрасьны либö верöс сайö петны, медым лёкколöмыс эз ыджыдава тiян вылын. ¹⁰ Гозйөн олысьяслы тадзи висьтала: гöтыр мед оз юксьы аслас верöскöд. Тайö абу менам тшöктöм, а Господьлөн. ¹¹ А юксяс кө, мед öтнасөн олö либö бөр бурасьö верöсыскöд. Верöс мед тшöтш оз юксьы аслас гöтыркöд. ¹² Мукöдыслы висьтала ме, оз Господь: кутшöмкө эскысьлөн кө гöтырыс оз эскы, но көсьö овны верöсыскöд, тайö эскысьыс мед оз юксьы аслас гöтыркöд. ¹³ Тайöс висьтала тшöтш эскысь анылы: сылөн верöсыс кө оз эскы, но көсьö овны сыкöд, тайö аныс мед оз юксьы аслас верöскöд. ¹⁴ Тадзи эскысь гöтырыс пыр Енмыс вежöдö эскытöм верöссö, и мöдарö, эскысь верöсыс пыр вежöдö эскытöм гöтырсö. Эз кө вöв тадзи, тiян ныв-пиныд эськө вöлины пежöсь, но öнi найö вежаöсь. ¹⁵ Эскытöм верöс либö эскытöм гöтыр кө көсьö юксьыны, мед юксьö. Сэки эскысь верöсöс либö эскысь гöтырöс нинöм оз кут, öд Енмыс тшöктис овны миянлы лөня. ¹⁶ Гöтыр, тэ öмöй верман тöдны, мый мездан асьыд верöстö, а тэ, верöс, асьыд гöтыртö? ¹⁷ Быдөн тiян пиысь мед олö Енлөн шуöм серти да лоö сэтшöмөн, кутшöмөн вöли Господьлөн коригас. Тадзи ме велöда быд вичкоын. ¹⁸ Енлөн коригас кө вöли вундыштöма кодöскö, сийö мед оз дзев тайöс. Эз кө вöв вундыштöма – мед оз вундыштчы. ¹⁹ Вундыштöмыс нинöм, и вундыштчытöмыс нинöм, но медшөр могыс – овны Енлөн тшöктöм серти. ²⁰ Быдөн мед лоö сэтшöмөн, кутшöмөн вöли Енлөн коригас. ²¹ Енлөн коригас кө вöлин кесйöгөн, эн майшась, но позьö кө

мездмыны, бурджыксö бөрйи. ²² Öд Господьлөн коригас кө мортыс кесйöгөн вöли, öнi сийö Господьлөн мездлуна морт. А мездлуна кө вöли, öнi сийö Кристослөн кесйöг. ²³ Енмыс ньобис тiянос ыджыд дон вылө, сiдзкө, энö лоöй мортлөн кесйöгөн. ²⁴ Вокьяс, быдөн лоöй Ен водзын сэтшöмөн, кутшöмөн вöлинныд Енлөн коригас. ²⁵ Öнi висьтала верöс сайö мунтöмьяслы. Тайö абу Господьлөн тшöктöм, ме висьтала асьыым видзöдласöс. Öд Господьлөн буралöмыс кузя меным позьö эскыны. ²⁶ Ме чайта, тайö сьöкыд кадас мортлы бурджык öткөн кольчыны. ²⁷ Тэ кө гöтыра – эн юксьы. Гöтыртöм кө – эн гöтрась. ²⁸ Дерт, гöтрасян кө, он мыжмы. Ныв кө петас верöс сайö, тшöтш оз ло мыжа. Но гозья олöмас виччысьö тiянос уна сьöкыдлун, да таысь көсья видзны тiянос. ²⁹ Вокьяс, көсья шуны тiянлы, мый кадыс коли этша нин. Та вöсна гöтыра морт мед олö гöтыртöм моз, ³⁰ бёрдысь – бёрдтöм моз, гажöдчысь – гажöдчытöм моз, а ньобасьысь – быттьö нинöм эз ньöб. ³¹ Тайö муывивса озырлуннас вöдитчысь мед олö сiдзи, быттьö сылөн нинöм абу. Öд став тайö муывивсаыс регыд бырас. ³² Көсья, медым тi нинöм вöсна энö тöждысьöй. Гöтыртöм морт тöждысьö Господьлөн уджьяс вöсна, медым Господьлы шогмыны, ³³ а гöтыра морт тöждысьö быдлунья могьяс вöсна, медым гöтырыслы шогмыны. Верöс сайö петöм да верöстöм аны öта-мöдсьыс тшöтш торьялöны. ³⁴ Верöстöм аны тöждысьö Господьлөн уджьяс вöсна, медым вир-яйнас да ловнас Сы водзын вежаөн лоны. А верöс сайö петöм аны тöждысьö быдлунья могьяс вöсна, медым верöсыслы шогмыны. ³⁵ Ме висьтала тайöс тiянлы бур вылө. Ме ог көсьы тiянос нинöмөн сьöктöдны. Көсья, медым тi олинныд шогмана ногөн да некытчö ылавтöг сьöлöмсянныд кесьялинныд Господьлы. ³⁶ Шуам, мортыслөн эм гöтырпу. Сийö оз гöтрась сы вылө, но асьсö кутны оз вермы, да лыддьö тайöс лёкторйөн, сийö мед ас көсьöм сертиыс вöчö, мед гöтрасьö, тайö абу мыж. ³⁷ Но мортыс кө зумыда кутö асьыс кывсö – вермö кутны асьсö да шуис овны гöтрасьтöг, сийö бура вöчö. ³⁸ Та вöсна, мортыс кө гöтрасьö – бура вöчö, а оз кө – нöшта на бурджыка. ³⁹ Индöд серти гöтыр көртасьöма верöсыскöд, кытчöдз верöсыс ловья. Кулö кө верöсыс, гöтыр вермö петны верöс сайö, код сайö көсьö, сöмын верöсыс мед Господьлы эскис. ⁴⁰ Но бурджык лоö, оз кө пет верöс сайö. Чайта, Енлөн Лолыс эм и ме пытшкын, сийөн тадзи шуа.

8 Öнi көсья сёрнитыштны идоллы вайöм сёян йылысь. Дерт, ми быдөн тöдам та йылысь. Но тöдöмлуныс вайöдö ышнясьöмöдз, а муслуныс ёнмöдö. ² Мортыс кө чайтö, мый сийö тöдö мыйкө,

збыльвылас сійö нинöм на оз тöд. ³ Но Енмыс кö муса мортыслы, Енмыс сійöс тöдö. ⁴ Öнi висьтышта идоллы вайöм сёян йылысь. Ми тöдам, мый идолыс збыльвылас абу, эм сöмын öти Ен. ⁵ Дерт, енэжас да му вылас эмöсь сiдз шусяна "енъяс". Öд татшöм "енмыс" да "ыджыдалысьыс" зэв уна, ⁶ но мян эм сöмын öти Ен Бать. Сійö сетö олöм быдöнлы, Сылы ми олам. Мян эм сöмын öти Господь – Исус Кростос. Сы пыр вöчöма ставсö, и Сы пыр сетöма мянлы олöм. ⁷ Но оз быдöн тöд та йылысь. Öткымынöн вöлины ёна велалöмаöсь сёйны идоллы вайöм яй. Та вöсна öнi, яй сёйигöн, найö лыддьöны сійöс идоллы вайöм сёянöн, и налөн сьölöмыс мыждö найöс, öд найö жебöсь на. ⁸ Но сёяныс оз матыст мянöс Ен дiнö. Öд ми кö огö сёйöй – нинöм огö воштöй, а сёям кö – тайö нинöм оз содты мянлы. ⁹ Дерт, тi верманныд сёйны ставсö, но видзчысьöй, медым энö лоöй крукöдöн жеб эскысьяслы. ¹⁰ Öд жеб эскысь кö аддзас, мый тэ тöдöмөн сёян идоллы вайöм сёян, сэки сійö тшöтш кутас сёйны татшöм сёянсö, весиг сылөн сьölöмыс кö мыждö сійöс. ¹¹ И тэнад тöдöмлун вöсна вошас тайö жеб эскысьыс, тэнад вокыд, код вöсна кулис Кростос. ¹² Тадзи тi дойданныд жеб вокныдлысь сьölöмсö да вöчанныд мыж сылы паныд. Сiдзкö, тi вöчанныд мыж Кростослы паныд. ¹³ Та вöсна менам сёянöй кö уськöдö вокöс, ме некор ог кут сёйны яй, медым менам вокöй эз усь.

9 Ме öмöй абу апостол? Ме öмöй кöртасьöма мыйöнкö? Ме öмöй эг аддзыв Исус Кростосöс, мянлысь Господьöс? Тi – Господь пытшкынöсь. Тайö öмöй абу менам уджлөн вотöсыс? ² Гашкö, мукöдыслы ме абу апостол, но тiяны апостол. Тi – Господь пытшкынöсь, и тайö висьталö, мый ме збыльысь апостол. ³ Менö мыждысьяс водзын ме тадзи дорйыся. ⁴ Гашкö, мянлы оз позь сёйны-юнысö? ⁵ Гашкö, мянлы оз позь босьтны аскöд эскысь гöтырöс? Öд тадзи вöчöны мукöд апостолыс: Господьлөн вокъяс да Кифа. ⁶ Гашкö, сöмын меным да Варнавалы колö уджавнысö, медым аслыным кынöмпöт перйыны? ⁷ Шыпурта морт öмöй ас тшöт весьтас олö? Виноград быдтысь öмöй оз виноград вотöссö сёй? Пемöс видзысь öмöй оз пемöслысь йöвсö ю? ⁸ Тадзи мөвпалöны оз сöмын йöзыс, тадзи висьталö тшöтш Индöдыс. ⁹ Мöйсейлөн Индöдас гижöма: «Вартысь öшлысь вомсö эн тупкы». Енмыс öмöй öш вöсна тöждысьö? ¹⁰ Абу öмöй тайöс мянлы висьталöма? Öд мянлы гижöма: «Гöрысь да вартысь уджалöны лачаөн, медым босьтны асьыныс пай». ¹¹ Ми кöдзам тiян сьölöмö Ловсянь кöйдыс. Гашкö, тiяны вывтi сьökыд, вичмöданныд кö мянлы быдлунъя олöм вылö? ¹² Öд мукöдыслы кö тi вичмöданныд, сiдзкö, ми ёнджыка на вермам та вылö лача кутны. Но ми нинöм эгö корлöй

тiянлысь. Мöдарö, ми нуам став сьökыдсö, медым эгö вöлöй крукöдөн Кростослөн Бур Юөрлы. ¹³ Тi öд тöданныд, мый крамын кесъялысьяс пöткöдöны асьнысö крамö вайöмторйөн, а висьпуктанiнын кесъялысьяс босьтöны аслыныс пай висьпуктанiнö вайöмторйысь. ¹⁴ Евангелльö висьталысьяслы Господь тшöтш тадзи тшöктiс вöчны: пöткöдчыны Бур Юөр висьталöм помысь. ¹⁵ Но ме некор тадзи эг вöчлы. Ме гижа та йылысь ог аслым мыйкö босьтöм могысь, öд бурджык кувны тадзи вöчöм дорысь! Но тайөн ошйысьöмысь некод оз вермы дугöдны менö. ¹⁶ Ме кö висьтавла Бур Юөр, меным нинöмөн ошйысьнысö, öд тайöс меным Енмыс тшöктiс вöчны. Курыд шог меным, ог кö висьтавлы сiйöс! ¹⁷ Ме кö висьтавла Бур Юöрсö ас кöсйöм серти, сэки меным удждон лоö. Ог кö ас кöсйöм серти, сэки индöм удж вöча. ¹⁸ Сiдзкö, кутшöм менам удждонöй? Удждонöй менам – висьтавлыны Кростос йылысь Бур Юöрсö дон босьттöг. Дерт, ме верма Бур Юөр висьтавлöмысь дон босьтны, но ог кöсйы тадзи вöчны. ¹⁹ Ме некодлы абу кесйöг, но лои кесйöгөн быдöнлы, медым унджык йöзöс вайöдны Кростос дiнö. ²⁰ Юдейяскöд ме кути ачымöс юдей моз, медым вайöдны найöс Кростос дiнö. Индöд серти олысьяскöд кути ачымöс на моз, медым вайöдны найöс Кростос дiнö. ²¹ Индöдтöг олысьяскöд кути ачымöс тшöтш на моз, медым вайöдны найöс Кростос дiнö. Дерт, ме абу Индöдтöг олысь, öд ме ола Кростослөн индöд серти. ²² Жеб эскысьяскöд кути ачымöс тшöтш на моз, медым вайöдны найöс Кростос дiнö. Ме вöчи став позьянасö, медым эськö кымынкö мортöс верми мездыны. ²³ Ставсö тайöс вöча Евангелльö вöсна, мед меным тшöтш вичмис сылөн бурсийöмыс. ²⁴ Тi öмöй онö тöдöй, мый панласигөн котöртöны унаөн, но тырдоныс вичмö сöмын öтилы. Сiдзкö, котöртöй, медым тайö тырдоныс вичмис тiяны. ²⁵ Быд панласысь ёна зильö да кутö асьсö киас, медым котöртöм бöрас сылы вичмис юркытш. Но тайö юркытшыс сiсьмана. Ми кутам асьнымöс кийн, медым мянлы вичмис сiсьмытöм юркытш. ²⁶ Та вöсна некытчö кежтöг котöрта помöдз да тышкася ог весьшöрö, менам быд вартöм веськалö коланаинö. ²⁷ Ме топöда асьым вир-йяс да тшöкта сiйöс кывзысьны, медым мукöдлы Бур Юөр висьтавлiгөн ачым вöли шогманаөн.

10 Вокъяс, кöсья казтыштны тiяны, мый мян батьяс ставныс ветлiсны кымөр улын да вуджисны саридз вомөн. ² Найö ставныс пыртчисны кымöрын да саридзын да лоисны Мöйсей бöрся мунысьясөн. ³ Найö ставныс пöткöдчисны öти сёянөн – Ловсянь сёянөн, ⁴ ставныс юисны öти ва – Ловсянь ва. Öд найö юисны Ловсянь сетöм изйысь, кодi ветлöдлiс накöд.

Тайö изйыс вöли Кростос. ⁵ Но унджыкыс на пиысь эз шогмыны Енмыслы да кулісны овтöминын. ⁶ Ставыс тайö велöдö миянöс, медым миян сьöлöмын эз вöв көсйöм – на моз вöчны лёксö. ⁷ Энö юрбитöй идолъяслы, кызди вöчисны кодсюрö миян батьяс пöвстысь. Гижöдыс висьталö: «Йöзыс сёйисны-юисны, сэсса кутісны ворсны». ⁸ Энö кырсалöй, кызди вöчисны кодсюрö миян батьяс пöвстысь. Сэки öти луно куліс на пиысь кызь куим сюрс морт. ⁹ Энö дöзмöдöй Кростосöс, кызди дöзмöдісны кодсюрö миян батьяс пöвстысь, сэсса найö кулісны змейяс помысь. ¹⁰ Энö шуасьöй, кызди шуасисны кодсюрö миян батьяс пöвстысь. Сэсса Андел-Бырöдысь виис найöс. ¹¹ Ставыс тайö вöли накöд, медым öлöдны йöзсö. Тайöс гижöма, медым велöдны миянöс, бөръя кадас олысьясöс. ¹² Сідзкö, чайтан кө, мый зумыда сулалан – видзчысь усьöмысь. ¹³ Тіянöс кө суис сьöкыдлун, тайö быд морткөд вермö лоны. Но Енмыс эскана, Сійö оз сет сьöкыдсö вынысь унджык нуны. Мöдарö, сьöкыдлун дырйи Сійö индас тіянлы петан туй, да ті венанныд сьöкыдсö. ¹⁴ Сідзкö, мусаяс, энö юрбитöй идолъяслы. ¹⁵ Ме сёрнита тіянкöд мывкыда йöзкөд моз. Öни ті асьныд мөвпалöй, мый йылысь висьтала тіянлы. ¹⁶ Ми бурсиам чашасö да чегъялам няньсö. Оз-ö тайö чашаыс йит миянöс Кростос Виркөд? Оз-ö тайö няньыс йит миянöс Кростос Вир-яйкөд? ¹⁷ Няньыс öти. Ми тшöтш öти вир-яй, öд ми ставным тайö öти няньсö сёям, көть ми унаöн. ¹⁸ Видзöдлöй Израиль войтыр вылö: найö сёйöны крамö вайöм вись. Тадзи вöчигөн оз-ö найö висьпуктанінкөд öтутчыны? ¹⁹ Сідзкö, мый көсья шуны тайөн? Гашкö, идолыс либö идоллы вайöм висьыс мыйöнкö тöдчана? ²⁰ Абу! Кор ентöдтöмъяс вайöны вись, найö вайöны пез ловъяслы, а оз Енлы. Но ме ог көсйы, медым ті öтутчинныд пез ловъяскöд. ²¹ Ті онö вермöй öтпырйö юны Господьлөн чашаысь да пез ловъяслөн чашаысь. Ті онö вермöй öтпырйö сёйны Господькөд да пез ловъяскöд. ²² Гашкö, Господьöс көсьям дöзмöдны? Ми öмöй вынаджыкөсь Сыысь? ²³ «Меным ставсö позьö», но абу ставыс бур вылö. «Меным ставсö позьö», но оз ставыс велöд бур вылö. ²⁴ Энö тöждысьöй сöмын ас вöснаныд, быдөн тöждысьöй вöчны бурсö мөд мортлы. ²⁵ Ті кө ньöбанныд вузасьысьлысь яй, сёйöй сійöс повтöг. Нинöм энö юасьöй, медым тіян сьöлöмныд эз мыжды тіянöс. ²⁶ Öд муыс, и ставыс, мый эм сы вылын – Господьлөн. ²⁷ Эскытöмъяс пиысь кө кодкө корас тіянöс, да ті мунанныд сы ордö, сёйöй сэні ставсö. Нинöм энö юасьöй сёяныс йылысь, медым тіян сьöлöмныд эз мыжды тіянöс. ²⁸ Но висьталасны кө тіянлы: «Тайö сёянсö вöли вайöма идоллы вись пыдди», сэки энö сёйöй тайö сёянсö висьталысьыс

вöсна, медым сылөн сьöлöмыс эз мыжды сійöс. Öд муыс, и ставыс, мый эм сы вылын – Господьлөн. ²⁹ Ме сёрнита ог тіян, а мөд мортлөн сьöлöм мыждöм йылысь. Ме нинöмөн абу көртасьöма, сідзкö, мөд мортлөн сьöлöмыс оз вермы мыждыны менö. ³⁰ Ме кө аттьöала Енсö, сідзкö, мыйла менö мыждынысö, öд ме аттьöала Енсö сёянысь? ³¹ Та вöсна сёянын-д-ö, юанныд-ö али нöшта мыйкö вöчанныд – ставсö вöчöй Енмöс ошкөм могысь. ³² Энö лоöй крукөдөн некодлы: ни юдейяслы, ни грекъяслы, ни Енлөн Вичколы. ³³ Олöй ме моз, öд ме быдторйын зіля шогмыны быдөнлы. Ме ог тöждысь ас вöсна, а тöждыся мукöдыс вöсна, мед найö мездмисны.

11 Видзöдöй ме вылö, öд ме видзöда Кростос вылö. ² Вокъяс, ошка тіянöс, öд ті нинöм абу вунöдöмныд менам висьтавлöмысь. Ті ставсö вöчанныд менам велöдöм серти. ³ Көсья, мед ті тöдінныд, мый быд верöслы юрыс – Кростос, гöтырлы юрыс – верös, а Кростослы юрыс – Ен. ⁴ Айлов кө кевмысьö либö пророкалö юрсö вевттьöмөн, сійö асьыс юрсö янөдö. ⁵ Ань кө кевмысьö либö пророкалö юрсö вевттьытöг, сійö тшöтш асьыс юрсö янөдö. Öд сійö нинöмөн оз торъяв куш юра анысь. ⁶ Та вöсна ань кө оз вевттьы асьыс юрсö, мед шырсьö. А яндзим кө сылы лоны шырöмаөн либö куш юраөн, мед вевттьысьö. ⁷ Айловлы оз ков вевттьыны юрсö. Öд сійö Енлөн пертасыс. Сійö Енмыслы ошкөм вайö, а гöтыр – верöслы. ⁸ Эз айлов артмы аньсянь, но ань – айловсянь. ⁹ Абу айловсö вöчöма анылы, но аньöс – айловлы. ¹⁰ Та вöсна анылы колö вевттьыны юрсö. Тайö лоö пасөн, мый сы вылын эм ыджыдалан вын, медым тöдісны та йылысь анделъяс. ¹¹ Но Господь пытшкын айлов оз вермы лоны аньтöг, и ань – айловтöг. ¹² Öд ань артмис айловсянь, айлов чужö аньсянь, но ставыс Енсянь. ¹³ Асьныд мөвпыштлиöй, бур-ö тайö, ань кө кевмысьö Енмыслы юрсö вевттьытöг? ¹⁴ Оз öмöй олöмыс петкөдлы, мый айловсö кузь юрсиыс янөдö, ¹⁵ а аньöс – мичмөдö. Öд юрсисö анылы сетöма вевттьöд пыдди. ¹⁶ Көсйö кө кодкө вензыны та йылысь, сылы тадзи шуа: ни миянын, ни Енлөн мукөд вичкоясын мөд нога велöдöмыс абу. ¹⁷ Таысь кызди нöшта шуа тіянлы: меным нинöмысь тіянöс ошкынысö, öд тіян чукöртчöмныд бурыс дорысь унджык лёксö вайö. ¹⁸ Öти-кө, ме кывлі, мый вичкө чукöртчигөн тіян костын овлöны вензьöмъяс. Ме мыйтакö эска татчö. ¹⁹ Дерт, тіян костын коланаöсь торъя мөвпалöмъясыс, медым тöдмавны, коді тіян пиысь шогмана Енмыслы. ²⁰ Но кор ті чукöртчанныд öтвыв сёйны, тайöс оз позь шуны Господьлөн рытйöмөн. ²¹ Öд быдөн тіян пиысь тэрмасьö сёйны асьыс сёянсö. Тадзи кодкө тшыгйөн кольö, а кодкө

коддзёма нин. ²² Тi өмөй онө вермөй гортаныд сөйны-юнысө? Мыйла нө нинөм туйө пуктанныд Енлыс Вичкосө да увтыртанныд гөльясөс? Мый меным шуны тiянлы? Гашкө, ошкыны тiянөс? Ог кут! ²³ Ме висътавлi нин тiянлы, мый Ачыс Господь меным висъталiс. Господь Исус, Сiйөс вузалан войө, босътiс нянь, ²⁴ Енмөс аттьөалөмөн чегис няньсө да шуис: «Босътой, сөйөй, тайө Менам Яй, чегъялома тiян вöсна. Вөчөй тайөс Менө казътывлөм могысь». ²⁵ Сөйөм бөрас босътiс тшөтш чаша да шуис: «Тайө чашаыс – Виль Йитөд, көрталөма Менам Вирөн. Быдпөрийө, тайө чашасыс юигөн, казътывлөй Менө». ²⁶ Тадзи быдпөрийө, сөянныд-ө тайө няньсө, юанныд-ө тайө чашасыс, тi висътавланныд Господьлөн кулөм йылысь, кытчөдз оз лок Сiйө. ²⁷ Сiдзкө, кодi шогмытөма сөйө Господьлысь няньсө да юө Сылөн чашаысь, сiйө Господьлөн Яйлы да Вирлы паныд мыж вөчө. ²⁸ Та вöсна, быдөн мед асьсө тöдмалө, сэсся сөйө тайө няньсө да юө тайө чашасыс. ²⁹ Öд мортыс кө сөйө да юө шогмытөма, Господьлөн Вир-яй йылысь мөвпавтөг, тайөс сiйө вөчө асьсө мыждөм вылө. ³⁰ Та вöсна унаөн тiян пөвстысь жебөсь, унаөн висъөны да унаөн нин кулiсны. ³¹ Ми кө водзвыв тöдмалам асьнымөс, сэки Господь оз кут мыждыны миянөс. ³² А мыждө кө, миянөс бур вылө велөдө, медым тайө муюгыдсаыскөд öтвыв эгө веськалөй мыждөм улө. ³³ Та вöсна вокъяс, кор тi чукөртчанныд сөйны, виччысьөй öта-мөднытө. ³⁴ А тшыг кө кодкө, мед гортас сөйө, сэки тiян чукөртчөмныд оз ло мыждөм вылө. Мукөдторсө висътала тiянө локтөм бөрын.

12 Вокъяс, көсья, мед тi тöдiнныд Ловсянь сетөмторъяс йылысь. ² Кор тi вөлинныд ентөдтөмъясөн на, тiянөс өна кыкис сёрниттөм идольяс дiнө. Тi асьныд тöданныд та йылысь. ³ Та вöсна висътала тiянлы: морт пыткас кө эм Енлөн Лолыс, сiйө некор оз кут ёрны Исусөс. И мөдарө, некод оз вермы шуны Исусөс Господьөн, абу кө сы пыткаын Вежа Лов. ⁴ Сетөмторйыс унапөлөс, но Лолыс öти. ⁵ Кесъялөмыс унапөлөс, но Господь öти. ⁶ Вөчанногыс унапөлөс, но быдөн пыткаын ставсө вөчө öти Ен. ⁷ Сiйө сетө Ловлы быдөн пыр петкөдчыны ас ногыс, öта-мөдлы бур вылө. ⁸ Öтилы Лолыс сетө мывкыд кывъяс, мөдлы – тöдөмлун, мед юксыны мукөдкөд, ⁹ кодлыкө Лолыс сетө эскөм, кодлыкө – сямлун бурдөдны. ¹⁰ Мукөдыслы Лолыс сетө вын вөчны шензьөданаторъяс, кодлыкө – пророкавын, кодлыкө – сямлун тöдмавын быдпөлөс ловсө. Мукөдыслы Лолыс сетө сямлун сёрнитны мукөд кывъяс вылын, а кодлыкө – гөгөрвоөдны тайө сёрнисө. ¹¹ Ставсө тайөс вөчө öти Лов. Ас көсiйөм сертиыс Сiйө быдөнлы торйөн юклө тайө сетөмторъяссө. ¹² Босътны кө мортлысь вир-яйсө, сiйө артмөма уна юкөнысь, но öтвылысь

найө артмөдөны öти вир-яй. Тайөс позьө шуны тшөтш Кростос йылысь. ¹³ Öд ми: юдейяс и грекъяс, кесiйөгъяс и мездлуна йөз – ставным пыртчим öти Лов отсөгөн öти вир-яйө, ставным юим öти Ловсянь. ¹⁴ Мортлөн вир-яйыс артмөма уна юкөнысь, абу öтиысь. ¹⁵ Шуас кө кок: «Ме абу ки, сiдзкө, ме абу вир-яйлөн юкөн». Сiйө өмөй абу тайө вир-яйлөн юкөныс? ¹⁶ Шуас кө пель: «Ме абу син, сiдзкө, ме абу вир-яйлөн юкөн». Сiйө өмөй абу тайө вир-яйлөн юкөныс? ¹⁷ Вир-яйлөн кө эм сөмын син, сэки мыйөн кутас кывзыны? Вир-яйлөн кө эм сөмын пель, сэки мыйөн кутас исавны? ¹⁸ Но Енмыс Ас көсiйөм сертиыс быд юкөн пуктiс вир-яяс коланаинө. ¹⁹ Öд быд юкөн кө вөли сөмын öтипөлөс, сэки эськө вир-яйыс эз артмы. ²⁰ Та вöсна юкөныс уна, а вир-яйыс öти. ²¹ Син оз вермы шуны килы: «Тэ меным ковтөм». Юр оз вермы шуны коклы: «Тэ меным ковтөм». ²² Мөдарө, вир-яйлөн жебджык юкөнъясыс өнджыка на коланаөсь. ²³ Вир-яйлысь öткымын юкөнсө ми огө өна донъялөй, но найөс бура вевттыам. ²⁴ Ми зiлям бура вевттыны миянөс янөдысь юкөнъяссө, а мичаджык юкөныслы вевттьөдыс абу колана. Но Енмыс вир-яйсө тадзи лөсьөдөма: Сiйө өнджыка на донъялө сiйө юкөнсө, кодөс ми огө өна донъялөй, ²⁵ медым вир-яй пыткаын эз вөвны вензьөмъяс. Сэки быд юкөн кутас öтмоза төждысьны öта-мөд вöснаыс. ²⁶ Та вöсна, сьөкыдалө кө вир-яйлөн öти юкөн, сикөд тшөтш сьөкыдалө мукөд юкөныс. Но ошкөны кө вир-яйлысь öти юкөн, сикөд тшөтш нимкодьясь мукөд юкөныс. ²⁷ Öтвылысь тi лоанныд Кростослөн вир-яйөн, а торйөнсө – Сылөн юкөнъясөн. ²⁸ Вичкоын Енмыс медводз сувтөдiс апостольясөс, сэсся пророкъясөс, сэсся велөдысьясөс. Мукөдыслы Енмыс сетiс вын вөчны шензьөданаторъяс, мукөдыслы – сямлун бурдөдны, кодлыкө – отсасыны йөзыслы, кодлыкө – веськөдлыны, а кодлыкө – сёрнитны мукөд кывъяс вылын. ²⁹ Гашкө, ми быдөн апостол? Гашкө, быдөн пророк либө велөдысь? Гашкө, быдөн вөчам шензьөданаторъяс? ³⁰ Гашкө, быдөн вермам бурдөдны? Гашкө, быдөн сёрнитам мукөд кывъяс вылын да вермам сiйөс гөгөрвоөдны? ³¹ Сiдзкө, зiльөй босътны Ловсянь медбур сетөмторсө. Öни ме петкөдла тiянлы медбур туйсө.

13 Ме кө сёрнита морт кывiйөн, весиг анделъяслөн кывiйөн, а муслуныс кө ме пыткаын абу, сiдзкө, ме троньгысь ыргөн да брунгысь жыннан. ² Ме кө пророкала да тöда став гусяторсө, менам кө эм быдпөлөс тöдөмлун да зумыд эскөм, верма весиг керөсьяс вештавын, а муслуныс кө ме пыткаын абу, сiдзкө, ме нинөм. ³ Ме кө разöда став асьсым эмбурөс да сета асьсым вир-яйөс сотны, а муслуныс кө ме пыткаын абу,

тайö меным нинöм оз сет. ⁴ Муслуныс дыр терпитö, мелі сьölöма, оз вежав, оз ошйысь, оз вылö кыпöдчы, ⁵ оз вöч шогмытöма, аслыс нинöм оз курав, оз дöзмы, оз казтыв лёксö, ⁶ оз нимкодясь лёкыслы, нимкодясьö збыльыслы. ⁷ Муслуныс ставсö вевттьö, быд кадö эскö да лача кутö, ставсö венö. ⁸ Муслуныс некор оз бырлы. Пророкъяс дугдасны висьтавлыны, йöзыс дугдасны сёрнитны мукöд кывъяс вылын, и тöдöмлуныс бырö, ⁹ öд миян тöдöмлуныс абу тырвийö, пророкалöмыс тшöтш абу тырвийö. ¹⁰ Но тырвийöлуныс воас да, сэки ставыс, мый абу тырвийö, бырас. ¹¹ Ичöт дырйи ме сёрниті, вежөрті да мөвпалі кага моз. А верстямми да, коли ассыам кага оласногöс. ¹² Öні ми аддзам Енсö ылöсас, чусмöм рөмпöштанысь моз, а бöрыннас воча синмөн аддзысям Енмыскöд. Öні сöмын мыйтакö тöда Енмыс йылысь, а бöрыннас кута тырвийö тöдны Сы йылысь, кызди Енмыс тырвийö тöдö ме йылысь. ¹³ Öні кольö куимтор: эскöм, лача да муслун. Но муслуныс на пиысь медыджыд.

14 Зильöй кутчысьны муслунас, тöждысьöй босьтны Ловсянь сетöмторъяссö, торйөн нин, медым верминныд пророкавны. ² Коді сёрнитö мукöд кывъяс вылын, сійö сёрнитö Енмыскöд, а оз йöзкöд. Сійöс некод оз гөгөрво, öд сійö висьтавлö гусяторсö Лов вынөн. ³ А пророкалысь висьтавлö йöзыслы. Сійö ёнмöдö, ышöдö да бурöдö найöс. ⁴ Мукöд кывъяс вылын сёрнитысь ёнмöдö сöмын асьсö, а пророкалысь ёнмöдö вичкосö. ⁵ Ме кöсья, медым ті быдөн сёрнитінныд мукöд кывъяс вылын. Но вöлі эськö бурджык, ті кö пророкалінныд. Öд пророкалысь ыджыдджык мукöд кывъяс вылын сёрнитысь дорысь. Но мукöд кывъяс вылын сёрнитысь кö вермö гөгөрвоöдны ассыс висьталöмсö, и тайö ёнмöдö вичкосö, сэки сійö оз ло ичöтджык пророкалысь дорысь. ⁶ Вокъяс, ме кö локта тiян дiнö да кута сёрнитны мукöд кывъяс вылын, но ог вай тiянлы Енсянь восьтöм да тöдöмлун, ог пророкав да велöд тiянöс, – тайö нинöм оз сет тiянлы. ⁷ Шуам, босьтны кö ворсанторъяс: пöлян либö арфа, да налөн ворсiгөн кö кылö öткодь шы, сэки вермам-ö тöдмавны, мыйөн ворсöны? ⁸ А труба кö сетö гөгөрвотöм шы, сэки кодi дасьтысяс тыш кезлö? ⁹ Тадзи артмö тшöтш тiянкöд: ті кö кутанныд сёрнитны гөгөрвотöм кывйөн, сэки кодi гөгөрвоас тiянöс? Тiян сёрниныд лöө весьшөрö. ¹⁰ Му вылас сёрнитöны унапöлөс кывйөн, но быд кыв позьö гөгөрвоны. ¹¹ А ме кö ог гөгөрво сёрнитысьлысь висьталöмсö, сэки ме сылы локтысь морт кодь, сійö меным тшöтш. ¹² Тi ёна кöсьяанныд босьтны Ловсянь сетöмторъяс, сiдзкö, тöждысьöй унджык босьтны сетöмторсö, медым найö ёнмöдiсны

вичко. ¹³ Та вöсна мукöд кывъяс вылын сёрнитысьлы колö кевмысьны, медым сійö вермис гөгөрвоöдны ассыс висьталöмсö. ¹⁴ Öд ме кö кевмыся мукöд кывйөн, сэки кевмысьö сöмын лолöй, а вежөрöй нинöм оз гөгөрво. ¹⁵ Сiдзкö, мый меным вöчны? Кута кевмысьны лолөн, кута кевмысьны тшöтш вежөрөн. Кута сьывны лолөн, кута сьывны тшöтш вежөрөн. ¹⁶ Тэ кö кутан ошкыны Енсö сöмын ловнад, сэки орччөн сулалысь морт гөгөрвотöгыс вермас öмöй шуны "аминь" тэнад ошкөм вылö? Öд сійö оз гөгөрво тэнсьыд висьталöмтö. ¹⁷ Гашкö, тэ бура ошкан, но мöд мортлы тайö нинöм оз сет. ¹⁸ Ошка Енмöс, ме быдөн дорысь на ёнджыка сёрнита мукöд кывъяс вылын. ¹⁹ Но мукöдсö туйдöдöм могысь бурджык лöө, шуа кö вичкоын вит гөгөрвоана кыв уна сюрс гөгөрвотöм кыв дорысь. ²⁰ Вокъяс, энö мөвпалöй челядь моз, мөвпалöй верстьö моз. Но лёксö вöчны лöй кага кодьöсь. ²¹ Индöдас гижöма: – Кута сёрнитны тайö войтырыскöд мукöд кывъяс вылын, кута висьтавны налы локтысь йöз вомөн, но весиг сэки найö оз кывзыны Менö. Тадзи висьталö Господь. ²² Сiдзкö, мукöд кывъяс вылын сёрнитöмыс – тайö эскытöмъяслы пас, абу эскысьяслы. А пророкалöмыс – эскысьяслы пас, абу эскытöмъяслы. ²³ Тi кö ставныд öтвыв чукöртчанныд вичкоö, да быдөн кутас сёрнитны мукöд кывъяс вылын, и сэтчö пырасны тöдтöм йöз да эскытöмъяс, сэки найö шуасны, ті пö йöйталанныд. ²⁴ Но ті кö быдөн пророкаланныд, да пырас тiян дiнö эскытöм либö тöдтöм морт, сэки Енмыс быдөн пыр янöдас да мыждас сійöс, ²⁵ сэки сылөн гуся мөвпъясыс воссясны. Тайö мортыс кымынь уськöдчöмөн копыртчылас Енлы да шуас: «Енмыс збыльысь тiянкöд!» ²⁶ Вокъяс, мый нöшта шуны тiянлы? Öтлаö чукöртчигөн быдөн тiян пиысь вермö вöчны мыйкö: кодкö сьылö, кодкö велöдö, кодлөнкö эм Енсянь восьтöм, кодкö сёрнитö мукöд кывъяс вылын, кодкö гөгөрвоöдö сійöс. Но ставыс мед лöө вичко ёнмöдöм могысь. ²⁷ Эмöсь кö тiян пöвстын мукöд кывъяс вылын сёрнитысьяс, мед сёрнитöны кыкөн либö уна вылö куимөн. Найö мед сёрнитöны сьöрсьөн-бöрсьөн, а кодкö мед гөгөрвоöдö налысь сёрнисö. ²⁸ Абу кö гөгөрвоöдысьыс, сiдзкö, вичкоын мукöд кывъяс вылын мед оз сёрнитны, а сёрнитöны ас кезас да Енмыскöд. ²⁹ Пророкъяс пиысь мед тшöтш висьтавлöны кыкөн либö куимөн, а мукöдыс мед донъялöны налысь висьталöмсö. ³⁰ Пукалысьяс пöвстысь кö кодлыкö лöө Енсянь восьтöм, сэки воддза висьталысьыс мед дугдас сёрнитнысьö. ³¹ Тi быдөн верманныд пророкавны сьöрсьөн-бöрсьөн, медым быдөнöс мыйкö велöдны-ышöдны. ³² Пророкъяс вермöны веськöдлыны Ловсянь сетöм

сёрнинас. ³³ Ӧд Енмыс абу торкалысь Ен, Сійӧ – лӧньлунсӧ сетысь Ен. Ен войтырлӧн вичкоясын тадзи лӧсьӧдӧма: ³⁴ вичкоӧ чукӧртчигӧн аньясныд мед чӧла пукалӧны, налы оз позь сёрнитны. Ӧд Индӧдыс велӧдӧ найӧс кывзысьны. ³⁵ Найӧ кӧ кӧсйӧны тӧдмавны мыйкӧ, та йылысь мед юалӧны гортаныс асланыс верӧслысь. Ӧд аньяслы абу лӧсьыд вичкоын сёрнитны. ³⁶ Гашкӧ, чайтанныд, Енлӧн Кывйыс тиянсянь петис? Гашкӧ, сӧмын тиянӧдз воис? ³⁷ Коді лыддӧ асьсӧ пророкӧн либӧ Лов серти олысьӧн, сійӧ мед тӧдӧ, мый тайӧ велӧдӧмыс – Енлӧн тшӧктӧм. ³⁸ Коді оз кӧсйы гӧгӧрвоны тайӧс, мед оз гӧгӧрво. ³⁹ Вокъяс, тӧждысьӧй, медым ті верминныд пророкавны, но энӧ ӧлӧдӧй мукӧд кывъяс вылын сёрнитӧмысь. ⁴⁰ Ӧд ставсӧ колӧ вӧчны буре да колана ногӧн.

15 Вокъяс, ӧні казътышта тиянлы Евангелльӧ йылысь, кодӧс висътавлі нин тиянлы. Ті сибӧдінныд сійӧс да зумыда кутчысянныд сэтчӧ. ² Тайӧ Евангелльӧыс пыр ті мездманныд, кутанныд кӧ зумыда кутчысьны менам висътавлӧмӧ. Онӧ кӧ, тиян эскӧмныд весьшӧрӧ. ³ Ме висътавлі тиянлы медколанаторсӧ, мый ачым босъті сӧлӧмӧ: Гижӧдыс серти Крестос куліс миян мыжъяс вӧсна. ⁴ Сійӧс вӧлі гуалӧма, но коймӧд луннас Енмыс ловзӧдіс Сійӧс. Тадзи висъталӧма Гижӧдас. ⁵ Сійӧ петкӧдчис Кифалы, сӧсся дас кык велӧдчысьыслы, ⁶ сӧсся ӧтпырйӧ петкӧдчис витсёысь унджык воклы. На пиысь унджыкыс ловъяӧсь на, ӧткымынӧн мӧдар югыдас нин вуджисны. ⁷ Та бӧрти Исус петкӧдчис Яковлы, сӧсся став апостолыслы. ⁸ Медбӧрти петкӧдчис меным, апостолъяс пиысь медічӧтыслы. ⁹ Ӧд на пӧвстын ме медшогмытӧмыс. Ме ог шогмы весиг шусыны апостолӧн, Енлысь Вичкосӧ вӧтлі да. ¹⁰ Но Енлӧн буралӧмыс вӧсна ме сэтшӧм, кутшӧм эм. Сылӧн буралӧмыс ме дінӧ эз вӧв весьшӧрӧ, ӧд ме уджалі мукӧд апостол дорысь ёнджыка на. Дерт, ме эг ачым уджав, а ме пытшкын олысь Енлӧн буралӧмыс уджаліс. ¹¹ Та вӧсна оз ков торйӧдны, коді висътавлӧ тиянлы юӧрсӧ: ме либӧ найӧ, ӧд ми быдӧн ӧти юӧр висътавлам. И тайӧ юӧрас ті эскинныд. ¹² Ми висътавлам ловзӧм Крестос йылысь. Сідзкӧ, мыйла тиян пиысь ӧткымынӧн шуӧны, кулӧмаяс пӧ оз ловзъыны? ¹³ Ӧд кулӧмаяс кӧ оз ловзъыны, сідзкӧ, Крестос тшӧтш эз ловзъы. ¹⁴ Крестос кӧ эз ловзъы, сідзкӧ, миян висътавлӧмыс весьшӧрӧ, и тиян эскӧмныд тшӧтш весьшӧрӧ. ¹⁵ Сідзкӧ, ми лоам Ен йылысь ылӧгсӧ висъталысьясӧн, ӧд ми висътавлам, мый Енмыс ловзӧдіс Крестосӧс. Но ті кӧ шуанныд, кулӧмаяс пӧ оз ловзъыны, сідзкӧ, Енмыс эз ловзӧд Крестосӧс. ¹⁶ Ӧд кулӧмаяс кӧ оз ловзъыны, сідзкӧ, Крестос тшӧтш эз ловзъы. ¹⁷ Но Крестос кӧ эз ловзъы, сідзкӧ, ті эсканныд весьшӧрӧ, и тиян

мыжъясныд пыр на тиян вылын. ¹⁸ Сідзкӧ, Крестослы эскысьяс, кодъяс кулісны нин, пыр кезлӧ вошисны. ¹⁹ Ми кӧ Крестос вылӧ лача кутам сӧмын тайӧ муывса олӧмас, сідзкӧ, ми став йӧзсыс на коньӧрӧсь. ²⁰ Но Крестос ловзис кулӧмысь, Сійӧ медводдзаӧн ловзис кулӧмаяс пӧвстысь. ²¹ Кулӧмыс мортсянь лоис, кулӧмысь ловзӧмыс тшӧтш мортсянь лоис. ²² Адамсянь лоис став йӧзлы кулӧмыс, Крестоссянь лоӧ став йӧзлы ловзӧмыс. ²³ Но быдӧн ас кадӧ ловзяс: медводз ловзис Крестос, сӧсся Сылӧн локтигас ловзясны Крестослӧн войтырыс. ²⁴ Кор Крестос бырӧдас быдпӧлӧс ыджыдалысьясӧс, веськӧдлысьясӧс да вынаясӧс, сӧки Ассыс ыджыдалан вынсӧ сетас Ен Батьыслы. Та бӧрти лоӧ пом. ²⁵ Ӧд Енмыс шуис ыджыдавны Крестослы сэтчӧдз, кытчӧдз Енмыс оз пукты Сы кок улӧ став паньид мунысьсӧ. ²⁶ Медбӧръя паньид мунысьыс – кулӧм, и сійӧс лоӧ бырӧдӧма. ²⁷ Ӧд «Енмыс ставсӧ пуктіс Сы кок улӧ». Кӧть шуӧма "ставсӧ пуктіс", но Ачыс Енмыс оз пыр тайӧ "став" лыдас. Ӧд Ачыс Сійӧ ставсӧ пуктіс Крестос кок улӧ. ²⁸ Кор Енмыс ставсӧ сетас Крестос кипод улӧ, сӧки Ачыс Пиыс сетас Ассыс ыджыдалан вынсӧ Енмыслы, коді ставсӧ пуктіс Сы кок улӧ. Тадзи Енмыс кутас ыджыдавны быдӧн вылын да быдлаын. ²⁹ Мыйла йӧзыс кулӧмаяс пыдди пыртчӧны? Ӧд кулӧмаяс кӧ оз ловзъыны, сідзкӧ, мыйла на пыдди пыртчынысӧ? ³⁰ Сідзкӧ, мыйла быд кадӧ ми паньидасям кулӧмыскӧд? ³¹ Вокъяс, ме быд лун кулан выйын – тайӧ збыль, кызди збыль и сійӧ, мый ме ошйыся тиянӧн Исус Крестос Господьным водзын. ³² Ме кӧ мӧвпалі тайӧ муывса йӧзыс моз, Ефес карын эськӧ эг кут тышкасьны зверьяскӧд, ӧд тайӧ меным нинӧм оз сет. Кулӧмаяс кӧ оз ловзъыны, сідзкӧ, «кутам сёйны-юны, ӧд аски кулам!» ³³ Видзчысьӧй, мед некод оз ылӧдлы тиянӧс! «Ӧд лёк оласногаяс тшыкӧдӧны бур оласногаӧс». ³⁴ Пальӧдчӧй да олӧй бур ногӧн, дугдӧй вӧчны мыжсӧ! Ӧд ӧткымынӧн тиян пӧвстысь оз тӧдны Енсӧ, ме шуа тайӧс тиянӧс янӧдӧм могысь. ³⁵ Кодкӧ вермас юавны: кызди нӧ ловзяс кулӧм мортис? Кутшӧм лоӧ сылӧн вир-яйыс? ³⁶ Вежӧртӧмӧй! Кӧйдысыс кӧ оз кув, сӧки нинӧм оз ловзъы. ³⁷ Кӧдзигад тэ он асьсӧ быдтассӧ кӧдз, а сӧмын кӧйдыссӧ. Тайӧ вермас лоны шобдӧлӧн либӧ кутшӧмкӧ мӧд быдмӧглӧн кӧйдыс. ³⁸ Сӧсся Енмыс Ас кӧсйӧм сертиыс сетӧ тайӧ кӧйдысыслы аслыспӧлӧс паськӧм. Быдпӧлӧс кӧйдыслы Сійӧ сетӧ аслыспӧлӧс паськӧм. ³⁹ Быд ловъя олысьлӧн аслыспӧлӧс вир-яй. Шуам, мортлӧн вир-яйыс торъялӧ пемӧсысь, черилӧн – лэбачысь. ⁴⁰ Эмӧсь енӧжывсаторъяс, эмӧсь и муывсаторъяс, но налӧн вир-яйыс торъялӧ ӧта-мӧдсыныс. Енӧжывсалӧн дзирдлуныс ӧтипӧлӧс, а

муывсалон – мөдпөлөс. ⁴¹ Шондi öти ногон дзирдалö, тöлысь да кодзувъяс – мөд ногон, но быд кодзув ас ногыс дзирдалö. ⁴² Тадзи артмö тшöтш кулöмаяслон ловзигон: гуавсьö сiсьмана вир-яй, ловзьö сiсьмытöм. ⁴³ Гуавсьö мисьтöм вир-яй, ловзьö дзирдалана, гуавсьö жеб вир-яй, ловзьö вына вир-яй. ⁴⁴ Гуавсьö муывса вир-яй, ловзьö енэжвывса. Эм кö муывса вир-яй, эм и енэжвывса. ⁴⁵ Гижöдыс висьталö: «Медводдза мортыс, Адам, лоис ловъя олысьон», а мөд Адамыс лоис олöмсö сетысь Лолон. ⁴⁶ Медводдза олысьыс вöли муывса, эз енэжвывса, сэсся енэжвывсаыс локтiс. ⁴⁷ Медводдза мортыс вöли муывса, сiйöс вöли муысь вöчöма. Мөд мортыс – Господь, кодi локтiс енэжсянь. ⁴⁸ Сiдзкö, муывса олысьяс öткодъöсь муысь вöчöмторйыскöд. А енэжвывса олысьяс öткодъöсь енэжсянь Локтысьыскöд. ⁴⁹ Öни ми öткодъöсь муысь вöчöмторйыскöд, коркö лоам öткодъöсь енэжсянь Локтысьыскöд. ⁵⁰ Вокъяс, кöсья висьтавны тiянлы, мый тайö муывса вир-яйлы оз вичмы Енлон Юраланiныс, öд тайö вир-яйыс сiсьмана. ⁵¹ Висьтала тiянлы гусятор: ми огö ставным кулöй, но ставным вежсям. ⁵² Тайö лоö зэв öдйö, син лапнитiгкостi, трубалон бөръя букöстiгон. Труба букöстас, и кулöмаяс ловзясны сiсьмытöмön, а ми – вежсям. ⁵³ Öд тайö сiсьмана вир-яйлы колö вежсьыны сiсьмытöмö, да кулана вир-яйлы – кувлытöмö. ⁵⁴ Кор тайö сiсьмана вир-яйыс вежсяс сiсьмытöмö да кулана вир-яйыс – кувлытöмö, сэки инасны Гижöдысь кывъясыс: – Кулöмсö бырöдöма, вермöма пыр кeжлö! ⁵⁵ Кулöм, кöни тэнад чушканыд? Ад, кöни тэнад вермöмыд?

⁵⁶ Кулöмыслон чушканыс – мыж, а вынсö мыжыслы сетö Индöд. ⁵⁷ Ошкөм Енлы! Миян Господь Исус Кростос пыр Сiйö сетö миянлы вермöм! ⁵⁸ Муса вокъяс, сулалöй зумыда да вөрзъывтөг. Быд кадö кeсьялöй Господьлы сьöлöмсянныд. Тöдöй, мый тi кeсьяланныд Господьлы онö весьшөрö.

16 Öни сёрнитышта вежа войтырлы сьöм чукöртöм йылысь. Та йылысь ме висьтавлi нин галатияса вичкоясын. Сiдзкö, вöчöй менам висьталöм серти: ² вежонса медводдза луно быдөн торйöдöй сьöмнытö мыйта верманныд да видзöй

сiйöс ас орданыд. Сэки менам локтiгкежлö тiян лоö чукöртöма нин. ³ Бөрйöй ас пöвстсьыныд некымын мортöс. Кор воа тiянö, сета налы эскöдан гижöд да мөдöда найöс Ерусалимö, медым нуны сэтчö чукöртöм сьöмнытö. ⁴ Ковмас кö аслым сэтчö муннысö, накöд тшöтш муна. ⁵ Македония кытшовтöм бöрын локта тiян дiнö, öд ме бöрсö кöсья локны Македония пыр. ⁶ Гашкö, мыйтакö олышта тiян дiнын, гашкö, тövъя весиг. Сэсся водзö менö мөдöданныд. ⁷ Ме ог кöсйы адзöдчывны тiянкöд сöмын мунiгмоз. Ен кö сетас, кöсья дырджык олыштны тiян дiнын. ⁸ Ефес карö ме кольчча Ветымынöд лунöдз. ⁹ Öд Енмыс меным паськыда востьтiс öдзöсьяс уджавны. Дерт, паныд мунысьыс уна жö. ¹⁰ Локтас кö тiян дiнö Тимофей, тöждысьöй сы вöсна, медым сылы нинöмысь эз ковмы майшасьны, öд сiйö ме моз кeсьялö Господьлы. ¹¹ Энö увтыртöй сiйöс! Отсалöй сылы лөнъ сьöлöмön бөр локны ме дiнö. Танi мукöд вокъяскöд ме виччыся сiйöс. ¹² Ме ёна кори Аполос вокöс, медым вокъяскöд тшöтш мунiс тiян дiнö, но öни оз на кöсйы. Вермыны кутас да, локтас. ¹³ Лоöй дасьöсь да зумыда эскöй! Лоöй вынаöсь да повтöмöсь! ¹⁴ Ставсö вöчöй мусапырысь! ¹⁵ Вокъяс, тi тöданныд, мый Степан да сьлөн гортсаыс лоины Акайяын медводдза эскысьясөн. Найö сетiсны асьнысö кeсьявны вежа войтырлы. Кора тiянöс: ¹⁶ кывзысьöй налысь, тшöтш накöд öтвыв уджалысьяслысь да кeсьялысьяслысь. ¹⁷ Степан, Фортунат да Акаик воисны татчö. Меным зэв нимкодъ таысь, öд найö öни тiян пыдди. ¹⁸ Найö кыпöдiсны менсьым лолöс, тшöтш тiянлысь. Вылö пуктöй татшöм йöзсö! ¹⁹ Тiянлы ыстöны чолöм асияса вичкояс. Господь нимөн сьöлöмсянныс чолöмалöны тiянöс Акил, Прискилла да на ордö чукöртчысьяс. ²⁰ Тiянлы ыстöны чолöм став вокъяс. Чолöмалöй öта-мöднытö вежа окыштöмön! ²¹ Ме, Павел, аслам кион гижа тiянлы чолöмöс. ²² Кодi оз радейт Господь Исус Кростосö, сiйöс лоö ёрöма. Маран-афа. ²³ Миян Господь Исус Кростослөн буралöмыс тiянкöд. ²⁴ Менам муслунöй ставныдкöд, кодъяс Исус Кростос пытшкынöсь. Аминь.

2 Коринфö

1 Гижö Павел, Ен кöсйöм серти Исус Крестослөн апостол. Тимофей воккöд ми чолöмалам тiянöс, коринфса вичкöос, да Акайя пасьтала став вежа войтырöс. 2 Буралöм да лөнъ олöм тiянлы Ен Батьнымсянь да миян Господь Исус Крестоссянь. 3 Ошкöм Енлы, миян Господь Исус Крестослөн Батьлы. Сийö – бур сьөлöма Бать да быдторйын бурöдысь Ен! 4 Сийö бурöдö миянöс быд шог дырйи, медым ми тшöтш вермим бурöдны шогö усьöмаясöс Енсянь бурöдöмөн. 5 Ми уна нуам Крестослысь сьöкыдсö, но та дырйи ми уна и босьтам Крестоссянь бурöдöмсö. 6 Ми кö сьöкыдалам – тiянöс бурöдöм да мездмöм вылö. А мездмöмныд лоö тырвийö сэки, кор миян моз венанныд сьöкыдлунсö. 7 Та вöсна ми кутам тiян вылö зумыд лача. Енмыс кö бурöдö миянöс – тiянлы тшöтш вичмö бурöдöмыс да мездмöмыс. Ми тöдам, тi кö миян моз нуанныд сьöкыдсö, сiдзкö, миянлы моз тiянлы тшöтш вичмас бурöдöмыс. 8 Вокъяс, ми кöсьям, мед тi тöдiнныд, кутшöм сьöкыдлунъяс суисны миянöс Асияын. Миянлы вöли сэтшöм сьöкыд, эгö чайтöй весиг ловйöн кольны. 9 Асьнымöс лыддим нин кулöмаясөн, эз вöв некутшöм лача ас выланым, сöмын Ен вылö, кулöмаясöс Ловзьöдысь вылö. 10 Сийö видзис миянöс кулöмысь да водзö на видзас. Тi кö отсаланныд миянлы кевмысьöмъяснаныд, ми лача кутам, мый Енмыс нöшта на видзас. Сэки унаöн кутасны ошкыны Енсö миян дiнö буралöмысь. 12 Ми ошйысям, мый тайö муыгудас олысьяскöд, торйөн нин тiянкöд, вöлим осьсаось да веськыдось, олiм Енлысь кывзысьöмөн. Та вöсна миян сьөлöмным оз мыжды миянöс. Ми öд эгö асланым мывкыд серти олöй, миянөн веськöдлiс Енлөн буралöмыс. 13 Ми гижам тiянлы сöмын сийö, мый лыддянныд да гөгөрвоанныд. Кута лача, тi понданныд тырвийö гөгөрвоны миянöс. 14 Дерт, тi мыйтакö öнi гөгөрвоанныд нин миянöс. Сiдзкö, миян Господь Исус Крестослөн лунö ми вермам öтмоза ошйысьны öта-мöдөн. 15 Татчö зумыда эскöмөн ме водзынджык нин кöсйи волены тiян дiнö, медым Енлөн буралöмыс кыкысь вичмис тiянлы. 16 Ме öд кöсйи кежавны тiян дiнö Македонияö мунiгөн, тшöтш бöрсö локтiгөн. Сэсса тi эськö водзö мöдöдiнныд менö Юдеяö. 17 Гашкö, тадзи

мөвпалiгөн ме кокныд мывкыда вöли? Гашкö, чайтанныд, тайö кöсйöмыс менам асьянь вöли? Гашкö, менам öтпырйö артмö "сiдз" и "абу сiдз"? 18 Ен тöдö, мый тайö збыль: ме некор эг шулы öтпырйö "сiдз" и "абу сiдз". 19 Силуанкöд да Тимофейкöд ми висьтавлiм тiянлы Ен Пи йылысь – Исус Крестос йылысь. Сийö некор эз шулы öтпырйö "сiдз" и "абу сiдз". Сы пытшкын ставыс вöли "сiдз". 20 Енлөн став кöсйысьöмыс збыльмис Исус Крестос пыр. Та вöсна Енмöс ошкöмөн ми шуам Сылы Исус Крестос пыр "Аминь". 21 Енмыс, кодi топыда йитö миянöс да тiянöс Крестос пытшкын, мавтыштiс миянöс: 22 Сийö пасйис миянöс да мöдöдiс миян пытшкö Асьыс Ловсö, кодi эскöдö миянöс, мый Енлөн став кöсйысьöмыс збыльмас. 23 Ме висьтала тайöс Ен водзын: сöмын тiянöс жалитöм вöсна ме öнöдз эг волы Коринфö. 24 Ми огö кöсйöй веськöдлыны тiян эскöмөн, сöмын кöсьям отсавны тiянлы, мед тi верминныд нимкодьясьны. Öд ми тöдам, мый тiян эскöмныд зумыд.

2 Ме ог кöсйи бара шогöдны тiянöс. Та вöсна шуи аслым, мый öнi ог на лок тiян дiнö. 2 Öд ме кö шогöда тiянöс, кодi менö гажöдас? Оз-ö сийö, кодöс ме шогöдi. 3 Дзик та йылысь ме гижлi тiянлы, медым тiянö воа да, меным эз ковмы шогсьыны сийö йöзыс вöсна, код вöсна колö нимкодьясьны. Öд ме тöда, меным кö нимкодь, долыд тшöтш ставныдлы тiянлы. 4 Воддза гижöдсö ме гижи тiянлы ёна шогсьöмөн, сьөлöм дойөн да кыз синваөн. Ме гижи сийöс эг тiянöс шогöдöм понда, но медым тi гөгөрвоинныд, кутшöм тi мусаось меным. 5 Кодкö шогöдiс кö менö, сийö эз сöмын менö шогöд. Содтавтöг шуа, сийö шогöдiс мыйтакö тшöтш ставнытö тiянöс. 6 Сэтшöмыслы тырманан нин тiянсянь мыждöмыс. 7 Бурджык, тi кö прöститанныд да бурöданныд сийöс, медым ёна шогсьöмысла дзикöдз эз нюкыртчы. 8 Та вöсна кора тiянöс: петкöдлöй сы дiнö асьыныд муслунтö. 9 Сийö гижöдсö ме гижлi тiянлы, медым тöдмавны, быдторйын-ö тi кывзысянныд. 10 Тi кö прöститанныд кодöскö, ме тшöтш. Ме öд прöстита сийöс Крестос водзын, эм кö мыйысь прöститнысö. Ме вöча тайöс тiян вöсна, 11 медым сötана эз ылöдды миянöс, ми öд тöдам сылысь наян мөвпьяссö. 12 Кор локтi Трояда карö висьтавлыны

Кристос йылысь Бур Юёрсö, Господь вoсьтiс меным öдзöс сэнi уджавны. ¹³ Но сьöлöмöй ёна майшасис, Тит вокöс сэтись эг аддзы да. Сэки ме янсöдчи сэтчöс йöзкöд да мöдöдчи Македонияö. ¹⁴ Ошкöм Енлы! Кристос пыр Сийö быд кадö сетö мянлы вермöм да мян пыр быдлаын паськöдö Кристос йылысь чöскыд дука тöдöмлунсö. ¹⁵ Енмыслы ми – Кристослөн чöскыд дука öвтанторъяс. Тайö дуксö тöдöны мездмöмаяс и вошöмаяс. ¹⁶ Öтияслы тайö дукыс вайö кулöм, а мöдъяслы – олöм. Но кодi шогмас та вылö? ¹⁷ Мукöдыс моз ми огö висьтавлöй Енлысь Кывсö дон вылö. Ми висьтавлам сийöс Ен водзын веськыда, öд ми – Кристослөн кесьялысьяс да Енсянь мöдöдöмаяс.

3 Гашкö, мянлы выльысь тöдмасьны тiянкöд? Гашкö, мукöдыслы моз мянлы тшöтш колö вайны тiянлы эскöдан гижöдсö? Гашкö, асьныд сийöс сетанныд? ² Миян эскöдан гижöдыс – тi. Тайö гижöдсö гижöма мян сьöлöмö, сийöс тöдöны да лыддьöны став йöзыс. ³ Быдöнлы тыдалана, мый тi – Кристослөн гижöдыс. Сийöс гижöма Ен Лолөн, абу чернилаөн, гижöма морт сьöлöмö, абу шыльöдöм из вылö. Татшöм гижöднас тi лоинныд мян кесьялöм пыр. ⁴ Татшöм зумыд лача ми кутам Ен вылö Кристос пыр. ⁵ Ми лыддям, мый асьным ми нинöм вылö огö туйöй, нинöм огö сяммöй вöчнысö, но Енмыс сетö мянлы сямлунсö. ⁶ Сийö сетiс мянлы сямлун кесьявны Виль Йитöдлы, кöни веськöдлö Лов, а оз шыпаса Индöд. Öд шыпаса Индöдыс вайö кулöм, а Лолыс сетö олöм. ⁷ Индöдсö вöли гижöма шыльöдöм из вылö. Тайö Индöдсö Мöисейлы сетiгөн Енмыслөн дзирдлуныс сэтшöма югдöдiс Мöисейлысь чужöмсö, мый Израиль войтыр весиг эз вермыны видзöдны сы вылö. Но тайö дзирдлуныс вöли сöмын регыдъя. Сидзкö, кулöмö вайöдысь Индöдлы кесьялöмыс кö вöли сэтшöм дзирдалана, ⁸ сэки кымын пöв дзирдаланаджык Ловлы кесьялöмыс? ⁹ Мыждана Индöдлы кесьялöмыс кö вöли дзирдалана, сэки кымын пöв дзирдаланаджык веськыдлуныслы кесьялöмыс. ¹⁰ Та вöсна öнiя дзирдлуныс вевттьö воддзасö. ¹¹ Сидзкö, воддзаыс, быранаыс кö вöли сэтшöм дзирдалана, сэки кымын пöв дзирдаланаджык öнiяыс, бырлытöмыс! ¹² Та вылö лача кутöмөн ми сёрнитам повтöг. ¹³ Ми огö вöчöй Мöисей моз. Сийö тупкылис асьыс чужöмсö вевттьöдөн, медым Израиль войтыр эз аддзы дзирдлуныслысь бырöмсö. ¹⁴ Налөн пемдöма вежөрныс. Важ Йитöд йылысь Гижöдсö лыддигөн на вылын öнöдз куйлö тайö вевттьöдыс, öд сийöс вештö сöмын Кристос. ¹⁵ Мöисейлысь Индöдсö лыддигөн вевттьöдыс öнöдз на куйлö сьöлöм выланыс. ¹⁶ Но мортыс кö бергöдчö Господь дiнö, сэки вевттьöдыс босьтсьö. ¹⁷ Господь эм Лов. Кöни

Господьлөн Лолыс, сэнi мездлун. ¹⁸ Ми ставным чужöмнымöс вевттьöтöг видзöдам Господьлөн дзирдлун вылö да рöмпöштанысь моз аддзам Сылысь дзирдлунсö. Сы вылö видзöдöмөн ми лунысь-лун вежсям да кутам дзирдавны Сы моз жö. Татшöмнас вöчö мянöс Господьлөн Лолыс.

4 Аслас буралöмыс кузя Енмыс сетiс мянлы тайö кесьялöмсö, та вöсна ми огö öшöдöй юрнымöс. ² Ми огö вöчöй гусясö да янöданасö, огö ылöдчöй, Енлысь Кывсö висьтавлам торкавтöг. Ми вoсьсөн висьталам збыльсö да быдöнлы сетам донъявны асьнымöс Ен водзын. ³ Кодлыкö тупкыса кö мян бурьюöртöмыс, сийö тупкыса вошöмаяслы. ⁴ Найö оз эскыны, öд тайö муюгыдас ыджыдалысь омöльыс пемдöдöма налысь вежёрсö, мед найö эз аддзыны Бур Юёрлысь югыдсö, кодi вoсьтö Кристослысь дзирдлунсö, а Кристос – Енлөн пертасыс. ⁵ Ми огö ас йылысь висьтавлöй, а висьтавлам Исус Кристос йылысь, мый Сийö – Господь. Сийö мöдöдiс мянöс кесьявны тiянлы. ⁶ Енмыс, кодi тшöктiс пемыдас öзйыны югыдыслы, югдöдiс мянлысь сьöлöмнымöс, медым ми вермим аддзыны Енлысь дзирдлунсö Исус Кристос чужöмбанысь. ⁷ Тайö озырлунсö ми новлöдлам ас пытшканым, кыдзи сөй дозьясын, медым петкöдлыны, мый тайö ыджыдсьыс-ыджыд выныс Енмыслөн, а абу мян. ⁸ Миянöс быд боксянь топöдöны, но йөршитны оз вермыны. Ми шöйöвошлам, но лачанымöс огö воштöй. ⁹ Миянöс вöтлöны, но Енмыс оз эновт мянöс. Миянöс омöльтöны, но бырöдны оз вермыны. ¹⁰ Асланым вир-ййын ми пыр новлöдлам Господь Исуслысь кулöмсö, медым мян вир-ййын тыдовтчис тшöтш Сылөн олöмыс. ¹¹ Ми ловъясь, но быд кадö кулан выйынöсь Исус вöсна, медым мян кулана вир-ййын тыдовтчис Сылөн олöмыс. ¹² Тадзи кулöмыс вöчö асьыс уджсö мян пытшкын, а олöмыс – тiянын. ¹³ Гижöдыс висьталö: «Ме эски, та вöсна и висьталi». Миян пытшкын тайö жö эскан лолыс. Ми тшöтш эскам, та вöсна и висьталам. ¹⁴ Ми тöдам, мый Господь Исусöс Ловзьöдысь Исус пыр ловзьöдас тшöтш мянöс да сувтöдас тiянкöд Ас водзас. ¹⁵ Став сьöкыдсö ми нуам тiян вöсна, медым Енлөн буралöмыс содiс да вичмис уналы на. Сэки унаөн кутасны аттьöавны да ошкыны Енсö. ¹⁶ Та вöсна ми огö öшöдöй юрнымöс. Көть мян ортсысаыс, вир-ййным, сiсьмö, но пытшкөссаыс лунысь-лун выльмö. ¹⁷ Миян сьöкыдалöмыс кокныд, сöмын регыдъя, но таысь вичмас мянлы помтöм-дортöм да бырлытöм дзирдлун. ¹⁸ Ми видзöдам тыдавтöмыс вылö, огö тыдаланаыс вылö. Öд тыдавтöмыс бырлытöм, а тыдаланаыс бырана.

5 Ми тöдам: тайö муыввса чомйыс, мян вир-ййным, кö киссяс, Енмыс сетас мянлы енежас

оланін – кион вöчтöмöс, бырлытöмöс. ² Öнi ми сьöкыда ышлoлaлaм, öд ёна кöсьям овмöдчыны енэжвыв оланiнö ³ да пасьтавны выльсö. Сэки ми огö лоiй пасьтöмöсь. ⁴ Тайö вир-яй чомъяс олiгөн ми сьöкыда ышлoлaлaм, öд огö кöсьiйöй пöрччысьны, но кöсьям пасьтавны выльсö, медым олöмыс вевттис куланасö. ⁵ Дзик та вылö Енмыс дасьтiс миянöс да сетiс миянлы Ассьыс Ловсö. Тайö Лолыс эскöдö миянöс, мый Енлөн став кöсьйысьöмыс збыльмас. ⁶ Сiйөн ми пыр повтöмöсь, кöть тöдам, мый тайö вир-яяс олiгөн ми ылынöсь Господьысь. ⁷ Öд ми олам эскöмөн, огö аддзананас. ⁸ Та вöсна ми збыльысь повтöмöсь! Ми кöсьям öдйöджык петны тайö вир-яйсьыс да овмöдчыны гортö, Господь дiнö. ⁹ Та вöсна, олам-ö Сы дiнын али огö на, сьöлöмсянь зiлям шогмыны Господьлы. ¹⁰ Öд миянлы быдөнлы ковмас сувтны Крiстослөн ёрд водзö. Сэки быдөнöс лоö мыждöма уджъясыс серти: бурсö али лёксö мортыс вöчис вир-яйын олiгас. ¹¹ Ми тöдам, мый сэтшöм Господьысь полöмыс, та вöсна зiлям эскöдны тшöтш мукöдсö. Енмыслы ми восьсаöсь, чайтам, тiян сьöлöмлы тшöтш восьсаöсь. ¹² Ми огö кöсьiйöй выльысь петкöдлыны асьнымöс тiян водзын, сöмын сетам тiянлы позянлун ошйысьны миянөн, мед тi верминныд вочавидзны налы, кодi ошйысьö мыйöнкö ортсысанас, а оз пытшкöссанас. ¹³ Ми кö ас вежöрынöсь – тайö тiянлы, абу кö – Енмыслы. ¹⁴ Миянөн веськöдлö Крiстослөн муслуныс, сiйөн тадзи мöвпалам, мый öти кö кулис ставныс вöсна, сiдзкö, ставныс кулисны. ¹⁵ Крiстос кулис ставныс понда, медым олысьяс эз нин ас вöснаныс овны, но олiсны на понда Кулысь да Ловзьысь вöсна. ¹⁶ Öнiсянь ми некодöс огö донъялöй морт видзöдлас серти. Водзын кö Крiстосöс донъялiм морт видзöдлас серти, öнi огö. ¹⁷ Сiдзкö, кодi Крiстос пытшкын – сiйö выль олысь. Важыс кольöма, öнi ставыс выль. ¹⁸ Ставыс Енсянь. Исус Крiстос пыр Енмыс бурöдiс миянöс Аскöдыс да мöдöдiс миянöс висьтавлыны бурасьöмыс йылысь. ¹⁹ Исус Крiстос пыр Енмыс бурöдiс Аскöдыс став йöзсö да оз нин лыддъы найöс мыжаөн. Енмыс сетiс миянлы бурасьöмыс йылысь кывсö. ²⁰ Сiдзкö, ми – Крiстослөн мöдöдöмаяс, и Ачыс Енмыс шыасьö миян пыр йöзыс дiнö. Крiстос нимөн ми корам: бурасьöй Енмыскöд! ²¹ Крiстослөн эз вöв некутшöм мыж, но Енмыс пуктiс Сы вылö миянлысь мыжъясьнымöс, медым Сы пыр ми лоим Ен водзын веськыдөн.

6 Ми, Енкöд öтвыв уджалысьяс, корам тiянöс: сибöдöй Енлысь буралöмсö, мед сiйö эз ло весьшöрö. ² Öд Енмыс висьталö: – Ме кыли тэнö бур кадö, отсалi тэныд мездман лунö. Со öнi бур кадыс, со öнi мездман луныс. ³ Ми некодлы огö сетöй

помка шуасьны миян вылö, медым эз ло лёкöдöма кесьялöмнымöс. ⁴ Мöдарö, ми быдторйын петкöдлам асьнымöс Енлөн кесьялысьясөн: ми нуам сьöкыдсö, шогсö, дзескöдöмсö. Ми зумыдöсь, ⁵ кор миянöс нöйтöны, пуксьöдöны дзескыдiнö, вöтлöны, кор ми уджалам ныр вылö усьтöдз, видзалам, коллялам узьтöм войяс. ⁶ Ми олам сöстöма. Миян эм тöдöмлун, терпитöм, бурлун. Миянөн веськöдлö Вежа Лов да сьöлöмсянь муслун. ⁷ Ми висьталам збыльсö, ставсö вöчам Ен вынөн. Миян вермасынторным – веськыдлун. Сiйөн вермасым и водзсасым. ⁸ Ми дасьöсь сибöдны ошкöмсö и янöдöмсö, нимöдöмсö и лёкöдöмсö. Миянöс лыддъöны пöръясьысьясөн, но ми веськыда сёрнитам. ⁹ Ми огö нималöй, но миянöс ставныс тöдöны. Миянöс лыддъöны кулöмаясөн, но ми ловъяöсь. Миянöс нöйтöны, но огö кулöй. ¹⁰ Миянöс шогö вöйтöны, а ми пыр нимкодясям. Ми гöльöсь, но унаöс озырмöдам. Миян нинöм абу, но ставыс эм. ¹¹ Коринфсаяс, ми сёрнитам тiянкöд веськыда, миян сьöлöмным восьса тiянлы. ¹² Ми восьтiм тiянлы сьöлöмнымöс, но тiян сьöлöмныд тупкыса миянлы. ¹³ Ме шуа тiянлы аслам ныв-пилы моз: воча восьтöй сьöлöмнытö миянлы. ¹⁴ Энö суйöй юрнытö öти сийöс улö эскытöмъяскöд. Вермас öмöй йитны мыйкö веськыдлунсö лёкыскöд? Эм-ö öткодълуныс югыдыслөн пемыдыскöд? ¹⁵ Вермас öмöй воны öти кывйö Крiстос Велиаркöд? Мый вермас йитны эскысьöс эскытöмкöд? ¹⁶ Вермасны öмöй сулавны идольяс Енлөн крамын? Öд тi – ловъя Енлөн крамыс. Енмыс шуö: – Овмöдча на пытшкö да понда ветлыны накöд. Ме лоа налөн Енмөн, а найö – Менам войтырөн. ¹⁷ Сiдзкö: – Петöй на пöвстысь да ылыстчöй наысь, – висьталö Господь. – Энö инмöдчöй пежас, сэки Ме сибöда тiянöс. ¹⁸ Ме лоа тiянлы Батьөн, а тi – Меным ныв-пиөн, – висьталö Господь, Ставсöкутысь.

7 Мусаяс, со мыйта кöсьйысьöм Енмыс сетöма миянлы! Сiдзкö, весалам ассьыным вир-яйнымöс да ловнымöс став пежсьыс. Кутам овны Енсьыс полöмөн, Сылөн вежалуныс мед тырвыйö лоö миян пытшкын! ² Восьтöй миянлы сьöлöмнытö, öд ми некодöс эгö дöзмöдöй, некодлы лёксö эгö вöчöй, некод помысь эгö озырмöдчöй. ³ Тайöс висьтала ог тiянöс мыждöм могысь. Öд водзынджык тiянлы шули нин: тi миян сьöлöмынöсь, ми дасьöсь овны и кувны тiянкöд öтвылысь. ⁴ Ме ёна эска тiянлы да ошйыся тiянөн. Шогъяс вылö видзöдтöг ме ёна нимкодяся, öд тi ёна бурöданныд менö. ⁵ Македонияö воём бöрын миян эз вöв некутшöм шойччöг. Миянлы быд боксянь вöли сьöкыд: ортсысянь – усьласисны, а пытшкöсаным вöли полöм. ⁶ Но Енмыс, ловнас

усьомаясöс Ышöдысь, ышöдiс миянöс Тит воöмөн,
 7 и эз сöмын тайөн. Миян ловным кыпалiс тшöтш
 сысь, мый тi ышöдöмныд Титöс. Сiйö висьталiс
 миянлы, тi пö ёна гажтöмтчанныд меысь, ёна
 шогсянныд да доръянныд менö. Таысь меным
 нöшта на нимкодъ лои. 8 Дерт, менам сьöлöмöй
 нормылiс, мый аслам гижöдөн шогö уськöдi тiянöс.
 Но öни ог нин шогсы, öд ме аддза, мый гижöдыс
 шогöдлiс тiянöс сöмын кад кезлö. 9 Ме нимкодяся
 ог тiян шогö усьлöм понда, а нимкодяся сы понда,
 мый тiян шогсьöмныд бергöдiс тiянöс
 мыжъясьыныд. Тайö шогсьöмыс вöли Ен кöсiйöм
 серти, сiдзкö, нинöм лёксö ми эгö вöчöй тiянлы.
 10 Öд Ен кöсiйöм серти шогсьöмыс бергöдö
 мыжъясысь, а тасянь – мездмöмыс. Сiдзкö, та
 йылысь жалитны оз ков! А муывса шогъясыс
 вайöдöны кулöмöдз. 11 Видзöдлöй, мый вайис
 тiянлы Ен кöсiйöм серти шогсьöмыс: кутшöма тi
 зiянныд петкöдлыны асьыныд мыжтöмлуннытö,
 дöзманныд лёк вöчысь вылö да поланныд лёк
 вöчöмысь! Кутшöма тi гажтöмтчанныд миянысь,
 ловнаныд ыпъяланныд да кöсьянныд мыждыны
 лёк вöчысьöс! Тi быд боксянь петкöдлiнныд
 асьыныд сöстöмлуннытö. 12 Ме гижитiянлы эг сы
 вöсна, кодi вöчис лёксö либö кодлы вöчисны лёксö,
 а гижитiянлы, медым тi гөгөрвоинныд Ен водзын,
 кутшöма ми тöждысям тiян вöсна. 13 Сiдзкö, тiян
 долыдлунныд долыдмöдiс и миянöс. Но нöшта на
 долыд лоис Титлөн нимкодясьöмысь, öд сылөн
 сьöлöмыс оз нин майшась тiян вöсна. 14 Ме
 ошйысьли Тит водзын тiянөн, да меным абу яндзим
 таысь. Ми ставсö висьтавлiм тiянлы веськыда, и Тит
 водзын миян ошйысьöмным тшöтш вöли веськыд.
 15 Öни, тiянöс казтылигөн, сылөн сьöлöмас ёнджыка
 на содö тiян дiнö муслуныс, öд тi ёна
 кывзысьöмныд сылысь, полöмөн да пыдди
 пунктöмөн сибöдöмныд сiйöс. 16 Меным нимкодъ,
 мый быдторйын верма тiян вылö лача кутны.

8 Вокъяс, ми кöсьям, мед тi тöдiнныд Енлысь
 ыджыд буралöмсö македонияса вичкояс дiнö.
 2 Налы ёна сьökыд, но та вылö видзöдтöг найö ёна
 нимкодясьöны. Найö вывти гольöсь, но та дырйи
 найö зэв лышкыдöсь. 3 Ме тöда: найö сетöны
 мыйтöм вермöны, весиг верманасьыс унджык на.
 4 Найö ёна корисны миянöс босьтны насянь
 сетöмторсö, медым отсавны вежа войтырлы. 5 Найö
 сетiсны ёна унджык миян виччысьöм дорысь. Ен
 кöсiйöм серти найö сиисны асьнысö медводз
 Господьлы, сэсса миянлы. 6 Та вöсна ми корим
 Титöс водзö вöчны тайö бур уджсö тiян пövстын да
 вайöдны сiйöс помöдз. 7 Тi озырöсь быдторнас:
 эскöмөн, сёрнитны кужöмөн, тöдöмлунөн,
 зильöмөн, миян дiнö муслунөн. Сiдзкö, лоий
 лышкыдöсь тшöтш отсöг сетiгөн. 8 Тайö абу

тшöктöм. Ме висьтала тiянлы мукöдыслөн зильöм
 йылысь, медым тöдмавны, сьöлöмсянь-ö тi
 радейтанныд йöзсö. 9 Тi тöданныд миян Господь
 Исус Крiстослысь буралöмсö. Сiйö вöли озыр, но
 гöльмис тiян вöсна, медым Аслам гöльлунөн
 озырмöдны тiянöс. 10 Ме туйдöда тiянöс, öд тайö
 тiянлы бур вылö. Тi кольöм воö нин кутiнныд вöчны
 тайö уджсö, и вöчинныд сiйöс окотапырысь. 11 Тi
 ёна кöсiинныд вöчны тайö уджсö, сiдзкö, вöчöй
 сiйöс позянлун сертиныд да вайöдöй сiйöс
 помöдзыс! 12 Мортис кö сетö сьöлöмсяныс, сылысь
 сетöмторсö донъялöны эмлуныс серти, а оз
 абутöмлуныс серти. 13 Ме ог кöсiы сьöктöдны
 тiянöс, медым мукöдыслы вöли кокныдджык, но
 кöсья, медым быдöнлы вöли öтмоза. 14 Öни тiян
 озырлунныд вевттыс налысь тырмытöмсö, а
 мöдысь налөн озырлунныс вевттыс тiянлысь
 тырмытöмсö. Тадзи быдöнлы лоö öтмоза.
 15 Гижöдыс висьталö: Уна чукöртысьлөн эз вöv
 вывтыс, этша чукöртысьлөн эз вöv тырмытöмыс.
 16 Ошкөм Енлы! Сiйö пунктöма Тит сьöлöмö тiян
 вöсна ме кодъ жö тöждысьöм. 17 Тит мунö тiян дiнö
 оз сöмын менам корöм вöсна. Сiйö ёна тöждысьö
 тiян вöсна, та понда сiйö мунö ас кöсiйöм сертиыс.
 18 Сыкöд ми мöдöдам нöшта öти вокöс. Быд вичко
 ёна ошкö сiйöс Бур Юөр висьтавлöмысь. 19 Вичкояс
 бөрйисны тайö воксö ветлыны миянкöд, медым
 чукöртны сетöмтор. Тайö уджсö ми вöчам
 Господьöс ошкөм могысь. Тайөн петкöдлам, мый
 ми дасьöсь отсасьны тiян моз. 20 Ми огö кöсiйöй,
 медым тайö уна сетöмторсö чукöртiгөн кодкö
 шуасис миян вылö. 21 Ми ставсö зiям вöчны
 веськыда огö сöмын Господь водзын, тшöтш йöзыс
 водзын. 22 Тит да тайö вокыскöд ми мöдöдам нöшта
 öтиöс. Асьыс зильöмсö сiйö петкöдлiс унаысь да
 унаторйын. Сiйö кутö тiян вылö ыджыд лача, та
 вöсна öни ёнджыка на зильö отсасьны тiянлы.
 23 Шуны кö Тит йылысь, сiйö – менам уджъёрт,
 сыкöд öтвыв ми кесъялам тiянлы. Мукöд вокъяссö
 мöдöдiсны вичкояс. Налөн олöмыс вайö Крiстослы
 ошкөм. 24 Сiдзкö, петкöдлöй на дiнö асьыныд
 муслунтö. Сэки быд вичко аддзас, мый ми ошйысям
 тiянөн огö весьшөрö.

9 Чайта, меным оз ков гижны тiянлы, мед
 отсасинныд вежа войтырлы. 2 Ме тöда
 тiянлысь зильöмтö. Македонияса водзын ме
 ошйыси, мый тi, акайяса, дасьöсь сетны отсöг
 кольöм восянь нин. Тiян сьöлöмсянь
 тöждысьöмныд унаöс ышöдiс та вылö. 3 Ме мöдöда
 тiян дiнö вокъясöс, медым тiянөн ошйысьöмöй эз
 ло весьшөрö. Ме тiянлы шули нин: лоий дасьöсь.
 4 Öд мекöд тшöтш локтасны кö Македонияысь
 эскысыс, а тi абу на дасьöсь, миянлы юр яндзим
 лоö, ог нин шу тiян йылысь. Ми öд ёна ошйысим

тіяннөн. ⁵ Та вöсна лыдди коланаон водзвыв мөдöдны тіян дінö вокъясöс, медым чукöртны кöсйысьöм сетöмторнытö. Сэки тайö лоö ас кадö дасьтöм да сьölöмсянь сетöмтор, а оз мырдөн перйöмтор. ⁶ Тöдöй: этша кöдзысь – этша вундас, уна кöдзысь – уна вундас. ⁷ Быдөн сетöй сьölöм тшöктöм сертиныд: энö мырдөн, энö шогпырысь. Öд долыда сетысь муса Енмыслы. ⁸ Енмыс вына озырмöдны тіянöс быдпöлöс сетöмторнас, медым быд кадö да быдторйын тіян вöлі став коланаыс, да нöшта на верминныд вöчны быдпöлöс бур уджсö. ⁹ Гижöдыс висьталö: – Сійö лышкыда сеталис гöльяслы, Сылөн веськыда вöчöмыс некор оз вун. ¹⁰ Кöдзысьлы кöйдыссö Сетысьыс да няньөн Пöткöдысьыс сетö кöйдыссö тшöтш тіянлы. Сійö быдтö тіянлысь пуктастö да уна пöв содтö тіян веськыда олöмлысь вотöссö, ¹¹ медым ті вöлінныд озырöсь быдторнас да верминныд лышкыда юксьыны быдöнкöд. Сэки йöзыс кутасны аттьöавны Енсö миян отсöгысь. ¹² Ми отсалам вежа войтырлы огö сöмын налөн гöльлун вöсна. Ми отсалам, медым унаон аттьöалисны Енсö. ¹³ Тіянлысь бур вöчöмнытö аддзигөн вежа войтыр кутас ошкыны Енсö, öд ті кывзысьöмөн оланндыд Крестослөн Евангелльö серти, мый висьтавланндыд. Найö ошкöны Енсö, öд ті лышкыда юксянныд накöд, тшöтш мукöдыскöд. ¹⁴ Найö кевмысьöны тіян вöсна да ёна кöсйöны аддзысьлыны тіянкöд, öд тіян пытшкын сы ыджда Енлөн буралöмыс. ¹⁵ Ошкöм Енлы шуны вермытöм сетöмторсьыс!

10 Öткымынөн ме йылысь шуöны, мый миян дінын сійö рам, а ылын кö – чорыд. Но ме, Павел, шыася тіян дінö Крестос бурлунөн да мелілунөн. ² Кора тіянöс: кывзöй менö, мед тіянö локтігөн меным эз ковмы чорзьöдчыны. Дерт, öткымынкöд ковмас чорыда сёрнитны, öд найö шуöны, мый ми олам тайö муюгыдсаыс моз. ³ Кöть ми олам тайö муюгыдас, но вермасыам огö муюгыдсаыс моз. ⁴ Миян вермасыанторным абу мортсянь, а Енсянь, сыын эм Енлөн выныс. Ми жугöдам сійөн чорыд мытшöдъяс, ковтöм мөвпъяс, ⁵ да став кыпöдчöмсö, мый паныд сувтö Енсö тöдмалöмлы. Ми топöдам быдпöлöс мөвпъяс, медым найö кывзысисны Крестослысь. ⁶ Ми дасьöсь мыждыны быдпöлöс кывзысьтöмлунысь, но сöмын сэки, кор ті асьныд кутанндыд тырвйö кывзысьны. ⁷ Видзöдлöй ас выланыд: коді зумыда эскö, мый сійö Крестослөн, мед тöдö: ми тшöтш Крестослөн. ⁸ Меным оз ло яндзим, кута кö ошйысьны миянлы сетöм ыджыдалан вынөн. Öд Господь сетіс тайö вынсö тіянöс ёнмöдöм вылö, а эз жугöдöм вылö. ⁹ Ме ог кöсйы, мед ті мөвпалінныд, быттьö аслам гижöдъясөн повзьöдла тіянöс. ¹⁰ Öд кодсюрö шуöны: «Гижöдъясас сійö чорыд да вына,

а миян дінын – жеб, да сёрниыс сылөн вынтöм». ¹¹ Татшöмыс мед тöдö: кутшöмөсь ми гижöдын, сэтшöмөсь и тіян дінын. ¹² Ми огö лысьтöй орччöдны асьнымöс либö öткодьявны асьнымöс вывтiасьысьяскöд. Öд найö видзöдöны сöмын ас выланыс да донъялöны асьнысö ас сертиныс. Тадзи вöчигөн найö петкöдлöны асьыныс мывкыдтöмлунсö. ¹³ Ми огö ошйысьöй этш тöдтöг. Ошйысям сöмын сійөн, мый Енмыс шуис вöчны миянлы. Сійö тшöктіс уджавны тшöтш тіян пöвстын. ¹⁴ Ми огö торкалöй Енлысь шуöмсö. Ми кö эськö эгö локтöй тіян дінö, артмис торкалöм, но ми локтiм тіян дінö Крестослөн Бур Юөрнас. ¹⁵ Ми огö ошйысьöй этш тöдтöг, огö ошйысьöй мукöдлөн уджъясөн, но лача кутам, кор тіян эскöмныд ёнмас, сэки миян уджыс ёнджыка на паськалас тіян пöвстын. ¹⁶ Сэки ми водзö мунам висьтавланы Евангелльöсö, огö кутöй мукöдлөн уджъясөн ошйысьны. ¹⁷ Öд шуöма: «Ошйысьысь мед ошйысьö Господьөн!» ¹⁸ Шогмана абу сійö, кодi асьсö ошкö, а кодöс ошкö Господь.

11 Кора тіянöс, терпительштöй менсьым мывкыдтöмлунсö. Чайта, ті терпительштанндыд менö, ² öд ме тöждыся тіян вöсна Енлөн тöждысьöмөн. Ме кöсйыси сетны тіянöс дзик öти верöспулы – Крестослы. Кöсья, мед ті сувтiнныд Сы водзö сöстöм нылөн. ³ Коркö змей наяна ылöдліс Еваöс. Ме пола, мый ті сы моз жö ылаланндыд да воштанндыд асьыныд восьса йитöднытö Крестоскöд. ⁴ Öд тіян дінö кö локтас кодкö да кутас висьтавланы мöд Исус йылысь, код йылысь ми эгö висьтавлöй, либö мöд лов йылысь, кодöс ті энö сибöдлöй, либö мöдпöлöс бур юөр, кодöс энö босьтлöй, сэки ті кокныда терпитанндыд сійöс. ⁵ Чайта, ме нинöмөн абу лөкджык тайö "ыджыд апостольясысь". ⁶ Гашкö, ме ог сяммы мичаа сёрнитны, но тöдöмлунöй менам тырмымөн. Тайöс ме петкöдлі тіянлы унаысь да уна ногөн. ⁷ Медым тіянöс вылö пуктыны, ме улö пунктi ачымöс. Гашкö, ме мыжа таысь, мый Енлысь Евангелльöсö висьтавлi тіянлы дон босьттöг? ⁸ Мед кесьявны тіянлы, мукöд вичкояслысь ме босьтлі сьöм, позьö шуны, куштылі найöс. Кöть меным эз вöv ставыс тырмана, тіянын олiгөн ме некодöс эг сьöктöдлы. ⁹ Öд став коланаторсö меным сетісны Македонияысь локтöм вокъяс. Ме некор эг сьöктöдлы, и ог кут сьöктöдны тіянöс. ¹⁰ Ме пытшкын Крестослөн збыльыс. Та вöсна верма шуны, мый менсьым ошйысьöмөс став Акайя пасьтала некод оз вермы мырддынысö. ¹¹ Мыйла ог кöсйы сьöктöдны тіянöс? Гашкö, чайтанндыд, ог радейт тіянöс? Енмыс тöдö, ті меным мусаöсь! Но кыдзи вöча öні, сідзи и водзö кута вöчны. ¹² Ме ог сет некутшöм помка налы, кодъяс ошйысьöны,

мый найö кесъялöны Енмыслы миян мозс. ¹³ Тайö ылöгапостолъясыс сöмын пöръясöны, шуöны асьнысö Крестослөн апостолъясөн. ¹⁴ Но тайö абу шензьöданатор, öд ачыс сötана петкöдлö асьсö югыдыслөн анделөн. ¹⁵ Сидзкö, нинöмла шензьынысö, сылөн кесйöгъясыс кö петкöдлöны асьнысö веськыда вöчысыясөн. Но налөн помыс лоö уджныс серти. ¹⁶ Нöшта висътала тиянлы: энö лыддьöй менö йöйöн. А лыддянныйд кö, сибöдöй менö татшöмнас, мед ме верми на мыйтакö ошйысьны. ¹⁷ Дерт, тайö абу Енсянь, но ме кута ошйысьны тиян водзын мывкыдтöм морт моз. ¹⁸ Тайö муыгудас олысьяс унаöн ошйысьöны, сидзкö, ме тшötш ошйыся. ¹⁹ Öд тi, мывкыда йöз, кокныда терпитанныд мывкыдтöмъясöс. ²⁰ Тi терпитанныд, кор кесйöдлöны тиянöс, мырддялöны да куралöны тиянлысь, ыджыдалöны тиян вылын да кучкалöны чужöманыд. ²¹ Меным зэв яндзим, эгö лысьтöй тадзи вöчнысö да. Кодкö лысьтö кö ошйысьны мыйöнкö, шуа мывкыдтöм морт моз: ме тшötш ошйыся. ²² Найö юдейяс? Ме тшötш. Израиль войтыр? Ме тшötш. Öвраамсянь чужысьяс? Ме тшötш. ²³ Крестослөн кесъялысьяс? Гашкö, менö лыддянныйд дзик йöйöн, но висътала тиянлы: ме кесъяли Крестослы наысь ёнджыка на. Уджали ныр вылö усътöдз, менö ёна нöйтлисны, на дорысь унджыкысь вöли дзескыдiнын, унаысь кулан выйын. ²⁴ Юдейяс вит пöрийö нöйтлисны менö орсөн комын öкмысысь вартöмөн, ²⁵ римсаяс куимысь кучкавлисны беддьöн, öтчыдысь изъялисны. Куимысь веськавлi корабль вöйигөн, лун да вой вöли саридзын. ²⁶ Ме пыр туйын. Менö унаысь сулисны виччысьтöмторъяс ю вылын, каръясын, овтöминъясын, саридз вылын. Меным унаысь ковмис видчысьны лёк вöчысысьяс, ас йöзысь, мукöд войтырысь да ылöгвокъясысь. ²⁷ Ме сьöкыда уджавли, кок йылысь усътöдз, тшöкыда колявлi узьтöм войяс, овли сөйтöг-ютöг, унаысь виджавли да пасьтöг кынмавлi. ²⁸ Став тайö сьöкыдлунъясыс кындзи меным быд лун лоö сибöдны ас дiнö уна йöзöс, тöждысьны быд вичко вöсна. ²⁹ Лигышмунöма кö кодкö, ме тшötш. Усьöма кö кодкö, менам сьöлöмöй ёна висьö сы вöсна. ³⁰ Колана кö меным ошйысьны мыйöнкö, кута ошйысьны аслам жеблунөн. ³¹ Енмыс, миян Господь Исус Крестослөн Бать, тöдö: ме ог пöръяс. Ошкöм Сылы нэмъяс чöж! ³² Дамаск карын Арета öксылөн му юкөнөн веськöдлысь тшöктiс видзны карсыс став петанiнсö, медым кутны менö, но ыджыд чуманын менö лэдзисны öшиньöд стен бердöдыс. Тадзи ме мыни сы кыись.

12 Тайö, дерт, нинöм оз содты меным, но ме водзö кута ошйысьны. Öни ме висътала Господьянь востöм-адзылöм йылысь. ² Тöда öти

мортöс, Крестослы эскысьöс, кодöс дас нель во сайын вöли кыпöдöма коймöд енэжас. Вир-яйын-ö вöли сийö, лолын-ö, ме ог тöд, Ен тöдö. ³ Ме тöда: тайö мортсö вöли кыпöдöма райö. Сэни сийö кывлöма шуны вермытöм кывъяс, тайöс оз позь висътавнысö. Вир-яйын-ö вöли сийö, лолын-ö, ме ог тöд, Ен тöдö. ⁵ Татшöм мортнас кута ошйысьны, но ог аслам. А ошйыся кö, сöмын аслам вынтöмлунөн. ⁶ Дерт, ме ог ло мывкыдтöмөн, кута кö ошйысьны, ме öд збыльсö висътала. Но ме ог кут ошйысьны, медым кодкö эз мөвпав ме йылысь унджык сыысь, мый аддзö ме пыткысь либö кылö мясянь. ⁷ Медым тайö ыджыд востöмъясысь эг вылö кыпöдчы, менам вир-яйö сетöма чушкысьöс – сötаналысь анделсö. Сийö дойдалö менö, оз сет вылö кыпöдчынысö. ⁸ Ме куимысь кори Господьöс, медым мездiс сыысь, ⁹ но Сийö шуис: «Тырмана тэныд Менам буралöмöй, öд Менам вынöй медьёна тыдовтчö вынтöмлун дырйи». Та вöсна нимкодъпырысь ошйыся аслам вынтöмлунөн, медым Крестослөн выныс тыдалiс ме пыр. ¹⁰ Ме нимкодьяс вынтöмлун дырйи, менö лёкöдигөн, дзескöдигөн, вöтлiгөн да Крестос вöсна сьöкыдсö нуигөн. Öд кор ме вынтöм, сэки ён! ¹¹ Тиян водзын ошйысигөн ме вöли мывкыдтöм морт кодъ, тi öд асьныд менö вайöдiнныд та выйöдзыс. Дерт, ме нинöм кодъ, но тиянлы аслыныд колö вöли ошкыны менö, ме öд нинöмөн абу лёкджык "ыджыд апостолъясысь". ¹² Ме мудзлытöг вöчи тиян водзын индысьпасьяс, шензьöданаторъяс да ыджыд уджъяс. Ставыс тайö петкöдлö, мый ме збыльысь апостол. ¹³ Мый тиянлы оз тырмы? Öд мукöд вичколы моз ме сетi тиянлы ставсö. Гашкö, сöмын эг сьöктöд тиянöс? Энö мыждöй менö таысь. ¹⁴ Öни коймöдысь нин мöдöдча тиян дiнö, но ме ог кöсйи сьöктöдны тиянöс. Меным öд тиянсянь нинöм оз ков, тi асьныд меным коланаöсь. Оз ныв-пиыс чукöртны эмбурсö бать-мамыслы, а мöдарö, бать-мамыс – ныв-пиыслы. ¹⁵ Тиян вöсна ме нимкодъпырысь сета ассым ставсö, весиг ачимöс. Тi менö омöля радейтанныд, гашкö, тиянöс вывти ёна радейта да? ¹⁶ Ме некор эг сьöктöдлi тиянöс, тайö тадзи. Гашкö, тi лыддянныйд менö пöръяссысьöн да наян мортөн? ¹⁷ Гашкö, ме аслым мыйкö курышти тиян дiнö мöдöдöмаяс пыр? ¹⁸ Ме кори Титöс мунны тиян дiнö, ськöд тшötш мöдöдi öти вокöс. Гашкö, Тит мыйкö аслыс курыштит? Ми öмöй ськöд абу öти лолаöсь? Эг öмöй öти туй талаялöй? ¹⁹ Гашкö, чайтанныд, ми дорйысям тиян водзын? Огö! Ми сёрнитам Ен водзын кыдзи Крестослы кесъялысьяс. Мусаяс, ми ставсö тайöс висъталам тиянöс ёнмöдöм мogyсь. ²⁰ Ме пола, мый тиянö воа да, аддза тиянöс сэтшöмөн, кутшöмөн ог кöсйи аддзынысö. Сидзкö, тi тшötш аддзанныд

менö сэтшöмөн, кутшöмөн онö кöсйöй аддзынысö! Ме пола аддзыны тiян костысь зыксöм, вежалöм, скöралöм, асьтö радейтöм, удтысьöм, суклясьöм, вылö кыпöдчöм да кывзысьтöмлун. ²¹ Ме ог кöсйы, медым тiянö выльысь локтигөн Енмыс янöдiс менö тiян понда. Сэки меным ковмас бöрдны уна мыж вöчысь вöсна, кодъяс öнöдз на эз бергöдчыны пез вöчöмысь, кырсалöмысь да лэдзчысьöм оласногысь.

13 Ме коймöдысь нин мöдöдча тiян дiнö. Гижöдыс висьталö: «Ставсö колö подулавны кык либö куим мортлөн висьталöмөн». ² Водзынсö волiгөн ме öлöдлi нин мыжсö вöчысьясöс. Öнi, кор тiянысь ылын, нöшта на гижа налы, тшöтш мукöдыслы: выльысь локтигөн ог жалит тiянöс! ³ Тi кöсьянныйд тöдны, збыльысь-ö Кростос сёрнитö ме пыр. Сйö абу вынтöм тiян водзын, Ассьыс вынсö Сйö петкöдлö тiян пöвстын. ⁴ Крестö тувъялигөн Сйö вöли вынтöм, öнi Ен вынөн Сйö ловъя. Ми Кростос пытшкынöсь, сiдзкö, ми тшöтш вынтöмöсь, но Сыкöд олам Ен вынөн, медым кесъявны тiянлы. ⁵ Тöдмалöй асьнытö, эм-ö тiян эскöмныйд? Видзöдлöй сьөлöманыд! Тi öмöй онö тöдöй, мый Исус Кростос тiян пытшкын! Абу кö тадз, сiдзкö, тi абу найö, кодъясөн колö лоны тiянлы. ⁶ Но ме

чайта, мый тi тöданныд: ми найö, кодъясөн колö лоны миянлы. ⁷ Ми кевмам Енлы, медым тi энö вöчöй некутшöм лөктор. Ми огö кевмöй сы могуль, медым петкöдлыны асьнымöс сэтшöмөн, кутшöмөн колö лонысö, но кевмам, медым тi вöчинныйд бурсö весиг сэки, ми кö абу сэтшöмöсь, кутшöмөн колö лоны миянлы. ⁸ Ми нинöм огö вермöй вöчны збыльыслы паныд, ми сулалам збыльыс дор. ⁹ Ми нимкодясям, тi кö вынаöсь, а ми вынтöмöсь. Дзик та вöсна кевмысям, мед тi быдторйын вежсинныйд бурланьыс. ¹⁰ Ставсö тайöс водзвыв гижа, мед тiянö воа да, эз ковмы петкöдлыны тiянлы ассьым чорыдлунöс да ыджыдалан вынöс. Öд Енмыс сетiс тайö вынсö тiянöс ёнмöдöм вылö, а эз жугöдöм вылö. ¹¹ Вокъяс, нöшта висьтала тiянлы: нимкодясьöй, вежсьöй бурланьыс, сибöдöй меньсьым ышöдана кывъясöс, олöй лöня да öти сьөлöмөн. Сэки муслунсö да лöньлунсö сетысь Ен лоас тiянкöд. ¹² Чолöмалöй öта-мöднытö вежа окыштöмөн. Тiянлы ыстö чолöм став вежа войтырыс! ¹³ Миян Господь Исус Кростослөн буралöмыс, Ен Батьлөн муслуныс да Вежа Ловлөн öтувтöмыс ставныдкöд тiянкöд. Аминь.

Галатияё

1 Гижё Павел, Исус Кростосён да Сійёс ловзьёдысь Ен Батьён пуктём апостол. Эз морт менё пукты, да абу йёзлөн кёсийём серти тайё. 2 Вокъяскөд ми ставён чолёмалам галатияса вичкояс. 3 Буралём да лөнь олём тиянлы Ен Батьсянь да миян Господь Исус Кростоссянь. 4 Ен Батьнымлөн кёсийёмыс серти Кростос сетіс Асьсё миян мыжъяс вёсна, медым мездыны миянөс лёкнас тырём муюгыдсьыс. 5 Ошкөм Сылы нэмъяс чөж! Аминь. 6 Ме шензя: ті сэтшөм өдйё кежинныд Сыысь, коді Кростослөн буралёмнас корис тиянөс. Кутшөм тэрыба ті сибөданныд мөдпөлөс юөрсө. 7 Збыльвылас кө, мөд бур юөрыс абу, эмось сөмын тиянөс шөйөвоштысьяс. Найё зильёны мөдарё бергөдны Кростос йылысь Бур Юөрсө. 8 Но весиг кө ми либё енэжсянь андел пондам висьтавны мөд нога, огө сійё Бур Юөрсө, мый водзынсө тиянлы висьтавлім – мед лоё ёрөма! 9 Водзынсө ми шулім нин, өні нөшта шуа: пондас кө кодкө висьтавны оз сійё Бур Юөрсө, мый ті миянсянь сибөдінныд, мед лоё ёрөма сійёс! 10 Йөзсянь-ө, Енсянь-ө виччыся ме ошкөмсө? Йөзлы өмөй зіля шогмынысө? Ме кө зіли шогмыны йөзлы, сэки эськө эг вөв Кростослөн кесйөг. 11 Вокъяс, төдөй: меөн висьталөм Евангелльёыс абу мортсянь. 12 Эг мортсянь ме сійёс босьт, эз морт менё велөд, но ачыс Исус Кростос востіс меным сійёс. 13 Ті, дерт, кывлінныд, мый водзынсө ме юдей эскөм дор вөлі, ёна вөтлі Енлысь Вичкосө да зіли бырөдны сійёс. 14 Юдей эскөмын ме пановті тшөтшъяясөс, ме вөлі чорыда кутчысьөма батьяслөн шуөмө. 15 Но Енмыс менё мам кынөмсянь нин бөрийөма да Аслас буралёмнас корөма. 16 Сійё востіс меным Асьыс Писө, медым ме висьтавлі Сы йылысь Бур Юөрсө ентөдтөмъяслы. Сэки ме эг кут корсьны мортсянь туйдөдөм, 17 весиг эг мун Ерусалимө меөдз на пуктём апостольяс дінө. Ме муні Аравияё, сэсянь бөр локті Дамаскө. 18 Сөмын куим во мысти ветлі Ерусалимө төдмасьны Петыркөд, кык вежон олі сы ордын. 19 Мукөд апостолсө ме эг аддзыв Господьлысь Яков воксө кындзи. 20 Ен водзын шуа: мый гиха тиянлы, ставыс збыль. 21 Сэсса ме муні Сирия да Киликия муясө. 22 Юдеяын Кростослөн вичкояс менё весиг эз на аддзывны. 23 Сөмын кывлөмаось ме йылысь, миянөс пө вөтлысь,

эскөмсө бырөдысь өні ачыс ышөдө эскыны. 24 Найё аттьөалисны да ошкисны Енсө меысь.

2 Дас нель во мысти Варнавакөд ме бара ветлі Ерусалимө, аскөд тшөтш босьті Титөс. 2 Муні сэтчө Енлөн востөмыс серти. Сэні ме сёрниті вичкоса пыдди пуктана йөзкөд да төдмөді найёс ентөдтөмъяслы висьталөм Бур Юөрөн, мед кывны, мый ог весьшөрө уджав. 3 Весиг мекөд локтысь Титөс, көть сійё грек войтырысь, найё эз тшөктыны вундыштчыны. 4 Тайёс ёна кёсийсны ылөгвокъяс. Найё сибөдчисны миян дінө кыйөдчысьяс моз, мед төдмавны, мыйсяма мездлун миян эм Исус Кростоссянь. Найё зілисны бөр суйны миянөс Индөд улө. 5 Но ми весиг өти здук кежлө эгө сетчылөй налы, медым Бур Юөрлөн збыльыс коли торкавтөг тиянын. 6 Вичкоса пыдди пуктана йөз – налөн нималөм-төдчанлун вылө ме ог видзөд, Ен водзын ми ставным өткодьөсь – эз лыддыны коланаөн мыйкө содтыны меөн висьталөм Бур Юөр дінө. 7 Найё аддзисны, мый менё Петырөс моз Енмыс сувтөдөма бурьюөртнысө: Петырөс – юдейяслы, менё – мукөд войтырлы. 8 Енмыс Петырлы сетіс вын апостолавны юдейяс пөвстын, меным – мукөд войтыр пөвстын. 9 Яков, Петыр да Иоан, кодъясөс лыддисны зумыд сюръяясөн, гөгөрвоисны, мый менё Енмыс корөма. Сэки миянлы Варнавакөд киньсө сетісны, медым вөчны өтувъя удж. Сёрнитчим, мый найё мунасны юдейяс дінө, ми – мукөд войтыр дінө. 10 Сөмын найё корисны, медым ми эгө вунөдөй ерусалимса голь эскысьясөс. Ме пыр зіля төждысьны на вөсна. 11 Петырлөн Антиокияё волігас ме став дырйиыс паньд сувті сылы, өд сійё эз веськыда ов. 12 Яковсянь мөдөдөмаяс вотөдз Петыр өтлаын сөйис мукөд войтырсакөд, а Яковлөн йөз локтөм бөрын сійё пондіс сайласьны да өтдортчыны. 13 Сөд сійё поліс вундыштчөм дор сулалысьясөс. 13 Сы моз тшөтш вөчисны мукөд юдейяс, весиг Варнава вөлі ылалөма на моз. 14 Ме аддзи, мый найё оз овны Евангелльөлөн збыльыс серти. Сэки ставныс дырйи шуи Петырлы: «Тэ, юдей, ачид кө олан мукөд войтыр моз, а он юдей ног, мыйла мукөд войтырсө тшөктан кутчысьны юдей оласногө?» 15 Ми чужөмсянным юдейяс, абу мыжа ентөдтөмъяс. 16 Ми төдам, мый мортсө веськыднас

вөчө Исус Крестослы эскөм, а оз Индөд серти уджъясыс. Ми эским Исус Крестослы, медым вөлим веськыдось Крестослы эскөмөн, а эгө Индөд серти уджъясөн. Од Индөд серти уджъяс некодос оз вочны Ен водзас веськыдөн. ¹⁷ Крестослөн веськыдлунө нырччиганым кө ми мыжмам Индөдыс водзын, сідзкө, Крестос өмөй мыжаыс? Абу! ¹⁸ Ме кө выльысь лосьода мый жугөдлі, ме, сідзкө, Индөд торкысь. ¹⁹ Мед овны Енкөд, Индөдыс пыр ме кулі Индөдыслы. Менө тувъялөма Крестоскөд. ²⁰ Оні ог нин ме ов, но ме пытшкын оло Крестос. Ме кө ола тайө вир-яяс на, ола Ен Пилы эскөмөн. Сійө сетіс Асьсө ме вөсна, од ме Сылы муса. ²¹ Енлысь буралөмсө ме ог өтдорт. Од веськыдлунсө кө вермим босьтны Индөдыс пыр, сідзкө, Крестос весьшөрө куліс.

3 Ті, галатиясаяс, дзикөдз вежөртө воштөмныд! Коді тіянлысь синнытө пөртіс, медым энө кывзысьөй збыльыслысь? Од тіян син водзын, позьө шуны, вөлі тувъялөма Исус Крестосөс. ² Отитор көсья юавны: Индөд серти уджъясөн али кывлөм Бур Юөрө эскөмөн ті сибөдінныд Вежа Ловсө? ³ Сы выйөдз-ө ті вежөртөмось? Лов вынөн панінныд, ас вынөн помаланныд? ⁴ Ті өмөй весьшөрө нуинныд сы мында сьөкыдсө? Дерт, энө весьшөрө. ⁵ Енмыс өмөй Индөд серти уджъясныд вөсна сетө Вежа Ловсө да вөчө тіян пөвстын шензьөданаторъяссө? Оз өмөй кывлөм Бур Юөрө эскөмныд вөсна? ⁶ Овраам эскис Енлы, та вөсна Енмыс шуис сійөс веськыдөн. ⁷ Төдөй: эскысьяс – найө Овраамлөн ныв-пи. ⁸ Гижөдас водзвыв висьталөма, мый эскөмныс вөсна Ен шуас веськыдөн быд войтырөс. Медводз Овраамлы вөлі юөртөма: «Тэ пыр вуджас бурсиөмыс быд войтырлы». ⁹ Тадзи эскысь Овраамкөд бурсиөма быд эскысьөс. ¹⁰ А Индөдө кутчысьысьяс ёрөм улынөсь. Од гижөма: «Ёрөма быдөнөс, коді оз ов став тшөктөмыс серти, мый гижөма Индөд небөгө». ¹¹ Индөд пыр мортыс оз ло веськыднас Ен водзын – тайө гөгөрвоана. Од «веськыда олысь эскөмнас пондас овны». ¹² Индөдыс оз подулась эскөм вылө. Гижөма: «Индөд серти олысь Индөднас пондас овны». ¹³ Крестос ньөбис миянөс Индөдыслөн ёрөм улысь. Сійөс лои ёрөма миян пыдди. Од гижөма: «Ёрөма быдөнөс, коді ошалө пу вылын». ¹⁴ Тадзи лои, медым Овраамлы көсьысьөм бурсиөмыс вуджис быд войтырлы Исус Крестос пыр, да медым көсьысьөм Ловсө ми сибөдім эскөмөн. ¹⁵ Вокъяс, весигтө оломас тадзи: мортыс кө кольө ас бөрсяыс вынсьөдөм көсьысян гижөд, сэки некод оз вермы торкны гижөмасө да мыйкө содтыны сэтчө. ¹⁶ Көсьысьөмсө вөлі сетөма Овраамлы да сысянь чужысьлы. Абу шуөма "чужысьяслы", шуөма "тэсянь чужысьлы". Тайө шуөма Крестос йылысь.

¹⁷ Ме көсья шуны: нельсө комын во бөрын петөм Индөдыс оз вермы бокө вештыны Крестос йылысь Енлысь көсьысьөмсө да бырөдны сійөс. ¹⁸ Индөд пыр кө вуджө вичмөдөмаыс, сэки сійө оз ло көсьысьөм пыр. Овраамлы Енмыс сетіс вичмөдөмасө көсьысьөм пыр. ¹⁹ Мыйла, сідзкө, колө Индөдыс? Сійөс сетөма вөлі бөрынджык йөзыслөн мыж вөчөм вөсна, да сійө вөлі вына көсьысьөм серти чужысьлөн локтөдз. Индөдсө сетөма андельяс пыр да шөракостас сулалысьлөн киөн. ²⁰ Но өти дырйи шөракостас сулалысьыс оз овлы, а Енмыс – өти. ²¹ Индөдыс өмөй паныд Ен көсьысьөмлы? Абу! Индөдыс кө вермис сетны олом, сэки веськыдлунсө эськө босьтім Индөдыс пыр. ²² Гижөдыс йөртіс ставнысө мыж улас. Та вөсна көсьысьөмасө эскысьяс вермасны босьтны Исус Крестослы эскөм пыр. ²³ Эскан кадыс вотөдз ми вөлім Индөдлөн синъялөм улынөсь, вөлім көртөдынөсь эскөм воссьытөдзыс. ²⁴ Тадзи Индөдыс быдтіс-видзис миянөс Крестос локтөдз, медым эскөмным пыр ми лоим веськыдось. ²⁵ Кор воис эскан кадыс, ми мынім видзысьлөн синъялөмысь. ²⁶ Исус Крестослы эскөм пыр ті ставныд – Енлөн ныв-пи. ²⁷ Ті пыртчинныд Крестосө, сідзкө, тіян паськөмөн лои Крестос. ²⁸ Юдей-ө, грек-ө, кесйөг-ө, мездлуна морт-ө, айлов-ө, ань-ө – Исус Крестос пытшкын торъялөмыс абу. ²⁹ Ті кө Крестослөн, сідзкө, Овраамсянь чужысьяс да көсьысьөмасө босьтысьяс.

4 Нөшта висьтала: пиыс, кодлы вуджө бать овмөсыс, ичөт арлыднас нинөмөн оз торъяв кесйөгысь, көть сійө став вылас нин ыджыд. ² Батьыслөн урчитөм кадөдз керканас веськөдлөны мукөдъяс, ачыс пиыс кага видзысь кыин. ³ Кодыр ми вөлім кага кодьөсь, вөлім муюгид вынъяслөн кабыр улынөсь. ⁴ Кор воис урчитөм кадыс, Енмыс мөдөдіс Ассьыс Писө, кодөс ань чужтіс. Ен Пи оліс Индөд улын, ⁵ медым ньөбны Индөд улын олысьясөс, босьтны миянөс ныв-пи пыдди. ⁶ Оні ті Енмыслөн ныв-пи. Та вөсна Ен сетіс сьөлөманыд Пиыслысь Ловсө. Тайө Лолыс шыасьө: «Авва, Батьөй!» ⁷ Сідзкө, ті абу нин кесйөгъяс, ті – ныв-пи. Ныв-пи кө, сідзкө, Исус Крестос пыр Енсянь вичмөдөмасө босьтысьяс. ⁸ Кор ті энө на төдөй Енсө, вөлінныд мукөд енъяслөн кипод улынөсь. Збыльвылас, найө абу енъяс. ⁹ Но өні ті төданнныд Енсө, бурджык шуны, Енмыс төдө тіянөс. Сідзкө, мыйла ті бөр бергөдчаннныд муюгидса ковтөм жеб вынъяс дінө да важ мозыс бара көртасянныд сэтчө? ¹⁰ Кутчысянныд торъя лунъясө, төлысьясө, воясө да кадьясө. ¹¹ Пола тіян вөсна, весьшөрө, буракө, менам мырсьөма-уджалөма. ¹² Вокъяс, кора тіянөс, лөйи ме кодь, од ме тіян кодь жө. Ті менө нинөмөн энө дөзмөдөй. ¹³ Төданнныд, мый тіян дінө волігөн

ме висьми, но тайё сетіс позянлун медводдзаысь висьтавны тіянлы Бур Юёрсö. ¹⁴ Висьмөй вылө видзөдтөг ті сибөдінныд менö, энö кедзвотй да энö энвотй. Сибөдінныд Ен анделöс моз, Исус Кростосöс моз. ¹⁵ Кутшөм шудаöсь ті сэки вöлінныд. А öні мый лои? Тіян йылысь верма шуны: позис кө, ті асьыныд синтö эськө перйинныд да сетінныд меным. ¹⁶ Збыльсö висьталөм вöсна ме öмөй тіянлы паныд мунысьөн лои? ¹⁷ Кодсюрö оз бур могысь тöждысьны тіян вöсна. Найö көсьйоны янсöдны миянöс, медым ті тöждысинныд на вöсна. ¹⁸ Тöждысьöмыд бур, вöчанныд кө тайöс пыр, онö сöмын ме дырйи. ¹⁹ Челядь, меным бара лоö сьökыда чужтыны тіянöс, кытчöдз Кростос оз тыдовтчы тіян олөмын. ²⁰ Көсьйи эськө öні лоны тіян дінын, мед тöдны, кутшөм ногөн сёрнитны тіянкөд. Ме ог гөгөрво тіянöс! ²¹ Висьталөй меным, Индөд улын овны көсьйысьяс, гөгөрвоанныд-ö ті, мый висьталө Индөдыс? ²² Сэні гижöма, мый Öвраамлөн вöлі кык пи: öтисö чужтіс кесйöгыс, мөдсö – гөтырыс. ²³ Кесйöглөн пиыс чужис морт көсьйöмянь, гөтырыслөн – Енлөн көсьйысьöм серти. ²⁴ Тайö висьталө кык йитөд йылысь. Öти йитөдсö вöлі көрталöма Синай керöсын – тайö Агар, сылөн ныв-пиыс кесйöгыяс. ²⁵ Агарыс индö Аравияын Синай керöс вылө да лöсялö öнiя Ерусалимлы. Сійö аслас челядькөд кесйöг туйын. ²⁶ Енэжвыв Ерусалимыс – мездлуна кар, сійö миян ставнымлөн мам. ²⁷ Гижöма: – Нимкодясь, сьökтыны вермытөм да кага вайлытөм! Гораа нимкодясь, долыда гажөдчы, чужтан дойсö тöдлытөм! Öд энвотöмаыслөн ныв-пиыс ёна уна, унджык верöсыскөд олысьлөн дорысь. ²⁸ Вокъяс, ми Исаак моз көсьйысьöм серти чужысь ныв-пи. ²⁹ Сэки вир-йяй көсьйöмянь чужысьыс вөтліс Ловсянь чужысьсö. Тадзи тшөтш öні. ³⁰ Гижöдыс мый висьталө? Вөтлы кесйöг мамсö пиыскөд, медым кесйöг пиыслы тшөтш эз вудж гөтыр пиыс кольöм овмөсыс. ³¹ Вокъяс, ми абу кесйöглөн ныв-пи, ми – гөтырыслөн.

5 Кростос мездіс миянöс. Сідзкө, зумыда сулалөй сетөм мездлунас да энö бара пырöй сийöс улö. ² Ме, Павел, шуа тіянлы: вундыштчанныд кө, Кростос тіянлы абу колана. ³ Нöшта шуа: вундыштчөмалы колö овны Индөдлөн став тшөктöмыс серти. ⁴ Ті корсинныд веськыдлунсö Индөдö кутчысьöмөн да колинныд Кростостөг, вешйинныд буралөмсьыс бокö. ⁵ Но миянлы эскöмным пыр Енлөн Лолыс сетіс лача воөдчыны веськыдлунас. ⁶ Тэ кө Исус Кростос пытшкын, вундыштчөмыд-ö, абу-ö вундыштчөмыд, тайö нинөм оз сет. Колана сöмын муслуна эскөм. ⁷ Ті бура мунінныд. Коді нö падмөдіс тіянöс збыльыслысь кывзысьöмысь? ⁸ Тайö абу Сысянь,

коді корис тіянöс. ⁹ Этшаник няньшом шоммөдö дзоньнас көтассö. ¹⁰ Господь вылө лача кутөмөн эска, мый онö кутöй мөвпавны мөд ног. Тіянöс падмөдысьясöс Енмыс мыждас. ¹¹ Вокъяс, ме кө öні важ мозыс на сулалі вундыштчөм дор, менö нинөмысь вöлі вөтлынысö. Сэки эськө крестыс некодлы эз ло мытшөдөн. ¹² Тіянöс падмөдысьяс, колö кө, мед кодзасны асьнысö! ¹³ Вокъяс, тіянöс корöма мездлунас. Сöмын мездлунсö энö бергөдöй вир-йяйлысь көсьйöмсö могмөдөмö, но мусапырысь кесьялөй öта-мөдныдлы. ¹⁴ Öд став Индөдсö шымыртöма öти шуөмö: «Радейт матыссатö асьтö моз». ¹⁵ Ті кө йиранныд-пуранныд öта-мөднытö, видзчысьöй, мед öта-мөдтö дзикöдз энö бырөдöй. ¹⁶ Висьтала тіянлы: олөй Лов серти, сэки вир-йяйлысь көсьйöмсö онö могмөдöй. ¹⁷ Öд вир-йяй көсьйö, мый Лов оз көсьйы, а Лов көсьйö, мый вир-йяй оз көсьйы. Найö паныд сувтöны öта-мөдныслы. Та вöсна ті онö вермөй вөчны көсьянасö. ¹⁸ Тіянөн кө Лов веськөдлө, сідзкө, ті абу Индөдыс улынөсь. ¹⁹ Вир-йяйлөн уджыс төдса: гозъя олөм пежалөм, кырсалөм, пеж вөчөм, лэдзчысьöм оласног, ²⁰ идоллы юрбитөм, тшыкөдчөм, лөгалөм, пинясьöм, вежөгтөм, скөралөм, асьтö радейтөм, юксьöм, ылөгвелөдөм, ²¹ вежалөм, виөм, кодалөм-гажөдчөм да мукөд шогмытөмтор на. Водзынсö висьтавлі нин, öні нöшта висьтала: татшөмторсö вөчысьлы Енлөн Юраланіныс оз вичмы. ²² Ловлөн вотöсыс – муслун, нимкодьлун, лөньлун, терпитөм, мелілун, бурлун, эскөм, ²³ рамлун, асьтö кутөм. Таысь Индөдыс оз мыжды. ²⁴ Кодъяс Кростослөн, найö тувъялісны вир-йяйсö став сылөн лөк көсьйöмнас. ²⁵ Олам кө Лов серти, Ловлысь көсьйöмсö вөчам. ²⁶ Öгö пондöй вывтiасьны, öта-мөдöс дөзмөдны да öта-мөдлы вежавны.

6 Вокъяс, кодкө кө мыжмас, ті, Лов серти олысьяс, веськөдöй сэтшөмсö рам сьөлөмөн. Видзөдöй ас бөрсяныд, мед асьныд энö шедöй ылөгас. ² Нуöй öта-мөдныдлысь сьökыдсö, тадзи пöртанныд олөмö Кростослысь тшөктöмсö. ³ Ас йывсьыс вывтiа мөвпалысь, коді збыльвылас нинөм, ылөдлө ачыс асьсö. ⁴ Видзөдлы аслад уджъяс вылө, сэки мукөд водзын кыпөдчытөг верман донъявны асьтö. ⁵ Öд быдөн нуö асьыс нөб. ⁶ Ен Кывйөн туйдөдöмаыс мед юксяс быд бурнас туйдөдысьыскөд. ⁷ Асьнытö энö ылөдлөй – Енмыс серам туйын оз ло. Мортыд мый көдзас, сійöс и вундас. ⁸ Көдзас кө вир-яяс, вундас сысянь кулөм. Лолас кө көдзас, вундас Ловсянь помтөм олөм. ⁹ Бурсö вөчигөн öгö сетчöй мудзөмас, öд ас кадö вундам, öгö кө лэдзöй кинымöс. ¹⁰ Эм кө на позянлун, вөчамöй бурсö быдөнлы, торъя нин эскысь чой-воклы. ¹¹ Гижа тіянлы аслам киөн, ті аддзанныд менсьым гырысь шыпасьяссö. ¹² Найö,

кодъяс кӱсйӱны шогмыны йӱзлы, тшӱктӱны тӱянӱс вундыштчыны сӱмын сы могысь, медым найӱс эз вӱтлыны Кростос крест вӱсна. ¹³ Ӳд вундыштчӱмаяс асьныс оз овны Индӱд сертиыс. Тӱян вундыштчӱмныд налы сӱмын помка ошйысьны. ¹⁴ Ме ог кӱсйы ошйысьны нинӱмӱн, сӱмын мян Господь Исус Кростослӱн крестӱн. Сӱнӱ тувъялӱма муюгыдсӱ меным да менӱ –

муюгыдыслы. ¹⁵ Тӱ кӱ Исус Кростос пытшкын, вундыштчӱмды-ӱ, абу-ӱ вундыштчӱмды, тайӱ нинӱм оз сет. Колӱ, мед тӱ выль морт вӱлӱн. ¹⁶ Буралӱм да лӱнълун тайӱс тӱд выланыс кутысьяслы да Енлӱн Израильлы. ¹⁷ Водзӱ энӱ сӱӱктӱдӱй менӱ, ӱд вир-яйын ме нуа Господь Исуслысь дойяссӱ. ¹⁸ Вокъяс, мян Господь Исус Кростослӱн буралӱмыс тӱянкӱд. Аминь.

Ефесö

1 Гижö Павел, Ен кöсйöм серти Исус Крестослөн апостол. Чолöмала тiянöс, Ефес карын олысьясöс, Исус Крестослы эскысь вежа войтырöс. 2 Буралöм да лöнь олöм тiянлы Ен Батьнымсянь да миян Господь Исус Крестоссянь. 3 Ошкöм Енлы, миян Господь Исус Крестослөн Батьлы! Сийö бурсийöма миянöс Крестос пыр Ловсянь быдпөлöс бурсийöмнас, мый эм енэжас. 4 Сийö бөрйöма миянöс Крестос пытшкын му пуксьытöдзыс на, медым вöлим Сы водзын вежаöсь да сöстöмсь. Ми ёна мусаöсь Енмыслы. 5 Та вöсна, Исус Крестос пыр Енмыс водзвыв шуис босьтны миянöс Аслыс нывпи пыдди. Татшöм Енмыслөн бур кöсйöмыс. 6 Сидзкö, ошкамöй Енсö дзирдлуна буралöмсыс, кодöс Сийö козыналис миянлы Аслас муса Пиыс пыр. 7 Крестос ньöбис миянöс Вирыс вылö да прöститис мыжъяснымöс. Сэтшöм ыджыд Енмыслөн буралöмыс! 8 Енмыс лышкыда козыналис миянлы мывкыдлунсö да гөгөрвоёмлунсö. 9 Бур кöсйöмыс вöсна Сийö восьтис миянлы Ассьыс гусяторсö – водзвыв мөвпыштöмсö. Тайö гусяторсö Сийö восьтис миянлы Крестос пыр, 10 медым колана кадö öтувтны став енэжыввасö да муыввасö Крестос веськөдлөм улö. 11 Крестос пыр ми лоим Ен войтырөн, тадзи водзвыв вöли мөвпыштöма Енмыслөн. Öд Сийö ставсö вöчö Ас кöсйöм сертиыс. 12 Енмыс бөрйис миянöс, Крестос вылö медводдзаясөн лача кутысьясöс, медым миян олөм пыр ошкыссис Сылөн дзирдлуныс. 13 Кор тi кылiнныд збыльсö, тiянöс мездöм йылысь Бур Юöрсö, тi тшöтш кутiнныд эскыны Крестослы. Сэки Енмыс пасйис тiянöс кöсйысьöм Вежа Лолөн. 14 Тайö Лолыс эскöдö миянöс, мый миянлы вичмас Енлөн кöсйысьöмыс, кор Сийö дзикöдз мездас Ассьыс йöзсö. Сидзкö, ошкам Енсö Сылөн дзирдлунысь! 15 Ме кывлi, мый тi эсканныд Господь Исуслы да радейтанныд став вежа войтырсö. 16 Та вöсна дугдывтöг аттьöала Енсö тiянысь да казтывла тiянöс аслам кевмысьöмъясын. 17 Ме кора, мед миян Господь Исус Крестослөн Ен, дзирдлуныслөн Бать, сетас тiянлы мывкыдлуныслысь да восьтöмыслысь Ловсö, медым тi верминныд тöдны Сийöс. 18 Сийö мед югдöдас тiянлысь сьöлöмнытö, медым тi гөгөрвоинныд, кутшöм лачаö Сийö корöма тiянöс,

кутшöм ыджыд озырлун вичмö вежа войтырлы, 19 да кутшöм ыджыд Сылөн вермана выныс, кодi уджалö миян пытшкын, Сылы эскысьясын! Тайö жö вынсö 20 Енмыс петкөдлiс Крестос пыр, кор ловзьöдiс Сийöс кулöмысь да пуксьöдiс енэжас, Ас веськыдладорас, 21 медся вылö: быдпөлöс юралысь-веськөдлысьясысь, вынаяс-ыджыдалысьясысь да быд нимысь тайö нэмас и локтанаас. 22 Енмыс ставсö пуктiс Крестос кок улö да индiс Сийöс медыджыдөн, Вичколы юрөн. 23 Вичкоыс – Крестослөн Вир-яйыс да Сылөн тырвыйöлуныс, Сийö тыртö Аснас ставсö.

2 Енмыс ловзьöдiс тiянöс, мыжъясныд да лёк вöчöмныд вöсна кулöмаясöс. 2 Öд водзынсö тi олинныд тайö муюгыдсаыс моз, енэж улас ыджыдалысь антуслысь кывзысьöмөн. Тайö пез лолыс öнöдз на веськөдлö кывзысьтöмъясөн. 3 Коркö ми ставным вöлим на кодьöсь: олiм шогмытöма, вир-яйлөн кöсйöм серти. Татшöм оласногысь миянöс мукöдсö моз виччысис Енлөн скөрлуныс. 4 Но буралöмнас озыр Ен петкөдлiс Ассьыс ыджыд муслунсö миян дiнö. 5 Миянöс, лёк вöчöм вöсна кулöмаясöс, Сийö ловзьöдiс Крестоскөд тшöтш. Сылөн буралöмыс мездiс тiянöс. 6 Сийö ловзьöдiс миянöс Исус Крестоскөд да пуксьöдiс Сыкөд енэжас, 7 медым локтан нэмъясö олысьяслы петкөдлыны Исус Крестос пыр миян дiнö Ассьыс помтöм-дортöм буралöмсö да бурлуныс. 8 Öд Енмыслөн буралöмыс мездiс тiянöс эскöмныд пыр. Мездмöмыс абу тiянсянь, сийö Енсянь козин. 9 Бур вöчöмыд оз мезды, медым некод эз ошйысь тайөн. 10 Ми – Енлөн вöчöмторъяс. Сийö öтувтöма миянöс Исус Крестоскөд, медым ми вöчим бур уджъяс, кодъясöс Енмыс водзвыв нин вöли дасьтöма миянлы. 11 Кутöй тöд выланыд, мый тi чужöмсянныд вöлинныд ентöдтöмъясөн да вундыштчытöмъясөн. Тадзи нимтылисны тiянöс юдейяс, вундыштчöмаяс, кодъясöс вöли морт вундыштö. 12 Сэки тi олинныд Крестостöг, энö вöлöй Израиль войтырөн. Енма-тiа костын йитöдыс эз вöv, тiянлы эз вичмыв Сылөн кöсйысьöмыс, тi олинныд тайö муюгыдас Енсö тöдтöг да лачатöг. 13 Коркö тi вöлинныд ылынöсь Енсыс, öнi тi – Крестоскөд олысьяс. Сылөн Вирыс матыстiс тiянöс Ен дiнас. 14 Крестос – миянлы

бурасян йитодыс. Сійö отувтис юдейясöс да мукöд войтырöс öти войтырö да жугöдис шöракостсыс мытшöдсö, ¹⁵ тадзи Аслас Вир-яйнас бырöдис на костысь лөксöмсö. Сійö пунктис пом Индöдлы да сэтчö пырысь быд тшöктöмлы да велöдöмлы, медым юдейясöс да мукöд войтырöс бурöдны öта-мöдныскöд. Сійö йитис найöс Аскöдыс да вöчис наысь öти выль олысьсö. ¹⁶ Крест вылын кувлöмнас Сійö бырöдис лөксöмсö. Тадзи öти вир-яйын Крестос бурöдис Енмыскöд кыкнан войтырсö. ¹⁷ Сійö локтис юöртны бурасьöм йылысь тиянлы, кодъяс вöлинныд ылынöсь Енсыс, и налы, кодъяс матынöсь Ен динас. ¹⁸ Та вöсна ми быдöн, юдейяс да мукöд войтыр, Крестос пыр вермам локны Бать динö, öд миянöс ставнымöс йитö öти Лов. ¹⁹ Сидзкö, тi абу нин боқысаяс да кыськö локтысьяс, тi – ас йöз вежа войтырлы да ныв-пи Енмыслы. ²⁰ Тиянöс сувтöдöма сійö подув вылас, мый пунктисны апостольяс да пророкъяс. Тайö тэчасас пельöс изйис – Ачыс Исус Крестос. ²¹ Сійö йитö Аснас став тэчассö, тадзи тэчасыс кыптö да лоö Господьлөн вежа крамөн. ²² Тi – Крестос пытшкынöсь. Сидзкö, Ен Лов отсöгөн тi тшöтш лоанныд Енмыслы оланинөн.

3 Та вöсна ме, Павел, Исус Крестослөн кесьялысь, пукала дзескыдинын тиян вöсна, мукöд войтыр вöсна. ² Дерт, тi кывлинныд нин, мый буралöмыс кузя Енмыс сетис меным удж – кесьявны тиянлы. ³ Восьтöмыс пыр Енмыс сетис меным тöдны Ассьыс гусяторсö. Та йылысь ме вылынджык дженъидика гижинин. ⁴ Тайö гижöдсö лыддигөн тi верманныд тöдмавны, кутшöм бура ме гөгөрвоа Крестослысь гусяторсö. ⁵ Водзын олысьяс эз тöдлыны тайö гусяторйис йылысь. Öни Вежа Лов восьтис сийöс Крестослөн апостольяслы да пророкъяслы. ⁶ Тайö гусяторйис татшöм: мукöд войтыр юдейяс моз тшöтш босьтасны Енсянь вичмöдöмасö, öд Бур Юöр кылöм бöрын найö öтувтчисны Исус Крестоскöд. Сидзкö, найö – öти вир-яйлөн юкөнъяс, налы тшöтш вичмö Енлөн кöсийсыöмыс. ⁷ Енлөн бурсетöмыс да выныс отсöгөн ме лои тайö Бур Юöрыслы кесьялысьöн. ⁸ Меным, став вежа войтыр пиысь медся тöдчытöмыслы, уси шуд висьтавлыны мукöд войтырлы Крестослөн помтöм-дортöм озырлун йылысь Бур Юöрсö ⁹ да восьтны быдöнлы Енмыслысь водзвыв мөвпыштöм гусяторсö. Енмыс, кодi вöчис ставсö Исус Крестос пыр, видзис тайö гусяторсö Ас пытшкас нэмъяс пуксьытöдзыс на, ¹⁰ медым Вичкоыс пыр öни петкöдлыны енэжвывса ыджыдалысь-веськöдлысьяслы Ассьыс уна ногөн петкöдчысь мывкыдлунсö. ¹¹ Тадзи нэмъяс пуксьытöдз на лöсьöдöм-мөвпыштöмсö Енмыс пöртис олöмö миян Господь Исус Крестос пыр. ¹² Ми – Крестос пытшкынöсь, Сылы эскöм пыр ми повтöг-

майшасьтöг вермам локны Ен динö. ¹³ Вокъяс, кора тиянöс: энö öшöдöй журнитö, кор ме сьöкыдала тиян вöсна. Öд та пыр вичмö тиянлы ошкöмыс. ¹⁴ Ме сувта пидзöс вылö, миян Господь Исус Крестослөн Бать водзö. ¹⁵ Сійö сетö ним быд чужанкотырлы енэжас и му вылас. ¹⁶ Ме кора, мед дзирдлуннас озыр Ен Аслас Ловнас да выннас ёнмöдас тиянлысь пытшкөсса морттö, ¹⁷ да эскöмныд пыр Крестос овмöдчас тиян сьöлöмö. ¹⁸ Ме кевма, медым муслуныс вужъясяс тиян сьöлöмö да лоас тиянлы подулөн. Сэки став вежа войтыркöд öтвыв верманныд шымыртны Крестос муслунлысь кузьта-пасьтасö, пыдта-судтасö, ¹⁹ да гөгөрвоны Сылысь вежөрö тöртöм муслунсö. Сэки тиян пытшкын лоö Енлөн став тыр-бурис. ²⁰ Ошкöм Енлы! Аслас вынөн, кодi уджалö миян пытшкын, Сійö вöчö ёна унджык миян корöмъяс да мөвпалöмъяс дорысь. ²¹ Ошкöм Сылы Вичкоын, кодi Исус Крестос пытшкын, быд кадö олысь йöзсянь нэмъяс чöж. Аминь.

4 Ме, Господьлы кесьялöм вöсна дзескыдинын пукалысь, кора тиянöс: олöй сидзи, кызди колö овны Енлөн корöмаяслы. ² Пыр лоöй мелиöсь, рамöсь, терпитöмөн да мусапырысь бурö пунктöй öта-мöднытö. ³ Зильöй видзны Ловсянь сетöм öтувьялуннытö да тиянöс йитысь лөнълуннытö. ⁴ Вир-яйыс öти, Лолыс öти, лачаыс, кытчö тиянöс корöма, тшöтш öти. ⁵ Господьыс öти, эскöмыс öти, и пыртчöмыс öти. ⁶ Енмыс öти, Сійö быдöнлы Бать. Сійö веськöдлö ставнас, уджалö ставыс пыр да олö ставным пытшкын. ⁷ Крестос Ас кöсийöм сертиыс миянлы быдöнлы лышкыда козьналис бурсетöмсö. ⁸ Öд Гижöдыс висьталö: – Сійö кыпöдчис вылисьыс-вылö, босьтис Аскöдыс кöрталöмаясöс, йöзлы сеталис козинъяс. ⁹ Мый лоö "кыпöдчöмыс"? Оз-ö сийö, мый водзынджык Сійö лэччылис му пыдöсöдзыс. ¹⁰ А лэччылис кö, сидзкö, кыпöдчис став енэжсьыс вылö, медым тыртны Аснас ставсö. ¹¹ Öтиясöс Сійö сувтöдис апостольясөн, мөдъясöс – пророкъясөн, коймөдъясöс – бурьюöртысьясөн, нельöдъясöс – вичкоса веськöдлысьясөн, витöдъясöс – велöдысьясөн, ¹² медым дасьтыны вежа войтырöс кесьявны да сөвмöдны Крестослысь Вир-яйсö. ¹³ Сэки ми ставным воам öти эскöмö, кутам тöдны Ен Пиöс, быдмам да воöдчам Крестослөн тыр арлыдöдз да Сылөн тырвыйöлунöдз. ¹⁴ Сидзкö, миянлы оз нин ков ылавны кагаяс моз быдпöлөс төвйив велöдöмö. Öд татшöм велöдöмыс петö наян да ылöдчысь йöзсянь. ¹⁵ Мөдарö, збыляс да муслунас кутчысьöмөн, кутам пыр быдмыны да воöдчыны Крестосöдз, öд Сійö – юрыс. ¹⁶ Сійö йитö вир-яйлысь став юкөнсö öтиö, тадзи артмö öти вир-яй. Юкөнъясыс топыда йитчöмаöсь öта-мöдныскöд, и быд юкөн вöчö ассьыс удж. Тадзи муслуныс отсöгөн

ставнас вир-яйыс быдмө-сөвмө. ¹⁷ Та вöсна, ме ёна кора тiанöс Господь нимөн: водзö энö нин олöй ентöдтöмъяс моз. Налөн мөвпъясыс ковтöмөсь, ¹⁸ вежөрныс пемдöма, найö ылынöсь Ен нога олöмсьыс, öд налөн чорзöма сёлöмныс, да Енсö найö оз тöдны. ¹⁹ Найö воштöмаöсь яндзимнысö, лэдзчысьöмаöсь олöмсьыс да быдпөлöс пещö вöчöны пöтлытöг. ²⁰ Но тiанöс эз тадзи велöдны Кростос йылысь, медым тi олинныд татшöм ногөн. ²¹ Тi кывлинныд Сы йылысь, тiанöс велöдiсны: збыльыс серти, мый эм Исусын. ²² Тiанöс велöдiсны: эновтöй важ оласногтö да ыштана лёк кöсйöмъястö, öд найö тшыкöдöны тiанöс. ²³ Вильмöдчöй ловнаныд да вежөрнаныд. ²⁴ Вежсьöй Ен нога виль мортö, кутчысьöй збыляс, веськыдлунас да вежалунас. ²⁵ Сiдзкö, дугдöй пöръясьнытö да сёрнитöй öта-мöдныдкöд веськыда, öд ми – öта-мöдлы юкөнъяс. ²⁶ Скöралiганыд энö мыжмöй: бурасьöй öта-мöдныдкöд шондi пуксьытöдзыс на. ²⁷ Энö сетöй омöльыслы кутчысянiн. ²⁸ Гусясьыс – водзö эн гусясь. Бурджык, уджав да вöч аслад киөн коланасö, медым вермин чуктöдны сэтись корысьяслы. ²⁹ Некутшöм пещ кыв мед оз пет тiан вомысь, а сöмын бурыс. Öд тайö ёнмöдö йöзыслысь эскöмсö да вайö налы нимкодълун. ³⁰ Энö шогöдöй Ен Вежа Лолöс, кодөн пасйöма тiанöс мездана лун кeжлö. ³¹ Пыр кeжлö öвсьöй дöзмöмысь, лёксöм-скöралöмысь, зыксöм-суклясьöмысь да быдсяма лёк вöчöмысь. ³² Öта-мöдныд дiнö лоöй бур сёлöмаöсь да мелiöсь. Енмыс Кростос пыр прöститiс тiанöс, сiдзкö, тi тшöтш прöститöй öта-мöднытö.

5 Тi – Енлөн муса ныв-пи, сiдзкö, олöй Сы вылö видзöдöмөн. ² Кростослы ми мусаöсь, тi тшöтш лоöй мусаöсь öта-мöдныдлы. Кростос сетiс Ассьыс олöмсö мян вöсна да вайис Асьсö Енлы чöскыд дука вись пыдди. ³ Тi – вежа войтыр. Сiдзкö, некутшöм кырсалöм, пещ оласног да горшасьöм мед эз вöв тiан пöвстын. Весиг энö сёрнитöй та йылысь! ⁴ Ковтöм сёрнияс, пещ кывъяс да мисьтöм шмоньяс мед эз петны тiан вомысь. Мöдарö, аттьöалöй Енсö! ⁵ Тöдöй, мый ни öти кырсалысьлы, пещ оласногалы да горшасьысьлы, кодi копрасьö озырлунлы Енмыслы пыдди, – Кростослөн да Енлөн Юраланiныс оз вичмы. ⁶ Некод мед оз ылöдлы тiанöс ковтöм сёрниясөн, öд таысь кывзысьтöмъясöс суас Енлөн скöрлуныс. ⁷ Татшöмъясыскöд энö öтувтчöй! ⁸ Коркö тi вöлинныд пемыдөн, öнi тi Господь пытшкынöсь да лоинныд югыднас. Сiдзкö, олöй югыдыслөн ныв-пи моз. ⁹ Öд Ловлөн вотöсыс – бурлун, веськыдлун да збыльлун. ¹⁰ Зильöй тöдмавны Енмыслы шогманасö. ¹¹ Энö öтувтчöй пемыдас олысьяслөн ковтöм

уджъясö, мöдарö, янöдöй найöс. ¹² Öд яндзим весиг висьтавнысö налөн гуся уджъяс йылысь. ¹³ Но югыдас став гусяыс тыдовтчö, öд югыдыс ставсö востö. ¹⁴ Сiйөн и шуöма: – Садьмы, узысь, ловзый кулöмысь, и тэнö югдöдас Кростос. ¹⁵ Сiдзкö, сюся видзöдöй ас бёрсяныд: олöй мывкыдаяс моз, а энö вежөртöмъяс моз. ¹⁶ Энö коллялöй каднытö весьшөрö, öд тайö лунъясыс тырöмаöсь лёкнас. ¹⁷ Энö лоöй мывкыдтöмөн, а тöдмалöй Енлысь кöсйöмсö. ¹⁸ Энö коддзöдчöй винаөн, öд тасянь овлö олöмас лэдзчысьöмыс. Мöдарö, сетöй Ловлы тыртны асьнытö. ¹⁹ Ссылöй öтвылысь псаломъяс, Енмöс ошкана сьыланкывъяс да бурсылöмъяс. Ссылöй Господьлы да ошкöй Сiйöс став сёлöмсянныд. ²⁰ Быд кадö ставсьыс аттьöалöй Ен Батьöс мян Господь Исус Кростос нимөн. ²¹ Енсьыс полöмөн кывзыйсьöй öта-мöдныдлысь. ²² Гöтыръяс, кывзыйсьöй асланыд верöсьяслысь Господьлысь моз. ²³ Öд гöтырлы юрыс – верöс, кыдзи Вичколы юрыс – Кростос. Вичколы – Сiйö Мездысь, а Вичкоыс – Сылөн вир-яйыс. ²⁴ Кыдзи Вичкоыс кывзысьö Кростослысь, сiдзи гöтыръяс быдторйын кывзысьöй асланыд верöсьяслысь. ²⁵ Верöсьяс, радейтöй ассьыныд гöтыртö, кыдзи Кростос радейтö Вичкосö. Öд Кростос сетiс Ассьыс олöмсö Вичкоыс вöсна, ²⁶ медым вежöдны сiйöс. Сiйö сöстöммöдiс Вичкосö ваөн да кывнас, ²⁷ медым сувтöдны сiйöс Ас водзас быд боксянь мичаөн: сöстöмөн, вежаөн, медым сылөн эз вöв некутшöм няйттор, чукыр да тырмытöмтор. ²⁸ Верöсьяс, радейтöй ассьыныд гöтырнытö вир-яйтö моз, öд гöтырсö радейтысь – асьсö радейтö. ²⁹ Некод оз мустöмт ассьыс вир-яйсö, мöдарö, шонтö-пöткöдö сiйöс, кыдзи Господь тöждысьö Аслас Вичкоыс вöсна. ³⁰ Öд ми – Сы вир-яйлөн юкөнъяс. ³¹ Гиждöдыс висьталö: «Та вöсна морт кольö бать-мамсö да öтлаасьö гöтырыскöд, и тайö кыкыс лоöны öти вир-яйөн». ³² Тайö – ыджыд гусятор. Ме висьтала тайöс Кростос да Вичко йылысь. ³³ Сiдзкö, быдөн мед радейтö гöтырсö асьсö моз, а гöтыр мед пыдди пуктö верöссö.

6 Челядь, кывзысьöй бать-мамныдлысь Господь вöсна, öд тайö лоö веськыд Сы водзын. ² «Пыдди пукты ассьыд бать-мамтö» – тайö медводдза тшöктöм, кытчö пырö татшöм кöсйысьöм: ³ «сэки ставыс тэнад лоö бур да олöмыд кузь нэма». ⁴ Батьяс, энö дöзмöдöй ассьыныд челядтьö, но быдтöй-велöдöй найöс Господьлөн кöсйöм серти. ⁵ Кесйöгъяс, кывзысьöй асланыд муыввса ыджыдъяслысь Кростослысь моз. Кесьялöй налы осьса сёлöмөн, полiгтырйи да пыдди пуктöмөн. ⁶ Энö вöчöй тадзи асьнытö йöз водзын ошкöм-петкöдлöм могысь, но Кростослөн кесйöгъяс моз кывзысьöй Енмыслысь став

сьолъмсяньныд. ⁷ Кесъялӱй налы нимкодъпырысь Господьлы моз, а энӱ йӱзлы моз. ⁸ Тӱдӱй, мый быдӱн, кесйӱг кӱть мездлуна морт, босьтас Господьсянь удждонсӱ бур вӱчӱмыс серти. ⁹ Ыджыдъяс, тӱ тшӱтш бура кутӱй асьнытӱ асланыд кесйӱгъяскӱд: энӱ лоӱй чорыдӱсь накӱд. Тӱдӱй, мый тӱян вылын, и на вылын ӱти Ыджыдыс енӱжас. Сйӱӱ оз видзӱд морт чужӱм вылӱ. ¹⁰ Нӱшта вокъясӱй, ёнмӱдӱй асьнытӱ Господькӱд ӱтувъя олӱмас Сылӱн вермана выннас. ¹¹ Пасьталӱй Енсянь став вермасынторсӱ. Сэки тӱ верманныд сувтны омӱльыслӱн наяна лӱк вӱчӱмъяслы паныд. ¹² Ӳд миян тышыс абу мортлы паныд, ми тышкасям енӱжувса юралысь-ыджыдалысь пез ловъяскӱд да тайӱ муывывса пемыд олӱмнас веськӱдлысь ловъяскӱд. ¹³ Та вӱсна, босьтӱй Енсянь став вермасынторсӱ. Сэки тышкасиганыд верманныд водзсасыны лӱкыслы паныд да петанныд вермысьясӱн. ¹⁴ Сулалӱй зумыда! Вӱнсясьӱй збыльнас да пасьтасьӱй веськыдлуныслӱн кӱрт кышӱдӱ. ¹⁵ Кӱмкотасьӱй да лоӱй дасьӱсь висътавлыны лӱньлун йылысь Бур Юӱрсӱ. ¹⁶ Та

кындзи, топыда кутӱй кианыд эскӱмлысь сайӱдсӱ, кодӱн тӱ верманныд кусӱдны омӱльысь став донӱдӱм ньӱвъяссӱ. ¹⁷ Нӱшта босьтӱй юр вевттьӱд пыдди мездмӱмсӱ да Ловлысь шыпуртсӱ – Енлысь Кывсӱ. ¹⁸ Вӱчӱй тайӱс кевмӱмъясӱн да корӱмъясӱн, быд кадӱ кевмысьӱй Лов нуӱдӱм улын. Лоӱй дасьӱсь да зильӱй дугдывтӱг кевмысьны став вежа войтыр вӱсна. ¹⁹ Кевмысьӱй тшӱтш ме вӱсна, медым сӱрнитӱгӱн Енмыс сетӱс меным колана кывъяс повтӱг висътавлыны Бур Юӱрлысь гусяторсӱ. ²⁰ Енмыс мӱдӱдӱс менӱ висътавлыны Бур Юӱрсӱ, та понда ӱнӱ дзескыдӱнын. Кевмысьӱй ме вӱсна, медым висътавлӱ сйӱӱс повтӱг да колана ногӱн. ²¹ Медым тӱ тӱдӱнныд менам олӱм-вылӱм йылысь, ставсӱ тӱянлы висъталас Тихик. Сйӱӱ – менам муса вок, Господьлӱн эскана кесъялысь. ²² Ме мӱдӱда сйӱӱс тӱян дӱнӱ, медым висъталас миян олӱм йылысь да ышӱдас тӱянӱс. ²³ Вокъяс, сиа тӱянлы лӱнь олӱм, муслун да эскӱм Ен Батьсянь да Господь Исус Кростоссянь. ²⁴ Енлӱн буралӱмыс быдӱнкӱд, кодӱ радейтӱ миян Господь Исус Кростосӱс бырлытӱм муслунӱн. Аминь.

Филипö

1 Павел да Тимофей, Исус Крестослөн кесйöгъяс, чолöмалöны Филип карын олысь да Исус Крестослы эскысь став вежа войтырöс, вичкоса веськöдлысьясöс да отсасысьясöс. 2 Буралöм да лöнь олöм тiянлы Ен Батьнымсянь да Господь Исус Крестоссянь. 3 Тiян йылысь казтывлiгөн быдпöрийö аттьöала ассыым Енмöс 4 да нимкодъпырысь кевмыся ставныд вöсна. 5 Öд тi медводдза лунсянныс да öнöдз на отсаланныд меным паськöдны Бур Юöрсö. 6 Енмыс панöма нин бур уджсö тiян пытшкын, и ме эска, мый Исус Крестослөн локтан лунöдз Сийö вайöдас уджсö помöдз. 7 Дерт, меным тадзи и колö мöвпавны тiян йылысь, öд тi менам сьölöмынöсь. Пукала-ö ме дзескыдiнын, доръя-ö Бур Юöрсö али висътавла сийöс эскöдöмөн, тi ставныд мекöд öтвыв босьтанныд Енсянь бурсетöмсö. 8 Ен тöдö, ме ёна радейта тiянöс Исус Крестослөн муслунөн. 9 Ме кевмыся, мед тiян муслунныд ёнджыка на содас да сетас тiянлы быдпöлöс тöдöмлунсö да мывкыдлунсö, 10 медым верминныд тöдмавны медбурсö. Сэки Крестослөн лунö тi лоанныд сöстöмöсь да мыжтöмöсь 11 да кутанныд вайны веськыда олöмыслысь вотöссö Енсö ошкöм да аттьöалöм могысь. Тайö уджсö кутас вöчны тiян пытшкын Исус Крестос. 12 Вокъяс, кöсья, мед тi тöдiнныд, мый мекöд лоöмторъясыс ёнджыка на отсалiсны меным висътавлыны Бур Юöрсö. 13 Крестос вöсна ме öнi дзескыдiнын. Та йылысь тöдöны ставныс: кесарлысь керка видзысьяс, тшöтш мукöдыс. 14 Унджыксö вокъяс пиысь ышöдiс менам дзескыдiнын пукалöмöй, да найö ёнджыка на повтöг кутiсны висътавлыны Ен Кывсö. 15 Кодсюрö висътавлöны Крестос йылысь вежалöмныс понда, мед вензьяны миянкöд, а мукöдыс висътавлöны сьölöмсянныс. 16 Кодсюрö висътавлöны Крестос йылысь оз сьölöмсянныс, а асьнысö петкöдлöм могысь. Тадзи найö кöсийны сьöктöдны менö дзескыдiнын пукалiгөн. 17 Мукöдыс висътавлöны муслунныс вöсна, öд найö тöдöны, мый Енмыс сувтöдiс менö дорйыны Сылысь Бур Юöрсö. 18 Наянпырысь-ö, восьса сьölöмөн-ö найö висътавлöны Крестос йылысь, меным веськодъ. Мед сöмын висътавласны-а! Ме и таысь нимкодьяся да водзö кута нимкодьясьны, 19 öд ме тöда, мый тiян

кевмысьöмъясныд да Исус Крестослөн Лолыс отсаласны меным мездмыны. 20 Лача кута, мый меным нинöмысь лоö яндысьнысö, но воддза мозыс лоа повтöмөн да кута водзö вайны Крестослы ошкöмсö аслам вир-ййын олöмөн али кулöмөн. 21 Öд менам олöмöй – Крестос, а кулöмöй – вермöм. 22 Кута кö водзö вир-ййын овны, унатор на верма вöчны. Мый бöрийыны – ог тöд. 23 Кöсья öтисö и мöдсö: кöсья öдйöджык мунны тайö муюгыдсыс да лоны Крестоскöд, öд тайö ёна бурджык, 24 но олышта кö на тайö му вылас, тiянлы бурджык. 25 Ме зумыда эска таö, та вöсна тöда: ме кольчча на му вылас да лоа ставныдкöд, ёнмöда тiянлысь эскöмнытö, медым сы пыр верминныд нимкодьясьны. 26 Сэки, тiян дiнö выльысь локтiгөн, Исус Крестос пытшкын тi верманныд ёнджыка на ошйысьны меөн. 27 Сöмын олöй шогмана ногөн, Крестослөн Евангелльöйс серти. Ме ог тöд, верма-ö локны тiян дiнö али ог вермы, аддза-ö тiянöс али ог аддзы, но кöсья кывны, мый тi оланныд öти лолөн да öтвылысь тышкасянныд Бур Юöр да эскöм вöсна. 28 Энö полöй тiянлы паныд мунысьясысь, öд тiян повтöмлунныд – налы пас кулöм вылö, а тiянлы – мездмöм вылö. Ставыс тайö Енсянь. 29 Öд Енмыс сетiс тiянлы эз сöмын Крестослы эскыны, тшöтш Сы понда сьöкыдсö нуны 30 да ме моз вермасыны. Тi аддзылiнныд, кызди ме водзынсö вермаси да öнöдз на вермасы. Тайöс тi тöданныд.

2 Крестоскöд олöмыс кö ышöдö тiянöс, Сылөн муслуныс кö бурöдö тiянöс, Енлөн Лолыс кö öтвывтö тiянöс, да тi кö мелiöсь да бур сьölöмаöсь öта-мöдныд дiнö, 2 сiдзкö, отсалöй меным ёнджыка на нимкодьясьны: радейтöй öта-мöднытö öтмоза, олöй öти сьölöмөн да öти мöвпъясөн, тiян костын мед лоö öтувъялун. 3 Нинöм энö вöчöй асьнытö петкöдлöм могысь да вылö кыпöдчöм могысь. Быдөн мед рам сьölöмөн пунктö мöдсö ассыис вылöджык 4 да тöждысьö оз сöмын ас вöснаыс, тшöтш мукöдыс вöсна. 5 Мöвпалöй да вöчöй Исус Крестос моз. 6 Сийö вöли дзик Енмыс кодъ, но эз кутчысь тайö öткодълунас. 7 Асьсö Сийö увтыртiс да кесйöг туйö пунктiс. Чужис морт кодъөн да морт вир-ййын олiс. 8 Асьсö Сийö улö пунктiс да кывзысис весиг кувтöдзыс, крест вылын кувтöдзыс. 9 Та вöсна Енмыс кыпöдiс Сийöс ставсыс медвылö да сетiс

Сылы ним – став нимсыыс медыджыдӱс, ¹⁰ медым Исус ним водзын копыртчис енэжас, му вылас да му пыдӱсас быд олысь, ¹¹ да Ен Батьӱс ошкӱм могысь быд морт шуис: «Исус Крестос эм Господь». ¹² Мусаяс, кор ме вӱлӱ тӱян дӱнын, тӱ пыр кывзысинныд менсыым. Сӱдзкӱ, ӱнӱ, кор абу тӱянкӱд, ӱнджыка на кывзысьӱй да тӱждысьӱй асланыд мездмӱм вӱсна полӱмӱн да тӱралӱмӱн. ¹³ ӱд Ачыс Енмыс уджалӱ тӱян пытшкын, медым тӱ кӱсӱйинныд вӱчны да вӱчинныд Сылӱн бур кӱсӱйӱмыс серти. ¹⁴ Ставсӱ вӱчӱй шуасьтӱг да зыксыытӱг, ¹⁵ медым тӱ вӱлӱнныд Енлӱн сӱстӱм, мыжтӱм да пезасьтӱм челядӱн. Сэки тайӱ тшыксьӱм да пезасьӱм йӱз пӱвстас тӱ лоанныд дзирдалысь кодзувъяс кодъӱсь. ¹⁶ Кутчысьӱй Олӱмыслӱн Кывӱйӱ, сэки Крестослӱн луӱн ме верма ошйысьны, мый эг весьшӱрӱ уджав да мырсы тӱян пӱвстын. ¹⁷ Весиг ковмас кӱ кысьтны асьыым вирӱс да вайны ачымӱс вись пыдди тӱян эскӱмныд вӱсна, тӱянкӱд ӱтвыв кута нимкодьясьны. ¹⁸ Сӱдзкӱ, тӱ тшӱтш нимкодьясьӱй, мекӱд ӱтвыв нимкодьясьӱй. ¹⁹ Господь Исус вылӱ лача кутӱмӱн чайта регыдъя кадӱ мӱдӱдны тӱян дӱнӱ Тимофейӱс. Сӱйӱ висьталас меным тӱян олӱм-вылӱм йылысь да ӱнмӱдас менӱ. ²⁰ Тимофей сьӱлӱмсянныс тӱждысьӱ тӱян вӱсна, мӱдыс сы кодъыс абу. ²¹ ӱд ставныс сӱмын ас вӱснаныс тӱждысьӱны, оз Исус Крестослы кесьялӱм вӱсна. ²² Тӱ тӱданныд Тимофейлысь зӱльӱмсӱ. Бур Юӱр висьтавлӱгӱн сӱйӱ отсасис меным пи моз. ²³ Лача кута дзик пыр мӱдӱдны сӱйӱс тӱян дӱнӱ, кор тӱдмала, мый лоӱ мекӱд водзӱ. ²⁴ Эска Господьлы, мый регыд ме тшӱтш локта тӱян дӱнӱ. ²⁵ Но медводз лыддя коланаӱн мӱдӱдны тӱян дӱнӱ Епафродит вокӱс, мекӱд ӱтвыв уджалысьӱс да отсасысьӱс. Тӱ мӱдӱдлӱнныд сӱйӱс, медым сетны меным колана отсӱг. ²⁶ Сӱйӱ ӱна гажтӱмтчӱ тӱян вӱсна да шогсьӱ, мый тӱ тӱданныд сылӱн висьӱм йылысь. ²⁷ Епафродит ӱна висис да вӱлӱ кулан выйын, но Енмыс вӱлӱ бур сьӱлӱма сы дӱнӱ, и эз сӱмын сы дӱнӱ, тшӱтш ме дӱнӱ, медым менам шогӱй эз сод. ²⁸ Та вӱсна ӱдӱӱджык мӱдӱда сӱйӱс тӱян дӱнӱ, медым бара верминныд аддзысьны ськӱд да нимкодьясьны. Сэки ме этшаджык кута шогсьыны. ²⁹ Сибӱдӱй Епарфодитӱс нимкодъпырысь, ӱд сӱйӱ кесьялӱ Господьлы. Татшӱм йӱзсӱ вылӱ донъялӱй. ³⁰ Крестослы кесьялӱгӱн сӱйӱ ӱдва эз кув, ӱдва эз вошты асьыс олӱмсӱ да отсасис меным, кор тӱ энӱ вермӱй отсасынӱсӱ.

3 Нӱшта вокъясӱй, нимкодьясьӱй Господь пытшкын! Та йылысь меным абу сьӱкыд казъывлыны тӱянлы, ӱд тайӱ видзас тӱянӱс лӱкысь. ² Видзчысьӱй "понъясысь", ӱд тайӱ лӱк вӱчысысыс тшӱктӱны вундыштчыны. ³ Збыль

вундыштчӱмаясыс – тайӱ ми, ӱд ми кесьялам Енлы Сылӱн Лов нуӱдӱм улын. Ми ошйысям Исус Крестосӱн, ӱгӱ ас выланым лача кутӱй, ⁴ кӱтӱ ме эськӱ верми ас вылӱ лача кутны. Кодкӱ мӱвпалӱ кӱ ас вылас лача кутны, мукӱд дорсыыс ме ӱнджыка на верма тадзи вӱчны. ⁵ ӱд менӱ вундыштӱма кӱкъямысӱд луӱн, петӱ Израиль войтырысь, Вениамин чужанкотырысь. Бать-мамӱй – юдейяс, Индӱд серти ме – фарисей. ⁶ Ен вӱсна тӱждысьӱмӱй петкӱдчис сыын, мый вӱтлӱ Енлысь Вичкосӱ. Индӱд серти ме вӱлӱ веськыдӱн да мыжтӱмӱн. ⁷ Водзынсӱ ставсӱ тайӱс лыдди медколанаӱн, ӱнӱ Крестос вӱсна лыддя нинӱмӱн. ⁸ Ставсӱ тайӱс пукта нинӱм туйӱ, ӱд Исус Крестосӱс, асьыым Господьӱс, тӱдӱм дорысь нинӱм абу ыджыдджыкыс. Крестос вӱсна энӱвтӱ ставсӱ, ставсӱ лыддя ӱгӱн, медым ме озырми Крестосӱн ⁹ да лои Сы пытшкын веськыдӱн эг Индӱд серти уджъясӱй вӱсна, а Крестослы эскӱм вӱсна. ӱд веськыдлунсӱ Енмыс сетӱ мортлы сӱмын Крестослы эскӱм пыр. ¹⁰ Кӱсъя тӱдны Крестосӱс да Сӱйӱс ловзӱӱдысь вынсӱ, кӱсъя тшӱтш юкны Сылысь сьӱкыдалӱмсӱ да кувны Сы моз, ¹¹ медым верми ловзъыны кулӱмысь. ¹² Ме ог шу, мый вои нин тыр-бурас, но зӱля воны тыр-бурас, ӱд татчӱ менӱ корис Исус Крестос. ¹³ Вокъяс, ме ог шу, мый вои нин тыр-бурас, но важсӱ вунӱдӱмӱн зӱля мунны водзӱ ¹⁴ да воны помӱдз, мед босътны тырдонсӱ – енэжвывса олӱм, кытчӱ Енмыс корӱма мянӱс Исус Крестос пыр. ¹⁵ Сӱдзкӱ, кодӱ мян пиысь лыддӱӱ асьсӱ тыр-бурас воысьӱн, сӱйӱ мед мӱвпалӱ мян моз. А мӱвпаланныд кӱ мӱд ногӱн, Енмыс восьтас тайӱс тӱянлы. ¹⁶ Но мыйӱдз воим нин, кутам водзӱ тадзи мӱвпавны да овны. ¹⁷ Вокъяс, видзӱдӱй ме вылӱ да велӱдчӱй овны на моз, кодъяс олӱны мян моз. ¹⁸ ӱд Крестослӱн крестлы унаӱн паныд муӱнӱны. Та йылысь висьтавлӱ нин тӱянлы, ӱнӱ нӱшта на синва сорӱн казъышта. ¹⁹ Налӱн помыс – кулӱм, налӱн енмыс – рушкуныс, найӱ ошйысьӱны асланыс янӱдан уджъясӱн. Найӱ мӱвпалӱны сӱмын мувывсаыс йылысь. ²⁰ Но мян оланӱнным енэжас. Сэсянь виччысям Мездысьӱс – мян Господь Исус Крестосӱс. ²¹ Енмыс сетӱс Сылы вын веськӱдлыны ставнас. Тайӱ выннас Крестос вежас мянлысь кулана вир-яйнымӱс да сетас мян вир-яйлы Асьыс дзирдлунсӱ.

4 Муса вокъясӱй, ме ӱна гажтӱмтча тӱянысь. Тӱ – менам нимкодълуӱнӱй да ошйысян юркытшӱй. Мусаяс, зумыда кутчысьӱй Господькӱд ӱтувъя олӱмас! ² Кора Еводияӱс да Синтиякыӱс: воӱй ӱти кывӱй, ӱд тӱ Господьлӱн. ³ Кора тӱнӱ, менам збыль уджӱертӱй: отсав тайӱ анъясыслы. Кор ме висьтавлӱ Бур Юӱрсӱ, найӱ пыр вӱлӱны мекӱд, кыдзи и Климент да мукӱд уджалысьяс, кодъяслысь нимъяссӱ гижӱма Олӱмыслӱн небӱгӱ. ⁴ Дугдывтӱг

нимкодясьой Господь пытшкын! Нёшта шуа: нимкодясьой! ⁵ Тіян рамлунныд мед тыдалас быдёнлы. Господь матын нин. ⁶ Нинём вёсна энё майшасьой. Енсö аттьöалöмön да Сылы кевмысьöмön вайöй Сы водзö став ассьыныд корöм-кöсьöмнытö. ⁷ Сэки вежөрö төртöм Енлön лөнълуныс видзас тіянлысь сьöлöмнытö да мөвпъяснытö Исус Крестос пытшкын. ⁸ Вокъяс, нёшта кора тіянös: мөвпалöй сöмын збыльыс, шогманаыс, веськыдыс, сөстöмыс, бурыс, мичаыс, ошканаыс да нимкодъыс йылысь. ⁹ Вöчöй сійö, мый ті кывлінныд, мыйö велöдчинныд, мый төдмалінныд да мясянь босьтінныд. Сэки лөнълуныслön Ен лоö тіянкöд. ¹⁰ Господь водзын ме ёна нимкодяся, öд ті бара кутінныд төждысьны ме вёсна. Дерт, ті век кöсьинныд төждысьны ме вёсна, но водзынсö тіян эз вöв позянлуныс. ¹¹ Висьтала тайös ог сы понда, быттьö меным мыйкö оз тырмы, öд ме велалі овны сійön, мый эм. ¹² Кужа овны гöля, кужа овны и лышкыда. Ставсö видлі да төдлі: пöтлунсö и тшыглунсö, лышкыда олöмсö и гöльлунсö. ¹³ Ставсö верма менö ёнмöдысь Исус

Крестоскöд! ¹⁴ Дерт, ті бура вöчинныд, мый ті юкинныд менсьым сьöкыдлунös. ¹⁵ Филипса эскысьяс, ті öд төданныд, мый Македонияыс мунём бöрын, Бур Юöрсö висьтавлыны заводитігön, весиг öти вичко эз отсав меным сьöмön. Сöмын ті отсалінныд. ¹⁶ Весиг Фессалоникаö гоз-мöдысь мөдöдлінныд меным олём вылö. ¹⁷ Дерт, ме ог виччысь тіянсянь сетöмторсö, сöмын кöсьяс, медым тіян сетöмторныд уна пöвстön бөр бергöдчис тіянлы. ¹⁸ Епафродит сетіс тіянлысь мөдöдöмторнытö, öнi ставыс эм. Эм став коланаыс, весиг коланасьыс унджык на. Тіян сетöмторныд – Енлы шогмана чöскыд дука вись, Сылы сьöлём сертиыс. ¹⁹ Менам Енмöй мед сетас тіянлы Исус Крестос пыр Аслас дзирдлуна озырлунысь став коланаторсö. ²⁰ Ен Батьнымлы ошкём нэмъяс чöж! Аминь. ²¹ Чолöмалöй Исус Крестослы став эскысьсö. Мекöд олысь вокъяс ыстöны тіянлы чолём. ²² Нёшта ыстöны чолём став вежа войтырыс, торъя нин, кесар керкаыс кесйөгъяс. ²³ Господь Исус Крестослön буралöмыс ставныдкöд тіянкöд. Аминь.

Колосö

1 Гижö Павел, Ен кöсйöм серти Исус Кростослөн апостол. Тимофей воккöд ² ми чолöмалам колосса вежа войтырöс, Исус Кростослы эскысь вокъясöс. ³ Буралöм да лөнъ олöм тiянлы Ен Батьнымсянь да Господь Исус Кростоссянь. Тiян вöсна кевмысигъясөн ми пыр аттьöалам Енмöс, миян Господь Исус Кростослысь Батьсö. ⁴ Ми кывлiм Кростослы тiян эскöм йылысь да став вежа войтыр дiнö муслунныд йылысь. ⁵ Тайö тiян эм, öд тi оланныд енэжас дасьтöмаыс вылö лачаөн. Лача йывсьыс тi кывлiнныд нин, кор тiянöдз воис Бур Юöрлөн збыль кывйыс. ⁶ Тайö кывйыс паськалö став му пасьталаыс да вайö вотöс. Öнi сийö паськалö да вайö вотöссö тшöтш тiян пöвстын. Бур Юöрсö кылöм бöрын тi збыльысь гөгöрвоинныд Енлысь буралöмсö. ⁷ Тi кылiнныд тайöс миян муса Епафрас уджъертсянь, кодi уджалö тiян пöвстын. Сийö – Кростослөн эскана кесъялысь. ⁸ Епафрас висьталiс миянлы Ловсянь чужöм муслунныд йылысь. ⁹ Ставсö тайöс кылöмсянь ми дугдывтöг кевмысям тiян вöсна. Кевмам, медым тiян вöли Ловсянь мывкыдлун да гөгöрвоöм, медым тi бура тöдiнныд Енлысь кöсйöмсö. ¹⁰ Кевмысям, мед эскö тiян олöмын ошкыссис Господь, медым тi быдторйын шогминныд Сылы, бурсö вöчöмөн вайинныд вотöс да быдминныд Енсö тöдмалöмас. ¹¹ Енмыс мед ёнмöдас да вынсьöдас тiянöс дзирдлуна выннас, медым тi быдторйын вöлинныд зумыдöсь да терпитöмөн нуинныд быдпöлöс сьöкыдсö. ¹² Долыда ошкöй Ен Батьöс, öд Сийö вöчис миянöс шогманаясөн, медым ми тшöтш вермим босьтны Югыдiнас вежа войтырлы вичмöдöмасö. ¹³ Сийö мездiс миянöс пемыдыслөн вын улысь да пыртiс муса Пиыслөн Юраланiнö. ¹⁴ Öд Пиыслөн Вирөн миянöс мездöма да мыжъяснымöс прöститöма. ¹⁵ Сийö тыдавтöм Енмыслөн пертас, чужöма став вöчöмторсьыс медводз. ¹⁶ Сы пыр вöчöма став енэжыввасö да муыввасö, аддзанасö да аддзытöмсö: юралöм-ö, ыджыдалöм-ö, веськöдлöм-ö, вынъяс-ö, – ставсö вöчöма Сы пыр да Сылы. ¹⁷ Сийö ставсьыс Медводдзаыс, Сы вылын кутчысьö ставыс. ¹⁸ Сийö вир-йайыслөн, Вичколөн, Юрыс. Сийö эм Панасыс. Сийö кулöмаясысь медводдза Ловзьысь, медым быдторйын лоны медводдзаөн. ¹⁹ Тадзи Енмыс

лöсьöдiс, медым Пиыс пытшкын олiс став тыр-бурис, ²⁰ медым Сы пыр сетны бурасьöм, да Сылөн крествывса Вирнас бурöдны Аскöдыс муыввасö да енэжыввасö. ²¹ Коркö тi вöлинныд Енмыслы паныд мунысьяс, лөк вöчöмныд вöсна Сыысь ылынöсь. ²² Öнi Сийö бурöдiс тiянöс Аскöдыс Кростос Вир-йайын, Сылөн кулöмыс пыр, медым сувтöдны тiянöс Ас водзас вежаөн, сöстöмөн да мыжтöмөн. ²³ Сöмын тiянлы колö вöрзъывтöг сулавны эскöмас да зумыда кутны лача Бур Юöрас. Бур Юöрсö тi кывлiнныд, сийöс юөртöма енэж улын став олысьыслы. Ме, Павел, лои тайö Бур Юöрыслы кесъяслысьөн. ²⁴ Öнi ме нимкодяся тiян вöсна сьöкыдалiгөн. Кростослөн Вир-йайыс вöсна, Сылөн Вичко вöсна, аслам вир-йайын сьöкыдсö нуигөн ме тырта Кростос шогъяслысь лыдсö. ²⁵ Енмыс пунктiс менö кесъявны вичкоыслы, сетiс меным удж: тырвийö юөртны тiянлы Ен Кывсö. ²⁶ Сылөн Кывйыс нэмсö вöли муыввса чужысьяслы гусяторйөн, öнi сийöс востöма Сылөн вежа войтырлы. ²⁷ Енмыс кöсйис, мед найö тöдiсны, кутшöм ыджыд озырлун вайö тайö гусяторйыс быд войтырлы. Гусяторйыс – тайö Кростос тiян пытшкын, локтана дзирдлуныс вылö лачаныд. ²⁸ Сы йылысь ми висьтавлам быдөнлы, велöдам-туйдöдам став мывкыдлунөн, медым сувтöдны быдөнöс Ен водзö Кростос пытшкын сöвмöмаясөн. ²⁹ Та могысь ме уджала да вермасы ме пытшкын олысь Кростос вынөн.

2 Кöсья, мед тi тöдiнныд, кутшöм ыджыд тыш мунö менам тiян вöсна да лаодикияса вöсна, тшöтш на вöсна, кодъяс менö весиг эз на аддзывны. ² Ме вермасы, медым налөн муслунөн öтувтöм сьöлöманыс вöли повтöмлун, медым найö вöлины озырöсь тырвийö тöдöмлунөн. Сэки найö вермасы гөгöрвоны Ен Батьлысь гусяторсö – Кростосöс. ³ Сы пытшкын мывкыдлуныслөн да тöдöмлуныслөн став озырлуныс. ⁴ Висьтала тайöс, медым некод эз кежöд тiянöс аслас эскöдана сёрниөн. ⁵ Көть ме вир-йайөн абу тiянкöд, но лолөн тiянкöд. Меным зэв нимкодъ аддзыны, мый тi оланныд öти сьöлöмөн да зумыда эсканныд Кростослы. ⁶ Тi кö сибöдiнныд Господь Исус Кростосöс, сiдзкö, олöй Сы пытшкын. ⁷ Быдмöй-сöвмöй Сы пытшкö вужъясьöмөн, ёнмöй эскöмас,

кызди тiянӧс велӧдӧма. Сьӧлӧмныд мед век вӧли тыр аттьӧалӧмнас. ⁸ Видзчысьӧй, мед кодкӧ эз тывйышт тiянӧс муыввса мывкыдлуннас да ылӧг сёрнинас. Найӧ подуласьӧны мортлӧн велӧдӧм ылӧ да муюгид вынъяс ылӧ, а оз Кростос ылӧ. ⁹ Кростосын, Сылӧн морт вир-яйын, тыдовтчис Енлӧн став тырвийӧлуныс. ¹⁰ Кростос пытшкын тiян тшӧтш эм тырвийӧлуныс. Сийӧ быд ыджыдалысьлы да быдпӧлӧс вынъяслы Юр. ¹¹ Сы пытшкын тiянӧс вундыштӧма, но вундыштӧма абу морт кийӧн. Кростослӧн вундыштӧмыс мездис тiянӧс мыжа тшыкӧм вир-яйысь. ¹² Пыртчиганыд тiянӧс гуалӧма Кростоскӧд, да Сийӧс Ловзьӧдысьслӧн вынӧ эскӧмныд пыр тiянӧс ловзьӧдӧма Сыкӧд. ¹³ Тiянӧс, вундыштчытӧмныд да мыжъясныд вӧсна кулӧмаясӧс, Енмыс ловзьӧдис Кростоскӧд. Сийӧ прӧститис миянлысь став лӧк вӧчӧмнымӧс, ¹⁴ вуштыштис мыжалан гижӧдсӧ став тшӧктӧмъяснас, кодъяс сьӧктӧдисны миянӧс, бырӧдис сийӧс крестӧ тувъялӧмӧн. ¹⁵ Сийӧ песовтис ыджыдалысьясӧс да вынаясӧс, шыбитис найӧс яналӧмас да вермис Кростос пыр. ¹⁶ Сидзкӧ, некод мед оз мыжав тiянӧс сӧян-юанысь, вежа лунъясысь, тӧлысь чужӧм пасйӧмысь да шойччан лунӧ кутчысьӧмысь, ¹⁷ ӧд ставыс тайӧ сӧмын локтанаыслӧн вуджӧр, а збыльыс – Кростос. ¹⁸ Некод мед оз ылӧд тiянӧс аслас рамлунӧн, андельяслы юрбитӧмӧн да ылӧг аддзылӧмъяснас ошйысьӧмӧн. Морт вежӧрнаныс мӧвпалигӧн найӧ ылӧ пуктӧны асьнысӧ. ¹⁹ Тайӧ йӧзыс абу йитчӧмаӧсь Юрыскӧд. Юрыс ӧд веськӧдлӧ став вир-яйнас, кӧни быд юкӧн йитӧма-тӧчӧма сӧн-лутш отсӧгӧн. Тадзи вир-яйыс быдмӧ-сӧвмӧ Ен ногӧн. ²⁰ Тi кӧ кулӧнныд Кростоскӧд, мынӧнныд муюгид вынъясысь, сидзкӧ, мыйла муыввса моз кутчысянныд тайӧ шуӧмъясас: ²¹ "эн инмӧдчы", "эн сӧй", "эн вӧрзьӧд"? ²² Тайӧ сӧмын мортсянь тшӧктӧм-велӧдӧм, шуӧма быранаторъяс йылысь. ²³ Ылӧг вежавидзӧмнас, рамлуннас, вир-яйсӧ тшыгйӧдӧмнас найӧ петкӧдлӧны асьнысӧ мывкыдаӧн. Но тайӧ оз отсав вермыны вир-яйлысь колӧм-кӧсийӧмсӧ.

3 Тi кӧ ловзинныд Кростоскӧд, корсьӧй енӧжввсасӧ. Ӑд енӧжас, Ен веськыдладорын, пукалӧ Кростос. ² Мӧвпалӧй енӧжввсасӧ йылысь, а энӧ муыввсасӧ йылысь. ³ Тi ӧд кулӧнныд, да тiянлысь олӧмнытӧ дзебӧма Кростоскӧд Ен пытшкӧ. ⁴ Тiян олӧмыс – Кростос. Кор Сийӧ локтас, Сыкӧд тшӧтш и тi тыдовтчанныд Сылӧн дзирдлунас. ⁵ Та вӧсна бырӧдӧй ас пытшсыныд муыввсасӧ: кырсалӧм, пеж оласног, лӧкколӧм, лӧк ылӧ ыштӧм, горшасьӧм – ставыс тайӧ идоллы юрбитӧм. ⁶ Таысь кывзысьтӧм йӧз ылӧ лӧччӧ Енлӧн скӧрлуныс. ⁷ Коркӧ тi асьныд татшӧмӧсь

вӧлӧнныд да тадзи олӧнныд. ⁸ Ӑни шыбитӧй ставсӧ тайӧс: скӧралӧм, лӧксьӧм, лӧгалӧм, омӧльтӧм, пеж сёрни. ⁹ Энӧ пӧръясьӧй, тi ӧд пӧрччинныд важ мортсӧ став сылӧн уджнас ¹⁰ да пасьтасинныд ыль мортӧ, кодӧ ыльмӧ Ставсӧвӧчысьӧс тӧдмалӧмнас да лӧӧ Сы кодь. ¹¹ Грек-ӧ, юдей-ӧ, вундыштчӧма-ӧ, абу-ӧ вундыштчӧма, варвар-ӧ, скиф-ӧ, кесйӧг-ӧ, мездлуна морт-ӧ – торъялӧмыс абу. Ставыс да ставас Кростос. ¹² Сидзкӧ, лӧй бур сьӧлӧмаӧсь, мелӧсь, авъяӧсь да рамӧсь, терпитӧй ӧта-мӧднытӧ. Тi ӧд Енлӧн бӧрйӧмаяс, вежаяс да Сылӧн мусаяс. ¹³ Дӧзмытӧг сибӧдӧй ӧта-мӧднытӧ. Эм кӧ код ылӧ норасьӧм, прӧститӧй сийӧс. Кростос ӧд тiянӧс прӧститис, тi тшӧтш Сы моз прӧститӧй. ¹⁴ Медыджыдтор – кутчысьӧй муслунас, ӧд муслуныс ставсӧ йитӧ да вайӧдӧ тыр-бурӧдз. ¹⁵ Тiян сьӧлӧмын мед ыджыдалас Енлӧн лӧньлуныс, кытчӧ корӧма тiянӧс, тi ӧд ӧти вир-яйынӧсь. Быд кадӧ ошкӧй Енмӧс. ¹⁶ Кростослӧн кывйыс мед озыра овмӧдчас тiян пытшкӧ. Велӧдӧй-туйдӧдӧй ӧта-мӧднытӧ став мывкыдлуннас. Господьӧс аттьӧалӧмӧн сьӧлӧмсянныд сьылӧй псаломъяс, ошкана сьыланкывъяс да бурсьылӧмъяс. ¹⁷ Кывйӧн-ӧ, уджӧн-ӧ мыйкӧ вӧчанныд, ставсӧ вӧчӧй Господь Исус Кростос нимӧн да ошкӧй Сы пыр Ен Батьӧс. ¹⁸ Гӧтыръяс, кывзысьӧй верӧсныдлысь, ӧд тадзи лӧсялӧ вӧчны Господь войтырлы. ¹⁹ Верӧсьяс, радейтӧй гӧтырнытӧ, энӧ лӧй накӧд чорыдӧсь. ²⁰ Челядь, быдторйын кывзысьӧй бать-мамныдлысь, ӧд Господьлы нимкодъ таысь. ²¹ Батьяс, энӧ дӧзмӧдӧй ныв-пинытӧ, медым найӧ эз жугыльмыны. ²² Кесйӧгъяс, быдторйын кывзысьӧй асланыд муыввса ыджыдъяслысь. Кесъялӧй налы восьса сьӧлӧмӧн да Енмысь полӧмӧн, а энӧ йӧз водзын асьнытӧ петкӧдлӧм могысь. ²³ Ставсӧ вӧчӧй сьӧлӧмсянныд Господьлы моз, энӧ мортлы моз. ²⁴ Тӧдӧй, тiянлы вичмас Господьсянь тырдон, ӧд тi кесьяланныд Кростослы, асланыд Господьлы. ²⁵ А лӧксӧ вӧчысь аслас уджъяс серти босьтас, ӧд Енмыс оз видзӧд морт чужӧм ылӧ.

4 Ыджыдъяс, лӧй веськыдӧсь кесйӧгныдкӧд, быдӧнӧс сибӧдӧй ӧтмоза. Тӧдӧй, енӧжас тiян вылын тшӧтш эм ыджыдыс. ² Дугдывтӧг кевмысьӧй. Вӧчӧй тайӧс садьмӧдчӧмӧн да Енмӧс аттьӧалӧмӧн. ³ Кевмысьӧй тшӧтш миян вӧсна, Енмыс мед восьтас миянлы ӧдзӧсьяс висьтавын Кростос йылысь гусяторсӧ. Дзик та вӧсна ме и пукала дзескыдӧинын. ⁴ Кевмысьӧй, медым ме верми восьтны гусяторсӧ да колана ногӧн висьтавын сийӧс. ⁵ Лӧй мывкыдаӧсь эскытӧмъяскӧд, эм кӧ позянлун, сёрнитӧй накӧд быд кадӧ. ⁶ Сёрнитӧй бур сьӧлӧмӧн, сёрниныд мед век вӧли сольштӧма, сӧки быдӧнлы кужанныд вочавидзны колана ногӧн.

⁷ Ме йылысь ставсö тiянлы висьталас муса Тихик вок, миян уджъертным, сiйö – Господьлөн эскана кесьялысь. ⁸ Мөдöда сiйöс тiян дiнö, медым тöдмавны олöм-вылöмныд йылысь, нöшта ышöдны тiянöс. ⁹ Сыкöд тшöтш мөдöда миян муса да эскана Öнисим вокöс, сiйö öд тiянысь петiс. Найö висьталасны ставсö, мый миян вöчсьö танi.

¹⁰ Чолöм тiянлы Аристарксянь, сiйö мекöд öтлаын пукалö дзескыдiнын. Чолöм ыстö тшöтш Варнавалөн Марк нима воча вокыс. Тiянлы ме гижли сы йылысь, мися, локтас кө, сибöдöй сiйöс.

¹¹ Чолöм Исуссянь, кодöс нимтöны Юстөн. Вундыштчöмаяс пиысь сöмын найö мекöд уджалöны Енлөн Юралöм вöсна. Найö ёна отсасьöны меным. ¹² Чолöм ыстö тiян Епафрас, Исус Крестослөн кесйöг. Кевмысигас сiйö пыр тышын

тiян вöсна, мед эськö тi век сулалiнныд зумыда да быдторйын тöдiнныд Енлысь көсйöмсö. ¹³ Висьтала тiянлы, сiйö ёна уджалö-шогсьö тiян вöсна, тшöтш лаодикияса да иерапольса вöсна. ¹⁴ Чолöм ыстöны миян дона бурдöдысь Лука да Димас. ¹⁵ Чолöм висьталöй лаодикияса вокьяслы, тшöтш Нимфалы да сы ордын чукöртчысь эскысьяслы. ¹⁶ Тайö гижöдсö лыддьöм бöраныд тöждысьöй, медым Лаодикия вичкоын сiйöс тшöтш лыддясны. А тi лыддьöй Лаодикияö мөдöдöм гижöдсö. ¹⁷ Аркиплы висьталöй, мед бура уджалас да помöдз вайöдас Енсянь сетöм уджсö. ¹⁸ Ме, Павел, аслам киён гижатiянлы чолöмöс. Тöд выланыд кутöй менсьым дзескыдiнын пукалöмöс. Енлөн буралöмыс ставныдкöд тiянкöд. Аминь.

1 Фессалоникаö

1 Павел, Силуан да Тимофей чолöмалöны тiянöс, Ен Батьлысь да Господь Исус Крiстослысь фессалоникаса вичкоöс. Буралöм да лöнь олöм тiянлы Ен Батьнымсянь да Господь Исус Крiстоссянь. **2** Быд кадö ошкам Енмöс тiянысь быдöнысь да казътывлам тiянöс кевмысигъяс дырйи. **3** Ен Батьным водзын ми век казътывлам тiянöс, öд тiян эскöмныд петкöдчис уджъясын, а муслунныд – сьölöмсянь вöчöмъясын, тi кутанныд зумыд лача миян Господь Исус Крiстос вылö. **4** Вокъяс, тi мусаöсь Енмыслы. Ми тöдам, Сiйö бöрйис тiянöс. **5** Ми висътавлiм тiянлы Бур Юöрсö ыджыд эскöмлунöн. Висътавлiм эгö сöмын кывiйöн, сiйö воссис тшöтш Вежа Лов вынсянь вöчöмторъясын. Тi бура тöданныд, кызди ми кутiм асьнымöс тiянын олiгöн да отсасим тiянлы. **6** Уна сьökыдлун вылö видзöдтöг тi сибöдiнныд Бур Юöрсö Вежа Ловсянь нимкодълунöн да кутiнныд вöчны миян моз да Господь моз. **7** Тадзи тi лоинныд Македонияын да Акайяын став эскысьыслы бурсö петкöдлысьясöн. **8** Ен Кывсö тi паськöдiнныд энö сöмын Македонияын да Акайяын, тiян эскöм йылысь тöдöны быдлаын. Сiдзкö, та йылысь миянлы абу нин колана висътавлыны. **9** Миянлы быдлаын висътавлöны, кызди тi сибöдiнныд миянöс, бергöдчинныд идолъясысь да кутiнныд кесъявны збыль да ловъя Енлы. **10** Тi кутiнныд виччысьны енэжсянь Енлысь Писö – Исусöс, кодöс Енмыс ловзьöдiс кулöмысь. Сiйö мездас миянöс локтана скöрлунысь.

2 Вокъяс, тi асьныд тöданныд, мый ми волiм тiян дiнö эгö весьшöрö. **2** Тi тöданныд, мый таысь водзджык Филип карын ми уна сьökыд нуим, миянöс ёна лёкöдiсны да нöйтiсны. Но та вылö видзöдтöг, Ен отсöгöн, восьсöн да повтöг висътавлiм тiянлы Сылысь Бур Юöрсö. **3** Öд миян велöдöмын эз вöвны наян да пез мöвпъяс, ми некодöс эгö кöсiйöй ылöдлыны. **4** Енмыс водзвыв тöдмалiс миянöс да лыддис шогманаясöн висътавлыны Сылысь Бур Юöрсö, та вöсна и висътавлам. Ми зiлям шогмыны Енмыслы, а огö йöзыслы, öд Сiйö тöдö миянлысь сьölöмнымöс. **5** Ми некор эгö сёрнитлöй мавтан кывъясöн, тi тöданныд тайöс. Нинöм эгö вöчöй горшасьöмöн, Ен тöдö. **6** Ми эгö виччысьöй ошкöмсö йöзсянь,

тиянсянь либö мукöдсянь. **7** Ми, Крiстослөн апостолъяс, вермим эськö локны тiян дiнö юрнымöс чатöртöмöн, но ми вöлим мелiöсь тiянкöд да тöждысим тiян вöсна, кызди мам тöждысьö аслас кагаыс вöсна. **8** Ми ёна радейтам тiянöс, та вöсна вöлим дасьöсь юксыны тiянкöд Енлөн Бур Юöрнас, весиг сетны асьыным олöмнымöс. Öд тi сэтшöм мусаöсь миянлы! **9** Вокъяс, тi тöданныд, Енлысь Бур Юöрсö висътавлiгöн ми уджалiм кок йылысь усьтöдз. Мырсим лун и вой, öд тiян пöвстысь некодöс эгö кöсiйöй сьökтöднысь. **10** Тi тöданныд, и Енмыс тöдö, мый тiян дiнын, эскысьяс пöвстын олiгöн, ми ставсö вöчим веськыда да вежавидзöмöн, миянöс нинöмысь вöли мыждынысь. **11** Тiянлы быдöнлы ми вöлим бать пыдди, тi асьныд тайöс тöданныд. **12** Ми туйдöдiм-ышöдiм тiянöс да корим овны Ен ногöн. Öд Енмыс корис тiянöс Аслас Юраланiнö да дзирдлунö. **13** Дугдывтöг ошкам Енмöс, öд миян висъталöм бöрын тi сибöдiнныд Енлысь Кывсö сьölöманыд. Тi сибöдiнныд сiйöс энö мортлысь висъталöмсö моз, а Енлысь Кывсö моз. Тайö збыльысь Енлөн Кыв, сiйö вына тiян пытшкын, эскысьясын. **14** Вокъяс, мый вöли Юдеяын Исус Крiстослы эскысь Ен вичкояскöд, тайö лои тшöтш тiянкöд. Найö уна сьökыд нуисны юдейясянь, а тi – ас войтырсянь. **15** Господь Исусöс да Сылысь пророкъяссö юдейяс виисны, а миянöс вöтлiсны. Найö дöзмöдöны Енсö да став йöзыслы паныд мунöны. **16** Найö оз лэдзны миянлы бурвисътавлыны мукöд войтырлы, медым найö мездмисны. Тадзи найö содтöны асьыныс мыжъяссö. Но Енлөн скöрлуныс суис нин найöс. **17** Вокъяс, ми янсавлiм тiянкöд дженьыдик кад кезлö, но сьölöмöн пыр вöлим тiянкöд. Ми ёна гажтöмтчим тiянысь да ёнджыка на кöсiим аддзысьлыны тiянкöд. **18** Ми ёна кöсiим волыны тiян дiнö. Ме, Павел, эг öтчыдысь мöдöдчыв тiян дiнö, но сötана тупкис туйнымöс. **19** Миян Господь Исус Крiстос локтигöн ог öмöй тiянöн кутöй ошйысьны Сы водзын? Абу-ö тi миян лачаыс, нимкодълуныс да ошйысян юркытшыс? **20** Öд тi – миян ошйысянторйыс да нимкодълуныс.

3 Миянлы вöли вывтi сьökыд тiянкöд янсалöмысь. Та вöсна ми шуим, мый асьным кольччам Афин карö, **2** а Тимофей вокнымöс

мододам тiян дiнo. Сiйo мiянкoд oтвыив кeсьялo
 Енмыслы да отсалo висьтавлыны Крiстослысь Бур
 Юoрсo. Ми мoдoдiм сiйoс тiян дiнo, медым ышoдны
 тiянoс да ёнмoдны эскoмнытo, ³ медым сьoкыдсo
 нуигoн тiян пoвстысь некод эз усь. Oд тi асьныд
 тoданныд, мый мiянлы ковмас нуны сьoкыдсo.
⁴ Тiянo волiгoн ми висьтавлiм нин, мый ковмас
 нуны сьoкыдсo. Тi тoданныд: дзик тадзи и лoис. ⁵ Та
 вoсна, водзo эг нин вермы виччысьнысo да мoдoдi
 тiян дiнo Тимофейoс, медым тoдмавны тiян
 эскoмныд йылысь, эз-o ылoдлы тiянoс омoльыс, эз-
 o лo весьшoрo мiян уджным. ⁶ Тимофей сoмын на
 воис тiян дiнысь да вайис тiян эскoмныд да
 муслунныд йылысь нимкодъ юoр, тi пo век бур
 ногoн казътывланныд мiянoс да мiян моз ёна
 кoсьянныд аддзысьлыны мiянкoд. ⁷ Та вoсна,
 вокъяс, став тaйo сьoкыдсo нуигoн да мiянoс
 вoтлiгoн тiян эскoмныд ышoдiс мiянoс. ⁸ Oнi мiян
 сьoлoмын лoнь, oд тi зумыда кутчысянныд Господь
 дiнo. ⁹ Ми ёна атъoалам Енсo тiянысь, oд тi
 сетанныд мiянлы позянлун ёна нимкодъясны Ен
 водзын. ¹⁰ Ми лун и вой сьoлoмсянь кевмысям,
 медым аддзысьлыны тiянкoд да сетны тiян эскoмлы
 тырмытoмсo. ¹¹ Ачыс Енмыс, мiян Бать, да мiян
 Господь Исус Крiстос мед веськoдасны мiянлысь
 туйнымoс тiян дiнo. ¹² Господь мед уна пoв содтас
 oтa-мoдныд дiнo да став йoзыс дiнo муслуннытo.
 Тiян муслунныд мед лoй сэтшoм жo вына, кутшoм
 вына тiян дiнo мiян муслунным. ¹³ Господь мед
 ёнмoдас сьoлoмнытo, медым тi вoлiнныд вежаoсь
 да сoстoмoсь Ен Батьным водзын, кор мiян
 Господь Исус Крiстос локтас став Аслас вежа
 войтыркoд. Аминь.

⁴ Вокъяс, тiянлы висьтавлiм нин, медым
 oлiнныд Ен водзын шогмана ногoн. Дерт, тi
 дзик тадзи и oланныд. Но Исус Крiстос нимoн
 ышoдам да корам тiянoс: oлoй нoшта на бурджыка.
² Тi oд тoданныд, кутшoм тшoктoмъяс ми сетiм
 тiянлы Господь Исуссянь. ³ Енмыс кoсiйo, медым тi
 вoлiнныд вежаoсь да видзинныд асьнытo
 кырсалoмысь. ⁴ Тiян пиысь быдoн мед видзo асьыс
 вир-яйсo вежаoн да шогмана ногoн, ⁵ медым
 ентoдтoмъяс моз некод оз сетчы ыпъялан
 лeкколoмас, oд Енсo найo оз тoдны. ⁶ Эскысь мед оз
 вoч лeксo мoд эскысьлы, оз ылoдлы сiйoс, oд
 Господь мыждас таысь. Та йылысь висьтавлiм нин
 тiянлы да oлoдлiм тiянoс. ⁷ Oд Енмыс корис мiянoс
 овны вежа oласногoн, а эз пeж oласногoн. ⁸ Сiдзкo,
 тaйo тшoктoмсo oтдортысь оз мортoс oтдорт, а
 Енсo, кодi сетiс мiянлы Асьыс Вежа Ловсo.
⁹ Эскысьяс дiнo муслун йылысь абу колана гижны
 тiянлы, oд Ачыс Енмыс велoдiс тiянoс радейтны
 oтa-мoднытo. ¹⁰ Тi збыльысь радейтанныд
 Македония пасьтала став эскысьсo. Вокъяс, корам

тiянoс: радейтoй oтa-мoднытo нoшта на ёнджыка.
¹¹ Зильoй овны лoня. Быдoн мед вoчo асьыс удж, ас
 ки помысь шедoдo oлoм вылас. Тадзи ми велoдлiм
 тiянoс. ¹² Сeки эскытoмъяс тшoтш кутасны пыдди
 пуктыны тiянoс, тiян ставыс лoй тырмымoн.
¹³ Вокъяс, кoсья, мед тi тoдiнныд, мый лoй
 кулoмаяскoд. Сeки эскытoмъяс моз oнo кутoй
 шогсыны кулoмаяс йылысь, oд эскытoмъяслoн
 лачаныс абу. ¹⁴ Ми кo эскам, мый Исус кулiс и
 ловзис, сiдзкo, Исускoд Енмыс вайoдас Ас дiнас
 тшoтш найoс, кодi эскис Исуслы, но кулiс нин. ¹⁵ Oнi
 висьталам тiянлы Господьлысь кывъяссo: ми,
 кодъяс ловъяoсь на Господь локтoдз, oгo панoвтoй
 кулoмаясoс. ¹⁶ Кор кылас чукoстoм шы, кор шыясяс
 архангел да кылас Енлoн труба шыыс, Ачыс
 Господь лeччас енeжсянныс. Сeки медводз
 ловзясны кулoмаяс, кодъяс эскисны Крiстослы.
¹⁷ Сeссия мiянoс, ловъяясoс, накод тшoтш лoй
 кыпoдoма кымoръяс вылын сынoдас, медым
 аддзысьны сeни Господькoд. Тадзи пыр лoам
 Господькoд. ¹⁸ Сiдзкo, ышoдoй oтa-мoднытo тaйo
 кывъяснас.

⁵ Вокъяс, урчитoм кад йывсьыс абу колана
 гижны тiянлы. ² Тi oд асьныд бyра тoданныд,
 мый Господьлoн луныс войся гyсясьысь моз воас.
³ Кор йoзыс кутасны шуавны: «Гoгoр лoнь, повнысo
 нинoмысь», сeки тoдлытoг суас найoс кулoм, кыдзи
 тoдлытoг суo кага чужтысьoс дой. Сeки некод оз
 вермы пышйынысo. ⁴ Вокъяс, тi oнo пемыдас oлoй.
 Сiдзкo, сiйo луныс оз лок тiян дiнo гyсясьысь моз
 тoдлытoг. ⁵ Oд быдoн тi – луныслoн да югыдыслoн
 ныв-пи. Ми абу пемыдыслoн, абу войыслoн ныв-пи.
⁶ Сiдзкo, мукoдыс моз oгo кутoй узьны. Садьмoдчам
 да кутам овны садь вежoрoн. ⁷ Oд узьысьяс войнас
 узьoны, да юысьяс войнас кодалoны. ⁸ Ми –
 луныслoн ныв-пи. Сiдзкo, кутам овны садь
 вежoрoн. Пасьталам ас выланым муслуныслысь да
 эскoмыслысь кoрт кышoдсo, а юр вевттьoд пыдди
 бoсьтам мездмoм вылo лачасo. ⁹ Oд Енмыс бoрйис
 мiянoс эз сы мoгысь, медым Сылoн скoрлуныс суис
 мiянoс, но сы мoгысь, медым Исус Крiстос
 Господьным пыр ми бoсьтим мездмoмсo. ¹⁰ Крiстос
 кулiс мiян вoсна, медым ми, ловъяoсь али
 кулoмаoсь, oлим Сыкoд. ¹¹ Сiдзкo, oнiя моз водзo
 ышoдoй да ёнмoдoй oтa-мoднытo. ¹² Вокъяс, корам
 тiянoс: пыдди пуктoй тiян пoвстын уджалысьясoс,
 Господькoд oтувъя oлoмас тiянoс туйдoдысьясoс да
 тiянoн веськoдлысьясoс. ¹³ Вылo пуктoй татшoм
 йoзсo, радейтoй найoс налoн уджысь. Ас костаныд
 oлoй лoня. ¹⁴ Вокъяс, корам тiянoс: дышъясoс
 туйдoдoй, полысьясoс ышoдoй, жебъясoс
 кутыштoй, быдoнoс терпитoй. ¹⁵ Видзчысьoй, мед
 некод лeксьыс эз мынтысь лeкoн. Мoдарo, зильoй
 вoчны бурсo oтa-мoдныдлы да став йoзыслы.

¹⁶ Пыр нимкодясьöй. ¹⁷ Дугдывтöг кевмысьöй.
¹⁸ Ставсьыс аттьöалöй Енсö, öд татшöмъясөн Енмыс
кöсьö аддзыны тiянöс, Исус Крiстослы эскысьясöс.
¹⁹ Ловлысь ыпъялöмсö энö кусöдöй.
²⁰ Пророкъяслысь висьталöмсö энö öтдортöй.
²¹ Ставсö тöдмалöй, бурас кутчысьöй. ²² Ылыстчöй
быдпöлöс лөксъыс. ²³ Лöньлуныслөн Ен мед Ачыс
тырвыйö вежöдас тiянöс да видзас тiянлысь

ловнытö, олöмнытö да вир-яйнытö сöстöмөн миян
Господь Исус Крiстос локтiгкежлö. ²⁴ Сiйö, кодi
корис тiянöс, эскана. Сiдзкö, вöчас шуöм сертиыс.
²⁵ Вокъяс, кевмысьöй миян вöсна. ²⁶ Став вокъясöс
чолöмалöй вежа окыштöмөн. ²⁷ Кора тiянöс
Господь нимөн: лыддьöй тайö гижöдсö став вежа
вокъяслы. ²⁸ Миян Господь Исус Крiстослөн
буралöмыс тiянкöд. Аминь.

2 Фессалоникаö

1 Павел, Силуан да Тимофей чолöмалöны тiянöс, мiян Ен Батьлысь да Господь Исус Крiстослысь фессалоникаса вичкоöс. ² Буралöм да лөнь олöм тiянлы Ен Батьнымсянь да Господь Исус Крiстоссянь! ³ Вокъяс, мiянлы век колö ошкыны Енсö тiянысь, öд тiян эскöмныд лунысь-лун ёнмö да öта-мöд костаныд муслунныд ёнджыка на содö. ⁴ Та вöсна ми ошйысям тiянөн Ен вичкоясын, öд быдпöлöс сьöкыдсö нуигөн да тiянöс вöтлiгөн тi зумыда эсканныд. ⁵ Енмыс лыддьö тiянöс шогманаясөн пырны Аслас Юраланiнö, öд дзик та понда тi нуанныд сьöкыдсö. Таын тыдалö Енлөн веськыдлуныс. ⁶ Енмыс веськыда вöчö: тiянöс дзескöдысьяслы Сiйö мынтысьö дзескöдöмөн. ⁷ А тiянлы да мiянлы, сьöкыдсö нуысьяслы, Енмыс сетас шойччöг, кор Господь Исус Аслас вына андельяскöд лэччас енэжсянь ⁸ ыпъялан би пытшкын да мыждас найöс, кодъяс оз тöдны Енсö да оз кывзыны мiян Господь Исус Крiстослысь Бур Юöрсö. ⁹ Найöс лоö мыждöма пыр кежлö кулöм вылö, торйöдöма Господьысь, Сылөн дзирдлунысь да вынысь. ¹⁰ Тайö лоö сiйö лунö, кор Господь локтас. Сэки Сылөн став вежа войтырыс кутас ошкыны Господьöс да став эскысьыс кутас шензьыны Сы вылö. Тi тшöтш лоанныд на лыдын, öд тi эскинныд мiян висьталöмö. ¹¹ Та вöсна, дугдывтöг кевмысям тiян вöсна, медым Енным лыддяс тiянöс шогманаясөн лоны Аслас корöмаяс лыдын, медым Аслас вынөн Сiйö ёнмöдас тiянлысь бур көсйöмнытö да эскöмныд пыр отсалас помöдз вайöдны бур уджъяснытö. ¹² Сэки мiян Господь Исус Крiстослөн нимыс ошкыссяс тiян пыр, а тi – Сы пыр, мiян Ен да Господь Исус Крiстослөн буралöмыс кузя.

2 Öнi гижам тiянлы мiян Господь Исус Крiстослөн локтöм йылысь да Сы дiнö мiян чукöртчöм йылысь. Вокъяс, корам тiянöс: ² энö майшасьöй некутшöм гижöдысь либö кодлөнкö сёрниысь, быттö сiйö Ловсянь висьталö, мый Крiстослөн луныс воис нин. Энö полöй, весиг висьталасны кө тiянлы, мый тайöс ми гижим. ³ Энö сетöй асьнытö ылöдлыны некодлы, öд сiйö луныс воас сöмын сэки, кор йöзыс кежасны Енсьыс. Сэки локтас мыжыслөн морт, кулöмыслөн пи, ⁴ Енлы паныд мунысь. Сiйö пуктас асьсö ставсьыс вылö,

мый йöзыс Енмөн лыддьöны да шуöны вежаөн. Сiйö пуксяс Енлөн крамö быттö Ен да кутас шуны асьсö Енмөн. ⁵ Тiянö волiгөн ме висьтавлi нин та йылысь, тi öмöй вунöдiнныд? ⁶ Öнi тi тöданныд, мый кутö паныд мунысьöс кадысь водз воссьöмысь. ⁷ Ен Индöдлы паныд мунысь вöчö нин асьыс гуся уджъяссö. Кор лоö босьтöма сылөн туй вылысь сiйöс кутысьöс, ⁸ сэки паныд мунысь воссяс. Но Господь Исус локтигас виас сiйöс Аслас лолыштöмнас да бырöдас сiйöс Аслас дзирдлунас. ⁹ Паныд мунысьыс локтас сötанаясьнь. Ыджыд вынөн сiйö кутас петкöдлыны индысьпасьяс да вöчны ылöг шензьöданаторьяс. ¹⁰ Сiйö быдногыс кутас ылöдлыны найöс, кодъяс мунöны кулöмас. Öд найö мустöмтiсны мездана збыльсö. ¹¹ Та вöсна Енмыс лэдзас ылöдлыны найöс, медым найö эскисны ылöгыслы. ¹² Тадзи лоö мыждöма быдөнöс, кодi радейтö ылöгсö да оз эскы збыльыслы. ¹³ Вокъяс, мiянлы дугдывтöг колö ошкыны Енсö тiянысь. Тi ёна мусаöсь Господьлы, öд Енмыс водзысяньыс бөрйис тiянöс мездмöм вылö. Тайö мездмöмсö Сiйö сетö тiянлы Ловлөн вежöдöмыс пыр да збыльыслы эскöмныд пыр. ¹⁴ Ми висьтавлiм тiянлы Бур Юöрсö, код пыр Енмыс корис тiянöс мездмöмас, мед мiян Господь Исус Крiстослөн дзирдлуныс вичмис тiянлы. ¹⁵ Сiдзкö, вокъяс, зумыда сулалöй да кутчысьöй сэтчö, мыйö велöдiм тiянöс да мый гижим тiянлы. ¹⁶ Ен Батьнымлы ми ёна мусаöсь. Буралöмыс вöсна Сiйö сетiс мiянлы пыр кежлö бурöдöм да зумыд лача. Ачыс Исус Крiстос Господьным да Ен Батьным ¹⁷ мед бурöдасны тiянлысь сьöлöмнытö да ышöдасны тiянöс бур уджъяс вылö да бур сёрни вылö.

3 Вокъяс, медбөрти корам тiянöс: кевмысьöй мiян вöсна, мед Господьлөн Кывйыс öдйö паськалас, медым йöзыс тiян моз сибöдасны сiйöс пыдди пуктöмөн. ² Нöшта кевмысьöй, мед Ен видзас мiянöс шогмытöм да лёк йöзысь, öд оз быдөн эскы. ³ Но Господь эскана, Сiйö ёнмöдас тiянöс да видзас омöлысь. ⁴ Господь эскöдö мiянöс, мый тi вöчанныд нин мiян тшöктöм серти да водзö на сiдзи кутанныд вöчны. ⁵ Ачыс Господь мед веськöдас тiянлысь сьöлöмнытö Енлөн муслунас да Крiстослөн зумыдлунас. ⁶ Вокъяс, мiян Господь Исус Крiстос нимөн тшöктам тiянлы:

ылыстчöй эскысь вокысь, кодi весь олö да оз ов миян велöдöм серти. ⁷ Тi öд асьныд тöданныд, мый тiянлы колö овны миян моз. Тiян дiнын ми весь эгö олöй, ⁸ некодлысь дась нянь эгö сёйöй. Лун и вой пöсь петтöдз уджалiм, öд некодöс тiян пöвстысь эгö кöсiйöй сьöктöднысö. ⁹ Дерт, ми вермим весь овны, но тадзи эгö вöчöй. Ми кöсiим, мед тi видзöдiнныд миян вылö да олiнныд миян моз. ¹⁰ Öд тiянö волiгөн ми шулiм нин: «Кодi оз кöсiы уджавны, сiйö мед оз сёй». ¹¹ Миянлы кывсис, тiян пöвстысь пö öткымынөн весьшөрö кадсö коллялöны. Найö оз уджавны да нырсö быдлаö суйöны. ¹² Татшöм йöзсö миян Господь Исус Кростос нимөн корам да ышöдам: уджалöй рам сьöлöмөн да ас ки помысь

шедöдöй аслыныд кынöмпöттö. ¹³ Вокъяс, бурсö вöчигөн энö лигышмунöй. ¹⁴ Кодi оз вöч тайö гижöдас висьталöм серти, сiйöс кутöй тöд выланыд. Татшöм мортыскöд энö кутöй некутшöм йитöд. Тадзи тi янöданныд сiйöс. ¹⁵ Сöмын энö лыддьöй сiйöс паныд мунысьөн, а туйдöдöй сiйöс вокöс моз. ¹⁶ Ачыс Господь, лөнълунсö Сетысь, мед быд кадö да быдторйын сетас тiянлы лөнълунсö. Господь мед лоас ставныдкöд тiянкöд! ¹⁷ Ме, Павел, аслам киён гижа тiянлы чолöмöс, кодi лоö пасөн, мый гижöдыс мясянь. Ме гижа тадзи быд гижöдын: ¹⁸ миян Господь Исус Кростослөн буралöмыс ставныдкöд тiянкöд. Аминь.

1 Тимофейлы

1 Гижö Павел, Исус Крестослөн апостол. Миянös мездьсы Ен да Господь Исус Крестос, код вылö ми кутам лача, индiсны менö апостолөн. **2** Тимофей, эскöмьд вöсна тэ меным збыльысь пи кодь. Бурсетöм, буралöм да лөнь олöм тэныд Ен Батьнымсянь да миян Господь Исус Крестоссянь. **3** Македонияö мөдöдчигөн ме кори тэнö олыштны Ефесын кодсюрöс олөдöм могысь, медым найö эз велöдны ылöгас, **4** эз кутчысьны мойдьясö да дугдiсны корсьысьны, кодi кутшöм чужанвужйысь петiс. Öд тасянь сöмын вензьöм артмö Енлы кесьялöм пыдди. Енмыслы позьö кесьявны сöмын эскöмөн. **5** Миян олөдöмлөн медшөр могыс – радейтöм. Сийö петö сöстöм да мыжтöм сьөлөмсянь да восьса сьөлөмөн эскöмсянь. **6** Кодсюрö кежисны таысь да сетчисны ковтöм сёрниясö. **7** Найö пуктöны асьнысö Индöдö велöдысьясö, но асьныс оз гөгөрвоны, мый висьталöны да мыйö велöдöны. **8** Ми тöдам: Индöдыс бур, вöдитчыны кö сыён бур ногөн. **9** Гөгөрвоам, мый Индöдсö лөсьöдöма абу веськыда олысьлы, а сийös торкалысьлы да кывзысьтöмлы, Ентöг олысьлы да мыж вöчысьлы, эскытöмлы да Енмös омöльтысьлы, бать-мам вылö ки лэптысьлы да морт виысьлы, **10** кырсалысьлы да öта-мöдыскöд узьлысь айуловлы, мортөн вузасьысьлы, пöрьясьысьлы, ылöгвисьталысьлы да быдöнлы, кодi паныд муно веськыд велöдöмлы. **11** Öд тадзи висьталö ошкана Енлөн дзирдлун йылысь Бур Юöрыс, и тайö Юöрсö висьтавлыны Енмыс мөдöдiс менö. **12** Ме аттьöбала миянлысь Господь Исус Крестосöс, öд Сийö ёнмöдiс менö да лыддис менö шогманаөн кесьявны Сылы. **13** Водзынсö ме омöльтi Крестосöс, вöтлi-дзескöдi Сылы эскысьясöс да лөк вöчи налы. Но Крестос вöли бур сьөлöма ме дiнö, öд тадзисö ме вöчи гөгөрвотöмла да эскытöмла. **14** Миян Господь озыра тыртiс менö Аслас буралöмнас. Исус Крестос пыр Сийö сетiс меным эскöм да муслун. **15** Мый öнi висьтала тiянлы – тайö эскана, сийös шогмö сибöдны сьөлөманыд. Исус Крестос локтiс муюгыдас, медым мездьны мыжаясöс, и на пиысь ме медся мыжаыс. **16** Енмыс вöли бур сьөлöма ме дiнö. Öд ме пыр, медся мыжаыслөн олöм пыр, Исус Крестос петкöдлiс Ассьыс терпитöмсö налы, кодьяс эскасны Сылы да босьтасны помтöм олöмсö.

17 Енмыс пыр олысь, Сийö ыджыдалö помтöг. Ыджыд мывкыда тыдавтöм öти Енлы ошкöм-нимöдöмыс нэмьяс чöж. Аминь. **18** Тимофей, муса пибiй, кутчысь пророкьяслөн тэ йылысь висьталöмас да вермас бур тышкасьысь моз. **19** Видз эскöмтö да ов сiдзи, мед сьөлöмыд эз мыжды тэнö. Öд кодсюрö вунöдiсны тайös, и налөн эскöмыс пасьмунис. **20** Татшöмөсь Именей Öльöксанкöд. Найös ме сетi сötана киö, медым дугдiсны омöльтны Енсö.

2 Медводз кора тiянös: кевмысьöй Енмыслы, шыасьöй Сы дiнö корöм-кевмöмөн да аттьöалöмөн став йöзыс вöсна. **2** Кевмысьöй юралысьяс да ыджыдалысьяс вöсна, медым ми олiм лөня да зыксьытöг, вежавидзöмөн да шогмана ногөн. **3** Öд тайö бур да шогмö Енмыслы, миян Мездьысьлы. **4** Сийö кöсийö, медым став йöзыс мездмисны да тöдiсны збыльсö. **5** Енмыс öти. Ен да морт костын сулалысьыс тшöтш öти: Морт, Исус Крестос. **6** Сийö сетiс Асьсö, медым ньöбны став йöзсö. Тайö петкöдлö, мый мездана кадыс воис нин. **7** Енмыс сувтöдiс менö, медым юөртны та йылысь. Крестос водзын ме збыльысь висьтала, ог пöрьясь: менö индöма апостолөн да ентöдтöмьясöс збыляс-эскöмас велöдысьөн. **8** Ме кöсья, медым айулов быдлаын кевмысисны кинысö кыпöдöмөн, сöстöм сьөлөмөн, лөгавтöг да майшасьтöг. **9** Кöсья, медым аньяс пасьтасисны лючки-бура, мичмöдiсны асьнысö рамлунөн да вежавидзöмөн, а эз юрсиньсö баситöмөн, зарни-жемчуг öшлöмөн да дона паськöмөн. **10** Найö мед мичмöдасны асьнысö бур уджьясөн. Тадзи колö вöчны Ен водзын вежавидзысь аньяслы. **11** Аньяс мед чöла да кывзысьöмөн велöдчасны. **12** Аньлы ог лэдз велöдны айловös либö ыджыдавны сы вылын, ань мед чöv олö. **13** Öд водзджык вöли вöчöма Адамös, сэсся Еваös. **14** Эз Адам ылав, но ань ыштöмыс вöсна ылалiс да мыж вöчис. **15** Но ань мездмас кага чужтöм пыр, кутчысяс кö эскöмас, муслунас, вежавидзöмас да бур оласногас.

3 Тайö збыль: кодi кöсийö вичкöөн веськöдлыны, сийö бур удж кöсийö вöчны. **2** Вичкöөн веськöдлыны вермö сöстöм оласнога, öти гöтыра, садь да сось вежöра, бур оласнога морт. Ветлысь-мунысьöс сибöдö, кужö велöдны, **3** оз ю, оз тышкась, аслыс оз курав, рам сьөлöма, оз пиньяс,

сьом вылө оз горшась, ⁴бура веськөдлө аслас гортнас. Сылөн ныв-пиыс кывзысьоны сылысь да пыдди пуктоны сійөс. ⁵Од сійө кө оз сяммы веськөдлыны гортнас, вермас-ө тōждысьны Енлөн Вичкоыс вōсна? ⁶Вичкоса веськөдлысьнас оз вермы лоны морт, кодi сōмын на бергōдчис Ен дiнō. Од сiйō вермас вылө кыпōдчыны да омōлыс моз веськалас мыждōм улō. ⁷Зэв колана, медым вичкоысь отдор мукōдыс тшōтш пыдди пуктiсны сiйōс. Сэки лөк сёрниыс сы йылысь оз паськав, да сiйō оз шед омōльлөн налькiйō. ⁸Вичкоса отсасысьяс мед лоасны мывкыдаōсь, сёрнитасны веськыда, оз кодавны, аслыныс оз куравны, ⁹кутчысясны эскōмлөн гусяторiйō да видзасны сьōлōмнысō сōстōмōн. ¹⁰Найōс колō водзвыв тōдмавны, сэсса, шогманаōсь кō, мед кесьялōны. ¹¹Аньяс мед тшōтш лоасны мывкыдаōсь, садь вежōраōсь, быдторiйын эсканаōсь да оз суклясьны. ¹²Вичкоса отсасысь мед вōли оти гōтыра, бура веськōдлiс гортнас да ныв-пинас. ¹³Од бура кесьялысьōс вылō доньяласны, сiйō кутас повтōг висьтавлыны Исус Крiстослы эскōм йылысь. ¹⁴Лача кута, мый регыд локта тэ дiнō. Гижа тайōс, ¹⁵медым, падма кō, тэ тōдiн, кыдзи кутны асьтō Ен керкаын, ловъя Енлөн Вичкоын. Од Вичкоыс – збыльыслөн сюръяыс да подулыс. ¹⁶Кывшутōг, миян эскōмлөн гусяторiйыс ыджыд: Енмыс восьтiс Асьсō вир-яйын, Лолыс петкōдлiс Сылысь веськыдлунсō, Сiйōс аддзылысны анделъяс, Сы йылысь юртiсны мукōд войтырлы, Сылы эскисны муюгыдас, Сiйō кыпōдчис дзирдлунас.

4 Лов веськыда висьталō, мый бōръя кадас кодсюрō кежасны эскōмысь. Найō пондасны кывзыны ылōдчысь ловъясōс да кутчысясны пез ловъяслөн велōдōмō. ²Татшōм велōдōмыс петō пōръясьысьясянь, кык бана шаньгаясянь, кодъяс воштōмаōсь яндзимнысō. ³Найō оз лэдзны гōтрасьны да сēйны сiйō, мый Енмыс вōчис. Но Енмыс вōчис сēянсō, медым эскысьяс, збыльсō тōдысьяс, сēйисны сiйōс Енсō аттьōалōмōн. ⁴Од Енмыслөн став вōчōмторiйыс бур. Сēян кō аттьōалōмōн, сэки нинōмысь повнысō. ⁵Од кевмысьōм да Енлөн Кывиыс вежōдōны сiйōс. ⁶Туйдōд тадзи вокъястō, сэки тэ лоан Исус Крiстослөн бур кесьялысьōн. Од тэ пōткōдан асьтō эскōмлөн кывъясōн да бур велōдōмōн, мый серти олан. ⁷Ылōг да ковтōм мойдъясысь ылыстчы, велōдчы овны вежавидзōмōн. ⁸Од вир-яйтō ёнмōдōмысь бурыс этша, а вежавидзана олōмысь – уна. Сiйō сетō лача ънiя да локтана олōм вылō. ⁹Тайō висьталōмыс эскана, сiйōс шогмō сибōдны сьōлōмад. ¹⁰Ми ёна мырсям да нуам лөкōдōмсō, од лачанымōс кутам ловъя Ен вылō. Сiйō – быдōнлы Мездысь, торiйон нин эскысьяслы. ¹¹Туйдōд-велōд

татчō. ¹²Некод мед оз увтырт тэнō томлун вōснаыд. Тэнад сёрниыд, оласногыд, муслуныд, сьōлōмыд, эскōмыд да сōстōмлуныд мед лоō шогмана, мед эскысьяс вермисны овны тэ моз. ¹³Менам локтōдз лыдды Енлысь Кывсō да туйдōд-велōд йōзсō. ¹⁴Видз Енсянь сетōмторсō, кодōс вōли сетōма тэныд пророклөн висьталōмыс пыр вичкоса юрнуōдысьяслөн ки пуктылигōн. ¹⁵Тōждысь та вōсна, ставсō вōч сьōлōмсяньыд, сэки быдōн аддзас тэнсьыд вермōмтō. ¹⁶Видзōд ас бōрсяыд: кыдзи олан да мыйō велōдан. Вōч тайōс дугдывтōг, од тадзи вōчигōн тэ асьтō мездан, тшōтш тэнō кывзысьяссō.

5 Пōрысьяссōс чорыда эн олōд, туйдōд найōс батътō моз, томджыкъяссōс – воктō моз. ²Олōма аньяссōс туйдōд мамтō моз, томджыкъяссōс велōд сōстōм сьōлōмōн чойтō моз. ³Тōждысь откōн олысь дōваяс вōсна. ⁴Эм кō дōвалөн ныв-пи либō налөн ныв-пи, найō мед вежавидзōмōн тōждысясны гортсаыс вōсна да бурōн мынтысясны бать-мамыслы да пōль-пōчыслы. Од тайō шогмō Енмыслы. ⁵Дзик откōн олысь дōва лача кутō Ен вылō да лун и вой кевмысьō Енмыслы. ⁶А лышкыда олысь – ловъяывысьыс кулōма. ⁷Туйдōд тадзи дōваяссōс, медым найō олісны сōстōма. ⁸Кодi оз тōждысь матыссаыс вōсна, торiйон нин гортсаыс вōсна, сiйō эновтōма эскōмсō да эскытōм дорысь лөкджык на. ⁹Дōва лыдō позьō пыртны сōмын квайтымын арōсаōс да сыысь ыджыдджык арлыда аньōс, вōлōма кō сiйō отчыдысь верōс сайын, ¹⁰да тōдōны сiйōс бур уджъясыс серти: бур ногон быдтōма-велōдōма ныв-писō, сибōдōма ветлысь-мунысьōс, мыськалōма вежа войтырлысь кокнысō, отсалōма сьōкыдалысьяслы да вōчōма быд бурсō. ¹¹Томджыкъяссōс эн пырт дōваяс лыдō. Кор найō сетчōны ыштōмас, сэки ылыстчōны Крiстосысь да тэрмасьōны петны верōс сайō. ¹²Найō мыжмōны, од найō отдортчōны эскōмысь. ¹³Керкаысь керкаō ветлигōн найō весьшōрō кад коллялōны, суклясьōны, быдлаō суйсьōны да паськōдōны ковтōм сёрнияс. ¹⁴Та вōсна кōсья, медым том дōваяс петiсны верōс сайō, кага чужтiсны да тōждысисны гортныс вōсна. Сэки найō оз сетны помкасō паныд мунысьяслы омōльтны эскысьяссōс. ¹⁵Од кодсюрō кежисны веськыд туй вывьыс да муноны сōтана бōрся. ¹⁶Эскысьлөн кō матыссаяс пōвстас эм дōва, сылы колō тōждысьны дōваыс вōсна, оз ков Вичкосō сьōктōдны. Сэки Вичкоыс вермас тōждысьны збыль дōваяс вōсна. ¹⁷Вичкоса юрнуōдысьяссōс, кодъяс бура уджалōны, колō вылō доньявны, торiйон нин Ен Кыв висьталысьяссōс да велōдысьяссōс. Налы колō бура мынтысьны. ¹⁸Од Гижōдыс висьталō: «Вартысь ошлысь вомсō эн тупкы» и «Уджалысьлы колō мынтыны уджыс

серти». ¹⁹ Вичкоса юрнуодысьёс кӧ мыждӧны мыйыськӧ, тайӧ мыждӧмсӧ эн кывзы, оз кӧ сийӧс вынсьӧдны кык-куим аддзылысь-висьталысь. ²⁰ Мыж вӧчысьёс янӧд ставныс водзын, медым мукӧдыс тшӧтш полісны мыжсӧ вӧчны. ²¹ Кора тэнӧ Ен водзын, Господь Исус Крестос водзын да бӧрйӧм анделъяс водзын: кутчысь тайӧ туйдӧдӧмъясас. Нинӧм эн вӧч ассияныд, чужӧм вылӧ видзӧдӧмӧн. ²² Эн тэрмась ки пуктывны кодкӧ вылӧ, медым эн мыжмысылӧн мыж вӧчӧм вӧсна. Видз асьтӧ сӧстӧма. ²³ Гырк висьӧмыд да тшӧкыда нӧрпалӧмыд вӧсна ваись ӧддор юышт тшӧтш винатор. ²⁴ Ӑтияслӧн мыжыс тыдалӧ, и найӧс мыждӧны нин. Мӧдъяслӧн мыжыс воссяс бӧрыннас. ²⁵ Бур уджъясыд тшӧтш тыдалӧны, а оз на кӧ, бӧрыннас воссясны.

6 Сийӧсувса кесйӧгъяс, быдторйын пидди пуктӧй ыджыдъяснытӧ, медым эз вӧв лӧкӧдӧма Енлысь нимсӧ да Сылысь велӧдӧмсӧ. ² Кесйӧглӧн ыджыдыс кӧ эскысь, и эскӧм сертинис найӧ вокъяс, кесйӧг мед оз пукты ыджыдсӧ нинӧм туйӧ. Мӧдарӧ, мед ёнджыка на кесъялӧ ыджыдыслы, ӧд сийӧ кесъялӧ муса эскысь мортлы. Тадзи велӧд-туйдӧд. ³ Коді велӧдӧ мӧдторйӧ да оз кутчысь миян Господь Исус Крестослӧн веськыд кывъясас да велӧдӧмас, мый вайӧдӧ вежавидзана оласногӧ, ⁴ татшӧм мортыс вылӧ пуктӧ асьсӧ да нинӧм оз гӧгӧрво. Сийӧ пыр кӧсйӧ вензьяны да зыксыны. А тасянь артмӧ вежалӧм, пиньясьӧм, лӧкӧдӧм, гусьӧн мыждӧм ⁵ да помтӧм вензьям на костын, кодъяслӧн пемдӧма вежӧрыс. Найӧ кежӧмаӧсь збыльсьыс да вежавидзана оласногыс пыр кӧсйӧны озырмыны сьӧмӧн. Татшӧмъяссьыс ылыстчы. ⁶ Вежавидзӧмыс збыльысь озырмӧдӧ найӧс, кодъяс олӧны нинӧм вылӧ шуасьтӧг. ⁷ Ӑд ми нинӧм эгӧ вайӧй тайӧ муюгыдас, и нинӧм огӧ нуӧй татысь. ⁸ Эм кӧ сӧян-юан да кӧм-пась, сідзкӧ,

тырмӧдчам таӧн. ⁹ Озырмыны кӧсйысьяс сетчӧны ыштӧмас да шедӧны налькйӧ, сетчӧны быдпӧлӧс мывкыдтӧмлунас да лӧк кӧсйӧмас, кодъяс бырӧдӧны йӧзсӧ да вайӧдӧны найӧс кулӧмӧ. ¹⁰ Ӑд став лӧкыслӧн вужйыс – сьӧм радейтӧм. Сьӧм бӧрся вӧтлысигӧн кодсюрӧ кежисны эскӧмысь да кӧлалісны ас выланыс уна шог. ¹¹ Но тэ, Ен мортӧй, ылыстчы таысь. Кутчысь веськыдлунас, вежавидзана оласногас, эскӧмас, муслунас, зумыдлунас да рамлунас. ¹² Зумыда вермась эскӧмыд вӧсна, кутчысь помтӧм олӧмас, кытчӧ Енмыс корис тэнӧ. Ӑд уна йӧз водзын тэ воссьӧн висьтасин аслад эскӧм йылысь. ¹³ Ставыслы олӧм сетысь Ен водзын да Исус Крестос водзын, коді воссьӧн висьталіс збыльсӧ Понтий Пилатлы, ме кора тэнӧ: ¹⁴ миян Господь Исус Крестос локтӧдз ставсӧ вӧч менам тшӧктӧм серти, сӧстӧма да веськыда. ¹⁵ Крестослысь локтӧмсӧ ас кадӧ восьтас миянлы ошкана Ен. Сийӧ – ӧти вына Веськӧдлысь, ӧксыяслӧн Ӑксы, ыджыдъяслӧн ыджыдыс. ¹⁶ Сийӧ ӧтнас кувлытӧм, олӧ югыдас, кытчӧ матыстчыны он вермы. Морт Сийӧс эз аддзыв, и аддзыны оз вермы. Сийӧс нимӧдӧмыс, Сылӧн ыджыдалӧмыс помтӧм. Аминь. ¹⁷ Тайӧ нэмас озыра олысьясӧс велӧд, медым найӧ эз вылӧ кыпӧдчыны, эз кутны лачанысӧ бырана озырлун вылӧ, а ловъя Ен вылӧ. Ӑд Сийӧ лышкыда сетӧ миянлы ставсӧ, медым ми вермим овны нимкодьясьӧмӧн. ¹⁸ Велӧд озыръясӧс, медым вӧчисны бурсӧ, озырмисны бур уджъясӧн, вӧліны лышкыдӧсь да юкисисны мукӧдкӧд. ¹⁹ Тадзи вӧчигӧн найӧ чукӧртӧны аслыныс озырлун – зумыд подув локтанаыслы, медым налы вичмис помтӧм олӧм. ²⁰ Тимофей, видз тэныд сетӧмасӧ. Эн кывзы йӧзыслысь ковтӧм сӧрнияс да вензьямъяс, кодъяс петӧны ылӧг тӧдӧмлунсянь. ²¹ Ӑд кодсюрӧ кутчысисны татшӧм тӧдӧмлунас да кежисны эскӧмысь. Енлӧн буралӧмыс тӧкӧд. Аминь.

2 Тимофейлы

1 Гижö Павел, Ен кöсйöм серти Исус Крестослөн апостол. Менö мөдөдöма висътавны кöсйысьöм пыр сетöм олöм йылысь. Тайö олöмыс Исус Крестос пытшкын. 2 Бурсетöм, буралöм да лөнъ олöм тэныд, муса Тимофей пиой, Ен Батьсянь да миян Господь Исус Крестоссянь. 3 Лун и вой аслам кевмысьöмъясын ме пыр казътывла тэнö да ошка Енмөс, ме кесъяла Сылы батьяным моз сөстөм сьөлөмөн. 4 Тэнад синвайд оз вунлы менам. Та вöсна ёна кöсья адзöдчывны тэкöд, медым тырны нимкодълунөн. 5 Казътывла тэнсьыд сьөлөмсянь эскөмтö. Тадзи эскылісны тэнад Лоида пöчыд да Евника мамыд. Тöда, тэ тшöтш на моз эскан. 6 Та вöсна, казътышта тэныд: эн кусöд Енсянь сетöмторлысь бисö. Тайö сетöмторсö тэ сибöдін менам ки пуктылөм пыр. 7 Енмыс öд сетіс миянлы эз полöмыслысь лов, а выныслысь, муслуныслысь да бур мывкыдыслысь лов. 8 Сідзкö, эн яндысь висътавлыны Господьным йылысь. Эн яндысь и меысь, Крестос вöсна дзескыдінö йöртöмаысь. Мөдарö, Ен вынөн тэ тшöтш ну Бур Юөр вöсна сьöкыдсö. 9 Енмыс öд мездіс миянöс да корис вежа олөмас эз миян уджъясным вöсна, а Аслас шуöмыс да буралöмыс вöсна, кодöс Сійö сетöма миянлы олөм пуксъйтöдзыс на Исус Крестос пытшкын. 10 Öнi миян Мездысь Исус Крестослөн локтöмыс востіс буралөмсö. Крестос бырöдіс кулөмсö да Бур Юөр пыр востіс олөмсö да бырлытөмсö. 11 Та вылö менö и пуктöма, медым висътавлыны Бур Юөрсö, апостолавны да велöдны мукöд войтырöс. 12 Дзик та вöсна ме öнi сьöкыдсö нуа да ог яндысь таысь, öд ме тöда, кодлы ме эска. Тöда, Сійö вына видзны меным сетöмасö Аслас локтан лунöдз. 13 Кутчысь мясянь кывлөм веськыд велöдөмас Исус Крестоссянь босьтöм эскөмнад да муслуннад. 14 Видз тэныд сетöм бурсö Вежа Лов отсöгөн, кодi олö сьөлөманым. 15 Тэ тöдан, Асияын ставныс эновтісны менö, весиг Фигел Ермогенкöд. 16 Господь мед лоас бур сьөлöма Онисифорлөн гортса дінö, öд сійö унаысь ышöдліс менö да эз яндысьлы менам пукалөмысь. 17 Римö волігас сійö быдлаысь корсис менö да аддзис. 18 Мед Господь лоас бур сьөлöма сы дінö Аслас локтан лунö. Мыйтöм сійö отсасис меным Ефесын, тэ бурджыка тöдан.

2 Ёнмөдчы, муса пиой, Исус Крестослөн буралөмнас. 2 Ставсö, мый тэ кывлін мясянь уна йöз дырйи, юксы эскана йöзкöд, кодъяс сяммасны велöдны мукöдöс. 3 Исус Крестослөн бур тышкасысь моз ло дась нуны сьöкыдсö. 4 Шыпурта морт кольö быдлуңъя тöждъяссö, медым шогмыны веськөдлысьыслы. 5 Панласысь кö торкас ордысянносö, сылы оз шед вермысьлөн нимыс. 6 Быдтасысь пайсö медводз босьтö сьöкыд удж вöчысь. 7 Вежөрт, мый висътала. Господь мед отсалас тэныд ставсö гөгөрвоны. 8 Кут тöд вылад Исус Крестосöс, Давид вужысь Чужысьöс да кулөмысь Ловзысьöс. Тадзи висъталö меөн юөртөм Бур Юөрыс. 9 Тайö юөр вöснаыс ме и нуа сьöкыдсö. Менö дорисны лөк вöчысьöс моз, но Енлысь Кывсö абу дорöма. 10 Та вöсна ме муна став сьöкыд пырыс. Вöча тайöс Енлөн бөрйöмаяс вöсна, медым найö тшöтш босьтісны Исус Крестоссянь мездмөмсö да помасьлытöм дзирдлунсö. 11 Тайö кывйыс эскана: – Ми кö кулім Сыкöд, Сыкöд пондам овны. 12 Мунам кö сьöкыдыс пыр, Сыкöд пондам ыджыдавны. Соссям кö Сыысь, Сійö соссяс миянысь. 13 Ми кö эновтам Сійöс, Сійö оз эновт миянöс, öд Ачыс Ассыс соссьыны оз вермы. 14 Казътыв тайöс да Господь водзын олөд кывъяс понда венö пырöмысь. Öд тайö бурсö оз вай, сöмын виö кывзысьясöс. 15 Төждысь шогмыны Енлы, аслад уджысь эн яндысь, збыльсö висътав веськыда. 16 Ковтöм сёрниысь ылыстчы, öд татшöмъясыс лунысь-лун пондасны ёнджыка сетчыны Ентөг олөмас. 17 Налөн велöдöмыс рак висьöм моз паськалö. Именей да Филит тшöтш на лыдынöсь. 18 Найö кежисны збыльсьыс, висъталöны, ловзёмыс пö вöлі нин. Татшөм сёрнинас найö жугөдöны кодсюрöлысь эскөмсö. 19 Но Енмөн пуктöм подулыс вөрзъывтöм. Сэтчö пасйöма: «Господь тöдö Ассыс йöзсö», нöшта пасйöма: «Господьлысь нимсö висъталысь мед эновтчас лөксъыс». 20 Ыджыд керкаад абу сöмын зарни да эзысь дозъяс, эмöсь и пу да сөй дозъяс. Öтияснас вөдитчöны торъя лунъясö, мөдъяснас – быд лун. 21 Кодi весалöма асьсö став пөжсыс, сійö зарни да эзысь доз кодъ: вежа, ыджыдыслы ёна колана да бур уджъяс вылö шогмана. 22 Ылыстчы томдырся ыштöмъясысь. Ен дінö сьөлөмсянныс

шыасьысьяскөд кутчысь веськыдлунас, эскөмас, муслунас да лөньюлунас. ²³ Ковтөм да мывкыдтөм вензьомъясысь ылыстчы. Төд, тайө вайөдө зыксьомөдз. ²⁴ Господьлөн кесйөг оз вензьи, мөдарө, сийө быдөнкөд мелі, кужө велөдны да оз дөзми. ²⁵ Сийө рам сьөлөмөн туйдөдө паныд мунысьясөс, гашкө, Енмыс сетас налы позянлун бергөдчыны мыжъяссыныс да төдмавны збыльсө. ²⁶ Сэки найө казьяласны да мынасны омөльыслөн налькйысь, өд омөльыс кыйөма найөс, медым веськөдлыны.

3 Төд, бөръя лунъясө пукяс сьөкыд кад. ² Йөзыс пондасны радейтны сөмын асьнысө, ыштыны сьөм вылө, пондасны ошйысьны, асьнысө вылө пуктыны, Енсө омөльтны, бать-мамсө оз кутны кывзыны. Найө өдйө вунөдөны бурсө, эскытөмөсь, ³ чорыд сьөлөмаөсь, оз бурасьны, суклясьоны, асьнысө оз кутны, скөрөсь, бурсө мустөмтөны, ⁴ өта-мөдсө вузалөны, этшсө оз төдны да тшапөсь. Енмыс дорысь налы мусаджык лышкыда олөмыс. ⁵ Ортсысяньыс видзөдны кө, найө кутчысьоны вежавидзөмө, но, збыльвылас, найө оз эскыны Енмыслөн вынө. Татшөмъяссысь ылыстчы. ⁶ Кодсюрө на пөвстысь наяна пырөны керкаясө да кыскөны асланьыс коньөр аньясөс, кодъяс оз вермыны мынтөдчыны асланыс мыжъясысь да кокныда сетчөны асланыс көсйөмъясө. ⁷ Найө өтарө велөдчөны, но збыльыс налы оз пуксысь вежөрас. ⁸ Кыдзи коркө Янний да Ямврий паныд сувтисны Мөйсейлы, өні тайө йөзыс паныд сувтөны збыльыслы. Налөн вежөрыс торксьөма да эскөмыс абу шогмана. ⁹ Но найө оз кутны дыр нимавны, Мөйсейлы паныд сувтысьяслөн моз налөн йөйталөмыс тыдовтчас. ¹⁰ Тэ став сьөлөмнад йитчин менам велөдөмө, менам олөмө да менам могъясө. Мекөд тшөтш тэ эскин, терпитин, радейтин да зумыда сулалін, ¹¹ кор менө суисны Антиокияын, Иконияын да Листраын вөтлөмъяс да сьөкыдлунъяс. Ме муні сэки ыджыд вөтлөмъяс пыр, и Господь ставсьыс менө мездіс. ¹² Быдөнөс, коді көсйө овны вежа олөмөн Исус Кростос пытшкын, пондасны вөтлыны. ¹³ А лөк да пөръясысь йөзлөн лөк вөчөмыс кутас содны. Найө унаөс ылөдасны, асьныс тшөтш ылаласны. ¹⁴ А тэ зумыда кутчысь сэтчө, мыйө тэнө велөдөма да мыйө тэ эскин. Тэ өд төдан, коді велөдіс тэнө. ¹⁵ Тэ ичөтсаяньыд төдан вежа Гижөдъяс. Гижөдыс сетө мывкыдлун, медым Исус Кростослы эскөмөн тэ вермин мездмыны. ¹⁶ Ставнас Гижөдыс Ен Ловсянь да вайө сөмын бур.

Сийө велөдө, янөдө, вежө да туйдөдө веськыд олөмас, ¹⁷ медым Енлөн морт вөлі тыр-бур да вөлі дась вөчны быдпөлөс бур уджсө.

4 Ен водзын да Господь Исус Кростос водзын, коді кутас мыждыны ловъяясөс да кулөмаясөс, Сылысь локтөмсө да Юралөмсө төд вылын кутөмөн кора тэнө: ² ло дась висьтавны Енлысь Кывсө лөсялан и лөсявтөм кадө. Бур велөдысь моз терпитөмөн янөд, өлөд да туйдөд. ³ Öд воас кад, веськыд велөдөмсө оз пондыны кывзыны. Бөръясны аслыныс сьөлөм сертиыс велөдысьясөс, медым найөс кывзыны. ⁴ Пельнысө тупкасны збыльыслы да бергөдчасны мойдъяслань. ⁵ Но мед тэнад вежөрыд лоө ясыд быдторйын, сьөкыд нуигьясад кутчысь, висьтавлы Бур Юөрсө да кесъяв помөдз. ⁶ Öні ме Ен водзө вайөм вись кодь, воис кад меным мунны. ⁷ Ме бура вермаси, помөдзыс котөрти, эскөмөс видзи. ⁸ Öні менө виччысьө веськыдлуныслөн юркытш. Веськыда мыждысь Господь Аслас лунө сетас сийөс меным да быдөнлы, коді став сьөлөмнас виччысьө Сылысь локтөмсө. ⁹ Тэрмась локны ме дінө регидъя кадө. ¹⁰ Димас колис менө да муні Фессалоникаө. Сылы тайө муывса олөмыс мусаджык вөлөма. Крискент муніс Галатияө, Тит – Далматияө, өтнас Лука мекөд. ¹¹ Босьт аскөдыд Маркөс, сийө бур отсасысь менам уджын. ¹² Тихикөс ме мөдөді Ефесө. ¹³ Локтигад вай менсьым кышанөс, сийөс ме коли Троядө Карп ордө. Босьт нөшта менсьым небөгъясөс, торйөннин кучик вылө гижөмасө. ¹⁴ Уна лөк меным вөчис кузнеч Öльөксан. Господь Ачыс мед перъяс сылысь водзөссө став уджсыс. ¹⁵ Видзчысь сыысь. Сийө өна паныд муніс миян велөдөмлы. ¹⁶ Ёрдын медводдза дорйысигөн некод эз сувт ме дор, ставныс энөвтисны менө. Мед оз ло лыддьөма тайөс налы мыжөн. ¹⁷ Ачыс Господь вөлі ме дор. Сийө өнмөдіс менө, медым ме верми тырвийө бурьюөртны, медым став кыла войтырыс кылісны тайө Бур Юөрсө. Господь мездіс менө весиг лев вомысь. ¹⁸ Төда, Сийө видзас менө став лөксыс, мездас да вайөдас Аслас енэжвыв Юраланінө. Ошкөм Сылы нэмъяс чөж! Аминь. ¹⁹ Висьтав чолөм Прискиллалы да Акиллы, тшөтш Öнисифорлөн гортсалы. ²⁰ Ераст кольчис Коринфө, Трөпимөс ме кольөді Милитө, висьмис да. ²¹ Вермөдчы локны төлөдзыс. Тэныд ыстөны чолөм Еввул, Пуд, Лин, Клавдия да став вокъяс. ²² Господь Исус Кростос тэкөд. Енлөн буралөмыс тиянкөд. Аминь.

ТИТЛЫ

1 Гижö Павел, Енлön кесйöг да Исус Крестослön апостол. Менö мөдөдöма, мед отсавны Енлön бөрйöмаяслы эскыны да тöдны збыльсö, медым эськö найö вермисны овны вежавидзöмөн ² да помтöм олöм вылö лачаён. Помтöм олöмсö Ен кöсйысис му пуксьытöдзыс на, и Ассьыс кывсö Сййö оз веж. ³ Ас кадö Сййö сетис тöдны кывсö бурвисьталöм пыр, та вылö менö и сувтöдис. Тайö вöли Ен Мездьсьнымлön тшöктöм. ⁴ Чолöмала тэнö, Тит. Öтувъя эскöманым тэ меным збыльысь пи кодь. Бурсетöм, буралöм да лөнъ олöм тэныд Ен Батьсянь да миян Мездьсы Исус Крестос Господьянь. ⁵ Ме коли тэнö Критö, мед тэ эштöдін сэнi помавтöмторсö да быд карын индін вичкоса юрнуöдысьясöс, кызди тай ме тэныд тшöктыли. ⁶ Юрнуöдысь мед вöли бур оласнога, öти гöтыра, ныв-пиыс мед эскисны, быдторйын кывзысисны да лэдзчысьöмөн эз овны, на йылысь мед эз кыв лёк сёрни. ⁷ Вичкоса веськөдлысьён вермö лоны сöмын бур оласнога морт, öд сылы сетöма вöчны Енлысь удж. Мед сййö эз вöv асныра, эз вöv дözмысь, эз ю, эз усьлась мукöд вылö, аслыс эз курав, ⁸ ветлысь-мунысьöс мед сибöдис, бурсö радейтис, вöли сюсь вежöра, быдторйын веськыд, вежавидзысь да кужис асьсö кутны. ⁹ Сййö мед вöли зумыда кутчысьöма велöдöмыслön збыль кывъясьö, кужис веськыд велöдöмнас туйдöдны мукöдöс да вермис янöдны паныд мунысьöс. ¹⁰ Öд унаён аснырасьöны, ковтöмсö сёрнитöны да мукöдсö пöрйöдлöны, и унджыкыс найö вундыштчöмаяс пövстысь. ¹¹ Татшöмъясыслысь колö тупкыны вомсö. Яндысьтöм горшлунныс вöсна найö асланыс велöдöмөн шöйöвоштöны дзонь керкаяс, мыйö оз ков велöдöны. ¹² Налön асланыс гижысьыс весиг шулöма: – Критсаяс – пöръясьысьяс, скөр понъяс, горш кöинъяс да дыш руньöяс. ¹³ Веськыда шуöма. Та вöсна чорыда янöд татшöм йöзсö, медым налön эскöмыс вöли веськыд. ¹⁴ Найö мед оз кывзыны юдейяслысь мойдъясьсö да йöзлысь ас лöсьöдöм тшöктöмъясьсö. Татшöм йöзыс öд кежöмаöсь збыльсьыс. ¹⁵ Сöстöмлы ставыс сöстöм, а пөжасьöмалы да эскытöмлы нинöм абу сöстöм. Налön пөжасьöма вежöрыс, весиг сьölöмыс. ¹⁶ Найö шуöны, тöдам пö Енсö, но уджыс налön

мөдтор йылысь висьталö. Найö мустöмөсь, кывзысьтöмөсь и бурсö вöчны оз сяммыны.

2 Тэ висьтавлы веськыд велöдöмыслы лöсяланасö. ² Олöма айуловöс велöд лоны авъяён, садь да сюсь вежöраён. Мед найö топыда кутчысясны эскöмас, муслунас да зумыдлунас. ³ Олöма аняяс мед оласны вежавидзöмөн, оз суклясьны, вина оз юны, туйдöдасны томджыкъясьсö бурас, ⁴ велöдасны найöс радейтны верöснысö да ныв-писö, ⁵ медым эськö том аняяс вöлины сюсь вежöраöсь, сöстöм сьölöмаöсь, шаньöсь, мед тöждысясны гортныс вöсна да кывзысясны верöсныслысь. Сэки Ен Кывсö оз ло омöльтöма. ⁶ Зонъясьсö тшöтш велöд лоны сюсь вежöраён. ⁷ Вöч быд бурсö, мед мукöдыс тэ вылö видзöдöмөн тшöтш велаласны татчö. Велöд сöстöм сьölöмөн, вежавидзöмөн да Кывсö торкавтöг. ⁸ Сёрнит веськыда да тырвийö эскöд, медым паныд мунысь яналас да оз вермы шуны миян йылысь нинöм лёксö. ⁹ Кесйöгъяс мед быдторйын кывзысясны асланыс ыджыдныслысь, зиясны кывшутöг шогмыны сылы. ¹⁰ Мед оз гусясьны, мөдарö, быдторйын мед петкөдласны, мый налы позьö тырвийö эскыны. Сэки на пыр пыдди пуктöма лоö Ен Мездьсьнымлысь велöдöмсö. ¹¹ Енмыс петкөдлис Ассьыс буралöмсö, медым став йöзсö мездыны. ¹² Буралöмыс велöдö миянöс, мед ми энөвтчим Ентöг олöмсьыс да быдпөлöс муыввса ыштöмсьыс, вöлим сюсь вежöраöсь тайö нэмас, олím веськыда да вежавидзöмөн, ¹³ виччысим вына Енлысь да миян Мездьсы Исус Крестослысь дзирдлуна вөсьсьöмсö да шуда лачанымлысь збыльмөмсö. ¹⁴ Крестос сетис Асьсö миян вöсна, медым мездыны миянöс быд лёксьыс, сöстöммöдны миянöс да торйöдны Аслыс войтырöс, кодi сьölöмсяньыс пондас вöчны бурсö. ¹⁵ Тадзи велöд, ышöд да янöд тэныд сетöм вынён. Эн сет асьтö некодлы увтыртны.

3 Казьтыв эскысьяслы, медым кывзысясны юралысьяслысь да пуктöм йöзлысь, пыдди пуктасны налысь веськөдлөмсö да лоасны дасьöсь вöчны быд бурсö. ² Мед оз омöльтны некодöс, зыкö оз пырны, лоасны шаньöсь да быдөнкөд рамöсь. ³ Ми öд асьным коркö вöлим вежöртöмөсь да кывзысьтöмөсь, вошöмаöсь олöмас, сетчöмаöсь

ыштõмас да быдпõлõс ковтõм гажõдчõмас. Олим лёк пытшкас, вежалим, вõлим мустõмõсь, да мукõдсõ тшõтш мустõмтим. ⁴ Но Ен Мездьсьным петкõдлис миян динõ Ассьыс бурлунсõ да муслунсõ. ⁵ Сийõ мездис миянõс. Мездис эз веськыд уджъясным серти, но Аслас буралõмыс вõсна. Ен мыськалис миянõс да сетис миянлы выльысь чужны. Сийõ выльмõдис миянõс Вежа Ловнас. ⁶ Исус Кростос Мездьсьным пыр Сийõ лышкыда кисьтис миян пытшкõ Вежа Ловсõ, ⁷ медым Сылõн буралõмсянь ми лоим веськыдõсь да миянлы вичмис помтõм олõм. Тайõ и эм миян лачаным. ⁸ Тайõ кывъясис эсканайсь. Ме кõсья, мед тэ тõдчõдõмõн пыр казьтылин тайõс, медым Енлы эскысьяс тõждысисны бурсõ вõчны. Тайõ бур да йõзыслы

колана. ⁹ Тõлктõм вензяна сёрниысь, ордпу да Индõд кузя зыксõм-пинясьõмысь ылыстчы. Ставыс тайõ ковтõмтор да весьшõрõ. ¹⁰ Ылõгас кежõдысьõсõtчид да мõдысь õлõдõм бõрын энõвт. ¹¹ Тõд, татшõм мортыс тшыкõма, мыж вõчõмнас сийõ ачыс асьсõ мыждõм улас суйõ. ¹² Артемõс либõ Тихикõс кор мõдõда тэ динõ, тэрмась волены ме динõ Никопольõ. Сэни тай шуи тõвйынысõ. ¹³ Отсав петны туйõ оланпас тõдысь Зинейлы да Аполослы, медым налы ставыс вõли судзяна-тырмана. ¹⁴ Миян эскысьяс мед тшõтш велõдчасны бурсõ вõчны, сетны колана отсõг, сэки найõ вотõстõг оз кольны. ¹⁵ Чолõм тэныд ыстõны тани ставныс. Висьтав чолõм миянõс радейтысь эскысь чой-воклы. Енлõн буралõмыс ставныдкõд тиянкõд. Аминь.

ФИЛИМОНЛЫ

¹ Гижö Павел. Исус Кростос вöсна ме пукала дзескыдiнын. Тимофей воккöд ми чолöмалам муса Филимон уджъертнымöс. ² Чолöмалам дона Апфия чойöс да мянкöд öтвыв вермасьысь Аркип ёртöс да сы ордын чукöртчысь эскысьясöс. ³ Буралöм да лöнь олöм тiянлы Ен Батьнымсянь да Господь Исус Кростоссянь. ⁴ Кевмысигам пыр казьтывла тэнö да аттьöала Енмöс. ⁵ Ме кывли Исус Господьлы тэнад эскöм йылысь да став вежа войтыр дiнö муслуньд йылысь. ⁶ Кевмыся, медым мян öтувья эскöмным отсалас тэныд тöдны быд бурсö, кодöс сетöма тiянлы Исус Кростос пытшкын. ⁷ Вокöй, тэнад муслуньд ёна долымöдö да ышöдö мянöс, öд тэ лöньöдан вежа войтырлысь сьölöмсö. ⁸ Ме, дерт, верма Кростос нимөн тшöктыны тэныд вöчны коланасö, ⁹ но муслунöй вöсна шыася тэ дiнö корöмөн. Ме, пöрысь Павел, Исус Кростос вöсна пукалысь, ¹⁰ кора тэнö Онисим пийöй вöсна. Сийöс ме чужти танi дзескыдiнын. ¹¹ Коркö сийö ковтöм вöли тэныд, öнi ёна колана тэныд да меным. ¹² Ме бөр мөдöда сийöс тэ дiнö. Сибöд сийöс сьölöм бердысь чуктöдöмторийöс моз. ¹³ Кöсйи сийöс кольöдны ас дiнö, мед тэ пыдди отсасьыштас меным Бур Юөр вöсна пукалiгөн. ¹⁴ Но

тэнад шутöг нинöм ог кöсйи вöчны, мед эськö тэ бурсö вöчин ас кöсйöмөн, а эн мырдөн. ¹⁵ Гашкö, и колö вöли сылы кад кезлö тэкöд янсöдчывнысö, медым сэсся тэ сибöдiн сийöс пыр кезлö. ¹⁶ Сибöдiн эн нин кесйөгöс моз, но кесйөгысь донажыкöс – муса вокöс моз. Меным сийö ёна муса. Но тэныд сийö, кыдзи ас морт да нöшта Господьсянь вок, ёна мусаджык на. ¹⁷ Тэ кö шуан менö аслад вокөн, сибöд сийöс менö моз. ¹⁸ Тэнö кö сийö мыйöнкö дойдiс-дöзмöдiс либö уджйöза тэныд, öшöд ставсö ме вылö. ¹⁹ Ме, Павел, аслам киён пасья: «Ме мынтыся». Шуны кö, тэ ачыд став олöмнад меным уджйöза. ²⁰ Вокöй, Господь нимсянь вöч меным тайö бурторсö, лöньöд менсьым сьölöмöс Господь вöсна. ²¹ Ме эска, тэ кывзысян, та вöсна и гиха. Тöда, тэ вöчан унджык на менам корöм дорысь. ²² Нöшта кора, корсьлы меным оланiн. Лача кута, тiян кевмысьöм отсöгөн Енмыс бөр вайöдас менö тiян дiнö. ²³ Чолöм Епафрассянь, сийö мекöд пукалö Кростос вöсна. ²⁴ Марк, Аристарк, Димас да Лука, менам уджъертъяс, тшöтш ыстöны чолöм. ²⁵ Миян Господь Исус Кростослөн буралöмыс тiянкöд. Аминь.

Еврейяслы

1 Енмыс важысянь унаысь да уна ногон шыасьліс миян батьяс дінө пророкъяс пыр.
2 Тайö бөръя кадас Сійö шыасьліс миян дінö Пиыс пыр. Енмыс сетіс Сылы ставсö, Сы пыр вöчис ентыкөласö. **3** Пиыс – Енлөн ярьюгид дзирдлуныс, Сылөн пертасыс. Сійö ставсö кутö Аслас вына кывнас. Аслас Вирнас Сійö мыськаліс миянлысь мыжъяснымöс, пуксис Вына Енлөн веськыдладорö енэжас **4** да лои анделъясысь вылынджык на. Сылөн нимыс ёна тöдчанаджык налөн нимысь. **5** Öд ни öти анделлы Енмыс эз шулы: – Тэ – Менам Пи, талун Ме лои Тэнад Батьөн. Ни öти андел йылысь Енмыс эз шулы: – Ме лоа Сылөн Батьөн, Сійö – Менам Пиён. **6** Муюгыдас Ассыс медводдза Чужысьсö пыртігөн Енмыс шуö: – Копыртчылöй Сылы ставныд, Енлөн анделъяс. **7** Анделъяс йылысь Енмыс висьталö: – Ассыс анделъяссö Енмыс вöчö тöвнырөн, Ассыс кесъялысьяссö – ыпъялан биён. **8** Пиыс йылысь Енмыс тадзи висьталö: – Енмöй, Тэнад юралан пуклöсыд нэмъяс чöж. Тэнад веськөдлан беддыд – веськыдлун. **9** Веськыдлуныс Тэныд муса, а лёксö Тэ мустöмтан. Та вöсна, Енмöй, Тэнад Енмыд мавтыштис Тэнö нимкодълунөн мукöд дорысь ёнджыка на. **10** Нöшта Енмыс шуö: – Господьöй, медводз Тэ вöчин мусö, енэжыс тшöтш Тэнад вöчöмтор, **11** найö бырасны, а Тэ помтöг олан. Ставыс тайö паськөм моз важмас. **12** Көлүйöс моз Тэ гартыштан найöс, да найö вежсясны, а Тэ некор он вежсьы. Тэнад олан лунъяслы помыс оз ло.
13 Некутшöм анделлы Енмыс эз шулы: – Пукав Менам веськыдладорын, кытчöдз ог пукты Тэнад кок улö Тэныд паныд мунысьясöс. **14** Анделъяс – тайö кесъялысь ловъяс. Енмыс мөдöдö найöс кесъявны налы, кодъяслы вичмас мездмöмыс.

2 Та вöсна, миянлы ёнджыка на колö кутчысьны кывлöмаыс дінö, медым эгö ылалöй. **2** Öд анделъяс пыр висьталöм юöрыс кö вöлі вына, да быд кывзысьтöмлунысь да лёк вöчöмысь кö мыждылісны веськыда, **3** сідзкö, мынам-ö ми мыждöмсьыс, кутам кö нинöм туйö пуктыны тайö ыджыдторсö – мездмöмсö? Тайö мездмöмыс йылысь медводз висьталіс Господь, сэсся Сысянь кылысьяс эскöдісны миянöс, мый тайö висьталöмыс збыль. **4** Тайö висьталöмсö Енмыс ёнмөдіс тадзи: висьталысьяс пыр Сійö петкөдліс

индысьпасьяс, вöчис шензьöданаторъяс да быдпөлöс ыджыд уджъяс, Ас кöсйöм сертиыс Сійö юкліс Вежа Ловсянь сетöмторъяс. **5** Енмыс эз сет анделъяслы веськөдлыны локтана муюгыднас, мый йылысь ми сёрнитам. **6** Кодкö гижлöма та йылысь: – Мортыс – коді сэтшöмыс, мый Тэ казтывлан сійöс? Мортлөн пиыс – коді сэтшöмыс, мый Тэ тöждысян сы вöсна? **7** Сöмын дженьыд кад кежлö Тэ пуктін мортсö анделъяс дорысь улöджык, мичмөдін сійöс дзирдлунөн да нимөдөмөн, сувтөдін сійöс веськөдлыны Аслад вöчöмторнад. **8** Тэ ставсö пуктін сы кок улö! Енмыс ставсö сетіс морт кипод улö, сылы нинöм эз коль сеттöмыс. Дерт, öні оз на тыдав, мый ставсö нин сетöма морт кипод улö. **9** Но ми аддзам Исусöс, кодöс дженьыд кад кежлö вöлі улöджык пуктöма анделъяс дорысь. Енлөн буралöмыс вöсна Сійö куліс став йöзыс понда. Тайö сьöкыда кулöм вöснаыс Исусöс öні мичмөдöма дзирдлунөн да нимөдөмөн. **10** Енмыс, Ставсөвöчысь да Ставсөкутысь, уна ныв-пиöс кöсйö вайöдны Аслас дзирдлунö. Та вöсна Исуслы, мездмөмас Нуöдысьлы, Енмыс лэдзис нуны сьöкыдсö, медым Сы пыр помөдз вайöдны Ассыс мөвпыштöмсö. **11** Вежöдысьыс да вежа войтырыс – öти Батьсянь. Та вöсна Исус оз яндысь шуны вежа войтырöс Аслас вокъясөн. **12** Сійö шуö: – Ме висьтала Тэ йылысь Аслам вокъяслы, нимöда Тэнö вичко водзын. **13** Нöшта шуö: – Ме кута лача Ен вылö, да содтö: – Со, Ме да ныв-пи, кодъясöс сетіс Меным Ен. **14** Тайö ныв-пиыслөн эм вир-яй. Та вöсна Крестос тшöтш лоис на кодьөн, медым кувлöмнас бырöдны омольöс, кулöмыс вылын ыджыдалысьöс, **15** да мездыны кулöмысь полысьясöс. Öд став олөм чöжныс найö вöліны полöмыслөн көртöд улынöсь. **16** Крестос тöждысьö Öвраамсянь чужысьяс вöсна, а оз анделъяс вöсна. **17** Крестослы ковмис лоны морт кодьөн, Аслас вокъяс кодьөн, медым лоны Сылы бур сьөлöма да Енлысь кывзысьысь Аркирейөн, да медым босьтны Ас вылас йöзлысь мыжъяссö. **18** Крестос Ачыс нуис сьöкыдсö да ыштöдөмсö, та вöсна вермö отсавны ыштöдöмаяслы.

3 Вокъяс, ме шыася тиян дінö, вежа войтыр да Енлөн корöмаяс дінö: видзöдöй Исус Крестос вылö. Сійö – Енсянь Локтысь, Аркирей, Сылы ми эскам. **2** Енмыс сувтөдіс Сійöс Аркирейөн. Сійö

кесьяліс Енмыслы кывзысьомён, кызди Мөйсей «быд кадö кывзысьомён кесьяліс Ен керкаын». ³ Керка вöчысьсö ёнджыка ошкöны керкасö дорысь. Тадзи Исусöс ёнджыка шогмö ошкыны Мөйсейöс дорысь. ⁴ Быд керкалөн эм аслас вöчысь, но Ставсöвöчысьыс – Ен. ⁵ Мөйсей «кывзысьомён кесьяліс Ен керкаын», но сійö вöлі сöмын кесьялысь. Аслас олöмнас сійö водзвыв петкöдліс, мый Енмыс кöсйис висьтавны бöрынджык. ⁶ Ен керкаын Пиыс – Кростос, Сійö кывкутöмөн веськöдлö ставнас Ен керканас. Ен керкаыс – тайö ми, лоам кö повтöмöсь да помöдз кутам зумыда кутчысьны лачаас, мыйöн ошйысям. ⁷ Вежа Лов висьталö: – Талун, Енлысь гөлöс шысö кылігөн, ⁸ энö чорзьöдöй сьölöмнытö, кызди тi вöчинныд овтöминын: кыпöдчинныд Меным паныд да дöзмöдінныд Менö. ⁹ Сэни тiян батыясныд нелямын во чöж аддзылісны Менсьым уджъясöс, да ыштöдісны-дöзмöдісны Менö. ¹⁰ Сэки Ме дöзми на вылö да шуи: «Найö пыр ылалöмаöсь», Менам туйöд оз ветлыны. ¹¹ Та вöсна Ме дöзми на вылö да сетi кыв: «Найö оз пырны Менам шойччанінö». ¹² Вокъяс, видзчысьöй, тiян пиысь мед некод эз вöв эскытöмөн, эз ов лёк мөвпъясөн, медым энö кежöй ловъя Енсьыс. ¹³ Быд лун ышöдöй öта-мöднытö, кытчöдз позьö на шуны "талун", мед тiян пиысь некодлөн эз чорзъы сьölöмыс мыжлөн ылöдлөм вöсна. ¹⁴ Ми кö водзьяныыс моз помöдз кутам эскыны зумыда, сэки миянлы тшöтш вичмас Кростослөн озырлуныс. ¹⁵ Та йылысь шуöма: – Талун, Енлысь гөлöс шысö кылігөн, энö чорзьöдöй сьölöмнытö, кызди тi вöчинныд Меным паныд сувтiгөн. ¹⁶ Öд Енлысь гөлöс шысö кылысьяс пиысь кодсюрö паныд сувтiсны Енмыслы, но эз ставныс, кодъяс петiсны Мөйсейкöд Египетысь. ¹⁷ Код вылö нö Енмыс скöралiс нелямын во чöжсö? Эз-ö мыж вöчысьяс вылö, кодъяслөн лыясыс колины овтöминö? ¹⁸ Кодлы нö Енмыс кыв сетiс, мый найö оз пырны Сылөн шойччанінö? Эз-ö кывзысьтöмъяслы? ¹⁹ Ми аддзам, мый эскытöм вöснаныс найö эз пырны Ен шойччанінö.

4 Енлөн кöсйисьöмыс, мый ми вермам пырны Сылөн шойччанінö, öнöдз на вына. Сидзкö, кутам тöждысьны, мед тiян пиысь некод эз сёрмы пырны Ен шойччанінö. ² Египетысь петысьяслы вöлі висьталöма Бур Юöрсö миянлы моз, но тайö нинöм эз сет налы, öд найö эз эскыны тайö юöрыслы да эз сибöдны сійöс сьölöманыс. ³ Ми эским тайö юöрыслы, сидзкö, пырам Ен шойччанінö. Тайö шойччанін йывсьыс шуöма: – Ме скöрми тайö йöзыс вылö да сетi кыв: «Найö оз пырны Менам шойччанінö». Енмыс шуис тадзи, кöть муюгидсö вöчöм бöрын Сылөн дасьтöма нин вöлі шойччанінсö. ⁴ Öд сизимöд лун йывсьыс

Гижöдыс тадзи висьталö: «Сизимöд луннас Енмыс шойччис став Аслас уджъясысь». ⁵ Но вылынджыксö вöлі шуöма нин: «Найö оз пырны Менам шойччанінö». ⁶ Но кодсюрö пырасны на Ен шойччанінö. А найö, кодъяслы медводз вöлі висьталöма Ен шойччанін йывсьыс, эз пырны сэтчö кывзысьтöмлун вöснаныс. ⁷ Та вöсна Енмыс индiс торъя лун – "талун", öд уна во мысти Давид казтыштiс Енлысь водзынджык шуöм кывъяссö: – Талун, Енлысь гөлöс шысö кылігөн, энö чорзьöдöй сьölöмнытö. ⁸ Исус Навин кö вермис сетны шойччöг Египетысь петысьяслы, Енмыс эськö эз нин казтытв кутшöмкö мöд шойччöг йылысь. ⁹ Сидзкö, Ен войтырлөн шойччöгыс водзын на. ¹⁰ Öд мортыс кö пырöма нин Ен шойччанінö, сійö Енмыс моз шойччö аслас уджъясысь. ¹¹ Сидзкö, кутам зильны пырны Ен шойччанінö, медым тайö кывзысьтöм йöзыс моз эгö кольöй Ен шойччанінö пыртöг. ¹² Енлөн Кывйыс ловъя да вына. Сійö ёсьджык на кыкнанладорсяныыс лэчтöм шыпуртысь. Сійö пыдöдз мөрччö, торйöдö мортлысь ловсö да олöмсö, лысö да вемсö, восьтö мортлысь сьölöмпытшса мөвпъяссö да кöсйöмсö. ¹³ Енсьыс некод оз дзевсьы, Сылы ставыс восьса, ставыс тыдалана. Сылы ставсьыс сетам воча кыв. ¹⁴ Миян эм ыджыд Аркирей – Исус, Енлөн Пи, кодi мунiс став енэжыс пыр. Сидзкö, зумыда кутчысям эскöмас. ¹⁵ Миян эм Аркирей, кодi бура гөгөрвоö миянöс жеблун дырйи. Миянöс моз Сійöс быдторйын вöлі ыштöдöма, но мыжсö Сійö эз вöчлы. ¹⁶ Та вöсна ми повтöг матыстчам бур сьölöма Енлөн юралан пуклöс дiнö, медым колана кадö босьтны Енсянь буралöмсö да бурсетöмсö отсöг вылö.

5 Быд аркирейöс бöрйöны йöз пöвстысь да сувтöдöны кесьявны Енлы, медым вайны висьяс да сетöмторъяс йöзлөн мыжъяс вöсна. ² Татшöм аркирейыс вермö гөгөрвоны мывкыдтöмъясöс да ылалöмаясöс, öд ачыс сійö на кодъ жö вынтöм. ³ Та вöсна сылы колö вайны вись оз сöмын йöзлөн мыжъяс вöсна, тшöтш аслас мыжъяс вöсна. ⁴ Морт оз вермы ачыс асьсö индыны аркирейөн, тайöс вермö вöчны сöмын Ен. Сійö сувтöдiс Ааронöс аркирейөн. ⁵ Тадзи и Кростос: эз Ачыс Асьсö сувтöд тайö ошкана уджыс вылö – лоны Аркирейөн. Енмыс индiс Сійöс да шуис Сылы: – Тэ – Менам Пи, талун Ме лои Тэнад Батьөн. ⁶ Мөдлаын Енмыс нöшта висьталö: – Мелкиседек моз Тэ пыр кежлö Аркирей. ⁷ Му вылын олiгөн Исус кыз синваөн да гораа бöрдöмөн корис-кевмысис Сылы, кодi вермис мездыны Сійöс кулöмысь. Ен кыліс Сылысь кевмöмсö, öд Исус кывзысис Сылысь. ⁸ Исус – Енлөн Пи, но сьökыдсö нуигөн Сійö велöдчис кывзысьны. ⁹ Сійö помöдз вайöдiс Енлысь

мөвпыштөмсө да пыр кежлө лои мездмөмсө Сетысьон быдөнлы, коді кывзысь Сылсы.
¹⁰ Мелкиседекс моз Енмыс индіс Исусос Аркирейон. ¹¹ Та йылысь эськө уна на позь висътавны, но съкыд висътавнысө, өд ті оно ксйой кывзынысө. ¹² Видзөдлыны кө кадыс вылө, тіянлы важон нин колө лоны велөдысьясон, но миянлы выльысь лоө висътавны тіянлы Енлысь Кывсө водзысянныс. Тіянс пыр на колө вердны йөлөн, а оз чорыд сёянон. ¹³ Өд йөлөн пөткөдчысь – кага на, сійө оз на гөгөрво веськыдлун йылысь велөдөмсө. ¹⁴ Но тыр арлыдаяслы колө пөткөдчыны чорыд сёянон, өд найө вермөны нин торйөдны бурсө да лёксө.

6 Сідзкө, огө кольччой Крестослөн велөдөмын медводдза оськовъясас, но кутам быдмыны-верстыаммыны тыр арлыдаөдз. Миянлы абу нин колана выльысь велөдны тіянс лёк уджъясысь бергөдчөм да Енлы эскөм йылысь, ² пыртчөм да ки пуктылөм йылысь, кулөмысь ловзьөм да пыр кежлө мыждөм йылысь. ³ Ен кө сетас, мунам водзө. ⁴ Найө, кодъяс төдлісны нин Бур Юөрлысь югыдсө, босьтисны Енсянь сетөмторсө, сибөдісны сьөлөмас Вежа Лолөс, ⁵ төдмалісны Ен Кывлысь бурсө да аддзылісны локтана нэмлысь вынсө, ⁶ а эсся бөр кежисны Крестосысь – татшөм йөзсө он нин вермы бергөдны Ен дінө. Өд найө выльысь тувъялөны Ен Пиөс да пуктөны Сійөс серам туйө. ⁷ Зэрөн унаысь көтөдлөм му кө вайө му водитысьлы бур быдтас – Енмыс тайө мусө бурсиө. ⁸ Муыс кө быдтө сөмын йон да ёг турун – татшөм муыс шогмытөм, сійөс лоө ёрөма да сотөма. ⁹ Мусаяс, көть ми тадзи шуам, но лача кутам, мый ті – бур муыс, ті кутчысянныд мездмөмас. ¹⁰ Енмыс – веськыд, Сійө оз вунөд тіянлысь уджъяснытө да Сылөн нимыс дінө муслуннытө. Өд тайө муслунсө ті петкөдлінныд вежа войтырлы кесъялігөн. ¹¹ Ми көсьям, медым ті помөдз тадзи вөчинныд, сэки тіян лачаныд збыльмас. ¹² Энө дышөдчөй, но лоөй на кодъөсь, кодъяс эскөмөн да терпитөмөн босьтөны Енсянь көйысьөмасө. ¹³ Өвраамлы көйысигөн Енмыс Аслас нимөн көйысис, өд Сылөн нимысь ыджыдджыкыс абу. ¹⁴ Енмыс көйысис: «Ме тэнө озыра бурсиа да сета тэныд уна чужысьөс». ¹⁵ Тадзи Өвраам терпитөмыс пыр босьтис Енсянь көйысьөмасө. ¹⁶ Кыв сетігөн йөзыс көйысьөны мыйөнкө ас дорсыс ыджыдджыкөн. Тайө кыв сетөмыс вынсөдө налысь шуөмсө да пуктө пом став вензьөмлы. ¹⁷ Та вөсна Ассыс көйысьөмсө Енмыс вынсөдіс кыв сетөмөн, медым Сысянь көйысьөмсө босьтысьяслы бурджыка петкөдлыны, мый Сылөн мөвпъясыс вежсьывлытөмөсь. ¹⁸ Тайө кыкторйыс: Енлөн көйысьөмыс да кыв сетөмыс – вежсьывлытөмөсь, өд Енмыс оз вермы ылөдлыны.

Тайө кыкторйыс ышөдө миянс да отсалө кутчысьны сетөм лачаас. ¹⁹ Миян олөмын тайө лачаыс зумыд якөр кодъ, сійө видзө миянс да отсалө пырны миянлы крамын ошалысь дөра сайө, Вежасьыс-вежаинө. ²⁰ Миянысь водзджык сэтчө пырис Исус да осьтис миянлы туй. Мелкиседек моз Сійө пыр кежлө лоис Аркирейон.

7 Мелкиседек вөлі Салим карса өксы да Медвылысса Енлөн Аркирей. Сійө бурсиис Өвраамсө ськөд паныдасигөн, кор Өвраам локтө вөлі өксыясөс вермөм бөрын. ² Өвраам торйөдіс Мелкиседеклы тышын шедөдөмысь дасөд юкөнсө. Мелкиседек нимлөн вежөртасыс – «веськыдлуныслөн өксы». Сійө вөлі Салим карса өксы, та вөсна нөшта сійөс шуөны «лөньлуныслөн өксы». ³ Мелкиседеклөн эз вөв бать-мамыс, эз вөв чужанвужйыс. Сійө эз чужлы ни эз кувлы. Ен Пи моз сійө пыр кежлө Аркирей. ⁴ Аддзанныд, кутшөм сійө ыджыд! Өд ачыс Өвраам, миян айным, сетіс сылы дасөд юкөнсө, тышын шедөдөмысь медбурсө. ⁵ Левий чужанвужйысь бөрийөм попъяслы Индөд серти колө вөлі босьтны йөзлөн эмбурысь дасөд юкөнсө. Тайө юкөнсө найө босьтлісны асланыс вокъяслысь, Өвраамсянь чужысьяслысь. ⁶ Мелкиседек эз вөв Левий чужанвужйысь, но сійө босьтис Өвраамсянь дасөд юкөнсө. Сійө бурсиис Өвраамсө, кодлөн вөлі нин Енсянь көйысьөмыс. ⁷ Кывшутөг, тайө тадзи: ыджыдджык бурсиө ичөтджыкөс. ⁸ Дасөд юкөн босьтысь попъяс кулөны, а Мелкиседек йылысь гижөма, мый Сійө ловъя. ⁹ Позьө шуны, мый ачыс Левий, дасөд юкөнсө босьтысь, Өвраам пыр сетіс дасөд юкөнсө Мелкиседеклы. ¹⁰ Өд Өвраамлөн Мелкиседеккөд паныдасигөн Левий вөлі нин Өвраам айыс пытшкын. ¹¹ Левий чужанвужйысь попъяслөн кесъялөм йылысь вөлі гижөма Индөдас. Тайө попъяслөн кесъялөм пыр кө вөлі позьө воны тыр-бурас, сэки эськө эз вөв колана локны мөд Аркирейлы, коді Мелкиседек кодъ, абу Аарон кодъ. ¹² Попъяслөн кесъяланногыс кө вежсьө, сідзкө, Индөдсө тшөтш колө вежны. ¹³ Но Сійө, код йылысь тані висъталөма, вөлі мөд чужанкотырысь. На пиысь некод эз кесъявлы висъпуктанін дорын. ¹⁴ Ми төдам, мый миян Господь петіс Иуда чужанкотырысь. Но Мөйсей нинөм эз висътав тайө чужанкотыр йывсыс, мый сэтысь петасны попъяс. ¹⁵ Тайө бурджыка на лои гөгөрвоана, кор локтис мөд Аркирей, Мелкиседек кодъ. ¹⁶ Сійө лоис Аркирейон эз морт чужанвужйысь, эз Индөд тшөктөм серти, Сійө лоис Аркирейон помтөм олөмлөн вынсянь. ¹⁷ Өд Гижөдыс висъталө Сы йылысь: – Мелкиседек моз Тэ пыр кежлө Аркирей. ¹⁸ Тадзи воддза тшөктөмсө вынтөмлуныс да ковтөмлуныс вөсна лои бырөдөма. ¹⁹ Өд Индөдыс нинөм эз вермы

вайодны тыр-буродз. Та вöсна, миянлы сетöма лача, кодi ёна бурджык Индöдыс дорысь. Тайö лачаыс отсöгөн ми матыстчам Ен дiнö. ²⁰ Тайö лачасö вöли вынсьöдöма Енлөн кыв сетöмөн. ²¹ Левий чужанвужйысь попъясöс сувтöдiгөн эз вöв некутшöм кыв сетöм, а Исусöс Аркирейөн сувтöдiгөн Енмыс кыв сетiс. Сiйö шуис: – Господь кыв сетiс да оз веж сiйöс. Мелкиседек моз Тэ пыр кезлö Аркирей. ²² Тайö кывъясыс висьталöны, кутшöм вына сiйö йитöдыс, кодöс кöрталöма Исус пыр. ²³ Водзынсö вöли уна поп, öд кулöм вöснаныс найö эз вермыны дыр кесъявны. ²⁴ Но Исус – Помтöг Олысь, Сiйö пыр кезлö Аркирей. ²⁵ Та вöсна Сiйö быд кадö вермö мездыны Сы пыр Ен дiнö локтысьясöс. Сiйö – Помтöг Олысь, Сiйö пыр кевмысьö на вöсна. ²⁶ Дзик татшöм аркирей колö миянлы: вежа, сöстöм да мыжтöм, кодöс торйöдöма мыжа йöзысь да кыпöдöма енэжсьыс вылöджык на. ²⁷ Мукöд аркирейлы моз Сылы абу колана быд лун вись вайны медводз аслас мыжъяс вöсна, сэсся йöзлөн мыжъяс вöсна. Öд Сiйö вайис нин Асьсö вись пыдди öтчыдысь да пыр кезлö. ²⁸ Индöд серти аркирейөн вермис лоны морт, кодлөн эмöсь тырмытöмторъяс. Но Индöдыс бöрын Енмыс сетiс кыв да сувтöдiс Аркирейөн Писö. Сiйö – тыр-бур Аркирей пыр кезлö.

8 Миян висьталöмлөн медшöр мөвпыс татшöм: миян эм Аркирей, кодi пукалö енэжын, Вына Енлөн пуклöс веськыдладорын ² да кесъялö енэжыввса вежаинын, Енлөн збыль скинияын. Тайö скиниясö сувтöдiс Господь, а эз морт. ³ Быд аркирейöс сувтöдöны сы могысь, медым вайны вись да сетöмтор Енмыслы. Сiдзкö, миян Аркирейлы, Исуслы, тшöтш колö вöли вись вайны Енмыслы. ⁴ Сiйö кö кольчис му вылас, сэки эськö эз вöв аркирейөн, öд танi эмöсь нин Индöд серти вись вайысьяс. ⁵ Найö кесъялöны крамын, кодöс вöчöма енэжыввсаöс моз. Крамыс – енэжыввса скиниялөн вуджöрыс, сылөн серпасыс. Та вöсна, муыввса скиниясö вöчтöдз на Енмыс висьталiс Мöйсейлы: «Видзöд да ставсö вöч дзик сiдзи, кызди петкöдлi тэныд керöс вылын». ⁶ Мукöд аркирейлы дорысь Исуслы вöли сетöма ёна бурджык кесъялöм. Сiйö йитöдыс, кодöс кöрталöма Исус пыр, тшöтш ёна бурджык, öд тайö йитöдыс подуласьö бурджык кöсйысьöм вылö. ⁷ Воддза йитöдыс кö вöли тырвийö бур, сэки эськö мöд йитöдыс эз ковмы. ⁸ Но Енмыс аддзис йöзлысь кывзысьтöмлунсö, та вöсна шуис налы: – Со, матысмöны лунъяс, кор Ме кöртала Израиль да Иуда войтыркöд выль йитöд, – висьталö Господь. ⁹ Тайö йитöдыс абу сэтшöм, кутшöмöс Ме кöрталi налөн батьяскöд, кор петкöдi найöс Египет муысь киöдныс кутöмөн. Найö торкисны Мекöд йитöдсö, та вöсна Ме бергöдчи

наысь, – висьталö Господь. ¹⁰ Сiйö лунъяс бöрас Ме кöртала Израиль войтыркöд татшöм йитöд: пукта Асьсым Индöдöс налөн вежөрö да гижа налөн сьölöмö. Ме лоа налы Енмөн, а найö – Менам войтырөн, – висьталö Господь. ¹¹ Сэки некод оз кут велöдны матыссасö, воыс оз понды велöдны воксö: «Тöдмав Господьöс!» Öд быдөн, ичöтсянь ыджыдöдз, пондас тöдны Менö. ¹² Ме прöстита налысь мыжъяссö, некор ог казътыв налысь лёк вöчöмсö. ¹³ Тайö йитöдсö Енмыс шуис Виль Йитöдөн. Тадзи Енмыс петкöдлiс, мый воддза йитöдыс важмис. А ставыс, мый важмöма да ковтöм, регыд бырö.

9 Важ Йитöдас вöли сетöма Енлы кесъялöм да муыввса скиния йылысь индöдъяс. ² Муыввса скиниясö вöли вöчöма таdzi: скиния воддза вежöсас вöли бикок, пызан да сы вылын Енлы вайöм няняс. Тайö вежöсыс шусис "Вежаин". ³ Скиниялысь мöд вежöссö вöли торйöдöма öшöдöм дöраөн. Тайö вежöсыс шусис "Вежасьыс-вежаин". ⁴ Сэни вöлины зарниөн эжöм тшындчан пызан да Йитöдлөн куд. Тайö кудсö вöли быд боксянь эжöма зарниөн. Куд пытшкас вöлины манна тыра зарни доз, Ааронлөн дзоридзальысь беды да Йитöдлөн изпöвъяс. ⁵ Куд вевт вылас сулалiсны херувимъяс, Ен дзирдлуна анделъяс. Налөн бордъясыс вевттисны куд вевтсö – мыж лэдзанiнсö. Но унасö та йылысь öнi огö кутöй сёрнитны. ⁶ Тадзи вöли лöсьöдöма скиниясö. Скиния воддза вежöсас быд лун пыравлiсны попъяс кесъявны Енлы. ⁷ Мöд вежöсас сöмын öтчыдысь вонас пырлiс аркирей. Аскöдыс сiйö вайлiс вир аслас мыжъяс вöсна да йöзлөн тöдтöг вöчöм мыжъяс вöсна. ⁸ Тайөн Вежа Лов петкöдлö, мый кытчöдз сулалö скиниялөн воддза вежöсыс, Вежасьыс-вежаинö туйыс тупкыса на. ⁹ Ставыс тайö висьталö талунъя лун йылысь, мый Енлы вайöм вись да сетöмтор оз вермы тырвийö сöстöммöдны йöзлысь сьölöмсö. ¹⁰ Öд став тайö вайöмторйыс вöли йитчöма сöмын вир-йайкöд: сёян-юанкöд да мыссьöмкöд. Татшöм кесъялöмсö Енмыс лöсьöдiс сöмын кад кезлö, выль кесъяланногсö лöсьöдтöдз. ¹¹ Кор локтiс Кростос, бурсö Вайысь Аркирей, Сiйö кутiс кесъявны ёна бурджык да ыджыдджык скинияын, кодöс вöчöма абу киөн, абу муыввса ног. ¹² Кростос пырис Вежасьыс-вежаинö эз кöза вирөн, эз öшпи вирөн, а Аслас Вирөн. Тадзи Сiйö öтчыдысь да пыр кезлö мездiс миянöс мыжъясысь. ¹³ Öшпи вирөн, кöза вирөн да сотöм куканьлөн пöймөн кö резлiсны пежасьöмаясö, медым сöстöммöдны налысь вир-йайсö, ¹⁴ сiдзкö, кымын пöв ёнджыка сöстöммöдö Кростослөн Вирыс! Вежа Лов вынөн Кростос вайис Асьсö Енлы сöстöм вись пыдди. Та вöсна Сылөн Вирыс мыськалö миянлысь сьölöмнымöс кулöмö

вайөдысь лёк вөчөмъясысь, медым ми вермим кесъявны збыль да ловъя Енлы. ¹⁵ Сійон Кристос лои Енма-морта костын Виль Йитөд Көрталысьон. Аслас куломон Кристос мездіс йөзсө воддза йитөд дырйи вөчөм мыжъясысь, медым Енлөн корөмаяслы пыр кезлө вичмис Енсянь көсйысьомыс. ¹⁶ Мортис кө кольө ас бөрсяс көсйысян гижөд, сійө лоө вына сөмын мортислөн кулом бөрын. ¹⁷ Өд мортис кө ловъя на, гижөдыс вынтөм. Сійө лоө вына сөмын мортислөн кулом бөрын. ¹⁸ Та вөсна воддза йитөдсө вөлі вынсьөдөма вирөн. ¹⁹ Мөйсей висьталіс йөзислы Индөдысь став тшөктөмсө. Сэсса босьтис өшпианлысь да көзаяслысь ваон соралөм вир, югыдгөрд вурун, иссоп бедь да резіс тайон медводз Индөд небөгсө, сэсса став йөзсө. ²⁰ Сійө шуис: «Тайө вирыс – йитөдлөн вир, Енмыс тшөктис видзны тайө йитөдсө». ²¹ Сэсса Мөйсей резіс вирнас тшөтш скиниясө да став кесъялан көлуй-дозмуксө. ²² Индөд серти ставыс сөстөммө сөмын вирөн, вир кисьттөг оз вермы лоны мыжсө прөститөмыс. ²³ Сідзкө, муыввасө, кодөс вөчөма енэжыввасаөс моз, колө вөлі сөстөммөдны татшөм ногөн. А енэжыввасаыслы колана бурджык вись. ²⁴ Өд Кристос пырис эз кион вөчөм скинияө, кодөс вөлі вөчөма збыль скиния серти. Сійө пырис дзик енэжас, медым сувтны Ен водзө мян пыдди да дорйыны мянөс. ²⁵ Сійө пырис енэжас эз сы могысь, медым выльысь вайны Асьсө вись пыдди. Өд тадзи вөчө аркирей: сійө воысь-во пырө Вежасыс-вежаинө пемөс вирөн. ²⁶ Кристос кө вөчис тадзи, му пуксьөмсяныс эськө унаысь нин ковмыліс Сылы кувны. Но бөръя кадө Сійө сөмын өтчыдысь вайис Асьсө вись пыдди мыж бырөдөм могысь. ²⁷ Мортислы шуөма кувны өтчыдысь, сэсса лоө мыждөм. ²⁸ Тадзи Кристос өтчыдысь вайис Асьсө вись пыдди, медым бырөдны мыжсө став йөзислысь. Мөдысь Сійө локтас оз мыж бырөдөм могысь, а медым мездыны найөс, кодъяс виччысьоны Сійөс.

10 Индөдыс – сөмын локтана бурыслөн вуджөрыс, абу ачыс бурыс. Та вөсна Индөдыс некор оз вермы вөчны тыр-бурөн Ен водзө локтысьясөс, кодъяс воысь-во вайоны өтипөлөс вись. ² Индөдыс кө вермис вөчны найөс тыр-бурөн, найө эськө дугдісны вайны висьсө. Өд висьсө өтчыдысь вайөмнас найө эськө сөстөммисны пыр кезлө, да налөн сьөлөмыс эз мыжды найөс. ³ Но быд во вайөм висьыс казтывлө мыж йылысь. ⁴ Өд өшпилөн да көзалөн вирыс оз вермы бырөдны мортлысь мыжъяссө. ⁵ Та вөсна муюгыдас локтигөн Кристос шуө: – Вись да ваянтор Тэныд оз ков, Тэ дасьтін Меным вир-яй. ⁶ Сотөм пемөс да мыж вөсна вись абу шогмана Тэныд. ⁷ Сэки Ме шуи: «Со, Ме

локти, Енмөй, збыльмөдны Тэнсьыд көсйөмтө. Тадзи водзысянныс вөлі висьталөма Ме йылысь небөгас». ⁸ Висьсө вайоны Индөд серти, но Кристос шуө: «Вись да ваянтор, сотөм пемөс да мыж вөсна вись Тэныд оз ков, тайө абу шогмана Тэныд». ⁹ Сэсса содтө: «Со, Ме локти, Енмөй, збыльмөдны Тэнсьыд көсйөмтө». Тадзи Кристос бырөдіс воддзасө – вись вайөмсө, да вежис сійөс мөдөн – Ен көсйөмөн. ¹⁰ Ен көсйөм серти ми лоим вежаөсь, өд Кристос вайис Асьсыс вир-яйсө вись пыдди өтчыдысь да пыр кезлө. ¹¹ Крамын кесъялігөн попъяс быд лун вайоны өтипөлөс вись. Но тайө висьыс оз вермы бырөдны мортлысь мыжъяссө. ¹² Кристос вайис мыж вөсна висьсө өтчыдысь да пуксис Ен веськыдларө пыр кезлө. ¹³ Өні Сійө виччысьө сійө кадсө, кор Енмыс пуктас Сы кок улө паныд мунысьяссө. ¹⁴ Висьсө өтчыдысь вайөмнас Кристос вөчис вежа войтырөс тыр-бурөн пыр кезлө. ¹⁵ Та йылысь висьталө мянлы Вежа Лов: ¹⁶ – Сійө лунъяс бөрас Ме көртала накөд татшөм йитөд, – висьталө Господь. Асьсым Индөдөс Ме пукта налөн сьөлөмө, да гиж налөн вежөрө. ¹⁷ Налысь мыжъяссө да лёк вөчөмсө водзө ог нин казтыв. ¹⁸ Сідзкө, мыжъяссө кө прөститөма, сэки висьсө вайны оз нин ков. ¹⁹ Вокъяс, Исус Кристослөн Вирөн ми вермам повтөг пырны Вежасыс-вежаинө, өд Сійө восьтис мянлы виль туй, олөмас нуөдысь туй. ²⁰ Тайө туйыс вайөдө мянөс Вежасыс-вежаинө өшөдөм дөра пыр – Кристослөн вир-яйыс пыр. ²¹ Мян эм ыджыд Аркирей, Сійө кывкутөмөн веськөдлө ставнас Ен керканас. ²² Сідзкө, локтам Ен водзө осьса сьөлөмөн да зумыд эскөмөн, өд мян сьөлөмным сөстөм да мыжтөм, мянлысь вир-яйнымөс мыськалөма сөстөм ваон. ²³ Ми висьталам, мый мян эм лача. Сідзкө, зумыда кутчысям тайө лачаас, өд мянлы Көсйысьысьыс эскана. ²⁴ Кутам төждысьны өта-мөдным вөсна, ышөдны өта-мөдөс муслун да бур уджъяс вылө. ²⁵ Кодсюрө дугөдчөмаөсь өтыв чукөртчөмысь, но ми тадзи огө вөчөй. Мөдарө, кутам енджыка на ышөдны өта-мөднымөс, өд Господьлөн луныс матын нин. ²⁶ Ми кө төдам збыльсө, но төдөмөн мыж вөчам, сэки некутшөм вись оз вешты мянлысь мыжнымөс. ²⁷ Сөмын ыджыд полөмөн ковмас виччысьны мыждөмсө да яр бисө, коді бырөдас Енлы паныд мунысьяссө. ²⁸ Мөйсейлысь Индөдсө торкысьөс кө кык либө куим мортлөн висьталөм серти нем жалиттөг мыждылісны кулом вылө, ²⁹ сідзкө, кымын пөв чорыдджыка лоө мыждөма сійөс, коді таялө Енлысь Писө, оз лыдды вежаөн Енкөд йитысь да эскысьөс вежөдысь Вирсө, да нөшта лёкөдө Ловсө, коді осьтө Енлысь буралөмсө. ³⁰ Ми төдам тайө кывъяссө Шуысьөс: – Ме – водзөс Перйысьыс, Ме

мынтыся ставсьыс, – шуё Господь. Нёшта содтё: – Господь кутас мыждыны Ассьыс войтырсё. ³¹ Ёна повзьёдлө веськавны ловъя Енлөн киё!
³² Видзёдлөй бөрвыланьд: Бур Юёрлысь югьдсё тёдмалём бёрын ті верминныд мунны уна сьёкыд да тыш пыр. ³³ Тіянёс вётлігөн-лөкөдігөн ті унаысь вёлінныд серам туйынёсь. Тіян моз сьёкыдсё нуысьяскөд ті вёлінныд орччөн. ³⁴ Кор ме пукалі дзескыдінын, ті нуинныд сьёкыдсё мекөд өтвыв. Тіянлысь эмбуртё мырддялігөн ті нимкодясинныд, өд ті тёдінныд, мый енэжас тіян эм ёна бурджык да бырлытём эмбур. ³⁵ Сідзкө, лоёй повтёмось! Од таысь тіянлы вичмас ыджыд тырдон. ³⁶ Тіянлы колё зумыдлун, медым верминныд збыльмөдны Енлысь тшөктөмсё да босьтны Сысянь көйысьёмасё. ³⁷ Од гижёма: – Регыд, вывті регыд, и Локтысьыс нюжмасьтөг воас. ³⁸ Веськыда олысь эскөмнас кутас овны, а кежас кө Меысь, Меным сійё оз шогмы. ³⁹ Но ми абу на пөвстысь, коді Енсьыс кежө да кулё. Ми на пөвстысь, коді эскө да босьтө мездмөмсё.

11 Эскөмыс – виччысянторлөн збыльмөм да аддзытёмсё аддзём. ² Миян батьяс эскисны, та вёсна найё шогмисны Енлы. ³ Эскөмөн ми гөгөрвоам, мый ентыкёлаыс артмөма Ен Кивйён. Тадзи аддзытёмсьыс лои аддзанаыс. ⁴ Эскөмөн Авель вайис Енлы бурджык вись Каин дорысь. Авельлөн эскөм вёсна Енмыс сибөдіс сылысь висьсё да лыддис сійёс веськыдөн. Эскөмнас Авель весиг кулём бөрас сёрнитө. ⁵ Эскөмыс вёсна Енокёс вөлі кыпөдөма енэжас кулёмсё төдлытөг: «Сійё эз ло, өд Енмыс кыпөдіс сійёс енэжас». Кыпөдтөдзыс на Еноклы вөлі шуёма, мый «сійё шогмана Енмыслы». ⁶ Эскытөгьд Енмыслы он шогмы. Од Ен дінө локтысьлы колё эскыны, мый Енмыс эм, да Сійёс корсьысьлы Енмыс сетө тырдон. ⁷ Эскөмыс вёсна Нойлы вөлі водзвыв сетөма төдны аддзытёмсё. Сійё кывзысис Енмыслысь да вөчис ковчег, медым мездыны ассьыс гортасё. Эскөмнас сійё мыждіс муюгыдсё, эскөмыс вёсна сылы вичмис Енсянь веськыдлун. ⁸ Эскөмыс вёсна Овраам кывзысис Енмыслысь да муніс көйысьём муё. Сійё эз төд, кытчө мунё, но муніс. ⁹ Эскөмөн Овраам овмөдчис көйысьём муё да локтысь моз оліс сәні чомъясын. Сы моз олісны чомъясын Исаак да Яков, кодъяслы тшөтш вөлі сетөма Енлысь көйысьёмсё. ¹⁰ Овраам виччысис зумьд подула кар, кодөс Серпасалысьыс да Вөчысьыс – Ачыс Енмыс. ¹¹ Сарра эз вермы вайны кага, но эскөмыс вёсна сійё пондіс нөбасьны, да ыджыд арлыдыс вылө видзөдтөг чужтіс кага. Од сійё төдіс, мый сылы Көйысьысьыс – эскана. ¹² Та вёсна өти мортсянь, Овраамсянь, коді вөлі пөрысь нин, чужис сы мында олысь. Тайё лыдсё поэьё өткодявны лыдтөм-тшөттөм енэжывьса кодзувьяскөд да саридздорса

лыакөд. ¹³ Став тайё йёзыс эз удитны босьтны Енсянь көйысьёмасё, но найё помөдз видзисны эскөмсё. Найё сөмын ылісянь аддзылісны Енсянь көйысьёмасё да нимкодясисны сьён. Ас йывсьыныс найё шуалісны, ми пө тайё му вылас ветлысь-мунысьяс. ¹⁴ Тадзи шуөмнас найё петкөдлісны, мый корсьёны чужан мунысё. ¹⁵ Найё кө мөвпалісны чужан муныс йылысь, кытысь петісны, эськө бөр на вермисны бергөдчыны сэтчө. ¹⁶ Но найё көйысны овмөдчыны бурджык чужан муё – енэжө. Та вёсна Енмыс оз яндысь шуны Ассьё налөн Енмөн, өд Сійё дасьтіс налы кар. ¹⁷ Эскөмөн Овраам вайис вись пыдди Исаакөс, кор Енмыс көйыс төдмавны сылысь эскөмсё. Овраам дась вөлі сетны вись пыдди ассьыс өтка писё, кодөс Енмыс сылы көйысьыліс. ¹⁸ Исаак йылысь вөлі шуёма: «Исааксянь паськалас тэнад чужанвужийд». ¹⁹ Овраам эскис, мый Енмыс вына ловзьөдны весиг кулёмысь. Дзик тадзи и артмис. Исаакөс вөлі бөр сетөма Овраамлы, быттё сійё ловзис кулёмысь. ²⁰ Эскөмөн Исаак бурсиис Яковёс да Исавёс водзё олөмас. ²¹ Эскөмөн Яков бурсиис кулігас Осиплысь пиянсё да бөдь вылас мыджсьөмөн копыртчыліс Енмыслы. ²² Эскөмөн Осип кулём водзвылас висьталіс пияныслы Израиль войтырлөн Египетысь петөм йылысь да тшөктіс петкөдны налы ассьыс лыяссө. ²³ Эскөмөн Мөйсейлөн бать-мамыс дзевлалісны сійёс чужөм бөрас куим төлысь чөж. Найё аддзисны, мый кагаыс зэв мича, да эз повзыны весиг өксылөн тшөктөмысь. ²⁴ Эскөмөн Мөйсей быдмөм бөрас дугдіс шуны асьсё фараон нывлөн пибөн. ²⁵ Сійё лыддис, мый бурджык Ен войтыркөд нуны сьёкыдсё, дженъыдик кадся мыжа олөм дорысь. ²⁶ Крестос вёсна лөкөдөмсё Мөйсей лыддис ыджыдджык озырлунөн египетса став озырлун дорысь. Од сійё төдіс, мый сылы лоө сетөма тырдон. ²⁷ Эскөмөн Мөйсей петіс Египетысь, эз повзы өксылөн скөрлунысь. Сійё вөлі зумьд, өд видзөдіс Тыдавтөмыс вылө. ²⁸ Эскөмөн Мөйсей тшөктіс пасйыны Израиль войтырлы Ыджыд лун да мавтыштны өдзөс куричьяссө вирөн, медым Андел-Бырөдысь эз ви Израиль войтырлысь медводдза чужысьяссө. ²⁹ Эскөмөн Израиль войтыр вуджис Гөрд саридз вомөн. Найё мунісны сәті косінті моз. Египетсаяс тшөтш на моз көйысны вуджны, но ставныс вөйисны. ³⁰ Эскөм пыр кисисны Ерикон карса стеньяс сійёс сизим лун кытшовтөм бөрын. ³¹ Эскөмыс вёсна Раав, кырсалысь ань, эз кув эскытөмьяскөд өтвыв, өд сійё бур сьөлөмөн сибөдіс израильса кыйөдчысьясөс. ³² Мый нёшта содтыны татчө? Кадыс меным оз тырмы висьтавны Гедеон, Варак, Самсон, Еффай, Давид, Самуил да мукөд пророк йылысь. ³³ Эскөмөн найё тышкасьөм бөрын

босьтисны йӱз муяс, ставсӱ вӱчисны веськыда, сибӱдӱсны Енсянь кӱсйисьӱмасӱ, лӱньӱдӱсны левъясӱс, ³⁴ кусӱдӱсны яр би, видзисны асьнысӱ шыпуртысь, вынтӱммиганыс найӱ ёнмылисны, тышын вӱлины вынабсь, йӱз муысь воысь тышкасьысьясӱс бӱр вӱтлисны асланыс муысь, ³⁵ ӱткымын анылысь матыссасӱ ловзьӱдӱсны кулӱмысь. Тайӱ йӱз пӱвстысь мукӱдсӱ вӱли дойдалӱма кувтӱдзис, ӱд найӱ эз кӱсйисны босьтны мортсянь вӱзйӱм мездлунсӱ, но кӱсйисны босьтны бурджыксӱ – ловзьӱмсӱ. ³⁶ На пиысь мукӱдсӱ нӱйтисны орсӱн, лӱкӱдӱсны, да чептӱн дорӱмӱн видзисны дзескыдӱнын. ³⁷ Мукӱдсӱ изьялисны, быдногыс дойдалӱсны, пилитисны шӱрипӱв да виисны шыпуртӱн. Найӱ ветлисны кӱза да ыж ку паськӱмӱн, пыкисны гӱльлун, найӱс нӱйтисны да вӱтлисны. ³⁸ Муюгыдыс эз сулав тайӱ йӱзис дон, кодъяслы ковмис овны овтӱминын да керӱсын, кырта горсйын да му потасын. ³⁹ Эскӱмныс вӱсна став тайӱ йӱзис вӱлины шогманаӱс Енмыслы, но некод на пиысь эз босьт Енлысь кӱсйисьӱмасӱ, ⁴⁰ ӱд Енмыс дасьтӱма миянлы ёна бурджыктор. Та вӱсна найӱ сӱмын миянкӱд ӱтвыв воасны тыр-бурас.

12 Тӱ аддзанныд: миян гӱгӱр сы мында эскӱм йылысь висьталысьыс! Сӱдзкӱ, эновтам ставсӱ, мый сьӱктӱдӱ миянӱс, да мыжсӱ, мый крукӱдӱ миянӱс. Кутам помӱдз зумыда котӱртны миянлы индӱм туйӱд ² да видзӱдны Исус вылӱ. Сӱйӱ – миянлы эскӱмсӱ Сетысьыс да тырвуйӱ эскӱмас Вайӱдысьыс. Локтана нимкодълун понда Сӱйӱ нуис крест вылын дойсӱ, нинӱм туйӱ пунктӱс лӱкӱдӱмсӱ да пуксис Ен пуклӱс веськыдладорӱ. ³ Сӱдзкӱ, мӱвпалӱй Сы йылысь, кодӱ нуис сы мында лӱкӱдӱм мыжа йӱзсянь, медым энӱ жебмӱй да ловнаныд энӱ усьӱй. ⁴ Тӱ энӱ на вирӱдз тышкасьӱй мыжыслы паныд. ⁵ Тӱ дзикӱдз вунӱдӱмныд Енсянь ышӱдӱмсӱ, ӱд Сӱйӱ ышӱдӱ тӱянӱс пиянӱс моз: – Пийӱ менам! Господьянь чырыштӱмсӱ эн увтырт, тӱнӱ янӱдӱгӱн ловнад эн усь. ⁶ Кодӱ Енмыслы муса, сӱйӱс чырыштӱ, кодӱс пи туйӱ пунктӱ, сӱйӱс нӱйтӱ. ⁷ Тӱ кӱ сибӱданныд Енсянь чырыштӱмсӱ, сӱдзкӱ, Енмыс лыддӱ тӱянӱс Аслас пиянӱн. Сюрас-ӱ сэтшӱм пи, кодӱс эськӱ батыс эз чырыштлы? ⁸ Тӱянӱс кӱ эз чырыштлыны мукӱд челядьӱс моз, сӱдзкӱ, тӱ бокысаяс, абу ас ныв-пи. ⁹ Мувывса батыяс миянӱс ставнымӱс чырыштлисны, но ми пыдди пунктӱм найӱс. Сӱдзкӱ, кымын пӱв ёнджыка на колӱ кывзысьны енӱжыв Батылысь, медым вермим овны? ¹⁰ Мувывса батыяс чырыштлисны миянӱс ас кӱсйӱм сертиныс регыдик кад кежлӱ, а Енмыс чырыштӱ миянӱс бур вылӱ, медым вӱлим Сы кодъ вежаӱс. ¹¹ Дерт, быдпӱлӱс чырыштӱм вайӱ шогсьӱм, а оз нимкодълун. Но бӱрыннас татшӱм

чырыштӱмыс вайӱ мортлы бур вотӱс: лӱньлун да веськыдлун. ¹² Сӱдзкӱ, ёнмӱдӱй лигышмунӱм кинитӱ да жебмӱм кокнытӱ! ¹³ Ветлӱй шыльыд туйӱд, медым чотысь кокныд эз музгыльтчы, а бурдӱс. ¹⁴ Тӱждысьӱй быдӱнкӱд овны лӱня, лӱйӱ вежаӱс, ӱд вежалунтӱг некод оз аддзы Господьӱс. ¹⁵ Видзчысьӱй, мед тӱян пӱвстысь некод эз вошты Енлысь буралӱмсӱ. Некутшӱм курыд вуж мед оз вужьясь тӱян пӱвстӱ, оз вай тӱянлы лӱксӱ да оз пежав некодӱс. ¹⁶ Тӱян пӱвстын мед оз ло ни ӱти кырсалысь да Исав моз Енсьыс кежысь. ӱти шыд тасьтӱ вылӱ сӱйӱ вежис асьыс медводдза чужысьлысь нимсӱ. ¹⁷ Тӱ ӱд тӱданныд, мый бӱрыннас Исав ёна корис батысянныс бурсиӱмсӱ, но сылысь корӱмсӱ вӱли ӱтдортӱма. Исав бӱрдӱмӱн корис та йылысь, но эз нин вермы вежны батыслысь мӱвпьяссӱ. ¹⁸ Тӱ матыстчинныд энӱ муыввса ыпьялысь керӱс дӱнӱ, паныдасинныд энӱ бушковкӱд да сап пемыдыскӱд, ¹⁹ локтӱнныд энӱ труба шы улӱ да гора сӱрни шы улӱ. Тайӱ шысӱ кылӱм бӱрын йӱзис корисны Енсӱ, медым дугдӱс накӱд сӱрнитны. ²⁰ ӱд найӱ эз вермыны кывзыны татшӱм тшӱктӱмсӱ: «Весиг пемӱс кӱ инмӱдчас тайӱ керӱсас, сӱйӱс лӱй виӱма изьясӱн либӱ ньӱвйӱн». ²¹ Тайӱ аддзывлӱмторйыс вӱли сэтшӱм повзьӱдана, весиг ачыс Мӱисей шуис: «Менӱ дзӱрӱдӱ полӱмӱйла». ²² Мӱдарӱ, тӱ матыстчинныд Сион керӱс дӱнӱ да ловъя Енлӱн карыс, енӱжыв Ерусалим, дӱнӱ. Тӱ локтӱнныд лыдтӱм-тшӱттӱм андельяс дӱнӱ ²³ да гажӱдчысь йӱз чукӱр дӱнӱ. Найӱ – Енлӱн медводдза чужысьяс, налысь нимьяссӱ гижӱма енӱжас. Тӱ матыстчинныд став йӱзсӱ мыждысь Ен дӱнӱ да тыр-бурас воӱм веськыда олысьяслӱн ловъяс дӱнӱ. ²⁴ Тӱ матыстчинныд Виль Йитӱдсӱ Кӱрталысь Исус дӱнӱ да Сылӱн сӱстӱммӱдысь Вир дӱнӱ. Сылӱн Вирыс бурджыксӱ висьталӱ Авельлӱн вирыс дорысь. ²⁵ Видзчысьӱй, медым энӱ бергӱдчӱй тӱянлы Висьталысьыс! Енмыс сӱрнитӱс му вылас Израиль войтыркӱд, но найӱ бергӱдчисны Енсьыс. Та вӱсна найӱс вӱли мыждӱма. Сӱдзкӱ, миянӱс ёнджыка на лӱй мыждӱма, огӱ кӱвзӱй енӱжсянь Висьталысьӱс. ²⁶ Сзки Енлӱн гора сӱрниыс вӱрзьӱдлӱс мусӱ, но ӱнӱ Сӱйӱ кӱсйысис: – Нӱшта ӱтчыдысь вӱрзьӱда мусӱ, ог сӱмын мусӱ, вӱрзьӱда тшӱтш енӱжсӱ. ²⁷ "Нӱшта ӱтчыдысь" шуӱмыс висьталӱ, мый став вӱчӱмторсьыс вӱрзянаыс бырас, коляс сӱмын вӱрзьывтӱмыс. ²⁸ Миянлы сетӱма вӱрзьывтӱм Юраланӱн. Сӱдзкӱ, аттьӱалам Енсӱ да кесьялам Сылы шогмана ногӱн, Сыысь полӱмӱн да вежавидӱмӱн. ²⁹ ӱд миян Енным – ставсӱ сотысь би.

13 Тӱян костын мед пыр лӱй муслун. ² Энӱ вунӱдӱй сибӱдны ветлысь-мунысьясӱс. ӱд

тадзи вöчигөн öткымынөн сибöдiсны анделъясöс, весиг асьныс та йылысь эз тöдны. ³Тöждысьöй дзескыдiнын пукалысьяс вöсна, быттö тi на моз пукаланныд дзескыдiнын. Энö вунöдöй найöс, кодъясöс нöйтöны, тi öд асьныд тöданныд, мый сэтшöм дойыс. ⁴Гозъя олöмныд мед быдöнлөн лоö сöстöм, да вольпасьныд пежасътöм. Öд кырсалысьöс да гозъя олöм пежалысьöс мыждас Ен. ⁵Сьöм вылö энö горшасьöй, тырмöдöй сийö, мый эм. Öд Ачыс Енмыс шуис: – Ог коль тэнö, ог эновт тэнö. ⁶Та вöсна, ми повтöг шуам: – Господь – менам отсöгыс, меным нинöмысь повнысö. Мый вöчас меным морт? ⁷Энö вунöдöй асьыныд веськöдлысьяснытö, öд найö висьтавлiсны тiянлы Ен Кывсö. Видзöдöй налөн олöм пом вылö да эскöй на моз. ⁸Исус Кростос тöрыт, талун да нэмъяс чöж Сийö жö. ⁹Энö лэдзöй кежöдны асьнытö быдпöлöс ылöгвелöдöмас. Бурджык, тi кö ёнмöданныд сьöлöмнытö Енлөн буралöмөн, а онö сёян-юан йылысь велöдöмөн. Öд татшöм велöдöмыс сы серти олысьяслы нинöм бурсö оз сет. ¹⁰Миян эм сэтшöм висьпуктанiн, кытчö вайöм висьсö оз позь сёйны скинияын кесьялысьяслы. ¹¹Пемöсьяслысь вирсö аркирей пыртö Вежасьыс-вежаинö, тайö вирыс эм йöзлөн мыжъяс вöсна вайöм вись. А пемöсьяслысь шойсö сотöны кар ортсыас. ¹²Исус тшöтш кулiс кар ортсыас, медым Аслас Вирён вежöдны йöзсö. ¹³Сiдзкö, петам Исус дiнö кар ортсыас да Сы моз нуам лөкöдöмсö. ¹⁴Öд пыр кезлö олöм вылö миянлы абу танi карыс, ми

виччысям выль кар. ¹⁵Сiдзкö, Исус пыр кутам дугдывтöг вайны Енлы аттьöалана вись, асланым вомөн кутам ошкыны Сылысь нимсö. ¹⁶Энö вунöдöй вöчны бурсö, юксöй сийөн, мый эм. Öд татшöм висьыс шогмана Енмыслы. ¹⁷Кывзысьöй вичкоса веськöдлысьяслысь, кывзöй найöс, öд найö дугдывтöг тöждысьöны тiян вöсна. Налы ковмас вочавидзны Ен водзын тiян вöсна. Кывзысьöй налысь, медым тайö уджсö найö вöчисны долыдырысь, а эз ышлолалöмөн. Öд таысь тiянлы бурыс оз ло. ¹⁸Кевмысьöй миян вöсна. Ми тöдам, мый миян сьöлöмным оз мыжды миянöс, öд ми ставсö кöсьям вöчны веськыда. ¹⁹Торйөн кора кевмысьны, медым ме öдйöджык бөр верми локны тiян дiнö. ²⁰Лөнълунсö сетысь Ен бырлытöм йитöдлөн Вирён ловзьöдiс кулöмысь миян Господь Исус Кростосöс, ыжъяслысь вына Видзысьсö. ²¹Енмыс мед дасьтас тiянöс быдпöлöс бур удж вылö, медым збыльмöдны Асьыс кöсийöмсö, да Исус Кростос пыр мед вöчас тiян пытшкын Аслыс шогманасö. Енлы ошкöм нэмъяс чöж! Аминь. ²²Вокъяс, кора тiянöс: терпитöмөн сибöдöй менсьым ышöдана кывъясöс, öд ме гижитiянлы дженъыдика. ²³Кöсья, мед тi тöдiнныд: Тимофей вокным петöма дзескыдiнысь. Регыд кö воас, ськöд öтвыв локтам тiян дiнö. ²⁴Висьталöй чолöм вичкоса веськöдлысьяслы да став вежа войтырлы. Тiянлы ыстöны чолöм италияса эскысьяс. ²⁵Енлөн буралöмыс ставныдкöд тiянкöд. Аминь.

ЯКОВ

1 Гижё Яков, Енлөн да Господь Исус Крестослөн кесйөг. Чолёма дас кык чужанкотырөс, кодъяс разалёмаось став му пасьталаыс. 2 Вокъяс, долыда нимкодясьой, кор тиянлы ковмас нуны быдпөлөс сьёкыдсө. 3 Ті өд төданныд: эскөмөн кө нуанныд сьёкыдсө, ті лоанныд зумыдось. 4 А зумыдлуныс мед вайөдас асьыс уджсө тиян пытшкын помөдз, медым ті вөлінныд дзоньнас тыр-бурөсь, да тиян эз вөв некутшөм тырмытөмтор. 5 Тиян пиысь кө кодлыкө оз тырмы мывкыдлуныс, мед корө Енмыслысь, и сылы лоө сетөма. Өд Енмыс быдөнлы сетө лышкыда да шуасьтөг. 6 Сөмын корөй эскөмөн да майшасьтөг. Өд майшасьыс морт – саридзвывса гы кодь, кодөс кыпөдө төвнырыс да новлөдлө өтарө-мөдарө. 7 Мортис кө кык ногөн мөвпалө өтитор йывсьыс, сйө нинөм оз вөч зумыдырысь. Татшөм мортис мед оз чайт босьтны мыйкө Енсянныс. 9 Гөль вок мед ошйысьө вылө пуктөмнас. 10 Озыр вок мед ошйысьө улө пуктөмнас, өд сйө турунвывса дзоридз моз бырас. 11 Шондї петас, пөжас да косьтас турунсө. Дзоридзыс сылөн усьө и мичлуныс бырө. Дзик таdzi кусө озыр мортлөн мырсян-пессян олөмыс. 12 Шуда сйө, кодї вермө венны ыштөдөмсө, өд та бөрти сылы лоө сетөма Олөмыслысь юркытш. Тайө юркытшсө Господь көсйысис сетны Сйөс радейтысьяслы. 13 Ыштөдөм дырйи некод мед оз шу: «Енмыс менө ыштөдө». Өд лёк вылас Енсө некод оз вермы ыштөдны, и Ачыс Енмыс некодөс оз ыштөд. 14 Но быд мортөс ыштөдө сылөн лёк көсйөмыс, өд сйө ылөдлө мортсө да кыскө сйөс лёкас. 15 Лёк көсйөмыс содө-быдмө да чужтө мыж, а вөчөм мыжыс чужтө кулөм. 16 Муса вокъяс, некодлы энө сетөй асьнытө ылөдлыны. 17 Быдпөлөс бурсетөмыс да тыр-бур козиныс воө вылісянь, югыдыслөн Батьсянь. Сйө некор оз вежсьыв, Сылөн югыдыс некор оз кус. 18 Ас көсйөм сертиыс Сйө чужтис миянөс Збыльыслөн Кывнас, медым Сылөн вөчөмторъясысь ми вөлім медводдзаясөн. 19 Муса вокъяс, быдөн мед лоө тэрыб кывзыны, но ньөжмыд сёрнитны да скөрмыны. 20 Өд мортлөн скөралөмыс оз вай Ен нога веськыд олөмсө. 21 Та вөсна энөвтчөй быдпөлөс пежсьыс да лёк вөчөмысь, рам сьөлөмөн сибөдөй тиянлы висьталөм Кывсө, өд сйө вына мездыны тиянлысь

ловнытө. 22 Энө лоөй сөмын кывзысьясөн, но Кывйыс серти олысьясөн. Өд куш кывзөмнад сөмын ылөдланныд асьнытө. 23 Кодї кылө Енлысь Кывсө, но оз ов сы серти, сйө рөмпөштанө чужөмсө видзөдысь кодь. 24 Сйө видзөдлас ас вылас, а вешйөм бөрас дзик пыр вунөдас чужөмсө. 25 Но кодї видзөдө мездлунсө сетысь тыр-бур Индөд вылө да олө сы серти, сйөс лоө бурсийөма уджьясыс пыр. Өд сйө оз вунөд кывлөмасө, но олө сы серти. 26 Кодкө тиян пиысь кө лыддьө асьсө вежавидзысьөн, но быдлаө вомсө востө, сйө ылөдлө асьсө. Татшөм мортислөн вежавидзөмыс нинөм оз сулав. 27 Мортис кө төждысьө батьтөм-мамтөм челядь вөсна да дөваяс вөсна налөн сьёкыд нуигөн, да видзө асьсө тайө мувывса пежсьыс, – тайө эм Ен Бать водзын сөстөм да пежасьтөм вежавидзөм.

2 Вокъяс, ті эсканныд Исус Крестослы, миян дзирдлуна Господьлы. Сидзкө, энө торйөдөй йөзсө чужөм вылө видзөдөмөн. 2 Шуам, тиян чукөртчанінө пырас озыр паськөма, зарни чунькытша морт, пырас тшөтш омөлик паськөма гөль морт, 3 и озыр паськөмыс вылө видзөдөмөн ті шуанныд сылы: «Пуксьы татчө, тані бурджык местаыс», а гөль мортлы шуанныд: «Тэ сэтчө сувт» либө «Татчө пуксьы, менам кок дорө». 4 Но таdzi вөчигөн ті юкланныд йөзсө бурджык да лёкджык вылө да лоанныд лёк нога мыждысьясөн. 5 Кывзөй, муса вокъяс! Енмыс бөрйис тайө муыгидсьыс гөльясөс, медым озырмөдны найөс эскөмөн да вичмөдны налы Юраланінсө, кодөс Енмыс көсйысис сетны Сйөс радейтысьяслы. 6 Но ті увтыртанныд гөльясөс. Оз өмөй озыръяс дзескөдны тиянөс да кыскыны тиянөс ёрдө? 7 Оз өмөй озыръяс лёкөдны бур нимнытө, кодөс сетөма тиянлы? 8 Ті кө збыльысь оланнөд Гижөдыслөн медыджыд Индөд серти: «Радейт матыссатө асьтө моз», – бура вөчанныд. 9 Но ті кө торйөданныд йөзсө чужөм вылө видзөдөмөн, сэки мыж вөчанныд, тиянөс мыждасны Индөдсө торкалысьөс моз. 10 Кодї олө Индөдыс серти, но торкө Индөдсьыс көть өти тшөктөм, сйө лоө дзоньнас Индөдсө торкалысьөн. 11 Кодї шуис: «Гозья олөмтө эн пежав», Сйө тшөтш шуис: «Эн ви». Та вөсна, гозья олөмтө кө он пежав, но виан кодөскө, – лоан

Индодсö торкалысьöн. ¹² Сидзкö, олöй да сёрнитöй на моз, кодъясöс кутасны мыждыны мездлунсö сетысь индод серти. ¹³ Öд бурсьöлöмлун ёна ыджыдджык мыждöм дорысь. Но кодi оз ло бур сьöлöма мöд динö, сийöс лоö мыждöма бур сьöлöмтöг. ¹⁴ Вокъяс, кодi шуö «ме эска», а уджъясыс сылөн абусь, мый нö таысь бурыс? Вермас-ö татшöм эскöмыс мездыны сийöс? ¹⁵ Шуам, кутшöмкö чойлөн либö воклөн кö абу колана паськöмыс, весиг лун кежлö сёяныс, ¹⁶ а тiян пиысь кодкö шуас сылы: «Мун лөнъ сьöлöмөн, шонтысь да пöткöдчы», но ачыс оз сет сылы коланаторсö олöм вылö, мый таысь бурыс? ¹⁷ Тайöс поэьö шуны тшöтш эскöм йылысь: мортыслөн уджъясыс кö абусь, сылөн эскöмыс кулöма. ¹⁸ Дерт, кодкö вермас шуны: «Öтилөн эм эскöм, а мöдлөн – уджъяс». Сылы тадзи вочавидза: «Петкöдлы ассьыд эскöмтö уджъястöгид, а ме петкöдла ассьым эскöмöс уджъясын». ¹⁹ Тэ эскан: Енмыс öти, тэ бура вöчан. Весиг пеж ловъяс тадзи эскöны да тiралöны полöмнысла. ²⁰ Но кöсьян-ö тöдны, мывкыдтöм мортöй, мый уджъястöм эскöмыд – кулöм эскöм. ²¹ Миян батыным, Öвраам, вайис Исаакöс, ассьыс писö, висьпуктанинö. Эз-ö тадзи вöчигөн сийö ло Ен водзын веськыдөн? ²² Тэ аддзан, мый сылөн эскöмыс вöли йитчöма уджъяскöд, а уджыс пыр сылөн эскöмыс лои тыр-бурөн. ²³ Тадзи инисны Гижöдысь кывъясыс: «Öвраам эскис Енлы, та вöсна Енмыс шуис сийöс веськыдөн». Та вöсна сийöс шуöма Енлөн ёртөн. ²⁴ Тi аддзанныд, мый мортыс лоö веськыдөн оз сöмын эскöмыс пыр, но и уджъясыс пыр. ²⁵ Тадзи вöли тшöтш Раавкöд, кырсалысь аныкöд. Сийö сибöдис гортас израильса кыйöдчысьясöс да отсалiс налы пышйыны мöд туйöд. Тайö бур вöчöмыс вöсна Енмыс лыддис сийöс веськыдөн. ²⁶ Кыдзи вир-яйыс ловтöг кулöма, тадзи эскöмыс уджъястöг кулöма.

3 Вокъяс, энö унаөн зильöй лоны велöдысьясöн. Тi öд тöданныд, мый миянöс, велöдысьясöс, кутасны чорыдджыка на мыждыны мукöдыс дорысь. ² Ми ставным унаторйын мыжмам. Кодi оз мыжмы сёрнинас, сийö тыр-бур морт да вермö дзоньнас кутны ассьыс вир-яйсö. ³ Ми көртвомалам вöлöс, медым сийö кывзысис миянлысь. Тадзи ми веськöдлам сылөн став вир-яинас. ⁴ Босьтны кö корабляс, найö сэтшöм ыджыдöсь, найöс новлöдлö ыджыд тöвныр, но ичöтик руль отсöгөн бöжалысьыс веськöдлö кораблянас кытчö кöсийö. ⁵ Тадзи артмö и кывнымкöд: миян вир-яйын кывным – ичöтик юкөн, но сийö вермö ошйысьны ыджыд уджъясөн. Ичöтик би вермö бырöдны уна вөр! ⁶ Миян кывным – тайö би. Миян вир-яйын сийö – лёк чукöртанин, сийö пежалö дзоньнас вир-яйнымöс. Ад бисянь öзиймөн сийö сотö миянлысь

став олöмнымöс. ⁷ Мортыс вермö лөнъöдны быдпöлöс олысьöс: пемöсöс, лэбачöс, нюглясьысьöс да саридзын уялысьöс. Мортыс найöс лөнъöдöма нин, ⁸ а кывсö лөнъöдны некод оз вермы. Лёкыс вöсна кывсö лөнъöдны он вермы, сийö тырöма виана ядөн. ⁹ Кывийөн ми ошкам Ен Батьöс, кывийөн и ёрам Ен нога вöчöм мортöс. ¹⁰ Öти вомысь петö ошкöм и ёрöм. Вокъяс, тадзи оз вермы лоны! ¹¹ Вермас öмöй öти визувтанинысь петны юмов да курыд ва? ¹² Вокъяс, инжир пу оз вермы вайны выя вотöс, либö виноград пу – инжир вотöс. Öти визувтанинысь оз вермы петны сола да юмов ва. ¹³ Эм-ö тiян пöвстын мывкыда да сюсь вежöра морт? Эм кö, сийö мед петкöдлас ассьыс мывкыдлунсö рам сьöлöмыс да бур оласногыс пыр. ¹⁴ Но тiян сьöлöмын кö эм курыд вежалöм да асьтö радейтöм, сидзкö, энö ошйысьöй да асланыд ылöгөн энö вевттьöй збыльсö. ¹⁵ Öд татшöм мывкыдыс – абу вылісянь сетöм мывкыд, сийö – мувывса, мортсянь да пеж ловъяссянь. ¹⁶ Көнi вежалöм да сöмын асьтö радейтöм, сэнi кывзысьтöмлун да быдпöлöс лёкыс. ¹⁷ Но вылісянь сетöм мывкыдлуныс – медвойдөр сöстöм, сесся лөнъ, рам, кывзысьысь, тырöма буралöмөн да бур уджъясөн. Сийö оз торйöд мортсö чужöм вылö видзöдöмөн, сийö ставсö вöчö сьöлöмсянныс. ¹⁸ Лөнълунсö вайысьяс кöдзöны лөнълунлысь кöйдыс, а тайö кöйдысыс вайö веськыда олöмыслысь вотöс.

4 Кытысь артмö тiян пöвстын лёксьöмыс да вензьöмыс? Оз-ö чужны найö тiян ыштöмьяссянь, кодъяс дугдывтöг ыпъялöны-тышкасьöны тiян вир-яйын? ² Тi ыштанныд мый вылö кö, но нинöм онö босьтöй. Тi виаланныд да вежаланныд, но тiянлы нинöм оз вичмы. Тi вензянныд да лёксянныд, но тiян нинöм абу, öд тi онö корöй. ³ А коранныд кö, тiянлы оз ло сетöма, öд тi онö бур вылö корöй. Тi кöсьянныд могмöдны сöмын ассьыныд ыштöмтö. ⁴ Енсö эновтысьяс, тi öмöй онö тöдöй, мый муыввасакöд öтувтчысь – Енлы паныд мунö? Сидзкö, кодi кöсийö öтувтчыны муыввасакöд, сийö Енлы паныд мунö. ⁵ Гашкö, тi чайтанныд, мый Гижöдыс весьшөрö висьталö: «вежöгтöмөн радейтö лолыс, кодi олö миян пытшкын». ⁶ Но Енлөн буралöмыс миян динö ёна ыджыдджык. Öд Гижöдыс висьталö: – Вылö кыпöдчысьяслы Енмыс паныд мунö, а рамъяс динö Сийö буралö. ⁷ Сидзкö, сетчöй Енмыслы, паныд сувтöй омöльыслы, и сийö пышъяс тiян дiнысь. ⁸ Матыстчöй Ен дiнас, и Сийö матыстчас тiян динö. Мыськöй киньтö, мыж вöчысьяс! Кык бана шаньгаяс, сöстöммöдöй сьöлöмнытö! ⁹ Шогсьöй, сыркъялöй да бöрдöй! Тiян серамныд мед пöрас бöрдöмö, а гажöдчöмныд – шогсьöмö.

¹⁰ Раммөдчөй Господь водзын, и Сійө кыпөдас тiянөс. ¹¹ Вокъяс, энө лёкөдөй өта-мөднытө! Лёкөдө кө кодкө либө мыждө ассъыс воксө, сійө паныд мунө Индөдыслы да мыждө Индөдсө. Но тэ кө мыждан Индөдсө, сідзкө, тэ абу Индөд серти олысь, а мыждысь. ¹² Но Индөдсө Сетысьыс да Мыждысьыс – өти. Сійө вермө мездыны и бырөдны. А тэ кодi сэтшөмыс, медым мөдсө мыждыны? ¹³ Онi висьтала тiянлы, тадзи шуысьяслы: «Талун-аски ми мөдөдчам сэтшөмтө карө да олам сэни во чөж. Сэни кутам вузасыны да озырмөдчыны». ¹⁴ Но тi весиг онө төдөй, мый ваяс тiянлы аскиа луныс. Öд тiян олөмныд ру кодь, петкөдчылас дженьыдик кад кезлө, а сэсса бырас. ¹⁵ Бурджык тайө кывъясыс пыдди шуны тiянлы: «Шогмана кө Господьлы да ловъяөсь лоам, вөчам сійө либө тайө». ¹⁶ А тi сөмын вылө кыпөдчаннөд да ошйысаннөд асананөд. Но став тайө ошйысьөмыс – лёктор. ¹⁷ Сідзкө, кодi төдө, мый колө бурсө вөчны, но оз вөч, сійө мыжмө.

5 Онi висьтала тiянлы, озыръяс: сыркъялөмөн бөрдөй ыджыд шогъясысь, кодъяс суасны тiянөс. ² Тiян озырлуннөд сисьмөма, паськөмнытө воз сөйөма. ³ Тiян зарнинөд да эзысьныд сiмөма. Тайө сiмыс кутас висьтавны тiян мыжлун йылысь. Сійө би моз сотас тiянлысь вир-яйнытө. Тайө бөръя кадас тi чукөртiннөд аслыныд озырлунсө. ⁴ Со, кылө горзөмыс тiян му вылын уджалысьяслөн, кодъяслы тi энө мынтысьөй. Онi найө гораа горзөны, и налөн горзөмыс воис Господь Саваоф пельясөдз. ⁵ Тi олиннөд тайө му вылас лышкыда да быдторнас чөсмасиннөд. Тi тшөгөдiннөд асьнытө, кызди пемөсьясөс тшөгөдөны весиг начкысян лунө. ⁶ Тi мыждiннөд да вииннөд веськыда олысьөс, сійө оз нин водзсась тiянлы. ⁷ Вокъяс, терпитөмөн виччысьөй Господьлысь локтөмсө. Видзөдлөй, кутшөм терпитөмөн виччысьө му

вөдитысь, медым босьтны мулысь дона быдтассө. Сійө виччысьө арся да тувсов зэръяс. ⁸ Тi тшөтш дыр терпитөй да лоөй зумыдөсь, өд Господьлөн локтөмыс матын нин. ⁹ Вокъяс, энө мыжалөй өта-мөднытө, медым Енмыс эз мыжды тiянөс. Öд Мыждысьыс сулалө нин өдзөс дорын. ¹⁰ Вокъяс, видзөдөй пророкъяс вылө, кодъяс сёрнитiсны Господь нимсянь. Найө терпитөмөн нуисны сьөкыдсө. ¹¹ Ми лыддям шудаөн найөс, кодъяс зумыда сулалiсны помөдз. Тi, дерт, кывлiннөд Иовлөн зумыдлун йылысь да төданнөд, мый Господь дасьтiс сылы. Öд Господь мелi да бур сьөлөма. ¹² Вокъясөй, медвөйдөр кора тiянөс, энө көсйысьөй ни енэжөн, ни муөн, ни мукөдторйөн. Тiян "да"-ныд мед лоө сөмын "да", тiян "ог"-ныд мед лоө сөмын "ог". Сэки тiянөс оз мыждыны. ¹³ Тiян пиысь кө кодкө сьөкыдалө, мед кевмысьө. Нимкодьясьө кө, мед сьылө Енмөс ошкана сьыланкывъяс. ¹⁴ Висьө кө кодкө, мед корө вичкоса юрнуөдысьясөс. Найө мавтыштасны висьысьөс вийөн Господь нимсянь да кевмысясны сы вөсна. ¹⁵ Сэки эскөмөн кевмысьөмыс отсалас висьысьылы, и Господь бурдөдас сійөс. А вөчис кө сійө мыжъяс, сылысь мыжъяссө лоө прөститөма. ¹⁶ Висьталөй өта-мөд водзаныд ассъыныд мыжъястө да кевмысьөй өта-мөд вөснаныд, медым бурдiннөд. Öд веськыда олысьлөн кевмысьөмыс вына, сійө вермө вөчны унатор! ¹⁷ Илля вөли миян кодь морт. Сійө сьөлөмсянныс кевмысис, медым эз зэр, и му вылас эз вөв зэрыс куим во да джын. ¹⁸ Сэсса бара кевмысис, и енэжяныыс киссис зэр. Сэки муыс сетiс быдтас. ¹⁹ Вокъяс, тiян пиысь кө кодкө кезас збыльсьыс, а мөд морт бөр бергөдас сійөс збыляс, ²⁰ төдөй, мый мыжа мортөс ылөг туй вылысь бергөдысь мездө сійөс кулөмысь да вевттьө сылысь уна мыж.

1 Петыр

1 Гижö Петыр, Исус Крестослөн апостол. Чолöмала йöз муын олысьясöс, Понтö, Галатияö, Каппадокияö, Асияö да Вифинияö разалöм войтырöс. Ен Бать водзьясыньыс бөрйöма да вежöдöма тиянöс Аслас Ловнас, медым тi кывзысинныд Исус Крестослысь да сöстöмминныд Сылөн Вирнас. Буралöмыс да лөньюлуныс мед содас тиянлы! 3 Ошкөм Енлы, мян Господь Исус Крестослөн Батьлы. Ыджыд буралöмыс вöсна Исус Крестосöс ловзьöдöм пыр Енмыс сетiс мянлы виль олöм. Та вöсна ми кутам ловъя лача 4 босьтны сöстöм, сисьмытöм да бырлытöм озырлун, кодöс видзöма тиянлы енэжын. 5 Эскöмныд пыр Енлөн выныс видзö тиянöс мездмöм вилö, и тайö мездмöмыс воссяс бөръя кадас. 6 Сидзкö, нимкодьясьöй, весиг ковмас кö öнi шогсьыштны быдпöлöс сьöкыд нуöмысь. 7 Зарниыс тöдмавсьö биөн. Тиян эскöмныд, кодi бырана зарниысь донажык, тöдмавсьö сьöкыдлунъяс дырйи, медым Исус Крестос локтигөн вичмис тиянлы ошкөм, нимöдöм да дзирдлун. 8 Крестосöс тi энö аддзылöй, но Сийö муса тиянлы. Тi онö на аддзöй Сийöс, но эсканныд Сылы. Тиян сьөлöмныд тырöма ыджыдсьыс-ыджыд нимкодьялунөн, та йылысь он вермы весиг висьтавнысö. 9 Öд эскöмныдлөн медшөр могыс – воöдчыны мездмöмас. 10 Пророкъяс пыдiсянь тöдмалiсны-туялiсны тайö мездмöмсö. Найö водзвыв висьтавлiсны тиянлы дасьтöм буралöм йылысь. 11 Найö кöсийсны тöдмавны, кутшöм кад вилö да мый вилö индiс на пытшкын олысь Крестослөн Лолыс, кор Сийö водзвыв висьтавлiс Крестослөн сьöкыдалöмыс да Сийöс виччысьысь дзирдлуныс йылысь. 12 Енмыс восьтiс пророкъяслы, мый тайöс юөртигөн найö кесьялiсны мянлы, а эз аслыныс. Öнi тайöс юөртисны найö, кодъяс висьталiсны тиянлы Бур Юөрсö енэжсянь мөдöдöм Вежа Лов вынөн. Весиг андельяс кöсийöны тöдны тайö гусяторсö. 13 Сидзкö, лоöй дасьöсь да олöй садь вежөрөн. Кутöй зумыд лача Енлөн буралöм вилö, кодi вичмас тиянлы Исус Крестос локтигөн. 14 Лоöй кывзысьысь челядь кодьөн. Збыльсö тöдтöдз тиянөн веськөдлiсны асланыд кöсийöмъясныд, но öнi энö лэдзöй налы веськөдлыны аснаныд. 15 Тиянöс Корысьыс вежа. Сы моз лоöй вежаöсь быдторйын. 16 Гижöма: «Лоöй

вежаöсь, öд Ме вежа». 17 Тi кö шуанныд Батьөн Сийöс, кодi чужöм вилö видзöдтöг мыждö быдөнöс уджъясыс серти, сидзкö, олöй тайö му вылас Енсьыс полöмөн. 18 Тi öд тöданныд, мый тиянöс ньöбöма абу бырана эзысь да зарни вилö, медым мездны тиянöс весьшөрö олöмысь, кодi вуджис тиянлы батьясыньныд. 19 Тиянöс ньöбöма Крестослөн дона Вир вилö. Сийö вöли тыр-бур да сöстöм Баля. 20 Енмыс бөрйис Сийöс му пуксьытöдзыс на да мөдöдiс тиян вöсна бөръя кадас. 21 Сы пыр тi эсканныд Енмыслы, кодi ловзьöдiс Сийöс да сетiс Сылы дзирдлуныс, медым тi эскинныд да кутiнныд лача Енмыс вилö. 22 Лов отсөгөн збыльыслысь кывзысьöмөн тi сöстöмминныд, медым восьса сьөлöмөн верминныд радейтны мукöд эскысьöс. Сидзкö, сьөлöмсяньныд радейтöй öта-мөднытö. 23 Тi вильысь чужинныд энö сисьмана кöйдысьянь, а сисьмытöмсянь – Енлөн ловъя да бырлытöм Кывсянь. 24 Гижöдыс висьталö: – Мортыс – турун кодь, сылөн мичлуныс – дзоридз кодь. Турун косьмö, дзоридз усьö, 25 а Господьялөн Кывйыс помтöг олö. Тайö Кывйыс – Бур Юөр, кодöс висьталöма тиянлы.

2 Öвсьöй быдсяма лөк вöчöмысь, ылöдчöмысь, вежалöмысь, суклясьöмысь да энö лоöй кык бана шаньгаясөн. 2 Зильöй пөткөдчыны Ен Кывйөн, кызди пузчужöм кагаяс пөткөдчöны йөлөн, медым сы отсөгөн быдминныд да лоинныд мездмöмаöсь. 3 Тi öд тöданныд: Господь бур сьөлöма. 4 Сийö – ловъя из, Енмыслы зэв дона. Йöзыс Сийöс öтдортiсны, но Енмыс бөрйис Сийöс. Локтöй Сы динö 5 да вайöй асьнытö ловъя из пыдди, медым Ен вöчас тиянысь Аслас Ловлы оланiн. Сэки лоанныд вежа кесьялысьясөн да кутанныд вайны Ловсянь вись, кодi шогмана Енмыслы Исус Крестос пыр. 6 Гижöдыс висьталö: – Сионö Ме пукта пельöс из. Сийö – дона из, кодöс Ме бөрйи. Сылы эскысь оз янав. 7 Сидзкö, тиянлы, эскысьяслы, Сийö дона из. А эскытöмъяслы – тайö изйыс, кодöс шыбитiсны керка лэптысьяс, лоис пельöс изйөн. 8 Тайö изъяс найö крукасьöны да усьöны. Найö крукасьöны, öд Ен Кывйыслысь оз кывзысьыны. Тадзи налы шуöма лоны. 9 Но тi – бөрйöм йöз, Öксылөн вежа кесьялысьяс. Тi – вежа войтыр, Енлөн йöз. Сийö бөрйис тиянöс, медым висьтавлiнныд Сылөн тыр-

бурыс йылысь. Енмыс корис тiянöс пемыдсьыс Аслас шензьöдана югыдö. ¹⁰ Водзынсö тi энö вöлöй Ен войтырöн, öнi тi – Ен войтыр. Водзынсö олинныд Енлөн бурсетöмтöг, öнi тi босьтiнныд сийöс. ¹¹ Мусаяс, тайö му вылас тi ветлысь-мунысьяс кодьöсь. Ёна кора тiянöс: энö кывзысьöй асланыд вир-яйлөн лёк кöсйöмъяслысь, öд найö тышкасьöны тiян ловкöд. ¹² Ентöдтöмъяс пöвстын олöй бур ногөн. Сэки найö, кодъяс лёкöдöны тiянöс лёк вöчысьясöс моз, аддзасны бур вöчöмнытö да ошкасны Енсö Сылөн локтигас. ¹³ Господьöс пыдди пуктöмөн кывзысьöй мортөн индöм быдпöлöс веськöдлысьяслысь: öксылысь, öд сийö став вылас ыджыдыс, ¹⁴ юралысьяслысь, öд öксы найöс пуктöма мыждыны лёк вöчысьясöс да ошкыны бур вöчысьясöс. ¹⁵ Енмыс кöсйö, медым тi бур вöчöмнаныд тупкинныд мывкыдтöм йöзлысь вомсö. ¹⁶ Тiянлы сетöма мездлун, сöмын мездлунныд мед оз ло вевттьöдөн лёк вöчöмныдлы, но олöй Енлөн кесйöгъяс моз. ¹⁷ Быдөнöс пыдди пуктöй, вокъясöс радейтöй, Енсьыс полöй, öксыöс бурö пуктöй. ¹⁸ Кесйöгъяс, Енсьыс полöмөн кывзысьöй асланыд ыджыдъяслысь. Кывзысьöй энö сöмын буръяслысь да рамъяслысь, а тшöтш скöръяслысь. ¹⁹ Мортыс кö кутö тöд вылас Енлысь кöсйöмсö да нуö сьöкыдсö лёксö вöчтöг – тайö шогмана Енмыслы. ²⁰ Тiянöс кö нöйтöны мыж вöчöмысь да терпитанныд тайöс, сэки мыйысь тiянöс ошкынысö? Но тi кö сьöкыдаланныд бурсö вöчигөн да терпитанныд тайöс – тайö шогмана Енмыслы. ²¹ Дзик та вылö тiянöс корöма, öд Кристос нуис сьöкыдсö тiян вöсна. Тадзи Сийö петкöдлiс, медым тi олинныд Сы моз. ²² – Мыжсö Сийö эз вöчлы, Сийö некор эз пöръяслы. ²³ Сийöс лёкöдигөн Сийö воча эз лёкöд. Сьöкыдсö нуигөн эз кöсйысь мынтысьны лёк вöчöмөн, а ставсö сетiс веськыда Мыждысьлы. ²⁴ Миянлысь мыжъяснымöс Аслас вир-яйын Сийö кыпöдiс крест вылö, медым ми дугдiм вöчны мыжсö да олим веськыда. Сылөн дойясөн тi бурдiнныд. ²⁵ Тi вöлинныд вошöм ыжъяс кодьöсь, но öнi бергöдчинныд тiянöс Видзысь да тiян вöсна Тöждысьысь дiнö.

3 Гөтыръяс, кывзысьöй асланыд верöсьяслысь. Сэки верöсьяс, кодъяс оз эскыны Енлөн Кывлы, тiян олöм вылö видзöдöмөн висьтавтöг-велöдтöг кутасны эскыны. ² Öд найö аддзасны тiянлысь сöстöм да Енсьыс полана оласногнытö. ³ Энö тöждысьöй мичмöдны асьнытö ортсысанас: юрсинытö баситöмөн, зарни öшлöмөн да дона паськöмөн. ⁴ Тiян мичлунныд мед лоö пытшкöсса: рам да лөнъ сьöлöм. Тайö мичлуныс бырлытöм, сийö дона Енмыслы. ⁵ Тадзи асланыс верöсьяслысь кывзысьöмөн важөн мичмöдлiсны асьнысö вежа

аньяс, Ен вылö лача кутысьяс. ⁶ Сарра кывзысис Öвраамлысь да шуис сийöс аслас ыджыдөн. Тi кö вöчанныд бурсö нинöмысь повтöг, сiдзкö, тi – Сарралөн нывъяс. ⁷ Верöсьяс, пыдди пуктöй асьыныд гөтыръястö, олöй накöд бур мывкыдөн. Дерт, найö тiян дорысь жебджыкöсь, но налы тшöтш вичмö Енсянь буралöмыс да олöмыс. Тадзи кö вöчанныд, кевмысиганыд оз ло мытшöдыс. ⁸ Медбöрти кöсьяс шуны тiянлы: олöй öти сьöлöмөн да öти лолөн, радейтöй öта-мöднытö, лоöй мелiсь да рамöсь. ⁹ Лёк вöчöмысь энö мынтысьöй лёкөн да омöльтöмысь омöльтöмөн. Мöдарö, бурсийöй, öд тi тöданныд, мый та вылö корöма тiянöс. Сэки тiянлы вичмас бурсийöмыс. ¹⁰ – Кодлы муса олöмыс, кодi кöсйö аддзыны шуда лунъяс, сийö мед видзас асьыс кывсö лёк сёрниысь да вомсö ылöдчöмысь, ¹¹ мед ылыстчас лёксыйс да вöчас бурсö, корсяс лөнълунсö да кутчысяс сэтчö. ¹² Öд Господь видзöдö веськыда вöчысьяс вылö да кылö налысь кевмöмсö, а лёк вöчысьяслы Господь паныд мунö, медым бырöдны найöс му вывсьыс. ¹³ Кодi вöчас тiянлы лёксö, тi кö сьöлöмсянныд вöчанныд бурсö? ¹⁴ Тi кö нуанныд сьöкыдсö веськыда олöм вöснаныд, сiдзкö, тi шудаöсь. Энö полöй некодысь да энö майшасьöй нинöмысь. ¹⁵ Господь Енмöс медвылö пуктöй сьöлöманыд. Юалас кö кодкö лачаныд йылысь, пыр лоöй дасьöсь вочавидзны сылы. Вочавидзöй рам сьöлöмөн да Енсьыс полöмөн. ¹⁶ Олöй сiдзи, мед сьöлöмныд эз мыжды тiянöс. Сэки найö, кодъяс лёкöдöны тiянöс лёк вöчысьясöс моз Кристоскöд бур нога олöмысь, яналасны асланыс кывъясысь. ¹⁷ Енмыс кö кöсйö, мед ми нуим сьöкыдсö, бурджык сьöкыдавыны бур вöчöмысь лёк вöчöм дорысь. ¹⁸ Кристос öтчыдысь нуис сьöкыдсö миян мыжъяс вöсна, медым вайöдны миянöс Ен дiнö. Сийö, веськыда олысь, кулiс лёк нога олысьяс вöсна. Сылысь вир-яйсö вöли виöма, но ловсö вöли ловзьöдöма. ¹⁹ Ловнас Сийö мунiс пемыдiнын олысь ловъяс дiнö да висьталiс налы юöрсö. ²⁰ Тайö ловъясыс эз кывзысьны Енмыслысь, но Сийö дыр виччысис налысь кывзысьöмсö Нойлөн ковчег вöчигдырйи. Сэни этшаөн, сöмын кöкъямыс морт, мездмисны ва пыр. ²¹ Тайö лоöмторйыс индö миян пыртчöм вылö, сы пыр ми мездмам Исус Кристослөн ловзьöм вöсна. Пыртчöмыс – абу вир-яй вылысь няйт мыськöм, но Ен водзын сöстöм сьöлöмөн кöсйысьöм. ²² Кристос кыпöдчис енэжас да пуксис Ен веськыдладорö, Кристослысь кывзысьöны анделъяс, енэжыв ыджыдалысьяс да вынъяс.

4 Кристос вир-яйнас нуис сьöкыдсö миян вöсна. Сiдзкö, тi тшöтш лоöй дасьöсь нуны сьöкыдсö, медым коляс кадсö тайö му вылас олинныд Ен кöсйöм серти, энö нин асланыд кöсйöм серти. Öд

вир-яйнас сьёкыдалысь ылыстчө мыж вөчөмысь.
³ Водзынсö тi вöчинныд ентöдтöмъяс моз: олинныд лэдзчысьöмөн да лёк кöсйöмныд серти, кырсалінныд, кодалінныд-гажөдчинныд да юрбитінныд зывök идолъяслы. Тырмас нин тадзи овнытö. ⁴ Öнi ентöдтöмъяс шензьöны, öд тi онö нин олöй на моз лэдзчысьöмөн. Та вöсна найö лёкöдöны тiянöс. ⁵ Но налы ковмас вочавидзны Сылы, кодi регыд кутас мыждыны ловъяясöс да кулöмаясöс. ⁶ Дзик та могысь вöли висьталöма Бур Юöрсö тшöтш кулöмаяслы. Дерт, вир-яйнас найöс лоö мыждöма став йöзсö моз. Но Бур Юöрсö налы вöли висьталöма, медым ловнас найö олісны Ен ногөн. ⁷ Регыд ставыслы воас пом. Сідзкö, олöй бур мывкыдөн да садь вежөрөн, медым верминныд кевмысьны. ⁸ Сьölöмсянныд радейтöй öта-мöднытö, öд муслуныс вевттö уна мыж. ⁹ Сибöдöй öта-мöднытö шуасьтөг. ¹⁰ Енмыслөн сетöмторйыс унапöлөс. Сійö быдөнлы козьналіс сетöмторсö, медым тi кесьялінныд öта-мöдныдлы. Сідзкö, бур ногөн вöдитчöй Енсянь сетöмторнас. ¹¹ Кодi висьталö, мед висьталö Енсянь. Кодi кесьялö, мед кесьялö Ен вынөн. Сэки быдторйын лоö ошкöмыс Енлы Исус Кростос пыр. Сылы ошкöмыс, Сылөн ыджыдалöмыс нэмъяс чöж. Аминь. ¹² Мусаяс, тiянлы кö паныдасьöны топöдан сьöкыдлуныс, тайö мед оз шензьöд тiянöс. Öд сьöкыдлуныс паныдасьö, медым тöдмавны тiянöс. ¹³ Мöдарö, нимкодьясьöй, öд тi тшöтш нуанныд Кростослысь сьöкыдсö. Сэки Кростослөн дзирдлуныс востигөн тi кутанныд ёна нимкодьясьны. ¹⁴ Тiянöс кö лёкöдöны Кростос ним вöсна, тi шудаöсь. Öд Енлөн дзирдлуна Лолыс тiянкöд. Йöзыс омöльтöны Сійöс, а тi ошканныд. ¹⁵ Сöмын тiян пиысь некод мед оз сьöкыдав морт виöмысь либö гусясьöмысь, лёк вөчөмысь либö суклясьöмысь. ¹⁶ Но сьöкыдалö кö кодкö Кростослы эскöмысь, мед оз яндысь. Мöдарö, мед ошкö Енсö таысь. ¹⁷ Мыждан кадыс матын нин. Медводз Енмыс кутас мыждыны Ассыс войтырсö. Сідзкö, медводз кö кутас мыждыны миянöс, сэки мый виччысьö найöс, кодъяс оз кывзысьны Енлөн Евангелльöлысь? ¹⁸ – Вескыда олысь кö öдва мездмö, мый виччысьö Ентөг олысьöс да мыжаös?

¹⁹ Сідзкö, Ен кöсйöм серти сьöкыдсö нуысьяс, сетöй асьнытö дзоньнас эскана Ставсöвöчысьлы да водзö вөчöй бурсö.

5 Öнi ме шыася вичкоса юрнуöдысьяс дiнö, öд ачым ме тшöтш вичкоса юрнуöдысь. Ме адзылі Кростослысь сьöкыдалöмсö, да меным тшöтш вичмас дзирдлуныс, кодi востяс Сылөн локтигас. Ме ёна кора тiянöс: ² видзöй тiянлы сетöм Енлысь йöз чукöрсö. Тöждысьöй на вöсна нимкодьяпырысь да Енлы шогмана ногөн, энö мырдөнпырысь. Вөчöй тайöс сьölöмсянныд, а энö аслыныд мыйкö куралöм могысь. ³ Энö ыджыдалöй Енлөн йöз чукөр вылын, но асланыд оласногөн петкөдлöй налы, кызди колö овны. ⁴ Медыджыд Видзысьыс локтас да козьналас тiянлы дзирдалан юркытш, кодi оз сісьмы. ⁵ Томджыкъяс, кывзысьöй вичкоса юрнуöдысьяслысь. Ставныд кывзысьöй öта-мöдныдлысь да лоöй рам сьölöмаöсь. Öд вылö кыпöдчысьяслы Енмыс паныд мунö, а рамъяс дiнö Сійö буралö. ⁶ Сідзкö, сетчöй Енлөн вына кипод улö, и ас кадö Сійö кыпöдас тiянöс. ⁷ Ассыныд став тöжд-могтö вайöй Сылы, öд Сійö тöждысьö тiян вöсна. ⁸ Олöй садь вежөрөн да пыр лоöй дасьöсь. Öд тiянлы паныд мунысьыс, омöлыс, ветлö равзысь лев моз да корсьысьö, кодöс эськö нылыштны. ⁹ Сувтöй сылы паныд зумыд эскöмөн. Тöдöй, мый став му пасьталаыс вокьясныд тшöтш тiян моз нуöны сьöкыдсö. ¹⁰ Тiянлы этша нин колис сьöкыдавны. Та бөрти буралöмнас озыр Ен, кодi корис тiянöс Исус Кростос пыр Аслас бырлытöм дзирдлуно, мед ёнмöдас да зумыдмöдас тiянöс да вöчас тыр-бурьясөн. ¹¹ Сылы ошкöмыс, Сылөн ыджыдалöмыс нэмъяс чöж. Аминь. ¹² Силуан отсөгөн ме гижы тiянлы тайö дженъыдик гижöдсö. Сійöс ме лыддя эскана вокөн. Кöсья эскöдны да ышöдны тiянöс: кутчысьöй Енлөн збыль буралöмас, кодöс сетöма тiянлы. ¹³ Тiянöс чолöмалö вавилонса вичко. Енмыс бөрйöма сійöс тiянöс моз. Тiянöс чолöмалö тшöтш Марк пиöй. ¹⁴ Чолöмалöй öта-мöднытö мусапырысь окыштöмөн. Лөнъ олөм ставныдлы, кодъяс Исус Кростос пытшкынöсь. Аминь.

2 Петыр

1 Гижö Симон-Петыр, Исус Крестослөн кесйöг да апостол. Чолöмала тiянöс, миян моз сьöлöманыд эскöмсö босьтысьясöс. Тайö донаторсö ми босьтiм Исус Крестослөн, миян Ен Мездьсьнымлөн веськыдлун вöсна. 2 Буралöмыс да лөньюлуныс мед содас тiянлы Енмöс да Исус Крестос Господьнымöс тöдмалiгөн. 3 Ми тöдмалiм Сийöс, кодi корис миянöс Аслас дзирдлунö да тыр-бурö. Сылөн Ен вынсянь сетöма миянлы став коланасö, медым ми олим вежавидзöмөн. 4 Миянлы сетöма зэв дона да ыджыд кöсийсьöмьяс, медым на отсöгөн тi верминныд ылыстчыны муывивса пежалана ыштöмьясысь, да медым тiян пытшкын вöли енмалуныс. 5 Та могысь зильöй петкöдлыны эскöманыд бур вöчöм, бур вöчöманыд – тöдöмлун, 6 тöдöмлунаныд – асьтö кутöм, асьтö кутöманыд – зумыдлун, зумыдлунаныд – вежавидзöм, 7 вежавидзöманыд – воктö радейтöм, воктö радейтöманыд – муслун. 8 Тайö кö тiян эм да содö, сiдзкö, Исус Крестос Господьнымöс тiян тöдмалöмныд оз ло весьшöрö да тi онö кольöй вотöстöг. 9 Кодлөн тайö абу, сийö синтöм, нинöм оз аддзы, сийö вунöдöма, мый сийöс мыскалöма важ мыжъяссыс. 10 Вокъяс, тiянöс корöма-бöрийöма. Сiдзкö, тöждысьöй, мед тайö лунысь-лун зумыдмас тiян пытшкын. Тадзи вöчиганыд некор онö крукасьöй. 11 Сэки тi восьса öдзöсöд верманныд пырны миян Мездьсь Господь Исус Крестослөн помтöм Юраланiнö. 12 Та вöсна ме быдпöрийö кута казтьивны тiянлы та йылысь, кöть эськö тi тöданныд да зумыда сулаланныд тiянлы висьталöм збыляс. 13 Тайö вир-яй чомьяс олiгөн ме лыддя коланаөн садьмöдны тiянöс аслам казтьилöмьясөн. 14 Тöда, меным регыд ковмас кольны чомйöс. Тайöс восьтiс меным Исус Крестос Господьным. 15 Кута тöждысьны, медым менам мунöм бöрын ставсö тайöс пыр кутiнныд тöд выланыд. 16 Ми висьталiм тiянлы миян Господь Исус Крестослөн выныс да локтöмыс йылысь. Тайö абу кутшöмкö лöсьöдöм мойд, ми öд асланым синмөн аддзылим Сылысь ыджыд вынсö. 17 Ен Батьыс сетiс Сылы нимöдöмсö да дзирдлунсö, кор Вылысса дзирдлунсянныс кылис гөлöс шы: «Тайö Менам муса Пиöй, Ме нимкодяся Сыөн». 18 Тайö шуöмсö ми кылим енэжсянь, кор вöлим Исускöд

вежа керöсын. 19 Нöшта на, миян эм пророкъяслөн веськыд кыв. Тi бура вöчанныд, кутчысянныд кö тайö кывьяс, öд сийö кызди пемыдiнын öзйысь би. Сийö югдöдас луньюгыд пуксьытöдзыс да сьöлöманыд асья кодзув мыччысьтöдзыс. 20 Тöдöй, пророк гижöдсö ачыс мортыс оз вермы гөгöрвоодны. 21 Öд пророк юöрсö некор абу вöли висьталöма мортлөн кöсийöмсянь. Сийöс висьтавлiсны Вежа Лов ышöдöмсянь Енлөн вежа йöз.

2 Израиль войтыр пöвстын вöлины ылöгпророкъяс, таdzi тiян пöвстын тшöтш лоасны ылöгвелöдысьяс. Найö ваясны тiянлы бырöдан ылöгвелöдöмьяс, весиг соссясны ыджыдысь, кодi ньöбис найöс. Тадзи найö кöлаласны ас выланыс виччысьтöм бырöдöмсö. 2 Унаөн на вылö видзöдöмөн пондасны овны лэдзчысьöм оласногөн. Татшöмьясыс вöсна збыль туйыс лоö серам туйын. 3 Медым курыштны мыйкö аслыныс, найö тывйыштасны тiянöс мудер сёрнинаныс. Но налы мыждöмыс важөн нин дась, найöс бырöдöмыс матын нин. 4 Енмыс мыжö усьöм андельясöс эз видз, шыбитiс найöс пемыд адö да дорис Мыждан лунöдз. 5 Эз видз Сийö и Ентöг олысьясөн тырöм воддза муыгыдсö – бырöдiс ыджыд ваөн. Колис ловьяён сöмын кökьямысöс, öтиыс на пиысь вöли веськыдлун йылысь юörtыс Ной. 6 Ен мыждiс Содом да Гомора карьяс, биөн бырöдiс пöимöдз. Тайөн петкöдлiс, мый жö виччысьö водзö Ентöг олысьясöс. 7 Но веськыда олысь Лотöс Енмыс мездiс. Лот ёна сьöкыдалiс Ентöг олысьяслөн лэдзчысьöм оласногысь. 8 Быд лун тайö веськыда олысьяслөн лолыс горзiс сы гөгöр олысь йöзлысь лёк вöчöмсö аддзöмысь-кылöмысь. 9 Господь тöдö, кызди мездьны вежавидзысьöс сьöкыдалöмсьыс, а лёк вöчысьöс Сийö видзö, мед чорыда мыждыны сийöс Мыждан лунö. 10 Торья нин тайö инмö вир-яйлөн лёкколöмнас пежасьöмаяслы да Енлысь Юралöмсö мустöмтысьяслы. Найö яндысьтöмөсь, асныраöсь да оз повны лёкöдны енэжвивса вынъясöс. 11 Андельяс ёна вынаджыкöсь да ёнджыкöсь на дорысь, но найö оз мыжавны да оз лёкöдны татшöмьяссö Ен водзын. 12 Тайö йöзыс асьныс оз гөгöрвоны, кодöс лёкöдöны. Найö вöрын шöйтысь

вежортём пемосьяс кодъось, кодъясос лосьодёма кыйём-виём выло. Пемосьясос моз найос и лоо бырөдёма. ¹³ Лёк вөчөмсыйныс найо босътасны водзос. Найо радейтоны гажөдчыны лунъюгиднас, яндысьтөг пукалоны тиянкөд өти пызан сайын да пөръясьомнас пежалоны ставсө. Тайо налөн чөсмасянторыйыс. ¹⁴ Налөн синныс пыр өзъяло нывбабаяс выло, найо оз пөтлыны мыжсө вөчөмсыйыс, ылөдлөны жеб эскысыясос. Съөлөмныс налөн тырөма горшлунөн, найо ёрөмыслөн пиян. ¹⁵ Найо кежисны веськыд туйсьыс да ылалісны. Найо мунөны Восорлөн Валаам пиыс кок туйөд, кодлы лёк ногөн шедөдны озырлунсө вөлі съөлөм сертиыс. ¹⁶ Но сійос янөдёма вөлі лёктор вөчөмсыйыс: осёл, кывтём пемөс, шыасис морт моз да өлөдіс пророкөс йөйталөмсьыс. ¹⁷ Тайо ылөгвелөдысыясыс косьмөм юкмөс да төвнырөн новлөдлан кымөръяс кодъось. Татшөмъясыслы век кезлө дасътома сап съөд пемыдін. ¹⁸ Тшап да ковтём сёрнинаныс найо өзтоны вир-яйлысь лёкколөмсө да зильоны кыскыны лэдзчысьөм оласногө найос, кодъяс муртса на мынөмаосъ ылалөмаясыс. ¹⁹ Ылөгвелөдысыяс көсйысьөны сетны налы мездлун, көть асьныс найо пежыслөн кесйөгъяс. Од коді мортсө вермөма, сълөн сійө и кесйөг. ²⁰ Мездысь Исус Кростос Господьнымөс төдмалөм бөрын кө муывывса пежсьыс ылыстчысыяс бара бергөдчөны важас, да лёкыс кө вермө найос, сэки татшөмъясыслы воддза дорсьыс ёна лёкджык лоо. ²¹ Бурджык эськө вөлі, найо кө эз төдлыны веськыдлуныслысь туйсө. Од найо төдісны тайос, но бөр бергөдчисны налы сетөм вежа тшөктөмысь. ²² Татшөмъясыслы бура лөсялө тайо шусьөгыс: «Пон бергөдчө аслас вос дорө», да нөшта: «Мыськөм порсь бөр мунө туплясьны няйтө».

3 Донаясөй, тайо менам мөд гижөд нин тиянлы. Кыкнан гижөдас аслам казътылөмъясөн зили ышөдны тиянөс мөвпавны сөстөма. ² Кутөй төд выланыд вежа пророкъяслысь важысянь шуөмсө да Мездысь Господьлысь апостольяс пыр сетөм тшөктөмсө. ³ Төдөй, бөръя кадө локтасны тиянөс серам туйө пуктысыяс, асланыс лёк көсйөмө сетчөмаяс. ⁴ Найо пондасны шуны: «Көні нө сійө

Локтысьыс, коді көсйысьліс тай? Од миян батьяс кулісны нин, но ставыс коли важ мозыс: му пуксьөмсянныс нинөм эз вежсьы». ⁵ Тадзи мөвпалысыяс быттө оз төдны, мый Ен Кывйөн артмөдёма енэжсө да мусө, вөчөма ваысь да ва отсөгөн, ⁶ и сэкса муюгьдсө вөлі бырөдёма ваөн. ⁷ Онія енэжсө да мусө сійө жө Кывйыс кутө да видзө биён бырөдөм выло. Тайо лоо Мыждан лунө, кор Ентөг олысыясос лоо бырөдёма. ⁸ Мусаясөй, кутөй төд выланыд: Господьлөн өти луныс сюрс во кодъ, сюрс воыс – өти лун кодъ. ⁹ Кодсюрө чайтоны, мый Господьным нюжмасьө оломө пөртны көсйысьөмсө, но сійө оз нюжмась, а терпитө миянөс. Сійө оз көсйы, мед кодкө вошис, но көсйө, мед быдөн бергөдчис мыжъясьыс. ¹⁰ Господьлөн луныс воас виччысьтөг, войса гусясьыс моз. Сэки енэжыс ыджыд шыөн бырас, став ентыкөлаыс ыпъялана биысь киссяс, а муыс да ставыс, мый сы вылын, сотчас. ¹¹ Ставыс кө тадзи киссяс, сэки кутшөм вежаөн да веськыдөн колө лоны тиянлы. ¹² Ті өд ёна көсьянныд да виччысянныд, мед өдйөджык нин воас Енлөн луныс. Сійө лунө енэжыс ыпъялан биысь сотчас да киссяс, доналөм ентыкөлаыс сылас. ¹³ Но Енлөн көсйысьөмыс серти ми виччысям выль енэж да выль му, көні кутас ыджыдавын веськыдлун. ¹⁴ Сідзкө, мусаясөй, тайос виччысиганыд төждысьөй, медым сувтны Ен водзө сөстөмөн да мыжтөмөн, мед тиян съөлөмын вөлі лөньлун. ¹⁵ Енлысь терпитөмсө лыддьөй аслыныд мездмөмөн. Та йылысь гижліс тиянлы Ен вежөра дона Павел вокным. ¹⁶ Татшөмторъяссө сійө висъталө быд гижөдын. Мыйсюрө сэтысь съөкыд гөгөрвоньсө. Та вөсна унаөн ичөт мывкыднысла да жеб эскөмнысла сылысь гижөдъяссө мукөд Гижөдсө моз бергөдөны мөдарө. Тадзи көлалөны ас выланыс бырөдөмсө. ¹⁷ Та вөсна, мусаясөй, водзвыв тайос төдөмөн видзчысьөй, медым энө шедөй Ентөг олысыяслөн ылөдөмө да энө усьөй зумыд подув вывсьыс. ¹⁸ Быдмөй буралөмас да миян Мездысь Исус Кростос Господьнымөс төдмалөмас. Сылы ошкөмыс өні да нэмъяс чөж. Аминь.

1 Иоан

1 Ми висьталам сы йылысь, мый вöлі водзысяньыс, мый кывлім, мый аддзылім ас синмөн, мый видзöдалім да мый видлалім ас киён – ми висьталам олöмыслөн Кыв йылысь. 2 Олöмыс петкöдчис, да ми аддзылім Сійöс. Öні висьталам Сы йылысь, юöртам тiянлы помтöм Олöмыс йылысь. Сійö вöлі Батьыскöд, öні Сійöс восьтöма миянлы. 3 Аддзывлöм-кывлöмыс йылысь висьталам тiянлы, мед эськö тi вöлінныд миянкöд öтув. А ми öтувъяöсь Батьыскöд да Сылөн Исус Кростос Пиыскöд. 4 Ми гижам та йылысь, медым тi верминныд тырвуйö нимкодясьны. 5 Енмыс эм югыд, Сы пытшкын пемыдыс абу. Тайö юöрсö ми кывлім Ен Письянь, öні юöртам сійöс тiянлы. 6 Шуам кö: "Ми öтув Сыкöд", а асьным ветлам пемыдас, сідзкö, пöръясям да огö олöй збыльыс серти. 7 Сы моз кö югыдас ветлам, сэки миян эм öта-мöдкöд öтувтчöм, сэки Исус Кростос Ен Пилөн Вирыс сöстöммöдö миянöс быдпөлöс мыжысь. 8 Шуам кö: "Миян мыжыс абу", ми пöрйöдлам асьнымöс, и збыльыс абу миян пытшкын. 9 Ми кö висьталам мыжнымöс, сэки веськыд да эскана Ен прöститö миянлысь мыжсö да весалö миянöс быд лёкысь. 10 Шуам кö: "Ми эгö вöчöй мыжсö", петкöдлам Енсö пöръясьысьöн, да Сылөн кывйыс оз ов миян пытшкын.

2 Менам челядь! Гижат тайöс тiянлы, медым тi энö вöчöй мыжсö. А мыжмас кö кодкö, тöдöй: Бать водзын миян эм веськыд Дорйысь – Исус Кростос. 2 Сійö – миян мыжъясысь вештысян вись, и абу сöмын миян, а став муюгыдыслөн мыжъясысь. 3 Олам кö Сылөн тшöктöмъяс серти, тайөн петкöдлам, мый ми тöдам Сійöс. 4 Коді шуö: "Ме тöда Сійöс", но тшöктöмъяссö Сылысь торкö, сійö пöръясьö, да сы пытшкын збыльыс абу. 5 Коді олö Сылөн Кывйыс серти, сы пытшкын збыльысь Енлөн муслуныс воöма тыр-бурöдз. Та серти тöдам, мый ми Сы пытшкынöсь. 6 Коді шуö: "Ме Сы пытшкын", сылы колö овны Сы моз. 7 Мусаяс, гижат тiянлы ог выль, а важ тшöктöм. Сійöс тi тöданныд водзысяньыс нин. Тайö кывсö, важ тшöктöмсö, тi кывлінныд водзынджык нин. 8 Збыльвылас, ме гижат выль тшöктöм. Сійö збыльмö Кростос пытшкын да тiян пытшкын, öд пемыдыс вешйö, а збыль югыдыс югдöдö нин. 9 Коді шуö: "Ме ветла

югыдас", а воксö асьыс мустöмтö, сійö пемыдас на. 10 Воксö радейтысь ветлö югыдас, да сы пытшкын крукöдыс абу. 11 Воксö мустöмтысь ветлö пемыдас, сійö оз тöд, кытчö мунö, öд пемыдыс тупкöма сылысь синсö. 12 Челядь, тiянлы гижат, öд Кростос ним вöсна прöститöма мыжнуйö. 13 Батьяс, тiянлы гижат, öд тi тöданныд Водзысянь Олысьсö. Том войтыр, тiянлы гижат, öд тi верминныд омöльсö. Челядь, тiянлы гижат, öд тi тöданныд Ен Батьöс. 14 Гижат тiянлы, батьяс, öд тi Водзысянь Олысьсö тöданныд. Гижат тiянлы, том войтыр, öд тi ёнöсь, Енлөн Кывйыс олö тiян пытшкын да тi верминныд омöльсö. 15 Энö радейтöй муюгыдсö да мый сэні эм. Кодлы муса муюгыдыс, сылы Батьыс абу муса. 16 Öд тайö муюгыдас ыджыдалö вир-яйлөн кöсйöм, синъяслы колöм да ыкшаасьöм. Тайö абу Батьсянь, ставыс тайö муюгыдыслөн. 17 Муюгыдыс став аслас колöм-кöсйöмнас бырас, а Ен кöсйöм серти олысь пондас овны помтöг. 18 Челядь, öні бöръя кад. Тi кывлінныд, антикростос пö локтас. Öні уна антикростос нин петкöдчис. Та серти тöдам, мый бöръя кад пуксис. 19 Найö петисны миян пöвстысь, но найö эз вöвны миянкöд öтув. Вöліны кö миянкöд öтув, кольччисны эськö миянкöд. Но налөн петöмыс висьталö, мый найö абу миянкöд. 20 А тiянöс мавтыштöма Вежасыс, да тi тöданныд ставсö. 21 Ме гижат тiянлы ог сы вöсна, мый тi онö тöдöй збыльсö, мөдарö, тi сійöс тöданныд да. Тi öд тöданныд: збыльсяньыс ылöгыс оз лок. 22 Коді нö ылöдчысьыс? Абу-ö сійö, коді шуö, Исус пö абу Кростос. Татшöмыс антикростос. Сійö соссьö Батьыс да Письяс. 23 Коді соссьö Письяс, сылөн абу и Батьыс. Коді сибöдö Писö, сылөн и Батьыс эм. 24 Сідзкö, мый тi кывлінныд водзысяньыс, сійö мед олас тiян пытшкын. Тайö кö лоö тiян пытшкын, сэки Пиыс да Батьыс пытшкын лоанныд. 25 Сійö кöсйысис сетны миянлы помтöм олöм. 26 Вылынджык ме гижат тiянöс ылöдысьяс йылысь. 27 Но тiян эм Вежасынь мавтыштöм. Та вöсна абу колана, мед кодкö велöдiс тiянöс. Öд мавтыштöмыс велöдö тiянöс быдторйö, висьталö збыльсö да оз пöръясь. Сідзкö, олöй велöдöм сертиыс. 28 Челядь, лöй Сы пытшкынöсь, медым Сылөн локтiгөн ми вöлім повтöмöсь, мед эз вöв яндзим миянлы

сувтны Сы водзё. ²⁹Ті кө тōданныд, мый Сійō
веськыд, тōдōй: веськыда вōчысь Сысянь чужōма.

3 Видзōдōй, кутшōм мусаōсь ми Батьлы: Сійō
сетіс мянлы шусьыны да лоны Енлōн ныв-
пиōн. Муюгыдсаыс оз тōд мянōс, Сійōс оз тōд да.
²Мусаясōй, оні ми Енлōн ныв-пи. Кодōн лоам, тайō
эз на воссьы. Тōдам сōмын, кор воссяс, лоам Сы
кодьōсь, од сэки аддзам Сійōс сэтшōмōн, кутшōм
Сійō эм. ³Сы вылō татшōм лача кутысь сōстōммōдō
асьсō, мед лоны Сы кодь сōстōмōн. ⁴Мыжсō вōчысь
мунō Индōдлы паныд, од мыжыс – тайō Индōдлы
паныд мунōм. ⁵Ті тōданныд, мый Кростос локтис
босьтны мянлысь мыжъяс. Сы пытшкын мыжыс
абу. ⁶Сы пытшкын олысь мыжсō оз вōч, а мыжсō
вōчысь эз аддзыв да оз тōд Сійōс. ⁷Челядь, энō
сетōй ылōдны тiанōс некодлы. Веськыда вōчысь –
сійō Кростос кодь веськыд. ⁸А мыжсō вōчысь –
омōльсянь, од омōлыс водзысянь мыжсō вōчō. Та
вōсна Ен Пи и локтис, мед жугōдны омōлыслысь
уджъяссō. ⁹Енсянь чужысь мыжсō оз вōч, сы
пытшкō бур кōйдыс вужъясьōма. Татшōмыс мыжсō
вōчны оз вермы, од сійō Енсянь чужōма. ¹⁰Коді оз
веськыда вōч, да коді мустōмтō воксō, сійō абу
Енсянь. Та серти тōдмалам Енлысь ныв-писō да
омōльлысь йылōмсō. ¹¹Мянлы колō радейтны
ōта-мōдōс. Тайō юрсō тi кывлiнныд водзысяньыс.
¹²Огō лоōй Каин кодьōсь, од сійō вōлі
омōльсяньыс, да виис ассьыс воксō. Мыйла виис?
Каинлōн уджъясыс вōліны лēкōсь, а вокыслōн –
веськыдōсь. ¹³Энō шензьōй, вокъясōй,
уюгыдсаыс кō мустōмтō тiанōс. ¹⁴Ми тōдам: ми
вуджим кулōмсьыс олōмō, од радейтам
вокъяснымōс. Коді оз радейт воксō – кольō
кулōмас. ¹⁵Воксō мустōмтысь – сійō морт виысь. Тi
тōданныд, мый морт виысь пытшкын помтōм
олōмыс абу. ¹⁶А муслунсō ми тōдмалiм сы серти,
мый Кростос сетіс Ассьыс олōмсō мян вōсна.
Сiдзкō, мянлы тшōтш колō сетны олōмнымōс
вокъясным вōсна. ¹⁷Мортыс кō вокыслысь
гōльлунсō аддзигōн чорзьōдō сьōлōмсō да оз отсав
сылы, кōть сылōн аслас ставыс эм, вермас-ō
татшōм морт пытшкас лоны Енлōн муслуныс?
¹⁸Челядьōй, кутам радейтны ōта-мōднымōс огō
кывъясōн да сёрниōн, но збыль сертиыс да
уджъясōн. ¹⁹Та серти тōдмалам, мый ми
збыльылōн. Сьōлōм кō мыждō мянōс, ми вермам
лōньōдны сьōлōмнымōс Ен водзын. Енмыс од
ыджыдджык мян сьōлōмысь, Сійō ставсō тōдō.
²¹Мусаясōй, сьōлōмным кō оз мыжды мянōс, ми
вермам повтōг локны Ен водзō. ²²Сэки мый корам,
босьтам Сысянь, од олам Сылōн тшōктōмъяс серти
да вōчам Сылы шогманасō. ²³А Сійō тшōктiс,
медым ми эским Сылōн Пилы, Исус Кростослы, да
тшōктōмыс серти радейтiм ōта-мōдōс. ²⁴Коді

кутчысьō Сылōн тшōктōмъясō, сійō олō Кростос
пытшкын, а Кростос – сы пытшкын. А мый Сійō
мян пытшкын, тōдам Ловсяньыс, кодōс Сійō сетіс
мянлы.

4 Мусаясōй, энō эскōй быд ловлы, тōдмалōй,
Енсянь-ō сійō. Од уна ылōгпророк оні
уюгыдас. ²Енсянь-ō лолыс, тōдмаланныд тадзи:
висьталō кō лолыс, мый Исус Кростос локтис вир-
яйын, сійō Енсянь. ³Оз кō висътав, мый Исус
Кростос локтис вир-яйын, сійō абу Енсянь, сійō
антикростсянь. Тайō – антикростлōн лолыс, код
йылысь тi кывлiнныд, мый сійō локтас, и оні сійō
уюгыдас нин. ⁴Челядь, тi Енсянь. Тi верминныд
ылōгпророкъясōс, од тiан пытшкын Олысьыс ēна
ыджыдджык муюгыдсасъыс. ⁵Найō муюгыдсьыс, та
вōсна и сёрнитōны муюгыдсаыс моз, и муюгыдыс
кывзō найōс. ⁶А ми Енсянь. Енсō тōдысь кывзō
мянōс, а кодi абу Енсянь, сійō оз кывзы мянōс. Та
серти тōдмалам збыльыслысь ловсō да
ылōгыслысь ловсō. ⁷Мусаясōй, кутам радейтны
ōта-мōднымōс, од муслуныс Енсянь. Кодi радейтō,
сійō Енсянь чужōма да тōдō Енсō. ⁸Коді оз радейт,
сійō оз тōд Енсō, од Енмыс эм муслун. ⁹Енмыс
мōдōдiс тайō муюгыдас Ассьыс ōтка Писō, медым
Сы пыр сетны мянлы олōм. Тадзи Сійō петкōдлiс
мян дiнō Ассьыс муслунсō. ¹⁰Муслуныс абу сыын,
мый Енмыс вōлі муса мянлы, но – сыын, мый ми
вōлім мусаōсь Сылы. Сійō сетіс Ассьыс Писō вись
пыдди, мед вештысьны мян мыжъясысь.
¹¹Мусаясōй, Енмыс кō татшōма радейтiс мянōс,
мянлы тшōтш колō радейтны ōта-мōдōс. ¹²Енсō
некод некор эз аддзыв. ōта-мōдōс кō радейтам,
сiдзкō, Енмыс мян пытшкын да Сылōн муслуныс
тыр-бурōдз воис сьōлōманым. ¹³Ен сетіс мянлы
Ассьыс Ловсō. Та серти тōдам, мый ми Сы
пытшкынōсь, а Сійō мян пытшкын. ¹⁴Батьыс
мōдōдiс Писō мездыны муюгыдсō. Ми ас синмōн
аддзылiм тайōс, и оні висьталам та йылысь. ¹⁵Кодi
шуō Исусōс Ен Пиōн, Енмыс сы пытшкын, а сійō Ен
пытшкын. ¹⁶Ми тōдмалiм Енлысь мян дiнō
муслунсō да эским Сылōн муслунас. Енмыс эм
муслун. Кодi олō муслун пытшкас, сійō Ен пытшкын,
а Енмыс сы пытшкын. ¹⁷Сiдзкō, муслуныс тыр-
бурōдз вōма мян пытшкын. Та вōсна вермам
повтōг сувтны Мыждан лунō, од ми тайō муюгыдас
Кростос кодьōсь. ¹⁸Муслунас абу полōмыс, од тыр-
бур муслуныс вōтлō полōмсō. Полōмас олō
мыждōм, та вōсна полысьлōн муслуныс абу на тыр-
бур. ¹⁹Кутамōй радейтны Енмōс, од медводз Сійō
радейтiс мянōс. ²⁰Кодi шуō: "Ме Енсō радейта", а
воксō ассьыс мустōмтō, сійō пōръясьō. Оз кō
радейт воксō, кодōс аддзō, вермас-ō радейтны
Енсō, кодōс оз аддзы? ²¹Мян эм Енсянь тшōктōм:
«Енмōс радейтысь, радейт тшōтш воктō ассьыд».

5 Эскам кө, мый Исус – сійө Кростос, ми Енсянь чужомаось. Муса кө миянлы Чужтысьыс, муса и Сысянь чужысьыс. 2 Радейтам кө Енсө да олам Сылөн тшөктөмъяс серти, та серти төдам, мый ми Ен челядьос тшөтш радейтам. 3 Тшөктөмъяс серти олөмыс – тайө Енсө радейтөм, а Сылөн тшөктөмъяс абу сьөкыдось. 4 Од Енсянь чужысь вермө муюгыдсө. Тайө вермөмыс – миян эскөм, кодөн муюгыдсө вермөма. 5 Коді нө вермө муюгыдсө? Сійө, коді эскө, мый Исус – Енлөн Пи. 6 Исус Кростос локтіс ваөн, вирөн да Лолөн, эз сөмын ваөн, но ваөн да вирөн. Та йылысь Лов висьталө, өд Лолыс эм збыльыс. 7 Енэжас эм куим висьталысь: Бать, Кыв да Вежа Лов. Тайө куимыс өти. 8 Му вылас тшөтш куим висьталысь: Лов, ва да вир. Тайө куимыс висьталө өтитор йылысь. 9 Ми сибөдам мортлысь висьталөмсө, но Енлөн висьталөмыс ёна ыджыдджык, өд сійөс Ачыс Енмыс висьталө. Сійө висьталө Аслас Пи йылысь. 10 Коді эскө Ен Пилы, сылөн сьөлөмас эм тайө висьталөмыс. Коді оз эскы Енмыслы, пуктө Сійөс пөръясьысь туйө, өд тайө мортыс оз эскы Пи йывсьыс Енлөн висьталөмыслы. 11 А висьталөмыс татшөм: Ен сетөма миянлы помтөм олөм, и тайө

олөмыс Пиыс пытшкын. 12 Кодлөн эм Пиыс, сылөн эм олөмыс. Кодлөн абу Ен Пиыс, сылөн олөмыс абу. 13 Тайөс гижи тиянлы, Ен Пи нимө эскысьяслы, мед ті төдінныд, мый Ен Пилы эскөмныд вөсна тиян эм помтөм олөм. 14 Ми вермам повтөг локны Ен водзө, ми өд төдам: корөмным кө лөсялө Сылөн көсйөмлы, Сійө кылө миянөс. 15 А төдам кө, мый Сійө кылө миянлысь быд корөм, төдам тшөтш, мый Сійө сетас корөмасө. 16 Кор аддзан, мый воқыд мыжө усьөма, но мыжыс оз вайөд кулөмө, кевмысь сы вөсна. Ен сетас сылы олөм, дерт, мыжыс кө оз кулөмө вайөд. Эм кулөмө вайөдысь мыж, но ме ог кор кевмысьны татшөм мыжсө вөчысь вөсна. 17 Быд лөк вөчөм эм мыж, но оз став мыжыс вайөд кулөмө. 18 Ми төдам: Енсянь чужысьяс мыжсө оз вөчны. Енсянь чужысь видзө асьсө, да омөлысь оз вермы инмөдчыны сы дінө. 19 Төдам, мый ми Енсянь, а став муюгыдыс омөлыслөн кипод улын. 20 Нөшта төдам, мый Ен Пи локтіс да сетіс миянлы мывкыдлун, мед ми төдім збыль Енсө. И ми олам тайө збыльыс пытшкын, Исус Кростос Пиыс пытшкын. Сійө эм збыль Енмыс да помтөм олөмыс. 21 Челядь, видзөй асьнытө идолъясьысь. Аминь.

2 Иоан

¹ Ме, пöрысь морт, гиха Енмөн бөрйöм анылы да сылөн челядьлы. Тi меным збыльысь мусаöсь. Мусаöсь абу сöмын меным, но быдöнлы, кодi төдö збыльсö. ² Тi меным мусаöсь збыльыс вöсна, öд сийö олö мян пытшкын да лоö мянкöд нэмъяс чöж. ³ Бурсетöм, буралöм да лöнь олöм тiянлы, збыляс да муслунас кутчысьысыяслы, Ен Батьсянь да Господь Исус Крестоссянь – Батьыслөн Писянь. ⁴ Меным лои зэв нимкодъ, кор аддзи, мый тэнад челядь пиысь кодсюрö ветлöны збыляс, Батьлөн тшöктöмыс серти. ⁵ Öнi менам татшöм корöм, дона аньöй, медым ми радейтiм öта-мöднымöс. Тайö тшöктöмыс абу выль, сийö мян водзысянныс нин вöли. ⁶ Радейтны, сiдзкö, овны Ен тшöктöмъяс серти. Дзик тайö тшöктöмсö тi кывлiнныд водзысянныс, сы серти и колö овны. ⁷ Öнi муюгыдас уна ылöдысьыс. Найö оз эскыны,

мый Исус Крестос локтiс вир-яйын. Татшöм мортыс – ылöдысь да антикрест. ⁸ Видзöдöй ас бöрсяныд, медым ми эгö воштöй сийö, мый вöсна мян уджалöма, мед эськö ми вермим босътны удждонсö дзоньнас. ⁹ Кодi торкö Крестослысь велöдöмсö да оз кутчысь сэтчö, ськөд Енмыс абу. Кодi кутчысьö Крестослөн велöдöмас, ськөд Батьыс и Пиыс. ¹⁰ Тiян дiнö локтысь кö вайö мөд велöдöм, энö сибöдöй сийöс керка помад, весиг энö чолöмасьöй ськөд. ¹¹ Ськөд чолöмасьысь öтувтчö сылөн лөк уджъясö. ¹² Унатор на эм гижнысö тiянлы, но öнi ог кут ставсö гижны кабала вылö чернилаөн. Чайта, артмас воыны тiян дiнö да воча пуксьöмөн сёрнитны, медым тi верминныд тырвийö нимкодясьны. ¹³ Чолöм тэныд ыстöны бөрйöм чойыдлөн челядьыс. Аминь.

3 Иоан

¹ Ме, пöрысь морт, гиха муса Гайлы. Сійö меным збыльысь муса. ² Муса вокöй, ме тöда: ловнад тэ ён. Кевмыся, мед вир-яйнад тшöтш вöлн ён, да ставыс тэнад вöли бур. ³ Меным лои зэв нимкодъ, кор вокъяс локтисны да висъталисны, тэ пö кутчысян збыляс да олан сы серти. ⁴ Меным вывти нимкодъ кивны, мый менам челядь ветлöны збыляс. ⁵ Муса вокöй, вокъяс да локтысяс вöсна тэнад тöждысьöмьд петкöдлö, мый тэ эскана морт. ⁶ Вичко водзын вокъяс висъталисны тэнад муслун йылысь. Бур лоö, тэ кö Енмыслы колана ногөн дасьтан да мöдöдан найöс. ⁷ Найö Кростос ним вöсна петисны туяс, нинöм эз босьтны ентöдтöмъяслысь. ⁸ Миянлы колö сибöдны татшöмъяссö, öд тадзи вöчигөн ми накöд öтвыв кесъялам збыльыслы. ⁹ Ме гижли вичкоас, но сэни асьсö ыджыдö пуктысь Диотреф оз кывзы миянöс.

¹⁰ Та вöсна, кор ме локта, казътышта сылы уджъясыс йылысь: сійö öд паськöдö миян йылысь лёк сёрни. Но тайö этша на, сійö вокъясöс оз сибöд, тшöтш мукöдыслы оз лэдз тайöс вöчны. А сибöдны кöсийсысясöс весиг вöтлö вичкосъыс. ¹¹ Муса вокöй, видзöд бурсö вöчысь вылö, а эн лёксö вöчысь вылö. Бурсö вöчысь – сійö Енсянь, лёксö вöчысь эз аддзыв Енсö. ¹² Димитрий йылысь ставныс бура сёрнитöны. Сы йылысь ачыс збыльыс висъталö, ми тшöтш тадзи висъталам. Тэ öд тöдан: миян висъталöмыс збыль. ¹³ Унатор на эм гижнысö, но чернилаа перöөн öни ог кут тайöс вöчнысö. ¹⁴ Чайта, регыд аддзысьлам тэкöд да воча пуксьöмөн сёрнитам. ¹⁵ Лөнъ олöм тэныд. Чолöм ыстöны ёртъясид. Висътав чолöм миян ёртъяслы быдөнлы торйөн. Аминь.

Иуда

¹ Гижё Иуда, Исус Крестослөн кесйөг, Яковлөн вок. Чолёмала тiанёс, Енмөн корёмаясёс. Ен Бать вежөдiс тiанёс, да Исус Крестос видзё тiанёс. ² Буралём, лөнълун да муслун мед уна пөвстөн содас тiанлы. ³ Мусаяс, ме ёна кёсий гижны тiанлы миян отувья мездмём йылысь, но лыдди коланаён водзджык туйдөдны тiанёс, медым тi вөлинныд дасьёсь дорйыны ассыныд эскөмнытө. Тайё эскөмсö Енмыс сетiс вежа войтырлы отчид да пыр кeжлө. ⁴ Тiан пөвстө наяна суйсисны Ентөг олысьяс. Татшөм йөзыслы важөн нин дасьтөма мыждөмсö. Миян Енлысь буралёмсö найö бергөдөны лэдзчысьём оласногö. Найö соссьоны öти Ен Ыджыдысь да миян Господь Исус Крестосысь. ⁵ Тi, дерт, та йылысь тöданныд нин, но кöсья казтыштны тiанлы: Енмыс мездiс Ассьыс войтырсö Египет муысь, но бöрыннас на пөвстысь бырөдiс эскытөмъясöс. ⁶ Андельясöс, кодъяс эз донъявны Енсянь сетөм Ыджыдалан вынсö да эновтiсны енэжвывса оланiнсö, Енмыс помтөг видзё сап пемыдас чепъясын Ыджыд Мыждан лун кeжлө. ⁷ Тадзи лои тшөтш Содомын, Гомораын да на гөгөр каръясын олысьяскöд. Тайö андельясыс моз найö кырсалисны да сетчисны зывөк оласногö, та вöсна тайö олысьяссö вöли сотөма куслытөм биын. Тайö висьталö миянлы Енлөн мыждөм йылысь. ⁸ Дзик тадзи лоö тайö Ентөг олысьясыскöд. Найö ылөдлөны тiанёс асланыс вөтьясөн, пежалöны ассыныс вир-яйнысö, нинөм туйö пуктöны юралысьясöс да лөкөдöны енэжвывса юралысь-веськөдлысьясöс. ⁹ Кор Михаил архангел вензис омөлькөд Мөйсей шой йылысь, сийö эз лысьт лөкөдны-мыждыны омөльöс. Сöмын шуис: «Господь мед өлөдас тэнö». ¹⁰ Тайö йөзыс лөкөдöны сийö, мый асьныс оз гөгөрвоны, а мый вежөртөм пемöсьяс моз кылöны асланыс вир-яйын, сийö кыскö найöс бырөдөмö. ¹¹ Курыд шог налы! Найö муноны Каин туйөд, горшасьöны сьём ылө, Валаам моз ылалөмаөсь. Корей моз найö паныд муноны, та вöсна Корейöс моз найöс лоö бырөдөма. ¹² Чукөртчиганыд татшөм йөзыс овлөны тiанлы крукөдөн. Кор тi мусапырысь чукөртчанныд

өтвыв сёйны, найö яндысьтөг тшөгөдöны асьнысö да тöждысьöны сöмын ас вöснаныс. Найö – тöвнырөн новлөдлан ватөм кымөръяс, вөтöс вайтөм арся пуяс, вужнас нетшыштöмаяс, кык пөв кулөмаяс. ¹³ Найö – саридзвывса гыяс, кодъяс лөкысь быгзьöны асланыс янөдан уджъясөн. Найö – ылалөм кодзувъяс, кодъяслы век кeжлө дасьтөма сап пемыдсö. ¹⁴ Тайö йөзыс йылысь водзвыв висьтавлiс Енок, Адамсянь сизимөд чужанвужйысь петысь: «Со, локтö Господь Аслас лыдтөм-тшөттөм вежа андельяскöд, ¹⁵ медым мыждыны став йөзсö. Сийö мыждö став Ентөг олысьяссö налөн лөк уджъясысь да янөдö мыж вöчысьясöс, кодъяс шуасисны Ен ылө лөкөдан кывъясөн». ¹⁶ Тайö йөзыс век шуасьöны да элясьöны. Найö кывзысьöны асланыс лөк кöсийöмлысь, паныд муноны Ен Индөдлы да олöны лөк нога. Найö тшапа сёрнитöны да ошкöны мукөдсö, медым асланыс мыйкö курыштны. ¹⁷ Но тi, мусаяс, энö вунөдöй миян Господь Исус Крестослөн апостолъяслысь водзвыв висьталөмсö. ¹⁸ Найö шулисны тiанлы, мый бөръя кадас лөбны сэтшөм йөз, кодъяс быдтор ылын сералöны да олöны асланыс лөк кöсийöмлысь кывзысьöмөн. ¹⁹ Татшөм йөзыс вайöны тiан костö юксьём. Найö олöны вир-яй сертиныс, Енлөн Лолыс на пытшкын абу. ²⁰ Но тi, мусаяс, ёнмөдöй асьнытö вежа эскөмнаныд, кевмысьöй Вежа Лов нуөдөм улын. ²¹ Видзöй асьнытö Ен муслунас. Виччысьöй сийö кадсö, кор миян Господь Исус Крестос Аслас буралөмнас вайөдас миянөс помтөм олөмö. ²² Öтияс дiнö лоий бур сьөлөмаөсь, сюся видзөдөмөн, ²³ а мукөдсö мездöй повзьөдлөмөн, перийöй найöс би пытшсьыс. Янөдöй найöс повзьөдлөмөн, зывөктöй весиг паськөмнысö, кодi пежасьöма налөн вир-яйысь. ²⁴ Енмыс вына видзны тiанёс усьöмысь да вайөдны тiанёс Аслас дзирдлунö нимкодьясысь да сöстөм войтырөн. ²⁵ Ыджыд мывкыда öти Енмыс мездiс миянөс Исус Крестос Господьным пыр. Сылы ошкөм-нимөдөмыс, Сылөн выныс-Ыджыдалөмыс му пуксытөдз, öни да нэмъяс чөж. Аминь.

Восьтöм

1 Тайö гижöдыс – Исус Крестослы Енсянь восьтöм. Енмыс восьтис тайöс, медым петкöдлыны Аслас кесйöгъяслы, мый колö лоны регыдъя кадö. Крестос мөдöдис Ассыс анделсö, медым висътавны тайöс Аслас кесйöглы – Иоанлы. 2 Öнi Иоан аслас висъталöмөн эскöдö Енлысь Кывсö, Исус Крестослысь висъталöмсö да ставсö, мый аддзылис. 3 Шуда сийö, кодi лыддьö да кывзö тайö водзвыв висъталöмыслысь кывъяссö да олö на серти. Öд кадыс матын нин. 4 Иоан чолöмалö асияса сизим вичкoöс: буралöм да лöнь олöм тiянлы Сысянь, Кодi эм, вöли да локтас, тшöтш Сылön пуклöс водзын олысь сизим ловсянь 5 да Исус Крестоссянь. Сийö – эскана Висъталысь, Сийö медводдзаон ловзис кулöмысь да юралö муыввса öксыяс вылын. Сылы ми ёна мусаöсь. Аслас Вирён Сийö мыскалис мянöс мыжъясысь, 6 пуктис мянöс öксыясö да вежа кесъялысьясö Енмыслы, Аслас Батылы. Сылы ошкöмыс, Сылön ыджыдалöмыс нэмъяс чöж! Аминь. 7 – Со, Сийö локтö кымөръяс вылын, Сийöс аддзас быд син. Сийöс аддзасны тшöтш найö, кодъяс бытшкисны Сийöс. Сэки Сы водзын ырзöмөн бөррдзас муыввса быд кыла войтыр. Тайö тадзи! Аминь. 8 «Ме – Альфа и Омега, Панасыс и Помыс», – шуö Господь. Сийö эм, вöли и локтас, Сийö – Ставсöкутысьяс. 9 Ме, Иоан, тiян вокныд, тiянкöд öтвыв нуа сьöкыдсö. Тiянлы моз меным тшöтш вичмö Енлön Юралöмыс да Исус Крестоссянь зумыдлуныс. Ен Кыв вöсна да Исус Крестос йылысь висъталöм вöсна ме вöли Патмос дi вылын. 10 Господьлön лунö ме вöли тырöма Лолөн. Сэки мыш сайсянь ме кыли гора шы, тайö вöли труба шы кодь. Сийö шуис: «Ме – Альфа и Омега, Медводдзаыс и Медбөръяыс. 11 Сийö, мый аддзан, гиж да мөдöд асияса вичкоясö: Ефесö, Смирнаö, Пергамö, Фиатираö, Сардисö, Филадельфияö да Лаодикияö». 12 Ме бергöдчи видзöдлыны мекöд сёрнитысь вылö да аддзи сизим зарни бикок. 13 Сизим бикок пöвстас быттьö Морт Пи сулалис. Сийö вöли кузь паськöма да морöс весьтöдыс вöли вöнясьöма зарни вöньöн. 14 Сылön юрыс да юрсиыс вöлины дзик еджыдöсь, быттьö еджыд вурун, быттьö лым, а синъясыс ыпъялисны би моз. 15 Сылön кокъясыс дзирдалисны пачын донöдöм ыргөн моз, а гөлöс шыыс Сылön вöли бузгысь ва шы

кодь. 16 Вескыд киас Сийö кутис сизим кодзув, а Сылön вомысь петис кыкнанладорсянныс лэчтöм ёсь шыпурт. Сылön чужöмыс дзирдалис ярьюгыд шондi моз. 17 Сийöс аддзöм бöрын ме уси Сы кок улö да вöли кулöм морт кодь. Но Сийö пуктис ме вылö веськыд кисö да шуис: «Эн пов, Ме – Медводдзаыс и Медбөръяыс. 18 Ме ловъя. Ме вöли кулöма, но öнi ловъя нэмъяс чöж. Аминь. Менам кыин адысь да кулöмысь восьтаныс. 19 Сидзкö, гиж, мый аддзылин, мый эм да мый лоö бöрыннас. 20 Тэ аддзылин сизим кодзув, кодъяс вöлины Менам веськыд кыин, да сизим зарни бикок. Налön гусяторйыс татшöм: сизим кодзулыс – тайö сизим вичколөн андельяс, а сизим бикокыс, кодъясöс тэ аддзылин, – тайö сизим вичко».

2 «Ефес вичкоса анделлы тадзи гиж: – Со мый висъталö Сийö, кодi кутö веськыд киас сизим кодзув да ветлöдлö сизим зарни бикок пöвстöд. 2 Ме тöда тэнсьыд уджъястö, мырсьöмтö да зумыдлунтö. Тöда, тэ он терпит лёк йöзöс. Тэ тöдмалiн найöс, кодъяс нимтöны асьнысö апостольясөн, но збыльвылас найö абу апостольяс. Тэ аддзин, мый найö – пөръясысьяс. 3 Тэ уна нуин сьöкыдсö, но сулалан зумыда. Менам ним вöсна тэ ёна уджалiн, но эн лигышмун. 4 Но тэныд паныд кöсья шуны со мый: тэ энöвтiн ассьыд медводдза муслунтö. 5 Сидзкö, мөвпышт, кысянь тэ усин, бергöдчы да вöч ассьыд медводдза уджъястö. Он кö бергöдчы, регыд локта тэ дiнö да вешта тэнсьыд бикоктö места вывсьыс. 6 Но öтитор тэ вöчан бура: тэ мустöмтан николаитъяслысь уджъяссö. Налысь уджъяссö Ме тшöтш мустöмта. 7 Кодлön эм пель, мед кылö, мый Лов висъталö вичкояслы. Вермысьлы Ме сета сёйны вотöс Олöмыслön пуйсь, кодi сулалö Енлön рай шöрын». 8 «Смирна вичкоса анделлы тадзи гиж: – Со мый висъталö тiянлы Медводдзаыс и Медбөръяыс, кодi вöли кулöма, но öнi ловъя. 9 Ме тöда тэнсьыд уджъястö, сьöкыдалöмтö да гöльлунтö, но тэ – озыр! Тöда, кыдзи тэнö лёкöдöны асьнысö юдейөн шуысьяс, но найö абу юдейяс, найö – сötана йöз чукöр. 10 Некутшöм локтана сьöкыдысь эн пов. Öткымынöс тiян пиысь омöлыс йöршитас дзескыдiнö, медым тöдмавны тiянöс. Сэки дас лун чöж тi кутанныд сьöкыдавны. Но тэ помöдзыс ло

эскана, и Ме сета тэныд Олөмыслысь юркытш!
¹¹ Кодлөн эм пель, мед кылө, мый Лов висьталө вичкояслы. Вермысьлы мод кулөмыс нинөм оз вöч». ¹² «Пергам вичкоса анделлы тадзи гиж: – Со мый висьталө тiянлы Сiйö, кодлөн эм кыкнанладорсянныс лэчтöм ёсь шыпурт. ¹³ Ме тöда тэнсьыд уджъястö. Тэ олан сэнi, кöнi сötаналөн юралан пуклöсыс, но тэ зумыда кутчысян Менам нимö. Тэ эн соссьы Меным эскöмысь весиг сэки, кор тiянын, сötана оланiнын, виисны Антипаос – Менсьым эскана висьталысьöс. ¹⁴ Но Менам эм мыйсюрö тэныд паныд: тiян пöвстын эмöсь найö, кодъяс кутчысьöны Валаамлөн велöдöмö. Сiйö велöдiс Валакöс кежöдны Израиль войтырöс ылöгас, медым найö сёйисны идоллы вайöм сёян да кырсалiсны. ¹⁵ Тiян пöвстын эмöсь тшöтш найö, кодъяс кутчысьöны николаитъяслөн велöдöмö. Татшöм велöдöмсö Ме мустöмта. ¹⁶ Бергöдчы таысь! Он кö бергöдчы, регыд локта тэ дiнö да тышкася накöд Менам вомысь петысь шыпуртөн. ¹⁷ Кодлөн эм пель, мед кылө, мый Лов висьталө вичкояслы. Вермысьлы Ме сета сёйны дзёбöм манна, сета сылы еджыд из, код вылын лоö гижöма вермысьлысь виль нимсö. Тайö нимсö кутас тöдны сöмын тайö изсö босьтысьыс». ¹⁸ «Фиатира вичкоса анделлы тадзи гиж: – Со мый висьталө Ен Пи, кодлөн синъясыс ыпъялöны би моз, а кокъясыс дзирдалöны донöдöм ыргөн моз. ¹⁹ Ме тöда тэнсьыд уджъястö, муслунтö, кесъялöмтö, эскöмтö да зумыдлунтö. Тöда, мый воддзаыс дорысь тэ öнi ёнджыка на уджалан. ²⁰ Но Менам эм мыйсюрö тэныд паныд: тэ лэдзан Езавель анылы, асьсö пророкөн шуысьлы, велöдны да кежöдны ылöгас Менсьым кесйöгъясöс. Тайö аныс велöдö найöс кырсапны да сёйны идоллы вайöм сёян. ²¹ Ме сетi сылы кад бергöдчыны кырсалöмсьыс, но сiйö эз бергöдчы. ²² Со, ме топöда сiйöс сьöкыд висьöмөн, а ськöд кырсалысьяслы ме мöдöда уна сьöкыдлун, оз кö найö бергöдчыны асланыс уджъясысь. ²³ Езавельлөн челядьлы Ме мöдöда кулөм. Сэки быд вичко кутас тöдны, мый Ме – сьöлөм пытшкöс да мöвпъяс Тöдысь, Ме быдөнлы мынтыся уджъясныд серти. ²⁴ Тiянлы да фиатираса мукöд олысьяслы, кодъяс эз сетчыны Езавельлөн велöдöмö да эз пырöдчыны сiдз шусяна "сötаналөн гуся велöдöмö", висьтала со мый: ме ог сьöктöд тiянöс мукöд тшöктöмъясөн. ²⁵ Шуа сöмын: видзöй Менам локтöдз сiйö, мый тiян эм нин. ²⁶ Вермысьлы, кодi помöдз вöчас Менам тшöктöм серти, Ме сета вын ыджыдапны быд войтыр вылын. ²⁷ Сiйö кутас видзны найöс корт беддьөн да сёй дозъясöс моз сiйö жуглас найöс торпыригöдз сiйö жö выннас, кутшöм вын Меным сетiс Батьöй.

²⁸ Вермысьлы Ме сета асья кодзув. ²⁹ Кодлөн эм пель, мед кылө, мый Лов висьталө вичкояслы».

3 «Сардис вичкоса анделлы тадзи гиж: – Со мый висьталө Сiйö, кодлөн эм Енлөн сизим лолыс да сизим кодзув. Ме тöда тэнсьыд уджъястö. Тэнö лыддьöны ловъяён, но тэ кулөмыд. ² Садьмöдчы да ёнмöд сiйö, мый тэнад эм, но мый кулан выйын нин. Ме öд аддза, мый тэнад уджъясыд Менам Ен водзын абу тыр-бурöсь. ³ Эн вунöд сiйö, мый кывлiн да сибöдiн. Видз сiйöс сьöлөмад да бергöдчы мыжъясьыд! Он кö садьмöдчы, локта тэ дiнö гусясысь моз тöдлытöг. Тэ весиг он тöдлы, кутшöм кадö локта тэ дiнö. ⁴ Дерт, Сардис карын тэнад эм кымынкö морт, кодъяс видзисны асьыныс паськöмнысö пезасьöмысь. Найö кутасны ветлыны Мекöд еджыд паськöмаöсь, öд найö шогмöны та вылö. ⁵ Вермысь пасьтасяс еджыд паськöмö, и сылысь нимсö ог вушты Олөмыслөн небöгысь. Аслам Бать водзын да Енлөн анделъяс водзын Ме висьтала, мый сiйö – Менам. ⁶ Кодлөн эм пель, мед кылө, мый Лов висьталө вичкояслы».

⁷ «Филадельфия вичкоса анделлы тадзи гиж: – Со мый висьталө Вежаыс да Збыльыс, код ордын Давидлөн восьтаныс. Сiйö восьтö, и некод оз вермы тупкыны. Сiйö тупкö, и некод оз вермы восьтны. Сiйö висьталö: ⁸ "Ме тöда тэнсьыд уджъястö. Со, Ме восьтi тэ водзын öдзöс, и некод оз вермы тупкыны сiйöс. Дерт, тэ жеб, но видзин Менсьым кывъясöс да эн соссьы Менам нимысь. ⁹ Со, Ме сета тэныд сötана йöз чукöрысь найöс, кодъяс шуöны асьнысö юдейясөн, но найö абу юдейяс, а пöръясысьяс. Ме вöча тадзи: найö локтасны да уськöдчасны тэнад кок улö. Сэки тöдмаласны, мый тэ – Меным муса. ¹⁰ Ме тшöктi тэныд зумыда сулапны, и тэ видзин Менсьым тшöктöмöс. Та вöсна видза тэнö локтана сьöкыд кадас. Тайö кадыс лоö став му пасьталаыс, медым тöдмапны муывивса олысьясöс. ¹¹ Регыд Ме локта. Бура видз сiйö, мый тэнад эм, медым некод эз мырдды тэнсьыд юркытштö. ¹² Вермысьöс Ме сувтöда зумыд сюръя пыдди Менам Енлөн крамын, сiйö пыр лоас сэнi. Ме гижа сы вылö Менам Енлысь нимсö, Асьымын виль нимöс да Менам Ен карлысь нимсö. Тайö карыс – виль Ерусалим, кодi лэччас енэжсянныс, Менам Енсянь". ¹³ Кодлөн эм пель, мед кылө, мый Лов висьталө вичкояслы». ¹⁴ «Лаодикия вичкоса анделлы тадзи гиж: – Со мый висьталө Аминь, эскана да збыль Висьталысь, Енлөн став вöчöмторлы Подулыс. ¹⁵ Ме тöда тэнсьыд уджъястö. Тэ абу пöсь ни абу кöдзыд. Вöлiн кö эськö пöсьөн либö кöдзыдөн! ¹⁶ Но тэ абу пöсь ни абу кöдзыд, тэ муртса дэбыд. Та вöсна быликта тэнö Аслам вомысь. ¹⁷ Тэ шуан: "Ме озыр. Ме ёна нин озырми, менам ставыс эм". Но тэ öмöй он гöгöрво, мый тэ –

коньорсыис-коньор, шудтөм, голь, синтөм да пасьтөм. ¹⁸ Ме туйдөда тэнө. Ньоб Менсьым зарни, биын весалөмаос, да озырмы. Ньоб Менсьым еджыд паськөм, медым вермин вевттысыны, медым эз тыдав тэнө янөдан пасьтөм вир-яйыд. Ньоб Менсьым мавтантор да мавт сийон синтө, медым аддзин. ¹⁹ Коді муса Меным, сийос ме янөда-чирышта. Сідзкө, сьөлөмсяньыд зиль бергөдчыны мыжъяссыд! ²⁰ Со, Ме сулала өдзөс дорад да игөдча. Коді кылас Менсьым гөлөс шыос да восьтас Меным, пыра сы ордө да кутам өтвыв сейны. ²¹ Ме лои Вермысьон да пукси Аслам Батькөд орччөн Сылөн пуклөсө. Сідзкө, вермысьос ме тшөтш пуксьода Аскөд орччөн Менам пуклөсө. ²² Кодлөн эм пель, мед кылө, мый Лов висьталө вичкояслы».

4 Сэсса ме видзөдлі енэжас да аддзи сэтысь восьса өдзөс. Сэсянь ме кылі гөлөс шы, сийө вөлі труба шы кодь. Тайө гөлөс шысө ме водзынджык кывлі нин. Сийө шуис меным: «Кыпөдчы татчө! Ме петкөдла тэныд, мый лоө та бөрти». ² Дзик пыр ме тыри Лолөн да аддзи енэжсыс пуклөс да сы вылын Пукалысьос. ³ Сылөн чужөмыс дзирдаліс дона изьяс моз, яшма да сердолик моз. А пуклөс весьтас югьяліс изумруд рөма өшкөмөшка. ⁴ Пуклөс гөгөрыс вөлі нөшта на кызь нель пуклөс. Сэні пукалісны кызь нель пөрысь. Найө вөліны еджыд паськөмаось, а юр выланыс вөліны зарни юркытшъяс. ⁵ Пуклөс дінас чардаліс-гымаліс, да кылісны гора шыяс. Пуклөс водзас өзйис сизим би, тайө Енлөн сизим лолыс. ⁶ Пуклөс водзас вөлі стеклөысь саридз, сийө югьяліс хрусталь моз. Пуклөс водзас да сы гөгөрыс вөлі нель енэжвыв олысь. Водзладорсяньыс да бөрладорсяньыс найө дзоньнас вөлі тырөмаось синъясөн. ⁷ Отиыс на пиысь вөлі лев кодь, мөдыс – өшпи кодь, коймөдыс вөлі быттьө морт чужөма, а нельөдыс вөлі лэбысь кутш кодь. ⁸ Быдөн на пиысь вөлі квайт бордъя, а налөн борд ортсыыс да пытшкөсыс вөлі тырөмаось синъясөн. Лун и вой найө дугдывтөг шуалөны: – Вежа, вежа, вежа Господь Ен, Ставсөкутысь, Коді вөлі, эм и локтас! ⁹ Кор енэжвыв олысьяс ошкөны-нимөдөны да аттьөалөны пуклөс вылын Пукалысьос, Помтөг Олысьос, ¹⁰ сэки кызь нель пөрысьыс уськөдчөны пуклөс вылын Пукалысь водзө да копыртчылөны Помтөг Олысьлы. Ассыныс юркытшсө пуклөс водзө пуктөмөн найө шуалөны: ¹¹ – Господьой! Тэ шогман сибөдны ошкөм-нимөдөмсө да вынсө, өд Тэ вөчин ставсө. Тэнад көсийөм серти вөчөма ставсө, да ставыс олө.

5 Юралан пуклөс вылын Пукалысьлөн веськыд кыысь ме аддзи гартөм гижөд. Сэтчө вөлі гижөма өтарсяньыс и мөдарсяньыс, да пуктөма сы вылө сизим печать. ² Нөшта ме аддзи вына

анделөс, сийө гораа юаліс: «Коді шогмас разьны тайө гартөм гижөдсө да жугөдны печатьяссө?» ³ Но енэжас, му вылас да му пыдөсас некод эз вермы разьны тайө гижөдсө либө видзөдлыны сэтчө. ⁴ Ме ёна бөрді, өд некод эз сюр шогманаыс разьны тайө гижөдсө либө видзөдлыны сэтчө. ⁵ Сэки пөрысьяс пиысь өти шуис меным: «Эн бөрд! Со, Лев, Иуда чужанкотырысь, Давид чужанвужйысь! Сийө – Вермысь, Сийө разяс тайө гижөдсө да жугөдас сизимнан печатьсө». ⁶ Сэсса ме видзөдлі да аддзи Баляос. Сийө сулаліс юралан пуклөс водзын, нель енэжвыв олысь да пөрысьяс шөрын. Балясө вөлі быттьө начкөма. Сылөн вөлі сизим сюр да сизим син. Сизим синмыс – тайө Енлөн сизим лолыс, кодъясөс мөдөдөма став му пасьталаыс. ⁷ Баляыс матыстчис пуклөс вылын Пукалысь дінө да босьтис Сылөн веськыд кыысь гартөм гижөдсө. ⁸ Гижөдсө босьтөм бөрын нель енэжвыв олысьыс да кызь нель пөрысьыс уськөдчисны Баля водзө. Быдөн на пиысь киас кутіс арфа да ладан тыра зарни доз. Ладан тшыныс – тайө вежа войтырлөн кевмысьөмъясыс. ⁹ Найө сьылісны выль сьыланкыс: – Тэ шогман босьтны гартөм гижөдсө да жугөдны печатьсө, өд Тэнө вөлі начкөма. Вирыд вылө Тэ ньөбин миянөс Енмыслы быд чужанвужйысь да чужанкотырысь, быд кыла йөз пытшкысь да войтырысь. ¹⁰ Тэ пуктін миянөс өксыясө да вежа кесьялысьясө миян Енлы. Ми кутам ыджыдавыны му вылас. ¹¹ Ме видзөдлі да кылі уна анделлысь гөлөс шысө. Найө кытшалісны Енлысь пуклөссө, нель енэжвыв олысьос да пөрысьясөс. Анделъяслөн лыдыс вөлі лыдтөм-тшөттөм – сө миллионъясөн. ¹² Найө гораа шуалісны: – Начкөм Баляыс шогмана сибөдны вынсө, озырлунсө, мывкыдлунсө, ёнлунсө, ошкөм-нимөдөмсө да дзирдлунсө! ¹³ Ме кылі, мый став олысьыс енэжас, му вылас, му пыдөсас да саридзас шуалісны: – Юралан пуклөс вылын Пукалысьлы да Балялы ошкөм-нимөдөмыс, дзирдлуныс да ыджыдалөмыс нэмъяс чөж! ¹⁴ Сэки енэжвыв нель олысьыс шуисны: «Амины!» А кызь нель пөрысьыс уськөдчисны да копыртчылісны Помтөг Олысьлы.

6 Ме аддзи: Баля жугөдіс сизим печать пиысь медводдзасө. Сэсса ме кылі гым кодь гора шы: «Лок да видзөд!» Тайөс шуис нель енэжвыв олысь пөвстысь өтиыс. ² Ме видзөдлі да аддзи еджыд вөлөс, а сы вылын верзьөма пукаліс. Сылөн киас вөлі ньөввуж, сылы вөлі сетөма юркытш. Сийө муніс вермысь моз, да бара на вөлі дась вермыны. ³ Кор Баля жугөдіс мөд печатьсө, ме кылі мөд енэжвыв олысьысь шуөмсө: «Лок да видзөд!» ⁴ Сэки петіс мөд вөв, сийө вөлі би гөрд рөма. Сы вылын пукалысьлы вөлі сетөма вын – босьтны му вылысь лөньлунсө, медым йөзыс виалісны өта-мөднысө.

Сылы вöлі сетöма ыджыд шыпурт. ⁵ Кор Баля жугöдiс коймöд печатьсö, ме кылі коймöд енэжвыв олысьлысь шуöмсö: «Лок да видзöд!» Ме видзöдлi да аддзи сьöд вöлöс. Сы вылын пукалысьлөн киас вöлі вески. ⁶ Сэссия нель енэжвыв олысь шöрысь ме кылі кодлыськö гөлöс шысö. Сийö шуис: «Öти хиникс шобдiысь – öти динар. Куим хиникс идйiысь – тшöтш сы мында. Но выйсö да винасö эн тшыкöд!» ⁷ Кор Баля жугöдiс нельöд печатьсö, ме кылі нельöд олысьлысь шуöмсö: «Лок да видзöд!» ⁸ Ме видзöдлi да аддзи быгалöм рöма вöлöс да сы вылын пукалысьöс, кодлөн нимыс – Кулöм. Сы бöрся вöтчис ачыс Адыс. Налы вöлі сетöма ыджыдалан вын мулөн нельöд юкöныс вылын: виавны йöзсö шыпуртөн да тшыгйöдöмөн, кулан висьöмъясөн да зверъяс отсöгөн. ⁹ Кор Баля жугöдiс витöд печатьсö, висьпуктанiн улысь ме аддзи ловъяссö налысь, кодъясöс вöлі виöма Ен Кыв вöсна да Ен йылысь висьталöм вöсна. ¹⁰ Найö гораа горöдiсны: «Вежа да збыль Ыджыдöй! Кор нин Тэ мыждан муыввса олысьясöс да перъян налысь водзöссö миян вир вöсна?» ¹¹ Сэки быдöнлы налы сетiсны еджыд паськöм да тшöктiсны на виччысьыштны, кытчöдз оз тыр на моз виöмаяслөн лыдыс – налөн вокъяслөн да öтвыв уджалысьяслөн лыдыс. ¹² Кор Баля жугöдiс квайтöд печатьсö, ме аддзи: муыс кутiс ёна вöрны, шондiыс пемдiс да лои сьöд дöра кодъ, а тöлысьыс лои вир гöрд рöма. ¹³ Енэжсьыс кодзувъясыс усини му вылö инжир вотöс моз, кор найö гылалöны пу вывсьыс ён төвнырысь. ¹⁴ Енэжыс гартыштчис тубрасö да саялiс, а керöсьяс да дiяс вешйисны асланыс местаысь. ¹⁵ Муыввса öксыяс, юралысьяс, озыръяс, тышкайöзөн веськöдлысьяс, ыджыдалысьяс, кесйöгъяс да мездлуна йöз, – ставныс дзевсисны кырта горсьясö да керöс потасьясö. ¹⁶ Керöсьяслы да кырталы найö шуалiсны: «Усьöй миян вылö да дзевбöй миянöс юралан пуклöс вылын Пукалысьлөн синъясысь да Балялөн скöрлунысь!» ¹⁷ Öд Сылөн ыджыд Скöралан луныс воис нин. Кодi вермас Сылы паныд сувтны?»

7 Та бöрти ме аддзи нель анделöс. Найö сулалiсны мулөн нельнан пельöсас да кутiсны мулысь нельнан төвнырсö, медым тöлыс эз пöлт му вылö, саридз вылö да некутшöм пу вылö. ² Сэссия ме аддзи нöшта öти анделöс. Сийö кыпöдчис асыввывсянь, а киас кутiс ловъя Енлысь пас пуктансö. Сийö гораа шыясис нель андел дiнö, кодъяслы вöлі сетöма вын вöчны лёксö мулы да саридзлы. Андел шуис: ³ «Энö вöчöй лёксö мулы, саридзлы да пуяслы, кытчöдз огö пуктöй плешканыс пас миян Енлөн кесйöгъяслы». ⁴ Сэссия ме кылі пасйöмаяслысь лыдсö. Тайö лыдыс вöлі сё нелямын нель сюрс морт. Найö вöлины Израиль

войтырлөн быд чужанкотырысь: ⁵ Иуда чужанкотырысь – дас кык сюрс морт, Рувим чужанкотырысь – дас кык сюрс, Гад чужанкотырысь – дас кык сюрс, ⁶ Асир чужанкотырысь – дас кык сюрс, Неффалим чужанкотырысь – дас кык сюрс, Манассей чужанкотырысь – дас кык сюрс, ⁷ Симеон чужанкотырысь – дас кык сюрс, Левий чужанкотырысь – дас кык сюрс, Иссакар чужанкотырысь – дас кык сюрс, ⁸ Завулон чужанкотырысь – дас кык сюрс, Öсип чужанкотырысь – дас кык сюрс да Вениамин чужанкотырысь – дас кык сюрс морт. ⁹ Сэссия ме видзöдлi да аддзи: юралан пуклöс водзын да Баля водзын сулалiс лыдтöм-тшöттöм йöз чукöр. Найö вöлины быд чужанвужйiысь да чужанкотырысь, быд кыла йöз пытшкысь да войтырысь. Найö вöлины еджыд паськöмаöсь, а кианыс кутiсны пальма росьяс ¹⁰ да гораа горзiсны: – Мездмöмыс – миян Енсянь – юралан пуклöс вылын Пукалысьсянь да Балясянь! ¹¹ Сэки став анделыс, кодъяс кытшалiсны юралан пуклöссö, пöрысьясöс да нель енэжвыв олысьсö, кымынь уськöдчисны пуклöс водзö да копыртчылисны Енмыслы. ¹² Найö шуалiсны: – Аминь! Дзирдлуныс да мывкылдуныс, выныс да ёнлуныс, ошкöм-нимöдöмыс да аттьöалöмыс миян Енлы нэмъяс чöж! Аминь. ¹³ Сэки пöрысьяс пöвстысь öти юалiс менсьым: «Тайö еджыд паськöмаясыс – найö кодъяс? Кытысь найö локтiсны?» ¹⁴ «Ыджыдöй, тэ ачид тöдан», – вочавидзи ме. Сэки сийö шуис меным: – Тайö йöзыс мунiсны уна сьöкыд пыр. Найö мыськисны асьыныс паськöмсö Баля Вирөн, да налөн паськöмыс лои еджыд. ¹⁵ Та вöсна найö сулалöны Ен пуклöс водзын да лун и вой кесъялöны Енмыслы Сылөн крамын. Пуклöс вылын Пукалысьыс пыр лоö накöд да видзö найöс. ¹⁶ Найö оз нин кутны тшыгъявны, налөн оз косьмы горшыс, найöс оз пöж шондiыс да оз сот гожйыс. ¹⁷ Öд Баляыс, пуклöс водзын Сулалысьыс, кутас видзны найöс, Сийö вайöдас найöс ловъя ва визуванiнö, да Енмыс чышкас налысь став синвасö.

8 Кор Баля жугöдiс сизимöд печатьсö, енэжас час джын мында кежлö лои чöv-лөнъ. ² Ме аддзи Ен водзын сулалысь сизим анделöс, налы вöлі сетöма сизим труба. ³ Сэссия матыстчис нöшта öти андел да сувтiс тшынöдчан пызан водзö. Киас сийö кутiс зарни тшынöдчан доз. Сылы вöлі сетöма уна ладан, медым тшынöдны сийöс став вежа войтырлөн кевмысьöмъяснас зарни тшынöдчан пызан вылын, кодi сулалiс юралан пуклöс водзын. ⁴ Сэки андел кийысь кыптiс Енмыслы вежа войтырлөн кевмысьöмъяснас ладан тшын. ⁵ Сэссия андел босьтiс тшынöдчан доз, пуктiс сэтчö висьпуктанiнысь бисö да шыбитiс сийöс му вылö.

Сэни кылісны гора шыяс, чардаліс-гымаліс, да муыс вöрис. ⁶ Сэки сизимнан анделыс, кодъяслөн вöлі сизим труба, дасътысисны трубитны. ⁷ Кор трубитіс медводдза анделыс, му вылö киссис вир сора биа шер. Сэки сотчис пуяслөн коймöд юкöныс да став веж туруныс. ⁸ Кор трубитіс мöд анделыс, быттьö ыджыд сотчысь керöс уси саридзас, да саридзлөн коймöд юкöныс пöри вирö. ⁹ Сэки саридзын олысьяслөн коймöд юкöныс куліс, да корабляслөн коймöд юкöныс вöйис. ¹⁰ Кор трубитіс коймöд анделыс, енэжсьыс уси ыджыд кодзув, коді ыпъяліс яръюгыд би моз. Сійö уси юяслөн коймöд юкöныс вылö да ва петанінъясö. ¹¹ Тайö кодзулыслөн нимыс Курыд турун. Ваыслөн коймöд юкöныс лои зэв курыд, та вöсна уна йöз кулісны. ¹² Кор трубитіс нельöд анделыс, шондлөн, тöлысьлөн да кодзувъяслөн коймöд юкöныс кусіс, налөн коймöд юкöныс пемдіс. Та вöсна луныслөн да войыслөн коймöд юкöныс вöлі пемыд. ¹³ Сэсса ме аддзи енэж шöрöдыс лэбысь анделöс. Сійö гораа горзіс: «Шог, шог, шог тіянлы, муыввса олысьяслы, мукöд куим анделлөн трубитöмысь, öд найö регыд нин пондасны трубитны!»

9 Кор трубитіс витöд анделыс, ме аддзи: енэжсянь му вылö усис кодзув. Сылы вöлі сетöма пыдöстöминысь восьтансö. ² Кор сійö восьтіс пыдöстöминсö, сэтысь ыджыд пачысь моз пуркнитіс тшын. Тайö тшынсьыс пемдіс шондыс и сынöдыс. ³ Тшын пытшсьыс петіс му вылö саранча чукöр. Налы вöлі сетöма муыввса скорпионъяслөн кодъ вын. ⁴ Налы вöлі шуöма, медым эз вöчны неткутшöм лөктор турунлы, быдмöглы либö пулы, сöмын йöзыслы, кодъяслөн плешкас абу Енлөн пасыс. ⁵ Саранчаяслы вöлі шуöма, медым найö эз виавны йöзöс, сöмын мучитісны найöс вит тöлысь чöж. Налысь мучитöмсö позьö öткодявны скорпионлөн чушкөмкöд. ⁶ Сійö лунъясö йöзыс кутасны корсьны кулöмсö, но оз аддзыны сійöс, көсьясны кувны, но кулöмыс пышъяс наысь. ⁷ Саранчаясыс вöліны тышö петысь вöвъяс кодъöсь. Юр выланыс налөн вöлі зарни юркытш сяма, а чужöмыс налөн вöлі мортлөн кодъ. ⁸ Налөн вöлі аньлөн кодъ юрси, а налөн пиньясыс вöліны левлөн пиньяс кодъöсь. ⁹ На вылын вöлі кышöд, быттьö көртысь дорöма. Налөн бордъясыс швачкисны сэтшöм гораа, быттьö зэв уна телегаа вöв чукöр котöртіс тышö. ¹⁰ Налөн бöжъясыс вöліны скорпионлөн кодъöсь, а бöжъясас вöліны чушканъяс. Налөн вöлі вын вöчны йöзыслы лөксö вит тöлысь чöж. ¹¹ Налөн öксынас вöлі пыдöстöминысь андел. Сылөн нимыс еврей ногөн лоö Авадон, а грек ногөн – Аполион. ¹² Öти шог муніс, сы бöрся нöшта кык шог локтö. ¹³ Кор трубитіс квайтöд анделыс, ме кылі гөлöс шы. Сійö

кыліс зарни висъпуктанінлөн нель сюрсянь. Тайö висъпуктаніныс сулаліс Ен водзын. ¹⁴ Тайö гөлöс шыыс шуис квайтöд анделыслы, кодлөн вöлі труба: «Мезды нельнан анделсö, кодъясöс көрталöма ыджыд Евфрат ю дорö». ¹⁵ Сэки нельнан анделсö вöлі мездöма. Найöс вöлі дасътöма тайö часыс, луныс, тöлысьыс да воыс кежлö, медым вины йöзыслысь коймöд юкөнсö. ¹⁶ Тайö анделъясыслөн вöлі кыксö миллион тышка морт вöвъяснас. Тайö лыдсö ме ачым кывлі. ¹⁷ Тайö вöвъяссö да тышкайöзсö ме аддзылі вемöсөн. Найö вöліны татшöмöсь: верзьöмаяс вылын вöліны би гöрд, пемыдлöз да кольквиж рöма көрт кышöдъяс. Вöвъяслөн юрныс вöлі левъяслөн юр кодъöсь, налөн вомысь петіс би, тшын да сера. ¹⁸ Тайö куим бырöданторсьыс: биысь, тшынысь да сераысь, кодъяс петісны вöвъяслөн вомысь, куліс йöзлөн коймöд юкöныс. ¹⁹ Вöвъяслөн выныс вöлі налөн вомас да бöжас. Налөн бöжъясыс вöліны змей кодъöсь, öд бöжъясыс вöліны юраöсь. Тайö юрнас найö чушкисны. ²⁰ Мукöд йöзыс, кодъяс колины ловйөн тайö бырöданторъяссьыс, эз бергöдчыны асланыс лөк уджъясысь. Найö важ мозыс копрасисны мутияслы да зарниысь, эзысьысь, ыргöнысь, изйысь да пуысь вöчöм идольяслы, кодъяс оз вермыны аддзыны, кывны ни ветлыны. ²¹ Найö эз бергöдчыны морт виöмысь, тшыкöдчöмысь, кырсалöмысь да гусьясьöмысь.

10 Ме аддзи нöшта öти вына анделöс, коді лэччис енэжсяньыс. Сійöс кытшаліс кымöрыс, сы юр весьтын вöлі öшкамöшка. Сылөн чужöмыс вöлі шонді кодъ, а кокъясыс вöліны биа сюръяяс кодъöсь. ² Киас сійö кутіс неыджыд восьса гижöд. Веськыд кокнас сійö сувтіс саридз вылö, а шуйганас – му вылö, ³ сэсса горöдіс ыджыд шыөн, быттьö лев равöстіс. Сылөн горöдöм бöрын сизим гым кутісны гораа сёрнитны. ⁴ Сизим гым сёрнитöм бöрын ме көсйи гижны налысь сёрнисö, но енэжсяньыс ме кылі гөлöс шы. Сійö шуис меным: «Сизим гымлысь сёрнисö эн гиж, дзеб сійöс». ⁵ Сэки андел, кодöс ме аддзылі саридз да му вылын öтпырйö сулалысьөн, лэптіс веськыд кисö енэжланьыс ⁶ да көсйысис Помтöг Олысьён, коді вöчис енэжсö да сэні олысьясöс, мусö да сы вылын олысьясöс, саридзсö да сы пытшкын олысьясöс. Сійö сетіс кыв: «Кадыс оз нин ло. ⁷ Но сійö лунö, кор кылас сизимöд анделлөн трубитöм шыыс, сэки збыльмас Енлөн гуся мöвпыштöмыс, мый йылысь Енмыс водзвыв висъталіс пророкъяслы – Аслас кесйöгъяслы». ⁸ Сэсса енэжсяньыс бара кыліс гөлöс шы, кодöс ме кывлі нин. Сійö шуис меным: «Мун андел дінö, коді сулалö саридз да му вылын, да босьт сылөн кыысь восьса гижöдсö». ⁹ Ме матыстчи андел дінö да кори сылысь гижöдсö. Сійö шуис меным: «Босьт да сөй

тайö гижöдсö. Сійö лоö юмов ма кодъ вом пытшкад, но гырк пытшкад лоö курыд». ¹⁰ Андел кийсы ме босытi гижöдсö да сёйи. Менам вомын сійö вöли юмов ма кодъ. Но бöрыннас менам гырк пытшкöй ёна курдiс сыысь. ¹¹ Сэсся андел шуис меным: «Тэныд бара на ковмас водзвыв висътавлыны, мый лоö уна войтыркöд да чужанкотыркöд, уна йöзкöд да öксыяскöд».

11 Меным сетiсны кузь мурталан бедъ да шуисны: «Мун да муртав Енлысь крамсö, висъпуктанiнсö да лыдды крамас юрбитысьяслысь лыдсö. ² Крамлысь ортсы йöрсö эн муртав, сійöс оз ков муртавны, öд сійöс сетöма ентöдтöмъяслы. Найö кутасны талаявны вежа карсö нелямын кык тöлысь чöж. ³ Ме мöдöда Ассым кык висъталысьöс. Чорыд дукöсö пасътасьöмön найö кутасны пророкавны сюрс кыксё квайтымын лун чöж». ⁴ Тайö висъталысьясыс – кык выя пу да кык бикок, кодъяс сулалöны став мунас веськöдлысь Ен водзын. ⁵ Кодкö кöсъяс кö налы лёк вöчны, на вомысь петас би да нылыштас налы паныд мунысьясöс. Тадзи быдöнöс, налы лёк вöчысьясöс, лоö бырöдöма. ⁶ Налön эм вын тупкыны енежсö, медым налön висътавлiгön эз ээр. Налön эм вын пöртны васö вирö да тшыкöдны мусö быдпöлöс бырöданторнас, кор сöмын кöсъясны. ⁷ Кор найö дугдасны висътавлыны, сэки пыдöстöминысь петас звер да кутас тышкасьны накöд. Зверыс вермас найöс да виас. ⁸ Налön шойясыс кутасны куйлыны ыджыд карлön туй вылас. Тайö карсö позьö öткодявны Содомкöд да Египеткöд, öд тайö карас вöли тувъялöма налысь Господьöс. ⁹ Быд кыла йöз пытшкысь да войтырысь, быд чужанвужйысь да чужанкотырысь унаön кутасны видзöдны налön шойяс вылö куим лун да джын, но оз лэдзны гуавны найöс. ¹⁰ Муыввса йöзыс кутасны нимкодясьны да гажöдчыны, весиг козыналасны öта-мöдныслы козинъяс, öд тайö кык висъталысьыс ёна мучитiсны найöс. ¹¹ Но куим лун да джын мысти Енмыс пöльыштiс тайö кык висъталысьыс пытшкö олöмыслысь ловсö, да найö чеччисны. Сэки на вылö видзöдысьяс ёна повзисны. ¹² Висъталысьяс кылисны енежсянныс гора шы. Сійö шуис налы: «Кыпöдчöй татчö!» Сэки найö кыпöдчисны енежас кымöр вылын, а налы паныд мунысьяс видзöдiсны на вылö. ¹³ Дзик пыр муыс кутiс ёна вöрны, да карыслön дасöд юкöныс киссис. Му вöригас кулис сизим сюрс морт, а мукöдыс ёна повзисны да ошкисны енежвывса Енмöс. ¹⁴ Мöд шогыс помасис, но матысмö нин коймöд шог. ¹⁵ Сизимöд анделыс трубитiс, и енежас кылисны гора шыяс. Найö шуалисны: – Став муюгыдыс лои миян Господьлön да Сылön Мавтыштöмалön юраланiнön. Сійö кутас юравны нэмъяс чöж! ¹⁶ Сэки кызь нель пöрысьыс,

кодъяс пукалисны Ен водзын юралан пуклöсьяс вылын, кымынь уськöдчöмön копыртчылисны Енмыслы. ¹⁷ Найö шуалисны: – Господьöй Енмöй, Ставсöкутысьöй! Ми аттьöалам Тэнö. Тэ эм, вöлин и лоан! Тэ босытiн ыджыдалан вынсö Аслад киö, кутiн веськöдлыны ставнас. ¹⁸ Ентöдтöмъяс ёна скöралисны, но öни воис Тэнад скöрлуныд. Воис кад мыждыны кулöмаясöс да сетны тырдон Тэнад кесйöгъяслы – пророкъяслы да вежа войтырлы, да Тэнад нимысь полысьяслы – ичöтъяслы и гырысьяслы. Воис кад бырöдны найöс, кодъяс тшыкöдiсны мусö. ¹⁹ Енежас воссис Енлön крамыс, и сэтысь тыдовтчис Йитöдлön куд. Сэки кутiс чардавны-гымавны, кылисны гора шыяс, муыс кутiс вöрны, да киссис гырысь шер.

12 Сэсся енежсьыс ме аддзи ыджыд индысьпас. Ань вöли гартыштчöма шондiön. Сылön кок улас вöли тöлысь, а юр вылас – дас кык кодзулысь юркытш. ² Сійö вöли кынöма, да ёна горзiс чужтан дойсьыс. ³ Сэсся енежас лои мöд индысьпас. Ме аддзи би гöрд рöма ыджыд гундырöс. Сійö вöли сизим юра да дас сюра, а быд юр вылын вöли юркытш. ⁴ Бöжнас сійö чышкыштiс енежсьыс кодзувъяслысь коймöд юкөнсö да шыбитiс найöс му вылö. Сэсся гундыр сувтiс чужтысь анылы воча, медым чужтöм бöрас сёйны сылысь пузчужöм кагасö. ⁵ Ань чужтiс пиöс, тайö кагаыс кутас веськöдлыны көрт беддьöн став йöзнас. Анылысь кагасö вöли кыпöдöма Ен дiнö, Сылön юралан пуклöс дiнö. ⁶ Ачыс аныс пышйис овтöминö. Сэни Енмыс дасьтöма вöли оланiн, медым вердны тайö аньсö сюрс кыксё квайтымын лун чöж. ⁷ Сэсся енежас пансис тыш. Михаил аслас андельяскöд тышкасис гундырлы паныд, а гундыр аслас андельяскöд – налы паныд. ⁸ Но гундырöс вöли вермöма, и сылы да сылön андельяслы эз ло местаыс енежас. ⁹ Ыджыд гундырöс, важ змейöс, вöли шыбитöма му вылö. Сылön нимыс – омöль да сötана. Сійö ылöдлö муюгыдас став олысьсö. Сыкöд тшöтш вöли шыбитöма му вылас сылысь андельяссö. ¹⁰ Сэки ме кыли енежсянь гора шы: – Öни воис мездмöмыс, выныс, миян Енлön юралöмыс да Сылön Мавтыштöмалön ыджыдалöмыс. Öд енежсьыс шыбитöма мыждысьöс. Лун и вой сійö мыждiс вокъяснымöс миян Ен водзын. ¹¹ Миян вокъяс вермисны мыждысьöс Балялön Вирön да збыльсö висъталöмön. Найö дасьöсь вöли сетны ассыныс олöмнысö да эз повны кулöмысь. ¹² Сидзкö, енежыс да став сэни олысьыс, нимкодясьöй! Но курыд шог тiянлы, му вылын да саридзын олысьяслы, öд тiян дiнö лэччис омöльыс! Сійö тырöма ыджыд скöрлунön, öд сійö тöдö, мый сылön кадыс этша нин. ¹³ Кор гундыр аддзис, мый сійöс шыбитöма му

вылө, сійö кутіс вөтлысьны пи чужтысь ань бөрся. ¹⁴ Аньлы вөлі сетөма ыджыд кутшлысь кык борд, медым сійö лэбзис змейысь овтөминö, сылы дасьтөминö. Сэні кутасны вердны сійöс кум во да джын. ¹⁵ Аньöс вөтөдигөн змей быликтіс аслас вомысь ю мында ва, медым кылөдны аньöс, ¹⁶ но муыс отсаліс аньлы. Муыс воссис да ньылыштіс гундыр вомысь петөм юсö. ¹⁷ Гундыр ёна скөрмис ань вылө да муніс тышкасьны сылөн мукөд челядькөд, кодъяс олөны Ен тшөктөм серти да кутчысьöны Исус Кростослөн висьталөмö.

13 Сэсся ме сувті саридз дорö да аддзи саридзысь петөм зверөс. Сійö вөлі сизим юра да дас сюра. Быд сюрин вөлі öти юркытш, а юръясас вөлі гижалөма Енмөс лөкөдана нимъяс. ² Зверыс, кодöс ме аддзылі, вөлі леопард кодъ. Сылөн кокъясыс вөліны ошлөн кодъöсь, а вомыс – левлөн кодъ. Гундыр сетіс сылы ассъыс вынйөрсö, юралан пуклөссö да ыджыдалан вынсö. ³ Ме аддзи: зверлөн öти юрыс вөлі кувмөн доймөма, но тайö кулан дойыс бурдіс. Став муыввса йөзыс таысь ёна шензисны да вөтчисны звер бөрся. Найö копыртчылісны гундырлы, коді сетіс зверлы ыджыдалан вынсö. ⁴ Сэсся найö копыртчылісны зверлы да шуалісны: – Кодöс позьö öткодьявны тайö зверыскөд? Коді вермас тышкасьны ськөд? ⁵ Зверлы вөлі сетөма позянлун тшапа сёрнитны да омөльтны Енмөс лөкөдана кывъясөн. Сылы вөлі сетөма вын вөчны тадзи нелямын кык төлысь чөж. ⁶ Сійö паськөдіс вомсö да кутіс лөкөдны Енмөс, Сылысь нимсö, оланінсö да енэжвыв олысьясöс. ⁷ Сылы вөлі сетөма вын тышкасьны вежа войтыркөд да вермыны найöс. Сылөн вөлі вын ыджыдавны быдпөлөс чужанвуж да чужанкотыр вылын, быд кыла йөз да быд войтыр вылын. ⁸ Сылы копыртчыласны муыввса став йөзыс, кодъяслысь нимсö му пуксьөмяньыс абу гижөма начкөм Балялөн небөгö – Олөмыслөн небөгö. ⁹ Кодлөн эм пель, мед кылө тайö кывъяссö: ¹⁰ Коді мөд мортсö дзескыдінö пуксьөдас, ачыс сэтчö веськалас. Коді шыпуртөн виас, ачыс шыпуртсаян кулас. Татшөм кадас вежа войтырлы колö зумыдлун да эскөм. ¹¹ Сэсся ме аддзи мөд зверөс, коді петіс му пытшкысь. Сылөн вөлі балялөн кодъ кык сюр, но сёрнитіс сійö гундыр моз. ¹² Сійö ставсö вөчö воддза зверыслөн син водзын, сылөн ыджыдалан выннас. Став мусö да сэні олысьясöс сійö тшөктö копрасыны воддза зверыслы, кодлөн бурдіс кулан дойыс. ¹³ Сійö вөчö ыджыд шензьөданаторъяс: йөз син водзын сійö енэжсяньыс уськөдö би му вылө. ¹⁴ Став шензьөданаторсö сійö вөчö воддза зверыслөн син водзын. Тайö шензьөданаторьяснас сійö ылөдлө муыввса йөзсö. Сійö тшөктö йөзыслы вөчны воддза зверыслысь серпассö. Тайö зверсö

вөлі дойдөма шыпуртөн, но сійö ловзис. ¹⁵ Мөд зверыслы вөлі сетөма вын: ловзьөдны воддза зверыслысь серпассö, медым тайö серпасыс сёрнитіс да тшөктіс виавны быдөнөс, коді оз копыртчыв тайö серпасыслы. ¹⁶ Сійö тшөктö быдөнлы – ичөтлы и гырысьлы, озырлы и гөльлы, мездлуна мортлы и кесйөглы – пуктыны пас налөн веськыд киас либө плешкас. ¹⁷ Сэки некод оз вермы ньöбны ни вузавны, оз кө ло сылөн тайö пасыс: зверлөн нимыс либө сы нимлөн лыдпасыс. ¹⁸ Тані колö мывкыдлун. Кодлөн эм вежөр, сійö мед гөгөрвоö звер нимлысь лыдпассö, öд тайö мортлөн лыдпасыс. Тайö лыдпасыс – квайтсё квайтымын квайт.

14 Сэсся ме видзөдлі да аддзи: Сион керөс вылын сулалісны Баля да Ськөд орччөн сё нелямын нель сюрс морт. Налөн плешканыс вөлі гижөма Сылөн Бательысь нимсö. ² Ме кылі енэжсяньыс шы. Сійö вөлі уна валөн бузгысь шы кодъ да чорыд гым шы кодъ. Сійö юргис, быттьö арфаөн ворсісны. ³ Тайö йөзыс сьылісны выль сьыланкыв юралан пуклөс водзын, нель енэжвыв олысь да пөрысьяс водзын. Тайö сьыланкывсö некод эз куж сьывнысö. Сійöс сьылісны сөмын сё нелямын нель сюрс морт, кодъясöс ньөбөма му вывсьыс. ⁴ Тайö йөзыс эз пежавны асьнысö аньяскөд узьломөн, найö сөстөмөсь. Найö мунөны Баля бөрся быдлаө, кытчö Сійö мунö. Найöс ньөбөма муыввса йөз пөвстысь, найö – медводдза вайөмтор Енмыслы да Балялы. ⁵ Налөн вомысь некор эз петлыны пөръясян кывъяс, Ен пуклөс водзын найö мыжтөмөсь. ⁶ Сэсся ме аддзи нөшта öти анделөс, коді лэбис енэж шөрөдыс. Сылөн вөлі помасьлытөм Евангелльö, медым висьтавлыны сійöс муыввса олысьяслы: быд чужанвужлы да чужанкотырлы, быд кыла йөзлы да войтырлы. ⁷ Сійö гораа шуаліс: «Полөй Енсьыс да ошкөй Сійöс! Öд воис Сылөн Мыждан луныс. Копыртчылөй Сылы, коді вөчис енэжсö да мусö, саридзсö да ва петанінъяссö!» ⁸ Воддза анделыс бөрся лэбис мөд андел да горзіс: «Киссис, киссис Вавилон, ыджыд кар, öд сылөн кырсалөм понда став йөзыслы ковмис юны Ен скөрлуна вина». ⁹ Кык андел бөрся лэбис нөшта öти андел. Сійö гораа шуаліс: «Коді копыртчылас зверлы да сылөн серпаслы да сетас пуктыны зверлысь пассö плешкас либө ки вылас, ¹⁰ сійö кутас юны Ен скөрлуна вина, соравтөм вина, кодöс сулөдөма Ен скөрлуна чашаын. Сійö кутас мучитчыны биын да сотчысь сераын вежа андельяс водзын да Баля водзын. ¹¹ Найöс мучитан билөн тшыныс кутас кыпөдчыны нэмъяс чөж. Найö, кодъяс копыртчыласны зверлы да сылөн серпаслы да сетасны пасйыны асьнысö сылөн нимөн, оз кутны төдны шойччөгсö лунын ни

войын. ¹² Сідзкө, вежа войтырлы – Ен тшөктөм серти олысьяслы да Исуслы эскысьяслы – колө лоны зумыдөн». ¹³ Сэсса ме кылі енэжсянь гөлөс шы. Сійө шуис меным: «Гиж тайос: "Шудаось найө, кодъяс өнісянь куласны Господьлы эскөмөн. Тайө тадзи, – шуө Лов. Найө кутасны шойччыны асланыс сьөкыд уджъясысь, өд налөн уджъясыс мунёны на бөрся"». ¹⁴ Ме видзөдлі да аддзи еджыд кымөр, а сы вылын кодкө Морт Пи кодъ пукаліс. Сылөн юр вылас вөлі зарни юркытш, а киас – лэчыд чарла. ¹⁵ Сэсса крамсьыс петіс өти андел да гораа горөдіс кымөр вылын Пукалысьлы: «Босьт ассъид чарлатө да вунды, өд вундан кадыс воис нин. Му вылын кодзасыс воома». ¹⁶ Кымөр вылын Пукалысь шыбитіс ассъыс чарласө му вылө, и кодзасыс лои вундөма. ¹⁷ Енэжвыв крамысь петіс мөд андел, сылөн тшөтш вөлі лэчыд чарла. ¹⁸ Сэсса висьпуктанінсянь петіс нөшта өти андел, сылөн вөлі вын би вылын. Сійө гораа горөдіс лэчыд чарлаа анделлы: «Босьт лэчыд чарлатө да вунды му вылысь виноград розъяссө, өд сылөн вотөсыс кисьмөма нин». ¹⁹ Андел шыбитіс ассъыс чарласө му вылө да вундіс му вылысь виноград розъяссө. Сійө шыбитіс найөс ыджыд гуө, Ен скөрлуна пычкан гуө. ²⁰ Виноград вотөссө вөлі талялөма кар ортсыас, пычкан гуын. Сэтысь вирыс петіс ортсө да визувтис сюрс квайтсө стадий ылнаөдз, а джуджтаыс сылөн вөлі вөв домөдз.

15 Сэсса енэжсьыс ме нөшта на аддзи шензьөдана да ыджыд индысьпас. Ме аддзи сизим анделөс, кодъяслөн вөлі бөръя сизим бырөданторйыс. Тайө бырөданторъяснас помасис Енлөн скөрлуныс. ² Ме аддзи саридз, сійө вөлі стеклө кодъ да пөртмасис биөн. Стеклө саридз дорас сулалісны найө, кодъяс тышкасисны зверкөд, сылөн серпасыскөд да сы нимлөн лыдпасыскөд да петісны вермысьясөн. Найө кутісны кианыс Енлысь арфаяссө ³ да сьылісны Ен кесйөг Мөйсейлысь да Балялысь сьыланкывсө: – Господьөй Енмөй, Ставсөкутысьөй! Тэнад уджъясыд ыджыдөсь да шензьөданаөсь, Тэнад туйясыд веськыдөсь да збыльөсь! Тэ – Оксыыс вежа войтырлы! ⁴ Господьөй, сюрас-ө сэтшөм морт, коді оз повзъы Тэысь да оз ошкы Тэнсьыд нимтө? Од Тэ өтнадөн – вежаыс! Быд войтырысь локтасны да копыртчыласны Тэныд, өд воссис Тэнад веськыда мыждөмыд! ⁵ Сэсса ме видзөдлі да аддзи: енэжас воссис крам – Енлөн скинияыс. ⁶ Крамысь петісны сизим андел, кодъяслөн вөлі сизим бырөданторйыс. Найө вөлі пасьтасьөмаөсь сөстөм да лым еджыд шабді паськөмө, а морөс весьтөдыс вөлі вөнясьөмабсь зарни вөнён. ⁷ Нель енэжвыв олысь пөвстысь өтиыс сетіс сизим анделлы сизим зарни чаша. Тайө чашаяссө вөлі тыртөма Помтөг

Олысь Енлөн скөрлунон. ⁸ Енлөн дзирдлунысь да Сылөн вынысь крамыс тырис тшынон. Крамас некод эз вермы пырнысө, кытчөдз эз помась сизим анделлөн сизим бырөданторйөн удж вөчөмыс.

16 Сэсса крамсьыс ме кылі гора гөлөс шы. Сійө шуис сизим анделлы: «Мунөй да кисьтөй Ен скөрлуна сизим чашасө му вылө». ² Медводдза анделыс петіс да кисьтіс ассъыс чашасө му вылө. Сэки найө, кодъяс новлөдлісны зверлысь пассө да копрасисны сылөн серпаслы, вевттьысисны чорыд орзьөм дойясөн. ³ Мөд анделыс кисьтіс ассъыс чашасө саридзө. Сэки саридзыс лои кулөм мортлөн вирыс кодъ, да саридзын став олысьыс куліс. ⁴ Коймөд анделыс кисьтіс ассъыс чашасө юясө да ва петанінъясө, и ваыс пөри вирө. ⁵ Сэсса ме кылі ваяслөн анделлысь шуөмсө: – Господьөй, Тэ вөлін и эм, Тэ веськыд да вежа, Тэ өд веськыда мыждан! ⁶ Йөзыс кисьтісны вежа войтырлысь да пророкъяслысь вирсө, та вөсна Тэ юктөдан найөс вирөн. Тэ мынтысян налы уджъясныс серти! ⁷ Ме кылі висьпуктанінсянь мөд гөлөс шы. Сійө шуис: – Господьөй Енмөй, Ставсөкутысьөй, Тэнад мыждөмыд збыль да веськыд! ⁸ Нельөд анделыс кисьтіс ассъыс чашасө шонді вылө, и шондіыслы вөлі сетөма вын сотны йөзсө биөн. ⁹ Ёна пөжөмысла йөзыс сотчисны да лөкөдісны Енлысь нимсө, өд Сійө веськөдліс тайө бырөданторъяснас. Но йөзыс эз бергөдчыны Енлань да эз ошкыны Сійөс. ¹⁰ Витөд анделыс кисьтіс ассъыс чашасө зверлөн юралан пуклөс вылө, и зверлөн юраланінын лои пемыд. Чорыд дойясысь йөзыс курччалісны ассъыныс кывсө ¹¹ да лөкөдісны енэжвыв Енмөс тайө дойясысь да мучитчөмсьыс, но асланыс лөк уджъясысь эз бергөдчыны. ¹² Квайтөд анделыс кисьтіс ассъыс чашасө ыджыд Евфрат юө, и ваыс сэтысь косьмис. Тадзи вөлі дасьтөма туйсө асыввывсянь локтысь өксыяслы. ¹³ Сэсса ме аддзи: гундыр вомысь, звер вомысь да ылөгпророк вомысь петісны куим пөж лов, найө вөліны жаба кодьөсь. ¹⁴ Тайө – мутияслөн ловъясыс, кодъяс вөчисны шензьөданаторъяс. Найө мунісны муывса став өксыыс дінө, медым чукөртны найөс Ставсөкутысь Енлөн ыджыд лунся тыш вылө. ¹⁵ «Со, Ме локта гусясысь моз. Шуда сійө, коді оз узь да видзө ассъыс паськөмсө, медым эз коль пасьтөг да некод эз янөд сійөс». ¹⁶ Пөж ловъяс чукөртісны муывса өксыясөс өти местаө. Тайө местаыс шусьө еврей ногөн Армагеддон. ¹⁷ Сизимөд анделыс кисьтіс ассъыс чашасө сынөдас. Сэки енэжвыв крамысь, юралан пуклөс дінысь, кыліс гора гөлөс шы: «Ставсө вөчөма!» ¹⁸ Сэсса кутіс чардавны-гымавны, кылісны гора шыяс, да муыс кутіс ёна вөрны. Олөм пуксьөмсяныс та ыджда му вөрөмыс некор на эз вөвлы! ¹⁹ Сэки Вавилон, ыджыд кар,

киссис куим пельö, и мукöд войтырлөн каръясыс тшöтш киссисны. Енмыс ставсö кутис тöд вылас тайö ыджыд карыс йылысь да сетис сылы юны вина чашасö, кодi вöли тырöма Сылөн скöрлунöн. ²⁰ Став дiыс вошис, а керöсьяс бырисны. ²¹ Йöзыс вылö енэжсянь киссис зэв гырысь, комын кило сьöкта шер. Йöзыс лёкöдисны Енсö тайö шерсьыс, öд тайö бырöданторйыс вайис налы уна сьöкыдлун.

17 Ме динö матыстчис андел. Сийö вöли на пöвстысь, кодъяслөн вöли сизим чаша. Сийö шуис меным: «Лок татчö, ме петкöдла тэныд, кутшöм мыждöм виччысьö уна вадорын пукалысь аньöс, кодi ёна кырсалiс. ² Мувывса öксыяс кырсалiсны ськöд, а муыввса олысьяс винаысь моз коддзисны сылөн кырсалöмысь». ³ Сэссия ме вöли тырöма Лолөн, и андел вайöдис менö овтöминö. Сэтысь ме аддзи аньöс, кодi пукалiс чим гöрд рöма звер вылын. Сылөн вöли сизим юр да дас сюр. Тайö зверсö вöли дзоньнас гижалöма Енмöс лёкöдана кывъясөн. ⁴ Аньыс вöли пасьтасьöма пурпур рöма да чим гöрд рöма паськöмö. Сы вылын югъялисны зарниысь, дона изъясысь да жемчугысь мичмöданторъяс. Киас сийö кутис зарни доз, кодi вöли тырöма сылөн кырсалöмысь зывöкнас да пежнас. ⁵ Плешкас сылөн вöли гижöма гуся вежöртаса ним: «Ыджыд Вавилон – муыввса став зывöкыслөн да кырсалысьяслөн мам». ⁶ Ме аддзи: аньыс вöли коддзöма вежа войтырлөн да Исус йылысь висьталысьяслөн вир юöмысь. Сийöс аддзöм бöрын ме ёна шензи. ⁷ Андел шуис меным: «Мый тэ шензян? Ме висьтала тэныд гусятор тайö аньыс йылысь да сийöс новлöдлысь зверыс йылысь, кодлөн эм сизим юр да дас сюр. ⁸ Зверыс, кодöс тэ аддзылин, коркö вöли, но öни абу. Сийö петас пыдöстöминысь, но сийöс лоö бырöдöма. Сэки муыввса олысьяс, кодъяслысь нимсö му пуксьöмсянныс абу гижöма Олöмыслөн небöгö, зверсö аддзигөн кутасны шензъыны. Öд сийö вöли, но öни абу, и бара лоас. ⁹ Танi колö гөгöрвоöмлун да мывкыдлун. Сизим юрыс – тайö сизим мыльк, кодъяс вылын пукалö аньыс. ¹⁰ Сизим юрыс индöны сизим öксы вылö: витыс на пиысь кулисны нин, öтиыс веськöдлö, а бөръяыс эз на лок. Кор сийö локтас, оз кут дыр веськöдлыны. ¹¹ Зверыс, кодi вöли, но öни абу, – кökъямысöд öксы, сийö тшöтш тайö сизим öксыыс пöвстысь, сийöс лоö бырöдöма. ¹² Дас сюрис, кодöс тэ аддзылин, – тайö дас öксы. Налы абу на сетöма ыджыдалан вынсö, но зверыскöд тшöтш налы лоö сетöма ыджыдалан вынсö сöмын недыр кад кежлö. ¹³ Налөн ставныслөн öти мог, та вöсна став ассьыныс вынйöрсö да ыджыдалан вынсö найö сетасны зверыслы. ¹⁴ Найö кутасны тышкасьны Балякöд, но Баля вермас найöс. Öд Сийö – ыджыдъяслөн

Ыджыдыс да öксыяслөн Öксыыс. Ськöд тшöтш лоöны Сылөн корöмаясыс, бөрйöмаясыс да эскана йöз». ¹⁵ Сэссия андел шуис меным: «Ваыс, кодöс тэ аддзылин да кöни пукалö кырсалысь аньыс, – тайö муыввса йöз да быдпöлöс войтыр, быд чужанкотыр да быд кыла йöз. ¹⁶ Зверыслөн дас сюрис, кодъясöс тэ аддзылин, мустöмтасны кырсалысь аньöс. Найö мырддясны сылысь ставсö да пöрччöдасны сы вылысь став паськöмсö, сёясны сылысь вир-яйсö да сотасны би пытшкын. ¹⁷ Öд Енмыс пуктiс налөн сьöлöмö, мед вöчны Сылөн кöсийöм серти да öти кывийö воöмөн сетны зверыслы ассьыныс ыджыдалан вынсö сэтчöдз, кытчöдз оз инны Енлөн кывъясыс. ¹⁸ Аньыс, кодöс тэ аддзылин, – тайö ыджыд кар, сийö ыджыдалö муыввса став öксыяс вылын».

18 Сэссия ме аддзи: енэжсянь лэччис нöшта öти андел. Сылөн вöли ыджыд вын, и муыс ставнас югдiс сылөн дзирдлунысь. ² Андел зэв гораа горöдiс: – Киссис, киссис ыджыд Вавилон! Сийö лоис оланiнөн мутияслы да быдпöлöс пеж лолыслы, лоис позйөн быдпöлöс пеж да зывöк лэбачыслы. Аслас кырсалöм вöсна сийö юктöдiс став йöзсö Ен скöрлуна винаөн. ³ Мувыввса öксыяс кырсалiсны ськöд, а вузасысьяс озырмисны сылөн лышкыдлунысь. ⁴ Сэссия ме кыли енэжысь мöд гöлöс шы. Сийö шуис: – Войтырöй Менам, петöй тайö карсьыс, медым энö öтувтчöй сылөн мыж вöчöмас, медым сийöс моз эз су тiянöс бырöданторйыс. ⁵ Öд сылөн мыжъясыс кыптiсны енэжöдзыс. Енмыс кутö тöд вылас став сылысь лёк вöчöмсö. ⁶ Мынтысьöй сылы сийөн жö, мыйөн мынтысис тiянлы. Мынтысьöй сылөн уджъясысь кык пöв унджык на. Сылөн чашаö, кытысь сийö юкталiс тiянöс, дасьтöй сылы винасö кык пöв курыдджыкöс на. ⁷ Мöдöдöй сылы шогсö да мучитчöмсö сы мында, мыйта сийö курыштiс аслыс озырлунсö да ошкöмсö. Öд сийö ошйысьö ас йывсьыс: «Ме пукала юралан пуклöс вылын öксы-ань моз. Ме абу дöва, ме некор ог тöдлы шогсö!» ⁸ Та вöсна, став бырöданторйыс: кулöмыс, шогыс да тшыгъялöмыс суас сийöс öти лунö. Сийöс сотасны биын, öд Господь Ен, сийöс Мыждысьыс, – вына! ⁹ Кор муыввса öксыяс аддзасны сылысь сотчöмсö да тшынсö, кутасны сыркъялöмөн бöрдны сы вöсна. Öд найö кырсалiсны да лышкыда гажöдчисны ськöд. ¹⁰ Найö повзясны сылөн мучитчöмысь да ылыстчасны сыысь и кутасны шуавны: – Шог, шог тэныд Вавилон, ыджыд да вына кар! Öти здукөн суис тэнö мыждöмыс! ¹¹ Став му пасьтала вузасысьяс кутасны бöрдны да шогсыны сы понда, öд налысь вузöссö некод оз кут босьтны. ¹² Оз босьтны налысь зарнисö, эзысьсö, дона изъяс да жемчугъяс, шабдi да шöвк дöраяс, пурпур да чим гöрд рöма дöраяс.

Оз босьтны налысь чöскыд дука пуяс, слөн лыысь, дона пуысь, ыргöнысь, кöртысь да мраморысь вöчöмторъяс. ¹³ Некод оз босьт налысь корица, ладан, чöскыд дука вый да миро, вина да вый, пызь да шобдi, ыжъясöс, мöсьясöс да вöвъясöс, телегаяс, кесйöгъясöс да мукöд йöзсö. ¹⁴ – Став тэнад сьölöм бурмöданторйыд быри, став тэнад озырлуныд да мичлуныд воши, тайö тэнад некор нин оз ло.

¹⁵ Найö, кодъяс вузасисны тайöн ставнас да озырмисны сы помысь, ёна повзясны Вавилон карлөн мучитчöмысь да ылыстчасны сыысь. Найö кутасны бöрдны да шогсьыны: ¹⁶ – Шог, шог тэныд, ыджыд кар! Тэ вöли пасьтасьöмыд шабдi дöраö, пурпур да чим гöрд рöма паськöмö. Тэнö вöли мичмöдöма зарниён, дона изъясөн да жемчугөн!

¹⁷ Но став тайö озырлуныс öти здукөн быри! Сэки саридз вылын кывтысьяс, корабльöн веськöдлысьяс, налы отсасьысьяс да вузасьысьяс – ставныс ылыстчисны тайö карсьыс. ¹⁸ Найö видзöдисны сотчысь карлөн тшыныс вылö да горзисны: «Позяс öмöй öткодъявны тайö ыджыд карсö кутшöмкö мöд каркöд?» ¹⁹ Найö коялисны юрсö пöимён, бöрдисны да шогсисны: – Шог, шог тэныд, ыджыд кар! Аслад озырлунон тэ озырмöдiн ставнысö, саридз вылын кывтысьясöс. Öти здукөн тэ воштiн ставсö! ²⁰ – Нимкодьясь, енэжыс!

Нимкодьясьöй, вежа апостольяс да пророкъяс! Енмыс мыждiс тайö карсö тiянлы лёк вöчöмысь.

²¹ Сэсся вына андел босьтiс изки кодъ ыджыд из да шыбитiс сiйöс саридзас. Сiйö шуис: – Дзик тадзи лоö шыбитöма Вавилонöс, ыджыд карöс, сiйö вошас пыр кезлö! ²² Тэнад туй вылын некор оз кут кывны сьылöм шы, пöлян да труба шы, некод оз кут ворсны арфаён. Некор оз кут уджавны танi киподтуя морт, некор оз кут кывны танi изки шы.

²³ Некор оз кут öзйыны танi би, некор оз кут кывны верöспулөн да гöтырпулөн гөлöс шыныс! Тэнад вузасьысьяс ыджыдалисны тайö му вылас. Аслад тшыкöдчöмөн тэ кыскин став йöзсö ылөгас. ²⁴ Тайö карас вöли кисьтöма вирсö пророкъяслысь, вежа войтырлысь, да став йöзыслысь, кодъясöс вöли виöма му вылас.

19 Та бöрти ме кыли енэжсьыс гора шы, быттьö ыджыд йöз чукöр ызгiс-сёрнитiс. Найö шуалисны: – Аллилуйя! Мездмöмыс, дзирдлуныс, нималöмыс да выныс – мян Господьлөн. ² Сылөн мыждöмыс збыль да веськыд. Енмыс мыждiс ыджыд карöс, кырсалысь аньöс, öд сiйö пежалiс ставнас мусö аслас пеж оласногөн. Енмыс перйис водзöссö тайö аныслысь Аслас кесйöгъяслөн вирысь. ³ Сэки бара шуалисны: – Аллилуйя! Сылөн тшыныс кутас кыпöдчыны нэмъяс чöж! ⁴ Та бöрти кызъ нель пöрысьыс да нельнан енэжвыв олысьыс кымынь уськöдчöмөн копыртчылисны юралан

пуклöс вылын пукалысь Енлы да шуисны: – Аминь! Аллилуйя! ⁵ Сэсся Ен пуклöссянь кылис гөлöс шы: – Ошкöй мян Енмöс ставныд: Сылөн кесйöгъяс да Сыысь полысьяс, ичöтъяс и гырысьяс! ⁶ Сэсся ме кыли шы, быттьö ыджыд йöз чукöр ызгiс-сёрнитiс, быттьö уна шор бузгис-визувтiс, быттьö чорыда гымалис. Найö шуалисны: – Аллилуйя! Господь, Ставсöкутысь Ен, öни лоис Юралысьён! ⁷ Кутам нимкодьясьны да гажöдчыны, кутам ошкыны Енмöс!

Öд Баля öни гöтрасьö, Сылөн гöтырпуыс дась нин: ⁸ сiйö пасьтасьöма сöстöм да югьялан шабдi паськöмö. Шабдi паськöмыс – тайö вежа войтырлөн веськыд уджъясыс. ⁹ Сэсся андел шуис меным: «Гиж: "Шудаöсь найö, кодъясöс корöма Балялөн кöлысь вылö!"» Сэсся содтiс: «Тайö Енлөн збыль кывъясыс».

¹⁰ Ме уськöдчи андел кок дорö, медым копыртчывыны сылы, но сiйö шуис меным: «Эн вöч тайöс! Öд ме кесъяла Енмыслы, кызди тэ да тэнад вокъясыд, кодъяс висьтавлöны Исус йылысь. Енмыслы копыртчы! Öд Исус йылысь висьталысьяс сёрнитöны пророкалан Ловсянь».

¹¹ Енэжыс воссис менам син водзын, и сэтысь ме аддзи еджыд вөлöс да сы вылын Пукалысьöс. Сылөн нимыс Эскана да Збыль, Сiйö тышкасьö да мыждö веськыда. ¹² Сылөн синъясыс ыпъялисны биён, а юр вылас вöли уна юркытш. Пукалысь вылö вöли гижöма Сылысь нимсö, и тайö нимсö Сыысь кындзи некод эз тöд. ¹³ Сы вылын вöли вирöсь паськöм, и нимыс Сылөн – Ен Кыв. ¹⁴ Сы бöрся еджыд вöвъяс вылын мунисны енэжвывса тышка котыръяс, найö вöли пасьтасьöмаöсь еджыд да сöстöм шабдi паськöмö. ¹⁵ Вöв вылын Пукалысьлөн вомысь петiс ёсь шыпурт, медым сiйөн бытшкыны муывса йöзöс. Сiйö кутас веськöдлыны наён кöрт беддьён да пычкас Ставсöкутысь Енлысь скöрлуна винасö пычкан гуын. ¹⁶ Сылөн паськöмас да лядьвейас гижöма ним: "Öксыяслөн Öксы, ыджыдъяслөн ыджыд". ¹⁷ Сэсся ме аддзи шондi вылын сулалысь анделöс. Сiйö гораа горöдис став лэбачыслы, кодъяс лэбисны енэж шöрöдыс: «Локтöй-чукöртчöй Енлөн ыджыд гаж вылö! ¹⁸ Тi кутанныд сёйны шойяссö öксыяслысь, тышкайöзөн веськöдлысьяслысь, юралысьяслысь, вöвъяслысь, верзьöмаяслысь да став йöзыслысь: мездлуна йöзлысь и кесйöгъяслысь, ичöтлысь и гырысьлысь».

¹⁹ Сэсся ме аддзи зверöс, муывса öксыясöс да налысь тышка котыръяссö. Найö вöли чукöртчöмаöсь, медым тышкасьны вöв вылын Пукалыськöд да Сылөн тышка котырыскöд. ²⁰ Зверöс да ылөгпророкöс вöли кутöма. ылөгпророкыс вöчлiс шензьöданаторъяс звер нимсянь. Тадзи сiйö ылöдлiс найöс, кодъяс сетiсны пуктыны аслыныс зверлысь пассö, и найöс, кодъяс копрасисны сылөн серпаслы. Зверöс да

ылӧгпророкӧс – кыкнаннысӧ ловйӧн вӧлі шыбитӧма биӧн да сераӧн сотчысь тыӧ, ²¹ а мукӧдсӧ вӧлі виӧма шыпуртӧн. Тайӧ шыпуртыс петіс вӧв вылын Пукалысьлӧн вомысь. И став лэбачыс сэсса пӧткӧдчисны виӧмаяслӧн шойясӧн.

20 Ме аддзи анделӧс, коді лэччис енэжсянь. Киас сійӧ кутіс пыдӧстӧминысь восьтансӧ да ыджыд чеп. ² Сійӧ тшапнитіс гундырӧс, важ змейӧс, да дорис сійӧс сюрс во кежлӧ. Тайӧ гундырыс – омӧль да сӧтана. ³ Андел шыбитіс сійӧс пыдӧстӧминӧ да йигналіс сэтчӧ. А петанінас пуктіс печать, медым гундыр эз пет да эз ылӧдлы йӧзсӧ, кытчӧдз оз помась сюрс воыс. Та бӧрти сійӧс лоӧ лэдзӧма дженьыд кад кежлӧ. ⁴ Сэсса ме аддзи юралан пуклӧсьяс. Сэні пукалысьяслы вӧлі сетӧма мыждан вын. Ме аддзи ловъяссӧ налысь, кодъяслысь юрсӧ керыштісны Иусу йылысь висьталӧм вӧсна да Ен Кыв вӧсна. Найӧ эз копыртчывын зверлы да сылӧн серпаслы, эз сетны пуктыны зверлысь пассӧ плешканыс да кианыс. Найӧ ловзисны да юралісны Крестоскӧд сюрс во чӧж. ⁵ А мукӧд кулӧмаясыс эз ловзыны, кытчӧдз эз помась сюрс воыс. Тайӧ – кулӧмаясӧс медводдза ловзьӧдӧм. ⁶ Шудаӧсь да вежаӧсь найӧ, кодъяс ловзясны медводдза ловзьӧдігӧн. Мӧд кулӧмыслӧн выныс оз нин ло на вылын. Найӧ лоӧны Енлӧн да Крестослӧн вежа кесъялысьясӧн, найӧ кутасны ыджыдавын Крестоскӧд сюрс во чӧж. ⁷ Сюрс во помасьӧм бӧрын сӧтанаӧс лоӧ лэдзӧма аслас пыдӧстӧминысь. Сійӧ мунас мулӧн нельнан пельӧсас ылӧдлыны йӧзӧс, Гог да Магог войтырӧс, да чукӧртны найӧс тыш вылӧ. Налӧн лыдыс лоӧ саридздорса лыа мында. ⁸ Найӧ паськӧдчасны став му пасьтала да кытшаласны вежа войтырлысь оланінсӧ да Енлысь муса карсӧ. ⁹ Но енэжсянныс, Енсянь, усяс би да бырӧдас найӧс. ¹⁰ Сэки омӧльӧс, коді ылӧдліс найӧс, лоӧ шыбитӧма биӧн да сераӧн сотчысь тыӧ. Сэтчӧ вӧлі шыбитӧма тшӧтш зверӧс да ылӧгпророкӧс. Найӧ кутасны мучитчыны лун и вой, нэмъяс чӧж. ¹¹ Сэсса ме аддзи ыджыд да еджыд юралан пуклӧс да сы вылын Пукалысьӧс. Енэжыс да муыс пышйисны Сылӧн син водзысь, налы некытчӧ вӧлі дзесынысӧ. ¹² Ме аддзи кулӧмаясӧс: гырысьясӧс да ичӧтъясӧс, найӧ сулалісны Ен водзын. Сэні вӧліны восьса небӧгъяс. Сэсса восьтісны нӧшта ӧти небӧг – Олӧмыслысь небӧг. Кулӧмаясӧс мыждісны налӧн уджъясныс серти, мый вӧлі гижӧма небӧгъясас. ¹³ Сэки саридзыс, кулӧмыс да адыс сетісны ассъыныс кулӧмаяссӧ, и быдӧнӧс найӧс вӧлі мыждӧма уджъясныс серти. ¹⁴ Кулӧмсӧ да адсӧ вӧлі шыбитӧма биа тыӧ. Тайӧ мӧд кулӧм. ¹⁵ Быдӧнӧс, кодлысь нимсӧ эз вӧв гижӧма Олӧмыслӧн небӧгӧ, вӧлі шыбитӧма биа тыӧ.

21 Сэсса ме аддзи выль енэж да выль му. Медводдза енэжыс да муыс бырины, и саридзыс эз нин вӧв. ² Ме, Иоан, аддзи вежа кар – выль Ерусалим. Сійӧ лэччис енэжсянныс, Енсянь. Сійӧс вӧлі мичмӧдӧма, быттӧ гӧтырпуӧс верӧспуыслы. ³ Ме кылі енэжсянь гора шы. Сійӧ шуис: – Со, муыввса йӧз пӧвстын Енлӧн оланін! Енмыс кутас овны накӧд, найӧ лоӧны Сылӧн войтырӧн. Ачыс Енмыс лоас накӧд, да лоӧ налӧн Енмӧн, ⁴ Сійӧ чышкас налысь став синвасӧ. Кулӧмыс оз нин ло, оз ло шогсьӧм, бӧрдӧм ни висьӧм, ӧд важыс кольӧма. ⁵ Юралан пуклӧс вылын Пукалысь шуис: «Видзӧд, Ме ставсӧ вӧча выльӧс!» Сэсса содтіс: «Гиж тайӧс, ӧд тайӧ кывъясыс веськыдӧсь да збыльӧсь». ⁶ Сійӧ шуис меным: «Ставсӧ вӧчӧма! Ме – Альфа и Омега, Панасыс и Помыс. Кодлӧн косьмӧ горшыс, сійӧс дон босьттӧг юктӧда ваӧн, коді петӧ ловъя ва визувтанінысь. ⁷ Вермысьлы Ме сета тайӧс ставсӧ. Ме лоа сылы Енмӧн, а сійӧ – Меным пийӧн. ⁸ Полысьясӧс, эскытӧмъясӧс, зывӧк оласногаясӧс, морт виысьясӧс, кырсалысьясӧс, тшыкӧдчысьясӧс, идоллы юрбитысьясӧс да став ылӧдчысьсӧ лоӧ шыбитӧма биӧн да сераӧн сотчысь тыӧ. Тайӧ мӧд кулӧм». ⁹ Ме дінӧ матыстчис андел. Сійӧ вӧлі сизим андел пӧвстысь, кодъяслӧн вӧлі сизим чаша сизим бӧръя бырӧданторнас. Андел шуис меным: «Лок татчӧ, ме петкӧдла тэныд Балялысь гӧтырпуӧс, коді лоас Сылы гӧтырӧн!» ¹⁰ Ме вӧлі тырӧма Лолӧн, и андел вайӧдіс менӧ ыджыд да джуджыд керӧс вылӧ да петкӧдліс меным ыджыд кар – вежа Ерусалим, коді лэччис енэжсянныс, Енсянь. ¹¹ Сійӧ югъяліс Ен дзирдлунӧн да дзирдаліс дона из моз, югъялысь яшма моз. ¹² Карсӧ кытшаліс кыз да джуджыд стен. Сэні вӧлі дас кык дзиръя, на дорын сулалісны дас кык андел. Дзиръяяс вылас вӧлі гижӧма израильса дас кык чужанкотырлысь нимъяссӧ. ¹³ Куим дзиръяыс видзӧдісны асыввылӧ, куимыс – войвылӧ, куимыс – лунвылӧ да куимыс – рытиввылӧ. ¹⁴ Карыслӧн стеныс подуласис дас кык из вылӧ, а изъяс вылас вӧлі гижӧма Балялӧн дас кык апостоллысь нимъяссӧ. ¹⁵ Мекӧд сёрнитысь анделлӧн вӧлі зарни бедь, медым муртавын карсӧ, сылысь дзиръяясӧс да стенсӧ. ¹⁶ Карыс вӧлі нель пельӧса, сылӧн кузьтаыс да пасьтаыс вӧлі ӧткодь. Андел мурталіс карсӧ бедьнас, и карлӧн кузьтаыс лои дас кык сюрс стадий. А карыслӧн судта-пасьтаыс вӧлі ӧткодь карыслӧн кузьтакӧд. ¹⁷ Сэсса андел мурталіс карлысь стенсӧ, кызди муыввса йӧз мурталӧны, да стенлӧн джуджтаыс лои сӧ нелямын нель гыррдза. ¹⁸ Карлысь стенсӧ вӧлі вӧчӧма яшмаысь, а асьсӧ карсӧ – сӧстӧм зарниысь, сійӧ югъяліс стеклӧ моз. ¹⁹ Стеныслысь подув изъяссӧ вӧлі мичмӧдӧма быдпӧлӧс дона изъясӧн.

Медводдза подув изйыс вöли яшмаысь, мöдыс – сапфирысь, коймöдыс – халцедонысь, нельöдыс – изумрудысь, ²⁰ витöдыс – сардониксысь, квайтöдыс – сердоликысь, сизимöдыс – хризолитысь, көкъямысöдыс – бериллысь, öкмысöдыс – топазысь, дасöдыс – хризопразысь, дас öтиöдыс – гиацинтысь, дас кыкöдыс – аметистысь. ²¹ Дас кыкнан дзиръясö вöли вöчöма дас кык жемчугысь, быд дзиръя – öти жемчугысь. Карыслөн паськыд туйыс вöли сöстөм зарниысь, сийö югъялис стеклö моз. ²² Крамсö тайö карсыс ме эг аддзыв, öд крамыс сэнi – Ставсöкутысь Господь Ен да Баля. ²³ Карыслы оз ков шондi ни тöлысь югзьöдöм вылö, öд Енлөн дзирдлуныс югзьöдö сийöс, а Баля – сылөн биыс. ²⁴ Быд кыла войтырысь мездмöмаяс кутасны овны сылөн югыдас. Муывивса öксыяс ваясны тайö карас ассыныс ошйысянторсö да нимöданторсö. ²⁵ Карыслөн дзиръясыс лоöны пыр восьсаöсь, öд войыс сэнi оз ло. ²⁶ Сэтчö быд войтырысь лоö вайöма ошйысянторсö да нимöданторсö. ²⁷ Нинöм пежыс оз пыр тайö карас, некутшöм пöръясысь да зывöксö вöчысь оз пыр сэтчö! Сэтчö пырасны сöмын найö, кодъяслысь нимсö гижöма Балялөн небöгö – Олöмыслөн небöгö.

22 Сэсса андел петкöдлис меным ю, сэнi визувтiс сöстөм ловъя ва. Сийö вöли хрусталь кодь югыд. Ваыс петiс Енлөн да Балялөн юралан пуклössянь. ² Карлөн паськыд туй шöрас, ю öтар-мöдар бокас, быдмис Олöмыслөн пу, кодi вайö вотössö быд тöлысь, вонас – дас кыкысь. Сылөн коръясыс бурдöдöны йöзöс. ³ Нинöм ёрöмаыс оз ло тайö карас. Сэнi лоö Енлөн да Балялөн юралан пуклössыс, и Сылөн кесйöгъясыс кутасны кесъявны Сылы. ⁴ Найö аддзасны Енлысь чужöмбансö, да Сылысь нимсö гижасны налөн плешканыс. ⁵ Войыс сэнi оз ло. Налы оз нин ков бисянь либö шондiсянь югыдыс, öд налөн югзьöдысьнас лоас Господь Ен. Найö кутасны ыджыдавын нэмъяс чöж. ⁶ Андел шуис меным: «Тайö кывъясыс веськыдöсь да збыльöсь. Вежа пророкъяслөн Господь Ен мöдöдiс Ассыс анделсö, медым петкöдлыны Аслас кесйöгъяслы, мый колö лоны регыдъя кадö». ⁷ «Со,

Ме регыд локта! Шуда сийö, кодi олö тайö небöгас водзвыв висьталöмыс серти!» ⁸ Ме, Иоан, ставсö тайöс кывли да аддзыли. А кывлöм да аддзылöм бöрас ме уськöдчи муас, медым копыртчывын анделлы, кодi петкöдлис меным ставсö тайöс. ⁹ Но андел шуис меным: «Эн вöч тайöс, öд ме кесъяла Енмыслы тэ моз да тэнад вокъясыд – пророкъяс моз, да на моз, кодъяс олöны тайö небöгас гижöм серти. Енмыслы копыртчывы!» ¹⁰ Сэсса содтiс: «Эн тупкы печатьөн тайö небöгас водзвыв висьталöмасö, öд кадыс матын нин». ¹¹ Лёксö вöчысь мед водзö вöчас лёксö, пеж оласнога мед водзö на вöчас пежсö, веськыда олысь мед водзö вöчас веськыда, а вежа морт мед водзö на вежаммас. ¹² «Со, Ме регыд локта да вая Аскöд удждон, медым быдөнлы мынтысьны сылөн уджъясыс серти. ¹³ Ме – Альфа и Омега, Панасыс и Помыс, Медводдзаыс и Медбöръяыс». ¹⁴ Шудаöсь найö, кодъяс олöны Енлөн тшöктöм серти, öд Енмыс сетас налы пöткöдчыны Олöмыслөн пуысь да пырны тайö карас дзиръяöдыс. ¹⁵ А понъяс, тшыкöдчысьяс, кырсалысьяс, мортвиысьяс, идоллы юрбитысьяс, ылöгсö радейтысьяс да пöръясысьяс колясны кар ортсыас. ¹⁶ «Ме, Исус, мöдöдi Ассым анделöс висьтавын тайöс тiяны вичкоясын. Ме – Давид чужанвужйысь да чужанкотырысь, Ме – асья югыд кодзулыс». ¹⁷ Лов да гöтырпу шуöны: «Лок!» Тайöс кылысь мед тшöтш шуö: «Лок!» Кодлөн косьмö горшыс, мед локтö! Кодi көсийö юны, мед босьтö ловъя васö дон мынтытöг. ¹⁸ Ме эскöда быдөнöс, кодi кылö тайö небöгсыс водзвыв висьталöмасö: кодi содтас мыйкö тайö кывъясыс дiнö, Енмыс мöдöдас сылы бырöданторъяс, мый йылысь гижöма тайö небöгас. ¹⁹ Кодi чинтас мыйкö тайö небöгас водзвыв висьталöмсыс, Енмыс босьтас сылысь пайсö Олöмыслөн небöгысь, вежа карысь да сыысь, мый йылысь гижöма тайö небöгас. ²⁰ Тайö кывъяссö Висьталысьыс шуö: «Ме регыд локта, тайö тадзи!» Аминь. Лок, Господьöй Исусöй! ²¹ Миян Господь Исус Кристослөн буралöмыс ставныдкöд тiянкöд! Аминь.